


Adams 203.3



643



Digitized by the Internet Archive
in 2009

<http://www.archive.org/details/lesmmoiresdeph00comm>



7-7

B₂ — 34

LES
Iesuita Homines Sanguinolenti.

LEWIS - W. Fran. ~~Proctor & Pugh~~ 2

1. *formosa* 2. *Ch.*
 3. *Bo.*

7-28-1910 (1910) 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 8

1990

Chlorophyll

708

3. de la 1^a y 2^a

5. 10. 1931. 1931. 1931.

LEWES II

et. d.

roy

charles &

roy.

~~for II~~

D. of Silchester
LEWES: 12.

I

LES
MEMOIRES

DE
PHILIPPE DE
COMMINES CHE-

ualier seigneur d'Argenton.

SVR LES PRINCIPALX FAICTS
& gestes de Loys XI. & Charles VIII. son
fils, Roys de France.

Deux Epistres de Iean Sleidan, avec la vie de l'Autheur.

Et vn ample Indice des choses plus remarquables.

Le tout reueu & corrigé sur l'edition de
DENIS SAVVAGE.



A PARIS,

Chez la vesue I E A N D V C A R R O Y, demeurant rue
de Rheims pres le College.

M. DC. XVI.

inferez en certains endroits quelques esclarcifsemens sur les mots ou passages qui l'ont semblé requerir, & selon ce que l'on en a peu remarquer par les autres historiens traittās de la mesme matiere. La veue dōc & lecture en peuuent faire foy suffisamment: il reste que le tout soit prins & reconnu selon la sincerité que l'on s'est proposé d'y tesmoiner, autant que la condition de l'homme (de laquelle est & sera tousiours en ce monde inseparable la defectuosité) l'a peu permettre.

Quant à l'Auth eur, à sçauoir le sieur de Commines, ce qui s'est peu recueillir de la vie d'celuy assez fidelement, comme il est à presumer, par ce grand personnage Iean Sleidan, suffira pour le present pour le contentement des lecteurs, comme il trouuera aussi inseré en l'edition presente expressement. Car quant à ce que aucuns attribuent à Commines, qu'il a tenu l'extremité de complaire au roi son maistre, en lieu que Iean le Maire a tenu l'autre extremité, d'auoir grandement denigré le susdit roy: ce n'est icy le lieu à traiter ce poinct: entendu qu'il y a tousiours de l'homme en tous: & neantmoins la sincerité & probité de Commines le garentit assez, en comparaison des autres historiens, & d'alors & depuis encores par le tesmoignage de tous. Mais quant au suiet du corps de l'histoire, dōt les six premiers liures traittent des faicts & gestes de Loys II. Roi de France, & les deux suivans, à sçauoir les 7. & 8. traittent du voyage & conqueste de Naples par le Roy Charles 8. fils de Loys, encores que le propre texte de l'Auth eur cōue assez de foy mesme à s'y prédre, pour y profiter plus qu'il ne se peut bonnemēt exprimer, si ne sera-il mal prins, avec

vostre bon support, d'en retracer, quelque chose comme en sommaire, pour rendre mesmes la lecture de cest excellent ouure, s'il se peut dire, tât plus recōmandable. Pour cest effect dont se faut proposer en premier lieu, les susmētionnez principaux tenās en la lice de ceste histoire, à sçauoir Loys pere: puis Charles fils, comme ayans chacun la principale part à de grands remuemēs aduenus à leur occasion en leur temps: mais avec vne diuersité n'ayāt rapport quelconque en sorte que ce soit. Le pere estant deuenu roy en vn aage passant desia celuy auquel le fils est mort: le pere n'ayāt remué que le sien, ou l'environ: le fils estant allé remuer toute l'Italie. Le pere ayāt arresté en fin son estat en quelque sorte: le fils aiāt laissé la semence des voyages d'Italie malencontreux, qui ont duré pl^e de soixāte ans en la personne de trois de ses successeurs. Le pere ayant prins de soi tout conseil en ses affaires: & ainsi que biē que mal, ayāt heurté à l'escueil de son sēs propre seulement: le fils au contraire ayant esté mené & manié par le sens d'autrui: & à peu pres fait naufrage de sa personne, & de son estat en pays estrange, par la menee & temerité de certains qui le possederent trop indignement. Ainsi en somme, Dieu a voulu monstrier comme il prend les peres pour rusés qu'ils cuident d'estre, par eux mesmes & leur donne des enfans, qui monstrent la vengeance de Dieu sur la presumption des peres, par vne confusion & subuersion, cōme à leur escient de tout ce que les peres auoient pensé laisser si bien estably. Et quand là dessus nous estendrons aucunement nostre consideration sur les autres grans personnages, entrans en lice par ces histoi-

res avec lesdits Rois, nous ne scauriōs assez nous esmerueiller comment la prouidence de Dieu (laquelle aussi le bon Commynes ne se peut contenter de prescher & recommander comme elle le merite) a tellement entremeslé tant de personages à certaines occasions les vns parmy les autres, comme chacun d'iceux a pretendu à ses fins & intētions particulieres, sous pretexte de quelque sagesse, ou tiltre de droit, ou valeur de sa personne, ou deuoir de sa charge, ou de voisines, ou d'alliāce, ou d'hōneur, ou de son assēurāce particuliere, ou de son auancement en seruice, & le tout neantmoins, afin proprement de se preualloir du dommage ou rabbaissement, ou foule & diminution de son prochain, en quoy se descouure vn naturel de l'homme plein d'iniustice & de toute desloiauté: voire bien souuent en ceux qui sont ordonnez pour reprimer tels excez & concussions es autres qui sont sous eux. Et là dessus nous adiouterons, ce qui est bien aussi le principal, à scauoir comme la main de Dieu s'est donnée à cognoistre comme visiblement, soit es entreprinſes & remuemens & pratiques des vns à l'endroit des autres, soit en l'issuë & fin laquelle à seruy de definitiue sentence sur les vns apres les autres: entant que chacun aiant cherché le mal de sa partie, l'a attiré tost ou tard sur soy-mesmes: & au milieu de tant de iugemens du ciel, nul n'en auoit sceu faire son profit, pour rendre gloire à Dieu, & se desgager de l'importunité, malice & iniquité du monde, mais estre allé tousiours de mal en en pis. Tous ces poincts donc aucunemēt considerez, comme ceste admirable histoire les peint & graue à tous propos, alors deuons-nous

nous trouuer confus en nostre sensiblus que iamais, quand nous voyoñs tant de grāds & de sages selon leur temps, estre ainsi troublés & gehénés en leur vie, en leur conscience: eux se rendans tant qu'en eux a esté, commissaires & executeurs de la iustice de Dieu dès ce mode mesme, les vns à l'encontre des autres. Et comme la chose parle d'elle mesme. Qui peut assez comprendre le travail de sēs & d'esprit, auquel s'est & mis & nourry, & comme perdu en fin Loys tout le premier, ayant autrement vn si bon & vis sens naturel, & vne suffisance telle que Commynes l'a bien sceu remarquer, quand il a commencé quasi l'entree de son estat par toutes occasions de contenter sō naturel aux despens de son estat mesmes: n'ayant cessé de remuer, comme aussi pour le reſtablissement d'iceluy puis apres il n'a rien esparné, & en somme n'a porté que malheur apparemment premierement à autrui: puis à soy-mesme.

Charles de France.

Charles son frere, au contraire, s'estant laissé embarquer au premier trouble de l'estat contre le Roy son seigneur & frere, ne s'en estant iamais sceu resoudre, mais estant demeuré le suiet & amusement reciproque des premiers autheurs du trouble tant qu'il a vescu: & ayant tost quitté la place avec vne issue en l'estat de son corps (comme quelques vns ont estimé) descourant de la violence & maudite pratique contre la vie d'iceluy.

CHARLES Duc de Bourgogne, Prince en son esgard de si grande valeur, & si haut en toutes qualitez honorables, si son cœur ne l'eust rendu comme vn Phaëton des Poëtes, qui ne se peut arrester à sa condition, iusques à ce qu'il se perde

par soy-mesme.

*Edouard
Roy d'An-
glet.*

Edouard Roy d'Angleterre, ayant passé par des changemens si extraordinaires, pour en remarquer les causes en son train voluptueux ; & ne cherchant rien que le monde, s'est trouué propre à embrouïller son voisin le Roy de France, sans occasion particuliere: sinon pour pratiquer pour soy, s'il eust peu par le moien de celui qui le mettoit en besongne: dont en fin ne s'est ensuiuy que tout le rebours de ce qu'il s'en estoit laissé promettre à vn trop fin marchand pour lui.

*François
Duc de B.*

François Duc de Bretagne, le moins mauvais de la troupe, à ce que les histoires en donnent à estimer en comparaison, a aussi lui seul acheué sa carriere avec quelque repos & contentement en sa personne & en son Estat, aiant esté aguetté par son voisin en tant de sortes, que c'est merueilles qu'il l'ait laissé suruiure à soy avec son Estat, comme le lui donnant gagné sur soy à la fin de ses iours.

*Louis de
Luxemb.*

Loys de Luxembourg, Comte de S. Paul, estât auancé par le Roi de France au premier degré de la cheualerie & des armes; a si mal adiuaté le ressort de son grand sens avec celui du Roy son maistre, qu'en fin il s'est dressé l'eschafaut sur lequel il a pleu à Dieu le faire produire pour le tesmoignage de sa iustice en ce monde, contre ceux qui entortillēt leurs voyes, & ne cheminēt franchement en leur vocation: suiuant aussi le dire, touchant iceluy de S. Paul, d'un depuis nommé le President de la Vaquerie, il ne fait rien estre chicaut.

*Jean de
Bourb.*

Jean de Bourbon, Euesque du Liege, aiant esté cause & sujet de l'esmotion de ceux du Liege

cōtre lui, pour n'auoir ni aage, ni suffisance correspondante à vne telle charge: dont lesdits Liegeois estans surpris a diuerses fois de leur naturel sans arrest ni fermeté quelconque, ont auācé leur dernier malheur en fin contre eux-mesmes: icelui aussi n'ayant euité la main de Dieu, quand il a esté honteusement tué & ietté en l'eau par vn de la Marche, dit le Sanglier d'Ardaïne, & lequel il auoit lui-mesme porté & auancé pour vn temps, à sa propre ruine.

Adolf, fils d'Arnoul Duc de Gueldres, vn autre Abfalon contre ledit Arnoul son pere, n'ayant trouué en ce monde personne capable d'en faire iustice, se va rendre prisonnier sans y penser (s'estant cuidé desguiser, au passage d'une riuere) puis en fin estant mis en œuvre pour repousser quelques troupes de François, y est attrappé, & mis à mort, pour ne prolonger plus longuement ses iours sur la terre, dont il portoit la sentence d'en deuoir estre exterminé dès si long temps au parauant.

Les Gantois aians tiré a eux le gouuernement absolu de la maison & Estat de leur Princesse deuenüe doublement orpheline entre leurs mains; & s'i estans comportez tres-indignement, en ont laissé la iustice & reparation particuliere à en estre faite sur leurs enfans & successeurs, par vn, qui a esté petit fils de ladite Princesse, lequel Dieu a suscité en son temps, à sçauoir, Charles d'Autriche, Empereur, lequel a bien sçeu compter avec lesdits Gantois en son temps, & non moins aussi avec l'estat de France.

Marie de Bourgogne Princesse louee grandement pour le peu qu'elle a vescu, fille & heri-

Adolf.

Gantois.

Marie de Bourg.

tiere vnique de ceste grãde maison, destituee de tout appuy apres le decez de son pere, & par la dissimulation trop longue d'icelui, selon son humeur, a esté neantmoins soustenuë, & aucunement releuee de l'oppressiõ de son voisin courât à bridé aualee à la destruction de la maison d'icelle, tant qu'en lui estoit : iusques à ce qu'il a pleu à Dieu que tel soit venu d'icelle par Philippe son fils aîné, qui ait fait paroïr au monde, cõme Dieu garentit les orphelins en leur temps.

Quant à l'autre partie de l'histoire, sous Charles 8. tout ce qui se peut remarquer d'une entreprise de tresgrande consequence, concludë, executee, & terminee, en fin avec toute l'indiscrétion, temerité, defectuosité & confusion qui se soit iamais apperceuë en affaire d'Estat: nous est tres-expressement representé par nostre Historien, comme pour le paragonner nommément au train & deportemēs du pere, lequel auoit esté si conuert & si prudent, & si bien pourueu &ourny de tous moyens avec son grand sens, pour conquerir, surprendre & conseruer où l'occasion le portoit. Et quant aux cõcurrents au dehors du Roiaume, deux personnages y sont remarquez cõme les principaux cheriers de tout ce grand voyage là, gens de nulle suffisance, sinon qu'ils amusoient leur maistre, & le possedoient, à la ruine d'icelui; & ne donnoïēt lieu à ceux auxquels il appartenoit, pour preuenir ou pour adouber leurs fautes. La nation que ce ieune Roy en toutes sortes est allé troubler si mal à propos, icelle estant sage en elle mesme, mais desvnie, & prompte à receuoir les occasiõs de s'empescher avec intētion de son profit particulier : icelle en a depuis payé la façon tout à

*des Vers
Briçonnai.*

*Nation
Italienne.*

loisir, par l'espace de lx. ans durant. La maison d'Arragon, regnant en Naples & Cecile, fondee appuiee, & inueteree dans l'estat, a receu vne secouffe extraordinaire, & de peu de duree, mais de grand effet, estant rapportee aux excez & cōcus-
sions dont elle s'estoit rēdue coupable dés lors, & dont elle a tant plus à penser en ce qui en peut rester iusques à présent.

Mais sur tout est à remarquer Ludouic Sforce, le motif du voyage du Roy en Italie, pour s'im-
patroniser de l'Estat de son neveu & pupille, par la mort d'icelui, qui peut sembler auoir esté a-
uancee en quelque façon à ceste occasion. Dōt icelui Ludouic se voyant au dessus de son inten-
tion, a commencé le premier à payer le Roy de France, du bon tour qu'il luy auoit fait : ayant couuert de son voyage on passage en Italie l'v-
surpation tyrannique d'icelui Ludouic: iusques à ce que le temps a porté puis apres, que Loys 12. successeur de Charles, ait esté Commissaire de la iustice de Dieu contre ledit Ludouic, ainsi que la verité en est assez cognüe : & mesmes a falu que le fils dudit Ludouic, & par consequent la race en ait porté les marques apres icelui pere, sous le Roy François 1. de ce nom.

Or combien que ces exemples & pourtraicts aient leurs particularitez selon le temps, lieux, & personnes, si ne laissent-ils pas d'auoir leur vifa-
ge & estendue à la generalité de la prouidence de Dieu, laquelle ne cesse, ni ne chome iamais, quoi qu'elle soit pleine de merueilles en la diuer-
sité de ses occurrences ; pour nous ramenteuoir en somme, comme il y a vne mesme reigle de verité, droicture & iustice de par le Seigneur,

pour tous aages, qualitez & lieux: & que ceux qui ferment les yeux, à leur escient, à telles leçons & actes qui se presentent sur le theatre de la vie humaine de temps en temps, eschapperont tant moins, tost ou tard, la mesme végeance de Dieu par telles voyes qu'il lui plaira; qu'ils ont moins d'excuse de n'auoir appris, & profité aux despens de ceux qui les ont precedé.

Michel de Montaigne, liure second, des Essays, chap. x. Des liures.

EN mon Philippe de Commines il y a cecy (assavoir, du iugement dudit Montaigne.) Vous y trouuerez le langage doux & agreable, d'une nayfue simplicité, la narration pure, & en laquelle la bonne foy de l'Authent reluit euidentement, exempte de vanité, parlant de soy, & d'affection & enuie, parlant d'autrui. Ses discours & enbortements accompaignez plus de bon zele & de verité, que d'aucune exquise suffisance: & par tout de l'autorité, representant son homme de bon lieu, & esleué aux grands affaires.

Iustus Lipsius en ses Notes sur le j. liure de ses Politiques.

Tant y a, qu'il semble que l'histoire se soit remise en train du temps de nos peres, tesmoin Philippe de Commines, lequel s'est mis à l'escire depuis enuiron cent ans en çà, avec telle suffisance, que ie ne fais nulle difficulté de le parangonner à aucun des anciens. Il ne se peut croire combien cest Autheur void tout, penetre tout, descouure le fond des conseils : & sur cela donne aux Lecturs de tresbonnes & diuerses instructions, & ce avec vn stile coulant & diffus, comme on diroit à la façon de Polybe. Cependant Commines ne veid onc ny Polybe, ny autre Historien de la sorte. Et c'est ce qui augmente la louange qu'un tel personnage ait si bien adressé, luy estant homme sans aucunes lettres, mais bien duit seulement par vn certain maniment des affaires, & donc d'un bon sens naturel. Qu'on ne parle plus donc de ces docteurs par liures, qui se font tant valoir. Mais le Prince, s'il m'en croit, s'addonnera à Commines, & tiendra en sa pochette. C'est icy vn Philippe digne d'estre entre les mains des premiers qui tiennent rang en l'estat du monde.

LOYS XI. ROY DE FRANCE.



*Trop plein de mal talent conçu hors de la France.
Loys y retourna remuant & craintif,
Ne pouvant contenter son cœur vindicatif:
Qu'en se croyant par trop n'accreust la défiance.*

CHARLES DVC DE BOVRGONGNE.



*Charles au cœur ouuert fut pris par la cautelle,
De Loys pretendant tousiours en voir la fin,
Plus fut l'un franc haut, l'autre couuert & fin,
Plus leur contraire humeur les nourrist en querelle*

PHILIPPE DE COMMINES
CHEVALIER SIEVR D'ARGENTON.



*Tefmoing de verité Cheualier sans reproche,
Rare peintre fur tout des Princes & des Roys.
Plus quelcun te lira, & relira de fois
Plus aduoüera qu'aucun de ton style n'approche.*



P R E M I E R L I V R E

DES MEMOIRES

DV SEIGNEVR D'AR-

GENTON, SVR LES PRINCIPAVX
faicts & gestes de Louys xj. de ce nom,
Roy de France.

Prologue de l'Authcur.

MONSEIGNEVR l'Archeuesque
de Viëne, pour satisfaire à la requē-
ste qu'il vous a pleu me faire, de
vous escrire, & mettre par memoī-
re, ce que i'ay sçeu & cognu des
faicts du Roy Louys onziēme (à qui Dieu face
pardon) nostre maistre & bien-facteur & Prin-
ce digne de tref-excellente memoīre, iel'ay fait,
le plus pres de la verité que i'ay peu & sçeu auoir
soutenance. Du temps de sa ieunesse ne sçauoie
parler, si non parce que ie luy en ay ouy parler, &
dire : mais depuis le temps que ie vien à son ser-
uice, iusques à l'heure de son trespas (où i'estois
present) ay fait plus continuelle residence avec
luy que nul autre de l'estat à quoy ie le seruoie :
qui pour le moins ay tousiours esté des Cham-
bellans, ou occupé à ses grands affaires. En luy

*Commines
Chambel,
lan du Roy
Louys xj.*

& en tous autres Princes que i'ay cognus ou seruis, ay cognu du bien & du mal : car ils sont hommes comme nous : & à Dieu seul appartient la perfection. Mais quand en vn Prince la vertu & bonnes conditions procedent les vices, il est digne de grande louange, veu que tels personnages sont plus enclins en toutes choses volontaires qu'autres hommes, tant pour la nourriture & petit chastiment qu'ils ont eu en leurs ieunesses, que pource que venans à l'aage d'homme, la pluspart des gens taschent à leur complaire, & à leurs complexions & conditions. Et pource que ie ne voudroye point mentir, se pourroit faire qu'en quelque endroit de cest escrit, se pourroit trouuer quelque chose, qui du tout ne seroit à sa louange : mais i'ay esperance que ceux qui le liront, considereront les raisons dessusdictes. Et tant osay-ie bien dire de luy en sa commandation & louange, qu'il ne me semble pas que iamais i'aye congnu nul Prince, où y eust moins de vice qu'en luy, à regarder le tout. Si ai-je eu autāt de congnoissance des grands Princes, & autant de communication avec eux, que nul homme qui ait esté en France de mon temps, tant de ceux qui ont regné en ce Royaume, qu'en Bretaigne, & en ces parties de Flandres, Alemagne, Angleterre, Espagne, Portugal, & Italie, tant seigneurs spirituels que temporels, & de plusieurs donc ie n'ay eu la veüe, mais cognoissance par communications de leurs Ambassades, par lettres, & par leurs instructions : parquoy on peut assez auoir d'information de leurs natures & conditions. Toutes-

* C'est
dire)
vescu.

fois ie ne preten en rien, le loüant en cest en-
droit, diminuer l'honneur & bonnerenommee
des autres : mais vous enuoye ce dont prom-
ptement m'est souuenu esperant que vous le
demandez pour mettre en quelque œuvre, que
vous auez intention de faire en langue Latine,
dont vous estes bien vstité. Par laquelle œuvre
se pourra cognoistre la grandeur du Prince dōt
vous parleray, & aussi de vostre entendement.
Et là où ie faudroye, vous trouuerez Monsei-
gneur du Bouchage, & autres, qui mieux
vous en sçauroient parler, & le coucher en
meilleur langage que moy. Mais par obligatiō
d'honneur & grandes priuantez, & biens faits,
sans iamais interrompre, iusques à la mort, que
l'un ou l'autre n'y fust, nul n'en deuroit auoir
meilleure souuenance que moy & luy : & aussi
pour les pertes & douleurs que i'ay receüe de-
puis son trespas. Qui est bien pour faire reduire
à ma memoire les graces que i'ay receüe de luy:
combien que c'est chose assez accoustumée,
qu'apres le decés de si grāds & puissans Princes,
es mutations sont grandes: & ont les vns pertes,
& les autres gain. Car les biens & les honneurs
ne se partent point à l'appetit de ceux qui les de-
mandent. Et pour vous informer du temps, dont
i'ay eu cognoissance dudit Seigneur, dont faites
demande, m'est force de commencer premiere-
ment auant le temps que ie vein à son seruice:
& puis par ordre ie continueray mon propos,
iusques à l'heure que ie deuein son seruiteur, &
continuera iusques à son trespas.

De l'occasion des guerres, qui furent entre Louys xi, & le Comte de Charolois, depuis Duc de Bourgongne.

CHAP. I.

* C'est à dire) ie me trouuay.

1464.

Sommaire de l'ambassade de la part du Roy au Duc de Bourgongne.

* C'est à dire) le chargeant ou accusant.

* aucuns disent, pour surprendre ce luy que le comte de Charolois enuoyoit vers le Duc de Bretaigne.

Responce du Duc de Bourgongne.



V faillir de mon enfance & en l'aage de pouuoir monter à cheual, ie hantay * à l'Isle vers le Duc Charles de Bourgongne lors appellé le Côte de Charolois lequel me prit en son seruice : & fut l'an 1464. Quelques trois iours apres arriuerent audit lieu de l'Isle les Ambassadeurs du Roy, ou estoit le Comte d'Eu, le Chancelier de France, appellé Moruillier, & l'Archeuesque de Narbonne, & en la presence du Duc de Philippe de Bourgongne, & dudit Comte de Charolois, & de tout leur Conseil, à huis ouuerts, furent ouys lesdits Ambassadeurs: & parla ledit Moruillier fort arrogamment disant que ledit Comte de Charolois auoit fait prendre (luy estât en Hollande) vn petit nauire de guerre, qui estoit party de Dieppe, auquel estoit vn bastard de Rubempré, & l'auoit fait emprisonner * luy donnant charge qu'il estoit la venu * pour le prendre, & qu'ainsi l'auoit fait publier par tout (& par especial a Bruges, où hantent toutes nations de gens estranges) par vn Cheuallier de Bourgongne, appellé messire Oliuier de la Marche. Pour lesquelles causes le Roy, soy trouuant chargé de ce cas contre verité (comme il disoit) requeroit audit Duc Philippe, que ledit messire Oliuier de la marche luy fust enuoyé prisonnier à Paris, pour en faire la punition. telle que le cas requeroit. A ce poinct

luy respondit le Duc Philippe, que messire O-
liuier de la Marche estoit né de la Comté de
Bourgongne, & son maistre d'Hostel, & n'estoit
en riens luyet à la couronne: toutesfois ques'il
auoit dit, ne fait, chose qui fust contre l'honneur
du Roy, & qu'ainsi le trouuaist par information,
qu'il en feroit la punitiō telle qu'au cas appartiē
droit. Et qu'au regard du Bastard de Rubempré,
il est vray qu'il estoit prins pour les signes & con-
tenances; qu'auoit ledit Bastard & ses gēs à l'en-
uiron de la Haye en Hollande, ou pour lors es-
toit sondit fils, le Comte de Charolois: & que, si
ledit Comte estoit soupçonneux il ne le tenoit
point de luy (car il ne le fust onques) mais le te-
noit de sa mere, qui auoit esté la plus soupçon-
neuse Dame qu'il eust iamais cognüe: mais, nōobstāt
que luy (comme dit est) n'eust iamais esté soup-
çonneux, s'il se fust trouué au lieu de son fils, à
l'heure que ce bastard de Rubempré * regnoit
és enuiron, l'eust fait prendre comme il auoit
esté: & que si ledit Bastard ne se trouuoit point
chargé d'auoir voulu prendre son fils (comme
l'on disoit) qu'incontinent le feroit deliurer, &
le renuoyeroit au Roy, cōme ses Ambassadeurs
le requeroient. Apres recommēça ledit Moruil-
lier, en donnant grandes & deshonestes charges
au Duc de Bretagne, appellé François: disant que
ledit Duc, & le Comte de Charolois, là present,
estant ledit Comte de Charolois à Tours deuers
le Roy (là où il l'estoit allé voir) auoyent baillé
seellez l'un à l'autre, en se faisant freres d'armes:
& s'estoyent baillé lesdicts seellés par la main de
Messire Tanneguy du Chastel, qui depuis a esté
Gouuerneur de Roussillon, & a eu autorité en

* C'est à
dire) se
trouuoit
sur les
lieux.

Seconde
plainte en-
tre le Duc
de Bretag.
Et le Com-
te de Cha-
rolois.

ce Royaume: & faisoit le dessusdit Moruillier ce cas si enorme, & si crimineux, que nulle chose, qui se peult dire à ce propos, pour faire honte & vitupere à vn Prince, ne fut qu'il ne dist.

A quoy ledit Comte de Charolois par plusieurs fois voulut respondre, comme fort passionné de ceste iniure, qui se disoit de son amy & allié: mais ledit Moruillier luy rompoit tousiours la parole, disant ces mots: Monseigneur de Charolois, ie ne suis pas venu pour parler à vous, ains à Monseigneur vostre pere. Ledit Comte supplia par plusieurs fois à son pere qu'il peust respondre: lequel luy dit, i'ay respondu pour toy, comme il me semble que pere doit respondre pour fils: toutesfois si tu en as si grãde enuie, pen-
*aduiz sa-
ge de pere
à fils.* ses y aujourd'huy, & demain dy ce que tu voudras. Et encores disoit ledit Moruillier, qu'il ne pouuoit penser qui pourroit auoir meu ledit Cōte de prendre ceste alliance avec ledit Duc de Bretagne, sinon vne pension que le Roy luy auoit donnée, avec le Gouvernement de Normandie, qui depuis luy auoit esté osté.

Le lendemain en l'assemblée, & en la compagnie des dessusdits, le Comte de Charolois (le genou il à terre, sur vn carreau de veloux) parla à son pere premier, & commença de ce Bastard de Rubempré: disant les causes estre iustes & raisonnables de sa prise, & qu'il se monstreroit par le procez. Toutesfois ie croy qu'il ne s'en trouua iamaïs rien: mais estoient les soupçons grans & le vid deliurer d'une prisõ, ou il auoit esté cinq ans. Apres ce propos commença à descharger le Duc de Bretagne, & luy aussi disant qu'il estoit vray, que ledit Duc de Bretagne, & luy auoient pris

*Responce
du Comte
de Charol.
sur les fais
à luy impo-
sez par
l'Ambassa-
deur du
Roy.*

alliance, & amitié ensemble, & qu'ils s'estoient faits freres d'armes: mais en rien n'entendoient faire par ceste alliance au preiudice du Roy, ne de s^{on} Royaume, ains pour le servir & soustenir, si besoin en auoit: & que touchant la pension qui luy auoit esté ostée, iamais n'en auoit eu qu'un quartier montant 9000. frācs & que iamais n'auoit requis ladite pēsiō, ne le Gouuernemēt de Normādie: & que, moyennant qu'il eust la grāce de son pere, il se pourroit bien passer de tous autres biē faits. Et croy bien que, si n'eust esté la crainte de s^{on} dit pere, qui là estoit present, & auquel il adressoit sa parole, qu'il eust beaucoup plus asprement parlé. La cōclusion dudit duc Philippe fut fort humble & sage, suppliāt au Roy ne vouloir legeremēt croire contre luy ne son fils, & l'auoir tousiours en sa bōne grace. Apres fut apporté le vin & les espices: & prindrent les Ambassadeurs congé du pere, & du fils. Et, quand ce vint que le Comte d'Eu & le Chācelier eurent pris cōgé du Comte de Charolois, qui estoit assez loin de son pere, il dit à l'Archeuesque de Narbōne, qui vint le dernier: Recommandez moy treshumblemēt à la bōne grace du Roy, & luy dites qu'il m'a biē fait lauer icy par s^{on} Chācelier, mais qu'auāt qu'il soit un an, il s'en repētera. Ledit Archeuesque de Narbōne fit ce message au Roy quād il fut de retour: cōme vous entendrez cy apres. Ces paroles engēdrerēt grāde haine dudit Cōte de Charolois au Roy: avec ce qu'il n'y auoit gueres que le Roy auoit racheté les villes de dessus la riuere de Sōme: cōme Amies, Abbeuille, S. Quētin, & autres, baillées par le Roy Charles 7. au duc Philippe de Bourgōgne, par le traité qui fut fait à Arras, pour

*Menaces
du Comte
de Charol.
au Roy.
Villes de
sur la ri-
uiere de
Somme ra-
chetées
pour 40000.
escus.*

* Le vieil
examp. dit)
Chimoy &
Croy.

en iouir par luy & ses hoirs massés, au rachapt de quatre cens mille escus. Je ne icy bonnement commēt cela se mena: toutesfois ledit Duc estāt en sa vieillesse, furent tellement conduits tous ses affaires par messeigneurs de Croy & de Chimay, freres, & autres de leur maison, qu'il reprit son argent du Roy, & restitua lesdites terres: dont le Comte son fils fut fort troublé. Car c'estoient les frontieres & limites de leurs Seigneuries: & y perdirent beaucoup de bonnes gens pour la guerre. Il donnoit charge de ceste matiere a ceste maison de Croy: & quand son pere fut venu à l'extresme vieillesse (dont ja estoit pres) il chassa hors du pays tous lesdits seigneurs de Croy, & leur osta toutes leurs places, & choses qu'ils tenoyent entre leurs mains.

*Comme le Comte de Charolois, avec plusieurs gros Seigneurs de France, dressa vne armée contre le Roy
Louys vngiesme, sous vn nom de bien public.*

CHAP. II.

BIen peu de iours apres le partement des Ambassadeurs dessusdicts, vint à l'Isle le Duc de Bourbon, Jean dernier mort, faignant venir voir son Oncle le Duc Philippes de Bourgogne: lequel entre toutes les maisons du monde, aimoit ceste maison de Bourbon. Cedit Duc de Bourbon estoit fils de la sœur dudit Duc Philippe: laquelle estoit veufue long temps auoit: & estoit là avec ledit Duc son frere: & plusieurs de ses enfans, comme trois filles & vn fils. Toutesfois l'occasion de la venuë dudit Duc de Bour-

bon estoit pour gaigner & conduire ledict Duc de Bourgogne de consentir mettre sus vne armée en son pays. Et que semblablement feroiēt tous les autres Princes de France, pour remōstrer au Roy le mauvais ordre & iniustice qu'il faisoit en son Royaume, & vouloiēt estre forts pour le contraindre, s'il ne se vouloit renger. Et fut ceste guerre depuis apellée le Biē public, pource qu'elle s'etreprenoit sous couleur de dire que c'estoit pour le biē public du Royaume. Ledit Duc Philippe (qui depuis sa mort a esté appellé le bon Duc Philippe) consentit estre mis sus de ses gēs: mais le neu de ceste matiere ne luy fut iamais descouuert, ne il ne s'attēdoit point que les choses vinssent iusques à la voye de faict. Incontinēt se commencerent à mettre sus ses gens: & vint le Comte de Sainct Paul, depuis Connestable de France, deuers le Comte de Charolois à Cambray, ou pour lors estoit le Duc Philippe: & luy venu audit lieu, avec le Mareschal de Bourgogne, qui estoit de la maison de Neuf-chastel, le Comte de Charolois fit vne grande assemblée de gens de conseil, & autres des gēs de son pere, en l'hostel de l'Euesque de Cambray: & là declara tous ceux de la maison de Croy, ennemis mortels de son pere & de luy, nonobstant que le Comte de Sainct Paul eust donné sa fille en mariage au fils du Seigneur de Croy, long temps auoit, & disoit y auoir dommage. En somme il fallut que tous s'ēfussent des seigneuries du duc de Bourgogne, & perdirent beaucoup de meubles. De tout cecy despleu bien au Duc Philippe, lequel auoit pour premier Chambellan, vn, qui depuis s'est appellé mōseigneur de Chimay.

*Pretension
de la guer-
re nommée
le Bien pu-
blic.*

n Artois

homme ieune & tresbien conditionné, neveu du seigneur de-Croy, lequel s'en alla sans dire Adieu à son maistre, pour la crainte de sa personne, autrement il eust esté tué ou pris: car ainsi luy auoit esté déclaré. L'ancien aage du Duc Philippe luy fait ce endurer patiemment, & tout ceste declaration, qui se fait contre les gens, fut à cause de la restitution de ses Seigneuries situées sur la riuere de Somme, que ledit Duc Philippe auoit renduës au Roy Louys, pour la somme de quatre cens mille escus, & chargeoit le Comte de Charolois ces gens de ceste maison de Croy d'auoir fait consentir au Duc Philippe ceste restitution.

Ledit Comte de Charolois se radoüba & r'appaïsa avec son pere, le mieux qu'il peut, & incontinent mit les Gens-d'armes aux champs, & en sa compagnie le Comte de Saint Paul, principal conducteur de ses affaires, & le plus grand chef de son armée: & pouuoit bien auoir trois cens Hommes d'armes, & quatre mille Archers sous sa charge: & y auoit beaucoup de bons Cheualiers & Escuyers des pays d'Artois, de Hennault & de Flandres, sous ledit Comte, par le commandement du Comte de Charolois. Semblables bandes & aussi grosses auoient monseigneur de Rauastin, frere du Duc de Cleues & messire Antoine, bastard de Bourgogne: lesquels auoyent esté ordonnez pour les conduire. D'autres chefs y auoit, que ie ne nommeray pas, pour ceste heure, pour brieueté: & entre les autres y auoit deux Cheualiers, qui auoient grand credit avec ledit Comte de Charolois: L'un estoit le Seigneur de Hault-bourdin, ancien Cheualier, frere bastard dudit Comte de saint Paul, nourry és ancien-

*Comte de
S. Paul le
plus grand
chef de
l'armée
du Comte
de Char.*

** l'Exemp.
siel dit par
tout (Châ-
bourlin.*

** Hault-bourdin, ancien Cheualier, frere bastard dudit Comte de saint Paul, nourry és ancien-*

nes guerres de France & d'Angleterre, au temps que le Roy Henry cinquieme Roy d'Angleterre de ce nom, regnoit en France, & que le Duc Philippe estoit ioinct avec luy, & son allié. L'autre auoit nom le Seigneur de Contai: qui semblablement estoit du temps del'autre. Ces deux estoient tres-vaillans & sages Cheualiers, & uoient la principale charge de l'armée des ieunes, il y en auoit assez: & entre les autres vn fort bien renommé, appellé messire Philippe de Lallain, qui estoit d'une race, dont peu s'en est trouué qui n'ayent esté vaillants & courageux, & quasi tous morts en seruant leurs seigneurs en la guerre. L'armée pouuoit estre de quatorze cens Hommes d'armes, mal armez & mal adroicts: car long temps auoyent esté ces seigneurs en paix: & depuis le traitté d'Arras auoyent peu veu de guerre qui eust duré: & à mon aduis qu'ils auoient esté en repos plus de trente six ans: sauf quelques petites guerres contre ceux de Gand, qui n'auoyent gueres duré. Les hommes d'armes estoient tres-fort bien montez, & bien accompagnez: car peu en eussiez veu qui n'eussent cinq ou six grands cheuaux. D'Archers y en pouuoit bien auoir huit ou neuf mille: & quand la monstre fut faicte, il y eut plus affaire à les enuoyer, qu'à les appeller: & furent choisis tous les meilleurs.

Philippe de Lallain.

1400

500

1000

Pour lors estoient les subiects de ceste maison de Bourgongne en grandes richesses, à cause de la longue paix qu'ils auoient eüe, pour la bonté du Prince sous qui ils viuoient: lequel peu tailloit ses subiets: & me semble que pour lors,

Discours sur la prosperité & aduersité des Bourguign.

ses terres se pouuoient mieux dire terres de promission, que nulles autres seigneuries qui fussent sur la terre. Ils estoient cōblez de richesses, & en grand repos. Ce qu'ils ne furent oncques puis: & y peut bien auoir vingt & trois ans que cecy cōmença. Les despenses & habillemens d'hommes & de femmes grands & superflus. Les conuis & les banquets plus grands & plus prodigues qu'en nul autre lieu, dont i'aye eu cognoissance. Les baignoiries, & autres festoyemens avec femmes, grands & desordonnez, & à peu de honte. Je parle des femmes de basse condition. En somme, ne sembloit pour lors aux suiets de ceste maison, que nul Prince fust suffisant pour eux, au moins qu'il les sceust confondre: & en ce monde n'en cognoy auourd'huy vne si desolée, & doute que les pechez, du temps de la prosperité, leur facent porter ceste aduersité: & principalement qu'ils ne cognoissent pas bien que toutes ces graces leur procedoient de Dieu: qui les depart là où il luy plaist.

Estant ceste armée ainsi preste (qui fut tout à vn instant) de toutes les choses dont i'ay icy deuant parlé, se mit le Comte de Charolois en chemin avec toute ceste armée: qui estoient tous à cheual * sauf ceux qui conduisoient son artillerie: qui estoit belle & grande, selon le temps de lors, avec fort grand nombre de charroy: & tant qu'ils cloyoyent la plus part de son ost, seulement de ce qui estoit sien. Pour le commencement tira son chemin deuers Noyon: & assiegea vn petit chasteil, où il y auoit des gens de guerre, appelé Nesle; lequel en peu de iours il prit. Le Marechal Ioachim, Marechal de France, estoit

* ou sans.

Nesle pris
par le Comte
de Char.

touſiours enuiron de luy, qui eſtoit party de Peronne: mais il ne luy faiſoit point de dommage parce qu'il auoit peu de gens, & ſe mit dedâs Paris, quand ledit Comte en approcha. Tout au long du chemin ne faiſoit ledit Côte nulle guerre, ny ne prenoient rien ſes gens ſans payer. Auſſi les villes de la riuiera de Somme, & toutes autres, laiſſoient entrer ſes gens en petit nombre, & leur baiſſoient ce qu'ils vouloient pour leur ar-gêt, & ſembloit biẽ qu'ils eſcoutaſſent qui ſeroit le plus fort du Roy, ou des Seigneurs. Tant chemina ledit Comte qu'il vint à S. Denis, pres Paris, ou ſe deuoient trouuer tous les Seigneurs du Royaume, comme ils auoient promis: mais ils ne s'y trouuerent pas. Pour le Duc de Bretagne y auoit avec ledit Comte, pour Ambaſſadeur, le Vicechancelier de Bretagne, qui auoit des blâcs ſignez de ſon maĩſtre, & s'en aydoit * de renou-
* le viel
exemp. dit)
en nouuel-
les & ef-
crits.
uelles & elcrits, comme le cas le requeroit. Il eſtoit Normand, & treshabile homme: & beſoin luy en fut, pour le murmure des gens, qui ſourdit contre luy. Ledit Comte s'en alla monſtrer deuant Paris: & y eut tref grande eſcarmouche, & iuſques aux portes, au deſauantage de ceux de dedans. De Gens-d'armes il n'y auoit que ledit Ioachin, & ſa compagnie, & monſieur de Nantoillet, depuis Grand Maĩſtre: qui auſſi bien ſer-
* viel (ia-
mais (pour
ieune.
uit le Roy en ceſte armée, que * ieune ſuiet ſer-
uit le Roy de France en ſon beſoin: & en la fin en fut mal recompensé, par la poursuite de ſes ennemis, plus que par le deſaut du Roy, mais les vns ne les autres ne s'en ſcauroiẽt de tous points excuſer. Il y eut du menu peuple (comme i'ay depuis ſçeu) fort eſpouuenté ce iour, iuſques à

* C'est à
dire) sans
raison.

crier: Ils sont dedans (ainsi le m'ont compté plusieurs depuis) mais c'estoit + sans propos. Toutes fois monseigneur de Hault-bourdin (dont i'ay parlé cy deuant, & le quel y auoit esté nourri, lors qu'elle n'estoit point si forte qu'elle est à present) eust esté assez d'opiniõ qu'on l'eust assaillie. Les Gës-d'armes l'eussent bien voulu, tous mesprisans le peuple: car iusques à la porte estoient les escarmouches. Toutesfois il est vray semblable qu'elle n'estoit point prenable. Ledit Comte s'en retourna à Saint Denis.

Le lendemain au matin se tint conseil, sçauoir si on iroit au deuant du Duc de Berri, & du Duc de Bretagne: qui estoient pres, comme disoit le Vicechancelier de Bretagne, qui monstroit lettres d'eux: mais il les auoit faites sur des blancs: & autre chose n'en sçauoit. La conclusion fut, que l'on passeroit la riuere de Seine, combien que plusieurs opinerent de retourner, puis que les autres auoient failly à leur iour: & qu'auoir passé la riuere de Somme & de Marne, c'estoit assez, & suffisoit bien, sans passer celle de Seine: & y mettoient grandes doutes aucuns: veu qu'à leur dos n'auoient nulles places pour eux retirer, si besoin en auoient. Fort murmuroit tout l'ost sur le Comte de Saint Paul, & sur ce Vicechancelier: toutesfois ledit Comte de Charolois, alla passer la riuere, & loger au pont Saint Cloud.

Le lendemain, des ce qu'il fut arriué, luy vindrent nouuelles d'une dame de ce Royaume, qui luy escriuoit de sa main, comme le Roy partoit de Bourbonnois, & à grandes iournées alloit pour le trouuer.

Or faut vn peu parler comment le Roy estoit

allé en Bourbonnois. Luy donc cognoissant que tous les Seigneurs du Royaume se declaroyent contre luy, au moins contre son gouvernement, se delibera de contre sus le premier, au Duc de Bourbon: qui luy sembloit s'estre plus déclaré que les autres Princes: & pource que son pays estoit foible, tantost l'auroit * affolé. Si luy prit plusieurs places: & eust acheué le demeurant, n'eust esté le secours qui vint de Bourgogne, que mena le Seigneur de Coulches, le Marquis de Rottelin le Seigneur de Montagu, & autres: & y estoit, portant le harnois, le Châcelier de France (qui est auourd'huy homme bien estimé) appelé messire Guillaume de Rochefort. Ceste assemblée auoyent faicte en Bourgongne, le Comte Beau-jeu, & le Cardinal de Bourbon, frere du Duc Iean de Bourbon: & mirent les Bourguignons dedans Moulins. D'autre part vindrent à l'aide dudit Duc, le Duc de Nemours, le Comte d'Armignac, & le Seigneur d'Albert, avec grand nombre de gens: ou il y auoit aucuns bons gens d'armes de leur pays, qui auoiét laissé les Ordonnances, & s'estoient retirés à eux. Le grand nombre estoit assez mal en poinct: car ils n'auoient point de payement, & falloît qu'ils vescuissent sur le peuple. Nonobstant tout ce nombre, le Roy leur donnoit beaucoup d'affaires. Si traitterent aucune fortune de paix: & par especial le Duc de Nemours: lequel feit serment au Roy, luy promettant tenir son parti: toutesfois depuis feit le contraire: dont le Roy conceut caste longue haine, qu'il auoit contre luy: comme plusieurs fois il m'a dit. Or, voyant le Roy que là ne pouuoit si tost auoir fait, & que le Côte de Cha-

*Le Roy
commença
la guerre
contre le
Duc de
Bourbon.*

** le viel
exemple
dit affolé.*

*Grand se-
cours pour
le Duc de
Bourbon
contre le
Roy.*

*Duc de
Nemours
faict à sa
promesse
au Roy.*

rolois s'approchoit de Paris, doutant que les Parisiens ne fissent ouverture à luy, & à son frere, & au Duc de Bretagne (qui venoit du costé de Bretagne) à cause que tous se coulouroient sur le bien public du Royaume: & que ce, que eust fait la ville de Paris, donroit que toutes les autres villes ne feissent au semilable, se delibera à grandes journées de se venir mettre dedans Paris, & de garder que ces deux grosses armées ne s'assemblassent: & ne venoit point en intention de combattre: comme par plusieurs fois il m'a compté, en parlant de ces matieres.

Comment le Comte de Charolois vint planter son camp pres de Montl'heri: & de la bataille, qui fut faite audit lieu, entre le Roy de France & luy.

CHAP. III.

Comme j'ay dit cy-dessus, quand le Comte de Charolois sceut le departement du Roy, qui s'estoit party du pays de Bourbonnois & qu'il venoit droit à luy (au moins il le cuidoit) se delibera aussi de marcher au deuant de luy: & dit alors le contenu de ses lettres, sans nommer * le personnage qui les escriuit, & qu'un chacun se deliberaست de bien faire: car il deliberoit de tenter la fortune. Si s'en alla loger à un village pres Paris appellé Long-jumeau: & le Comte de Saint Paul à tout son Avant-garde, à Montl'hery, qui est à deux lieues outre: & enuoyerent, espies & cheuaucheurs aux champs pour scauoir la venuë du Roy, & quel chemin il tenoit. En la presence du Comte de Saint Paul

* C'est la Dame, par laquelle il fut adverti au ch. precedent.

Paul fut choisi lieu & place, pour combattre audit Long-jumeau : & fut arresté entr'eux, que ledict Comte de Saint Paul se retireroit à Long-jumeau, au cas que le Roy vinst, & y estoient le seigneur de Haultbourdin, & le seigneur de Contay presens.

Or faut-il entendre que monseigneur du Maine estoit avec sept au huit cens Hommes d'armes, au deuant des Ducs de Berry & de Bretagne : qui auoyent en leur compagnie des sages & notables Cheualiers que le Roy Louis auoit tous desappointez, à l'heure qu'il vint à la couronne: nonobstant qu'ils eussent bien serui son pere, au recouurement & pacification du Royaume: & maintesfois apres s'est repenti de les auoir ainsi traitez, en recognoissant son erreur. Entre les autres y estoit le * Comte de Du-
 nois, fort estimé en toutes choses, le Marechal de Loheac, le Comte de Dampmartin, le Seigneur du Bueil, & plusieurs autres: & estoient par-tis des Ordonnances du Roy, bien cinq cens hommes d'armes : qui tous s'estoient retirez vers le Duc de Bretagne : & tous estoient suiets & nez de son pays qui estoient de ceste armée là. Le Côte du Maine, qui alloit au deuant (comme i'ay dit) ne se sentant assez fort pour les combattre, deslogoit tousiours deuant eux, en s'approchant du Roy : & cherchoient les Ducs de Berry & Bretagne se ioindre aux Bourguignons. Aucuns ont voulu dire, que ledit Comte du Maine auoit intelligéce avec eux : mais ie ne le sçeu oncques, & ne le croy pas. Ledit Comte de Charolois, estât logé à Long-jumeau (comme i'ay dit) & son Avantgarde à Mōtl'heri, fut aduertit par vn prison:

*Le Roy des-
apointe ses
meilleurs
seruiteurs,
à sa ruine.
* de la
maison de
Jean d'Or-
leans, ba-
stard de
France.*

nier, qu'on luy amena, que le Côte du Maine s'estoit ioinct avec le Roy, & y estoient toutes les Ordonnances du Royaume qui pouuoient bien estre enuiron deux mille deux cens Hommes d'armes, & l'arrierebâ du Dauphiné, à tout quarante ou cinquante Gentils hommes de Sauoye gens de bien.

*Auis du
Roy de ne
combatre.*

Cependant le Roy eut conseil avec ledit Côte du Maine, avec le Grand Seneschal de Normandie (qui s'appelloit de Brezy, avec l'Admiral de Frâce, qui estoit de la maison de Montauban, & avec d'autres: & en conclusion quelque chose qui luy fust dite & opinée) delibera de ne combattre point: mais seulement se mettre dedâs Paris, sans s'approcher de là où les Bourguignons estoient logez. Et à mon auis que son opinion estoit bone. Il se soupçonnoit de ce grand Seneschal de Normandie: & luy demanda, & pria qu'il luy dist s'il auoit baillé son seellé aux Princes, qui estoient contre luy, ou non. A quoy ledit Grand Seneschal respōdit qu'ouy: mais qu'il leur demouroit, & que le corps seroit sien: & ledit en gaudissant, car ainsi estoit-il accoustumé de parler. Le Roy s'en cōtenta: & luy bailla charge de conduire son Auantgarde & aussi les Guides: pource qu'il vouloit euitier ceste bataille, cōme dit est. Ledit Seneschal, vsant de volonté, dit lors à quelqu'un de ses priuez: le les mettray au iourd'huy si pres l'un de l'autre, qu'il sera bien habile, qui les pourra demesler. Et ainsi le feit-il: & le premier homme qui mourut ce fut luy & ses gens, & ces paroles m'a comptées le Roy, car pour lors i'estoye avec le Comte de Charolois.

*Brezi bon
seruiteur
du Roy.*

En effect, au vingt septiesme iour de Iuillet,

L'an mil quatre cens soixāte & cinq, ceste Auantgarde se vint trouuer aupres de Montl'hery, ou le Comte de Saint Paul estoit logé. Ledit Comte de Saint Paul, à toute diligence, signifia ceste venuë au Comte de Charolois (qui estoit à deux lieüs pres, & au lieu qui auoit esté ordonné pour la bataille) luy requerant qu'il le vinst secourir à toute diligence. Car ja s'estoiēt mis à pied Hommes-d'armes & Archers, & clos de son charroy: & que de se retirer à luy (comme il luy auoit esté ordonné) ne luy feroit possible. Car, s'il se mettoit en chemin, ce sembleroit estre fuite: qui feroit grand danger pour toute la compagnie. Ledit Comte de Charolois enuoya ioindre avec luy le Bastard de Bourgongne (qui se nommoit Anthoine) avec grand nombre de gens, qu'il auoit sous sa charge, & a toute diligence: & se debatoit à soy-mesme s'il iroit ou non: mais à la fin marcha apres les autres, & y arriua enuiron sept heures de matin, & desia y auoit cinq ou six enseignes du Roy, qui estoient arriüées au long d'un grand fossé, qui estoit entre les deux bandes.

*L'an de la
iournée de
Montl'hery
27. Iuillet
1465.*

Encores estoit en l'ost du Comte de Charolois, le Vicechancelier de Bretagne, appelé Rouille, & vn vieil Homme-d'armes appelé * Madercy, qui auoit * baillé le Pōt S. Maxence, lesquels eürēt paour, pour le murmure qui estoit contr'eux, voyāt qu'on estoit à la bataille, & que les gens, de quoy ils s'estoient faits forts, n'y estoient point ioints. Si se mirent les dessusdits à la fuite, auant qu'on combatist, par le chemin où ils pensoient trouuer les Bretons. Ledit Comte de Charolois trouua le Comte de Saint

** Le viel
exemple
dit) Madercy
* ass (pour
argent.*

Paul à pied : & tous les autres se mettoient à la file, comme ils venoient : & trouuâmes tous les Archers deshousés, chacun vn palplante deuant eux : & y auoit plusieurs pipes de vin desfoncees pour les faire boire : & de ce petit que i'eay veu, ne vei iamais gens qui eussent meilleur vouloit de combattre, qui me sembloit vn bien bon signe, & grand reconfort. De prime face fut auisé que tout se mettoit à pied, sans nul excepter : & depuis mueréc propos car presque tous les Hommes d'armes monterent à cheual. Plusieurs bons Cheualiers & Escuyers furent ordonnés à demourer à pied : dont monseigneur * des Cordes & son frere estoit du nombre, Messire Philippe Lalain s'estoit mis à pied (car, entre les Bourguignons, lors s'estoient les plus honorés ceux qui descendoient avec les Archers) & tousiours s'y en mettoit grande quantité de gens de bien, à fin que le peuple en fust plus assuré, & combatist mieux : & tenoient cela des Anglois, avec lesquels le duc Philippe auoit fait la guerre en France durant sa ieunesse, qui auoit duré trente deux ans sans treues : mais pour ce temps-là le principal faisoient les Anglois, qui estoient riches & puissans. Ils auoient aussi pour lors sage Roy, le Roy Henry le Bel, & tres-vaillant, qui auoit sages hommes & vaillans, & de tres-grans Capitaines, comme le Comte de Salberi, Talbot, & autres ; dont ie me tay : car ce n'est point de mon temps : combié que i'enaye veu des reliques, car quand Dieu fut las de leur bien faire, ce sage Roy mourut au bois de Vincennes : & son fils insensé fut couronné Roy de France & d'Angleterre à Paris

* ou
Desquel
des : &
des
Quer-
des.

& ainsi miterent les autres de grés d'Angleterre & diuision se mit entr'eux, qui a duré iusques au iourd'huy, ou peus'en faut. Alors vsurperēt ceux de la maison * d'Yorth ce Royaume, ou l'eurent à bon tiltre: ie ne sçay lequel: car de telles choses le partage s'en fait au ciel.

En retournant à ma matiere, de ce que les Bourguignons s'estoient mis à pied, & puis remontez à cheual, leur porta grande perte de tēps, & dommages & y mourut ce ieune & vaillant Cheualier messire Philippe de Lalain, par estre mal armé. Les gens du Roy venoyēt à la file, par la forest du Torfou & n'estoiet point quatre cēs Hommes d'armes quand * nous les veismes & qui eust marché incontīnēt, semble à beaucoup qu'il ne se fust point trouué de resistāce, car ceux de derriere n'y pouuoient venir qu'à la file, cōme i'ay dit toutesfois tousiours croissoit leur nombre. Voyant cecy, vint ce sage Cheualier, monseigneur de Centai, dire à son maistre monseigneur de Charolois, que, s'il vouloit gaigner ceste bataille, il estoit temps qu'il marchast: disant les raisons pourquoi, & que, si plus tost l'eust fait, desja ses ennemis fussent descōfits: car il les auoit trouués en petit nombre, lequel il faisoit à veue d'œil: & la verité estoit telle. Et lors se changea tout l'ordre, & tout le conseil, car chacun se mettoit à en dire son aduis. Et ia estoit commencee vne grosse & forte escarmouche, au bout du village de Montl'heri toute d'Archers d'un costé & d'autre.

Ceux de la part du Roy conduisoit Ponce de Riuiere, & estoient tous Archers d'Ordonnance, orfauerisés, & bien en poinct. Ceux du

*Philippe de
Lalain
mort.*

** l'exem-
p. vieil
dit) nous
veismes.*

** le viel exemple dit)
comme volontiers se
cōmencē les escarmouches,
C'estoit à pied,
etc.
l'exemple
viel dit)
du Max.
Fuite de
ceux du
Roy à la
bataille de
Montlh.*

costé des Bourguignons estoient sans ordre & sans commandement, comme volontaires. Si commencerent les escarmouches, où estoit; à pied, avec eux monseigneur Phillippe de Lalain, & Jaques * du Mas, homme bien renommé, depuis grand Escuier du Duc Charles de Bourgogne. Le nombre des Bourguignons estoit le plus grand, & gainerēt vne maison, & prindrēt deux ou trois huis, & s'en seruirent de pauois. Si commencerent à entrer en la rue, & mirent le feu en vne maison. Le vend les seruoit qui pouffoit le feu contre ceux du Roy, lesquels commēcerent à desemparer, & monter à cheual, & à fuir; & sur ce bruit & cri, commença à marcher le Comte de Charolois, laissant (comme j'ai dit) tout ordre parauant deuifé.

Il auoit esté dit, que l'on marcheroit à trois fois, pource que la distance des deux bataille estoit longue. Ceux du Roy estoient deuers le chasteau de Montl'heri: & auoient vne grande haye & vn fossé au deuant d'eux. Outre estoient les champs pleins de bleds, & de feues, & d'autres grains tres forts: car le territoire y estoit bon. Tous les Archers dudit Comte marchoient à pied deuant luy, & en mauuais ordre: combien que monaduie est, que la souueraine chose du monde, és batailles, sont les Archers: mais qu'ils soient à milliers (car en petit nombre ne vallent rien) & que ce soient gens mal montez, à ce qu'ils n'ayent point de regret de perdre leurs cheuaux, ou que du tout n'en ayent point: & valent mieux pour vn iour, en cest office, ceux, qui iamais ne veirent rien, que les bien exercez. Et aussi telle opinion tiennēt les Anglois, qui sont la fleur des

Archers du mode. Il auoit esté dit, que l'on se reposeroit deux fois en chemin, pour donner aleine aux gens de pied; pour ce que le chemin estoit long, & les fruits de la terre longs & forts, qui les empeschoient d'aller: toutesfois tout le cōtraire se fait, cōme si on eust voulu perdre à son esciēt. Et en cela monstra Dieu que les batailles sont en sa main, & dispose de la victoire à son plaisir. Et ne m'est pas aduis que le sens d'un homme sceust porter & donner ordre à un si grand nombre de gens, ne que les choses tinssent aux champs, comme elles sont ordonnées en chābre: & que celui qui s'estimerait iusques-là, mesprendroit enuers Dieu, s'il estoit homme qui eust raison naturelle: combien qu'un chacun y doit faire ce qu'il peut & ce qu'il doit: & recognoistre que c'est un des accomplissemens des œuvres que Dieu a commencées aucunes fois par petites mouuetes & occasions, & en donnant la victoire aucunes fois à l'un, & aucunes fois à l'autre: & est cecy mistere si grand, que les Royaumes & grandes Seigneuries en prennent aucunes fois fins & desolations, & les autres accroissement & commencement de regner.

*Batailles
sont en la
main de
Dieu.*

Pour reuenir à la declaration de cest article, ledit Comte marcha tout d'une boutée, sans donner aleine à ses Archers & gens de pied. Ceux du Roy passerent cest haine par deux bouts tous Hommes-d'armes: & comme ils furent si pres que de ieter les lances en arrest, les hommes d'armes Bourguignons rompirent leurs propres Archers, & passerēt par dessus, sans leur donner loisir de tirer un coup de fleche: qui estoit la fleur & esperance de leur armée. Car ie ne croy pas

*Bataille de
Mont'heri
sans ordre.*

que de douze cens hommes-d'armes ou enuiron qui y estoient y en eut cinquante, qui eussent sçeu coucher vne lance en arrest. Il n'y en auoit pas quatre cens armés de cuiracés: & si n'auoiēt pas vn seul seruiteur armé. Et tout ceci à cause de la longue paix, & qu'en ceste maison de Bourgongne ne tenoiēt nulles gens de solde, pour soulager le peuple des tailles: &, oncques puis ce iour la, ce quartier de Bourgogne n'eut repos iusques à ceste heure, qui est pis que iamais. Ainsi rompirent eux mesmes la fleur de leur armee & esperance: toutesfois Dieu qui ordonne de tel mystere, voulut, que le costé où se trouua ledit Comte (qui estoit à main dextre deuers le chasteau) vainquit, sans trouuer nulle defense: & me trouuai ce iour tousiours avec lui, ayant moins de crainte que ie n'eu iamais en lieu où ie me trouuasse depuis, pour la ieunesse en quoi i'estoie, & que ie n'auoie nulle cognoissance de peril: mais estoie esbahy comme nul s'osoit defendre contre tel Prince à qui i'estoie, estimant que ce fust le plus grand de tous les autres. Ainsi sont gens qui n'ont point d'experience: dont vient qu'ils soustiennent assez d'argus, mal fondez, & à peu de raison. Parquoi fait bon vser de l'opinion de cefuy, qui dit, Que l'on ne se repent iamais pour parler peu, mais bien souuent de trop parler.

A la main fenestre estoit le Seigneur de Rauastain, & messire Iaques de Saint Paul, & plusieurs autres: à qui il se sembloit qu'ils n'auoyent pas assez d'Hommes d'armes pour soustenir ce qu'ils auoient deuant eux: mais des lors estoient si approchés, qu'il ne falloit

*Le costé
du Comte
de Ch.
vain. a la
journée de
Mort'heri.*

plus parler d'ordre nouvelle. En effet ceux là furēt rōpus à plate cousture, & chassēs iusques au charroi: & la pluspart fuit iusques en la forest, qui estoit pres de demie lieuë. Au charroi se r'allierēt quelques Gens de pied Bourguignōs. *Bourguignōs rompus à la iournee de Montl'heri.* Les principaux de ceste chasse estoient les nobles du Dauphiné & Sauoisien, & beaucoup de Gens d'armes aussi: & s'attendoient d'auoir gaigné la bataille: & de ce costé y eut vne grande fuite des Bourguignons, & de grands personnages: & fuioient la pluspart pour gaigner le Pont Saint-Maxence, cuidans qu'il tint encores pour eux. En la forest y en demoura beaucoup: & entre autres le Comte de Saint Paul, qui estoit assez bien accompagné, s'y estoit retiré. Car il estoit assez pres de ladite forest: & monstra bien depuis, qu'il ne tenoit pas encores la chose pour perdue.

Du danger, auquel sur le Comte de Charolois, & comment il fut secouru: & des eueneimens diuers en la iournee de Montl'heri.

LE Comte de Charolois chassa de son costé demie lieuë, outre le Montl'heri, & a bien peu de compagnie: toutesfois nul ne se defendoit: & trouuoit gens à grande quantité, & ia cuidoit auoir la victoire. Vn vieil Gentilhomme de Luxembourg appelé Antoine le Bretō, le vint querir: & luy dit que les François s'estoient r'alliez sur le champ, & s'il chassoit plus gueres, il se perderoit. Il ne s'arresta point pour luy, nonobstant qu'il luy dist par deux ou trois fois. Incontinent arriva monseigneur de Contai (donc ci-dessus est parlé) qui luy dit

semblables paroles, comme auoit faict le viel Gentil-homme de Luxébourg & si audacieusement, qu'il estima sa parole & son sens, & retourna tout court: & croy s'il fust passé outre deux traicts darc, qu'il eust esté pris, comme aucuns autres, qui chassoient deuant luy: & en passant par le village, trouua vne flotte de gens à pied, qui fuioient. Il les chassa, & si n'auoit pas cent cheuaux en tout. Il ne se retourna qu'un homme à pied, qui luy donna d'un vouge parmi l'estomach: & au soir s'en vid l'enseigne. La pluspart des autres se sauuerent par les iardins: mais celui-là fut tué. Comme il passoit rasibus du chasteil, veismes les Archers de la garde du Roy, deuant la porte qui ne bougerent. Il en fut fort esbahi: car il ne cuidoit point qu'il y eust plus ame de defence. Si tourna a costé, pour gagner le champ: ou luy vindrent courre sus quinze ou seize Hommes-d'armes ou enuiron (vne partie des siens s'estoient ia separez de luy) & d'entrée tuerent son Escuyer trenchant, qui s'appelloit Philippe* d'Orgues, & portoit vn guidon de ses armes: & là ledit Comte fut en tresgrand danger, & eut plusieurs coups: & entre les autres, vn en la gorge d'une espée, dont l'enseigne luy est demeurée toute sa vie, par faute de sa bauiere, qui luy estoit cheute, & auoit esté mal attachée des le matin, & luy auoye veu choir: & luy fut mis les mains dessus, disant: Monseigneur, rendez vous, ie vous cognoi bien: ne vous faites pas tuer. Tousiours se defendoit: & sur ce debat, le fils d'un Medecin de Paris, nommé maistre Iehan Cadet (qui estoit à luy) gros & lourd & fort, monté sur vn gros cheual de ceste propre

*Le Comte
de Char.
frapé d'un
vouge par
l'estomac.*

** ou Dor-
gues.*

*Le Comte
de Char.
reçoit un
coup à la
gorge.*

*Habileté
de M. Iehan
Cadet, Pa-
risien.*

taille, donna au trauers, & les departit. Tous ceux du Roy se retirerent sur le bord de leur fossé, où ils auoient esté le matin (car ils auoient crainte d'aucuns, qu'ils voyoient marcher qui s'approchoient) & luy, fort sanglant, se retira vers eux comme au milieu du champ: & estoit l'enseigne du Bastard de Bourgogne toute despecée: tellement qu'elle n'auoit pas vn pied de longueur: & à l'enseigne des Archers du Comte n'y auoit pas quarante hommes en tout: & nous y ioignismes (qui n'estions pas trente) en tresgrande doute. Il changea incontinent de cheual, & le luy bailla vn, qui estoit lors son page, nommé Simon de Quingi, qui depuis a esté bien cognu. Ledit Comte se mit par le champ, pour r'allier ses gens, mais vei telle demie heure, que nous, qui estions demeurez-là, n'auions l'œil qu'à fuir, s'il fust marché cent hommes. Ils venoient à nous dix hommes, vingt hommes des nostres, tant de pied que de cheual. Les Gens de pied blesez & lassez, tant de l'outrage que leur auions fait le matin, qu'aussi des ennemis: & vei l'heure qu'il n'y auoit pas cent hommes, mais peu à peu en venoit. Les bleds estoient grands & la poudre la plus terrible du monde: tout le chāp semé de morts & de cheuaux, & ne se cognoissoit nul homme mort, pour la poudre.

* le vieil,
faisant
vn apas,
ennemis,
dit ainsi,
Luire vind
incontinēt,
qui n'a-
mena pas
cent hom-
mes mais
peu à peu
en venoit.
Nestre.

Incontinent vismes saillir, du bois, le Comte de Saint Paul, qui auoit bien quarāte Hommes d'armes avec lui, & son enseigne marchoit droit à nous, & croissoit de gens: mais il nous sembloit bien loin. On luy enuoya trois ou quatre fois prier qu'il se hastast: mais il ne se mua point, & ne venoit que son pas: & fait prendre à ses

champ e-
stroit ras,
Et demis
heure de.
uant le
bled y
estoit si
grand.

à l'heure
la pou-
dre, &c.

gens des Lances, qui estoient à terre: & venoit en ordre (qui donna grand reconfort à nos gens) & se ioignirent ensemble avec grand nombre, & vindrent-là où nous estions: & nous trouuâmes bien huit cens hommes-d'armes. De Gens de pied peu ou nuls. Ce qui garda bien le Comte qu'il n'eust la victoire entiere, car il y auoit vn fossé, & vne grande haye entre les deux batailles dessusdites.

Comte
du Mai-
ne s'fuit

De la part du Roy s'enfuit le Comte du Maine & plusieurs autres, & bien huit cens Hommes d'armes. Aucuns ont voulu dire, que le Comte du Maine auoit intelligence avec les Bourguignons mais, à la verité dire, ie croy qu'il n'en fut onques rien. Iamais plus grand fuite ne fut des deux costés: mais par especial, demourerent les deux Princes aux champs. Du costé du Roy fuit vn homme d'estat, qui s'enfuit iusques à Luzignan sans repaistre: & du costé du Comte vn autre homme de bié, iusques au Quesnoy le Côte. Ces deux n'auoient garde de se mordre l'un l'autre.

fuite e-
stran-
ge de
deux
person-
nes.

Estans ainsi les deux batailles reengees l'une deuant l'autre, se tirerent plusieurs coups de canons, qui tuerent des gens d'un costé & d'autre. Nul ne desiroit plus de combattre: & estoit nostre bande plus grosse que celle du Roy: toutesfois sa presence estoit grand'chose, & la bonne parole qu'il tenoit au Gens-d'armes: & croy véritablement, à ce que i'en ay sceu, que, si n'eust esté luy seul, tout s'en fust fui. Aucuns de nostre costé desiroient qu'on recommençast & par especial monseigneur de Haultbourdain, qui disoit qu'il voyoit vne file ou flote de gens qui s'enfuyoient & qui eust peu trouuer Archers au

nombre de cent, pour tirer au trauers de ceste haye, tout fust marché de nostre costé. Estans sur ce propos & sur ces pensees, & sans nulle escarmouche, suruint l'entree de la nuit, & se retira le Roy à Corbeil, & nous cuidions qu'il se logeast, & passast là la nuit au champ. D'auenture se mit le feu en vn caque de poudre, là où le Roy auoit esté: & se print à aucunes charretes, & tout du long de la grande hayne & cuydoiēt les François que ce fussent leurs feux. Le Côte de S. Paul, qui bien sembloit chef de guerre, & mōseigneur de Haultbourdin encores plus, commanderent qu'on amenast le charroy au propre lieu là où nous estions, & qu'on nous cloyst: & ainsi fut fait. Comme nous estions là en bataille, & r'alliés, reuindrent beaucoup des gens du Roy, qui auoient chassé, cuidans que tout fust gaigné pour eux: & furent contraints de passer parmy nous. Aucuns eschaperent, & le plus le perdirent. Des gens de nom de ceux du Roy, mourut messire Geoffroy de Sainct Belin, le Grand Seneschal de Normandie & Floquet, Capitaine. Du parti des Bourguignons mourut messire Philippe de Lalain: & des Gens à pied & menus gens, plus que de ceux du Roy: mais de Gens de Cheual, en mourut plus du party du Roy. Des prisonniers les gens du Roy eurent des meilleurs de ceux qui fuyoyent. Des deux parties il mourut deux mille hommes du moins: & fut la chose bien combattue: & se trouua des deux costez des gēs de bien, & bien lassez. Mais ce fut grande chose, à mon aduis, de se r'allier sur le champ, & estre trois ou quatre heures en cest estat, l'vn deuant

* le viuil
exempl.
dit par-
cast.

* & cui-
dions
que ce
fussint,
&c.

le grand
Senes-
chal de
Norma-
die mort
au serui-
ce du Roy
2000.
moris de
part &
d'autre
en a
iournee
de Moti-
* & de
bien la s-
ches.

l'autre & deuoit bien estimer les Princes tous deux ceux qui leur tenoiēt cōpagnie si bōne à ce besoing : mais ils en firent comme hommes, & non point comme Angles. Tel perdit ses offices & estats pour s'en estre fui, & furent donnez à d'autres, qui auoient fui dix lieues plus loing. Vn de nostre costé perdit autorité, & fut priuē de la presence de son maistre : mais vn mois apres eut plus d'autorité que deuant.

Quand nous fusmes clos de ce charroy, chascun se logea le mieux qu'il peut. Nous aurons grand nombre de blessés, & la pluspart fort descouragés & espouuantés, craiguans que ceux de Paris, avec deux cens Hommes-d'armes qu'il y auoit avec eux, & le Marechal Ioachin, Lieutenant du Roy en ladite cité, sortissent, & que l'on eust affaire de deux costés. Comme la nuit fut toute close, on ordonna cinquante Lances, pour voir ou le Roy estoit logé. Il y en alla par aduenture vint. Il y pouoit auoir trois iectés d'arc de nostre camp iusques ou nous cuidions le Roy. Cependant monseigneur de Charolois beut &, mangea vn peu, & chascun endroit soy : & luy fut adoubee sa playe, qu'il auoit au col. Au lieu ou il māgea falut oster quatre ou cinq hommes morts, pour luy faire place : & y mit l'on deux boteaux de paille, ou il s'assit & en remuant illec, vn de ces pouures gens nous commença à demander à boire. On luy ietta en la bouche vn peu de tisanne, dequoy ledit Seigneur auoit beu, dont le cœur luy reuint & fut cognu, & estoit vn Archer du corps dudit Seigneur, fort renommé, appelé * Sauarie, qui fut pensé & guari.

On eut en conseil qu'il estoit de faire. Le premier qui opina, fut le Comte de Saint Paul, disant que l'on estoit en peril : & conseilloit tirer, a l'aube du iour, le chemin de Bourgongne : & qu'on bruslast vne partie du charroy : & qu'on sauuaist seulement l'artillerie, & que nul ne menast charroi, s'il n'auoit plus de dix Lances : & que de demourer là sans viures entre Paris & le Roy, n'estoit possible. Apres opina monseigneur de Haultbourdain assez en ceste * sentence, sans sçauoir auant que rapporteront ceux qui estoient dehors. Trois ou 4. autres semblablement opinerent de mesme. Le dernier qui opina, fut monseigneur de Côtai, qui dit que, si tost que ce bruit se roit en l'ost tout se mettroit en fuite, & qu'ils seroient pris, deuât qu'ils eussent fait vingt lieues, & dit plusieurs raisons bonnes, & que son aduis estoit, que chacū s'aist au mieux qu'il pourroit ceste nuit, & que le matin, à l'aube du iour, on assaillist le Roy, & qu'il falloir là viure ou mourir, & trouuoit ce chemin plus seur que de prendre la fuite. A l'opinion dudit le Contai conclut monseigneur de Charolois, & dit que chacun s'en alast reposer deux heures, & que l'on fut prest quād sa trompette sonneroit, & parla à plusieurs particuliers, pour enuoyer reconforter ses gens.

*trois diuers
aduis apres
la bataille
de Mōil du
costé du Cōte
de Charo.*

** substan
ce sans
sçauoir,
Etc.*

Enuiron minuit reuindrent ceux qui auoient esté mis dehors, & ponuez penser qu'ils n'estoient point allés loing, & rapporterent que le Roy estoit logé à ces feux qu'ils auoient veus. Incontinent on y en renuoya d'autres, & vne heure apres se remettoit chacun en estat de combattre, mais la pluspart auoit enuie de fuir. Comme vint le iour, ceux qu'on auoit mis hors du camp, ren-

** qu'il
apportoit*

contrerent vn chartier, qui estoit à nous, & auoit esté pris le matin * qui apportoit vne cruche de vin du village & leur dit que tout s'en estoit allé. Ils enuoierent dire ces nouuelles en lost, & allerent iusques là. Ils trouverent ce qu'il disoit, & le reuindrent dire, dont la compagnie eut grand ioye, & y auoit assez de gens, qui disoient lors, qu'il falloit aller a pres, lesquels faisoient bien maigre chere vne heure deuant. L'auoie vn cheual extremement las & vieil. Il beut vn seau plein de vin. Par aucun cas d'aenture il y mit le museau. Je le laisse acheuer. Iamais ne l'auoie trouué si bon, ne si frais.

*Corde-
lier at-
titré à
mentir
par le
Côte de
Charol.*

Quand il fut grand iour, tout monta à cheual, & les batailles estoient bien esclarcies, toutes fois il reuenoit beaucoup de gens, qui auoient esté cachés és bois. Le dit Seigneur de Charolois feit venir vn Cordelier, ordonné par luy, à dire qu'il venoit de l'ost des Bretons, & que ce iour ils deuoient estre là. Ce qui reconforta assez ceux de l'ost, mais chacun ne le creut pas. Incontinent apres, enuiron dix heures du matin, arriua le Vicechancelier de Bretaigne: appelé Rouuille, & Madrey avec luy, dont ay parlé cy dessus, & amenerent deux Archers de la garde du Duc de Bretaigne, portans ses hocquetôs (ce qui reconforta tresfort la compagnie) & fut enquis & loüié de sa fuite (considerant le murmure qui estoit contre luy,) & plus encore de son retour, & luy fit chacun bonne chere.

*Cōditōs
remar-
quables
du Com-
te de
Char.*

Tout ce iour demeura encôres Monseigneur de Charolois sur le champ, fort ioyeux, estimant la gloire estre sienne, ce qui depuis luy a coûté bien cher, car onq puis il n'y sa de conseil d'hom-

d'hommes : mais du sien propre : & au lieu qu'il estoit tres-inutile, pour la guerre parauant ce iour & n'aimoit nulle chose qui y appartint, depuis furent muees & changees ses pensees : car il y a continué iusques à sa mort, & par là fut finie sa vie, & sa maison destruite, & si elle ne l'est du tout, si est elle bien desolee. Trois grands & sages Princes ses predecesseurs, l'auoient eleuee bien hault, & y auoit peu de Rois (sauf celuy de France) plus puissans que luy : & pour belles & grosses villes, nul ne l'en passoit. L'on ne doit trop estimer de soy : par especial vn grand Prince, mais doit cognoistre que les graces, & bonnes fortunes, viennent de Dieu. Deux choses diray-je de luy. L'une est, que iamais homme * ne * *ne peut* print plus de trauail que luy, en tous endroits *porter plus* où il faut exercer la personne ; & l'autre, qu'à *(exempl.* mon aduis ie ne cognu onques homme plus *visil.* hardi.

Ie ne luy ouy onques dire qu'il fust las, ny ne luy vei iamais faire semblant d'auoir paour : & si ai esté sept années de rang en la guerre avec luy, l'Esté pour le moins, & en aucunes l'Yuer & l'Esté. Ses pensees & conclusiōs estoient grandes : mais nul homme ne les scauoit mettre à fin, si Dieu n'y eust adiousté de sa puissance.

Comment le Duc de Berri, frere du Roy, & le Duc de Bretagne se vindrent ioindre avec le Comte de Charolois, contre iceluy Roy, à Estampes.

C H A P. V.

LE lendemain, qui estoit le tiers iour de la bataille, allasmes coucher au village de Montl'hery : dont le peuple en parties en estoit

*Rondeur
extraordi-
naire en
gens de
guerre.*

fuy au clocher del'Eglise, & partie au chasteau. Il les feit reuenir, & ne perdirent pas vn denier vaillant: mais payoit chascun son escot, cōme s'il eust esté en Flandres. Le chasteau tint, & ne fut point assailli. Le tiers iour passé, partit ledit Seigneur, par le conseil du Seigneur de Contay, pour aller gagner Estampes (qui est bon & grand logis, & en bon pāys & fertile) afin d'y estre plustost que les Bretons, qui prenoyent ce chemin: afin aussi de mettre les gens las & blesez à couuert, & les autres aux champs, & fut cause ce bon logis, & le sejour que l'on y feit, de sauuer la vie à beaucoup de ses gens. Là arriuerent Messire Charles de France, l'ors Duc de Berry, seul frere du Roy, le Duc de Bretaigne, Monseigneur de Dunois, Monseigneur de Dampmartin, Monseigneur de Loheac, Monseigneur de Bueil, Monseigneur de Chaumont, & Messire Charles d'Amboise son fils (qui depuis a esté grand homme en ce Royaume) tous lesquels deuāt nommez le Roy auoit desappointez, & défaits de leurs estats, quand il vint à la couronne: nonobstant qu'il eussent bien seruy le Roy son pere, & le Royaume, es conquestes de Normandie, & en plusieurs autres guerres. Monseigneur de Charolois, & tous les plus grands de sa compagnie, les recueillirēt, & leur allerent au deuant, & amenerent leurs personnes loger en la ville d'Estampes, où leur logis estoit fait: & les gens d'armes demurerent aux champs. En leur compagnie auoit huit cens Hommes d'armes de tresbonne estoife, dont il y en auoit treslargement de Bretons, qui nouvellement auoyent laissé les Ordonnances

(comme icy & ailleurs i'ay dit) qui arandoient bien leur compagnie. D'archers, & d'autres hommes de guerre, armez de bonnes brigandines, auoit en tresgrand nombre: & pouuoÿt bien estre six mille hōmes à cheual tresbien en point. Et sembloit bien, à voir la compagnie, que le Duc de Bretaigne fust vn tresgrand seigneur, car toute ceste compagnie viuoit sur ses coffres.

Le Roy, qui s'estoit retiré à Corbeil (comme i'ay deuant dit) ne mettoit point en oubly ce qu'il auoit à faire. Il tira en Normandie, pour assembler ses gēs, & de paour qu'il n'y eust quelque mutation au pays: & mit partie de ses Gens d'armes es enuiron de Paris, là où il voyoit qu'il estoit necessaire.

Le premier soir, que furent arriuez tous ces Seigneurs dessusdits à Estampes, ils compterent des nouuelles l'un à l'autre. Les Bretons auoyent pris quelques prisonniers de ceux qui fuyoient du parti du Roy: & quand ils eussent esté vn peu plus auant, ils eussent pris ou desconfi le tiers de l'armee. Ils auoyent bien tenu conseil pour enuoyer gens dehors, iugeans que les osts estoient pres: toutesfois aucuns les destournerent: mais nonobstant Messire Charles d'Amboise & quelques autres se mirent plus auant que leur armee, pour voir s'ils rencontreroient rien: & prindrēt plusieurs prisonniers (comme i'ay dit) & de l'artillerie: lesquels prisonniers leur dirent que pour certain le Roy estoit mort, car ainsi le cuidoyent-ils, parce qu'ils s'en estoient fuis, dès le commencement de la bataille. Les dessusdits rapporterēt les nouuelles à l'ost des Bretōs, qui en eürēt tresgrand ioye, cuidans qu'ainsi fust, & esperans les

*Opinion
de la mort
du Roy.*

biens qui leur fussent aduenus, si ledict monseigneur Charles eust esté Roy : & tindrent conseil (comme il m'a esté dit depuis par vn homme de bien, qui estoit present) à sçauoir comme ils pourroient chasser ces Bourguignons, & eux en depescher, & estoient quasi tous d'opiniõ qu'on les * desconfist qui pourroit. Ceste ioye ne leur dura gueres : mais par cela vous pouuez veoir & cognoistre quels sont broüillis * és Royaumes aux mutations.

Pour reuenir à mon propos de ceste armée d'Estampes, comme tous eussent soupé, & qu'il y auoit largement gens qui se pourmenoyent par les ruës, Monseigneur Charles de France & Monseigneur de Charolois estans à vne fenestre, & parlans eux deux de tresgrand' affection, en la compagnie des Bretons, y auoit vn homme qui prenoit plaisir à ietter en l'air des fusées, qui courent parmy les gens, quand elles sont tombées, & rendent vn peu de flame, & s'appelloit maistre Iean Boutefeu, ou maistre Iean des Serpens, ie ne sçay lequel. Ce folastre estant caché en quelque maison, afin que les gens ne l'apperceussent, en jetta deux ou trois en l'air, d'vn lieu hault où il estoit, tellement qu'vne vint donner contre la croisée de la fenestre où ces deux Princes dessusdicts auoient les testes, & si pres l'vn de l'autre, qu'il n'y auoit pas vn pied entre deux. Tous deux se dresserent & furent esbahis, & se regardoient chacun l'vn l'autre. Si eurent soupçon que cela n'eust esté fait expressément, pour leur mal faire. Le Seigneur de Contay vint parler à Monseigneur de Charolois son maistre : & dés qu'il luy eut dit vn mot à l'oreille, il des-

*Bretons
entrent en
opinion de
se défaire
des Bourg.
* destroufa
sast.
* ce Roiau
me à sou-
tes muta-
tions.*

*Princes
bien empe-
chez à l'o-
casion d'u-
ne fusée.*

cendit en bas, & alla faire armer tous les Gens d'armes de sa maison, & les Archers de son corps & autres. Incontinent le Seigneur de Charolois dist au Duc de Berry, que semblablement il feist armer les Archers de son corps, & y eut incontinent deux ou trois cens Hommes d'armes armez deuant la porte à pied, & grand nombre d'Archers : & cherchoit l'on partout dont pouuoit venir ce * meffait. Ce pource homme, * *ce feroit.* qui l'auoit fait, se vint ietter à genoux deuant & leur dit que ç'auoit esté luy, & en ietta trois ou quatre autres : & en ce faisant, il osta beaucoup de gens hors de soupçon, qu'on auoit les vns sur les autres, & s'en prit l'on à rire : & s'en alla chacun desarmer & concher.

Le lendemain au matin fut tenu vn tresbeau conseil, où se trouuerent tous les Seigneurs & leurs principaux seruiteurs : & fut mis en deliberation ce qui estoit de faire : & comme ils estoient de plusieurs pieces, & non pas obeissans à vn seul Seigneur (comme il est bien requis en telles assemblées) aussi eurent-ils diuers propos, & entre les autres paroles qui furent bien recueillies & notées, ce furent celles de Monseigneur de Berry qui estoit ieune, & n'auoit iamais veu tels exploicts. Car il sembla par ses paroles que ja en fust ennuyé, & allegua la grande quantité de gens blessez, qu'il auoit veus de ceux de Monseigneur de Charolois, & monstrant par ces paroles en auoir pitié, vsoit de ces mots : Qu'il eust mieux aimé que les choses n'eussent iamais esté commencées, que de voir tant de maux venir par luy, & par sa cause. Ces choses despleurer à Monseigneur de Charolois & à ses gens, com-

*Paroles pie
toyables.*

*Comte de
Charolois
moins pi-
toyable.*

me ie diray cy-apres. Toutesfois à ce conseil fut conclu qu'on tireroit vers Paris, pour essayer si on pourroit reduire la ville à vouloir entendre au bien-public du Royaume, pour lequel disoient tous estre assemblez: & leur sembloit biē, si ceux là leur prestoient l'oreille, que toute la reste des villes de ce Royaume feroiēt le semblable. Cōme i'ay dit, les paroles dites par Monseigneur Charles Duc de Berry, en ce conseil, mirent en telle doute Monseigneur de Charolois & ses gens, qu'ils vindrent à dire: Auez vous ouy parler cest homme? il se trouue esbahy pour sept ou huict cens hommes qu'il voit par la ville allans blesez, qui ne luy font rien, ne qu'il ne cognoist, il s'esbahiroit bien tost, si le cas le touchoit de quelque chose, & seroit homme pour appointer biēs legeremēt, & nous laisser en la fange, & pour les anciēnes guerres, qui ont esté le tēps passé entre le Roy Charles son pere & le Duc de Bourgogne mon pere, aisément toutes ces deux parties se conuertiroient contre nous, parquoy est necessaire de se pouruoir d'amis. Et, sur ceste seule imagination, fut enuoyé Guillaume de Cluny, Prothonotaire (qui est mort depuis Euesque de Poictiers) deuers le Roy Edouard d'Angleterre, qui pour lors regnoit, auquel Monseigneur de Charolois auoit tousiours eu inimitié: & portoit la maison de Lanclastre contre luy, dont il estoit issu par la mere. Et pour l'instruction dudit Cluny, luy estoit ordonné d'entrer en pratique du mariage à la sœur du Roy d'Angleterre, appelée Marguerite, mais non pas de conclure le marché, ainsi seulement de l'entretenir. Car cognoissant que le Roy d'Angleterre l'auoit fort désiré,

E. 4

*Pratique
de maria-
ge contre
l'intention
propre de
celuy qui
en faisoit le
semblant.*

luy sembloit bien que pour le moins il ne feroit rien contre luy : & s'il en auoit affaire, qu'il le gaigneroit des siens. Et combien qu'il n'eust vn seul vouloir de conclure ce marché, & que la chose du monde, que plus il haïssoit en son cœur c'estoit la maison d'Yorth, si fut toutesfois tant demenée ceste matiere, qu'apres plusieurs années elle fut conclud, & prit d'auantage l'ordre de la lartiere, & la porta toute sa vie. Or maintenant se fait en ce monde, par imagination, telle que celle que i'ay dessus declarée, & par especial entre les grands Princes, qui sont beaucoup plus soupçonneux qu'autres gens, pour les doutes & aduertissemens qu'on leur fait, & tres-souuent par flaterie, sans nul besoin qu'il en soit.

Comment le Comte de Charolois & ses alliez avec leur armée, passerent la riuiere de Seine sur vn pont portatif, & comment le Duc Iean de Calabre se ioignit avec eux, puis se logerent tous à l'entour de Paris.

CHAP. VI.

Ainsi comme il auoit esté conclud, tous ces Seigneurs se partirent d'Estampes, apres y auoir sejourné quelque peu de iours, & tirerent à Sainct Maturin de Larchant, & à Morret en Gastinois, Mõseigneur Charles & les Bretons demeurerent en ces deux petites villes: & le Comte de Charolois s'en alla loger en vne grande prairie sur le bord de la riuiere de Seine: & auoit fait crier, que chacun portast crochets pour attacher ses cheuaux. Il faisoit mener sept ou huit petits batteaux sur charrois, & plu-

seurs pippes par pieces, en intention de faire vn pont sur la riuierre de Seine, pource que ces Seigneurs n'y auoyent point de passage. Monseigneur de Dunois l'accompagna, luy estant en vne litiere (car pour la goute qu'il auoit ne pouuoit monter à cheual) & portoit l'on son enseigne apres luy. Dès ce qu'ils vindrent à la riuierre, ils y firent mettre les batteaux, qu'ils auoient apportez : & gaignerent vne petite isle, qui estoit comme au milieu : & descendirent des Archers, qui s'escarmoucherent avec quelques gens de cheual, qui defendoient le passage de l'autre part : & estoient illec le Marechal Ioachim, & Sallezard. Le lieu estoit mal auantageux pour eux : parce qu'ils estoient fort haut, & en pays de vignoble : & du costé des Bourguignons, y auoit largement artillerie, conduite par vn Canonier fort renommé qui auoit nom maistre Giraud, & auoit esté pris en ceste bataille de Montl'hery, estant alors du party du Roy. Fin de compte, il falut que les dessusdits abandonnassent le passage : & se retirerent à Paris. Ce soir fut fait vn pôt iusques en ceste isle : & incontinent feit le Comte de Charolois tendre vn pauillon, & coucha la nuit dedans, & cinquante hommes d'armes de sa maison. A l'aube du iour furent mis grand nombre de tonneliers en besongne, à faire pippes du mestrain, qui auoit esté apporté : & auant qu'il fust midy, le pont fut dressé iusques à l'autre part de la riuierre : & incontinent passa ledit Seigneur de Charolois de l'autre costé : & y feit tendre ses pauillons, dont il auoit grand nombre : & feit passer tout son ost, & tout son artillerie par dessus

*Maistre
Giraud
Canonier.*

*Le Comte
de Charo-
lois passe
la riuierre
sur vn
pont porté
sur ton-
neaux.*

ledit pont; & se logea en vn coustau pendant deuers ladite riuere; & y faisoit tresbeau voir son ost, pour ceux qui estoient encores derriere.

Tout ce iour ne peurent passer que ses gens. Le lendemain à l'aube du iour passerēt les Ducs de Berry & de Bretagne, & tout leur ost: qui trouuerent ce pont tres-beau, & fait en grande diligence. Si passerent vn peu outre, & se logerent sus le haut pareillement. Incontinent que la nuit fut venuë, commençasmcs à appercevoir grand nombre de feux, bien loing de nous, autant que la veuë pouuoit porter. Aucuns cuidoient que ce fust le Roy: toutesfois, auant qu'il fust minuit, on fut aduertty que c'estoit le Duc Jean de Calabre, seul fils du Roy René de
 * Cecile, & avec luy bien neuf cens Hommes d'armes de la Duchè & Comté de Bourgogne. Bien fut accompagné de gens de cheual: mais de gens de pied, peu. Pour ce petit de gens qu'auoit ledit Duc, ie ne vei iamais plus belle compagnie, ne qui semblassent mieux hommes exercités au faict de la guerre. Il pouuoit bien auoir quelques six vingts hommes d'armes bardés, tous Italiens, ou autres, nourris en ces guerres d'Italie, entre lesquels estoit Iaqucs Galeot, le Comte de Campobasso, le Seigneur de Baudricourt, pour le present Gouverneur de Bourgogne, & autres: & estoient ces hommes d'armes bien fort adroits: & pour dire verité, quasi la fleur de nostre ost, au moins tant pour tant, Il auoit quatre cens * Cranequiniers, que luy auoit presté le Comte Palatin, gens fort bien montez, & qui sembloit bien gens de guerre: & auoit biē cinq cens * Suisses à pied: qui fu-

200

** Il faisoit
à nos ances-
tres de pro-
nôcer deux
syllabas, de
mesme en
Sicile,*

*« Crane-
quin est un
pied de Bi-
cho, duquel
on bande
une grosse
arbaleste,
& sont ap-
pellez Cra-
nequiniers
ceux qui v-
soient d'ar-
balestre à
tels banda-
ges.*

* *Premiere* rent les premiers qu'on veit en ce Royaume: &
venue des ont esté ceux qui ont donné le bruit à ceux qui
Suisses au sont venus depuis: car ils se gouvernerent tres-
service des vaillamment en tous les lieux où ils se treu-
Princes de uerent.
par deça.

Ceste compagnie, que vous di, s'approcha le matin, & passa ce iour par dessus nostre pont. Et ainsi se peut dire, que toute la puissance du Royaume de France s'estoit veüe passer par dessus ce pont, sauf ceux qui estoient avec le Roy: & vous assure que c'estoit vne tres-grande & belle compagnie, & grand nombre de gens de bien, & bien en poinct: & deuroit-on vouloir que les amis & bien-veillans du Royaume l'eussent veüe, à fin qu'ils l'en eussent en estimation telle qu'il appartient: & semblablement les ennemis, car iamais il n'eust esté heure qu'ils n'en eussent plus crains le Roy & le Royaume. Le chef des Bourguignons estoit monseigneur de Neuf-chastel, Marechal de Bourgongne, joint avecques luy son frere le Seigneur de Montagu, le Marquis de Rotelin, & grand nombre de Cheualiers & Escuyers: dont les aucuns auoient esté en Bourbonnois, comme i'ay dit au commencement de ce propos. Le tout ensemble s'estoit joint pour venir plus assurément avec mondit Seigneur de Calabre, comme i'ay dit: lequel sembloit aussi bien Prince & grand chef de guerre, comme nul autre que veisse en la compagnie: & s'engendroit grande amitié entre luy & le Comte de Charolois.

*Ce nombre
 autrement
 excessif, se
 trouue en
 diuers en-
 droits en
 ces histoires
 & passe.
 pour un no-
 bre extraor-
 dinaire.*

Quand toute ceste compagnie fut passée, que l'on estimoit * cent mille cheuaux, tant bons que maunais (ce que ie croy) se deliberent les-

aits Seigneurs de partir pour aller deuant Paris: & mirent toutes leurs Auant-gardes ensemble. Pour les Bourguignons les conduisoit le Comte de Saint Paul. Pour les Ducs de Berry & de Bretagne, Oudet de Rye, depuis Comte de Comminges, & le Marechal de Loheac, comme il me semble: & ainsi s'acheminèrent. Tous les Princes demourerent en la bataille. Ledit Comte de Charolois & le Duc de Calabre prenoient grande peine de commander à faire tenir ordre à leurs batailles, & cheuaucherent bien armez: & sembloit qu'ils eussent bon vouloir de faire leurs offices. Les Ducs de Berry & Bretagne cheuaucherent sur petites hacquenees, à leur aise, armez de petites brigandines, fort legeres, pour le plus. Encores disoient aucuns qu'il n'y auoit que petits cloux dorez par dessus le latin, afin de moins peser, toutesfois ie ne le sçay pas de vray. Ainsi cheuaucherent toutes ces compagnies, iusques au pont de Charenton, pres Paris, à deux petites lieuës: lequel pôt tost fut gaigné sur quelque peu de Frans Archers qu'il y auoit dedans; & passa toute l'armee par dessus ce pont de Charenton: & s'alla loger le Comte de Charolois depuis ce pont de Charenton, iusques en sa maison de Conflans, pres de là, au long de la riuere: & ferma ledict Comte vn grand pays de son charroy & de son artillerie, & mist tout son ost dedans: & avec luy se logea le Duc de Calabre, & à S. Mor des fosses se logerent les Ducs de Berri & de Bretagne, avec vn nombre de leurs gens: & tout le demourant enuoyerent loger à Saint Denys, aussi à deux lieuës de Paris: & là fut toute ceste

*Ducs de
Berry & de
Bretagne
moins guer
riers.*

*Pont de
Charenton
gaigné par
le Comte
de Charol.*

compagnie onze semaines : & aduindrent des choses que ie diray icy apres.

Paris es-
pouuanté
de diuers
aduis.
* de Fran-
ce, n'est
point au
vieil exép.

* de leurs
seigneuries
de se mes-
lans. Exép.
vieil.
Estats de-
sirez par
trop à Pa-
ris.
* peu sou-
uent nul
ne se des-
appointe.

* de est
raison.

Le lendemain au commencement commen-
cerent les escarmouches iusques aux portes de
Paris : où estoient dedans monseigneur de
Nantoillet, Grand Maistre de France* (qui bien
y seruit, comme i'ay dit ailleurs) & le Maref-
chal Ioachin. Le peuple se veit espouuanté, &
d'aucuns autres estats eussent voulu les Bour-
guignons, & les autres Seigneurs estre dedans
Paris, iugeās, à leur aduis, ceste entreprise bon-
ne & profitable pour le Royaume. Autres y en
auoit * adherans ausdits Bourguignons, & se
mellans de leurs affaires, esperant que, par
leurs moyēs ils pourroient paruenir à quelques
offices ou estats, qui sont plus desirez en ceste
cité-là, qu'en nulle autre du monde. Car ceux
qui les ont les font valoir ce qu'ils peuvent, &
non pas ce qu'ils doiuent, & y a offices sans ga-
ges qui se vendent bien huit cens escus, & d'au-
tres où il y a gages bien petits, se vendent plus
que les gages ne scauroient valoir en quinze
ans. Parquoi aduient que souuent nul ne se des-
appointe, & soustient la Cour de Parlement
cest article. C'est la raison, mais aussi il touche
quasi tous. Entre les Conseillers se trouuent
tougiours largement de bons & notables per-
sonnages, & aussi il y en a aucuns bien mal con-
ditionnez. Ainsi est-il en tous estats.

*Digression sur les estats, offices, & ambitions, par
l'exemple des Anglois.*

CHAP. VII.

IE parle de ces offices & autoritez : parce qu'ils sont à desirer en mutations : & aussi sont causes d'icelles. Ce que l'on a veu, non pas seulement de vostre temps, mais encore dès le temps du Roy Charles sixiesme, quand les guerres qui continuerent iusques à la paix d'Arras, commencerent. Car cependant les Anglois se meslerent parmy ce Royaume, si auant qu'en traittant ladite paix d'Arras (où estoient de la part du Roy, quatre ou cinq Ducs ou Comtes, cinq ou six Prelats, & dix ou douze Conseillers de Parlement : & de la part du Duc Philippe, grans personages à l'aduenant : & en beaucoup plus grand nombre : & pour le Pape, deux Cardinaux pour mediateurs, & de grands personages pour les Anglois) pour lors estoit Regent en France, pour les Anglois, le Duc de Bethfort, frere du Roy Henry cinquiesme, marié avec la sœur dudit Duc Philippe de Bourgogne : & demouroit iceluy Regent à Paris, ayant vingt mille escus par mois, pour le moindre estat qu'il eust iamais en cest office. Ce traité dura par l'espace de deux mois, & desiroit fort le Duc de Bourgogne s'acquitter envers les Anglois, auant que soy departir d'auec eux, pour les alliances & promesses qu'ils auoient faites ensemble : & pour ces raisons, fut offert au Roy d'Angleterre, pour luy & les Seigneurs

les Duchés de Normandie & de Guienne: pour-
 uen qu'il en fist hommage au Roy (comme a-
 uoient fait ses predecesseurs) & qu'il rendist ce
 qu'il tenoit au Royaume, hors lesdicts Duchés.
 Ce qu'ils refuserent: pourtant qu'ils ne voulu-
 rent faire ledit hommage: & mal leur en prit
 apres. Car abandonnez furent de ceste maison
 de Bourgogne: & ayans perdu leur temps, &
 intelligences du Royaume, se prirent à perdre
 & diminuer. Ils perdirent Paris, & puis petit à
 petit le demourant du Royaume. Apres qu'ils
 furent retournez en Angleterre, nul ne vouloit
 diminuer son estat: mais les biens n'estoient au
 Royaume pour satisfaire à tous. Ainsi guerre
 s'esmeut entre eux, pour leurs autoritez qui a
 duré par longues annees: & fut mis le Roy Hē-
 ry sixième (qui auoit esté couronné Roy de
 France & d'Angleterre à Paris) en prison au
 chasteau de Londres, & déclaré traistre & cri-
 mineux de leze majesté: & là dedans a vſé la
 pluspart de sa vie: & à la fin a esté tué. Le Duc
 d'Yorth, pere du Roy Edouard dernier mort,
 s'intitula Roy. Et peu de iours apres fut descon-
 fi en bataille, & mort: & tous morts eurent les
 testes tranchees, luy & le Comte de Vvaruyc,
 dernier mort: qui tant a eu de credit en Angle-
 terre. Cestuy-là emmena le Comte de la Mar-
 che (depuis appellé Roy Edouard) par la mer à
 Calais, avec quelque peu de gens fuyans de la
 bataille. Ledit Comte de Vvaruyc soustenoit la
 maison d'Yorth: & le Duc de Sombreffet, la
 maison de Lanclastre. Tant ont duré ces guerres,
 que tous ceux de la maison de Vvaruyc & de

*Misere de
 Henry 6.
 déclaré roy
 de France
 & d'Ang.*

Sombreflet y ont eu les teſtes trâchees ou morts en bataille.

Le Roy Edouard fait mourir ſon frere, le Duc de Clarence, en vne pippe de maluoisie: pource qu'il ſe vouloit faire Roy, comme on diſoit. Apres qu'Edouard fut mort, ſon frere ſecond, à ſçauoir Richard ſouſnômé Duc de * Cloceſtre, fait mourir les deux fils dudit Edouard: & declara ſes filles baſtardes: & ſe fait couronner Roy.

Incontinent apres paſſa en Angleterre le Comte de Richemont, à preſent Roy (qui par longues années auoit eſté priſonnier en Brétaigne) & deſconfit, & tua en bataille ce cruel Roy Richard, qui peu auant auoir fait mourir ſes neveux. Et ainſi de ma ſouuenance, ſont morts, en ces diuiſions d'Angleterre, bien quatre vingts hommes de la lignee Royale d'Angleterre, dont vne partie i'ay cognus, des autres m'a eſté compté par les Anglois, demourans avec le Duc de Bourgongne, tandis que i'y eſtoye. Ainſi ce n'eſt pas à Paris, n'en France ſeulement, qu'on s'entrebatoit pour les biens & honneurs de ce monde, & doiuent bien craindre les Princes, ou ceux qui regnent aux grandes Seigneuries, de laiſſer engendrer vne partialité en leur maiſon, car de là ce feu court par la Prouince. Mais mon aduis eſt, que cela ne ſe fait pas que par diſpoſition diuine. Car, quand les Princes, ou Royaumes, ont eſté en grande proſperité ou richesses, & ils ont meſcognoiſſance dont procede telle grace, Dieu leur dreſſe vn ennemy ou ennemie, dont nul ne ſe douteroit: comme vous pourrez voir par les Roys nommez en la Bible, & par ce que, puis peu de temps, en ce pays d'Angleterre, & en

Le Duc
Clarence
eſtouffé en
vne pippe
de mal-
uois.
* Tous les
exempl.
imprimés,
que nous
auons vus
auoyent
Lancelastre
& Lancel.
mais le
vieil à la
main dit
Cloceſtre:
comme
vent auſſi
Pol Virgil
& ſont
bons Hi-
ſtoriogra-
phes
Partialités
dangereu-
ſes es mai-
ſons des
Princes.

ceste maison de Bourgongne, & autres lieux, auez veü, & voyez tous les iours.

Comment le Roy Louys entra dedans Paris, pendant que les Seigneurs de France y dressoient leurs pratiques.

CHAP. VIII.

L'Ay esté long en ce propos, & est temps que l'ieretourne au mien.

Dés ce que ces Seigneurs furent arriuez deuant Paris, ils commencerent tous à pratiquer ** ou, gens. ** leans, & promettre offices & biens, & ce qui pouuoit seruir à leur matiere. Au bout de trois iours on fit grande assemblee en l'hostel de la ville de Paris, & apres grandes & longues paroles, & ouyes les requestes & sommations que les Seigneurs leur faisoient en public, & pour le grand bien du Royaume (comme ils disoient) fut conclu enuoyer deuers eux, & entendre à pacification. Ils vindrent en grand nombre de gens de bien vers les Princes dessusdits, au lieu de saint Mor, & porta la parole maistre Guillaume Chartier, lors Euesque de Paris, renommé tres-grand homme: & de la part des Seigneurs, parloit le Comte de Dunois. Le Duc de Berry, frere du Roy presidoit, assis en chaire, & tous les autres Seigneurs debout. De l'vn des costez estoient les Ducs de Bretagne & de Calabre, & de l'autre le Comte de Charolois, qui estoit armé de toutes pieces, sauf la teste & les garde-bras, & vne manteline fort riche sur sa cuirace. Car il venoit de Conflans: & le Bois de

*Guillaume
Chartier
Euesque
de Paris
enuoyé
vers les
Seigneurs
liguez.*

Vin.

Vicennes tenoit pour le Roy, & y auoit beaucoup de gens. Parquoi lui estoit besoin d'estre venu accompagné. Les requestes & fins des Seigneurs estoient d'entrer dedās Paris pour auoir conuersation & amitié avec eux. sur le faict de la reformatiō du Royaume: lequel ils disoiēt estre mal conduit, en donnant plusieurs grandes charges au Roy. Les responses estoient fort douces, toutesfois ils prirent quelque delay, auant que respondre, & neantmoins le Roi ne fut depuis content dudit Euesque, ne de ceux qui estoient avec luy. Ainsi s'en retournerent, demourant en grand' pratique. Car chacun parla à eux en particulier, & croy bien qu'en secret fut accordé par aucuns, que les Seigneurs en leur simple estat y entrentoient, & leurs gens y pourroient passer outre (si bon leur sembloit) en petit nombre à la fois. Ceste conuersation n'eust point esté seulement ville gaignee, mais toute l'entreprise: car aisément le peuple se fust tourné de leur part (pour plusieurs raisons) & par consequent toutes celles du Roiaume, à l'exemple de ceste-là. Dieu donna sage conseil au Roi: & il l'executa bien, estant ja aduertí de toutes ces choses.

Auant que ceux, qui estoient venus vers ces Seigneurs, eussent fait leur rapport, le Roi arriua en la ville de Paris, en l'estat qu'on doit venir pour reconforter vn peuple: car il y vint en tres-grande compagnie, & mit bien deux mille hommes d'armes en la ville, tous les nobles de Normandie, grand' force de Francs-Archers: les gens de sa maison, pensionnaires & autres gens de bien, qui se trouuoient avec tel Roi en

en, de sens. semblables affaires; Et ainsi fut ceste pratique rompuë, & tout ce peuple bien mué* des siens ni ne se fust trouué homme de ceux, qui parauant auoient esté deuers nous, qui plus eust osé parler de la marchandile, & aux aucuns en prit mal. Toutesfois le Roi n'vsa de nulle cruauté en ceste matiere, mais aucuns perdirent leurs offices, les autres enuoia demourer ailleurs. Ce que ie lui repute à loüange, n'ayant vſé d'autre vengeance. Car si cela, qui auoit esté commencé fust venu à effect, le meilleur, qui lui pouuoit venir, c'estoit fuir hors du Royaume. Aussi plusieurs fois m'a-il dit, que s'il n'eust peu entrer dedans Paris, & qu'il eust trouué la ville muée, il se fust retiré vers les Suisses, ou deuers le Duc de Milan, Francisque: qu'il reputoit son grand amy, & bien lui monstra ledit Francisque par le secours qu'il lui enuoya, qui estoit de cinq cens hommes d'armes: & trois mille hommes de pied, sous la cōduite de son fils aisné, appelé Galeas, depuis Duc: & vindrent iusqu'en Forest: & feirent guerre à monseigneur de Bourbon: & à cause de la mort dudit Duc Francisque ils s'en retournerent, & aussi par le conseil qu'il lui donna en traittant la paix, appelée le Traitté de Conflans, où il lui manda qu'il ne refusast nulle chose qu'on lui demandast pour separer ceste compagnie, mais que seulement les gens luy demourassent.

*Le Roy
mal contēt
que l'on
fust entré
en traitté
de l'estat
sans luy.*

*Le Roy
hōme fail-
ly, si pour
luy eust
faillly.*

*Sage con-
seil du Duc
de Milan
au Roy.*

A mon aduis, nous n'auions point esté plus de trois iours deuant Paris, quand le Roy y entra. Tantost nous commença la guerre tresforte, & par'especial sur nos fourrageurs. Car l'on estoit contraint d'aller loing en fourrage, &

faloit beaucoup de gens à les garder. Et faut bien dire qu'en ceste isle de France est bien assés se ceste ville de Paris, de pouuoir fournir deux si pu'ssans osts. Car iamais nous n'eusmes faute de viures: & dedans Paris à grand' peine s'apperceuoient-ils qu'il y eust iamais rien encheri, que le pain, seulement d'un denier sur le pain. Car nous n'occupions point les riuieres d'au dessus: qui sont trois, c'est à sçauoir, Marne, Yonne, & Seine, & plusieurs petites riuieres qui entrent en celles-là. A tout prendre, c'est la Cité, que iamais ie veisse, enuironnee de meilleur pays & plantueux, & est chose quasi incroyable que des biens qui y arriuent, i'ai esté depuis ce temps avec le Roi Louis, demi an sans en bouger, logés Tournelles, mangeant & couchant avec lui ordinairement: & depuis son trespas, vingt mois (maugré moy) ai esté tenu prisonnier en son Palais, où ie voyoie de mes fenestres arriuer ce qui montoit contre-mont la riuere de Seine du costé de Normandie. Du dessus en vient aussi sans comparaison plus que n'eusse iamais creu, si ie ne l'eusse veu.

*Situation
de Paris -
fort commode.*

*Communes
prisonnier
au Palais
à Paris.*

○ Ainsi donc tous les iours faillloit de Paris force gens: & y estoient les escarmouches grosses. Nostre guet estoit de cinquante Lances, qui se tenoient vers la Grange aux Merciers, & auoient de Cheuaucheurs le plus pres de Paris qu'ils pouuoient. qui tres-souuent estoient ramenez iusques à eux, & bien souuent falloit qu'ils renussent sur queue iusques à nostre chariot, en se retirant le pas, & aucunes fois le trot, & puis on leur renuoioit des gens, qui aussi renuoioient les autres iusques bien pres les portes de Paris.

*Escarmouches deuant
Paris.*

Et ceci estoit à toutes heures : car en la ville y auoit plus de deux mille cinq cens hōmes d'armes de bonne estoffe, & bien logez; grand' force de Franks-Archers : & puis ils voyoient les Dames tous les iours, qui leur donnoient enuie de se monstrier. De nostre costé y auoit vn tref-grand nombre de gens : mais non point tant de gens de cheual. Car il n'y auoit que les Bourguignons (qui y estoient enuiron quelques deux mille Lances, que bons que mauuais) qui n'estoient point si bien accoustrez que ceux de dedans Paris, pour la longue paix qu'ils auoient eue, comme i'ay dit autrefois. Encores de ce nombre en y auoit à Laigny bien deux cens hommes d'armes, & y estoit le Duc de Calabre. De gens de pied nous auions grand nombre, & de bons. L'armee des Bretons estoit à Saint Denys, qui faisoient la guerre là où ils pouuoient : & les autres Seigneurs espars pour les viures.

Sur la fin y vindrent le Duc de Nemours, le Comte d'Armignac, & le Seigneur d'Albret. Leurs gens demourerent loin, pource qu'ils n'auoient point de payement, & qu'ils eussent affamé nostre ost, s'ils eussent pris sans payer : & sçai bien que le Comte de Charolois leur donna de l'argent, iusques à cinq ou six mille francs, & fut aduise que leurs gens ne viendroient point plus auant. Ils auoient bien six mille hommes de cheual, qui faisoient merueilleusement de maux.

*Bretons
faisoient
grands
maux à
S. Denys.*

*Comment l'artillerie du Comte de Charolois & celle du
Roy tirerent l'une contre l'autre pres Charenton,
& comment le Comte de Charolois feit faire
derechef vn pont sur bateaux, en
la riuere de Seine.*

C H A P. I X.

EN retournant au faict de Paris, il ne faut
douter que nul iour sans perte & gain ne se
passast, tant d'un costé que d'autre: mais de cho-
ses grosses n'y auoit-il rien. Car le Roy ne vou-
loit point souffrir que ses gens saillissent en
grandes bandes, ni ne vouloit rien mettre en ha-
zard de bataille: & desiroit paix, & sagement de-
partir ceste assemblée. Toutesfois, vn iour bien
matin, vindrent loger droit vis à vis de l'hostel
de Conflans, au long de la riuere, & sur le fin
bord, quatre mille francs Archers.

*Le Roy ne
veut rien
mettre en
hazard.*

Les Nobles de Normandie, & quelque peu
de Gens d'armes d'ordonnance, demourerent à
vn quart de lieuë de là, en vn village: & depuis
leurs gens de pied iusques là, n'y auoit qu'une
belle plaine. La riuere de Seine estoit entre nous
& eux, & commencerent ceux du Roy vne tren-
chée à l'endroit de Charenton, où ils feirent vn
Bouleuert de bois, & de terre iusques au bout de
nostre ost & passoit ledit fossé pardeuant Con-
flans la riuere entre deux, comme dit est: & affu-
sterent grand nombre d'artillerie, qui d'entrée
chassa tous les gens du Duc de Calabre, hors du
village de Charenton, & faloit qu'à grand haste
ils vinssent loger avec nous, & y eut des gens &

des cheuaux tuez. Et logea le Duc Iean en vn petit corps d'hostel, tout droit au deuant de celuy de Mōseigneur de Charolois, à l'opposite de la riuiera.

Cest artillerie commença premierement à tirer par nostre ost, & espouuenta fort la compagnie. Car elle tua des gens d'entrée: & tira deux coups par la chambre, où le seigneur de Charolois estoit logé, comme il disnoit: & vint tuer vne trompette, en apportant vn plat de viande, sur le degré. Apres le dîner ledit Comte de Charolois descendit en l'estage bas, & se delibera n'en bouger: & le matin vindrēt les Seigneurs tenir conseil: & ne se tenoit point le conseil ailleurs que chez le Comte de Charolois: & tousiours apres le conseil, disnoient ensemble: & se mettoit le Duc de Berry & de Bretaigne au banc, le Comte de Charolois, & le Duc de Calabre au deuant: & portoit ledit Comte honneur à tous, * comme à l'affiete. Aussi le deuoit bien faire à aucuns, & à tous, puis que c'estoit chez luy. Il fut aduisé que toute l'artillerie de l'ost seroit assortie encontre celle du Roy. Ledit Seigneur de Charolois en auoit largement, & le Duc de Calabre, & aussi auoit le Duc de Bretaigne. L'on feit de grand trous és murailles, qui sont au de la riuiera, derriere ledit hostel de Conflans: & y assortit-on toutes les meilleures pieces, exceptées les Bombardes & autres grosses pieces, qui ne tirerent point: & le demourant, ou elles pouuoient seruir. Ainsi en eut du costé des Seigneurs beaucoup plus que du costé du Roy. La trachée, que les gēs du Roy auoiēt faite, estoit fort longue tirant vers Paris, & tousiours la tiroient auant, & iettoient la terre de nostre co-

* à tous
hommes,
les conuisiāt
à l'affiete.

été, pour soi taudir de l'artillerie: car tous estoient dedas le fossé: ne nul n'eust osé mōstrer la teste: Ils estoient en lieu plein, & en belle prairie. Je n'ai iamais tant veu tirer pour peu de iours. Car de nostre costé on s'attendoit de les chasser de là à force d'artillerie. Aux autres en venoit de Paris tous les iours: qui faisoient bonne diligence de leur costé, & n'espargnoient point la poudre. Grand' quantité de ceux de nostre ost feirent des fossez en terre, à l'endroict de leurs logis. Encores d'avantage y en avoit beaucoup: pource que c'est lieu où l'on a tiré de la pierre. Ainsi se taudissoit chacun: & se passa trois ou quatre iours. La crainte fut plus grande que la perte, des deux costez: car il ne se perdit nul homme de nom.

Quand ces Seigneurs veirent que ceux du Roy ne s'esmouuoient point, il leur sembla hōte & peril, & que ce feroit donner cœur à ceux de Paris. Car, par quelques iours de trefues, il vint tant de peuple qu'il sembloit que rien ne fust demouré en la ville.

Il fut conclu, en vn conseil, que l'on feroit vn fort grand pont sus grands batteaux: & couperoit-on l'estroit du bateau: & ne s'asserroit le bois que sur le large: & au dernier couplet y auroit de grandes ancrs pour ietter en terre. Avec cela furent amenez plusieurs grans batteaux de Seine, qui eussent peu passer la riuere, & assaillir les gens du Roy. A maistre Giraud Canonier, fut donnée la charge de cest ouura-ge: & luy sembloit que pour les Bourguignons estoit grand aduantage de ce que les autres avoient ietté les terres de nostre costé, pource

que, quand ils seroient outre la riuere ceux du Roy trouueroient leur tranchee beaucoup au deffous des assaillans : & qu'ils n'oseroient fail-
 lir dudit fossé pour crainte de l'artillerie. Ces
 raisons donnerent grand cœur aux nostres de
 passer : & fut le pont acheué & dressé, sauf le
 dernier couplet, qui tournoit de costé, prest
 à dresser, & tous les batteaux arriuez. Inconti-
 nent qu'il fut dressé, vint vn Officier d'armes du
 Roy, dire que c'estoit cōtre la trefue: car, pour-
 ce que ce iour, & le iour precedent, y auoit eu
 trefue, on venoit pour voir que c'estoit. A l'a-
 uenture il trouua monsieur de * Bonillet, & plu-
 sieurs autres, à qui il parla. Ce soir passoit la
 trefue. Il pouuoit bien passer trois hommes
 d'armes, la lance sur la cuisse, de front: & y
 pouuoit bien auoir six grands batteaux, que
 chacun eüst bien passé mil hommes à la fois: &
 plusieurs petits à couler l'artillerie, pour les
 seruir à ce passage. Si furent faites les bandes, &
 les roolles de ceux qui deuoient passer: & en
 estoient Chefs le Comte de Sainct Paul, & le
 Seigneur de Haultbourdin. Apres que minuiet
 fut passé, commencerent à s'armer ceux qui en
 estoient: & auant iour furent armez: & ouyrent
 les aucuns Messe, en attendant le iour: & fai-
 soient ce que bons Chrestiens font en tel cas.
 Ceste nuit ie me trouuay en vne grande tente,
 qui estoit au milieu de l'ost, où l'on faisoit le
 guet: & estoye du guet ceste nuit (car nul n'en
 estoit excusé) & estoit chef de ce guet monsei-
 gneur de Chastel Guyon, qui mourut à Grā-
 son depuis: & s'attendoir l'heure de voir cest
 esbat. Soudainement nous ouysmes ceux qui

Bueil.

Et fut ac-
 cusee.

Moras.

estoit en ces tranches : qui commencerent à crier à haute voix : Adieu voisins , Adieu, & incontinent mirent le feu en leurs logis , & retirerent leur artillerie. Le iour commença à venir. Les ordonnez à ceste entreprised estoient ja sur la riuere, au moins partie : & veirent les autres ja bien loin, lesquels se retiroient à Paris. Ainsi donques chacun s'en alla desarmer, trefioyeux de ce departement. Et à la verité ce que le Roy auoit mis de gens, n'estoit que pour battre nostre ost d'artillerie, & non pas en intention de combattre. Car il ne vouloit rien mettre en hazard, comme i'ay dit ailleurs : nonobstant que sa puissance fust tresgrande pour tous tant qu'il y auoit de Princes ensemble. Mais son intention (comme bien le monstra) estoit de traicter paix, & departir la compagnie, sans mettre son estat (qui estoit grand & si bon, que d'estre Roy de ce grand & obeissant Royaume de France) en peril de chose si incertaine qu'une bataille.

Chacun iour se menoit de petits marchez pour soustraire gens l'un à l'autre, & y eut plusieurs iours de trefues & assemblees d'une part & d'autre, pour traicter paix, & se faisoit ladite assemblee à la Grange aux merciers, assez pres de nostre ost. De la part du Roy y venoit le Comte du Maine, & plusieurs autres. De la part des Seigneurs, le Comte de Saint Paul, & plusieurs autres aussi. Assez de tous les Seigneurs furent assemblez par beaucoup de fois sans rien faire, & cependant duroit la trefue : & s'entreuoyoient beaucoup de gens des deux armées, un grand fossé entre-deux, qui est comme my-

chemin, les vns d'un costé, les autres de l'autre: ne par la trefue nul ne pouuoit passer. Il n'estoit iour qu'à cause de ces venës ne se vint rendre dix ou douze hommes du costé des seigneurs, & aucunesfois plus: vn autre iour s'en alloient autant des nostres. Et pour ceste cause s'appella ce lieu depuis le Marché, pource que telles marchandises s'y faisoient. Et pour dire verité, telles assemblees & communications sont bien dangereuses en telles façons: & par especial pour celui qui est en grande apparence de cheoir.

*Grange
aux Mer-
ciers, appel-
lee le Mar-
ché.*

- ” Naturellement la plus part des gens ont l'œil
- ” ou à s'accroistre, ou à se sauuer: ce qui aisément
- ” les fait tirer des plus forts. Autres en y a si bons
- ” & si fermes, qu'ils n'ont nuls de ces regards:
- ” mais peu s'en trouue de tels. Et par especial est-
- ” ce danger, quand ils ont Prince qui cherche gai-
- ” gner ~~bons~~, qui est vne grande grace que Dieu
- ” fait au Prince qui le scait faire: & est signe qu'il
- ” n'est point entaché de ce fort vice & peché

*Quelles
gens pro-
pres à trai-
ter paix.*

d'orgueil, qui procure haine enuers toutes personnes. Parquoy, comme i'ay dit, quand on viét à tels marchés de traiter paix, il se doit faire par les gens & feables seruiteurs que les Princes ont, & gens d'aage moien: à fin que leur foiblesse ne les conduise à faire quelque marché deshonesté, n'a espouuanter leur maistre à leur retour, plus que de besoin: & plustost y doiuent estre empeschez ceux qui ont receu quelque grace ou bienfaict de lui, que nuls autres: mais sur tous sages gés, Card'un fol né fait jamais homme son profit, & se deuoient plustost conduire ces traittés loing que près. Et, quand les Ambassadeurs retournent, les faut

ouyr seuls, ou à peu de compagnie, à fin que si leurs paroles sont pour espouuenter les gens, qu'ils leur dient les langages, dont ils deuront vsfer à ceux qui les enquerrent. Car chacun desire de sçauoir nouuelles d'iceux, quãd ils viennent de tels traittez, & plusieurs dient : Tel ne me celera rien. Si feront, s'ils sont tels, comme ie dy, & qu'ils recognoissent qu'ils ayent maistres sages.

*Digression sur quelques vices, & vertus du
Roy Louys onzieme.*

CHAP. X.

IE me suis mis en ce propos, parce que i'ay veu beaucoup de tromperies en ce monde, & de beaucoup de seruiteurs enuers leurs maistres, & plus souuent tromper les Princes & seigneurs orgueilleux, qui peu veulent ouyr parler les gens, que les humbles, qui volontiers escoutent. Et entre tous ceux que i'ay iamais cognus, le plus sage, pour soy tirer d'un mauuais pas en temps d'aduersité, c'estoit le Roy Louys onzieme, nostre maistre, le plus humble en paroles & en habits, & qui plus trauailloit à gagner vn homme, qui le pouuoit seruir, ou qui luy pouuoit nuire. Et ne s'ennuyoit point d'estre refusé vne fois d'un homme qu'il pretendoit gagner: mais y continuoit, en luy promettant largement, & donnant par effect argẽt & estats qu'il cognoissoit luy plaire. Et quant à ceux qu'il auoit chassez & deboutés en temps de paix & prosperité, il les rachetoit bien cher,

*Louys sage
en aduersité.*

*Le Roy
Louys sçauoit acheter les hommes de valeur.*

*Le Roy
Louis cu-
rieux de
cognoistre
toutes ser-
tes d'hom-
mes.*

quand il en auoit en nulle haine pour les choses passées. Il estoit naturellement amy des gens de moyen estat, & ennemy de tous grands, qui se pouuoient passer de luy. Nul homme ne presta iamais tant l'oreille aux gens, ny ne s'enquit de tant de choses, comme il faisoit, ne qui voulust iamais cognoistre tant de gens: car aussi veritablement il cognoissoit toutes gens d'autorité, & de valeur qui estoient en Angleterre, en Espagne en Portugal, en Italie, & es seigneuries du Duc de Bourgongne, & en Bretagne, ainsi comme il faisoit ses sujets. Et ces termes & facons qu'il tenoit, dont i'ay parlé cy dessus, luy ont sauué la couronne, veu les ennemis qu'il s'estoit luy-mesme acquis à son aduenement au Royaume. Mais sur tout luy a seruy sa grande largesse: car ainsi comme sagement il conduisoit l'aduersité, à l'opposite de ce qu'il cuidoit estre à seur, ou seulement en vne trefue, se mettoit à mescontenter ses gens, par petits moyens qui peu luy seruoient: & à grand' peine pouuoit endurer paix, Il estoit leger à parler des gēs, & aussi tost en leur presence qu'en leur absence: sauf de ceux qu'il craignoit. Qui estoit beaucoup: car il estoit assez craintif de sa propre nature. Et, quand pour parler il auoit receu quelque dommage, ou en auoit soupçon, & le vouloit reparer, il vsoit de ceste parole au personnage propre: *Je sçay bien que ma langue m'a porté grand dommage, aussi m'a-elle fait quelquesfois du plaisir beaucoup: toutesfois c'est raison que ie repare l'amende.*

*Excuse notable du
Roy sur sa
prompti-
tude à par-
ler.*

Et n'vsoit point de ses priuees paroles qu'il ne feist quelque bien au personnage à qui il

parloit:& n'en faisoit nuls petits. Encores fait Dieu grande grace à vn Prince, quand il sçait bien & mal, & par especial quand le bien precede: comme au Roy nostre maistre dessusdit. Mais à mon aduis que le trauail qu'il eut en sa ieunesse, quand il fut fugitif de son pere, & fuit sous le Duc Philippe de Bourgogne, où il fut six ans, luy valut beaucoup: car il fut contraint de complaire à ceux dont il auoit besoin: (& ce bien qui n'est pas petit) luy apprit aduersité. Comme il se trouua grand, & Roy couronné, d'entree ne pensa qu'aux vengeance, mais tost luy en vint le dommage, & quand & quand la repentance: & repara ceste folie, & cest erreur, en regaignant ceux ausquels il tenoit tort, comme vous entendrez cy-apres. Et, s'il n'eust eu la nourriture autre que les Seigneurs que i'ay veu nourrir en ce Royaume, ie ne croy pas que iamais, se fust ressours: car ils ne le nourrissent seulement qu'à faire les sots en habillemens, & en paroles. De nulles lettres ils n'ont cognoissance. Vn seul sage homme en n'entremet à l'entour. Ils ont des Gouverneurs, à qui on parle de leurs affaires, & à eux riens: & ceux-là disposent de leursdits affaires, & tels Seigneurs y a qui n'ont que treize liures de rente, qui se glorifient de dire, Parlez à mes gens, cuidans par ceste parole contrefaire les grands Seigneurs. Aussi ay-ie bien veu souuent leurs seruiteurs faire leur profit d'eux, en leur donnant bien à cognoistre qu'ils estoient bestes. Et, si d'auenture quelqu'un s'en reuient, & veut cognoistre ce que luy appartient, c'est si tard qu'il ne sert plus de gueres: car il faut noter que tous les hommes

*Le Roy
Louys pro-
fita au tra-
uail par
où il passa
durant la
vie de son
pere.*

*Princes
mal nour-
ris ordinai-
rement.*

qui iamais ont esté grans, & fait grandes choses, ont commencé fort ieunes. Et cela gist à la nourriture, ou vient de la grace de Dieu.

Comment les Bourguignons, estant près Paris, attendent la bataille, cuiderent de grands ehardons, qu'ils veirent de loin par vn temps obscur que ce fussent lances debout.

CHAP. XI.

OR ai-je long temps tenu ce propos: mais il est tel, que ie n'en fors pas bien quand ie veux. Or, pour reuenir à la guerre, vous auez ouy comme ceux que le Roy auoit logez en ceste trenchée, au long de ceste riuiera de Seine se deslogerent à l'heure que l'on les deuoit assaillir.

La trefue ne duroit iamais gueres, qu'un iour ou deux. Aux autres iours se faisoit la guerre, tant aspre qu'il estoit possible, & continuèrent les escarmouches depuis le matin iusques au soir. Grosses bandes ne failloient point de Paris: toutesfois souuent nous remettoient nostre guet, & puis on le renforçoit. Ie ne vei iamais vne seule iournée, qu'il n'y eust escarmouche, quelque petite que ce fust, & croi bien que le Roy eust voulu qu'elles y eussent esté plus grosses, mais il estoit en grand soupçon, & de beaucoup qui estoit sans cause. Il m'a autrefois dit qu'il trouua vne nuit la Bastille saint Antoine ouuerte par la porte des champs, de nuit. Ce qui luy donna grand soupçon de Messire Charles de Melun, pource que son pe-

re tenoit la place. Je ne dy autre chose dudit Messire Charles, que ce que i'en ay dit, mais meilleur seruiteur n'eut point le Roy pour ceste annee là.

Vn iour fut entrepris à Paris de nous venir combattre, & croy que le Roy n'en delibera rié, mais les Capitaines:: & de nous assaillir par trois costez: Les vns deuers Paris, qui deuoit estre la grande compagnie. Vne autre bande deuers le pont de Charenton: & ceux-là n'eussent guerres iceu nuire: & deux cens hommes d'armes, qui deuoient venir par deuers le Bois de Vincennes. De ceste conclusion fut aduertty l'ost environ la minuiet, par vn Page qui vint crier de l'autre part de la riuere: car aucuns bons amis des Seigneurs les aduertissoient de l'entreprise (qui estoit telle qu'auz ouy) & en nomma aucuns, & puis incontinent s'en alla. Sur la fine pointe du iour vint Messire Poncet de Riuere, deuant ledit pont de Charenton, & Monseigneur du Lau d'autre-part, deuers le Bois de Vincennes, iusques à nostre artillerie: & tuerent vn canonier. L'alarme fut fort grande, cuidant que ce fust ce, dont le Page auoit aduertty la nuit. Tost fut armé monseigneur de Charolois: mais encore plus tost Iean Duc de Calabre car à tous alarmes c'estoit le premier hōme armé, & de toutes pieces, & son cheual tousiours bardé. Il portoit vn habillement que ces conducteurs portent en Italie, & sembloit bien Prince & chef de guerre, & tiroit tousiours droit aux barrières de nostre ost, pour garder les gens de faillir, & y auoit d'obeissance autant que Monseig. de Charolois, & lui obeissoit tout l'ost de

*Duc de
Calabre
grand chef
de guerre.*

meilleur cœur : & à la verité il estoit digne d'estre honoré. En vn moment tout l'ost fut en armes, & à pied, au long des charrettes par le dedans, sauf quelques deux cens cheuaux, qui estoient dehors au guet : & (excepté ce iour) ie ne cognu iamais que l'on eust esperance de combattre : mais à ceste fois chacun s'y attendoit.

*ce Bruit des
Ducs de
Berry &
de Bretai-
gne armez
pour une
fois.*

Et sur ce * poinct arriuerent les Ducs de Berry & de Bretagne, lesquels iamais ie ne vy armez que ce iour. Le Duc de Berri estoit armé de toutes pieces. Ils auoient peu de gens. Ainsi ils passerent par le champ, & se mirent vn peu au dehors pour trouuer Messeigneurs de Charolois & de Calabre, & là parloïent ensemble. Les cheuaucheurs qui estoient renforcez, allerent plus pres de Paris, & veirent plusieurs cheuaucheurs qui venoient pour sçauoir ce bruit en l'ost. Nostre artillerie auoit fort tiré, quand ceux de monseigneur du Lau s'en estoient approchez si pres. Le Roy auoit bonne artillerie sur la muraille de Paris, laquelle tira plusieurs coups iusques à nostre ost. Qui est grande chose (car il y a deux lieues) mais ie croy que l'on auoit leué le nez bien haut aux bastons. Ce bruit d'artillerie faisoit croire de tous les deux costez quelque grande entreprise. Le temps estoit fort obscur & trouble, & nos Cheuaucheurs, qui s'estoient approchez de Paris, voyoient plusieurs Cheuaucheurs, & bien loing outre, voyoient grande quantité de lances debout, ce leur sembloit, & iugeoient que c'estoient toutes les batailles du Roy, qui estoient aux champs, & tout le peuple de Paris : & ceste imagination leur donna l'obscurité du temps. Ils se reculerent droit vers ces

Seigneurs,

Seigneurs, qui estoient hors de nostre champ, & leur signifient ces nouvelles, & les aßeurent de la bataille. Les Cheuaucheurs faillis de Paris, s'approchoient tousiours: pource qu'ils voyoient reculer les nostres: qui encores les faisoit mieux croire. Lors vint le Duc de Calabre là où estoit l'estendart du Comte de Charolois, & la pluspart des gens de bien de sa maison pour l'accompagner, & la baniere preste à deployer, & le guidon de ses armes, qui estoit l'v-sance de ceste maison: & là nous dist à tous le dit Duc Iean: Or çà nous sommes à ce que nous auons tousiours désiré. Voila le Roy & tout ce peuple failly de la ville, & marchent, comme dient nos Cheuaucheurs: & pource que chacun ait bon cœur. Tout ainsi qu'ils faillent de Paris, nous aunerons à l'aune de la ville, qui est à la grand' aune. Ainsi alla reconfortant la compagnie. Nos cheuaucheurs auoient vn petit repris de cœur, voyans que les autres cheuaucheurs estoient foibles. Si se rapprocherent de la ville, & trouuerent encores ces batailles, où ils les auoient laissées, qui leur donna nouveau pensement. Ils s'en approcherent le plus qu'ils peurent: mais estant le iour vn peu haussé & esclaircy, ils trouuerent que c'estoient grands chardons. Ils furent iusques aupres des portes, & ne trouuerent riens dehors: & incontinent le manderent à ces Seigneurs, qui s'en allerent ouyr Messe, & disner: & en furent honteux ceux qui auoient dit ces nouvelles: mais le temps les excusa, avec ce que le Page auoit dit la nuit de deuant.

*Chardons
pris pour
lances par
les Bourgeois
grands.*

Comment le Roy & le Comte de Charolois parlerent ensemble, pour cuider moyenner la paix : & des conditions du Comte de Charolois.

CHAP. XII.

LA pratique de paix continuoit tousiours, plus estroit entre le Roy & le Comte de Charolois, qu'ailleurs : pource que la force gisoit en eux. Les demandes des Seigneurs estoient grandes, par especial, pource que le Duc de Berry demandoit Normandie pour son partage : ce que le Roy ne vouloit accorder. Le Comte de Charolois vouloit auoir les villes assises sur la riuere de Somme : comme Amiens, Abbeuille, Sainct Quentin, Peronne, & autres : lesquelles le Roy auoit rachetees de quatre cens mille escus, du Duc Philippe, n'y auoit pas trois mois, & les auoit eues ledit Duc, par la paix d'Arras, du Roy Charles septiesme. Ledit Côte de Charolois disoit, que de son viuant le Roy ne les deuait racheter, luy ramenteuant combien il estoit tenu à sa maison : car, durant qu'il estoit fugitif de son pere, le Roy Charles : il y fut receu & nourry six ans, ayant deniers de luy pour son viure : & puis fut amené par eux iusques à Reims, & à Paris, à son sacre. Ainsi auoit pris le Comte de Charolois en tres-grand despit ce rachapt des terres dessusdites. Tant fut demenee ceste pratique de paix, que le Roy vint un matin par eauë, iusques vis à vis de nostre ost, ayant largement de cheuaux sur le bord de la riuere : mais en son bateau n'estoient que qua-

Le Comte de Charolois met en compte au Roy les bons offices de leur maison contre luy.

tre ou cinq personnes, horsmis ceux qui le ti-
roient, & y auoit Monseigneur du Lau, Mon-
seigneur de Montauban, Admiral de France
pour lors, Monseigneur de Nantouillet, & au-
tres. Les Comtes de Charolois & de Saint
Paul estoient sur le bord de la riuere de leur
costé, attendant ledit Seigneur. Le Roy de-
manda à Monseigneur de Charolois ces mots;
Mon frere m'asseurez-vous? (car autrefois ledit
Comte auoit espousé sa sœur) & ledit Comte
luy respondit : Ouy, comme frere. Le Roy des-
cendit à terre, avec les dessusdits qui estoient ve-
nus avec luy. Les Comtes dessusdits luy firent
grand honneur, comme raison estoit : & luy qui
n'en estoit chiche, commença la parole, disant :
Mon frere, ie cognoy que vous estes Gentil-
homme, & de la maison de France. Ledit Com-
te luy demanda : Pourquoi, Monseigneur?
Pource (dit-il) que quand i'enuoyay mes Am-
bassadeurs à l'Isle, n'agueres, deuers mon oncle
vostre pere & vous, & que ce fol Moruillier
parla si bien à vous, vous me mandastes par
l'Archeuesque de Narbonne (qui est Gentil-
homme, & il le monstra bien : car chacun se
contenta de luy) que ie me repentiroye des pa-
roles que vous auoit dit ledit de Moruillier,
auant qu'il fust le bout de l'an. Vous m'avez
tenu promesse, & encôres beaucoup plustost
que le bout de l'an. Et dist le Roy ces pa-
roles en bon visage, & riant, cognoissant la na-
ture de celuy à qui il parloit estre telle., qu'il
prendroit plaisir ausdites paroles : & seuremēt
elles luy pleurent. Puis poursuinit ainsi : Avec
tels gens veux-ie auoir à besongner, qui tien-

*Monseigneur
ouy. Ie
l'ouy, si fi-
rent assez
d'autres.*

Le Roy &c

Monseigneur.

*Sage aborā
du Roy vers
le Comte de
Charol.*

*Moruillier
Ambassa-
deur desor-
moné de
quelques
paroles par
le Roy.*

.. y ayant
largement
gēs armez.

nent ce qu'ils promettent. Et desaduouia ledit Moruillier, disant ne luy auoir point donné de charge d'aucunes paroles qu'il auoit dites. En effect long temps se pourmena le Roy au milieu de ces deux Comtes : * Du costé dudit Comte de Charolois auoit largement gens armez, qui les regardoient assez de pres. Là fut demandé la Duché de Normandie, & la riuere de Somme, & plusieurs autres demandes pour chacun, & autres ouuertes, ja pieça faictes pour le bien du Royaume : mais c'estoit là le moins de la question : car le Bien Public estoit conuert y en bien particulier. De Normandie, le Roy n'y vouloit entendre pour nulles choses : mais accorda audit Comte de Charolois sa demande : & offrit audit Comte de Saint Paul, l'office de Connestable, en faueur dudit Comte de Charolois : & fut leur Adieu tresgracieux : & se remit le Roy en son bateau, & retourna à Paris, & les autres à Conflans.

.. l'em. de
Lion, Gail-
let Dieuse,
& le vieil,
Guyot
Dieusi.

Ainsi se passerent les iours : les vns en trefues, les autres en guerre : mais toutes paroles d'appoinctement s'estoient rompuës (i'enten au lieu où les Deputez d'un costé & d'autre, s'estoient accoustumez assembler : qui estoit à la Grange aux Merciers) mais la pratique dessusdicté s'entretenoit entre le Roy & ledit Seigneur de Charolois ; & alloient enuoyans gens de l'un à l'autre, nonobstât qu'il fust guerre : & y alloit vn nommé Guillaume de Bische, & vn autre appelle Guillot * Diuse, estans au Comte de Charolois tous deux : toutesfois auoient autres fois receu bien du Roy : car le Duc Philippe les auoit bannis, & le Roy les auoit

recueillis, à la requeste dudit Seigneur de Charolois. Ces allees ne plaisoient à tous, & commençoient ja ces Seigneurs à se deffier l'un de l'autre, & à se * laisser : & n'eust esté ce qui survint peu de iours apres, ils s'en fussent tous allez v. honteusement. Iceles ay veus tenir trois conseils en vne chambre, où ils estoient tous assemblez : & vei vn iour qu'il en depleut bien au Comte de Charolois. Car il s'estoit ia fait deux fois en sa presence : & il luy sembloit bien que la plus grande : . chose- & toute, c'estoit que de parler en sa presence, & que, sans l'appeller, ne se deuoit point faire. Et en parla au Seigneur de Contay, bien fort sage homme (comme i'ay dit ailleurs) qui luy dit qu'il le portast patiemment : car, s'il les courrouçoit, ils trouueroient mieux leur appoinctement que luy : & que, comme il estoit le plus fort, il falloit qu'il fust le plus sage, & qu'il les gardast de se diuiser, & mist peine à les entretenir ioincts de tout son pouuoir, & qu'il dissimulast toutes ces choses : mais qu'à la verité l'on s'esbahissoit assez, & mesmement chez luy, de quoy si petits personnages, comme les deux dessusdits, s'empeschoient de si grande matiere, & que c'estoit chose dangereuse, encores ayant affaire à Roy si liberal comme est cestui-cy. Ledit de Contay haïssoit ledit Guillaume de Bische, & toutesfois il disoit ce, que plusieurs autres disoient comme luy : & croy que son affection ne l'en faisoit point parler, mais seulement la necessité de la matiere. Audit Seigneur de Charolois plut ce conseil, & se mit à faire plus de feste & de ioye avec ces Seigneurs, que parauant, & avec meilleure

laisser,
force de
cesto estoit
sienne ; &
parler en sa
chambre,
sans l'y ap-
peller, ne se
deuoit
point faire.

chere: & eut plus de communications avec eux, & leurs gens, qu'il n'auoit accoustumé. Et à mon aduis qu'il en estoit grand besoin, & danger qu'ils ne se fussent separez.

„ Vn sage homme sert bien en vne telle com-
 „ pagnie (mais qu'on le vueille croire) & ne se
 „ pourroit trop acheter. Mais iamais ie ne cognu
 Prince, qui ait sçeu cognoistre la difference en-
 tre les hommes, iusques à ce qu'il se soit trouué
 en necessité, & en affaire: & s'ils le cognoissent
 si ne leur en chaut il: & departent leur autorité
 à ceux, qui plus leur sont agreables, & pour l'a-
 ge qui leur est plus sortable, & pour estre com-
 pris en leurs opinions: ou aucunesfois sont me-
 nez par ceux, qui sçauent & conduisent leurs
 petits plaisirs. Mais ceux qui ont entendement
 „ s'en reuiennent tost, quand il en est besoin. Tel
 „ ay-je veu le Roy, ledit Comte de Charolois
 „ (pour le réps de lors) & le Roy Edouard d'An-
 gleterre, & autres plusieurs: & à telle heure ay-
 ie veu ces trois, qu'il leur en estoit bon besoin,
 & qu'ils auoient faute de ceux qu'ils auoient
 mesprizez. Mais, depuis que ledit Comte de
 Charolois eut esté Duc de Bourgongne, & que
 la fortune l'eût mis plus haut que ne fut iamais
 homme de sa maison, & si grand, qu'il ne crai-
 gnoit nul Prince pareil de luy, Dieu le souffrit
 cheoir en ceste gloire, & tant luy diminua du
 sens, qu'il mesprisoit tout autre conseil du mon-
 de, sauf le sien seul: & aussi tost finit sa vie dou-
 loureusement, avec grand nombre de gens, &
 de ses subiects: & desola sa maison, comme vous
 voyez.

Princes su-
 iet. à bien
 connoistre
 trop tard
 leurs trays
 seruiteurs

conformes
 à leurs coe-
 rances. v.

Jugement
 de Dieu sur
 le Duc de
 Bourgogne
 en son ag-
 grandisse-
 ment.

Orgueil ou
 presompti-
 on entre
 quidance.

Comment la ville de Rouen fut mise entre les mains du Duc de Bourbon, pour le Duc de Berry, par quelques menees : & comment le traité de Conflans fut de tous poincts conclu.

C H A P. XIII.

P Ource qu'icy dessus i'ay beaucoup parlé des dangers qui sont en ces traittez, & que les Princes y doiuent estre bien sages, & bien cognoistre quelles gens les menent, & par especial celuy qui n'a pas le plus apparent du ieu, maintenant s'entendra, qui m'a meue de tenir si long compte de ceste matiere. Cependant que ces traittez se menoient par voyes d'assemblees, & que l'on pouuoit communiquer les vns avec les autres, en lieu de traicter paix, se traicta par aucuns que la Duché de Normandie se mettoit entre les mains du Duc de Berry, seul frere du Roy : & que là il prendroit son partage, & laisseroit Berry au Roy : & tellement fut conduite ceste marchandise, que Madame la Grande Seneschale de Normandie, & aucuns à son adueu, comme seruiteurs & parens, mirent le Duc Iean de Bourbon au chasteau de Rouen, & par là entra en la ville, laquelle ville tost se consentit à ceste mutation, comme trop desirant d'auoir Prince qui demourast au pays de Normandie : & le semblable feirent toutes les villes & places de Normandie, ou peu s'en falut. Et a tousiours bien semblé aux Normans, & faict encores, que si grande Duché, comme la leur, requiert bien vn Duc : Et à la verité dire, elle est de grande estime : & s'y leue de grâds deniers.

*Seneschale
de Normã.
die met gës
à Rouen
pour le frere
du Roy.*

l'en ay veu leuer neuf cens cinquante mille francs. Aucuns dirent plus.

Après que la ville fut tournée, tous les habitants feirent le serment audit Duc de Bourbon, pour ledit Duc de Berry, sauf de Bailly (qui
V. nommé auoit esté nourri du Roy pour Valet de cham-
Onaste. bre, luy estant en Flandres, & bien priué de luy)
V. Picard. & vn appellé maistre Guillaume Piquart, puis General de Normandie : & aussi le Grand Seneschal de Normandie (qui est auourd'huy) ne voulut faire le serment : mais retourna vers le Roy, contre le vouloir de sa mere ; laquelle auoit conduit ceste reduction comme dit est.

Quand ceste mutation fut venue a la cognoissance du Roy, il se delibera d'auoir paix, voyant ne pouuoir donner remede à ce que ia estoit aduenü. Incontinent donc feit sçauoir à mondit Seigneur de Charolois, qui estoit à son ost, qu'il vouloit parler à luy, & luy nomma l'heure qu'il se rendroit aux champs, auprès dudit ost, estant pres Conflans, & faillit à l'heure dite, avec enuiron cent cheuaux, dont la plupart estoient des Escossois de la garde, d'autres gens peu. Ledit Comte de Charolois ne mena gueres de gens, & y alla sans nulle ceremonie, toutesfois il en suruint beaucoup, & tant qu'il en auoit beaucoup plus qu'il n'en estoit failly avec le Roy. Si les feit demeurer vn petit loïn, & se pourmenerent eux deux vne espace de temps, & luy dit le Roy, que la paix estoit faite, & luy conta ce cas, qui estoit aduenü à Roïen (dont ledit Comte ne sçauoit encores rien) disant le Roy, que de son consentement, n'eust iamaïs baillé tel partage à son frere : mais, puis

que d'eux-mesmes les Normans en auoient fait ceste nouuelleté, il en estoit content, & passeroit le traitté en toutes telles formes, comme il auoit esté aduisé par plusieurs iournees précédentes: & peu d'autres choses auoient à accorder. Ledit Seignent de Charolois enfut fort ioyeux. Car son ost estoit en tres-grande necessité de viures, & principalement d'argent, & quand cecy ne fust aduenu, tout autant qu'il y auoit là des Seigneurs, s'en fussent tous allez honteusement. Toutesfois audit Comte arriva ce iour, ou bien peu de iours apres, vn renfort, que son pere le Duc Philippe de Bourgogne luy enuoyoit, qu'amenoit monseigneur de Sauueses, où il y auoit six vingts-hommes d'armes, & quinze cens Archers, & six vingts mille escus contens, sur dix sommiers, & grande quantité d'arcs & traicts, & cecy pourueut assez bien l'ost des Bourguignons, estans en deffiance que le demeurant ne s'accordast sans eux.

Ces paroles d'appointement plaisoient tant au Roy, & audit Comte de Charolois, que ie luy ay ouy compter depuis, que si affectueusement parloient d'acheuer le demeurant, qu'ils ne regardoient point où ils alloient, & tirerent droit deuers Paris: & tant allerent, qu'ils entrèrent dedans vn grand bouleuert de terre & de bois, que le Roy auoit fait faire assez loin hors de la ville, au bout d'une trenchée. & au long de ladite trenchée on entroit dedans la ville. Avec ledit Comte estoient quatre ou cinq personnes seulement: & quand ils furent dedans, ils se trouuerent tres-esbahis; toutesfois ledit Comte tint la meilleure contenance qu'il peut. Il est à croire

En entroit l'on dedans la ville par icelle Exemple vieille.

.. V. dit, ne sont accreus de foy, &c. néanmoins il raye tout de ceste clause là depuis (il est à croire) iusques à (Côme les nouvelles

que nul de ces deux Seigneurs * ne furent errans de foy depuis ce temps là, veu qu'à l'un ny à l'autre ne prit mal. Comme les nouvelles vindrent à l'ost, que ledit seigneur de Charolois estoit entré dedans ledit bouleuert, il y eut tres-grand murmure, & se mirent ensemble le Comte de saint Paul, le Mareschal de Bourgongne, le seigneur de Côtay, le seigneur de Haultbourdin, & plusieurs autres, donnant grande charge audit seigneur de Charolois de ceste folie, & autres qui estoient de sa compagnie, & alleguoient l'inconuenient aduenü à son grand pere, à Montereau-faut-Yonne, present le Roy Charles septiesme. Incontinent firent retirer dedans l'ost ce qui estoit dehors pourmenant aux champs, & vfa le Mareschal de Bourgongne (appellé Neufchastel par son surnō) de ceste parole. Si ce ieune Prince, fol & enragé, s'est allé perdre, ne perdons pas sa maison, ny le fait de son pere, ny le nostre : & pource ie suis d'aduis que chacun se retire en son logis, & se tienne prest, sans soy esbahir de fortune qui aduiēne, car nous sommes suffisans, nous tenans ensemble, de nous retirer iusques es marches de Hainaut, ou de Picardie, ou en Bourgongne.

Apres ces paroles monta à cheual avec le Comte de saint Paul, se pourmenant hors de l'ost, & regardant s'il venoit rien deuers Paris. Apres y auoir esté vne espace de temps, virent venir quarante ou cinquante cheuaux, & y estoit le Comte Charolois, & autres des gens du Roy, qui le r'amenioient, tant Archers qu'autres. Et quand il les veit approcher, il fit retourner ceux qui l'accompagnoient, & adressa sa parole audit

*Mareschal
de Bourg.
auantageux
en paroles
sur le fait
du Comte
de Charo-
lois.*

Mareschal, qu'il craignoit : car il vsoit de tres-
 apres paroles, & estoit bon & loyal Cheualier
 pour son party, & luy osoit bien dire : Je ne suis
 à vous que par emprunt, tant que vostre pere
 viura. Les paroles dudit Comte furent telles.
 Ne me tansez point : car ie cognoy bien ma
 grande folie, mais ie m'en suis apperceu si tard,
 que i'estoye pres du bouleuart. * Puis luy dit le
 Mareschal, Qu'il auoit faict cela en son ab-
 sence. Ledit seigneur baissa la teste, sans
 rien respondre, & s'en reuint dedans son ost,
 où tous estoient ioyeux de le reuoir, & loüa
 chacun la foy du Roy : toutesfois ne retour-
 na oncques puis ledict Comte en sa puis-
 sance.

*Modestia
 du Comte
 de Charol.
 *V. exemp.
 Plus lui dis
 ledit Ma-
 reschal en
 sa presence
 ce qu'il n'a
 uoit fait en
 son absēce.*

*Du traitté de paix conclu entre le Roy & Comte
 de Charolois, & ses alliez.*

CHAP. XIII.

Finalement toutes choses furent accordees,
 & le lendemain fit le Comte de Charolois
 vne grande monstre, pour sçauoir quelles gens
 il auoit, & ce qu'il pouuoit auoir perdu : &
 sans dire gare, y reuint le Roy, avec trente ou
 quarante cheuaux, & alla voir toutes les com-
 pagnies, l'une après l'autre, sauf celle de ce
 Mareschal de Bourgogne, lequel ne l'aymoit
 pas, à cause que des pieça en Lorraine, ledit sei-
 gneur luy auoit donné Pinald, & depuis osté,
 pour la donner au Duc Iean de Calabre, dont
 grand dommage en auoit eu ledict Mareschal.
 Peu à peu reconcilioit le Roy avec luy les bons

Cheualiers qui auoient feruy le Roy son pere, lesquels il auoit desappointez à son aduenement à la couronne, & pour ceste cause s'estoient trouuez en ceste assemblee, & cognoissoit ledit Seigneur son erreur. Il fut dit que le lendemain se trouueroit le Roy au chasteau de Vincennes, & tous les Seigneurs qui auoient à luy faire hommage: & pour seureté de tous, bailleroit le Roy ledit chasteau de Vincennes au Comte de Charolois.

Le lendemain se trouua le Roy & tous les Princes, sans en faillir vn, & estoit le portail & la

** Là fut le lieu où se fit le traité, &c. v.*

Le Conte de Charol. fait hommage au Roy des terres de Picardie Côte de saint Paul, Connestable de France.

porte bien garnie des gens dudit Comte de Charolois en armes. . . Là fut leu le traité de la paix. Monseigneur Charles fit hommage de la Duché de Normandie au Roy: & le Comte de Charolois des terres de Picardie, d'ot il a esté parlé: & autres qui en auoient affaire. Le Côte de saint Paul fit le serment de son office de Connestable. Il n'y eut iamais de si bonne nopces qu'il n'y en eust de mal disnez. Les vns feirent ce qu'ils vouloient, & les autres n'eurent rien. De moyens & bons personages retira le Roy, toutesfois la plus grande part demeurèrent avec le Duc de Bretagne, & le Duc nouveau de Normandie, lesquels allerent à Rouën prendre leur possession. Au partie du Chasteau du Bois de Vincennes, prindrent tous congé l'un de l'autre, & se retira chacun en son logis, & furent faites toutes lettres, pardons, & toutes autres choses necessaires, seruans au fait de la paix. Tout en vn iour partirent le Duc de Normandie, & le Duc de Bretagne, pour eux retirer premierement audit pays de Normandie, & le Duc de Bretagne, puis

apres en son pays : & le Comte de Charolois pour se retirer en Flandres: & , comme ledict Comte fut en train, le Roy vint à luy, & le conduisit iusques à Villiers le bel (qui est vn village à quatre lieues de Paris) monstrant par effect auoir vn grand desir de l'amitié dudict Comte: & tous deux y logerent ce soir. Le Roy auoit peu de gens, mais il auoit faict venir deux cens hommes d'armes pour le reconduire, dont fut aduertty le Comte de Charolois en se couchant, & entra en vn tres-grand souppeçon, & feit armer largement de gens. Ainsi pouuez voir qu'il est quasi impossible que deux grands Seigneurs se pussent accorder, pour les rapports & souppeçons qu'ils ont à chacune heure: & deux grâds Princes qui se voudroient bien entr'aimer, ne se deuroient iamais voir, mais enuoyer bonnes gens & sages l'vn vers l'autre, & ceux les entre-tiendroient; ou amanderoient les fautes.

L'endemain au matin les deux Seigneurs desusdits prirent congé l'vn de l'autre, avec bonnes & sages paroles : & retourna le Roy à Paris, en la compagnie de ceux qui l'estoient allé querir: & cela osta la suspicion qu'on pouuoit auoir eue de luy, & de leur venue. Et ledit Comte de Charolois prit le chemin de Compiègne, & de Noyon, & par tout luy fut faite ouuerture, par le commandement du Roy. De là tira vers Amies, où il receut leur hommage, & de ceux de la riuere de Somme, & des terres de Picardie, qui luy estoient restituee: par ceste paix: desquelles le Roy auoit payé quatre cens mille escus d'or, n'y auoit pas neuf mois, comme i'ay dit ailleurs cy-dessus. Et incontinent passa outre, & tira au

Le Comte de Charolois en possession des terres de sur la riuere de Seine.

il n'y peut
pas v.

pays de Liege, pource qu'ils auoient desia faict la guerre par l'espace de cinq ou six mois à son pere (luy estant dehors) és pays de Namur & Brabant, & auoient desia lesdits Liegeois faict vne destrouffe contr'eux. Toutestois à cause de l'hiuer, ∴ ils ne peurent pas faire grande chose. Nonobstant y eut grande quantité de villages bruslez, & de petites destrouffes furent faites sur les Liegeois, & firent vne paix, & l'obligerēt lesdits Liegeois de la tenir, sur peine de grande somme de deniers, & s'en retourna ledit Comte en Brabant.

Comment, à l'occasion de la diuision des Ducs de Bretagne & de Normandie, le Roy reprit en ses mains ce qu'il auoit baillé à son frere.

CHAP. XV.

EN retournant aux Ducs de Normandie, & de Bretagne, qui estoient allez prendre la possession de la Duché de Normandie, incontinent que leur entree fut faite à Roüen, ils commencerent à auoir diuision ensemble, quand ce fut à departir le butin : car encores estoient avec eux ces Cheualiers, que i'ay deuant nommez, lesquels auoient accoustumé d'auoir de grans honneurs, & de grands estats du Roy Charles; & leur sembloit bien qu'ils estoient à la fin entreprise, & qu'au Roy ne se pouuoient fier & vouloit chacun en auoir du meilleur endroit. ∴ soy.

Le vieil
exemp. n'a
point soy

D'autre part, le Duc de Bretagne en vouloit disposer en partie : car c'estoit celuy qui auoit porté plus grande mise, & les plus grands

frais en toutes choses. Tellement se porta leur discord, qu'il falut que le Duc de Bretagne, pour crainte de personne, se retirast au mont Sainte Catherine, pres Roïen, & fut leur question iusques là, que les gens dudit Duc de Normandie, avec ceux de la ville de Roïen, furent prests à aller assaillir ledit Duc de Bretagne iusques au lieu dessusdit: & en effect, il falut qu'il s'en retirast le droit chemin vers Bretagne. Et sur ceste diuision marcha le Roy pres du pays, & pouuez penser qu'il pensoit bien à se conduire à ceste affaire: car il estoit maistre en ceste science. Vne partie de ceux qui tenoient les bonnes places, commencerent à les luy bailler, & en faire leur appointment avec luy. Je ne sçay de ces choses que ce qu'il m'en a dit & compté: car ie n'estoye point sur les lieux. Il prit vn Parlement avec le Duc de Bretagne (qui tenoit vne partie des places de la basse Normandie) esperant de luy faire abandonner son frere de tous poincts. Ils furent quelque peu de iours ensemble à Caën, & feirent vn traitté, par lequel la ville de Caën & autres demeurerent es mains de Monseigneur de Lescut, avec quelque nombre de gens payez, mais ce traitté estoit si troublé, que ie croy que l'vn ne l'autre ne l'entendit iamais bien. Ainsi s'en alla le Duc de Bretagne en son pays: & le Roy s'en retourna, tirant le chemin vers son frere.

*Marchant -
dise entre
les grands.*

*Qu'il
l'entendoit
bien, &
qu'il ay-
doit à la
conduire:
car il, &c.
Exemp. v.*

*Lescut.
V. comme
font aussi
presque tous
nos Cron.
& Annali-
stes.*

Voyant ledit Duc de Normandie qu'il pouuoit resister, & que le Roy auoit pris le pont de l'Arche, & autres places sur luy, se delibera de prendre la fuitte, & de tirer en Flandres. Le Comte de Charolois estoit encores à Saint Oen, en

Sainct Oen.

une petite ville, au païs du Liege: lequel estoit assez empesché: & fut son armee toute rompuë & deffaitte, & en temps d'Hiuer, partie empesche contre les Liegeois, & luy douloit bien de ceste diuision, car la chose du monde qu'il desiroit le plus, c'estoit à voir vn Duc en Normandie. Car par ce moyen il luy sembloit le Roy estre affoibly de la tierce partie. Il faisoit amasser gens sur Picardie pour mettre dedans Dieppe: mais, auant qu'ils fussent prests, celuy, qui tenoit ladite ville, en feit son appointment avec le Roy. Ainsi retourna au Roy toute la Duché de Normandie, sauf les places qui demeurent à monseigneur de Lescut, par l'appointment fait à Caën.

Comment le nouveau Duc de Normandie se retira en Bretagne, fort poure & desolé de ce qu'il estoit frustré de son intention.

CHAP. XVI.

„ **L** Edit Duc de Normandie (comme i'ay dit)
 „ s'estoit deliberé vn coup de fuir en Flandres:
 „ mais sur l'heure se reconcilierent le Duc de Bre-
 „ taigne & luy, cognoissans tous deux leurs er-
 „ reurs, & que par diuision se perdent toutes les
 „ bonnes choses du monde: & si est quasi impossi-
 „ ble que beaucoup de grands Seigneurs ensem-
 „ ble, & de semblable estat se puissent longuemēt
 „ entretenir: sinon qu'il y ait chef par dessus tous:
 „ si seroit besoin que celuy là fust sage, & bien esti-
 „ mé, pour auoir l'obeissance de tous. J'ay veu
 „ beaucoup d'exemples de ceste matiere à l'œil: &
 „ ne

ne parle pas par ouyr dire:& sommes bien suiets
à nous diuiser ainsi à nostre dōmage, sans auoir
grand regard à la consequence qui en aduient:&
presque ainsi en ay veu aduenir par tout le mon-
de,* ou l'ay ouy dire. Et me semble qu'un sage
personnage, qui aura pouuoir de dix milles hom-
mes, & façon de les entretenir, est plus à crain-
dre& estimer que ne seroient dix, qui en auroiēt
cha cun * six mille tous alliez & confederez en-
semble, pour autant qu'ils ont tant de choses à
demeßler & accorder entr'eux, que la moitié du
temps se pert, auant qu'il y ait rien conclu, n'ac-
cordé.

*Le vieil
exēpl. raye
ces quatre
. . Prince
ayant pou-
voir, &c.
v.
. . dix v.*

Or ainsi se retira le Duc de Normandie en
Bretaigne, pour & deffait, & abandonné de tous
ces Choualiers, qui auoient esté au Roy Charles
son pere, & auoient fait leur appointment avec
le Roy, & mieux appointez de luy que iamais
n'auoient esté de son pere. Ces deux Ducs des-
susdits estoient sages apres le coup (comme l'on
dit des Bretons) & se tenoient en Bretaigne, &
ledit Seigneur de Lescut, principal de tous leurs
seruiteurs. Et y auoit maintes Ambassades allans
& venans au Roy de par eux, & de par luy à eux,
& de par eux au Comte de Charolois, & de luy à
eux: du Roy audit Duc de Bourgongne, & de luy
au Roy: les vns pour sçauoir des nouuelles, les
autres pour soustraire gens, & pour toutes mau-
uaises marchandises, sous ombre de bonne foy.

Aucuns y allerent par bonne intention, pour
cuidier pacifier les choses, mais c'estoit grande
folie à ceux qui s'estimoient si bons & si sages,
que de penser que leur presence peüst pacifier si
grans Princes, & si subtils, comme estoient ceux

cy, & tant entendus à leurs fins: & veu speciale-
ment que de l'un des costez, ne de l'autre, ne
s'offroit nulle raison. Mais il y a de bonnes gens,
qui ont ceste gloire qu'il leur semble qu'ils vui-
deront des choses, là où ils entendent rien: car
aucunefois leurs maistres ne leur decouurent
point leurs plus secrettes pensees. A la compa-
gnie de tels, que ie dy, aduient que le plus sou-
uent ne vont que pour parler la feste: & souuent
à leurs despens: & va tousiours quelques hum-
bles, qui a tousiours quelque marché à part. Ain-
si au moins, l'ay-je veu par toute ces saisons, d'ot
ie parle, & de tous les costez. Et, aussi bien com-
me i'ay dit que les Princes doiuent estre sages à
regarder à quels gens ils baillent leurs beson-
gues entre mains, aussi bien deuroient penser
ceux, qui vont dehors pour eux, de s'entremettre
de telles matieres: & qui s'en pourroit excuser, &
ne s'en empescher point (sinon qu'on veist que
eux-mesmes y entendissent bien, & eussent af-
fection à la matiere) seroit bien sage: car i'ay
cogneu beaucoup de gens de bien s'y trouue-
rent bien empeschez & troublez. I'ay veu, Prin-
ces de deux natures: les vns si subtils & soup-
peçonneux, que l'on ne sçauoit comment vi-
ure avec eux: & leur sembloit tousiours qu'on
les trompoit, les autres se fioient en leurs serui-
teurs assez: mais ils estoient si lourds, & si mal
entendans à leurs besongnes: qu'ils ne sçauoient
cognoistre qui leur faisoit bien ou mal: & ceux-
là sont incontinent muez d'amour en haine, &
de hayne en amour. Et combien que de toutes
les deux sortes s'en trouue bien peu de bons: ne
là où il y ait ne grande fermeté, ne grande seure-

*Princes de
deux diuer
ses natures
& contrai-
res*

*∴ Le visil
exem. raye
ces quatre
mots, voire
cinq es-
crits, les-
quels fait
plusieurs*

té, toutesfois i'aymerois tousieurs mieux viure
 souz les sages que souz les fols : car il y a plus de
 moyen de s'en pouuoir eschapper, & d'acquérir
 leur grace : mais avec les ignorans ne sçait-on
 trouuer nul expedient, pource qu'avec eux ne
 fait l'on rien:ains avec leurs seruiteurs faut auoir
 affaire,. . . lesquels plusieurs eschappent souuent.
 Toutesfois il faut que chacun les serue & obeis-
 se,aux contrees là où ils se treuuent. Car on y est
 tenu, & aussi contraint. Mais tout bien regardé,
 nostre seule esperance doit estre en Dieu: car en
 cestuy-là gist toute nostre fermeté & toute bon-
 té: qui en nulle chose du monde ne se pourroit
 trouuer, mais chacun de nous la cognoist tard,
 & apres ce que nous en auons eu besoin:toutes-
 fois vaut encores mieux tard, que iamais.

esçappe-
 ret sonnât,
 mais possi-
 ble seroit
 bon ainsi:
 lesquels
 seruiteurs
 plusieurs
 Princes es-
 changent
 souuent.



SECOND LIVRE
DES MEMOIRES DV
seigneur d'Argenton , sur les
principaux faiëts & gestes de
Louys xi. de ce nom , Roy de
France.

*Des guerres qui furent entre les Bourguignons
& les Liegeois: & comme la ville de Di-
nand fut prise, pillée, & rasée.*

CHAP. I.

*Le Roy es-
pie l'occa-
sion de trou-
bler.*



*Liegeois
n'estoient
proprement
sujets que
de leur E-
uesque, du-*

Epuis le temps que dessus , se
passerent aucunes annees : durât
lesquelles le Duc de Bourgon-
gne auoit chacun an guerre avec
les Liegeois : & lors quand le
Roy le voyoit empesché, il es-
fayoit faire quelque nouuelleté contre les Bre-
tons, en faisant quelque peu de confort aux Lie-
geois: & aussi tost le Duc de Bourgogne se tour-
noit contre luy, pour secourir ses alliez: ou eux-
mesmes faisoient quelque traicté , ou quelque
trefue. En l'an mil quatre cens soixante & six, fut
pris Dinand , assise au pays du Liege, ville tres-

forte de sa grandeur, & tres-riche à cause d'une quel pour
 marchandise qu'ils faisoient de ces ouvrages de la ieunes-
 cuire, qu'on appelle Dinanderie: qui sont en se d'ice-
 effect pots & poisses, & choses semblables. Le luy, ils ne se
 Duc de Bourgongne Philippe (lequel trespassa contentoiēt
 au mois de Iuin, l'an mil quatre cens soixante & pour lors.
 sept) si fit mener en sa grande vieillesse en vne Le Duc
 litiere: tant auoit de haine contr'eux, pour les Philippe
 grandes cruautéz, dont ils vsoient contre ses sur le bord
 subiets, en la Comté de Namur, & par especial de sa fosse
 en vne petite ville, nommee Bouuines, assise de transporté
 à vn quart de lieuë pres dudit lieu de Dinand: & contre Di-
 nand.
 n'y auoit que la riuere de Meuse entre deux: &
 n'y auoit gueres que lesdits de Dinand, y auoiēt
 tenu le siege, la riuere entre deux, l'espace de
 huit mois, & fait plusieurs cruautéz es enuirōs:
 & tiroient de deux Bombardes, & d'autres pie-
 ces de grosse artillerie, continuellement durant
 ce temps, au trauers des maisons de ladite ville
 de Bouuines: & contraignoient les pauvres gens
 d'eux cacher en leurs caues, & y demeurer. Il
 n'est quasi croyable la haine qu'auoient ces deux
 villes l'une contre l'autre: & si ne faisoient guē-
 res de mariages de leurs enfans, sinon les vns a-
 uec les autres: car ils estoient loin de toutes les
 autres bonnes villes.

L'an precedent de la destruction dudit Dinand Dinand &
 (qui fut la saison que le Comte de Charolois Bouuines
 estoit venu deuant Paris, où auoit esté avec les voisines,
 Seigneurs de France, comme auez ouy) ils liées & en-
 uoiēt fait vn appointment & paix avec ledict nemies l'un
 Seigneur: & luy donnerent certaines sommes ne contre
 de deniers. & s'estoient separez de la cité du Lie- l'autre.
 ge, & fait leur faict à part, qui est le vray signe de

*Signe de
destruction,
separation
des allies.*

*Dinard as-
siege par le
Duc de
Bourg.
* pour les
Nourgui-
gnons.*

** v. dom-
magé.*

*Le 8. iour
d'apres fu-
rent pris
d'assaut a-
pres auoir
esté fort
battus ,
&c. puis
au lieu de
ville prise,
vint brulée.*

la destruction d'un pays, quand ceux qui se doi-
uent tenir ensemble, se separent & s'abandon-
nent. Je le dy aussi bien pour les Princes & sei-
gneurs allies ensemble, comme ie fais pour les
villes & communautéz. Mais pource qu'il me
semble que chacun peut auoir veu & leu beau-
coup de ces exemples, ie m'en tay, disant seule-
ment que le Roy Louys nostre maistre, a mieux
sçeu entendre cest art de separer les gens, que
nul autre Prince que i'aye iamais cogneu: & n'es-
pargnoit l'argent, ne ses biens, ne a peine: & non
point seulement enuers les maistres, mais aussi
bien enuers les seruiteurs. Ainsi ceux de Dinard
se commencerent tost à repentir de cest appoin-
tement dessusdict: & firent cruellement mourir
quatre de leurs Bourgeois principaux qui auoient
faict cetraitté: & recommencerent la guerre en
ceste Comté de Namur. Tant pour ces rai-
sons, que pour la sollicitation que faisoient ceux
de Bouuines, le siege y fut mis par le Duc Phi-
lippe, mais la conduite de l'armee estoit à son
fils: & y vint le Comte de saint Paul, Conne-
table de France, à leur * secours, partant de sa
maison, & non pas par l'autorité du Roy, ny avec
ses gens d'armes: mais amena de ceux qu'il auoit
amassez es marches de Picardie. Orgueilleuse-
ment firent vne saillie ceux de dedans, à leur
grand dommage * le huitiesme iour d'apres qu'ils
auoient esté fort battus: & n'auoient leurs amis
loisir de penser s'ils leur ayderoient. Ladite ville
fut prise & rasée, & les prisonniers, iusques à
huit cens, noyez deuant Bouuines. Je ne sçay si
Dieu l'auoit ainsi permis, pour leur grande mau-
uaise: mais, la vengeance fut cruelle sur eux.

Lendemain que la ville fut prise, arriuerent les Liegeois en grande compagnie; pour les secourir: contre leur promesse: car ils s'estoient separez d'eux par appointment: comme ceux de Dinand s'estoient separez de la cité du Liege. Le Duc Philippe se retira pour son ancien aage: & son fils, & toute son armee, se tira au deuant des Liegeois: & les rencontra mes plustost que ne pensions: car par cas d'adventure nostre auantgarde s'esgara par faute de ses guides: & les rencontra mes avec la bataille, où estoient les principaux chefs de l'armee: Il estoit ja sur le tard: toutesfois on s'apprestoit de les assaillir. Sur celle heure vindrent gens deputez de par eux, au Comté de Charolois: qui requierent qu'en l'honneur de la vierge Marie (dont il estoit la veille) il voulsist auoir pitié de ce peuple, en excusant leur faute au mieux qu'ils peurent. Lesdits Liegeois tenoient contenance de gens qui desiroiēt la bataille, ∴ & n'auoient point la parole de leurs Ambassadeurs. Toutesfois, apres qu'ils furent allez & retournez deux ou trois fois, fut accordé par eux entretenir la paix de l'an precedent, & bailler certaine somme d'argent: & pour serreté, pour tenir cecy mieux que ce qui estoit passé, ils promirent bailler trois cens ostages, nommez en vn roolle par l'Euesque du Liege, & par autres ses seruiteurs, estans en l'armee, & les bailler dedans le lendemain huit heures. Ceste nuit estoit l'ost des Bourguignons en grand trouble & doute: car il n'estoit en rien clos ny fort: & estoient separez, & en lieu propice pour les Liegeois qui tous estoient gés de pied: & connoissoient le pays mieux que nous. Aucuns

∴. Et toute
opposite de
la parole,
Et, v.

d'eux eurent desir de nous assaillir : & mon aduis est, qu'ils en eussent eu le meilleur. Ceux qui auoient traitté l'accord, rōpirent ceste entreprise.

Incontinent que le iour apparut, tout nostre ost s'assembla : & les batailles furent bien ordonnees, & le nombre grand, comme de trois milles hommes d'armes, que bons que mauuais, & douze ou quatorze mille Archers, & d'autres gens de pied beaucoup du pays voisin. On tira droit à eux, pour receuoir les ostages, ou pour les combattre, s'il y auoit faute. Nous les trouuâmes separez : & ja se départoient par bandes, & en desordre, comme peuple mal conduit. Il estoit ja pres d'heure de midy, & n'auoient point baillé les ostages. Le Comte de Charolois demanda au Marechal de Bourgongne, qui estoit là, s'il leur deuoit courre sus, ou non. Ledit Marechal respondit qu'ouy : & qu'ils les pouuoient desfaire sans peril : à quoy ne deuoit dissimuler, veu que la faute venoit d'eux. Apres on demanda au seigneur de Contai (que plusieurs fois ay nommé) qui fut de ceste opinion, disant que iamais n'auroit si beau party, & les luy monstra ja separez par bandes, comme ils s'en alloient : & loüia fort de ne tarder plus. Apres on en deman-

*Sage aduis
du Conne-
stable, sou-
chant les
ostages pro-
mis par les
Liegeois.*

da au Connestable, Comte de saint Paul : qui fut d'opinion contraire, disant qu'il feroit contre son honneur, & promesse d'ainsi le faire : & que tant de gens ne peuuent estre si tost accordez en telle matiere, comme est de bailler ostages, & en si grand nombre, & loüoit de renuoyer deuers eux, sçauoir leur intention. L'argude ces trois nommez, avec ledit Comte fut grand & long sur ce different. De l'un

costé il voyoit ses grands & anciens ennemis deffaicts, & les voyoit sans nulle resistâce. D'autre costé on l'argueroit de sa promesse. La fin fut qu'on enuoya vn Trompette vers eux : lequel rencontra les ostages qu'on luy amenoit. Ainsi passa la chose, & s'en retourna chacun en son lieu : mais aux gens d'armes despleut fort le conseil qu'auoit donné ledit Conneftable : car ils voyoient le beau butin deuant leurs yeux. On enuoya incontinent vne ambassade au Liege pour confirmer ceste paix. Le peuple (qui est inconstant) leur disoit à toute heure, qu'on ne les auoit osé combattre : & leur tirerent couleuvres à la teste, & leur firent plusieurs rudesses. Le Comte de Charolois s'en retourna en Flandres. En ceste saison mourut son pere, auquel il fit tres-grand & solennel obseques à Bruges : & signifia la mort dudit Seigneur au Roy.

*Insolence
des Liegeois
La mort du
Duc Phi-
lippe de
Bourgogne
tost apres la
destruction
de Dinand*

Comment les Liegeois rompirent la paix au Duc de Bourgogne, parauant Comte de Charolois, & comment il les desfit en bataille, & comment le Roy s'offroit de les abandonner, moyennant que le Duc de Bourgogne abandonnast le Duc de Bretagne.

CHAP. II.

CEpendant & tousiours depuis se*traittoiët *trouuoient* choses secretes & nouuelles entre ces Princes. Le Roy estoit si irrité contre le Duc de Bretagne & le Duc de Bourgogne que merueilles : & auoient lesdits Ducs grande peine pour auoir nouuelles les vns des autres : car souuent leurs messagers auoient empeschement : &

en tēps de guerre falloit qu'ils vinssent par mer: & pour le moins, falloit que de Bretagne passassent en Angleterre, & puis par terre iusques à Douure, & passer à Calais: & où ils venoient par terre le droit chemin, ils venoient en grand peril. En toutes ces anneés de differens, & en autres subsequentes qui ont duré iusques à vingt ou plus, les vnes en guerre, les autres en trefues & dissimulations, & que chacun des Princes cōprenoit par la trefue ses alliez, Dieu fit ce bien au Royaume de France, que les guerres & diuisions au pays d'Angleterre estoient encores en nature, & y pouuoient estre commencees quinze ans parauant, en grandes & cruelles batailles, où maint homme de bien fut occis. Et tous disoient qu'ils estoient traistres: à cause qu'il y auoit deux maisons qui pretendoient à la couronne d'Angleterre: c'est à sçauoir, la maison de Lancaster & la maison d'Yorth. Et ne faut pas douter, si les Anglois eussent esté en l'estat qu'ils auoient esté autresfois que ce royaume de France n'eust eu beaucoup d'affaires. Toutesfois taschoit le Roy venir à fin de Bretagne: car il luy sembloit que c'estoit chose plus aisée à conquerir, & de moindre deffence, que n'estoit ceste maison de Bourgogne: & aussi que c'estoient ceux qui recueilloient tous ses mal-veillans: comme son frere & autres, qui auoient intelligence dedans le Royaume. Et pour ceste cause, pratiquoit fort le Duc de Bourgogne, pour luy faire consentir par plusieurs offres, & par plusieurs marches, qu'il les vouldist abandonner; & par ce moyen aussi luy abandonneroit les Liegeois, & autres ses mal-vueillans, ce qui ne se

*Le Roy tas-
che à des-
faire la
maison de
Bretagne.*

peut accorder: mais alla ledit Duc de Bourgogne de nouveau sur les Liegeois, qui luy auoient rompu la paix, & pris vne ville appelée Lyny, & chassé les gens dehors, & pille ladite ville, nonobstant les ostages qu'ils auoient baillez l'an precedent, en peine capitale, au cas qu'ils rompiissent le traitté, & aussi sur peine de grande somme d'argent.

v. Huy,
pour Lyny,
comme sem-
ble vouloir
Guag. &
ses suiuës,
si Huyum,
en lay, &

Il assembla son armee enuiron Louuain, qui est au pays de Brabant, & sur les marches du Liege. Là arriua deuers luy le Comte de Saint Paul, Connestable de France (qui pour lors s'estoit de tous poincts reduit au Roy, & se renoit avec luy) & le Cardinal de Balue, & autres, lesquels signifierent au Duc de Bourgogne comme les Liegeois estoient alliez du Roy, & compris en sa trefue, l'aduertissât qu'il les secourroit, en cas que ledit Duc de Bourgogne les assaillist. Toutesfois ils offrirent, s'il vouloit consentir que le Roy peust faire la guerre en Bretagne, que ledit Seigneur le laisseroit faire avec les Liegeois. Leur audience fut courte, & en public: & ne demurerent qu'un iour. Ledit Duc de Bourgogne disoit, pour excuse, que lesdits Liegeois l'auoient assailly, & que la rompure de la trefue venoit d'eux, & non pas de luy: & que, pour telles raisons, ne deuoit abandonner ses alliez. Les desdits Ambassad. furēt dépeschez, cōme il vouloit monter à cheual (qui estoit le lendemain de leur venuë) leur disant tout haut, qu'il supplioit au Roy ne vouloir riē entreprēdre sur le pais de Bretagne. Ledit Cōnestable le pressa, en lui disāt Mōseig. vous ne choisissiez point: car vo^r prenez tout & voulés faire la guerre à vostre plaisir à nos

Linium en
P. Emil. sur
les Liegeois
ne sont
deux.

amis & nous tenir en repos sans oser courre sus à nos ennemis cōme vous faites aux vostres, il ne se peut faire: ne le Roy ne le souffrirōit point. Ledit Duc prit congé d'eux, en leur disant, Les Liegeois sont assemblez, & m'attē d'auoir la bataille auant qu'il soit trois iours: si ie la pers, ie croy bien que vous en ferez à vostre guise: mais aussi, si ie la gaigne, vous laisserez en paix les Bretons. Et apres monta à cheual: & lesdits Ambassadeurs allerent en leur logis s'apprester pour eux en aller. Et luy parti dudit lieu de Louvain en armes & tref-grosse compaignie, alla mettre le siege deuant vne ville appellee* Saintō. Son armee estoit tref-grosse: car tout ce qui estoit peu venir de Bourgongne, s'estoit venu ioindre avec luy, & ne luy vei iamais tant de gēs ensemble, à beaucoup pres.

Vn peu auant son partement auoit mis en deliberation s'il feroit mourir ses ostages, ou qu'il en feroit. Aucuns opinerent qu'il les feist mourir tous: & par especial le Seigneur de Contay, (dont plusieurs fois i'ay parlē) tint ceste opiniō: & iamais ne l'ouy parler si mal, ne si cruellemēt que ceste fois. Et pource est bien necessaire à vn Prince d'auoir plusieurs gens à son conseil: car les plus sages errent aucunes fois, & tressouuent, ou pour estre passionnez aux matieres de quoy l'on parle, ou par amour, ou par haine, ou pour vouloir dire l'opposite d'un autre, & aucunes fois par l'indisposition des personnes: car on ne doit point tenir pour conseil ce qui se fait apres dispo-

*Responſe
naifue du
Duc de
Bourgogne
aux Am-
bassad. du
Roy.*

*v. Saintiō
& Sleidan,
translateur
en Latin:
Centrones:
mais ie n'o-
se asseurer
que ce soit
S. Oen, qui
est parauāt
fol. 92.*

*v. parla
disposition.*

sommes tous hōmes : & qui les voudroit cher-
 cher tels que iamais ne faillissent à parler sage-
 ment, ne que iamais ne s'esmeussent plus vne
 fois que l'autre, il les faudroit chercher au ciel :
 car on ne les trouueroit pas entre les hommes :
 mais en recompense aussi, il y aura tel au con-
 seil, qui parlera tressagement, & trop mieux qu'il
 n'aura accoustumé d'ainsi faire souuent : & aussi
 les vns r'adressent les autres.

Retournons à nos opinions. Deux ou trois
 furent de cest aduis, estimans la grandeur ou le
 sens dudit de Contay, car en tel conseil se trou-
 ue beaucoup de gens, & en y a assez qui ne par-
 lent qu'apres les autres, sans gueres entēdre aux
 matieres : & desirent à complaire à quelcun, qui
 aura parlé, qui sera homme estimé en autorité.
 Apres en fut demandé à Monseigneur d'Hym-
 bercourt, natif d'aupres d'Amiens, vn des plus
 sages Cheualiers, & des plus entendus, que ie
 cogno iamais : lequel dit que son opinion estoit
 pour mettre Dieu de sa part de tous poincts, &
 pour donner à cognoistre à tout le monde qu'il
 n'estoit cruel ne vindicatif, qu'il deliurast tous
 les trois cens ostages ; veu encōres qu'ils s'y e-
 stoient mis en bonne intention, & esperans que
 la paix se tint : mais qu'on leur dist au departir,
 la grace que ledit Duc leur faisoit, leur priant
 qu'ils taschassent à reduire ce peuple en bonne
 paix : & au cas qu'il n'y voulust entendre, qu'au
 moins eux recognoissans la bonté qu'on leur
 faisoit, ne se trouueroient en guerre contre luy,
 ne cōtre leur Euesque, qui estoit en sa cōpagnie.

Ceste opinion fut tenue, & feirent les pro-
 messes dessusdites lesdits ostages, en les deliurāt.

*V. tres. biē
 qui n'aura
 accoustu-
 mé d'ainsi
 le faire sou-
 uent.*

*V. estant
 [pour] esti-
 mé.*

*Aduis mo-
 deré & ré-
 dant à cle-
 mence du
 seigneur de
 Hymber-
 court.*

Aussi leur fut dit, que si nul d'eux se declaroit en guerre, & fussent pris, qu'il leur cousteroit la teste: & ainsi s'en allerent.

Auis notable sur le seigneur de Contay, pour auoir donné une cruelle sentence.

Il me semble bon dire qu'apres que ledit Seigneur de Contay eut donné ceste cruelle sentence contre ces pources ostages (comme auez ouy) dont vne partie d'eux s'estoient mis par vraye bonté, vn, estant en ce conseil, me dit en l'oreille: Voyez vous bien cest homme: combien qu'il soit bien vieil, si est-il de sa personne bien sain: mais i'oseroye bien mettre grand'chose, qu'il ne sera point vif d'huy en vn an: & le dy pour ceste terrible opinion qu'il a dite. Et ainsi en aduint: car il ne vesquit gueres: mais, auant qu'il mourust il seruit bien son maistre pour vn iour en vne bataille, dont ie parleray icy apres.

Siege de Sinsion.

En retournant donc à nostre propos, vous auez ouy comme au partir de Louvain ledit Duc mit le siege deuant Sinton, & là affusta son artillerie. Dedans la ville estoient quelques trois mille Liegeois, & vn tresbon Cheualier, qui les conduisoit, & estoit celuy qui auoit traitté la paix, quand nous les trouuâmes au deuant de nous, en bataille, l'an precedent. Le troisieme iour, apres que le siege y fut mis, les Liegeois en tresgrand nombre (comme de trente mille personnes & plus, tant de bons que mauuais. Gens de pied, sauf enuiron cinq cens cheuaux) & en grand nombre d'artillerie, vindrent pour leuer nostre siege, sur l'heure de dix heures du matin, & se trouuerent en vn village fort, & clos de murs, vne partie, lequel s'appelloit * Bretan, à demielieuë de nous: & en leur cōpagnie estoit

V. Brusse.

V. Rayer.

François * Royer, Baillif de Lyon, lors Ambaſc.

sadeur pour le Roy vers lesdits Liegeois. L'alarme vint tantost en nostre ost : & faut dire vray, qu'il auoit esté donné mauuais ordre de n'auoir mis les bons cheuaucheurs aux champs: car l'on n'en fut aduertie que par les fourageurs qui fuyoyent. Je ne me trouuay onques en lieu, avec ledit Duc de Bourgongne, où ie veisse donner bon ordre de foy, excepté ce iour. Incontinent fait tirer toutes les batailles aux champs, sauf aucuns, qu'il ordonna pour demourer au siege: & entre les autres, il y laissa cinq ou six cens Anglois.

Il mit sur les deux costez du village bien douze cens hommes d'armes : & quant à luy, il demoura vis à vis, plus loing dudit village que les autres, avec bien huiet cents hommes d'armes : & y auoit grand nombre de gens de bien à pied avec les Archers, & grand nombre d'hommes d'armes. Et marcha Monseigneur de Rauastain, avec l'Auantgarde dudit Duc, tous gens à pied, tant Hommes d'Armes que Archers, & certaines pieces d'artillerie, iusques sur le bord de leurs fossez: qui estoient grands & profonds, & pleins d'eau : & à coups de fleches & de canons, furent reculez, & leurs fossez gaignez, & leur artillerie aussi. Quand le traict fut failly aux nostres, le cœur reuint ausdits Liegeois, qui auoient leurs picques longues (qui sont bastons auantageux) & chargerent sur nos Archers, & sur ceux qui les conduisoient : & en vne troupe tuerent quatre ou cinq cens hommes en vn moment, & branloient toutes nos enseignes, comme gens quasi desconfits. Et sur ce pas fait le Duc marcher les Archers de sa ba-

*Liegeois
desconfits.*

taille, que conduisoit messire Philippe de Creuecœur, seigneur des Cordes, homme sage, & plusieurs autres gens de bien: qui, d'un ardent & grand courage, assaillirent lesdits Liegeois, lesquels en un moment furent desconfits.

Les gens de cheual (dont j'ay parlé) qui estoient sur les deux costez du village, ne pouuoient mal faire aux Liegeois, n'aussi le Duc de Bourgongne de là où il estoit à cause des marais: mais seulement y estoient à l'auanture: ainsi que si lesdits Liegeois eussent rompu ceste auantgarde, & passé les fossez iusques au pays plain, les peust rencontrer. Ces Liegeois se meirent à la fuitte, tout au long de ces marais, & n'estoient chassés que de gens à pied. Des gens de cheual, qui estoient avec le Duc de Bourgongne, y enuoya vne partie, pour donner la chasse, mais il falloit qu'ils prissent bien deux lieues de torse, pour trouuer passage, & la nuit les surprit; qui sauua la vie à beaucoup de Liegeois. Autres r'enuoya deuant ladite ville, pource qu'il y ouit grand bruit, & doutoit leur saillie. A la verité, ils saillirent trois fois: mais tousiours furent reboutez: & s'y gouuernerent bien les Liegeois, qui y estoient demeurez. Lesdits Liegeois, apres qu'ils furent rompus se r'allierent un petit à l'entour de leur charroy, & y tindrent bien peu. Bien mourut quelque neuf milles hommes, qui semble beaucoup à toutes gens, qui ne veulent point mentir: mais depuis que ie suis né, j'ay veu en beaucoup de lieux où l'on disoit, pour un homme, qu'on en auoit tué cent, pour cuidoier complaire, & avec telles menfonges abusent bien aucunes fois les Maistres.

V. Anglois

V. six.

Si ce n'eust esté la nuit, il en fust mort plus de quinze mille. Ceste besongne acheuee, & que ja il estoit fort tard, le Duc de Bourgogne se retira en son ost, & toute l'armee: sauf mille ou douze cens cheuaux, qui estoient allez passer à deux lieues de là, pour chasser les fuyans: car autrement ne les eussent peu joindre: à cause d'une petite riuiere. Ils ne firent pas grand exploit, pour la nuit: toutesfois aucuns en tuerent, & prindrent le demeurant: & la plus grande compagnie se sauua en la cité. Ce iour aida bien à donner l'ordre le Seigneur de Contay, lequel peu de iours apres mourut en la ville * de Huz: & eut assez bonne fin, & auoit esté vaillant & sage: mais il dura peu, apres ceste cruelle opinion, qu'il auoit donnee contre les Liegeois ostagers: dont auez ouy parler cy dessus. Tantost apres que le Duc fut desarmé il appella vn sien Secretaire, & escriuit vne lettre au Connestable, & aux autres (qui estoient partis d'auec luy, n'y auoit que quatre iours, à Louvain, où ils estoient venus Ambassadeurs, comme dit est) & leur signifia ceste victoire, priant qu'aux Bretons ne fust rien demandé.

Mort du
S. de Con-
tay.

V. d'Eu.

Deux iours apres ceste bataille changea bien l'orgueil de ce fol peuple, & pour peu de perte, mais, à qui que ce soit est bien à craindre de mettre son estat en hazard d'une bataille, qui s'en peut passer. Car pour vn petit nombre de gens que l'on y perd, se muent & changent les courages des gens de celuy qui perd, plus qu'il n'est à croire, tant en espouuamment de leurs ennemis, qu'en mespris de leur Maistre, & de ses priez seruiteurs: & entrent en murmures,

Digression
sur le con-
seil de li-
urer ou nō
liurer ba-
taille.

& machinations, demandans plus hardiment qu'ils ne souloient: & se courroucent quand on les refuse. Vn escu luy seruoit plus parauant, que ne feroient trois: & si celuy qui a perdu, estoit sage, il ne mettroit de ceste saison rien en hazard avec ceux qui ont fuy: mais seulement se tiendrait sur ses gardes, & essayeroit de trouuer quelque chose de leger à veindre, où ils peussent estre les maistres, pour leur afire reuenir le cœur, & oster la crainte. En toutes façons vne bataille perduë a tousiours vne grãde queuë, & mauuaise pour le perdant. Vray est que les conquerans les doiuent chercher, pour abreger leur œuure, & ceux qui ont les bonnes gens de pied, & meilleurs que leurs voisins, comme nous pourrions auourd'huy dire, Anglois ou Suisses. Je ne le dis pas pour despriser les autres natiõs, mais ceux-là ont eu de grandes victoires, & leurs gens ne sont point pour longuement tenir les champs, sans estre exploictes, comme seroient François ou Italiens qui sont plus sages, ou plus aisez à conduire. Au contraire, celuy qui gaigne, deuient en reputation & estimation de ses gens, plus grande que deuant. Son obeissance accroist entre tous ses subjects. On luy accorde en ceste estime ce qu'il demande. Ses gens en sont plus courageux & plus hardis. Aussi lesdits Princes s'en mettent aucunesfois en si grande gloire, & en si grand orgueil, qu'il leur en meschet par apres, & de cecy ie parle de veuë, & viët telle grace de Dieu seulement.

*Suisses &
Anglois
bonnes gẽs
de pied.*

*Sainton
rendue.*

Voyant ceux qui estoient dedans Sainton,

la bataille perdue pour eux, & qu'ils estoient enfermez tout à l'environ, cuidans la desconfiture estre trop plus grande qu'elle n'auoit esté, rendirent la ville, laisserent les armes, & baillerent dix hommes à volonté, tels que le Duc de Bourgogne voudroit eslire, lesquels il fit decapiter, & y en auoit six de ce nombre des ostages que peu de iours auant auoit deliurez: avec les conditions qu'auiez entenduës cy-dessus. Il leua son ost, & tira à Tongres, qui attendit le siege. Toutesfois la ville ne valloit guerres: & aussi, sans se laisser battre, feirent semblable composition, & baillerent dix hommes, entre lesquels se trouua encores cinq ou six desdits ostages. Tous dix moururent comme les autres.

*Tongres
rendue.*

*Comment apres qu'aucuns des Liegeois eurent
composé de rendre leur ville, & les autres
refusé de ce faire, le seigneur d'Hym-
bercourt trouua moyen d'y entrer pour
le Duc de Bourgogne.*

CHAP. III.

DE là tira ledict Duc deuant la cité de Liege, en laquelle ils estoient en grand murmure. Les vns vouloient tenir & defendre la cité, disant qu'ils estoient assez peuple, & par especial estoit de cest aduis vn Cheualier appellé Messire Raz de Laitre. D'autres au contraire (qui voyoient brusler & destruire tout le pays) voulurent paix, à quelque dommage que ce fust. Ainsi s'approchant ledit Duc de

v. de Laitre.

*Liegeois
en chemise
deuant le
Duc de
Bourg.*

la cité quelque peu d'ouuerture de paix y auoit par menus gens, comme prisonniers, & fut conduite ceste matiere par aucuns des dessus-dits ostages, qui faisoient au contraire des premiers, dont i'ay parlè: & recogneurent la grace qu'on leur auoit faite. Ils y menerent trois cens hommes des plus grands de la ville en chemise les jambes nuës, & la teste, lesquels apporterent au Duc les clefs de la cité, & se rendirent à luy & à son plaisir, sans rien reseruer, sauf le feu & le pillage. Et ce iour y trouuera present, pour Ambassadeur, Monseigneur de Mouy, & vn Secrétaire du Roy, appellé maistre Iean Preuost: qui venoient pour faire semblables requestes & demandes qu'auoit fait le Connestable peu de iours auparauant. Cedit iour que la composition fut faicte, cuidant ledit Duc entrer en la cité, y enuoya M^ol^eigneur d'Imbercourt, pour entrer le premier, pource qu'il auoit cognoissance en la cité: à cause qu'il y auoit eu administration par les annees qu'ils auoient esté en paix. Toutesfois l'entree luy fut refusee pour ce iour, & se logea en vne Abbaye, qui est aupres d'une des portes, & auoit avec luy enuiron cinquante Hommes d'armes. Et tout pouuoit auoir quelques deux cens combattans, & i'y estoie. Le Duc de Bourgongne luy fait sçauoir qu'il ne partist point de là, s'il se sentoist estre seurement: mais aussi, si ce lieu n'estoit fort, qu'il se tirast deuers luy, car le chemin estoit trop mal-aisé pour le secourir, pource qu'en ce quartier là sont tous rochers. Ledit d'Hymbercourt se delibera de n'en partir point (car le lieu estoit tres-fort) & retint avec soy cinq ou six

hommes de bien de la ville, de ceux qui estoient venus rendre les clefs & la cité, pour s'en aider comme vous entendrez. Quand vindrent les neuf heures du soir, nous ouysmes sonner la cloche, au son de laquelle ils s'assemblerent: & douta ledit d'Hymbercourt que ce fust pour nous venir assaillir (car il estoit bien informé que Messire Raz de Laitre, & plusieurs autres ne vouloient consentir ceste paix) & sa suspicion estoit bonne & vraye: car en ce propos estoient-ils prests à faillir. Ledit Seigneur de Hymbercourt disoit, Si nous les pouuons amuser iusques à minuit, nous sommes eschappez: car ils seront las, & leur prendra enuie de dormir: & ceux qui sont mauuais contre nous, prendront deslors la fuitte, voyans qu'ils auront failly à leur entreprise. Et pour paruenir à cest expedient, il despescha deux de ces Bourgeois, qu'il auoit retenus: comme ie vous ay dit, & leur bailla certains articles assez amiables, par escrit. Il le faisoit seulement pour leur donner occasion de parler ensemble, & de gagner temps. Car ils auoient de coustume & ont encores, d'aller, tout le peuple ensemble, au Palais de l'Euesque, quand il suruenoit matieres nouuelles, & y sont appelez au son d'une cloche, qui est leans. Ainsi nos deux Bourgeois, qui auoient esté des ostagers, & des bons, vindrent à la porte (car le chemin n'estoit pas lōg de deux gets d'arc) & trouuerent largement peuple armé. Les vns vouloient qu'on assaillist, les autres non. Ils disoient au Maire de la cité, tout haut, qu'ils apportoiēt aucunes choses bonnes par escrit, de par le Seigneur de

Sage' procedure du seigneur d'Hymbercourt.

** Luitre comme tousiours.*

Exemple vieil, ainsi que le semble vouloir aussi Sleidan peu apres, disant Lustrus.

Ils dirent au Maire etc.

Hymbercourt, lieutenant du Duc de Bourgogne en celle marche: & qu'il seroit bon de les aller voir au Palais. Et ainsi le firent & incontînēt ouysmes sonner la cloche dudit Palais: à quoy nous cogneusmes bien qu'ils estoient embe-fongnez. Nos deux Bourgeois ne vinrent point: mais au bout d'une heure, ouysmes plus grand bruit à la porte, que parauant: & y vint beaucoup plus largement gens: & crioient par dessus les murailles, & nous disoient vilenies. Lors cogneut ledit Seigneur d'Hymbercourt que le peril estoit plus grand pour nous que deuant: & despescha arriere ces quatre autres ostagers qu'il auoit portés par escrit, Côme luy estant Gouverneur de la cité pour le Duc de Bourgogne, les auoit amiablement traittez: & que pour rien ne voudroit consentir à leur perdition: car il n'y auoit gueres encores qu'il auoit esté de leur mestier (qui estoit des Mareschaux & des Orfeures) & en auoit porté robe de liuree: parquoy mieux pouuoient ad-iouster foy à ce qu'il leur disoit. En somme s'ils vouloient paruenir au bien de paix, & de sauuer leur pays, il falloit qu'ils fissent (après auoir baillé l'ouuerture de la ville, comme ils auoient promis) des choses contenuës en certain memoire. Et instruisit bien ces quatre hommes, qui allerent à la porte (comme auoient fait les autres) & la trouuerent toute ouuerte. Les vns les recueilloient avec grosses paroles & grosses menaces, les autres furent contens d'ouyr leur charge, & en retournerent arriere au Palais: & tout incontînēt ouysmes sonner la cloche dudit Palais: dont

* de l'un
de leurs
mestiers v.
* Orfeures
simplément.

nous eufmes tref-grande ioye, & s'esteignit le bruit que nous auions ouy à la porte, & en effect furent long temps en ce Palais, & iusques à bien deux heures apres minuiet, & là conclurent qu'ils tiendroient l'appointement qu'ils auoient fait, & que le matin bailleroient vne des portes audit Seigneur d'Hymbercourt, & tout incontinent s'enfuit de la ville ledit Messire Raz de Laitre, & toute sa sequelle.

Le n'eusse pas si long temps parlé de ce propos (veu que la matiere n'est gueres grande) si ce n'eust esté pour monstrier qu'aucunesfois avec tels expediens & habiletez (qui procedent de grand sens) on euite de grands perils, dommages & pertes. Le lendemain, au poinct du iour, vindrent plusieurs des ostages dire audit Seigneur d'Hymbercourt, qu'ils luy prioient qu'il voulüst venir au Palais, où tout le peuple estoit assemblé: & que là il voulüst iurer les deux poincts, dont le peuple estoit en doute: qui estoit le feu & le pillage: & qu'apres ils luy bailleroient vn portail. Il le manda au Duc de Bourgongne: & alla vers eux; & le serment fait, retourna à la porte, d'où ils feirent descendre ceux qui estoient dessus, & mit douze hommes d'armes, & des Archers, & vne banniere du Duc de Bourgongne sur ladicte porte. Et puis alla à vne autre porte (qui estoit muree) & la bailla entre les mains du Bastard de Bourgongne (qui estoit logé en ces quartiers) & vne autre au Mareschal de Bourgongne, & vne autre à des Gentils-hommes, qui estoient encores avec luy. Ainsi furent quatre portaux bien garnis des gens du Duc de Bour-

Liege rendu par composition au Duc de Bourg.

*Digression
sur ce que
un bien-
fait n'est
gueres sans
recompen-
se.*

gongne: & ses bannieres dessus. Or faut-il entendre qu'en ce temps-là le Liege estoit vne des plus puissantes villes de la contree (apres quatre ou cinq) & des plus peuplees: & y auoit grand peuple retiré du pays d'environ. Parquoi n'y apparoiſſoit en rien de la perte de la bataille. Ils n'auoient aucune necessité de nuls biens & si estoit en fin cœur d'huyet: & les plus grandes pluyes qu'il est possible de dire: & le pays de ſoy tant fangeux & mol, qu'à merueilles: & si estions en grande necessité de viures & d'argent, & l'armee comme toute rompuë, & si n'auoit ledit seigneur Duc de Bourgongne nulle volonté de les assieger: & aussi n'eust-il ſçeu: & quand ils eussent attendu deux iours à eux en rendre, par ceste voye il s'en fust retourné. Et pource ie veux conclure que c'est grande gloire & honneur audit Hymbercourt qu'il receut en ce voyage: & luy proceda de la grace de Dieu seulement, contre toute raison humaine: & ne luy eust osé demander le bien qui luy aduint. Et, au iugement des hommes, receut
 „ tous ces honneurs & biens, pour la grace & bõ-
 „ té dont il auoit vſé enuers les ostages, dõt vous
 „ auez ouy parler cy dessus. Et le dy volontiers,
 „ pource que les Princes & autres se plaignent
 „ aucunesfo is, comme par desconfort, quand ils
 „ ont fait bien ou plaisir à quelqu'un, disans que
 „ cela leur procede de malheur, & que pour le
 „ temps aduenir ne seront si legers à pardonner,
 „ ou à faire quelque liberalité, ou autre chose de
 „ grace: qui toutes sont choses appartenantes à
 „ leurs offices. A mon aduis c'est mal parler: &
 „ procede de lasche cœur à ceux qui ainsi le font:

car vn Prince ou vn autre homme , qui ne fut “
iamais trompé, ne sçauroit estre qu'une beste, “
ny auoir cognoissance du bien & du mal , ne “
quelle difference il y a : & d'auantage les gens “
ne sont pas tous d'une mesme complexion: par- “
quoy la mauuaistié d'un ou de deux ne se doit “
laisser à faire plaisir à plusieurs , quand on a le “
temps & opportunité. Bien seroy-ie d'adujs “
qu'on eust bon iugement à veoir quelles sont “
les personnes ; car tous ne sont pas dignes de “
semblables merites. Et à moy presque estrange “
de croire qu'une personne sage sceust estre in- “
grate d'un grand benefice, quand il l'a receu de “
quelqu'un: & là s'esgareroient bien les Princes: “
car l'acointance d'un fol , iamais ne profita à “
la longue. Et me semble que l'un des plus grans “
sens que puisse monstrier vn Seigneur , c'est de “
s'acointer & approcher de luy gens vertueux “
& honnestes : car il seroit iugé à l'opinion des “
gens, d'estre de la condition & nature de ceux “
qu'il tiendra les plus prochains de luy. Et pour “
conclure cest article , me semble que l'on ne se “
doit iamais lasser de bien faire. Car vn seul & “
le moindre de tous ceux ausquels on peut auoir “
fait quelque bien, fera à l'auanture vn tel serui- “
ce, & aura telle recognoissance , qu'il recom- “
penfera toutes les laschetes & meschancetes, “
qu'auoient fait tous les autres en cest endroit.
Et ainsi auez-vous veu de ces ostages , comme
il y en eut aucuns bons & recognoissans , & les
autres , & la pluspart mauuais & ingrats, car
cinq ou six seulement conduisoient ceste œu-
re, aux fins & intentions du Duc de Bourgon-
gne.

Comment le Duc de Bourgogne feit son entree en la ville de Liege: & comment ceux de Gand, qui parauant l'auoient assez mal receu, s'humilierent enuers luy.

CHAP. IIII.

Van. v.

*Ganthois
en train de
rebellion.*

LE lendemain que les portes eurent esté baillées, entra le Duc en la Cité du Liege, en grand triomphe: & luy fut abbattu vingt brassees de mur, & vny le fossé du long de la grande breche. A l'enuiron de luy entrèrent à pied, bien deux mille hommes d'armes, armez de toutes pieces, & deux mille Archers: & si demoura largement gens en l'ost. Luy estât à cheual, entra avec les gens de sa maison, & les plus grands de l'ost, les mieux parez & mieux accoustrez que pourroient estre: & ainsi alla descendre à la grande Eglise. Et, pour le vous faire court, il sejourna aucuns jours en la cité: & y feit mourir cinq ou six hommes de ceux qui auoient esté ses ostages: & entre les autres le messager de la ville: lequel il auoit en grande haine. Il leur ordonna aucunes loix & coustumes nouuelles. Il imposa grands deniers sur eux: lesquels il disoit luy estre deuz, à cause de paix & appointemens rompus les ans precedés, il emporta toute leur artillerie & armeures, & feit raser toutes les tours & murailles de la cité. Apres qu'il eut fait tout cela, il s'en retourna en son pays, où il fut recueilly à grande gloire & grande obeissance: & par especial de ceux de Gand: qui, parauant qu'il en-

traist au pays du Liege, estoient comme en rebellion, avec aucunes des autres villes : mais à ceste heure le recueillirent comme vainqueur : & furent apportées toutes les bannieres, par les plus notables de la ville au deuant de luy, iusques à Brucelles : & ceux qui les apportoit vindrent à pied. Ce qu'ils feirent à cause qu'à l'heure du trespas de son pere lors qu'il feit son entree à Gand, premier qu'en nulle autre ville de son pays, ayant ceste opinion que c'estoit la ville de son pays, où il estoit le plus aimé, & qu'à l'exemple de ceste-là se rangeroient les autres (comme il disoit vray en ce cas dernier) le lendemain qu'il y eut fait son entree, ils se mirent en armes sur le marché : & y porterent vn Sainct (qu'ils nomment Sainct Lieuin) & heurterent de la chassie dudict Sainct contre vne petite maison, appelée la maison de la Cueillette, où l'on leuoit aucunes gabelles sur le bled, pour payer aucunes dettes de la ville, qu'ils auoient faites, pour payer le Duc Philippe de Bourgongne quand ils feirent paix de la guerre avec luy (car ils auoient esté en guerre deux ans contre ledict Duc.) Et en effect ils dirent que ledict Sainct vouloit passer par la maison sans se tordre : & en vn moment l'abbatirent. Quoy voyant ledict Duc alla sur le Marché, & monta en vne maison pour parler à eux, & lors grande partie des notables hommes, tous armez, l'attendirent : & en passant luy offrirent d'aller avec luy. Il les feit demourer deuant l'hostel de la ville, & qu'ils l'attendissent : mais peu à peu le menu peuple le contraignit d'aller sur le Marché.

*la paix de
Gand avec
luy, iij.*

les v.

Le Duc estant illec, il leur commanda qu'ils le-uassent ceste chasse, & qu'ils la rapportassent en l'Eglise. Aucuns la leuoient, pour luy obeyr, & d'autres la remettoient. Ils luy feirent des demandes contre aucuns particuliers de la ville, touchant aucuns deniers. Il leur promit faire iustice. Et quand il vit qu'il ne les pouuoit departir, il s'en retourna en son logis, & eux demourerent sur le Marché, par l'espace de huit iours. Lendemain luy apporterent articles par lesquels ils luy demandoient tout ce que le Duc Philippe leur auoit osté par ceste * guerre: & entre autres choses, que chacun mestier peust auoir sa banniere, comme ils auoient accoustumé, qui sont septante & deux. Pour la doute en quoy il se vit, il fut contraint de leur accorder toutes leurs demandes, & tels priuileges qu'ils vouloient? & incontinent qu'il eut dit le mot, apres plusieurs allees & venuës, ils planterent sur le Marché toutes les bannieres, qui ja estoient faictes. Parquoy ils monstrent bien qu'ils les eussent prises outre son vouloir, quand il ne les eust accordees. Il auoit bonne opinion de dire que les autres villes prendroient exemple à son entree, quand il la feit premier à Gand: car plusieurs feirent rebellion à son exemple: comme de tuer officiers, & autres excès. Et s'il eust creu le prouerbe de son peuple (lequel disoit que ceux de Gand aimoient bien le fils de leur Prince, mais le Prince non,) iamais il n'eut point esté deceu. Et à la verité dire, apres le peuple du Liege, il n'en est nul plus inconstant que ceux de Gand. Vne chose ont-ils assez honneste selon leur mauuaistié: car à la personne de leur

*Le Duc de
Bourgon-
gne ne
peut ame-
ner à rai-
son les Gã
tois.
« paix de
Gand. v.*

pere v.

*Prouerbe
touchant
les Gan-
tois.*

Prince ne touchèrent iamais, & les Bourgeois, & les notables hommes sont tref-bonnes gens, & tref-desplaisans de la folie du peuple.

Il auoit esté de necessité que ledit Duc eust dissimulé toutes ces desobeissances: afin de non auoir guerre à ses subjets, & aux Liegeois ensemble: mais il faisoit bien son compte que s'il luy prenoit bien au voyage qu'il faisoit, il les rameneroit bien à la raison. Et ainsi en aduint: car comme i'ay desia dit, ils apporterent au deuant de luy, toutes les bannieres à pied, iusques à Brucelles, & tous les priuileges, & les lettres qu'ils auoient fait signer au partir qu'il feist de Gand: & en vne grande assemblée qu'il feist en la grande salle de Brucelles (où il y auoit beaucoup d'Ambassadeurs) luy presenterent lesdites bannieres, & semblablement tous leurs priuileges, pour en faire à son plaisir, & lors ses officiers d'armes, par son commandement oste-
rent lesdites bannieres des lances en quoy elles estoient attachees, & furent toutes enuoyées à Bologne sur la mer, à huiët lieuës de Calais (là où estoient encores celles qui leur furent ostées durant le temps de son pere le Duc Philippe, (apres les guerres qu'il auoit eües avec eux, où il les auoit vaincus & subiuguez) & le Chancelier dudit Duc prit tous leurs priuileges, & en cassa vn qu'ils auoient qui estoit touchant leur Loy. Car en toutes les aueres villes de Flandres le Prince renouuelle tous ceux de la loy, chacū an: & fait ouyr leurs comptes: mais à Gand, par ce priuilege, il ne pouuoit creer que quatre hommes: & ceux-là faisoient le demourant, qui sont vingt & deux: car en tout sont vingt & six

*Gantois
submis au
Duc de
Bourg.*

dix u.

Escheuins de la ville. Quand ceux qui sont de la Loy des villes, sont bons pour le Comte de Flandres, il est ceste annee là en paix, & luy accordent volontiers ses requestes: & au contraire, quand lesdits de la Loy ne luy sont bons, il y suruiuent volontiers des nouuelletez.

Outre ils payerent trente mille florins au Duc, & six mille à ceux qui estoient à l'entour de luy: & bannirent aucuns de leur ville. Tous leurs autres priuileges furent rendus. Toutes les autres villes se pacifierent pour argent: car ils n'auoiēt en rien entrepris contre luy. Et à toutes ces choses, on peut bien voir le bien qui aduient d'estre veinqueur, & aussi le dommage d'estre veincu. Parquoy on doit bien craindre de se mettre en
 „ hazard d'une bataille, qui n'y est contraint, & si
 „ force est qu'on y vienne, faut mettre, auant le
 „ coup, toutes les doutes dont on se peut aduifer.
 „ Car volōtiers ceux qui font les choses en crain-
 „ te, y donnent les bonnes prouisions: & plus sou-
 „ uent gaignent, que ceux qui y procedent avec
 „ grand orgueil: combien que quand Dieu y veut
 „ mettre la main, rien n'y vaut.

Or estoient les Liegeois, desquels auons parlé cy-dessus, excommuniez cinq ans auoit, pour le different de leur Euesque, dont ne faisoient nulle estime, mais continuoient en leur folie & mauuaise opinion, sans ce qu'ils eussent sçeu dire qui les mouuoit, fors trop de bien & grand orgueil. Et à ce propos vsoit le Roy Louys d'un mot, à mon gré bien sage: où il disoit, que quād orgueil cheuauche deuant, honte & dommage le suiuent de bien pres, & de ce peché n'estoit-il point entaché.

*Mot sage
du Roy
Louys tou-
chant l'or-
gueil.*

Comme le Roy voyant ce qui estoit aduenü aux Liegeois, feit quelque peu de guerre en Bretagne contre les alliez du Duc de Bourgogne, & comment ils se veirent & parlerent ensemble cux deux à Peronne.

CHAP. V.

Es choses ainsi faites, se retira ledict Duc à Gand: où il luy fut faicte vne bien-venue de grande despenſe, & y entra en armes: & luy fut faicte par ceux de la ville vne faillie aux champs, pour mettre hors de la ville ou dedans gens à son plaisir. Plusieurs Ambassadeurs du Roy y vindrent, & de luy au Roy. Semblablement luy en venoit de Bretagne, & aussi y en enuoyoit. Ainsi se passa cet Hyuer: & taschoit tousiours fort le Roy de faire consentir ledit Duc qu'il peust faire à son plaisir de ce qui estoit en Bretagne, & faire audit Duc aucuns partis en recompense. Cela ne pouuoit accorder dont desplaisoit au Roy: veu encore ce qui estoit aduenü aux Liegeois ses alliez. Et finalement, si tost que l'Esté fut venu, ne peut le Roy auoir plus de patience: & entra en Bretagne, ou ses gens pour luy, & y print deux petits chasteaux: l'un appellé Chantossé & l'autre Anceny. Incontinent vindrent ces nouuelles au Duc de Bourgogne: qui fut fort pressé & sollicité des Ducs de Normandie & de Bretagne: tant qu'à toute diligence feit son armee, & escriuit au Roy, luy suppliant qu'il se vouldist deporter de ceste entreprise: veu qu'ils estoient cō-

Le Roy entreprend sur l'estat de Bretagne.

pris en la trefue, & s'es alliez. Et voyant qu'il n'auoit responce à son plaisir, se mit aux champs pres la ville de Peronne, avec grand nombre de gens. Le Roy estoit à Compiègne, & son armee tousiours en Bretagne. Comme le Duc eut sejourné là trois ou quatre iours, vint de par le Roy le Cardinal Balue, Ambassadeur (qui peu y arresta) & feit aucunes ouuertures, disant audit Duc, que ceux qui estoient en Bretagne, pourroient bien accorder sans luy. Tousiours estoient les fins du Roy de les separer. Tost fut despesché ledit Cardinal, & luy fut fait honneur & bonne chere, & s'en retourna avec telles paroles : c'est que ledit Duc ne s'estoit point mis aux champs pour greuer le Roy, ny faire la guerre: mais seulement pour secourir ses alliez: & n'y auoit que douces paroles d'un costé & d'autre.

·Iucontinent apres le partement dudit Cardinal, arriua deuers ledit Duc un Herault appelé Bretagne: & luy apporta lettres des Ducs de Normandie & de Bretagne, contenant comme ils auoient fait paix avec le Roy, & renoncé à toutes alliances, & nommément à la sienne: & que pour tous partages, ledit Duc de Normandie deuoit auoir * soixante mille liures de rente, & renoncer au partage de Normandie: qui n'aguères luy auoit esté baillee. De cecy n'estoit point trop content ledit Monseigneur Charles de France, mais il estoit force qu'il dissimulast. Bien fort esbahy fut le Duc de Bourgongne de ces nouuelles: veu qu'il ne s'estoit mis aux champs que pour secourir lesdits Ducs, & fut en tres-grand danger le Herault: & cuida ledict

Duc

* autres
mettent
bien plus
grosse som-
me.

Charles
Duc de
Normandie
contraint
de changer
son Duché
en une
pension.

Duc(pource qu'il estoit passé par le Roy) qu'il eust contrefait ses lettres: toutesfois il eut semblables lettres par ailleurs. Il sembla bien lors au Roy qu'il estoit à la fin de son intention, & qu'aisément il gagneroit ledit Duc à semblablement abandonner les Ducs dessus nommez: & commencerent à aller messagers secrets de l'un à l'autre: & finalement donna le Roy audit Duc de Bourgongne six vingts mille escus d'or, dont il en paya la moitié content, auant se leuer du Champ, pour les despens qu'il auoit faits à mettre sus l'armee. Ledit Duc enuoya audit Seigneur un sien valet de chambre, appelé Iean Vobrisset, homme fort priué de luy. Le Roy y print grande fiance: & eut vouloir de parler audit Duc, esperant de le gagner de tous poincts à sa volonté: veu les mauuais tours que les deux Ducs dessusdits luy auoient faits: & veu aussi ceste grande grande somme d'argent qu'il luy auoit donnee: & en mandoit quelque chose audit Duc, par ledit Vobrisset: & enuoya avec luy derechef le Cardinal Balue, & Messire Tanne-guy du Chastel, Gouverneur de Roussillon, monstrans par leurs paroles que le Roy auoit tres-grand desir que ceste veüe se feist, Ils trouverent ledit Duc à Peronne: lequel n'en auoit point trop d'enuie: pource qu'encores les Liegeois faisoient signe de soy vouloir rebeller, à cause de deux Ambassadeurs que le Roy leur auoit enuoyez pour les solliciter de ce faire, auant ceste trefue, qui estoit prise pour peu de iours, entre le Roy & le Duc & tous autres leurs alliez. A quoy respondit ledit Balue, & autres de sa compagnie, que lesdits Liegeois ne

Le Roy donna au Duc de Bourgogne les despens de la luyee de son armee contre luy.

Le Roy sollicita les Liegeois à se reuolter derechef.

*Le Duc de
Bourg.en-
noye lettres
de feureté
au Roy
pour ve-
nir à Pe-
ronne.*

l'oferoient faire, veu que ledict Duc de Bourgogne les auoit destruits l'an passé, & abbatu les murailles : & quand ils verroient cest appointement, si leur en passeroit le vouloir, s'aucun en auoient eu. Ainsi fut conclud que le Roy viendrait à Peronne (car tel estoit son plaisir) & luy escriuit ledit Duc vne lettre de sa main, portant feureté d'aller & retourner, bien ample. Ainsi partirent lesdits Ambassadeurs, & allerent deuers le Roy, qui estoit à Noyon.

Ledit Duc cuidoit donner ordre au faict du Liege, & y enuoya l'Euesque, pour lequel estoit ce debat audit pays : & se retira avec luy le Seigneur d'Hymbercourt, Lieutenant dudit Duc, audit pays, & plusieurs autres compagnies. Vous avez entendu par quelle maniere auoit esté conclud que le Roy viendrait à Peronne. Ainsi le feit, & n'amena nulle garde : mais voulut venir de tous poincts à la garde & feureté dudit Duc : & voulut que Monseigneur des Cordes luy vint au deuant avec les Archers dudit Duc (à qui il estoit pour lors) pour le conduire. Ainsi fut fait. Peu de gens vindrent avec luy : toutesfois il y vint de grands personages, comme le Duc de Bourbon, son frere le Cardinal, & le Comte de S. Paul, Connestable de France : qui en rien ne s'estoit meslé de ceste veüe : mais luy en desplaisoit : car pour lors le cœur luy estoit creu : & ne se trouuoit point humble enuers ledict Duc, comme autresfois : & pour ceste cause n'y auoit nulle amour entre les deux. Aussi y vint le Cardinal Balue, le Gouverneur de Roussillon, & plusieurs autres. Comme le Roy approcha de la ville de Peronne, ledit Duc luy alla au déuant, fort bien accom-

pagné, & le mena en la ville & le logea chez le Receueur: qui auoit belle maison & pres du chasteau: car le logis du chasteau ne valloit rien: & y auoit petit logis.

La guerre entre deux grands Princes est bien aisee à commencer; mais tres-mauuaise à appaiser, pour les choses qui y aduiennent, & qui en descendent. Car maintes diligences se font de chacun costé pour greuer son ennemy, qui en si soudain moment ne se peuuent rappeler: comme il se veit par ces deux Princes qui auoyent entrepris ceste veüe si soudainement, sans aduertir leurs gens qui estoient loing: lesquels de tous les deux costez accomplissoient les charges que leurs maistres leur auoient baillees. Le Duc de Bourgongne auoit mandé l'armee de Bourgongne, où pour ce temps là auoit grande noblesse: & avec eux venoient Monseigneur de Bresse, l'Euesque de Geneue, le Comte de Romont, tous freres & enfans de la maison de Sauoye, (car Sauoisiens & Bourguignons de tous temps s'entr'aimoient tres-fort) & aussi aucuns Allemans (qui confinent tant en Sauoye qu'en la Comté de Bourgongne) estoient en ceste bande. Et faut entendre que le Roy auoit autrefois tenu le Seigneur de Bresse en prison: à cause de deux Cheualiers qu'il auoit fait tuer en Sauoye: parquoy n'y auoit pas grand amour entr'eux deux.

*mandé &
fait venir.*

*Sauoisiens
& Bour-
guignons
s'entr'ai-
ment de
tout tēps.*

En ceste compagnie estoit encores Monseigneur du Lau (que le Roy semblablement auoit long temps tenu prisonnier, apres auoir esté tres-prochain de sa personne: & puis

s'estoit eschappé de la prison, & retiré en Bourgongne) & Messire Poncet de Riuiere , & le Seigneur d'Vrfé, depuis grand Escuyer de France. Et toute ceste bande dont i'ay parlé arriua aupres de Petonne , comme le Roy entroit , & entra ledit de Bresse , & les trois dont i'ay parlé, en la ville de Peronne , portans la Croix Saint André:& cuidoient venir à temps pour accompagner ledit Duc de Bourgongne, quand il iroit au deuant du Roy:mais ils vindrent vn peu trop tard. Ils vindrent tout droict en la chambre du Duc luy faire la reuerence : & porta Monseigneur de Bresse la parole, suppliant au Duc que les trois , dessus nommez, vinssent là en sa seureté (nonobstant la venue du Roy) ainsi comme il leur auoit esté accordé en Bourgongne, & promis à l'heure qu'ils y arriuerent : & aussi qu'ils estoient prests à le seruir enuers tous & contre tous. Laquelle requeste ledit Duc leur octroya de bouche, & les remercia. Le demourant de ceste armee qu'auoit cōduite le Marechal de Bourgongne se logea aux champs, comme il fut ordonné. Ledit Marechal ne vouloit point moins de mal au Roy que les autres dont i'ay parlé, à cause de la ville de Pinal , assise en Lorraine, qu'il auoit autresfois donnee audit Marechal , & puis la luy osta , pour la donner au Duc Iean de Calabre: duquel assez de fois à esté parlé en ces presens memoires. Tost fut le Roy aduertý de l'arriuee de tous ces gens dessus-nommez , & des habillemens en quoy estoient arriuez. Si entra en grand'paour , & enuoya prier au Duc de Bourgongne qu'il peust loger au chasteau , & que tous ceux-là qui

estoyent venus, estoient ses mal-vueillans. Le-
dit Duc en fut tres-joyeux : & luy fit faire son
logis, & l'asseura fort de n'auoir nulle doute.

*Digression, sur l'auantage que les lettres, & princi-
palement en Histoires, font aux Princes & grands
seigneurs.*

CHAP. VI.

C'Est grande folie à vn Prince de soy souf-
mettre à la puissance d'un autre, par especial
quand ils sont en guerre * où ils ont esté
en tous endroicts : & est grand aduantage aux
Princes d'auoir veu des histoires en leur ieunes-
se: esquelles se voyent largement de telles as-
sembles & de grandes fraudes, tromperies, &
periuremens, qu'aucuns des anciens ont faict
les vns vers les autres, & pris & tués ceux qui
en telles seuretez s'estoyent fiez. Il n'est pas
dict que tous en ayent vsé : mais l'exemple d'un
est assez pour en faire sages plusieurs, & leur
donner vouloir de se garder, & est-ce me sem-
ble (à ce que j'ay veu plusieurs fois par expe-
rience de ce monde, où j'ay esté autour des
Princes l'espace de dix-huict ans ou plus,
ayant claire cõgnoissance des plus grandes &
secrettes matieres, qui se soyent traittées en
ce Royaume de France, & Seigneuries voisi-
nes) l'un des grands moyens de rendre un hom-
me sage, est d'auoir sceu les Histoires ancien-
nes, & apprendre à se conduire & garder, & en-
treprendre, sagement par icelles, & par les ex-
ples de nos predecesseurs. Car nostre vie est

* Le
vieil ex-
empl. ra-
ye cela
iusques à,
& est
grand.

si briefue qu'elle ne fuffit à auoir de tant de
 chofes experience. Ioinct auffi que nous fom-
 mes diminuez d'aage, & que la vie des hom-
 mes n'est fi longue comme elle fouloit, ny les
 corps fi puiffans. Semblablement que nous
 fommes affoiblis de toute foy & loyauté les
 vns enuers les autres: & ne fçauroye dire par
 quel lieu on fe puiſſe aſſeurer les vns des autres,
 & par eſpecial des grands, qui font affez en-
 clins à leur volonté, ſans regarder autre raiſon:
 & qui pis vaut, ſont le plus ſouuent enuironnez
 de gens, qui n'ont l'œil à autre choſe qu'à com-
 plaire à leurs maîtres, & à leur louer toutes
 leurs œuures, ſoient bonnes ou mauuaiſes: & ſi
 quelcun ſe trouue qui vueille mieux faire, tout
 ſe trouuera broüillé.

*Seigneurs
 ignorans
 ſont à
 blaſmer.*

Encores ne me puis-je tenir de blaſmer les
 Seigneurs ignorans. Enuiron tous Seigneurs ſe
 trouuent volontiers quelques Clercs & gens
 de robbes longues (comme raiſon eſt) & y ſont
 bien ſeans, quand ils ſont bons, & bien dan-
 gereux quand ils ſont mauuais. A tous propos
 ont vne Loy au bec ou vne Hiſtoire: & la meil-
 leure qui ſe puiſſe trouuer, ſe tourneroit bien à
 mauuais ſens, mais les ſages, & qui auroient
 leu, n'en ſeroient iamais abuſez, ny ne ſeroient
 les gens ſi hardis, de leur faire entendre men-
 ſonges. Et croyez que Dieu n'a point eſtably
 l'office de Roy, ne d'autre Prince, pour eſtre e-
 xercé par les beſtes, ne par ceux qui par gloire
 dient: Je ne ſuis pas Clerc: ie laiſſe faire à mon
 conſeil: ie me fie en eux. Et puis ſans aſſigner
 autre raiſon, s'en vont en leurs eſbats. S'ils
 auoient eſté bien nourris en la ieuneſſe, leurs

raisons seroient autres: & auroient enuie qu'on
 estimast leurs personnes & leurs vertus. Je ne
 veux point dire que tous les Princes se seruent
 de gens mal conditionnez: mais bien la plus-
 part de ceux que i'ay cognus, n'en ont pas tou-
 iours esté desgarnis. En temps de necessité ay-
 ie bien veu que les aucuns sages se sont bien
 sçeu seruir des plus apparens, & les chercher sans
 y rien plaindre, & entre tous les Princes, dont
 i'ay eu la cognoissance, le Roy nostre maistre l'a
 le mieux sçeu faire, & plus honorer & estimer
 les gens de bien & de valeur. Il estoit assez let-
 tré. Il aimoit à demander & à entendre de tou-
 tes choses; & auoit le sens naturel parfaicte-
 ment bon, lequel precede toutes autres scien-
 ces, qu'on sçauroit apprendre en ce monde, &
 tous les liures qui sont faicts ne seruiroient de
 rien, si n'estoit pour ramener en memoire
 les choses passees: & qu'aussi plus on voit de
 choses en vn seul liure en trois mois, que n'en
 sçauroient voir à l'œil, & entendre par expe-
 rience, vingt hommes de rang, viuans l'vn apres
 l'autre. Ainsi pour cōclure cest article, me sem-
 ble que Dieu ne peut enuoyer plus grand' playe
 en vn pays que d'vn Prince peu entendu: car de
 là procedent tous autres maux. Premièrement
 en vient diuision & guerre: car il met tousiours
 en main d'autrui son autorité, qu'il deuroit plus
 vouloir garder que nulle autre chose, & de ceste
 diuision procede la famine & mortalité, & les
 autres maux, qui dependent de la guerre. Or re-
 gardez donc si les sujets d'vn Prince ne se doy-
 uent point bien douloir, quand ils voyent ses
 enfans mal nourris, & entre mains de gens mal
 conditionnez.

Conditions
 du Roy L.

Le Roy
 Louis assés
 lettré.

*Comment & pourquoy le Roy Louys fut arresté & en-
fermé dedans le Chasteau de Peronne, par le Duc
de Bourgogne.*

CHAP. VII.

OR auez-vous oüy de l'arriuee de ceste ar-
nee de Bourgogne: laquelle fut à Peron-
ne presque aussi tost que le Roy, car ledit Duc
ne les eust sceu contremander à temps: car ja
bien auant estoient en campagne, quand la ve-
nuë du Roy se traittoit: & troublerent: f-
sez la feste, avec les suspicions qui aduindrent
apres. Toutesfois ces deux Princes commirent
de leurs gens à estre ensemble, & traicter de
leurs affaires, le plus amiablement que faire se
pourroit: &, comme ils estoient bien auant
en besongne, & ia y auoyent esté par trois ou
quatre iours, suruindrent de tres-grandes nou-
uelles du Liege, lesquelles ie vous diray. Le
Roy, en venant à Peronne, ne s'estoit point ad-
uise qu'il auoit enuoyé deux Ambassadeurs au
Liege, pour les solliciter contre ledit Duc: &,
neantmoins lesdits Ambassadeurs auoyent si
bien diligenté, qu'ils auoient faict vn grand a-
mis: & vindrent d'emblee les Liegeois pren-
dre la ville de Tongres: où estoit l'Euesque du
Liege, & le Seigneur d'Hymbercourt, bien ac-
compagné, iusques à deux milles hommes &
plus: & prirent ledit Euesque, & ledit d'Hym-
bercourt (mais peu de gens y furent tuez) &
n'en prirent nuls, que ces deux, & aucuns par-
ticuliers de l'Euesque. Les autres s'enfuirent, &

*Erreur du
Roy Louys
ven. en. à
Peronne.*

*Tongres
reprise par
les Lie-
geois.
Hymber-
court prins
des Lie-
geois &*

laissent tout ce qu'ils auoyent , comme gens
desconfits. Apres cela leſdits Liegeois se mirent *ſauués d'eux.*
en chemin vers la cité de Liege, assise assez près
de ladite ville de Tongres. En chemin com-
posa ledit Seigneur d'Hymbercourt avec vn
Cheualier, appelé Messire Guillaume de Vil-
le autrement dit, entre les François le Sauua-
ge. Cedit Cheualier sauua ledit d'Hymber-
court, craignant que ce fol peuple ne le tuaſt &
retint ſa foy : qu'il ne garda gueres : car peu
apres il fut t. i. luy-meſme. Ce peuple eſtoir fort
ioyeux de la priſe de leur Seigneur, Eueſque du *Eueſque du Liege par eux pris.*
Liege ils auoyent en haine pluſieurs Chanoines,
qu'ils auoient pris ce iour : & , à la premiere re-
pue en tuerent cinq ou ſix. Entre les autres en
y auoit vn, appelé maistre Robert , fort priué
dudit Eueſque : que pluſieurs fois i'auoye veu
armé de toutes pieces , apres ſon maistre : car
telle eſt l'vſance des Prelats d'Alemaigne. Ils *Cruauté des Lie-*
tuerent ledit maistre Robert , preſent ledict *geois.*
Eueſque : & en feirent pluſieurs pieces , qu'ils
ſe iettoient à la teſte l'vn de l'autre , par grand'
deriſion. Auant qu'ils euſſent faict ſept ou huit *Chanoi-*
lieux, qu'ils auoyent à faire , ils tuèrent iuſ-
ques à ſeize perſonnes , Chanoines , ou autres *nis mal*
gens de bien, quaſi tous ſeruiteurs dudit Eueſ-
que. Faifans ces œuvres , laſcherent aucuns *accuſtez*
Bourguignons : car ja ſentoient le traitté de *par les*
paix encommencé : & euſſent eſté contraincts *Liegeois.*
de dire que ce n'eſtoit que contre leur Eueſ-
que , lequel ils menerent priſonnier en leur
cité. De ceux qui fuioyent, dont i'ay parlé , s'eſ-
fraya tout le quartier par où ils paſſoient : & vin-
drent toſt ces nouuelles au Duc. Les vns diſoient

V. Com-
tens.

que tout estoit mort, les autres le contraire. De telles matieres ne vient point volontiers vn messager seul : mais en vindrent aucuns qui auoiēt ainsi veu habiller ces Chanoines: qui cuidoient que ledit Euesque fust de ce nombre, & ledit Seigneur d'Hymbercourt, & que tous le demourant fust mort : & certifioient auoir veu les Ambassadeurs du Roy en ceste compagnie, & les nommoient. Et fut compté tout cecy audit Duc, qui soudainement y adiousta foy, & entra en vne grand' colere, disant que le Roy estoit venu là pour le tromper: & soudainement enuoya fermer les portes de la ville & du chasteau, & feit semer vne assez mauuaise raison: c'estoit qu'on le faisoit pour vne boeste, qui estoit perduë, où il y auoit de bonnes bagues & de l'argent. Le Roy qui se veit enfermé en ce Chasteau (qui est petit) & force Archers à la porte, n'estoit point sans doute, & se voyoit logé rasibus d'une grosse tour, où vn Comte de Vermadois fit mourir vn sien predecesseur Roy de France. Pour lors estoie encores avec ledit Duc, & le seruoye de Chambellan, & couchoye en sa chambre quand ie vouloye: car telle estoit l'vsance de ceste maison. Ledit Duc, quand il veit les portes fermees, feit saillir les gens de sa chambre, & dit à aucuns que nous estions, que le Roy estoit venu là pour le trahir, & qu'il auoit dissimulé ladicte venuë de toute sa puissance, & qu'elle s'estoit faicte contre son vouloir: & va conter ses nouuelles du Liege, & comme le Roy l'auoit fait conduire par ses Ambassadeurs, & comme tous ses gens auoient esté tués & estoit terriblement esmeu contre le Roy, &

*Le Roy L.
emmané à
Peronne.*

*Charles
Jarnac
le simple.
ce V. en-
troys.*

*Commines
Chambel-
lan du
Duc de
Bourgon.*

le menaçoit fort: & croy veritablement, si à ceste heure là il eust trouué ceux à qui il s'adressoit, prests à le conforter, ou conseiller de faire au Roy vne mauuaise compagnie, il eust esté ainsi fait: & pour le moins il eust esté mis en ceste grosse tour. Avec moy n'y auoit à ces paroles, que deux Valets de Chambre, l'un ^{V. de Bi-} appelé Charles de Visin, natif de Dijon ^{sur.} homme honneste, & qui auoit credit avec son maître. Nous n'aigrismes rien, mais adoucismes à nostre pouuoir. Tost apres tint aucunes de ces paroles à plusieurs, & coururent par toute la ville, & iusques en la chambre où estoit le Roy: lequel fut fort effrayé, & si estoit generalement chacun, voyant grande apparence de mal, & regardant quantes choses y a à considerer, pour pacifier vn different, quand il est commencé entre si grands Princes, & les erreurs qu'ils feirent tous deux de n'aduertir leurs seruiteurs, qui estoient loin d'eux, empeschez en leurs affaires, & ce qui soudainement en cuida aduenir.

*Digression sur ce que, quand deux grands Princes
s'entre-voient pour cuidoier appaiser differents,
telle venue est plus dommageable que
profitable.*

CHAP. VIII.

GRande folie est à deux grâds Princes (qui sont cōme esgaux en puissance) de s'entre-voir: sinō qu'ils fussent en grād'ieunesse (qui est le temps qu'ils n'ont autres pēsees qu'à leurs plaisirs) mais depuis que l'enuie leur est venue d'accroistre les vns sur les autres, encor qu'il n'y

eust nuls perils de personnes (ce qui est quasi impossible) si accroist leur mal-veillance , & leur enuie. Parquoy vaudroit mieux qu'ils pacifiassent leurs differens par sages & bons seruiteurs : comme i'ay dit ailleurs , plus au long, en ces memoires. Mais encor en veuil-ie dire quelques experiences , que i'ay veuës & sceuës

*Entreuues
des Roys
de France
& de Ca-
stille.*

de mon temps. Peu d'annees apres que nostre Roy fut couronné , & auans le Bien public, se feit vne veuë du Roy de France & du Roy de Castille, qui sont les plus alliez Princes , qui soient en la Chrestienté: car ils sont alliez de Roy à Roy , & de Royaume à Royaume , & d'hommes à hommes , & obligez sur grandes maledictions, de les bien garder. A ceste veuë vint le Roy Henry de Castille , bien accompagné, iusques à Fontarabie ; & le Roy estoit à Sainct Iean de Luz : qui est à quatre lieuës. Chacun d'eux estoit aux confins de son Royaume. Je n'y estoye pas : mais le Roy m'en a cōpté, & monseigneur du Lau. Aussi m'en a esté dit en Castille, par aucuns Seigneurs : qui y estoient, avec le Roy de Castille & y estoit le Grand Maistre de S. Iacques, & l'Archeuesque de Tolledo, les plus grāds de Castille pour lors. Aussi y estoit le Comte de Lodesme, sō mignon en grand triōphe, & toute sa garde: qui estoient quelques 300. cheuaux, de Maures de Grenade, dont y en auoit plusieurs Negres. Vray est que le Roy Henry valoit peu de sa personne : & donnoit tout son heritage, ou se laissoit oster à quile vouloit , ou pouuoit prendre.

*Henry
Roy de
Castille de
petite va-
leur.*

Nostre Roy estoit aussi fort accompagné (comme auez veu qu'il en auoit bien de cou-

stume) & par especial sa garde estoit belle. A ceste veuë se trouua la Roïne d'Arragon, pour quelque different qu'elle auoit eu avec le Roy de Castille, pour Estelle, & quelques autres places, assises en Nauarre. De ce different fut le Roy iuge. Pour continuer ce propos que la veuë des grands Princes n'est point necessaire, ces deux icy n'auoyent iamais eu different, ne rien à departir: & se veirent vne fois ou deux seulement, sur le bord de la riuere, qui depart les deux Royaumes, à l'endroit d'un petit Chasteau, appellé Heurtebise & passa le Roy de Castille du costé de deçà. Ils n'arrestèrent guerres: sinon autant qu'il plaisoit à ce grand Maître de saint Iacques, & à cest Archeuesque de Tolledo. Parquoy le Roy chercha leur acointance: & vindrent deuers luy à saint Iean de Luz: & prit grande intelligence & amitié avec eux: & peu estima leur Roy. Là pluspart des gens des deux Roys estoient logez à Bayonne: qui d'entree se battirent tres-bien: quelque alliance qu'il y eust. Aussi sont ce langues differentes. Le Comte de Lodesme passa la riuere en un batteau: dont la voile estoit de drap d'or: & auoit vns brodequins fort chargez de pierreries: & vint vers le Roy. Il auoit largement biens: & depuis ie le vei Duc d'Albourg, & tenir grand' terre en Castille. Ainsi se dressoient mocqueries entre ces deux nations si allies. Le Roy de Castille estoit laid, & ses habillemens desplaisans aux François: qui s'en mocquerent. Nostre Roy s'habilloit fort court, & si mal, que pis ne pouuoit, & assez mauuais drap portoit aucunesfois: & por-

Le Roy iuge d'un different du Roy de Castille. Et de la Roïne d'Arrag. Ils ne se goustèrent pas fort: mais par especial cognoissance du Roy que le Roy de Castille ne pouuoit guerres, sinon, &c.

habillemens du Roy L. quelques-fois mocquies.

W
 toit vn mauuais chapeau different des autres, & vne image de plomb dessus. Les Castillans s'en mocquoient : & disoient que c'estoit par chicheté. En effect ainsi se departit ceste assemblée, pleine de mocquerie & de pique : & oncques puis ces deux Rois ne s'entr'aimerent : & se dressa de grands brouillis entre les seruiteurs du Roy de Castille : qui ont duré iusques à sa mort : & long temps apres : & l'ay veu le plus pauvre Roy, abandonné de ses seruiteurs, que ie vei iamais. La Roynie d'Arragon se doulut de la sentence, que le Roy donna au profit du Roy de Castille. Elle en eut le Roy en grand' haine, & le Roy d'Arragon aussi : combien qu'un peu s'aiderent de luy contre ceux de Barcelonne, en leur necessité, mais peu dura ceste amitié : & y eut dure guerre entre le Roy, & le Roy d'Arragon, plus de 16. ans & encores dure ce differēt.

Entreueu
 de l'Empe-
 reur & du
 Duc de
 Bourgon-
 gne.

Il faut parler d'autres. Le Duc de Bourgon-
 gne Charles s'est depuis veu, à sa grand' reque-
 ste, avec l'Empereur Federic, qui encores est
 viuant : & y fait merueilleuse despense, pour
 monstrier son triomphe : & traitterent de plu-
 sieurs choses à Treues, où ceste veüe se fait : &
 entr'autres choses, du mariage de leurs enfans,
 qui pis est aduenü. Comme ils eurent esté plu-
 sieurs iours ensemble, l'Empereur s'en alla sans
 dire Adieu, à la grand' honte & folie dudit Duc.
 Oncques puis ne s'entr'aimerent, ny eux, ne
 leurs gens. Les Allemans mesprisoient la pom-
 pe & parole dudit Duc, l'attribuant à orgueil.
 Les Bourguignons mesprisoient la petite com-
 pagnie de l'Empereur, & les pauvres habille-
 mens. Tant se demena la question, que la guerre

qui fut à Nuz, en aduint. Je vei aussi led. Duc de Bourgongne qui se veit à S, Paul en Artois avec le Roy Edouard d'Angleterre : dont il auoit espousé la sœur : & estoient freres d'ordre. Ils furent deux iours ensemble. Les seruiteurs du Roy estoient fort bandez. Les deux parties se plaignoient audit Duc. Il presta l'oreille aux vns pl⁹ qu'aux autres : dont leur haine s'accroit, toutesfois il aida audit Roy à recouurer son Royaume, & luy bailla gens, argent & nauires ('car il en estoit chassé par le Comte de Vvaruich) & nonobstant ce seruice, dōt il recouura ledit Royaume, iamaïs depuis ils ne s'aimerent, ne dirent bien l'un de l'autre. Je vei venir vers ledit Duc le Comte Palatin du Rin, pour le voir. Il fut plusieurs iours à Brucelles fort festoyé, recueilly, honoré & logé en chambre richement tendue. Les gens dudit Duc disoient que ces Allemans estoient ords, & qu'ils iettoient leurs housseaux sur ces lits si richement parez, & qu'ils n'estoient point honnestes comme nous : & l'estimerent moins, qu'auant le cognoistre : & les Allemans comme enuieux, parloient & mesdisoient de ceste grande pompe. En effect, oncques puis ne s'aimerent, ny ne firent seruice l'un à l'autre. Je vei aussi venir vers ledit Duc le Duc Sigismond d'Austriche : qui luy vendit la Comté de Ferrette (assise pres le Comté de Bourgogne) cent mille florins d'or : pource qu'il ne la pouuoit defendre des Suisses. Ces deux Seigneurs ne pleurent gueres l'un à l'autre : & depuis se pacifia ce Duc Sigismond avec les Suisses : & osta audit Duc la Comté de Ferrette : & retint son argent : & en aduint des maux infinis, audit Duc

*Entrevue
du Roy
d'Angle-
terre & du
Duc de
Bourgon-
gne.*

*Entrevue
du Duc de
Bourg. &
du Comte
Palatin.*

*Sigismond
d'Austri-
che vend
la Comté
de Ferrette
la reprend
sans rendre
l'argent.*

de Bourgongne. En ce temps propre y vint le Comte de Vvaruich: qui oncques puis semblablement ne fut amy du Duc de Bourgongne. ne ledit Duc le sien.

v. deux cō-
clusions.

Je me trouuay present à l'assemblée qui se feit au lieu de Picquigny, aupres la ville d'Amiens, entre nostre Roy & le Roy Edouard d'Angleterre: & en parleray plus au long où il seruira. Il se tint bien peu de choses entr'eux, qui y furent promises. Ils besongnerent en dissimulation. Vray est qu'ils n'eurent plus de guerre (aussi la mer estoit entre deux) mais parfaite amitié n'y eut iamais. Et, pour conclusion, me semble que les grands Princes ne se doiuent iamais veoir, s'ils veulent demourer amis, comme ie l'ay dit. Et voicy les occasions, qui font les troubles. Les seruiteurs ne se peuvent tenir de parler des choses passees. Les vns ou les autres le prennent en despit. Il ne peut estre que les gēs & le train de l'un ne soit mieux accoustré, que celui de l'autre, dont s'engendrent mocqueries, qui sont choses qui desplaisent merueilleusement à ceux qui sont mocquez. Et, quand ce sont deux nations differentes, leurs langages & habillemens sont differēts, & ce qui plaist à l'un, ne plaist pas à l'autre. Des deux Princes, il aduient souuent que l'un a le personnage plus honneste & plus agreable aux gens que l'autre, dont il a gloire & prend plaisir qu'on le louē, & ne se fait point cela sans blasmer l'autre. Les premiers iours qu'ils se sont departis, tous ces bons comptes se dient en l'oreille & bas: & apres par * inadvertances s'en parle en disnant & en soupant,

V. accou-
stume.

pant, & puis est rapporté des deux costez. Car peu de choses y a secrettes en ce monde, par especial de celles qui sont dites : qui sont parties de mes raisons, que i'ay veuës & sçeuës, touchât ce propos de dessus.

Comment le Roy renonça à l'alliance des Liegeois pour sortir hors du Chasteau de Peronne.

CHAP. IX.

I'Ay beaucoup mis, auant que retourner à mon propos de l'arrest, enquoy estimoit le Roy estre à Peronne, dont i'ay parlé cy-deuant : & en suis failly, pour dire aux Princes mon aduis de telles assemblees. Ces portes ainsi fermées & gardées par ceux qui y estoient commis, furent ainsi deux ou trois iours ; & cepédant ledit Duc de Bourgogne ne voit point le Roy, ny n'entroit des gens du Roy au Chasteau, que peu, & par le guichet de la porte. Nuls des gens dudit Seigneur ne furent ostez d'aupres de luy : mais peu, ou nuls, de ceux du Duc, alloient parler à luy, n'en sa chambre : au moins de ceux, qui auoient autorité avec luy. Le premier iour, ce fut tout effroy & murmure par la ville. Le second iour, ledit Duc fut vn peu refroidy. Il tint conseil la pluspart du iour, & partie de la nuit. Le Roy faisoit parler à tous ceux qu'il pouuoit penser qui luy pourroient ayder : & ne failloit pas à promettre : & ordonna distribuer quinze mille escus : mais celuy qui en eut la charge, en retint vne partie, & s'en acquitta mal : comme le Roy sçeut depuis. Le Roy craignoit fort ceux, qui autresfois l'auoient seruy : lesquels estoient

*Argent des
Roy distri-
bué à la
male foy.*

venus avec ceste armee de Bourgongne, dont i'ay parlé: que ja se disoient au Duc de Normandie son frere. A ce conseil, dont i'ay parlé, y eut plusieurs opinions. La pluspart loüierent & furent d'aduis que la seureté qu'auoit le Roy, luy fust gardee: veu qu'il accordoit assez la paix, en la forme qu'elle auoit esté couchee par escrit. Autres vouloient sa prise rudement, sans cerimonie. Aucuns autres disoient qu'à diligence on feist venir Monseigneur de Normandie son frere, & qu'on feist vne paix bien auantageuse pour tous les Princes de France. Et sembloit bien à eux, qui faisoient ceste ouuerture, que, si elle s'accordoit, le Roy seroit restreint, & qu'on luy
 „ bailleroit gardes: & qu'un si grand Seigneur pris,
 „ ne se deliure jamais, ou à peine, quand on luy a
 V. pres. fait si grande offense. Et en vei les choses si apres, que ie vei un homme housé & prest à partir, qui ia auoit plusieurs lettres adressantes à Monseigneur de Normandie, estant en Bretagne: & n'attendoit que les lettres du Duc, toutesfois cecy fut rompu. Le Roy feist faire des ouuertes, & offrit de bailler en ostage le Duc de Bourbon, & le Cardinal son frere, le Connestable, & plusieurs autres; & qu'apres la paix conclue, il peust retourner iusques à Compiègne: & qu'incontinent il feroit que les Liegeois repareroient tout, ou se declareroient contre eux. Ceux que le Roy nommoit pour estre ostages, s'offrirent fort, au moins en public. Ie ne sçay s'ils disoient ainsi à part. Ie me doute que non. Et, à la verité, ie croy, * qui les y eust laissez, ils ne fussent pas reuenus.

V. qu'il les
 y eust laissez,
 & ne
 fust pas re-
 uenu.

Ceste nuit, qui fut la tierce, ledit Duc ne se

despoüilla onc. Seulenēt se coucha par deux ou trois fois sur son liēt; & puis se pourmenoit: car telle estoit sa façon quād il estoit troublē. Le cou chay ceste nuit en sa chābre, & me pourmenay avec luy plusieurs fois. Sur le matin se trouua en plus grand' colere que iamais, vsant de menaces, & prest à executer grand' chose: toutesfois il se reduisit, en sorte que, si le Roy iurōit la paix, & vouloit aller avec luy au Liege, pour luy aider à se venger, & Monseigneur du Liege, qui estoit son parent, il se contenteroit: & soudainement partit, pour aller en la chābre du Roy, & luy porter ces paroles. Le Roy eut quelque ami qui l'en aduertit, l'assurant de n'auoir nul mal, s'il accordoit ces deux poincts: mais s'il faisoit le contraire, il se mettroit en si grand peril, que nul plus grand ne luy pourroit aduenir. Comme le Duc arriva en sa presēce, la voix luy trembloit: tant il estoit esmeu, & prest de se courroucer. Il feit humble contenāce de corps: mais sa geste & parole estoit aspre, demandant au Roy s'il vouloit tenir le traitté de paix, qui auoit esté escript & accordé, & s'ainsi le vouloit iurer: & le Roy lui respōdit, que, Ouy. A la verité il n'y auoit rien esté renouuellé de ce qui auoit esté fait deuant Paris, touchant le Duc de Bourgogne, ou peu, ou moins: & touchant le Duc de Normandie* luy estoit beaucoup amendé: car il estoit dit qu'il renonceroit à la Duché de Normandie, & au- roit Champaigne & Brie, & autres places vōisines, pour son partage. Apres lui demanda ledic Duc, s'il ne vouloit point venir avec luy au Liege, pour aider à reuancher la trahison que les Liegeois luy auoient faicte, à cause de luy &

*Paix de
Peronne.*

*Entendē
au Roy.*

*Duc de
Bourgo-
gne oblique-
ment le Roy
d'estre can-
se de la tra-
hison des
Liegeois.*

de sa venuë : & aussi il luy dit la prochaineté du lignage qui estoit entre le Roy & l'Euesque du Liege : car il estoit de la maison de Bourbon. A ceste parole le Roy respondit qu'apres que la paix seroit iuree (ce qu'il desiroit) il estoit content d'aller avec luy au Liege, & de mener des gens si petit, ou si grand nombre que bon luy sembleroit. Ces paroles esiouirent fort le Duc : & incontinent fut rapporté le traitté de paix : & fut tiree des coffres du Roy, la vraye Croix que saint Charlemagne portoit (qui s'appelle la Croix de Victoire) & iurerent la paix : & tantost furent sonnees les cloches par la ville : & tout le monde fut fort esiouy. Autresfois a pleu au Roy me faire cest honneur de dire que i'auoye bien seruy à ceste pacification. Incontinent escriuit ledit Duc en Bretagne ces nouuelles : & enuoya le double du traitté : par lequel ne se desioignoit, ne se deslioit d'eux : & si auoit ledit Monsieur Charles partage bon : veu le traitté qu'ils auoient fait en Bretagne : par lequel ne luy demouroit qu'une pension, comme auez ouy.

*Comment le Roy accompagna le Duc de Bourgo-
gne, faisant la guerre aux Liegeois, par-
uant ses alliez.*

C H A P . X .

INcontinent que ceste paix fut ainsi faicte & conclüe, lendemain partirēt le Roy & le Duc & tirerent vers Cambray, & de là au pays du Liege : & estoit à l'entree d'hyuer, & le temps estoit tres-mauuais. Le Roy auoit avec luy les

*Commine
s'est em-
ployé à la
pacificatiō
de Peronne*

Escollois de la garde, & gens d'armes peu: mais il
 feit venir iusques à trois cens hommes d'armes.
 L'armee dudit Duc estoit en deux parties. L'une
 menoit Monseigneur le Marechal de Bourgogne
 (dont vous auez ouy parler cy-dessus) & y
 estoient tous les Bourguignons, & ces Seigneurs
 de Sauoye, desquels vous auez ouy parler, & avec
 eux grand nombre de gens du pays de Hainaut,
 de Luxembourg, de Namur, & de Lambourg.
 L'autre partie estoit avec ledit Duc. Et quand ils
 approcherent de la cité du Liege, on tint conseil
 present le Duc, où aucuns aduiserent qu'il seroit
 bon de renvoyer partie de l'armee: veu que ce-
 ste cité auoit les portes & murailles rasees, dès
 l'an precedent, & que de nul costé n'auoient es-
 perance de secours: & aussi que le Roy estoit là
 en personne contr'eux, lequel * ouuroit aucuns
 partis pour eux, quasi tels qu'on les demandoit.
 Ceste opinion ne pleut pas au Duc: dont bien
 luy en prit: car iamais homme ne fut si prest de
 perdre le tout. Et la suspicion qu'il auoit du Roy
 luy feit choisir ce sage parti: & estoit tres-mal
 aduisé à ceux qui en parloient de penser estre
 trop forts. C'estoit vne grande espee d'orgueil
 ou de folie: & maintefois i'ay ouy de telles opi-
 nions, & le font aucunesfois les Capitaines pour
 estre estimez de hardiesse, ou pour n'auoir assez
 cognoissance de ce qu'ils ont à faire: mais quand
 les Princes sont sages, ils ne s'y arrestent point.
 Cest article entendoit bien le Roy nostre mai-
 stre, à qui Dieu face pardon. Car il estoit tardif
 & craintif à entreprendre, mais à ce qu'il entre-
 prenoit, il y pouruoyoit si bien, qu'à grand pei-
 ne eust-il sceu faillir à estre le plus fort, & que la

*Confiance
 dangereuse
 à se des-
 charger de
 ses forces.*

*ou, con-
 ueroit.*

*Le Roy L.
 tardif &
 craintif à
 entreprendre*

maïstrise ne luy en fust demouree.

Ainsi fut ordonné que ledit Marechal de Bourgogne & tous ceux (dont i'ay parlé qui estoient en sa compagnie) iroient loger en la cité : & si on leur refusoit, ils y entreroient par force, s'ils pouuoient : car ja y auoit gens de la Cité allans & venans pour appoincter : & vindrent les dessusdits à Namur, & le lendemain le Roy & le Duc y arriuerent, & les autres en partirent.

Approchans de la Cité, ce fol peuple saillit au deuant d'eux : & aisément fut descōfit au moins vn bon nombre. Le demourant se retira, & eschappa leur Euesque, lequel vint deuers nous. Il y auoit vn Legat du Pape, enuoyé pour pacifier & pour cognoltre du different de l'Euesque & du peuple : car tousiours estoit en sentence d'excommunication, pour les offenses & raisons deuant diètes.

*Preuention
tion d'un
Legat du
Pape, selon
Cōmunes :
car auoir
excusent le
Legat.*

Cedit Legat excedant sa puissance, & sur esperance de soy faire Euesque de la cité, fauorisoit ce peuple : & leur commanda de prendre les armes & se defendre, & d'autres folies assez. Ledit Legat voyant le peril où estoit ceste cité, saillit pour fuir. Il fut pris & tous les gens, qui estoient bien vingt-cinq, bien montez. Si tost que le Duc le sceut, il fait dire à ceux qui l'auoient, qu'ils le transportassent, sans luy en rien dire, & qu'ils en fissent leur profit comme d'un marchand : car si publiquement il venoit. en sa compagnie, il ne leur pourroit retenir : mais le feroit readre, pour l'honneur du siege Apostolique. Ils ne le sceurent faire : mais en eurent debat : & publiquement, à l'heure du dîner, luy

*P. à sa co-
gnissance.*

en vindrent parler ceux qui y disoiēt auoir part, & incontinent l'enuoya mettre en sa main, & le leur osta, & luy fit rendre toutes choses, & l'honora.

Ce grand nombre de gens qui estoient en ceste Auant-garde, conduits par le Mareschal de Bourgogne, & le Seigneur d'Hymbercourt tirerent droit en la Cité, estimans y entrer : & meus de grand' auarice, aimoient mieus la piller, qu'accepter appoinctement qui leur fust offert : & leur sembloit n'estre ia besoing d'attendre le Roy & le Duc de Bourgogne (qui estoient sept ou huit lieux derrière eux) & s'auancerent tant qu'ils arriuerent dedans vn fauxbourg, à l'entree de la nuit : & entrèrent à l'endroit de la porte, qu'ils auoient quelque peu reparee. En quelque parlement ils ne s'accorderent point. La nuit bien obscure les surprit. Ils n'auoient point faict de logis, & aussi n'auoient point de lieu suffisant : & estoient en grand desordre. Les vns se pourmenoiēt ; les autres appelloient leurs maistres, leurs compagnons, & les noms de leurs Capitaines. Messire Jean de Villette, & autres des Capitaines de ces Liegeois, voyans ceste folie & ce mauuais ordre, prirent oœur, & leur seruit bien leur inconuenient, c'est à sçauoir, la ruine de leurs murailles : car ils failloient par où ils vouloient, & faillirent par les bresches de leurs murailles, & vindrent de front aux premiers : mais par les vignes & petites montaignes, courroient sus aux pages, & valets, (qui estoient au bout des faux-bourgs, par où ils estoient entrez, où ils pourmenoyent grand nom-

bre de cheuaux) & en tuerent treslargement : & grand nombre de gens se mirent en fuitte : (car la nuit n'a point de honte) & tant exploiterent, qu'ils tuerent plus de huict cens hommes : dont y en eut cent hommes d'armes. Les hommes de bien & vertueux de ceste Auantgarde se tindrent ensemble, & estoient quasi tous hommes d'armes, & gens de bonne maison : & tirerent avec les enseignes droit à la porte : de paour qu'ils ne faillissent par là. Les boües y estoient grandes pour la continuelle pluye qu'il faisoit : & y estoient les hommes d'armes iusques par dessus les cheuilles des pieds, & tous à pied. Vn coup tout le demeurant du peuple cuida faillir par la porte avec grands fallots & grandes clartez. Les nôtres qui en estoient fort pres, auoiēt quatre bonnes pieces d'artillerie, qu'ils tirerent deux ou trois beaux coups, du long de la grand' rue : & en tuerent beaucoup de gens. Cela les feit retirer de ce fauxbourg & fermer les portes : Toutesfois durant le debat du long de ce fauxbourg, gaignerent ceux qui estoient faillis, aucuns chariots, & s'en taudirent (car ils estoient pres de la ville) là où ils reposerent assez malement : car ils demourerent hors la ville depuis deux heures apres minuit, iusques à six heures du matin : Toutesfois quand le iour fut clair, & qu'on se veit l'un l'autre, ils furent reboutez : & y fut blessé ce Messire Jean de Villette, & mourut deux iours apres en la ville : & vn ou deux autres de leurs chefs.

Comment le Roy arriva en personne deuant la cité du
Liege, avec le Duc de Bourgogne.

C H A P. X I.

COmbien qu'aucunesfois les saillies soient
bien necessaires, si sont elles bien d'agereuses *Saillies d'agereuses*
pour ceux dededans vne place: car ce leur est *aux asie-*
plus de perte de dix hommes, qu'à ceux de de- *gez.*
hors de cent: car leur nombre n'est point pareil:
& si n'en peuuent point recouurer quand ils
veulent & si peuuent perdre vn chef, ou vn con-
ducteur: qui est cause bien souuent, que le de-
murant des compagnons & gens de guerre ne
demandent qu'à abandonner les places. Ce tres-
grand effroy courut iusques au Duc (qui estoit
logé iusques à quatre ou cinq lieues de la ville,
& de prime face luy fut dit que tout estoit des-
confit. Toutesfois il monta à cheval, & toute
l'armee: & commanda qu'au Roy n'en fust
rien dit. En approchant de la Cité par vn autre
endroit, luy vindrent nouuelles que tout se por-
toit bien, & qu'il n'y auoit point tant de morts
qu'on auoit pensé, & n'y estoit mort nul hom-
me de nom qu'un Cheualier de Flandres appellé
Monseigneur de Sergine: mais que les gens de
bien qui y estoient s'y trouuoient en grande ne-
cessité & trauail: car toute la nuit passée auoient
esté debout en la fange, rasibus de la porte de
leurs ennemis: & avec ce aucuns des fuyans, qui
estoient retournez (ie parle des gens de pied)
estoient si descouragez, qu'ils sembloient mal
prests à faire grandes armes: & que pour Dieu ils

se hastassent de marcher : afin qu'une partie de ceux de la ville fussent contraincts d'eux retirer à leurs defences, chacun en son endroit, & aussi qu'il luy pleust leur enuoyer des viures : car ils n'en auoient point vn seul morceaü. Le Duc à diligence fit partir deux ou trois cens hommes, tant que cheneaux les pouuoient porter, pour les recomforter & donner cœur, & leur fit mener ce petit de viures qu'il peut finer. Il y auoit presgue deux iours & vne nuit qu'ils n'auoient mangé ny beu, sinon ceux qui auoient porté quelque bouteille, & si auoient le plus mauuais temps du monde, & de ce costé là ne leur estoit possible d'entrer, si le Duc n'empeschoit les ennemis par ailleurs, ils auoient largement gens blessez, & entre les autres le Prince d'Orenge (que i'auoye oublié à nommer) qui se monstra homme de vertu : car onques ne se voulut bouger. Monseigneur du Lau & d'Urfés y gouuernerent bien tous deux. Il s'en estoit fuy ceste nuit precedente plus de deux mille hommes.

La estoit assez pres de la nuit, quand ledict Duc eut ceste nouuelle, & apres auoir despesché les choses dessusdites, il alla là où estoit son enseigne, compter le tout au Roy : lequel en fut tres-ioyeux, car le contraire luy eust peu porter dommage. Incontinent on s'approcha du faux-bourg, & descendit largement de gens de bien, & Hommes d'armes avec les Archers, pour aller gagner le faux-bourg : & prindrent le logis le Bastard de Bourgogne, lequel auoit fort grand charge sous ledit Duc, le Seigneur de Ranaustain, le Comte de Roussi, fils du Connestable,

& plusieurs autres gens de bien.

Aisément fut fait le logis en ces faux-bourgs, iusques rasibus de la porte, laquelle ils auoient* ** V. repare.* rompuë comme l'autre, & se logea ledit Duc au milieu du faux-bourg: & le Roy demeura ceste nuit en vne grande cense, ou mettrairie fort grande, & bien maisonnee, à vn quart de lieuë de la ville, & gens largement logez à l'environ de luy, tant des siens que des nostres.

La situation de la cité sont montaignes & va- *Situation*
lées, pays fort fertile, & y passe la riuier de *du Liege.*
Meuse au trauers, & peut bien estre de la grandeur de Rouën, & pour lors estoit vne cité merueilleusement peuplée. De la porte, où nous estions logez, iusques à celle où estoit nostre auant-garde, y auoit peu de chemin par dedans la ville: mais par dehors y auoit bien trois lieuës, tant y a de baricaues & de mauuais chemins: aussi c'estoit au fin cœur d'Hyuer. Leurs murs estoient tous rasez: & pouuoient saillir par où ils vouloient: & y auoit seulement vn peu de douue: ne iamais n'y eut fossez: car le fond est de rocs tres-aspre & tres-dur.

Ce premier soir que le Duc de Bourgongne fut logé en leur faux-bourg, furent fort soulagez ceux qui estoient de nostre Auantgarde: car la puissance qui estoit dedans, estoit alors ja departie en deux. Il nous vint enuiron minuit vne alarme bien aspre. Incontinent saillit le Duc de Bourgongne en la ruë, & peu apres y arriua le Roy & le Connestable: qui firent vne grande diligence à venir de si loing. Les vns crioyent: ils saillēt par vne telle porte. D'autres disoient autres paroles effrayees, & le temps estoit si obscur &

mauuais qu'il aydoit bien à espouuanter les gens.

Le Duc de Bourgongne n'auoit point faute de hardiessse : mais bien aucunesfois faute d'ordre : & à la verité, il ne tint point à l'heure que i'ay parlé, si bonne contenance que beaucoup de gens eussent bien voulu, pource que le Roy y estoit present : & prit le Roy parole & autorité de commander, & dit à monseigneur le Connestable : Tirez avec ce que vous auez de gens, en tel endroit : car, s'ils doiuent venir, c'est leur chemin : & , à ouyr sa parole & voir sa contenance, sembloit bien Roy de grande vertu, & de grand sens, & qu'autresfois se fust trouué en tel affaire. Toutesfois ce ne fut rien : & retourna le Roy en son logis. & le Duc de Bourgongne au sien.

Lendemain au matin le Roy vint loger dedås les fauxbourgs en vne petite maisonnette, rasibus de celle où estoit logé le Duc de Bourgongne : & auoit avec luy la garde de cent Escossois, & des gens d'armes logez assez pres de luy en quelque village. Le Duc de Bourgongne estoit en grande suspicion, ou que le Roy n'entraist dedås la cité, ou qu'il ne s'enfuiſt auant qu'il eust prise la cité : ou qu'à luy-mesme ne feist quelque outrage, estant si prez ; toutesfois entre les deux maisons y auoit vne grande grange : en laquelle il serra trois cens hommes d'armes : & y estoit toute la fleur de sa maison : & rompirent les parois de ladite grange, pour plus seurement failir : & ceux-là auoient l'œil sur la maison du Roy : qui estoit rasibus.

Ceste feste dura huit iours (car au huitiesme iour la ville fut prise) que nul ne se desarma, ne

*Desſeance
du Duc de
Bourg. du
Roy tenant
le Liege.*

ledit Duc, ny autre. Le soir, auant la prise, auoit esté deliberé les assaillir le lendemain au matin, (qui estoient à vn iour de Dimanche, trentiesme d'Octobre, l'an mille quatre cens soixante & huiët) & pris & baillé enseigne avec ceux de nostre auant-garde, que quand ils orroient tirer vn coup de bombarde, & deux grosses serpentines, incontinent apres, sans autres coups, ils assaillissent hardiment : car ledit Duc assaudroit de son costé, & deuoit estre sur les huiët heures du matin. La veille, comme cecy auoit esté conclu, le Duc de Bourgogne se desarma (ce qu'encores n'auoit fait) & fit desarmer tous ses gens, pour eux rafreschir, & par especial tous ceux qui estoient en ceste grange. Bien tost apres, comme si ceux de la ville en eussent esté aduertis, ils delibererent faire vne saillie de ce costé aussi bien qu'ils auoient fait de l'autre.

1468.

*Confiance
bien pro-
chain de
un grand
danger.*

*Comment les Liegeois firent vne merueilleuse saillie sur
les gens du Duc de Bourgogne: là où luy & le
Roy furent en grand danger.*

CHAP. XII.

OR notez comme vn bien grand Prince, & puissant, peut tres-soudainement tomber en inconuenient, & par bien peu d'ennemis: parquoy toutes entreprises se doiuent bien peser & bien debattre auant que les mettre en effect. En toute celle cité n'y auoit vn seul homme de guerre, sinon de leur territoire. Ils n'auoient plus ne Cheualier, ne Gentils-hommes, avec eux. Car, si petit qu'ils en auoient, aupara-

*Franchemont na-
tion vaillante.
V. ville
Liegeois
desesperez
font saillie
mal en-
contreuse.*

uant deux ou trois iours, auoient esté tuez ou
blesez. Ils n'auoient porté ne murailles, ne fos-
sez, ny vne seule piece d'artillerie, qui rien
vaulsist, & n'y auoit rien que le peuple de la
ville, & sept ou huiet cens hommes de pied: qui
sont d'une petite montaigne au derriere du Lie-
ge, appelée le pays de Franchemont: & à la
verité, ont tousiours esté tres-renommez ceux
de ce quartier. Or, se voyans desesperez de se-
cours (veu que le Roy estoit là en personne
contr'eux) se delibererent de faire vne grosse
saillie, & de mettre toutes choses en aduentu-
re. Car aussi bien ils scauoient bien qu'ils estoient
perdus. Leur conclusion fut que par les trous
de leurs murailles (qui estoient sur le derriere
du logis du Duc de Bourgongne) ils sailliroient
tous les meilleurs qu'ils eussent: qui estoient
six cens homes du pays de Franchemont: & a-
uoient pour guide l'hoste de la maison où estoit
logé le Roy, & aussi l'hoste de la maison où es-
toit logé le Duc de Bourgongne: & pouuoient
venir, par vn creux d'un rocher, assez prez de la
maison des deux Princes, auant qu'on les ap-
perceust, moyennant qu'ils ne feissent point de
bruit. Et combien qu'il y eut quelques escou-
tes au chemin, si leur sembloit-il bien que ils
les tueroient, ou qu'ils feroient aussi tost au
logis comme eux: & faisoient leur compte que
ces deux hostes les meneroient tout droit en
leurs maisons, où ces deux Princes estoient lo-
gez, & qu'ils ne s'amuseroient point ailleurs:
parquoy les surprendroient de si pres, qu'ils
les tueroient, ou prendroient, auant que
leurs gens fussent assemblez: & qu'ils n'auoient

point loïn à se retirer : & qu'au fort , s'il falloit qu'ils mourussent pour executer vne telle entreprise, qu'ils prendroient la mort bien en gré: car aussi bien ils se voyoient de tous poincts destruits, comme dit est. Ils ordonnerent outre, que tout le peuple de la ville sailliroit par la porte qui respond du long de la grand' rue de nostre fauxbourg : avec vn grand' hu , esperant desconfire tout ce qui estoit logé en cedit fauxbourg : & n'estoient point hors d'esperance d'auoir vne bien grande victoire , ou , à tout le moins, & au pis aller , vne bien glorieuse fin. Quand ils eussent eu mille hommes d'armes avec eux, de bonne estoffe , si estoit leur entreprise bien grande : toutesfois il s'en fallut bien peu qu'ils n'en vinsent à leur intention. Et, comme ils auoient conclu, saillirent ces six cens hommes de Franchemont, par les bresches de leurs murailles : & croy qu'il n'estoit point encores dix heures du soir : & attraperent la plus part des escoutes, & les tuerent : & entre les autres, y moururent trois Gentils-hommes de la maison du Duc de Bourgongne : & s'ils eussent tiré tout droict sans eux faire ouyr iusques à ce qu'ils eussent esté là où ils vouloyent aller, sans nulle difficulté ils eussent tué ces deux Princes couchez sur leurs liëts. Derriere l'hostel du Duc de Bourg. y auoit vn paillon, où estoit logé le Duc d'Alēçō (qui est auourd'huy) & Monseigneur de Cran avec luy. Ils s'y arresterent vn peu, & donnerent des coups de picques au trauers, & y tuerent quelque valet. Il en sortit bruit en l'armee, qui fut occasiō que quelque peu de gens s'armerent, au moins se mi-

rent debout. Ils laisserent ces pauillons, & vindrent tout droit aux deux maisons du Roy & du Duc de Bourgogne. La grange, dont i'ay parlé, où ledit Duc auoit mis trois cens hommes d'armes estoit rasibus desdites deux maisons, où ils s'amuserent, & à grands coups de picques donnerent par ces trous qui auoient esté faicts pour saillir. Tous ces gentilshommes s'estoient desarmez n'auoit pas deux heures (comme i'ay dit) pour eux rafraeschir pour l'assaut du lendemain: & ainsi les trouuerent tous (ou peu s'en falloit) desarmez: toutesfois aucuns auoient ietté leurs cuirasses sur eux, pour le bruit qu'ils auoient ouy au pauillon de Monseigneur d'Alençon: & combattoient iceux à ces trous, & à l'huis: qui fut totalemēt la sauueté de ces deux grands Princes, Car ce delay donna espace à plusieurs gens de soy armer, & de saillir en la ruë. I'estoye couché en la chambre du Duc de Bourgogne, qui estoit bien petite, & deux gentilshommes, qui estoient de sa chambre: & au dessus y auoit douze archers seulement, qui faisoient le guet, & estoient en habillemens, & luyoyent aux dez. Son grand guet estoit loin de luy, & vers la porte de la ville. En effect, l'hoste de sa maison attiravne bande de ces Liegeois, & vint assaillir sa maison, où ledit Duc estoit dedans. Et fut tout cecy tant soudain, qu'à grāde peine peusmes-nous mettre audit Duc sa cuirace sur luy, & vne salade en la teste: & incontīnēt descendismes le degré pour cuider saillir en la ruë. Nous trouuasmes nos archers empeschez à deffendre l'huis, & les fenestres, contre les Liegeois: & y auoit vn merueilleux cry en la ruë.

Les

vins, viue le Roy: les autres, Viue Bourgongne: & les autres, Viue le Roy, & tuez: & fusines l'espace de plus de deux patenostres auant que ces Archers peussent saillir de la maison, & nous avec eux. Nous ne sçauions en quel estat estoit le Roy, ne desquels il estoit: qui nous estoit grande doute. Et incontinent que nous fusmes hors de la maison, avec deux ou trois torches, en trouuâmes aucunes, autres & veîmes gens qui se combattoient tout à l'environ de nous: mais peu dura: car il falloit gens de tous costez, venans au logis du Duc. Le premier homme des leurs, qui fut tué, fut l'hoste du Duc: lequel ne mourut pas si tost, & l'ouit parler. Ils furent tous morts: ou bien peu s'en salut.

*Liegeois
troublez
venlēt tron
bler Roy &
Duc ensem
ble.*

Aussi bien assaillirent la maison du Roy: & entra son hoste dedans, & y fut tué par les Escossois, qui se monstrent bien bonnes gens. Ils ne bougerent du pied de leur maistre, & tirerent largement flesches, desquelles ils blessèrent plus de Bourguignons que de Liegeois. Ceux qui estoient ordonnez à saillir par la porte, saillirent: mais ils trouuerent largement gens au guet, qui ia estoient assemblez, & qui tost les rebouterēt: & ne se monstrent pas si expres que les autres. Incontinent que ces gens furent ainsi reboutez, le Roy & ledit Duc parlerent ensemble: & pource qu'on voyoit beaucoup de gens morts, ils eurent doute que ce ne fussent des leurs. Toutesfois peu s'y en trouua: mais des blesez beaucoup. Et ne faut point douter, que s'ils ne se fussent amusez en ces deux lieux, dont i'ay parlé, & par especial à la grange, où ils trouuerent résistance, & eussent suivy ces deux hostes, qui

estoyent leurs guides, ils eussent tué le Roy & le Duc de Bourgogne, & croy qu'ils eussent aussi desconfit le demourant de l'ost. Chacun de ces deux Seigneurs se retira en son logis, tres-esbahy de ceste hardie entreprise: & tost se mirent en conseil, à sçauoir qu'il seroit à faire le lendemain, touchant cest assaut, qui estoit deliberé: & entra le Roy en grande doute: & en estoit la cause, qu'il auoit peur, que si ledit Duc falloit à prendre ceste cité d'assaut, le mal en tomberoit sur luy, & qu'il seroit en danger d'estre arresté, ou pris de tous poincts: car ledit Duc auroit peur, s'il partoit, qu'il ne luy fit la guerre d'autre costé. Ici pouuez veoir la miserable condition de ces deux Princes: qui par nulle voye ne se sceurent asseurer l'un de l'autre. Ces deux icy auoient fait paix finale, n'y auoit pas quinze iours, & iuré si solennellement de loyaument l'entretenir: toutesfois la fiance ne s'y pouoit tourner par nulle voye.

Fiance come impossible entre Princes.

Comment la Cité du Liege fut assaillie, prise & pillée, & les Eglises aussi.

CHAP. XIII.

LE Roy, pour s'oster de ces doutes, vne heure apres qu'il se fut retiré en son logis, & apres ceste faillie, dont ay parlé, māda aucuns des prochains seruiteurs, dudit Duc, & qui s'estoient i trouuez au cōseil, & leur demāda de la conclusiō. Ils luy dirent qu'il estoit arresté dès le lendemain assaillir la ville, en la forme & maniere qu'il auoit esté conclu. Le Roy leur fit de gran-

des doutes & tres-sages, & qui furēt tres-agreables aux gens dudit Duc : car chacun craignoit tres-fort cest assaut, pour le grand nōbre de peuple qui estoit dedans la ville, & aussi pour la grande hardiesse qu'ils leur auoient veu faire, n'y auoit pas deux heures : & eussent esté tres-contens attendre encores aucuns iours, ou les recevoir à quelque composition : & vindrent deuers le Duc luy faire ce rapport : & y estoye present : & lui dirent toutes les doutes que le Roy faisoit, & les leurs : mais tous disoient venir du Roy, craignans qu'il ne l'eust pris mal d'eux. A quoy respondit ledit Duc, que le Roy le faisoit pour les sauuer, & le prit en mauuais sens : & que la chose n'iroit pas ainsi : veu qu'on n'y pouuoit faire nulle batterie, & qu'il n'y auoit point de muraille, & que ce qu'ils auoient remparé aux portes, estoit ja abbatu : & qu'il ne falloir ia plus attendre : & qu'il ne delaisseroit point l'assaut du matin, comme il auoit esté conclu : mais que s'il plaisoit au Roy aller à Namur, iusques à ce que la ville fust prise, qu'il en estoit bien content : mais qu'il ne partiroit point de là, iusques à ce qu'on veist l'issuë de ceste matinee, & ce qu'il en pourroit aduenir. Ceste response ne pleut à nul, qui fust present : car chacun auoit eu peur de ceste saillie. Au Roy fut faite la response : non point si grieve : mais la plus honneste, que l'on peut. Il l'entendit sagement : & dit qu'il ne vouloit point aller à Namur : mais que le lendemain se trouueroit avec les autres. Mon aduis est que, s'il eust voulu s'en aller ceste nuit, il l'eust bien fait, car il auoit cent Archers de sa garde, & aucuns gentilshommes de sa maison, & pres

*n'estoit pas
douteuse :
veu que l'on
ne pouuoit
faire nulle
batterie de
la part de
ceux de de-
dans, &c.
qu'il n'y a-
uoit, &c.
exempl. v.*

*Le Roy
Lomys fai-
soit estat de
l'honneur.*

de là trois cens hommes d'armes: mais, sans nul-
le doute, là où il y alloit de l'honneur, il n'eust
point voulu estre repris de couïardise.

Chacun se reposa quelque peu, en attendant le
iour, tous armez, & disposerent les aucuns de
leurs conscience: car l'entreprise estoit bien
dangereuse. Quand le iour fut clair, & que l'heu-
re approcha (qui estoit de huit heures du ma-
tin, comme i'ay dit) que l'on deuoit assaillir, fit
ledit Duc tirer la Bombarde & les deux coups
de serpentine, pour aduertir ceux de l'auantgar-
de, qui estoient à l'autre part bien loin de nous
(comme i'ay dit) par dehors: mais, par dedans la
ville, il n'y auoit point grand chemin. Ils enten-
dirent l'enseigne: & incontinent se disposerent à
l'assaut. Les trompettes du Duc commencerent
à sonner, & les enseignes d'approcher la murail-
le, accompagnez de ceux, qui les deuoient sui-
ure. Le Roy estoit emmy la rue, bien accompa-
gné: car tous ces trois cens hommes d'armes y
estoient, & sa garde, & aucuns seigneurs & gen-
tils-hommes de sa maison. Comme l'on vint
pour cuider ioindre au poinct, on ne trouua vne
seule defense: & n'y auoit que deux ou trois
hommes à leur guet, car tous estoient allez dis-
ner: & estimoient, pource qu'il estoit Diman-
che, qu'on ne les assailliroit point: & en chacu-
ne maison trouuasmes la nappe mise. C'est peu
de chose que du peuple, s'il n'est conduit par
quelque chef, qu'ils ayent en reuerence & en
crainte: sauf qu'il est des heures & des temps,
qu'en leur fureur sont bien à craindre.

Ia estoient, parauant l'assaut, ces Liegeois fort
mats, tant pour les gens, qu'ils auoient perdus à

*Liegeois
desnuex de
sens en leur
extremité.*

ces deux faillies (où estoient morts tous leurs Chefs) qu'aussi pour le grand trauail qu'ils auoient porté par huit iournees. Car il falloit que tout fust au guet : pource que de tous costez ils estoient deffermez , comme auez ouy, & à mon aduis, qu'ils cuidoient auoir ce iour de repos , pour la feste du Dimanche : mais le contraire leur aduint : & , comme i'ay dit , ne se trouua nul à deffendre la ville de nostre costé, & moins encores du costé des Bourguignons (qui estoient nostre auantgarde , avec les autres que i'ay nommez) & y entrerent ceux-là, premiers que nous. Ilstuerent peu de gens : car tout le peuple s'enfuit outre le pont de Meuse, tirant aux Ardenes, & de là aux lieux où ils pensoient estre à seureté. Je ne vei , par là où nous estions, que trois hommes morts , & vne femme : & croy qu'il n'y mourut point deux cens personnes en tout , que tout le reste ne fust , ou se cachast aux Eglises , ou aux maisons. Le Roy marchoit à loisir : car il voyoit bien qu'il n'y auoit nul qui resistast , & que toute l'armee entra dedans par deux bouts : & croy qu'il y auoit quarante mille hommes. Ledit Duc estant plus auant en la cité , tourna tout court au deuant du Roy, & le conduisit iusques au Palais : & incontinent retourna ledit Duc à la grande Eglise de saint Lambert : où ses gens vouloient entrer par force , pour prendre des prisonniers, & des biens : & combien que ja il eust commis des gens de sa maison pour garder ladite Eglise, si n'en pouuoit-il auoir la maistrise : & assailloient les deux portes. Je sçay qu'à son arriuee il tua vn homme de sa maison , & le vei. Tout se depar-

tit, & ne fut point ladite Eglise pillée: mais bien à la fin furent pris les hommes qui estoient dedans, & tous leurs biens. Des autres Eglises, qui estoient en grand nombre (car j'ay ouy dire à monseigneur d'Hymbercourt, qu'il cognoissoit bien la cité, qu'il s'y disoit autant de messes par iour, comme il faisoit à Rome) la pluspart furent pillées souz ombre & couleur de prendre des prisonniers. Je n'entray en nulle Eglise, qu'en la grande, mais ainsi me fut-il dit: & en vei les enseignes:&, aussi long temps apres le Pape prononça grandes censures contre tous ceux, qui auoient aucune chose appartenante aux Eglises de la cité, s'ils ne la rendoient: & le dit Duc deputa Cômmissaires pour aller par tout son pays, pour faire executer le commandement du Pape. Ainsi, la cité prise & pillée enuiron le midy, retourna le Duc au Palais. Le Roy auoit ja disné: lequel monstroit signe de grande ioye de ceste prise, & loüoit fort le grand courage & hardiesse dudit Duc, & entendoit bien qu'il luy seroit rapporté, & n'auoit en son cœur autre desir, que s'en retourner en son royaume. Apres disner ledit Duc & luy se veirent en grande chere:&, si le Roy auoit loüé ses œuvres en derriere, encores le loüa-il mieux en sa presence, & y prenoit ledit Duc plaisir.

Je retourne vn peu à parler de ce pauvre peuple, qui fuyoit de la cité, pour confirmer quelques paroles, que j'ay dites au commencement de ces Memoires, où j'ay palé des malheurs, que iay veu suiure les gens; presvne bataille perdue, par vn Roy ou Duc, ou autre personne beaucoup moindre. Ces miserables gens fuyoient

par le pays d'Ardene, avec femmes & enfans. Vn Cheualier, demeurant au pais, qui auoit tenu leur party iusques à celle heure, en destroussa vne bien grande bande, & pour acquerir la grade du veinqueur, l'escriuit au Duc de Bourgogne, faisant encore, le nombre des morts, & pris, plus grand qu'il n'estoit (toutesfois en y auoit largement) & par là fit son appointment. Autres fuyoient à Mezieres sur Meuse, qui est au Royaume. Deux ou trois de leurs chefs de bandes y furent pris (dont l'vn auoit nom Madoulet) & furent amenez audit Duc, lesquels il fit mourir. Aucuns de ce peuple moururent de faim: & de froid, & de sommeil.

*Misere des
Liegeois.*

Comment le Roy Louys s'en retourna en France, du consentement du Duc de Bourgogne: & comment ce Duc acheua de traiter les Liegeois, & ceux de Franchemont.

CHAP. XIII.

Quatre ou cinq iours apres ceste prise, comença le Roy à embesongner ceux qu'il tenoit pour ses amis, enuers ledit Duc, pour s'en pouuoir aller: & aussi en parla au Duc, en sage sorte disant que, s'il auoit plus affaire de luy, ne l'espargnast point; mais s'il n'y a plus rien à faire, qu'il desiroit aller à Paris, faire publier leurs appointemens en la Cour de Parlement (pource que c'est la coustume de France d'y publier tous accords, ou autrement ne seroient de nulle valeur: toutesfois les Rois y peuent tousiours beaucoup) & d'auantage prioit audit Duc qu'à l'Esté prochain ils se peussent entreuoir

*Accords se
publient en
Parlement.*

en Bourgongne, & estre vn mois ensemble, faisant bonne chere. Finalement ledit Duc s'y accorda, tousiours vn petit murmurant: & voulut que le traitté de paix fust releué deuant le Roy, sçauoir s'il y auoit rien dont il se repentist, offrant le mettre à son choix, de faire, ou de laisser: & feit quelque peu d'excuse au Roy, de l'auoir amené là. Outre requit au Roy consentir, qu'audit traitté se mist vn article, en faueur de monseigneur du Lau, d'Urfé, & Poncet de Riniere: & qu'il fust dit que leurs terres & estats leur seroient rendus: comme ils auoient auant la guerre. Ceste requeste despleut au Roy (car ils n'estoient point de son party, parquoy deussent estre compris en ceste paix: & aussi seruoient-ils monseigneur Charles son frere, & non point luy) & à ceste requeste respondit le Roy estre content: pourueu qu'il luy en accordast autant pour monseigneur de Neuers: & de Croy. Ainsi ledit Duc se tint: & sembla ceste response bien sage: car ledict Duc auoit tant de haine aux autres, & les tenoit tant à cœur, que iamais ne s'y fust consenty. A tous les autres poincts respondit le Roy ne vouloir rien y diminuer, mais confirmer tout ce qui auoit esté iuré à Peronne. Et ainsi fut accordé ce partement, & prit congé le Roy dudit Duc: lequel le conduisit enuiron demie lieüe: &, au departement d'ensemble, luy fit le Roy ceste demande. Si d'auenture mon frere, qui est en Bretaigne, ne se contentoit du partage que ie luy baille pour l'amour de vous, que voudriez-vous que ie fisse? Ledit Duc luy respondit soudainement, sans y penser. S'il ne le veut prendre, mais que

*V. Tenoit
tant du
leur que
iamais.
V. miset.*

*Le Roy
L. peu ar-
resté en ses
accords.*

vous faciez qu'il soit content, ie m'en rapporte à vous deux. De ceste demande & responce sortit depuis grand' chose, comme vous orrez cy-apres.

Ainsi s'en alla le Roy à son plaisir, & le conduisit Monseigneur des Cordes & des Murs, Grand-Baillif de Henaut, iusques hors des terres dudit Duc. Ledit Duc demoura en la cité. Il est vray qu'en tous endroits elle fut cruellement traittee. Aussi elle auoit cruellement vsé de tous excés, contre les subiects dudit Duc, & dès le temps de son grand pere, sans rien tenir stable de promesse qu'ils feissent, ne de nul appointement qui fust fait entre eux : & estoit ja la cinquiesme annee que le Duc y estoit venu en sa personne, & tousiours fait paix, & rompue par eux l'an apres : & ià auoient esté excommuniez par longues annees, pour les choses cruelles, qu'ils auoient commises contre leur Euesque : à tous lesquels commandemens de l'Eglise, touchant lesdits differens, n'eurent iamais reuerence, n'obeissance. Incontinent que le Roy fut party, le dit Duc, avec peu de gens, se delibera d'aller à Franchemont, qui est vn peu outre le Liege, pais de montaignes tres-aspres, pleines de bois, & de là venoient les meilleurs combatans qu'ils eussent : & en estoient partis ceux qui auoient fait les faillies, dont i'ay parlé cy-deuant. Avant qu'il partist de ladite cité, furent noyez en grand nombre les pauvres gens prisonniers qui auoient esté trouuez cachez és maisons, à l'heure que ceste cité fut prise. Outre, fut deliberé de faire brusler ladite cité (laquelle en tout tēps a esté fort peuplée) & fut dit qu'on la bruleroit à trois fois; &

V. de Meriens.

Liegeois noyez.
Liege bruslé, horsmis les Eglises & maisons des chanoines.

Lanbourg.

furent ordonnez trois ou quatre mille hommes de pied, du pays de * Luxembourg (qui estoient leurs voisins, & assez d'un habit, & d'un langage) pour faire ceste desolation, & pour deffendre les Eglises. Premièrement fut abbattu un grand pont (qui estoit au trauers de la riuere de Meuse) & puis fut ordonné grand nombre de gens, pour deffendre les maisons des Chanoines, & à l'enuiron de la grand' Eglise, afin qu'il peust demourer logis pour faire le diuin seruice. Semblablement en fut ordonné pour deffendre les autres Eglises. Et cela faict, partit le Duc, pour aller audit pays de Franchemont, dont i'ay parlé: & incontinent qu'il fut dehors la cité, Il veit le feu en grand nombre de maisons * du costé de la riuere. Il alla loger à quatre lieues: mais nous oyons le bruit, comme si nous eussions esté sur le lieu. Je ne sçay ou si le vent y seruoit, ou si c'estoit à cause que nous estions logez sur la riuere. Le lendemain le Duc partit: & ceux qui estoient demourez en la ville, continuerent la desolation, comme il leur auoit esté commandé: mais toutes les Eglises furent sauuees (ou peu s'en falut) & plus de trois cens maisons, pour loger les gens d'Eglise, & cela a esté cause que si tost a esté repeuplee: car grand peuple reuint demourer avec ces Prestres.

V. au costé de cala.

Franchement de...
struis.

A cause des grandes gelees & froidures, fut force que la plusspart des gens dudit Duc allassent à pied audit pays de Franchemont, qui ne sont que villages, & n'y a point de villes fermées: & logea cinq ou six iours en vne petite valee, en un village qui s'appelloit Pollenee. Son armee estoit en deux bandes, pour plustost

destruire le pays : & feit brüler toutes les maisons, & rōpre tous les moulins à fer, qui estoient au pays (qui est la plus grande façon de viure qu'ils ayent) & chercherent le peuple parmy les grandes forests, où ils estoient cachez avec leurs biens : & y en eut beaucoup de morts & de pris, & y gaignerent les gens d'armes de l'argent. I'y vey choses incroyables du froid. Il y eut vn gentil-homme qui perdit vn pied, dont oncques puis ne s'aïda, & y eut vn page, à qui il tomba deux doigts de la main. Je vey vne femme morte & son enfant, dont elle estoit accouchée de nouveau. Par trois iours fut departy le vin (qu'on donnoit chez le Duc pour les gens de bien, qui en demandoient) à coups de coignée : car il estoit gelé dedans les pippes ; & faloit rompre le glaçon, qui estoit entier, & en faire des pieces, que les gens mettoient en vn chapeau, ou en vn panier, ainsi qu'ils vouloient. I'en diroye assez d'estranges choses longues à escrire : mais la faim nous fit fuir à grand' haste, apres y auoir séjour-né huit iours, & tira ledit Duc à Namur, & de là en Brabant, où il fut bien receu.

*Froid e-
strange en
Franche-
mont.*

Comment le Roy feit tant par subtils moyens, que Monsieur Charles son frere se contenta de la Duché de Guienne, pour Brie & Champaigne, contre l'entente du Duc de Bourgogne.

CHAP. XV.

LE Roy apres estre departi d'avec ledit Duc, à grand' ioye se retira en son Royaume, & en rien ne se meut contre ledit Duc, à cause des

termes qui luy auoient esté tenus à Peronne & au Liege, & sembloit que patiemment le portast: mais depuis suruint grand' guerre entre eux: toutesfois nō pas si tost, & n'en fut point la cause, ce dont i'ay parlé cy-deuant, combien qu'il y peut bien aider (car la paix eust esté quasi telle qu'elle estoit, quand le Roy l'eut faicte estant à Paris) mais ledit Duc, par conseil de ses officiers, voulut esslargir ses limites, & puis quelques habiletez furent faites, pour y remettre la noise, dont ie parleray quand il sera temps. Monseigneur Charles de France, seul frere du Roy, & n'agues Duc de Normandie (lequel estoit informé de ce traitté, fait à Peronne, & du partage que par celuy deuoit auoir, enuoya incontinent deuers le Roy, luy supplier qu'il luy pleust accomplir ledit traitté, & luy bailler ce qu'il auoit promis. Le Roy enuoya deuers luy sur ces matieres: & y eut plusieurs allees & venues. Aussi ledit Duc de Bourgongne enuoya ses Ambassadeurs vers ledit Monseig. Charles, luy prier ne vouloir accepter autre partage, que celuy de Champagne & Brie, lequel luy estoit accordé par son moyen: luy remonstrant l'amour qu'il luy auoit monstré, là où il l'auoit abandonné: & le Duc encores n'auoit voulu faire le semblable, comme il auoit veu: & si auoit mis ledit Duc de Bretagne en ladite paix, comme son allié. Outre luy faisoit dire comme l'affectte de Champagne & Brie: leur estoit propice à tous deux: & que si le Roy d'auenture le vouloit fouler, du iour au lendemain il pouuoit auoir le secours de Bourgongne. (car les deux pays ioignent ensemble) & si auoit son partage en assez bonne va-

leur : car il y prenoit tailles & aides : & n'y auoit le Roy rien, que son hommage & ressort.

Cestuy Monseigneur Charles estoit homme, *Condition de Charles de Franco.*

bien qu'il fust aagé de * vingt ans ou plus. Ainsi *V. xxvj.*

se passa l'hyuer, que ia estoit aduancé quand le Roy partit de nous. Il y eut incessamment gens allans & venans sur ce partage : car le Roy pour rien ne deliberoit bailler celuy qu'il auoit promis à son frere (car il ne vouloit point son dit frere & le Duc estre si pres voisins) & traittoit le Roy avec son dit frere, de luy faire prendre Guienne avec la Rochelle (qui estoit quasi toute Aquitaine) plustost que celuy de Brie & de Champagne. Ledit Monseigneur Charles craignoit de desplaire audit duc de Bourgogne : & auoir paour aussi que (s'il s'accordoit, & le Roy ne luy tint verité) il n'eust perdu son ami & son partage, & qu'il ne demeurast en mauuais parti. Le Roy (qui estoit plus sage à conduire tels traitez que nuls autres Princes qui ayent esté de son temps) voyant qu'il perdoit temps (s'il ne gaignoit ceux qui auoient le credit enuers son frere) s'adressa à Oudet de Rye, seigneur de Leseut, & depuis Comte de Comminges, (lequel estoit né & marié audit pays de Guyenne) luy priât qu'il tint la main que sō maistre acceptast ce party, lequel estoit trop plus grand que celuy qu'il demandoit, & qu'ils fussent bons amis, & vesquissent comme freres, & que luy & ses seruiteurs y auroient profit, & spécialement luy : & les asseuroit bien le Roy qu'il n'y auroit point de faute qu'il ne baillast la possession dudit pais.

V. Gualois trop mieux ce partage que celuy.

*Cardinal
Balue pri-
sonnier cō-
seillant cō-
tre le Roy.*

Et en ceste façon Monseigneur Charles y fut gaigné: & prit ledit partage de Guienne, au grād desplaisir du Duc de Bourgongne & de ses Ambassadeurs qui estoient sur le lieu. Et la cause pourquoy le Cardinal Balue Euesque d'Angers & l'Euesque de Verdun furent pris, fut pource que le Cardinal escriuoit à Monseig. de Guienne, l'enhortant de ne prendre nul autre partage que celuy que ledit Duc de Bourgongne luy auoit procuré par la paix faite à Peronne: laquelle auoit esté promise & iuree entre les mains: & luy faisoit remonstrances touchant ce cas: qui luy sembloient necessaires, lesquelles estoient contre le vouloir & intention du Roy. Ainsi le dit Monseigneur Charles deuint Duc de Guienne, l'an mil quatre cens soixante neuf: & eut bonne possession du pays, avec le gouuernemēt de la Rochelle, & se veirent le Roy & luy ensemble, & y furent longuement.

*Charles de
France Duc
de Guienne
1469.*



TROISIÈME LIVRE DES MÉMOIRES

du Seigneur d'Argenton, sur les principaux faicts & gestes de Louis xj. de ce nom Roy de France.

Comment le Roy prit nouvelle occasion de faire guerre au Duc de Bourgogne, & comment il l'envoya adjoûner iusques dedans Gand, par vn Huissier de Parlement.

CHAP. I.

L'An 1470. prit vouloir au Roy de se venger du Duc de Bourgogne: & luy sembla qu'il en estoit heure: & secrettement traittoit & souffroit traicter que les villes seans sur la riuere de Somme, comme Amiens, Sainct Quentin & Abbeuille, se tournassent contre ledit Duc, & qu'ils appellassent ses Gensd'armes, & les missent dedans. Car tousiours les grands Seigneurs (au moins les Sages) veulent chercher quelque bonne couleur, & vn peu apparente. Et afin qu'on cognoisse les habiletez de quoy on vse en France. veux conter cōme cecy fut guidé: car le Roy & ledit Duc y furent deceus tous deux: & en re-

*Le Roy cer-
che occasiõ
de rompre
la paix.*

commença la guerre, qui dura bien treize ou quatorze ans, & qui depuis fut bien dure & aspre. Il est vray que le Roy desiroit fort que ces villes feissent nouuelleté: & prit ses couleurs, disant que le Duc de Bourgongne estendoit ses limites plus auant que le traitté ne portoit, & sur ceste occasion, alloient & venoient Ambassadeurs de l'un à l'autre, & passioient & repassioient par ces villes (prattiquans ces marchez) esquelles n'y auoit nulles garnisons: mais y auoit paix par tout le Royaume, tant du costé du Duc, cõme du Duc de Bretagne: & estoit Monseigneur de Guienne en bonne amitié avec le Roy (comme il sembloit.) Toutesfois le Roy n'eust pas voulu recommencer la guerre pour prendre vne ou deux de ces villes là seulement: mais taschoit de pouuoir mettre vne grande rebelliõ par tout le pays du Duc de Bourgongne: & esperoit de tous poincts en venir au dessus par ce moyen. Beaucoup de gens pour luy complaire, se mesloient de ces marchez, & luy rapportoient les choses beaucoup plus auant qu'ils ne trouuoient: & se vantoient l'un d'une ville, & les autres disoient qu'ils luy soustrairoient l'autre, & de tout estoit vne partie. Mais quand le Roy n'eust pensé que ce qui aduint, il n'eust pas rompu la paix, ne recommencé la guerre (combien qu'il eust cause de se douloir des termes qui luy auoient esté tenus à Peronne) car il auoit faict publier la paix à Paris, trois mois apres qu'il fut de retour en son Royaume: & recommençoit ceste noise vn peu à crainte: mais l'affection qu'il y auoit le fait tirer outre: & voicy les habiletez qui y furent tenuës.

*Le Roy recommence
la guerre
un peu à
crainte.*

Le Comte

Le Comte de saint Paul Connestable de France, homme tres-sage & autres seruiteurs du Duc de Guienne, & aucuns autres desiroient plustost la guerre entre ces deux grands Princes que la paix, pour deux regards. Le premier, craignoiēt que ces tres-grands estats qu'ils auoient ne fussent diminuez, si la paix continuoit: car ledict Connestable auoit quatre cens Hommes d'armes, ou quatre cens Lances payez à la monstre, (& n'auoit point de Contreroolleur) & plus de trente mille francs tous les ans, outre les gages de son office, & les profits de plusieurs belles places qu'il tenoit. L'autre ils vouloient mettre sus au Roy, & disoient entr'eux sa condition estre telle, que s'il n'auoit debat par le dehors, & contre les grands, qu'il falloit qu'il l'eut avecques ses seruiteurs domestiques & officiers: & que son esprit ne pouuoit estre en repos: & par ces raisons alleguees, taschoient fort de remettre le Roy en ceste guerre. Et offrit ledit Connestable prendre Saint Quentin tous les iours qu'on voudroit (car ses terres estoient à l'enuiron) & disoit encores y auoir de tres-grandes intelligēces en Flandres, & en Brabāt, & qu'il feroit rebeller plusieurs villes cōtre le Duc.

Le Duc de Guienne (qui estoit sur le lieu) & tous les principaux Gouverneurs, offroient fort seruir le Roy en ceste querelle, & d'amener quatre ou cinq cēs hommes d'armes, que ledit Duc tenoit d'Ordonnance, mais leur fin n'estoit pas telle que le Roy entendoit, mais tout à l'opposite, comme verrez.

Le Roy vouloit tousiours proceder en grande solennité: parquoy fait tenir les trois Estats

La guerre plus desirée que la paix, entre les seruiteurs du Roy & du Duc de Bourgong.

Le Roy fait tenir les Estats à Tours sous couleur des plaintifs contre le Duc de Bourgong.

à Tours, és mois de Mars & d'Auril, mil quatre cens septante, ce que iamais n'auoit fait, ne ne fait depuis, mais il n'y appella que gens nommez, & qu'il pensoit qui ne contrediroient point à son vouloir. Et là fait remonstrier plusieurs choses & entreprises que ledit Duc de Bourgongne faisoit contre la courõne, & y fit venir plaintif Monseigneur le Comte d'Eu : lequel disoit que ledit Duc luy empeschoit sainct Valery, & autres terres qu'il tenoit de luy à cause d'Abbeuille & de la Comté de Ponthieu, & qu'il n'en vouloit faire nulle raison audit Comte d'Eu. Et le faisoit ledit Duc pource qu'un petit nauire de la ville d'Eu auoit prins vn autre nauire marchand du pays de Flandres, dont ledit Comte d'Eu offroit faire la reparation. Outre vouloit ledit Duc contraindre ledit Comte d'Eu de luy faire hommage enuers tous & contre tous, ce que pour riens ne voudroit faire : car ce seroit contre l'autorité du Roy. A ceste assemblée y auoit plusieurs gens de Iustice, tant de Parlement que d'ailleurs, & fut conclu selon l'intention du Roy, que ledit Duc seroit adiourné à comparoir en Parlement à Paris. Bien sçauoit le Roy qu'il respondroit orgueilleusement, ou feroit quelque autre chose contre l'autorité de la Cour : parquoy son occasion de luy faire guerre en seroit tousiours plus grãde.

Le Duc fut adiourné par vn Huissier de Parlement en la ville de Gand, comme il alloit ouyr la Messe, il en fut fort esbahy & mal content. Incontinent fit prendre ledit Huissier, & fut plusieurs iours gardé, à la fin on le laissa courre. Or vous voyez les choses qui se dressoient

Le Duc de Bourgongne adiourné par vn Huissier en la Cour de Parlem.

pour courre sus audict Duc de Bourgongne: lequel en fut aduerty, & meit sus vn grand nombre de gens payez à gages mesnagers. Ain- *Gagesmes-*
si l'appelloit-on. C'estoit quelque peu de chose *nagers.*
qu'ils auoient pour se tenir prests en leurs maisons: toutesfois ils faisoient monstre tous les mois sur les lieux, & receuoient argent.

Cecy dura trois ou quatre mois, & s'ennuya de ceste mise, & rompit ceste assemblee, & s'osta de toute crainte. Car souuent le Roy enuoioit deuers luy. Si s'en alla le Duc en Hollande. Il n'auoit nulles gens d'Ordonnances qui fussent tousiours prests, ne garnison en ses villes frontieres: dont mal luy en prit: pource qu'on practiquoit Amiens, Abbeuille, & Saint Quentin, pour les remettre en la main du Roy. Luy estant en Hollande, fut aduerty par le feu Duc Jean de Bourbon, que de brief la guerre luy seroit commencee: tant en Bourgongne qu'en la Picardie, & que le Roy y auoit de grandes intelligences, & aussi en sa maison. Ledit Duc qui se trouuoit despourueu de gens, car il auoit departy ceste assemblee, dont i'ay parlé nagueres, & renuoyez tous chez eux, fut bien esbahy de ces nouuelles: parquoy incontinent passa la mer, & tira en Artois, & tout droict à Hesdin. Là entra en aucune suspicion, tant des Seigneurs que des traittez qu'on menoit en ces villes, dont i'ay parlé: & fut vn peu long à s'apprester, ne croyant point tout ce qu'on luy disoit: & enuoya querir à Amiens deux des principaux de la ville: lesquels il soupçonnoit de ces traittez. Ils s'excuserent si tres-bien qu'il les

laissa aller. Incontinent partirent de sa maison aucuns de ses seruiteurs, qui se tournerent au seruice du Roy (comme le Bastard Baudouin & autres) qui luy firent paour, qu'il n'y eust plus grande queuë. Il fit crier que chacun se mist sus, & peu s'apprestoient : car c'estoit au commencement del'hyuer : & y auoit encores peu de iours qu'il estoit arriuë de Hollande.

Comment la ville de saint Quentin & celle d'Amiens, fut rendue entre les mains du Roy : & pour qu'elles causes le Connestable, & autres entretenoient la guerre entre le Roy & le Duc de Bourgogne.

CHAP. II.

DEux iours apres la fuitte de ses seruiteurs, qui s'en estoient allés, qui estoit au moys de Decembre l'an mil quatre cens septante, entra Monseigneur le Connestable dedans saint Quentin, & leur feit faire le serment pour le Roy. Lors cognut ledit Duc que ses besongnes alloient mal : car il n'auoit * ame avec luy : mais auoit enuoyé ses seruiteurs pour mettre sur les gens de son pays. Toutesfois, avec si petit de gens qu'il peut amasser, il tira à Dourlans, avec quatre ou cinq cens cheuaux seulement, en intention de garder Amiens de tourner : & là fut cinq ou six iours, que ceux d'Amiens marchandoyent, car l'armee du Roy estoit aupres, qui se presenta deuant la ville, & vn coup la refuserent : car vne partie de la ville tenoit pour ledit Duc : lequel y enuoya * faire son lo-

*Amiens se rend au Roy.
Son Mareschal des logis.*

gis: &, s'il eust eu gens pour y oser entrer en personne, il ne l'eust iamais perduë: mais il n'y osoit entrer mal accompagné: combien qu'il en fust requis de plusieurs de la ville. Quand ceux, qui'estoient contre luy, veirent sa dissimulation, & qu'il n'estoit assez fort, ils executerent leurs entreprises, & mirent ceux du Roy dedans. Ceux d'Abbeuille cuiderent faire le semblable: mais Monseigneur des Cordes y entra pour le Duc, & y pourueut. D'Amiens à Doullans n'y a que cinq petites lieues: parquoy fut force audit Duc de se retirer, dès ce qu'il fut aduertí que les gens du Roy estoient entrez à Amiens: & alla d'Arras en grande diligence, & grande paour: craignant que beaucoup de choses semblables se feissent, car il se voyoit enuironné des parens & amis du Connestable. D'autre part, à cause du Istard Baudouin, qui s'en ostoit allé, il soupçonnoit le grand Bastard de Bourgongne son frere: toutesfois gens luy vindrent peu à peu. Or sembloit-il bien au Roy estre au dessus de ses affaires: & se fioit en ce que le Connestable & autres luy disoient de ces intelligences qu'ils auoient: & quand n'eust esté ceste esperance, il eust voulu auoir à cōmencer.

Or est-il temps que i'acheue à declarer qui mouuoit ledict Connestable, le Duc de Guienne, & de ses principaux seruiteurs (veu les bons tours, secours & grandes honnestetés que ledict Duc de Guienne auoit receus dudit Duc de Bourgongne) & quel gain ils pouuoient auoir à mettre ces deux grands Princes en guerre, qui estoient en repos en leurs seigneuries. Ia en ay dit quelque chose, & que c'estoit pour main-

1 tenir plus seurement leurs estats, & afin que le
 2 Roy ne se brouillast parmy eux, s'il estoit en re-
 pos: mais cela n'estoit point encores la princi-
 pale occasion: mais estoit que le Duc de Guien-
 ne & eux auoient fort desiré le mariage dudit
 Duc de Guienne avec la seule fille & heritiere
 du Duc de Bourgongne (car il n'auoit point
 de fils) & plusieurs fois auoit esté requis ledit
 Duc de Bourgongne de ce mariage : & tou-
 siours s'y estoit accordé : mais iamais ne voulut
 conclure : & en tenoit encores paroles à d'au-
 tres.

Or regardez quel tour ces gens prenoient
 pour cuider paruenir à leur intention , & con-
 traindre ledit Duc de bailler sa fille : car incon-
 tinent que ces deux villes furent prises , & le
 Duc de Bourgongne retourné à Arras , où il a-
 massoit gens tant qu'il pouuoit, le Duc de Gui-
 ne luy enuoya vn homme secret , lequel luy
 apporta trois lignes de sa main en vn loppin de
 papier & ployé bien menu, contenant ces mots,
 Mettez peine de contenter vos sujets , & ne
 vous souciez, car vous trouuerez des amis.

Le Duc de Bourgongne, qui estoit en crain-
 te tres-grande du commencement , enuoya vn
 homme deuers le Connestable , luy prier ne
 luy vouloir faire le pis qu'il pourroit bien , &
 ne presser point asprement ceste guerre qui luy
 estoit encommencee , sans l'auoir deslié ny se-
 mons de riens. Ledit Connestable fut fort aise
 de ces paroles : & luy sembla bien qu'il tenoit
 ledit Duc en la sorte qu'il demandoit : c'est à
 sçauoir en grand doute. Si luy manda pour tou-
 te responce , qu'il voyoit son faict en bien

*V. de cire
 & ployees
 bien. &c.*

*Le Conne-
 stable ras-
 che à tenir
 le Duc de
 Bourg. en
 crainte.*

grand peril, & qu'il ne cognoissoit remede qu'un, pour en eschaper : c'estoit qu'il donnast sa fille en marirge au Duc de Guienne, & qu'en ce faisant il seroit secouru de grand nombre de gens, & se declareroit ledit Duc de Guyenne pour luy, & plusieurs autres Seigneurs & que lors luy rendroit Sainct Quentin, & qu'il se mettroit des leurs : mais que sans ce mariage, & veoir ceste declaration, il ne s'y oseroit mettre : car le Roy estoit trop puissant, & auoit son faict bien accoustré, & grandes intelligences és pays dudit Duc, & toutes paroles semblables, de grands espouuantemens. Je ne cognus onc bonne issuë d'homme qui ait voulu espouuanter son maistre, & le tenir en suspicion, ou un grand Prince de qui on a affaire, comme vous entendrez de ce Connestable. Car combien que le Roy fust lors son maistre, si auoit-il la plus-part de son vaillant, & ses enfans sous ledit Duc de Bourgongne, mais tousiours a vſé de ces termes, de les vouloir tenir en crainte tous deux, & l'un par l'autre : dont mal luy en est pris. Et combien que toute personne cherche à se mettre hors de subiection & crainte, & que chacun haye tous ceux qui l'y tiennent, si n'y en a-il nul qui en cest article approche les Princes : car ie n'en cognu oncques nuls, qui de mortelle haine hayissent ceux qui les y ont voulu obliger & tenir.

Après que le Duc de Bourgongne eut ouy la responce du Connestable, il cognut bien qu'en luy ne trouueroit nulle amitié, & qu'il estoit principal conducteur de ceste guerre

& conceut vne tres-merueilleuse haine contre luy, qui iamais depuis ne luy partit du cœur : & principalement que pour telles doutes le vouloit contraindre à marier sa fille. Ia luy estoit reuenu yn petit le cœur & auoit recueilly beaucoup de gens. Vous entendez bien maintenant, par ce que manda le Duc de Guienne, & puis le Conneſtable, que ceste chose estoit deliberee entr'eux: car toutes semblables paroles, ou plus espouuentables encores, manda le Duc de Bretagne apres: & laissa amener à Monseigneur de Lescut cent Hommes d'armes, Bretons, au seruiſſe du Roy. Ainsi concluez que toute ceste guerre se faisoit pour contraindre ledit Duc à se consentir à ce mariage : & que l'on abusoit le Roy quand on luy conseilloit d'entreprendre ceste guerre: & que de ses intelligences, qu'on luy disoit auoir au pays dudit Duc, n'estoit point vray, mais toute menſonge, ou peu s'en faisoit. Toutesſois tout ce voyage fut serui le Roy dudit Conneſtable tresbien, & en grand haine contre ledit Duc, cognoiſſant que telle haine auoit-il conceuë contre luy. Semblablement seruit ledit Duc de Guienne en ceste guerre fort biẽ accompagné: & furent les choses fort perilleuſes pour le Duc de Bourgogne: mais quand dès le commencement que ce different commença (dont i'ay parlé) il eust voulu asseurer dudit mariage le Duc de Guienne, luy, & le Conneſtable, & plusieurs autres, & leurs ſequelles se fuſſent tournez des ſiens contre le Roy, & essayez à faire le Roy bien foible: s'il leur eust esté poſſible: mais quelque chose que ſçauent deliberer les hommes en telles matieres, Dieu en conclud à ſon plaisir.

*Comment le Duc de Bourgongne gaigna Piquigny,
& apres trouua moyen d'auoir trefue au Roy
pour vn an, au grand regret du
Connestable.*

CHAP. XIX.

Vous deuez auoir entendu au long dont mouuoit ceste guerre, & que les deux Princes au commencement y furent aueuglez: & se faisoient la guerre, sans en entendre le motif ne l'un ne l'autre. Qui estoit vne merueilleuse habileté à ceux qui conduisoient l'œuvre: & leur pouuoit-on bien dire, que l'une partie du monde ne sçait point comme l'autre vit & se gouuerne. Or toutes ces choses, dont i'ay parlé en tous ces articles precedens, aduindrent en bien peu de temps. Car apres la prise d'Amiens en moins de quinze iours ledit Duc se mit aux champs, aupres d'Arras, car il ne se retira point plus loing, & puis tira vers la riuere de Somme, & droict à Piquigny. En chemin *Le Duc de Bret. pensoit intimider le Duc de Bourg.* luy vint vn messager du Duc de Bretaigne, qui n'estoit qu'un homme à pied, & dist audict Duc de par son maistre, comme le Roy luy auoit fait sçauoir plusieurs choses, & entr'autres les intelligences qu'il auoit en plusieurs grosses villes: dont entre les autres nommoit Anuers, Bruges, & Brucelles. Aussi l'aduertissoit ledict Duc comme le Roy estoit deliberé de l'assiéger, en quelque ville qu'il le trouuast, & fust-il dedans Gand: & croy que ledict Duc de Bretaigne mandoit tout cecy en faueur du

Duc de Guienne, & pour mieux le faire ioindre à ce mariage, mais le Duc de Bourgongne prit tres-mal en gré ces aduertissements que le Duc de Bretaigne luy faisoit : & respondit au messager incontinent & sur l'heure, que son maistre estoit mal aduerty, & que c'estoient aucuns mauuais seruiteurs qu'il auoit, qui luy vouloyent donner ce courroux & ces crainctes, afin qu'il ne feist son deuoir de le secourir, comme il y estoit obligé par ses alliances : & qu'il estoit mal informé quelles villes estoient Gand, ne les villes où il disoit que le Roy l'assiégeroit, & qu'elles estoient trop grandes pour assieger : mais qu'il dist à son maistre la compagnie en quoy il le trouuoit : & que les choses estoient autrement. Car, de luy il deliberoit de passer la riuere de Somme, & de combattre le Roy, s'il le trouuoit en son chemin pour l'en garder : & qu'il vouloit prier audit Duc son maistre, de par luy, qu'il se vouldist declarer en sa faueur contre le Roy, & luy estre tel comme le Duc de Bourgongne auoit esté en faisant le traicté de Peronne.

*Piquigny
pris par le
Duc de
Bourgong.*

Le lendemain s'approcha le duc de Bourgongne, d'un lieu sur la riuere de Somme, qui s'appelle Piquigny, vne assiete tres-forte : & là apres deliberoit de faire vn pont dessus la riuere, pour passer Somme : mais par cas d'auenture y auoit dedans la ville de Piquigny logé quatre ou cinq cens Francs-Archers, & vn peu de Nobles, Ceux-là. quand ils veirét passer le Duc de Bourgongne, aillirent à l'escarmouche, du long d'une chaussee qui estoit longue : & se mirét si auant hors de leur place, qu'ils

donnerent occasion aux gens du duc de les chasser: & les suiuirent de si pres, qu'ils en tuerent vne partie, deuant qu'ils sceussent gaigner la ville: & gaignerent le faux bourg de ceste chaussee: & puis on amena quatre ou cinq pieces d'artillerie: combien que par ce costé la ville fust imprenable: parce qu'il y auoit riuere entre deux: toutesfois ces Francs-Archers eurent paour (pour ce qu'on faisoit vn pont) qu'on ne les assiegeast de l'autre costé. Ainsi ils desempererent la place, & s'enfuirent. Le chasteau tint deux ou trois iours, & puis s'en allerent tout en pourpoint. Ce petit exploit donna quelque courage au Duc de Bourgongne, & se logea es enuirons d'Amiens, y fait deux ou trois logis: disant qu'il tenoit les chaps: pour voir si le Roy le vouloit venir combattre: & à la fin s'approcha fort prez de la ville, & si prez, que son artillerie tiroit à coup perdu, par dessus & dedans la ville: & là se tint bien six sepmaines. En la ville y auoit bien quatorze cens hommes d'armes de par le Roy, & quatre mil Francs-Archers: & y estoient Monseigneur le Connestable, & tous les grands Chefs de ce Royaume, comme Grand-maistre, Admiral, Marechal, Seneschaux, & largement gens de bien. Le Roy fut cependant à Beauuais (où il fait grande assemblée) & estoit avec luy le Duc de Guienne son frere: & le Duc Nicolas de Calabre, fils aîné du Duc Iean de Calabre & de Lorraine, & seul heritier de la maison d'Anjou. Avec le Roy estoient les Nobles du Royaume: assemblez par maniere d'Arriereban: & ne faut point douter à ce que depuis i'ay

entendu que ceux qui estoient avec le Roy n'eussent grande & bonne volonté de cognoistre desia la malice de ceste entreprise : & voyoient bien qu'il n'auoit point encore fait, mais estoit en guerre plus que iamais. Ceux qui estoient en la ville d'Amiens feirent vne entreprise, pour assaillir le Duc de Bourgongne & son ost : pourueu que le Roy vouldist enuoyer ioindre avec eux l'armee qu'il auoit avec luy à Beauuais.

*faillly à
la descon-
fite d'en-
tree &
qu'ils eus-
sent esté à
pied. v.*

Le Roy aduerti de ceste entreprise, la leur enuoya defendre, & de tous poincts la rompre : car, combié qu'elle semblast auantageuse pour le Roy, toutesfois y auoit du hazard pour ceux qui failloient de la ville par especial : car tous failloient par deux portes : dont l'une estoit pres de l'ost d'iceluy Duc de Bourgongne : & s'ils eussent esté contraincts d'eux retourner, veu que leur faillie eust esté à pied, ils eussent esté en danger de se perdre & de perdre la ville. En ces entrefaictes enuoya le Duc de Bourgongne vn page nommé Simon de Quincy (qui depuis a esté Baillif de Troye) & eicriuit au Roy six lignes de sa main, s'humiliant enuers luy, & esdoutoit dequoy il luy auoit ainsi couru sus, à l'appetit d'autrui : & qu'il croyoit que s'il eust esté bien informé de toutes choses, qu'il ne l'eust pas fait.

Or l'armee, que le Roy auoit enuoyée en Bourgongne, auoit desconfit toute la puissance de Bourgongne, qui estoit faillie aux champs, & pris plusieurs prisonniers. Le nombre des morts n'estoit pas grand, mais la desconfiture y estoit, & si auoient desia assiegé des pla-

ces, & pris qui esbahissoit vn peu ledit Duc: tous-
 fois il faisoit semer en son ost tout le contraire,
 & que les siens auoient eu du meilleur. Quand
 le Roy eut veu ces lettres que le Duc de Bour-
 gogne luy auoit escrites, il en fut tres-joyeux
 pour la raison que auez ouye cy-dessus, & aussi
 que les choses longues luy ennuioyent: & luy
 fait response: & enuoya pouuoir à aucuns, qui
 estoient à Amiens, pour entrer en vne trefue: &
 si en fait deux ou trois de quatre ou de cinq
 iours: & à la fin finale s'y en fait vne d'un an,
 comme il me semble: dont le Connestable,
 Comte de Saint Paul, monstrois signe de des-
 plaisir. Car sans nulle doute, quelque chose
 que les gens ayent pensé ou sceussent penser
 au contraire, ledit Comte de Saint Paul es-
 toit lors ennemy capital du Duc de Bourgon-
 gne: & eurent plusieurs paroles: & oncques
 puis n'y eut amitié de l'un à l'autre, comme aués
 veu par l'issuë: mais bien ont enuoyé les vns
 vers les autres, pour se pratiquer, & chacun
 pour s'ayder de son compagnon: & ce que le
 Duc en faisoit, c'estoit tousiours pour cuider
 s'auoir Saint Quentin, semblablement, quand
 le Connestable auoit paour ou crainte du Roy,
 il la luy promettoit rendre & y eut des entrepri-
 ses, ou les gens du Duc de Bourgogne, par le
 vouloir dudit Connestable, en approcherent:
 & les faisoit venir deux ou trois lieues pres, pour
 les mettre dedans: & quand ce venoit à ioin-
 dre, ledit Connestable se repentoit, & les con-
 tremandoit: dont en la fin mal luy en prit. Car
 il cuidoit, pour la situation où il estoit: & le
 grand nombre de gens que le Roy luy payoit,

* & pour
 plusieurs
 paroles
 l'exemp.
 viel: mais
 il est rayé.

Dissemi-
 lations du
 Connesta-
 ble enuers
 le Duc de
 Bourg.

les tenir tous deux en crainte, par le moyen du discord où ils estoient : auquel il les entretenoit; mais son entreprise estoit tres-dangereuse: car ils estoient trop grands, trop forts, & trop habiles tous deux.

Après ces armées departies, le Roy s'en alla en Touraine, & le Duc de Guienne en son pays, & le Duc de Bourgogne au sien : & demourerent vne piece les choses en cest estat; & tint le Duc de Bourgogne grande assemblée d'Estats en son pays, pour leur remonstrer le dommage qu'il auoit eu, de n'auoir des Gens-d'armes prests comme le Roy, & que s'il eust eue le nombre de cinq cens hommes prests pour garder les frontieres, que iamais le Roy n'eust entrepris ceste guerre, & fussent demourez en paix: & leur mettoit au deuant les dommages qui estoient prests de leur en aduenir: & les pressoit fort qu'ils luy voulussent donner le payement de 800. Lances. Finalement ils luy donnerent six vingts mil escus, outre & par dessus ce qu'ils luy donnoient : & en cecy n'estoit pas comprise Bourgogne: mais grand doute faisoient ses suiets, pour plusieurs raisons, de se mettre en cette subiection, où ils voyoient le Royaume de France, à cause de ses Gens-d'armes. Et à la verité, leur grand doute n'estoit pas sans cause: car, quand il se trouua cinq ou six cens hommes d'armes la volonté luy vint d'en auoir plus, & de plus hardiment entreprendre contre tous ses voisins: &, de six vingt mille escus, les feit monter iusques à cinq cens mille: & creut de Gens-d'armes en tresgrande quantité: & en ont ses subiets bien eu à souffrir. Et croy bien que

les Gens-d'armes de foy font bien employez, sous l'autorité d'un sage Roy, ou Prince: mais, quand il est autre, ou qu'il laisse enfans petits, l'usage, à quoy les employent leurs Gouverneurs, n'est pas tousiours profitable, ne pour le Roy, ne pour ses suiets.

La hayne ne diminuoit point entre le Roy & le Duc de Bourgogne: mais tousiours continuoia: & le Duc de Guienne estant retourné en son pays, renuoyoit souuent vers ledict Duc de Bourgogne, pour le mariage de sa fille; & continuoit ceste poursuite, & ledict Duc l'entretenoit: aussi faisoit-il tout homme qui la demandoit: & croy qu'il n'eust point voulu voir du fils, ne que iamais il n'eust marié sa fille, tant qu'il eust vescu: mais tousiours l'eust gardee, pour entretenir gens, pour s'en seruir & aider, car il taschoit à tant de choses grâdes, qu'il n'auoit point le temps à viure, pour les mettre à fin: & estoient choses quasi impossibles: car la moitié de l'Europe ne l'eust sceu contenter. Il auoit assez hardiment, pour entreprendre toutes choses. Sa personne pouuoit assez porter le trauail, qui luy estoit necessaire. Il estoit assez puissant de gens & d'argent: mais il n'auoit point assez de sens & malice pour conduire ses entreprises. Car avec les autres choses propices à faire conquestes, si le tres-grand sens n'y est, tout le demourant n'est rien: & croy qu'il faut que cela vienne de la grace de Dieu. Qui eust peu prendre partie des conditions du Roy nostre maistre, & partie des siennes, on en eust bien fait un Prince parfait: car sans nulle doute, le Roy en sens le passoit de trop: & la fin l'a monstre par ses œuures.

*Dissemi-
lations du
Duc de
Bourg.
touchant
le mariage
de sa fille.*

*Suffisance
du Duc de
Bourg.*

Des guerres qui furent entre les Princes d'Angleterre, pendant le different du Roy Louys & de Charles de Bourgongne.

CHAP. IV.

IE me suis oublié, parlant de ces matieres precedentes, de parler du Roy Edouard d'Angleterre: car ces trois Seigneurs ont vescu d'un temps, grands: c'est à sçauoir nostre Roy, le Roy d'Angleterre, & le Duc de Bourgongne. Ic ne vous garderay point l'ordre d'escrire que font les Historiens, ny nommeray les annees, ny proprement le temps que les choses sont aduenües, ny ne vous allegueray rien des Histoi-res passées pour exemple (car vous en sçaez assez, & seioit parler Latin deuant les Corde-liers) mais seulement vous diray grossement ce que i'ay veu & sçeu, & ouy dire aux Princes que ie vous nomme. Vous estes du temps que toutes ces choses sont aduenües: parquoy n'est
Sus liu. I. chap. v. sur la fin. ja besoin de si tref-iustement vous dire les heu-res, ny les raisons: comme il me peut sembler.

Ailleurs ay parlé de l'occasion, qui meut le Duc de Bourgongne d'espouser la sœur du Roy Edouard: qui principalement estoit pour se fortifier contre le Roy: car autrement ne l'eust iamais fait, pour la grande amour qu'il portoit à la maison de Lanclastre: dont il estoit prochain parent, à cause de sa mere: laquelle estoit fille de Portugal: mais la mere d'elle estoit fille du Duc de Lanclastre: & autant qu'il aimoit parfaitement ceste dicte maison
 de Lan-

de Lanclastre, il haïssoit celle d'Yorth. Or à l'heure de ce mariage, celle de Lanclastre estoit du tout destruite : & de celle d'Yorth, ne se parloit plus : car le Roy Edouard estoit Roy, & Duc d'Yorth, & estoit tout pacifique : & durant les guerres de ces deux maisons, y auoit eu en Angleterre sept ou huit grosses batailles, & morts cruellement soixante ou quatre vingts Princes, ou Seigneurs de maison Royale, comme i'ay cy deuant dit en ces Memoires, & ce qui n'estoit mort, estoit fugitif en la maison dudit Duc de Bourgogne tous Seigneurs ieunes, car leurs peres estoient morts en Angleterre, & les auoit recueillis le Duc de Bourgogne en sa maison, comme ses parens de Lanclastre, auant le mariage. Lesquels i'ay veus en si grande pauvreté, auant que ledit Duc eust cognoissance d'eux, que ceux qui demãdent l'aumosne, ne sont pas si pauvres. Car i'ay veu vn Duc estre allé à pied, sans chaufses, après le train dudit Duc, pourchassant sa vie de maison en maison, sans se nommer. C'estoit le plus prochain de la lignee de Lanclastre : & auoit espousé la sœur du Roy Edouard. Apres fut cognu, & eut vne petite pension pour s'entretenir. Ceux de Sombreffet, & autres, y estoient. Tous sont morts depuis en ces batailles. Leurs peres, & leurs parens auoient pillé & destruit le Royaume de France, & possédé la pluspart par maintes annees. Tous s'entre-tuerent. Ceux qui estoient en vie en Angleterre, & leurs enfans, sont finis, comme vous voyez. Et puis on dit, Dieu ne punit plus les gens (comme il souloit du temps des enfans d'Israël) & endure les mauuais Princes & mauuaises gēs. Je croy bien

*Pauvreté
extreme
d'un Prin-
ce d'Angle-
terre, ne se
nommans
point.*

*Duc estre
allé à pied.
v.*

*Princes su-
iets à la pu-
nition de
Dieu, come
le temps
passé.*

qu'il ne parle plus aux gens, comme il souloit, car il a laissé assez d'exemples en ce monde pour estre creu : mais vous pouuez veoir, en lisant ces choses, avecques ce que vous en sçauiez d'auantage, que de ces mauuais Princes, & autres ayans autorité en ce monde, & qui en vsent cruellement & tyranniquement; nuls, ou peu, en demeurent impunis : mais ce n'est pas tousiours à iour nommé, n'à l'heure que ceux qui souffrét, le desirent.

*Le Comte
de Vvar-
uic possede
le Roy
d'Angle-
terre.*

En reuenant à ce Roy Edouard d'Angleterre, le principal homme d'Angleterre, qui eust soutenu la maison d'Yorth, estoit le Côte de Vvaruic : & le Duc de Sombreffet, au contraire, celle de Lanclastre : & se pouuoit ledit Comte de Vvaruic quasi dire pere du Roy Edouard, quant à seruices & nourritures : & aussi s'estoit fait fort grand : car, outre ce qu'il estoit grand Seigneur de foy, il tenoit grandes Seigneuries par don du Roy, tant de la couronne, que de confiscation : & puis estoit Capitaine de Calais, & tenoit autres gros offices, & ay ouy estimer vingts mille escus l'an ce qu'il tenoit en ces choses alleguees, sans son patrimoine. Ce Comte de Vvaruic entra en different avec son maistre, par aduenture vn an auant que le Duc de Bourgongne vint deuant Amiens : & y ayda bien le Duc : car il luy desplaisoit de ceste grande autorité, que le Comte de Vvaruic auoit en Angleterre : & ne s'accordoient point bien : car ledit Seigneur de Vvaruic s'entendoit tousiours avec le Roy nostre maistre. En effect i'ay veu ce tēps, ou peu auant, le Comte de Vvaruic si fort, qu'il mit le Roy son maistre entre ses mains : & feit

mourir le Seigneur * de Scalles, pere de la Roy-
ne, & deux de ses enfans & le tiers en grand dan-
ger (lesquels personages le Roy Edouard ai-
moit fort) & feit mourir encores aucuns Che-
ualiers d'Angleterre: & garda le Roy son mai-
stre vne espace de temps honnestement, & luy
mit nouueaux seruiteurs à l'entour, pour lui fai-
re oublier les autres: & luy sembloit que son
maistre estoit vn peu simple. Le Duc de Bour-
gogne eut grande doute de ceste auenture: &
prattiquoit secrettement que le Roy Edouard
peust eschaper, & qu'il eust moyen & façon de
parler à luy: & tant allerent les choses, que le-
dit Roy Edouard eschappa, & assembla gens,
& destroussa quelques bandes de ceux dudit
Comte de Vvaruic. Il a esté Roy bien fortu-
né en ses batailles: car neuf grosses batailles
pour le moins a gaignees, & tout à pied. Ledit
Comte de Vvaruic, se trouuant le plus foible,
duertit biē ses amis secrets, de ce qu'ils auoient à
faire, & se mit en la mer à son beau loisir, avec le
Duc de Clarence (qui auoit espousé sa fille, & te-
noit son party, nonobstāt qu'il fust frere du Roy
Edouard) & menerent femmes & enfans, &
grand nombre de gens, & se vint trouuer dedās
Calais, & dedans estoit son Lieutenant en la-
cite ville de Calais, vn appellé Monseigneur de
Vaucler & plusieurs de ses seruiteurs dome-
stiques, qui en lieu de le recueillir, luy tirerent
le grands coups de canon, & estant à l'anchre là
leuant accoucha la Duchesse de Clarence, fille
ludit Comte de Vvaruic, d'un fils. A grand'pei-
ne voulurent-ils consentir ne le Seigneur de
Vaucler, qu'on luy portast deux flascons de vin.

v. descalles

v. Vaucler
rayant au
dessous
Vvaroloe.Vvaroloe
en ce lieu,

Capitaine-
rie de Ca-
lais.
v. l'Eſtacle

C'eſtoit grand rigueur d'un ſeruiteur enuers ſon maĩſtre : car il eſt à penſer qu'il penſoit bien auoir pourueu en ceſte place, qui eſt le plus grãd threſor d'Angleterre, & la plus belle Capitainerie du monde, à mon aduis, au moins de la Chreſtienté. Ce que i'ay ſçeu, parce que i'y fus pluſieurs fois, durant ces differens, & pour certain me fut dit par le Maire de * l'Eſtacle, que de la Capitainerie de Calais feroit donner au Roy d'Angleterre quinze mille eſcus de ferme. Car le Capitaine prend tout le profit de ce qu'ils ont deçà la mer, & des ſauf-conduits, & met deçà la pluſpart de la garniſon à ſa poſte.

v. ou de
l'Eſtacle.

Le Roy d'Angleterre fut fort content dudit Seigneur de Vauclet, de ce refus qu'il auoit fait à ſon Capitaine, & luy enuoya lettres pour tenir l'office en Chef, car il eſtoit ſage Cheualier & ancien, & portoit l'ordre de la lartiere. Monſieur de Bourgongne fut fort content de luy auſſi (qui pour lors eſtoit à ſainct Omer) & m'en- uoya deuers ledit Seigneur de Vauclet : & luy donna mille eſcus de penſion, luy priant de vouloir continuer en l'amour qu'il auoit monſtree au Roy d'Angleterre. Je le trouuay fort delibéré de ce faire, & ſeit ſerment en l'hoſtel de Leſcalle à Calais entre mes mains, audit Roy d'Angleterre, enuers & contre tous : & ſemblablement tous ceux de la garniſon, & de la ville, & fu l'eſpace de deux mois, allant & venant vers luy, pour l'entretenir, & preſque me tint ce tēps avec lui : & le Duc de Bourgongne ne bougeoit de Boulongne : & ſeit vne groſſe armee par mer contre le Comte de Vvaruic, qui prit pluſieurs nauires des ſubiects dudit Duc de Bourgongne,

au partir qu'il feit de deuant Calais: & aida bien ceste prise à nous remettre en guerre: car ses gës en vendirent le butin en Normandie: à l'occasion dequoy le Duc de Bourgongne prit tous les marchands François venus à la foire d'Anuers.

Pource qu'il est besoing d'estre informé aussi bien des tromperies & mauuaistiez de ce monde, comme du bien, non pour en vser, mais pour s'en garder, ie veux declarer vne tromperie, ou habileté, ainsi qu'on la voudra nommer: car elle fut sagement conduite, & aussi veux qu'on entende les tromperies de nos voisins, comme les nostres: & que par tout il y a du bien & du mal.

Quand ce Comte de Vvaruic vint deuant Calais, esperant y entrer, comme en son principal refuge. Monseigneur de Vaucler, qui estoit tres sage, luy manda que s'il y entroit, il seroit perdu: car il auoit toute Angleterre contre luy, & le Duc de Bourgongne, & que le peuple de la ville de Calais seroit contre luy, & plusieurs de la garnison, comme Monseigneur de Duras, qui estoit Marechal pour le Roy d'Angleterre, & plusieurs autres qui tous auoient gens en la ville, & que le meilleur pour luy estoit, qu'il se retirast en France: & que de la place de Calais il ne s'en souciaist, & qu'il luy en rendroit bon compte, quand il seroit temps. Il seruit tresbien son Capitaine: luy donnant ce conseil: mais tres-mal son Roy, quant à ce point dudit Seigneur de Vvaruic. Iamais homme ne tint plus grande déloyauté que ce Vaucler: veu que le Roy d'Angleterre l'auoit fait Capitaine en chef: avec ce que le Duc de Bourgongne luy donnoit.

*Ruse de
Vaucler
Anglois
pour le Comte de Vvaruic.*

Comment le Roy Louys aida si bien le Comte de Vvaruic, qu'il chassa le Roy Edouard hors d'Angleterre, au grand desplaisir du Duc de Bourgongne, qui le regent en ses pays.

C H A P. V.

A Ce conseil se tint le Comte de Vvaruic, & alla descendre en Normandie où il fut fort bien recueilly du Roy, & le fournit d'argêt treslargement pour la despense de ses gens, & ordonna le Bastard de Bourbon, Admiral de France, bien accompagné pour aider à garder ces Anglois & leurs nauires cōtre l'armee de mer qu'auoit le Duc de Bourgongne, qui estoit tresgrosse & telle que nul ne se fust osé trouuer en ceste mer, au deuant d'elle: & faisoit la guerre aux sujets du Roy, par mer & par terre, & se menaçoient. Tout cecy aduint la saison auant que le Roy prist Saint Quentin & Amiens, comme i'ay dit, & fut ladite prise de ces deux places l'an mil quatre cens septante. L'armee du Duc de Bourgongne estoit plus forte par mer, que celle du Roy, & dudit Comte ensemble. Car il auoit pris au port de l'Escluse, largement grosses nauires d'Espaigne & de Portugal, des nauires de Gennes, & plusieurs Hurques d'Alemaigne. Le Roy Edouard n'estoit point homme de grand ordre, mais fort beau, plus que nul Prince que i'aye iamais veu en ce temps là, & tres-vaillant. Il ne se soucioit point tant de la descente dudit Comte de Vvaruic, comme faisoit le Duc de Bourgongne, lequel sentoit des mouuements

par Angleterre, en faueur dudit Comte de Vvarvic, & en aduertissoit souuent le Roy : mais il n'auoit nulle crainte, qui me semble vne folie de ne craindre son ennemy, & ne vouloir craindre riens, veu l'appareil qu'il . . auoit : car le Roy arma tout ce qu'il auoit peu finer de nauires, & mit largement gens dedans, fait faire parement aux Anglois. Il auoit faict le mariage du Prince de Galles, avec la seconde fille dudit Comte de Vvaruic. Ledit Prince estoit seul fils du Roy Henry d'Angleterre, lequel estoit encores vis, & prisonnier en la Tour de Londres, & tout ce mesnage estoit prest à descendre en Angleterre. C'estoit estrange mariage d'auoir deffait & destruit le pere dudit Prince, & luy faire espouser sa fille, & puis vouloir entretenir le Duc de Clarence, frere du Roy opposite : que bien deuoit craindre que ceste lignee de Lanclastre ne reuint sur ses pieds. Aussi tels ourages ne se lcauoient passer sans dissimulation. Or i'estoye à Calais, pour entretenir M^{seigneur} de Vauclet, à l'heure de cest appareil, & iusques lors n'entendi sa dissimulation, qui auoit ia duré trois mois, car ie l'ay requis, veu ces nouuelles qu'il oyoit, qu'il voulsist mettre hors de la ville vingt ou trente des seruiteurs domestiques dudit Côte de Vvaruic, & que i'estoie asseuré que l'armee dudit Roy & dudit Comte estoit prest à partir de Normãdie, où ia elle estoit, & que, si soudainemēt il prenoit terre en Angleterre, par aduēture viendroient mutation à Calais, à cause des seruiteurs audict Comte de Vvaruic, & qu'il n'en seroit, à l'adventure point le maistre : & luy priay fort, que dès ceste heure il les mist dehors. Tousiours le

*af. d'An.**V. voyoit
af. de Frã.
ce.*

pensoit accorder iusques à celle heure, dont ie parle, qu'il me tira à part: & me dit qu'il demeureroit bien le maistre en la ville: mais qu'il me vouloit dire autre chose, pour aduertir Monseigneur de Bourgogne. C'estoit qu'il luy conseilloit (s'il vouloit estre amy d'Angleterre) qu'il mist peine de mettre la paix, non point la guerre: & le disoit pour ceste armee, qui estoit contre Monseigneur de Vvaruic. Me dit d'auantage qu'il seroit aisé à appointer: car ce iour estoit passee vne Damoiselle par Calais, qui estoit en France, vers Madame de Clarence, qui portoit ouuerture de paix par le Roy Edouard. Il disoit vray: mais, comme il abusoit les autres, il fut deçeu da ceste Damoiselle: car elle alloit pour conduire vn grand marché, & le mit à fin, au preiudice dudit Comte de Vvaruic, & de toute sa sequelle. De ces secrettes habiletez, ou tromperies, qui se sont faites en nos contrées de deçà, n'entendrez vous plus veritablement de nulle autre personne, au moins de celles qui sont aduenues depuis vingt ans. Le secret, que portoit ceste femme, estoit remonstrier à Monseigneur de Clarence, qu'il ne voulsist point estre cause de destruire sa lignee, pour aider à remettre en autorité celle de Lanclastre, & qu'il cōsiderast leurs anciennes haines & offenses, & qu'il pouuoit bien penser, puis que ledit Comte auoit faict espouser sa fille au Prince de Galles, qu'il tascheroit de le faire Roy d'Angleterre: & ia luy auoit faict hommage.

Si bien exploicta ceste femme, qu'elle gaigna le Seigneur de Clarence, qui prōmit se tourner de la part du Roy son frere: mais qu'il fut en

*Tromperie
signalee
par une
femme.*

Angleterre. Ceste femme n'estoit pas folle, ne legere de parler. Elle eut loisir d'aller vers sa maistresse: & pour ceste cause, elle y alla plustost qu'un homme: & , quelque habile homme qui fust monseigneur de Vaucier , ceste femme le trompa, & conduisit ce mystere: dont fut deffait à mort le Comte de Vvaruic, & toute sa sequel-
le. Et pour telles raisons n'est pas honte d'estre suspicionneux, & auoir l'œil sur ceux qui vont & viennent: mais c'est grande honte d'estre trompé, & de perdre par sa faute: toutesfois les suspicions se doiuent prendre par le moyen: car l'estre trop, n'est pas bon.

Ie vous ay dit deuant comment ceste armee de monseigneur de Vvaruic, & ce que le Roy auoit appresté pour le conduire , estoit prest à monter, & celle de monseigneur de Bourgongne prest à combattre, qui estoit * au haure au deuât d'eux. Dieu voulut ainsi disposer des choses, que ceste nuict sourdit vne grande tourmente, & telle qu'il falut que l'armee dudit Duc de Bourgongne fust, & coururent les vns des nauires en Escosse, les autres en Hollande, & , à peu d'heures apres , se trouua le vent bon pour le Comte, lequel passa sans peril en Angleterre. Ledit Duc de Bourgongne auoit bien aduertiy le Roy Edoüard du port où ledit Comte deuoit descendre: & tenoit gens expres avec luy pour le solliciter de son profit, mais il ne luy en chaloit, & ne faisoit que chasser; & n'auoit nulles gens, si prochains de luy , que l'Archeuesque d'Yorth & le Marquis de Montagu; frere dudit Comte de Vvaruic, qui luy auoient fait vn grand & solennel serment de le seruir contre leur frere & tous autres, & il s'y fioit.

v, à Hâtie.

de la terre.

Après que le Comte de Vvaruic fut descendu, grand nombre de gens se ioignirent à luy, & se trouua le Roy Edoüard fort esbahy, incontinent qu'il le sçeut. Il commença lors à penser à ses besongnes, qui estoit bien tard, & manda au Duc de Bourgogne, qu'il luy prioit qu'il eust tousiours son nauire prest en la mer, afin que le Comte ne peust retourner en France, & d'Angleterre, il en cheuiroit bien. Ces paroles ne pleurent gueres là où elles furent dites : car il sembloit qu'il eust mieux valu ne luy laisser prendre terre en Angleterre, que d'estre contraint de venir en vne bataille. Cinq ou six iours apres la descente dudit Comte de Vvaruic, il se trouua tres-puissant, logé à trois lieues du Roy Edoüard : lequel auoit encor plus largement gens, mais qu'ils eussent esté tous bons, & s'attendoit à combattre ledit Comte. Il estoit bien logé en vn village fortifié, au moins en vn logis, où on ne pouuoit entrer que par pont, comme luy-mesme propre m'a compté, dont bien luy prit. Le demeurant de ses gens estoient logez en d'autres villages prochains. Comme il disnoit, on luy vint dire soudainement que le Marquis de Montagu, frere dudit Comte, & quelques autres estoient montez à cheual, & auoient faict crier, Viue le Roy Henry, à tous leurs gens. De prime-face ne le creut pas : mais incontinent y enuoya plusieurs messagers : & s'arma : & mit des gens aux barrieres de son logis pour le deffendre. Il auoit là avec luy vn sage Cheualier, appelé monseigneur de Hastinges, grand Chambellan d'Angleterre, le plus grand en autorité d'avec luy. Il auoit pour femme la sœur dudit

Hastin-
gues grand
Chambellan
d'Angle-
terre.

Comte de Vvaruic: toutesfois il estoit bon pour son maistre. Il auoit en ceste armee trois mille hommes à cheual: comme lui-mesme m'a com-
Descalles.

pté. Vn autre y auoit, appelé Monseigneur de Scalles, frere de la femme dudit Roy Edouard, & plusieurs bons Cheualiers & Escuyers qui tous cogneurent que la besongne n'alloit pas bien: car les messagers rapporterent que ce qui auoit esté rapporté & dit au Roy estoit veritable: & s'assembloient pour luy venir courir sus.

Dieu voulut tant de bien à ce Roy Edoüard, qu'il estoit logé pres de la mer: & y auoit quel-
Edouard s'enfuit d'Angle- terre.

que nauire qui le suiuoit. menant viures, & deux Hurques de Hollande, nauires marchans. Il n'eut autre loisir que de s'en aller fourrer de-

dans. Son Chambellan demeura vn peu apres, qui dit au Chef de ses gens, & à plusieurs parti-

culiers de cest ost, qu'ils allassent deuers les autres: mais qu'il les prioit que leur volonté fust de demeurer bonne & loyale enuers le Roy &

luy: & puis s'en alla mettre dedans la nauire, avec les autres qui estoient prests à partir. Leur

coustume d'Angleterre est, que quand ils sont au dessus de la bataille, ils ne tuent rien, & par

especial du peuple, car ils. cognoissent que chacun quiert leur complaire: parce qu'ils sont les plus forts, & ne mettent nuls à finâce. Parquoy

tous ses gens n'eurent nul mal, dés que le Roy fut party. Mais encores m'a compté le Roy E-

doüard, qu'en toutes les batailles qu'il auoit gaignees, dés ce qu'il venoit au dessus, il mon-

toit à cheual, & crioit qu'on sauuaist le peuple, & qu'on tuaist les seigneurs: car d'iceux n'eschap-

poit nul, ou bien peu.

Les Seing. sont es- pargnez en batailles en Angleterre

Angleter-
re.

Digression
sur la vie,
qu'auoit
menée le
Roy Edou-
ard en sa
prosperité.

Ainsi fut ce Roy Edoüard , l'an mil quatre cens soixante & dix, avec ses deux Hurques, & vn petit nauire sien; & quelque sept ou huit cens personnes avec luy : qui n'auoient autres habillemens que leurs habillemens de guerre: & si n'auoient ne croix ne pille: ny ne sçauoient à grande peine où ils alloient.

Bien estoit estrange à ce pauvre Roy (car ainsi se pouuoit-il bien appeller) d'ainsi s'enfuir, & estre persecuté de ses propres seruiteurs. Il auoit ja accoustumé ses aises, & ses plaisirs, douze ou treize ans, plus que Prince qui ait vescu de son temps: car nulle autre chose n'auoit en pensee, qu'aux Dames (& trop plus que de raison) & aux chasses, & à bien traicter sa personne. Quand il alloit à la saison à ses chasses, il faisoit mener plusieurs pauillons pour les Dames: & en effect, il y auoit si grande chere: & aussi il auoit le personnage aussi propice à ce faire qu'homme que iamais ie visse: car il estoit ieune & beau: autant que nul homme qui ait vescu en son temps, ie dy à l'heure de ceste aduersité: car depuis s'est faict fort gras. Or voyez-cy comment il entre maintenant aux aduersitez de ce monde, Il fuit le droit chemin vers Hollande. Pour ce temps les Ostrelins estoient ennemis des Anglois, & aussi des François, & auoient plusieurs nauires de guerre sur la mer: estoient fort crains des Anglois, & non sans cause (car ils sont fort bons combatans) & leur auoient porté grand dommage en ceste annee là, & prins plusieurs nauires. Lesdits Ostrelins apperceurent de loing ces nauires. & estoit ce Roy fuyant: & commencerent à luy donner la chasse, sept ou huit nauires

Ostrelins
ennemis des
Anglois, &
des François

qu'ils estoient. Il estoit loing deuant eux, ou encores plus bas : car il arriua en Frize, pres d'une petite ville appelee Alquemare : & ancrerent son nauire, pource que la mer s'en estoit retiree, & ils ne pouuoient entrer au haure, & se mirent au plus pres de la ville qu'ils peurent. Les Ostrelins vindrent semblablement ancrer assez pres de luy, en intention de le iondre à la maree prochaine.

Vn mal & vn peril ne vient iamais seul. La fortune de ce Roy estoit bien changee & ses pensees. Il n'y auoit que quinze iours, qu'il eust esté bien esbahy, qui luy eust dit : Le Comte de Vvaruic vous chassera d'Angleterre, & en onze iours en aura la domination : car non plus ne mit il à en auoir l'obeissance. Et, avec ce, il se moquoit du Duc de Bourgogne, qui despendoit son argent à vouloir defendre la mer : disant que ja le voudroit en Angleterre. Et quelle excuse eust-il sceu trouuer d'auoir fait ceste grande perte, & par sa faute ? sinon dire. Je ne pensoye que telle chose aduint. Bien deuroit songer vn Prince, s'il auoit aage de faire telle excuse : car elle n'a point de lieu. Bel exemple en est cestuy-cy pour les Princes qui iamais n'ont doute ne crainte de leurs ennemis, & le tiendroient à honte : & la plupart de leurs seruiteurs soustiennent leurs opinions pour leur complaire : & leur semble qu'ils en soient prisez & estimez, & qu'on dira qu'ils auront courageusement parlé. Je ne sçay que l'on dira deuant eux : mais les sages tiendront telles paroles à grande folie : & est honneur de craindre ce que l'on doit, & d'y bien pourueoir. C'est grande richesse à vn Prince d'auoir vn fa-

Autre petite digression sur la fortune de ce Roy, avec une belle remonstrance à tous Princes.

V. rougir.

„gè homme en sa compaignie, & bien seur pour
 „luy de le croire, & que cestuy-là ait loy de dire
 „verité.

*Greteuse
exempl v.
par tout ce
passage. Le
Seign de la
Grutur
reconforte
au nom du
Duc de
Bourg. E-
douard
Roy d'An-
gleterre.*
 D'aüerture, Monseigneur de la Grutur, Gou-
 uerneur pour lors, pour le Duc de Bourgongne,
 en Hollande, estoit lors au lieu où le Roy E-
 douard voulut descendre: lequel incontinent en
 fut aduertý, car ils mirent gens à terre, & aussi
 du peril en quoy il estoit pour les Ostrelins: le-
 quel enuoya incontinent deffendre aux Ostre-
 lins de ne luy toucher, & alla en la nef, où ledict
 Roy estoit: & le recueillit & descendit en terre:
 & bien quinze cens hommes avec luy: & y e-
 stoit le Duc de Clocestre son frere, qui depuis
 s'est faict appeller le Roy Richard. Ledit Roy
 n'auoit ne croix, ne pile, & donna vne robbe
 fourree de belles martres au maistre de la navi-
 re, promettant luy mieux faire le temps aduenir.
 Si pauvre compaignie ne fut iamais: mais ledict
 Seigneur de la Grutur fit honorablement: car
 il donna plusieurs robbes, & deffraya tout, ius-
 ques à la Haye en Hollande, où il le mena: &
 puis aduertit Monseigneur de Bourgongne de
 ceste aduenture: lequel fut merueilleusement ef-
 frayé de ces nouuelles, & eust beaucoup mieux
 aymé sa mort: car il estoit en grand souey du
 Comte de Vvaruic, qui estoit son ennemy, & a-
 uoit la maistrise d'Angleterre. Lequel tost apres
 sa descente trouua nombre de gens infiny pour
 luy; car cest ost qu'auoit laissé le Roy Edoüard,
 par amour & par crainte se mit tous des siens: &
 chacun iour luy en venoit. Ainsi s'en alla à Lon-
 dres grand nōbre de bons cheualiers & Escuyers
 s'en allerent, & se mirent és franchises qui sont à

Londres: qui depuis seruirent bien le Roy Edoüard, & aussi fit la Roïne sa femme, qui accoucha d'un fils en grande pauvreté.

Comment le Comte de Vvaruic tira hors de prison le Roy Henry d'Angleterre.

CHAP. VI.

Q Vand ledit Conte de Vvaruic fut arriué en la ville de Londres, il alla en la Tour, qui est le chasteau, & en tira le Roy Henry, qu'autres fois, il y auoit bien long temps, auoit mis lui-mesme là dedans, criant deuant luy qu'il estoit traistre, & crimineux de leze Maïesté, & à ceste heure l'appelloit le Roy, & le mena en son Palais à Vvestmonstier, & le mit en son estat Royal en la presence du Duc de Clarence, a qui ce cas ne plaisoit pas. Et incontinent enuoya à Calais trois ou quatre cens hommes: qui coururent tout le pays de Boulenois, lesquels furent bien recens par le seigneur de Vaucler, dont i'ay tant parlé: & se peut lors cognoistre le bon vouloir, qu'il auoit tousiours enuers son maistre le Comte de Vvaruic. Le iour que le Duc de Bourgongne eut les nouvelles que le Roy Edoüard estoit arriué en Hollande, i'estoye arriué deuers luy de Calais, & le trouuay à Boulongne, & ne sçauoye encores rien de cecy, ne de la fuitte du Roy Edoüard. Le Duc de Bourgongne eut les premieres nouvelles qu'il estoit mort. De cela ne luy chaloit gueres: car il aymoït mieux ceste lignee de Lanclastre que celle d'Yorth: & puis il auoit en sa maison les Ducs de Glocestre & de Sombreffet, & plusieurs autres du pat-

*Henry 6.
tiré de pri-
son Gestab-
ly par le
Comte de
Vvaruic
Roy d'An-
gleterre.*

*Mal en-
tous, mais
il est mal-
aisé de l'a-
mender: car
le vieil ex-
plaine au-
paravant
de Cestre,
& en ce
lieu cy, de-
sestre, &
de cestre
par apres.
& ne peut-
on iuger de
Pol. Verg.
que ce soit
Cestria, ou
Excestria,
ou Essexia,
ou Lece-
stria.*

ty du Roy Henry: pourquoy luy sembloit qu'ils l'appoincteroiēt bien avec ceste lignee, mais il craignoit fort le Comte de Vvaruic: & si ne sçauoit comment il pourroit traiter celuy qui s'estoit retiré chez luy; à sçauoir le Roy Edoüard, dont il auoit espousé sa sœur, & s'estoient faits freres d'ordre: car il portoit la Toison, & ledit Duc portoit la iartiere.

Ledit Duc me renuoya incontinent à Calais, & vn gentilhomme ou deux avec moy, qui estoient de ceste partialité nouuelle de Henry, & me commanda ce qu'il vouloit que ie fisse avec ce monde neuf: & encores me pria bien fort d'y aller, disant, qu'il auoit besoin d'estre seruy en ceste matiere. Ie m'en allay iusques à Tournehan, qui est Chasteau pres de Guines, & n'osay passer outre: pource que ie trouuay le peuple fuyant pour les Anglois, qui estoient sur les champs, & couroient le pays. I'enuoyay incontinent à Calais, demander vn saufconduit à Monseigneur de Vaucler: car i'estoye ia accoustumé d'y aller sans congé: & y estoye honorablement reçu: car les Anglois sont fort honorables. Tout cecy m'estoit bien nouveau: car iamais ie n'auoye si auant veu des mutations de ce monde. I'auoye encores ceste nuit là aduertty le Duc de la craincte que i'auoye de passer sans luy mander que i'eusse enuoyé querir feureté: car ie me doutoye bien de la responce que i'eu. Il m'enuoya vne verge, qu'il portoit au doigt, pour enseigne, & me manda que ie passasse outre, & me deussent-ils prendre: car il me racheteroit. Il ne craignoit point fort à mettre en peril vn sien seruiteur, pour s'en ayder quand

*Anglois
fort hono-
rables.*

*Le Duc de
Bourgon-
gne hazar-
doit ses ser-
uiteurs.*

quand il en auoit besoin, mais i'y auoye bien pourueu par le moyen de ceste seureté, que i'eu, avec tres-gracieuses lettres de monseigneur de Vaucler, disant que ie pouuoye aller comme i'auoye accoustumé, le passay à Guines: & trouuay le Capitaine hors du Chasteau, qui me presenta à boire, sans m'offrir le Chasteau, comme il auoit accoustumé, & fit très-grand honneur & bonne chere à ces Gentils-hommes, qui estoient avec moy, des partisans du Roy Henry. l'allay à Calais. Nul ne vint au deuant de moy, comme on auoit accoustumé. Tout homme portoit la liuree de monseigneur de Vvaruic. A la porte de mon logis, & de ma chambre, me firent plus de cent croix blanches, & des rimes, contenans que le Roy de France & le Comte de Vvaruic estoient tout vn. le trouuay tout cecy bien estrange. l'enuoyay d'auenture à Grauelines (qui est à cinq lieuës de Calais) & manday qu'on arrestast tous marchans & marchandises d'Angleterre: à cause de ce qu'ils auoient ainsi couru. Ledit de Vvaucler me manda à disner: qui estoit bien accompagné: & auoit le Reuastre d'or sur le bonnet (qui estoit la liuree dudit Comte, qui estoit vn baston noir) & tous les autres semblablement: & qui ne le pouuoit auoir d'or, l'auoit de drap. Et me fut dit à ce disner, qu'incontinent que le *passager. v* messager fut arriué d'Angleterre, qui leur auoit porté ceste nouuelle, qu'en moins d'un quart d'heure chacun portoit ladite liuree: tant fut ceste mutation hastiue, & soudaine. Ce fut la premiere fois que i'eu iamais cognoissance que les choses de ce monde sont peu stables. Ledit de Vvaucler ne me dit que paroles honnestes, &

quelque peu d'excuses en la faueur du Comte son Capitaine, & les biens qu'il luy auoit faicts: & quant aux autres, qui estoient avec luy, iamais ne furent si desbordez: car ceux, que ie pensoye des meilleurs pour le Roy, estoient ceux qui plus le menaçoient, & croy bien qu'aucuns le faisoient pour crainte, & d'autres le faisoient à bon escient. Ceux, que i'auoye voulu mettre hors de la ville le temps passé, qui estoient seruiteurs domestiques dudit Comte, auoient à ceste heure là bon credit: toutesfoiſ ils n'auoient iamais rien ſceu que i'eusse parlé d'eux audict Vaucſer. Le leur reſpondoye, à tous propos, que le Roy Edoiard estoit mort, & que i'en estoye bien aſſeuré, nonobſtant que ie ſcauoye bien le contraire, & diſoye auſſi que, quand il ne le ſeroit, ſi estoient les alliances que monſeigneur de Bourgongne auoit avec le Roy & le Royaume d'Angleterre, telles, qu'elles ne ſe pouuoient eſtandre pour ce qui estoit aduenu, & que celuy qu'ils prendroient pour Roy, & nous auſſi, & que, pour les mutations paſſées, y auoient eſté mis ces mots AVEC LE ROY ET LE ROYAUME: & nous estoient pleges les quatre principales villes d'Angleterre, pour l'entretien de ces alliances.

*Commines
fait le Roy
Edouard,
mort, pour
ſeruir à ſa
cõmiſſion.*

*enſrain-
dre. v.*

Les marchans voulurent fort que ie fuſſe arreſté, pource qu'on auoit pris pluſieurs de leurs biens à Grauelines, & par mon commandement comme ils diſoient. Tellement fut appointé entr'eux & moy, qu'ils payeroient tout le beſtail qu'ils auoient pris, ou qu'ils le rendiſſent: car ils auoient appointement avec la maiſon de Bourgongne, de pouoir courir certains paſturages.

qui y estoient, & prendre bestail pour la prouision de la ville, en payant certain prix, lequel ils payerent, & n'auoient pris nuls prisonniers. Parquoy fut accordé entre nous, que les alliances demeureroient entieres, que nous auions faictes avec le Royaume d'Angleterre, sauf que nous nommions Henry au lieu d'Edouard.

Cest appointement fut bien agreable au Duc de Bourgogne: car le Comte de Vvaruic, enuoyoit quatre mille Anglois à Calais pour luy faire la guerre à bon escient, & ne pouuoit l'on trouuer façon de l'adoucir. Toutesfois les gros marchans de Londres, dont plusieurs en y auoit à Calais, l'en destournerent, pource que c'est l'estappe de leurs laines, & est chose presque incroyable pour combien d'argent il y en vient deux fois l'an, & sont là attendans que les marchans viennent, & leur principale descharge est en Flandres, & en Hollande. Et ainsi ces marchans ayderent bien à conduire cest appointement, & à faire demeurer ces gens, que monsieur de Vvaruic auoit. Cecy vint bien à propos au Duc de Bourgogne, pource que c'estoit proprement à l'heure, que le Roy auoit pris Amies & saint Quentin: & si ledict Duc eust eu guerre avec les deux royaumes à vne fois, il estoit destruit. Il traualloit d'adoucir monseigneur de Vvaruic, tant qu'il pouuoit, disant qu'il ne vouloit rien faire contre le Roy Henry, & qu'il estoit de ceste lignee de Lanclastre, & toutes telles paroles seruantes à sa matiere.

Or, pour retourner au Roy Edouard, il vint deuers ledict Duc de Bourgogne à saint Paul,

Edouard
Roy d'An-
gleterre sup

*plie à son
ayde le Duc
de Bourg.*

*En ce lieu-
cy le vieil
exempl. dit
de cestre.*

& le pressa fort de son ayde, pour s'en pouuoir retourner, l'asseurant d'auoir grandes intelligences dedans le Royaume d'Angleterre, & que pour Dieu il ne le voulsit abandonner, veu qu'il auoit espousé sa sœur, & qu'ils estoient freres d'ordre. Le Duc de Sombresset, & de Glocestre pressoient tout le contraire, & pour le party du Roy Henry. Ledit Duc ne sçauoit ausquels cō- plaire, & enuers les deux parties craignoit à mesprendre, & si auoit ja guerre commencee bien asprement à son visage. Finalement il creut pour lors ledict Duc de Sombresset, & les autres des- fusdits, prenant certaines promesses d'eux, contre le Comte de Vvaruic, dont ils estoient anciēns ennemis. Voyant cecy le Roy Edoüard, qui estoit sur le lieu, n'estoit pas à son aise: toutes- fois on luy donnoit les meilleures raisons qu'on pouuoit: disant qu'on faisoit ces dissimulations, pour n'auoir point la guerre aux deux royaumes, à vn coup: car, si ledit Duc estoit destruit, il ne luy pourroit pas bien ayder apres, si bien à son aise. Toutesfois ledit Duc, voyant qu'il ne pou- uoit plus retenir le Roy Edoüard, qu'il ne s'en allast en Angleterre, & pour plusieurs raisons, ne l'osoit de tous poincts courroucer. Il feignit en en public de ne luy bailler nul secours: & fit crier que nul n'allast à son ayde: mais sous main, & se- crettement, il luy fit bailler cinquante mille flo- rins à la croix saint André: & luy fit faire finan- ce de trois ou quatre grosses nefes: qu'il luy fit ac- coustrer au port de la Verē en Hollande, qui est vn port où chacun est receu, & luy souldaya se- crettement quatorze nauires d'Ostrelins bien armez, qui promettoient le seruir iusques à ce

*Le Duc de
Bourg. dō-
ne secours
biē à point
au Roy de
Angleterre
couuerte-
ment.*

qu'il fust passé en Angleterre, & quinze iours apres. Ce secours fut tres-grand, selon le temps.

Comment le Roy Edouard retourna en Angleterre : où il deffit, en bataille, le Comte de Vvaruic, & le Prince de Galles apres.

CHAP. VII.

LE Roy Edoüard partit, l'an mil quatre cens septante & vn, ainsi comme le Duc de Bourgongne alloit contre le Roy à Amiens: & sembloit bien audit Duc qu'il le fait d'Angleterre ne pourroit aller mal pour luy, & qu'il auoit mis aux deux costez, Incontinent que le Roy Edoüard fut à terre, il tira droit à Londres. Car il y auoit plus de deux mille hommes, tenans son party, dedans les franchises: dont il y auoit trois ou quatre cens Cheualiers & Escuyers, qui luy fut grande faueur: car il ne descendoit pas à grans gens. Tantost apres que le Comte de Vvaruic, (lequel estoit au North avec grande puissance) sentit ces nouuelles, il se hâta de retourner vers Londres esperant y arriuer le premier: toutes-fois luy sembloit-il bien que la ville tiendrait pour luy: mais autrement en aduint. Car le Roy Edoüard y fut receu le Lundy saint, à grande ioye de toute la ville, qui estoit contre l'opinion de la pluspart des gēs: car chacun le tenoit pour tout perdu: & s'ils luy eussent fermé les portes, en son faict n'y auoit nul remede: veu que le Comte de Vvaruic n'estoit qu'à vne iournee de luy. A ce qui m'a esté comté, trois choses fu-

1471.

Lundy. n.

Edouard
reçeu en
Angleterre
pour trois
causes.

Bataille
oignée le
jour de Pas-
ques par E-
douard cō-
tre le Comte
de Vvaruic

rent cause que la ville se tourna des siens. La premiere, les gens qu'il auoit és franchises, & la Roynne sa femme : qui auoit faict vn fils. La seconde, les grandes debtes, qu'il deuoit en la ville : pourquoy les marchans, à qui il deuoit, tindrent pour luy. La tierce, plusieurs femmes d'estat & riches Bourgeoises de la ville (dont aultresfois il auoit eu grande priuauté, & grande accointance) luy gaignerent leurs maris, & leurs parens. Il ne seiourna que deux iours dedans la ville : car il partit la vigile de Pasques avec ce qu'il peut amasser de gens : & tira au deuant du Comte de Vvaruic : lequel rencontra le lendemain au matin, qui fut le iour de Pasques, & comme ils se trouuerent l'un deuant l'autre, se tourna le Duc de Clarence, frere dudit Edoüard, avec luy, avec bien douze mille hommes, qui fut grand esbahissement au Comte de Vvaruic, & grand reconfort audit Roy, lequel auoit peu de gens.

Vous auez bien entendu, parcy-deuant, comme ceste marchandise du Duc de Clarence auoit esté menee : & nonobstant tout ce, si fut la bataille tres-aspre, & tres-forte. Tout estoit à pied, d'un costé & d'autre. L'auantgarde du Roy fut fort endommagée : & ioignit la bataille du Comte de Vvaruic iusques à la sienne, & de si pres, que le Roy d'Angleterre, combatit en sa personne, autant ou plus, que nul homme, qui fut des deux costez. Ledit Comte de Vvaruic n'estoit iamais accoustumé de descendre à pied : mais auoit de coustume quand il auoit mis ses gens en besongne, de monter à cheual : & si la besongne alloit bien pour luy, il se trouuoit à la

meslee & si elle alloit mal, il se deslogeoit de bonne heure. A ceste fois il fut cōtraint par son frere le Marquis de Montagu (lequel estoit tres-vailant Cheualier, de descendre à pied, & d'enuoyer les cheuaux. Tellement se porta ceste iournee, que ledit Comte mourut, & son frere le Marquis de Montagu, & grand nombre de gens de bien : & fut la desconfiture tres-grande : car la deliberation du Roy Edouard estoit, quand il partit de Flandres, qu'il n'yseroit plus de ceste façon de crier. Qu'on sauuaist le peuple, & qu'on tuaist les gens de bien : comme il auoit autresfois faict en ces batailles precedētes : car il auoit conçu vne tres grande haine contre le peuple d'Angleterre, pour la faueur qu'il voyoit qu'il portoit au Comte de Vvaruic, & aussi pour autres raisons : pourquoy à ceste fois ils ne furent pour espargnez. Du costé du Roi Edoüard mourut quinze cens hommes : & fut ceste bataille fort combatuë.

Au iour de ladicte bataille estoit le Duc de Bourgongne deuant Amiens, & eut lettres de la Duchesse sa femme, que le Roi Edoüard n'estoit pas content de lui, & que l'ayde qui luy auoit esté fait, auoit esté fait en mauuaise sorte, & à grand regret, & qu'a peu tint qu'il ne l'eust abandonné. Et pour dire la verité, l'amitié ne fut iamais grande depuis : toutesfois il en fit son profit : & fit fort publier ceste nouuelle. I'ay oublié à dire comment le Roy Henry fut mené en ceste bataille. Le Roy Edouard le trouua à Londres : Ledit Roy Henri estoit homme fort ignorant, & quasi insensé : &, si ie n'en ai oui mentir, incontinent apres ceste bataille,

Car le Roy
v.
Henry v.
Roy d'An-
glaterr. quē

le Duc de Clocestre, frere dudit Roy Edoüard, (lequel depuis a esté Roy Richard) tua de sa main, où fit tuër en sa presence, quelque lieu à part, ce bon homme le Roy Henry.

Le Prince de Galles (dont i'ay parlé) à l'heure de ceste bataille estoit ia descendu en Angleter-

*Le vieil ex-
empla en-
cor en ce
lien dextre:
& à la ve-
rité, i'ay-
merois
mieux lire
par tous cy
deuant de
Excestre, ou
Cesire.
Prince de
Galles de-
fait par le
Roy Edoü-
ard.*

re: & estoient ioints avec luy les Ducs de Clocestre & de Sombresset, & plusieurs de sa lignee, & des anciens partisans, & y estoient plus de quarante mille personnes (comme ont dit ceux qui y estoient) & , quand le Comte de Vvauc l'eust voulu attendre, il y a grande apparence qu'ils fussent demeurez les seigneurs & maistres: mais la crainte qu'il auoit dudit de Sombresset, (dont il auoit faict mourir pere & frere) & aussi de la Royne Marguerite, mere dudit Prince, qu'il craignoit, fut cause de le faire combattre tout à part soy, sans les attendre. Regardez doncques combien durent ces anciennes partialitez, & combien elles sont à craindre, & les grands dommages qui en aduiennent. Incontinent que le Roy Edoüard eut gagné ceste bataille, il tira au deuant dudit Prince de Galles: & là y eut vne tres-grosse bataille. Car ledict Prince de Galles auoit plus de gens, que le Roy: toutesfois ledict Roy Edoüard en eut la victoire: & fut le Prince de Galles tué sur le champ, & plusieurs autres grands Seigneurs, & tres-grand nombre de peuple: & le Duc de Sombresset pris, lequel eust le lendemain, la teste tranchée. En onze iours, gagna le Comte de Vvaruic, tout le Royaume d'Angleterre, au moins il le mit en son obeissance. Le Roy Edoüard, le regaigna en * vingt iours: mais il y eust

*vingt &
un v.*

deux grosses batailles & aspres. Ainsi voyez quelles sont les mutations d'Angleterre. Ledit Roy Edouard feit mourir beaucoup de peuple en plusieurs lieux, par especial de ceux qui auoient faict les assemblees contre luy. De tous les peuples du monde, celuy d'Angleterre est le plus enclin en ses batailles. Apres ceste iournee est demouré le Roy Edouard pacifique en Angleterre iusques à sa mort : mais non pas sans grand trauail d'esprit, & grandes penrees. Je me veux cesser de plus vous aduertir de ces faicts d'Angleterre, iusques à ce qu'ils seruent à propos en quelque autre lieu.

Comment guerre se renouuela entre le Roy Louis & le Duc Charles de Bourgongne, à la sollicitation des Ducs de Guienne & de Bretagne.

C H A P. VIII.

LE dernier endroit où ie me suis teu de nos affaires de pardeçà, a esté au partement que feit le Duc de Bourgongne deuant Amiens, & aussi du Roy : qui de son costé se retira en Touraine, & le Duc de Guienne son frere en Guienne, lequel ne cessoit de continuer la poursuite du mariage où il pretendoit avec la fille du Duc de Bourgongne, comme i'ay dit cy-deuant. Ledit Duc de Bourgongne monstroït tousiours y vouloir entendre : mais iamais n'en eut le vouloir : ains en vouloit entretenir chacun, comme i'ay dit, & puis luy souuenoit des termes qu'on luy auoit tenus pour le cōtraindre à faire ce mariage : & vouloit tousiours le Comte de Saint

Paul, Connestable de France, estre moyennneur de ce mariage. D'autre costé le Duc de Bretagne vouloit que ce fust par le sien. Le Roy estoit d'autre part, pour le rompre, tres-embesogné: mais il n'en estoit point de besoin, pour deux raisons que i'ay dit ailleurs, & aussi que le Duc de Bourgongne n'eust point voulu de si grand gendre. Car il vouloit marchander de ce mariage par tout, comme i'ay dit. Ainsi le Roy se mettoit en peine pour neant (mais il ne pouuoit sçauoir les pensees d'autrui) & n'est point de merueilles, si le Roy en auoit crainte: car son frere eust esté bien grand, si ce mariage eust esté faict. Car, le Duc de Bretagne ioinct avec lui, l'estat du Roy, & de ses enfans, eust esté en peril. Et sur ces propres entrefaites alloient & venoient maints Ambassadeurs des vns aux autres, tant secrets que publiques.

*Le Duc de
Bour.mar-
chandoit
du maria-
ge de sa fil-
le sans co-
glure.*

*Digression
sur la ma-
tiere d'en-
uoyer & re-
cevoir Am-
bassadeurs*

Ce n'est pas chose trop seure de tant d'allees ne de venues d'ambassades: car bien souuent s'y traitent de mauuaises choses, toutesfois il est necessaire d'en enuoyer & d'en receuoir. Et pourroient demander ceux qui liront cest article, les remedes que ie voudroie qu'on y donnast, & que c'est chose impossible d'y pouruoir. Je sçai bien qu'assez en y a, qui mieux en sçauoient parler que moy: mais voicy que ie feroie. Ceux qui viennent des vrais amis, & où il n'y a point de matiere de suspicion, ie seroie d'aduis qu'on leur feist bonne chere, & eussent permission de veoir le Prince assez souuent selon la qualité dont se-
toit la personne dudit Prince: i'enten qu'il soit sage & honneste: car quand il est au contraire, le moins le monstrier est le meilleur. Et quand

il le faut veoir, qu'il soit bien vestu, & bien informé de ce qu'il doit dire, & l'en retirer tost. Car l'amitié qui est entre les Princes, ne dure point tousiours.

Si les Ambassadeurs, secrets ou publiques, viennent de par Prince, ou la haine soit telle, que l'ay veüe continuelle entre tous ces Seigneurs dont j'ay parlé ci-deuant, lesquels j'ay cognus & hantez en mon temps, il n'y a pas grand seureté, selon mon aduis. On les doit bien traiter & honorablement recueillir: comme enuoyer au deuant d'eux, & les faire bien loger, & ordonner gens seurs & sages pour les accompagner, qui est chose seure & honneste. Car par là on sçait ceux qui vont verseux, & garde-on les gens legers, & mal contents, de leur porter nouvelles: car en nulle maison tout n'est content. D'auantage, ie les voudroie tost ouir & depescher (car ce me semble tres-mauuaise chose que tenir les ennemis chez soy) & de les faire festoyer, deffrayer, faire presens, cela n'est que honneste.

Encores me semble que, quand la guerre seroit ia commencee, si ne doit l'on rompre nulle pratique, ni ouuerture qu'on face de paix (car on ne sçait l'heure qu'on a affaire:) mais les entretenir toutes, & ouyr tous messagers, faisans les choses dessusdites, & faire faire bon guet: quels gens iroient parler à eux, & qui leur seroient enuoyez, tant de iour que de nuict: mais le plus secrettement que l'on peut. Et pour vn message ou Ambassadeur, qu'ils m'enuoyeroient, ie leur en enuoyeroie deux, & encores qu'ils s'en ennuiaissent, disans qu'on

n'y renuoyast plus, si voudroie y renuoyer, quād i'en auroie opportunité, & le moyen. Car vous ne sçauriez enuoyer espie si bonne, ne si seure, ne qui eust si bien ley de veoir & d'entendre : &, si vos gēs sont deux ou trois, il n'est possible qu'on se sçeust si bien donner garde quel vn ou l'autre n'ait quelques paroles * ou sentement de quel qu'un. I'enten tenans termes honnestes : comme on tient à Ambassadeurs. Et est de croire qu'un sage Prince met tousiours peine d'auoir quelque amy, ou amis avecques partie aduerse, & s'en garde comme il peut : car, en telles choses on ne faict point comme l'on veut. On pourra dire que vostre ennemi en fera plus orgueilleux. Il ne m'en chaut : car aussi ie sçauray plus de ses nouvelles : & à la fin du compte, i'en auray le profit & honneur. Et combien que les autres pourroient faire le semblable chez moy, si ne laisseroie-je point à y enuoyer : & à ceste fin entretiendroie toutes pratiques, sans en rompre nulles, pour tousiours trouuer matieres. Puis les vns ne sont point tousiours si habiles que les autres, ne si entendus, nen'out tant veu d'experience de ces matieres, ni aussi n'ont tant de besoin : & en ces cas ici, les plus sages le gagnent tousiours. Je vous en veux monstrier exemple manifeste. Iamais ne se mena traitté entre les François & Anglois, que le sens des François, & leur habilité, ne se monstrast par dessus celle des Anglois, & ont les Anglois vn mot commun : qu'autresfois m'ont dit, traittant avec eux. C'est que aux batailles qu'ils ont euës avec les François, tousiours ou le plus souuent, ils ont eu le gain : mais en tous traittez, qu'ils ont eu à conduire

* ou secrettement, ou autrement à quelcun v.

qui en aura le profit en aura l'honneur.

François plus habiles en traittez qu'Anglois.

avecques eux, ils y ont eu perte & dommage. Et seurement, à ce qu'il m'a tousiours semblé, i'ay cognu gens en ce Royaume, aussi dignes de conduire vn grand accord, que nuls autres que i'aye cognus en ce monde, & par especial de la nourriture de nostre Roy. Car en telles choses faut gens complaisans, & qui passent toutes choses & toutes paroles pour venir à la fin de leur maistre: & tels les vouloit-il comme i'ay dit. I'ay esté vn peu long à parler de ces Ambassadeurs, & cōme on y doit auoir l'œil. Mais ce n'a point esté sans cause: car i'ay veu, & sçeu, faire tant de tromperies & mauuaistiez, sous telles couleurs, que ie ne m'en suis peu taire ne passer à moins.

Tant fut demeuré le mariage, dont i'ay parlé ci-dessus, du Duc de Guiēne & de la fille du Duc de Bourgongne, qu'il s'en feit quelque promesse de bouche, & encores quelques mots de lettres: mais autant en ay-ie veu faire avec le Duc Nicolas de Calabre & de Lorraine, fils du Duc Iean de Calabre, dont a esté parlé cy denant. Sēblablement s'en feit avec le Duc de Sauoye, Philibert, dernier mort, & puis avec le Duc Maximilian d'Autriche, Roy des Romains auourd'huy, & seul fils de l'Empereur Federic. Cestui-là eut lettres escrites de la main de la fille par le commandement du pere, & vn diamant. Toutes ces promesses se firent en moins de trois ans de distance: & suis bien seur qu'avecques luy nul ne l'eust accompli, tant qu'il eust vescu, au moins de son consentement: mais le Duc Maximilian, puis Roy des Romains, s'est aidé de ceste promesse, comme ie diray ci-apres. Et ne

*Memoires
de Commi-
nes à qui
sont pro-
pres.*

compte pas ces choses pour donner charge à celuy, ou à ceux dont i'ay parlé: mais seulement pour dire les choses comme ie les ai veues aduenir. Aussi fai-ie mon compte que les bestes, ne simples gens, ne s'amuseront point à lire ces Memoires: mais Princes, ou autres gens de Cour, y trouueront de bons aduertissemens, à mon aduis. Tousiours en parlant de mariage, se parloit d'entreprises nouvelles contre le Roy: & estoient avec le Duc de Bourgongne le Seigneur d'Vrfé, Poncet de Riuière, & plusieurs autres petits personages: lesquels alloient & venoient pour le Duc de Guiëne: & estoit l'Abbé de Begard, puis Euesque de Lyõ, pour le Duc de Bretagne: & remōstroit audit Duc de Bourgongne, que le Roy pratiquoit les seruiteurs dudit Duc de Guienne, & en vouloit retirer les vns par amour, les autres par force: & qu'il auoit ia fait abbatre vne place, qui estoit à Monseigneur d'Estissac, seruiteur du Duc de Guienne: & plusieurs autres voyes de fait, estoient ia commenees: & auoit le Roy soustrait aucuns seruiteurs de sa maison parquoy concluoyent qu'il vouloit recouurer Guienne, comme il auoit faict Normandie autresfois; apres qu'il l'eut baillee en partage: comme auez ouy. Le Duc de Bourgongne enuoyoit souuent deuers le Roy, pour ses matieres. Le Roy respondoit que c'estoit le Duc de Guienne, son frere, qui vouloit eslargir ses limites, & qui commençoit toutes ces brigues, & qu'au partage de son frere ne vouloit point toucher.

Or voyez vn peu comme les affaires & broüillis de ce Royaume sont grâs (ainsi qu'ils se peur-

uent bien * apparoir, par aucun temps) quand il est en discord, & comme ils sont pesans & mal aisez à conduire, & loing de fin, quand ils sont commencez: car, encores qu'ils ne soyent au commencement que deux ou trois Princes, ou moindres personages, auant que ceste feste ait duré deux ans, tous les voisins y sont conuiez. Toutesfois quand les choses commencēt, chacun en pense voir la fin en peu de temps: mais elles sont bien à craindre, pour les raisons que verrez en continuant ce propos. A l'heure dont ie parle, le Duc de Guienne ou ses gens, & le Duc de Bretagne, prioient au Duc de Bourgogne, qu'en rien il ne se vouldist aider des Anglois, qui estoient ennemis du Royaume (car tout ce qu'ils faisoient estoit pour le bien & soulagement du Royaume) & que quand luy seroit prest, ils estoient assez forts, & qu'ils auoient de tresgrandes intelligēces avecques plusieurs Capitaines & autres. Vn coup me trouuai present, que le Seigneur d'Vrfé disoit ces paroles audict Duc, lui priant faire diligence & mettre sus son armee: & ledit Duc m'appella à vne fenestre, & me dit, Voila le Seigneur d'Vrfé qui me presse faire mon armee la plus grosse que ie puis: & me dit que nous ferons le grand bien du Royaume. Vous semble-il si i'y entre avecques la compagnie que i'y meneray, que i'y face guerres de bien? Je luy respondi en riant, qu'il me sembloit que non. Et il me dit ces mots, I'ayme mieux le bien du Royaume de France, que M^oseigneur d'Vrfé ne pense: car pour vn Roy qu'il y a, i'y en voudroye six.

*En quels s^{es}
le Duc de
Bourg. ai-
moit le
Royaume
de France.*

En ceste saison dont nous parlons, le Roy Edouard d'Angleterre (qui cuidoit veritablemēt

que ce mariage, dont i'ay parlé, se deust traiter: & en estoit deceu comme le Roy) trauailloit fort, avecques ledit Duc de Bourgongne, pour le rompre, alleguant que le Roy n'auoit point de fils, & que s'il mouroit ledit Duc de Guienne s'attendoit à la Couronne: & par ainsi, si ce mariage se faisoit, toute Angleterre seroit en grand peril d'estre destruite (veu tant de Seigneuries ioinctes à la couronne) & prenoit merueilleusement ceste matiere à cœur, sans besoin qu'il en fust: & si faisoit tout le conseil d'Angleterre: ne pour excuse, qu'en sceust faire le Duc de Bourgongne, les Anglois ne l'en vouloient croire. Le Duc de Bourgongne vouloit (nonobstant les requestes que faisoient les gens des Ducs de Guienne & de Bretagne, qu'il n'appelaist nuls estrangers) que neantmoins le Roy d'Angleterre feist la guerre par quelque bout: & il eust faict volontiers semblant de n'en scauoir rien, & de ne s'en empescher point, iamaïs les Anglois ne l'eussent faict. Plustost eussent aidé au Roy, pour ceste heure là, tant craignoient que ceste maison de Bourgongne ne se ioignist à la Couronne de France par ce mariage. Vous voyez (selon mon propos) tous ces Seigneurs icy bien empeschez: & auoient de tous costez tant de sages gens, & qui voyoient de si loing que leur vien estoit point suffisante à veoir la moitié des choses qu'ils preuyoient, & bien y parut: car tous sont finis en ce trauail & misere, en bien peu d'espace de temps, les vns apres les autres.

Chacun a eu grand' ioye de la mort de son compaignon, quand le cas est aduenu (comme chose

chose tres-desiree, & puis leurs maistres sont allez tost apres, & ont laissé leurs successeurs bien empeschez : sauf nostre Roy qui regne de present: lequel a trouué son Royaume en paix, avec tous les voisins & sujets, & luy auoit le Roy son pere fait mieux que iamais n'auoit voulu ou sceu faire pour luy: car de mon temps ne le vei iamais sans guerre : sauf bien peu de temps auant son trespas.

En ce temps, dont ie parle, estoit le Duc de Guienne vn peu malade. Les vns le disoient en grand danger de mort, les autres disoient que ce n'estoit riens. Ses gens pressoient le Duc de Bourgogne de se mettre aux champs, car la saison y estoit propre. Ils disoient que le Roy auoit armee aux champs : & estoient ses gens deuant Sainct Iean d'Angely, ou à Xainctes, ou és enuiron. Tant feirent que le Duc de Bourgogne tira à Arras : & là s'amassoit l'armee, & puis passoit outre, vers Peronne, Roye, & Mondidier : & estoit l'armee tres-puissante, & plus belle qu'il eust iamais eüe : car il y auoit douze cens Lances d'Ordonnance qui auoient trois Archers pour Hommes d'armes, & le tout bien en point, & bien montez. Car il y auoit en chacune compagnie dix Hommes d'armes d'auantage, sans le Lieutenant, & ceux qui portoient les enseignes. Les nobles de ses pais tres-bien en point : car ils estoient bien payez & & cōduits par notables Cheualiers & Escuyers, & estoient ces pays fort riches en ce temps.

Comment la paix finale, qui se traittoit entre le Roy & le Duc de Bourgogne fut rompuë, au moyen de la mort du Duc de Guienne : & comment ces deux grands Princes taschoient à se tromper l'un l'autre.

CHAP. IX.

v. Cran.

EN faisant ceste armee (dont ie parle) vindrent deux ou trois fois deuers luy le Seigneur de Cran, & le Chancelier de France appelé Messire Pierre Doriol : & secrettement se traitta entr'eux paix finale, qui iamais ne s'estoit peu trouuer, pour ce que ledit Duc vouloit r'auoir Amiens & Sainct Quentin, dessus nommees & le Roy ne les vouloit pas redre. Or maintenant s'y accorda, voyant cest appareil, & esperant venir aux fins que vous entendrez. Les conditions de ceste paix estoient que le Roy redroit audict Duc, Amiens & Sainct Quentin, avec ce dont estoit question : & luy abandonnerent les Comtes de Neuers & de sainct Paul, Connestable de France, & toutes leurs terres, pour en faire à son plaisir, & les prendre comme siennes, s'il pouuoit : & ledit Duc luy abandonnoit semblablement les Ducs de Guienne & de Bretagne, & leurs Seigneuries, pour faire ce qu'il pourroit. Ceste paix iura le Duc de Bourgogne (& y estoye present) & aussi la iurerent le Seigneur de Cran & le Chancelier de France pour le Roy, lesquels partirent d'avecques ledit Duc, & luy conseillerent de ne rompre point son armee, mais l'auancer, afin que le Roy leur

*Nouvelle
paix fran-
doise en-
tre le Roy
& le Duc
de Bourg.*

*Le Chancelier de
France, con-
seille con-
tre le Roy.*

maistre fust plus enclin de bailler promptement la possession des deux places dessus nommees : & emmenerent avec eux Simon de Quinchy pour voir iurer le Roy, & confermer ce qu'auoient fait ses Ambassadeurs. Le Roy delaya ceste confirmation par aucuns iours, & cependant suruint la mort de son frere le Duc de Guienne, Sur ces entrefaictes : & comme ledit Duc estoit prest à partir d'Arras, luy suruint deux nouuelles. L'une fut que le Duc Nicolas de Calabre & de Lorraine, heritier de la maison d'Anjou, fils du Duc Iean de Calabre, vint là deuers luy, touchant le mariage de ceste fille & le recueillit ledit Duc tresbien, & luy donna bonne esperance de la conclusion. Lendemain (qui fut le quinziemesme iour de May, mil quatre cens septante deux, comme il me semble) vindrent lettres dudit Simon de Quinchy (lequel estoit deuers le Roy, Ambassadeur pour iceluy Duc de Bourgongne) contenant que le Duc de Guienne estoit tres-passé, & que ia le Roy auoit pris vne grand' partie de ses places.

Incontinent en vindrent aussi messagers de diuers lieux, & parloient de ceste mort differremment. Peu de temps apres s'en retourna mesmement ledit Simon, r'enuoyé par le Roy avecques tres-maigres paroles, sans rien vouloir iurer : dont ledit Duc se tint fort mocqué & mesprisé, & en eut tres-grand despit. Semblablement ses gens (en faisant la guerre, tant pour ceste cause que pour autres, que pouuez auoir assez entenduës) disoient paroles vilaines & incroyables du Roy : & ceux du Roy ne s'y faignoient de guerres.

1472

*Le Roy en
mauvaise
bouche de
ses serui-
seurs, mes-
mes à l'oc-
casion de la
mort de son
frere.*

*Le Duc de
Bourg fait
mauvaise
guerre con-
tre sa con-
sue.*

Ledit Duc estant fort desesperé de ceste mort, & luy enhorté par aucuns, dolens pour icelle, escriuit lettres à plusieurs villes, à la charge du Roy. A quoy profita peu, car riens ne s'en meut mais ie croy bien, si ledit Duc de Guienne ne fust point mort, que le Roy eust eu beaucoup d'affaires. Car les Bretons estoient prests, & auoient beaucoup d'intelligences dedans le Royaume, & plus que iamais n'auoient eu : lesquelles failloient toutes à cause de ceste mort. Sur ce courroux se meit aux champs ledit Duc, & prit son chemin vers Nesle en Vermandois : & commença exploit de guerre ord & mauuais, & dont il n'auoit iamais vsé : c'estoit de faire mettre le feu par tout où il arriuoit. Son Auantgarde alla mettre le siege deuant ledit Nesle : qui gueres ne valloit : & y auoit vn nombre de Francs-Archers. Ledit Duc demoura logé à trois lieues prez de-là. Ceux de dedans tuerent vn Herault, en les allant sommer. Leur Capitaine faillit dehors à seureté, pour cuider composer, il ne peut accorder, & comme il rentra dedans la place ils estoient en trefue à cause de la faillie, & estoient ceux de dedans tous decouverts sur la muraille, sans ce qu'on leur tiraist : toutesfois ils tuerent encores deux hommes. Pour ceste cause fut desdite la trefue : & manda à Madame de Nesle, qui estoit dedans, qu'elle faillist, & ses seruiteurs domestiques avec ses biens. Ainsi le feit : & incontinent fut la place assaillie, & prise, & la plus part tuez. Ceux qui furent pris vifs, furent pendus : sauf aucuns que les Gensd'armes laisserent courre par pitié : Vn nombre assez grand eurent les poings

coupez. Il me desplaist de dire ceste cruauté: mais i'estoye sur le lieu:& en faut dire quelque chose. Il faut dire que le Duc estoit passionné de faire si cruel acte, ou que grande cause le mouuoit. Il en alleguoit deux: l'vne il parloit apres autruy estrangement de ceste mort du Duc de Guienne. Outre auoit vn autre desplaisir que vous auez peu entendre, c'est qu'il auoit vn merueilleux despit d'auoir perdu Amiens & Saint Quentin: dont auez ouy parler.

Il pourra sembler au temps aduenir à ceux qui verront cecy, qu'en ces deux Princes n'y eut pas grand' foy, ou que ie parle mal d'eux. De l'vn ne de l'autre ne voudroye mal parler, & à nostre Roy suis tenu, comme chacun sçait: mais pour continuer ce que vous, Monseigneur l'Archeuesque de Vienne, m'auiez requis, est force que ie die partie de ce que ie sçay en quelque sorte qu'il soit adueni. Mais quand on pensera aux autres Princes, on trouuera ceux cy grands, & nobles & notables, & le nostre tref-sage, lequel a laissé son Royaume accru, & en paix avec tous ses ennemis.

Or voyons donc lequel de ces deux Seigneurs vouloit tromper son compagnon, à fin que si pour le temps aduenir cecy tombe entre les mains de quelque ieune Prince, qui ait à conduire semblables affaires, il ait meilleure cognoissance pour auoir veu ce poinct, de se garder d'estre tompé. Car, combien que les ennemis ne les Princes ne soient point tousiours semblables, encores que les matieres ne le fussent, si fait-il bon d'estre informé des choses passées. Pour en declarer mon aduis, ie cuide

*Le Roy &
le Duc de
Bourg.
cherchent
à s'entre-
tromper.*

estre certain que ces deux Princes icy alloyent tous deux en intention de tromper son compaignon, & que leurs fins estoient assez semblables, comme vous orrez, Tous deux auoient leurs armées prestes, & aux champs. Le Roy auoit ja pris plusieurs places, & en traittant ceste paix pressoit fort son frere, la estoient venus vers le Roy le Seigneur de Coucton, Patus, Foucart & plusieurs autres, & auoient laissé le Duc de Guienne. L'armée du Roy estoit enuiron la Rochelle, & auoit grande intelligence dedans, & marchandoient fort ceux de la uille, tât pour ce bruit de pais, que pour la maladie qu'auoit ce Duc, & cuide l'intention du Roy telle (s'il eust acheué son entreprise aupres de là, & que son frere vint à mourir) qu'il ne iureroit point ceste paix: mais aussi, que s'il trouuoit forte partie, il la iureroit, & executeroit ses promesses, pour s'oster de peril. Si compassa fort bien son temps: & faisoit vne merueilleuse diligence: & auez bien entendu comme il dissimula à Simon de Quinchi, bien l'espace de huit iours, & que cependant aduint ceste mort. Or sçauoit il bien que ledit Duc de Bourgogne desiroit tant la possession de ces deux villes, qu'il ne l'oseroit courroucer, & qu'il luy feroit couler doucement quinze ou vingts iours (comme il feit) & que cependant il verroit quel il y feroit.

Puis que nous auons parlé du Roy, & des moyens qu'il auoit en pensee pour tromper le Duc, faut dire quelle estoit la pensee du Duc enuers le Roy, & ce qu'il luy gardoit, si la mort dessusdite ne fust suruenüe. Simon de Quinchy auoit commissiõ de luy, & à la requeste du Roy

d'aller en Bretagne, apres qu'il auroit veu iurer la paix : & receu les lettres de confirmation de ce que les Ambassadeurs du Roy auroient fait, & signifier audit Duc de Bretagne le contenu de la paix ; & aussi aux Ambassadeurs du Duc de Guienne, qui estoient là, pour en aduertir leur maistre, lequel estoit à Bordeaux. Et le vouloit ainsi le Roy, pour faire plus grand espouuantement aux Bretons, de se voir ainsi abandonnez de celuy où estoit leur principale esperance. En la compagnie dudit Simon de Quinchi estoit vn Cheuaucheur d'Escurie dudit Duc, qui auoit nom Henry : natif de Paris, sage compagnon, & bien entendu, lequel auoit vne lettre de creance, adressanté audit Simon, escrite de la main dudit Duc, mais il auoit commission de ne la bailler point audit Simon, iusques à ce qu'il fust party d'avec le Roy, & arriué à Nantes deuers le Duc, & à l'heure luy deuoit bailler ladite lettre, & dire sa creance: qui estoit qu'il deust dire au Duc de Bretagne, qu'il n'eust nulle doute ne crainte que son maistre n'abandonast le Duc de Guienne, ne luy, mais les secourroit du corps & des biens, & que ce, qu'il auoit fait, estoit pour euite la guerre, & pour recouurer ces deux villes, Amiës & Sainct Quentin: que le Roy luy auoit ostées en temps de paix, & contre sa promesse. Et luy deuoit dire aussi comme ledit Duc son maistre enuoyeroit de notables Ambassadeurs deuers le Roy, incontinent qu'il seroit faisi de ce qu'il demandoit, ce qu'il eust fait sans difficulté, pour luy demander & supplier se vouloit deporter de la guerre & entreprinse qu'il

auoit contre ces deux Ducs, & ne se vouloit arrester aux sermens qu'il auoit faits: car il n'estoit deliberé de les tenir: non plus qu'il luy auoit tenu le traitté qui auoit esté fait deuant Paris, qu'on appelle le Traitté de Cōflāns, ne celuy qu'il iura à Peronne, & que long temps apres il auoit confermé: & qu'il scauoit bien qu'il auroit pris ces deux villes contre sa foy & en tēps de paix, parquoy deuoit auoir patience qu'en semblable façon il les eust recouurees. Et, en tant que touchoit les Comtes de Saint Paul, Connestable de France, & de Neuers, que le Roy luy auoit abandonnez, il declaroit que nonobstant qu'il les hayst, & en eust bien cause, si vouloit-il remettre ces iniures, & les laisser en leur entier, suppliant au Roy qu'il voulsist faire le semblable de ces deux Ducs, que le Duc de Bourgongne luy auoit abandonnez, & qu'il luy pleust que chacun vesquit en paix, & en seurété, & en la façon & maniere qu'il auoit esté iuré & promis à Conflans, où tous estoient assemblez, en luy declarant qu'au cas qu'il ne voulsist ainsi le faire, il secourroit ses alliez, & deuroit desia estre logé en champ, à l'heure qu'il manderoit ces paroles. Or autrement en aduint. Ainsi l'homme propose & Dieu dispose: car la mort qui depart toutes choses, & change toutes conclusions, en fait venir autre outrage, comme auez entendū & entendez: car le Roy ne bailla point ces deux villes, & si eut la Duché de Guienne, par la mort de son frere, comme raison estoit.

Comment le Duc de Bourgogne voyant qu'il ne se pouuoit saisir de Beauuais, deuant laquelle il auoit planté son Camp, s'en alla deuant Roüen.

C H A P. X.

P Our retourner à la guerre dont cy deuant
ay parlé, & comme furent traittez vn tas de
pauures Fracs-Archers, qui auoient esté pris
dedans Nesle, au partir de là, s'en alla loger le
Duc deuât Roye: où il auoit quinze cens Fracs-
Archers, & vn nombre d'Hommes d'armes
d'Arriereban. Si belle armee n'eut iamais le
Duc de Bourgogne, que lors. Le lendemain
qu'il fut arriué, commencerent à auoir paour
ces Fracs-Archers: & se ietterent par les mu-
railles: & se vindrent rendre à luy. Le lendemain
ceux qui estoient encores dedans, composerent
& laisserent cheuaux & harnois, sauf que les
Hommes d'armes en amenerent chacun vn
courtout. Le Duc laissa gens en la ville, & vou-
lut faire desemparer Mondidier: mais pour
l'affection qu'il veit que le peuple de ces Cha-
stellenies luy portoit, il la feit reparer: & y laissa
gens. Partant de là, feit son compte de tirer en
Normandie, mais passant pres de Beauuais, alla
courre Monseigneur des Cordes deuant: lequel
menoit son Auant-garde. D'entree ils prirent
ce faux-bourg, qui est deuant l'Euesché: & là
prit vn Bourguignon tres-auaricieux, appellé
messire Iaques de Montmartin: qui auoit cent
Lances: & trois cens Archers de l'Ordonnan-
ce dudit Duc, Monseigneur des Cordes assaillit

Roye ven-
due au
Duc de
Bourg.

Beauuais
assiégé par
le Duc de
Bourg.

d'un autre costé : mais ses eschelles estoient courtes , & n'en auoit gueres. Il auoit deux canons qui tirerent au trauers de la porte , deux coups seulement , & y firent vn grand trou : & s'il eust eu pieces pour continuer il y fust entré sans doute : mais il n'estoit point venu fourny pour tel exploit : parquoy estoit mal pourueu. Dedans n'y auoit que ceux de la ville au commencement : sauf Loyset de Baligny , qui auoit quelque peude gēs d'Arrierebā : & lequel estoit Capitaine de la ville. Mais cela ne pouuoit sauuer la ville : ains voulut Dieu qu'elle ne se perdist pas ainsi : & en monstra grandes enseignes. Car ceux de Monseigneur des Cordes combattoient , main à main par le trou , qui auoit esté fait en la porte : & , sur cela , manda au Duc de Bourgogne par plusieurs messagers , qu'il vinst , & qu'il pouuoit estre seur que la ville estoit sienne. Cependant que ledit Duc mist à venir , quelqu'un de ceux de dedans aduisa , & apporta des fagots allumez pour ietter au visage de ceux qui s'efforçoient à rompre la porte. Tant y en mirent , que le feu se prist au portail , & quil fallust que les assaillans se retirassent , iusques à ce que le feu fust esteint. Ledit Duc arriua , qui semblablement tenoit la ville prise , pourueu que ce feu fust esteint : qui estoit tresgrand : car tout le portail estoit en feu. Et quand ledit Duc eust voulu loger vne partie de l'armee , du costé de Paris , la ville n'eust pñu eschapper de ses mains : car nul n'y eust peu entrer , mais Dieu voulut qu'il feist doute , là où il n'y en auoit point : car pour vn petit ruisseau , qui estoit à passer , il feit

*Les Français
de Guag.
Baligny.*

ceste difficulté. Et depuis qu'il y eut largement Gens-d'armes, il le vouloit faire, qui eust esté mettre son ost en peril, & à grande peine l'en peut-on demouuoir, & fut le vingt-huictiesme iour de Iuin, l'an mil quatre cens septante deux. Ce feu dont i'ay parlé dura tout le iour: & y entrèrent deuers le soir dix Lances d'Ordonnance seulement: comme m'a esté compté, car i'estoye encores avec le Duc de Bourgongne, mais ils ne furent point veus, pource que chacun estoit empesché à se loger, & aussi n'y auoit nul de ce costé. A l'aube du iour commença à approcher l'artillerie dudit Duc: & tost apres veismes entrer gens largement: au moins enuiron deux cens hommes d'armes, & croy, que s'ils ne fussent venus, que la ville eust mis peu à soy composer. Mais en la cole-re où estoit le Duc de Bourgongne, comme auez peu entendre cy-dessus, il desiroit à la prendre d'assaut, & sans doute il l'eust bruslee, si ainsi fust aduenu, qui eust esté tresgrand dommage, & me semble qu'elle fut preseruee par vray miracle, & non autrement. Depuis que ces gens y furent entrez, l'artillerie dudit Duc tira continuellement l'espace de quinze iours ou enuiron: & fut la place aussi bien battus que iamais place fut, & iusques en l'estat d'assaillir. Toutesfois aux fossez y auoit de l'eau: & fallut faire vn pont de l'vn des deux costez de la porte bruslee, & de l'autre costé de ladite porte on pouuoit joindre iusques aux murs, sans danger, sauf d'une seule canonniere, qu'on ne sceut battre: pource qu'elle estoit fort basse.

C'est bien grand peril, & grande folie d'as-

saillir si grandes gens, & encores, par dessus tout y estoit le Connestable (comme ie croy) ou logé pres de la ville (ie ne sçay lequel) le Marechal Ioachin, le Marechal de Loheac, Monseigneur de Crussol, Guillaume de Valleu, Mery de Croy, Sallezard, Theuenot de Vignoles ; tous anciens, cent Lances pour le moins Hommes d'armes de l'Ordonnance, & largement gens de pied, & beaucoup de gens de bien, qui se trouuerent avec ces Capitaines. Toutesfois delibera le Duc donner l'assaut: mais ce fut tout seul: car nul ne se trouua de ceste opinion que luy, & le soir (quand il se coucha sur son liât de camp, vestu comme il auoit accoustumé, ou peu s'en faloit) il demanda à aucuns, s'il leur sembloit bien que ceux de dedās attendissent l'assaut. Il luy fut respondu qu'ouy, veu le grand nombre de gens qui y estoient, & qu'ils estoient encores suffisans pour la defendre comme haye. Il le prit en moquerie & dit. Vous n'y trouuerez demain personne, A l'aube du iour fut l'assaut tres-bien assailly, & tres-hardiment, & encores mieux defendu, grand nombre de gens passerent par dessus ce pont : & y fut estouffé monseigneur Despiris, vn vieil Cheualier de Bourgongne, qui fut le plus homme de bien qui y mourut. De l'autre costé y en eut, qui monterent iusques dessus le mur: mais tous ne reuindrent pas. Ils combattirent main à main lōguemēt, & fut l'assault assez lōg. Autres bādes estoient ordonnees, pour assaillir apres les premiers, mais voyant qu'ils perdoient leur temps, ledit Duc les feit retirer. Ceux de dedans ne saillirent point, aussi ils pouuoient voir

*Ces deux
mois sont
rayez au
u.*

largement gens, prests à les recueillir, s'ils fussent faillis. A cest assaut moururent enuiron six vingts hommes. Le plus grand fut Monseigneur Despiris. Aucuns en cuidoient beaucoup plus. Il y eut bien mille hommes blesez, la nuict d'apres feirēt ceux de dedans vne saillie: mais ils estoient peu de gens, & la pluspart estoient à cheual, qui se mirent par le cordail des pavillons. Ils ne firent rien de leur profit, & perdirent deux ou trois Gentils-hommes. Ils blesterent vn fort homme de bien, nommé Messire Jacques d'Orson, maistre de l'artillerie dudict Duc, qui peu de iours apres mourut de ladicte blessure.

Sept ou huict iours apres cest assaut, voulut ledit Duc aller loger à la porte vers Paris, & departit son ost en deux. Il ne trouua nul de ceste opinion, veu les gens qui estoient dedans. C'estoit au commencement qu'il le deuoit faire: car à ceste heure n'en estoit pas temps. Voyant qu'il n'y auoit autre remede, il se leua, & en bel ordre. Il s'attendoit bien que ceux de dedans saillissent asprement, & par ce moyen leur porter quelque dommage: toutesfois ils ne faillirent point. Il prit de là son chemin en Normãdie: pource que il auoit promis au Duc de Bretagne d'aller iusques deuant Rouën: lequel auoit promis de s'y trouuer. Mais il chāgea propos, voyant que le Duc de Guiēne estoit mort, & ne bougea de son pays. Ledit Duc de Bourgogne vint deuant Eu (qui luy fut renduë: & Saint Valeri) & fit mettre le feu par tout ce quartier, iusques aux portes de Dieppe. Il prit le Neuf chasteau, & le fit brusler, & tout

le pays de Caux, ou la pluspart iusques aux portes de Rouën, & tira en personne iusques deuant lad. ville de Rouën. Il perdoit souuent de ses Fourrageurs, & endura son ost tresgrād fain, puis se retira pour l'yuer qui estoit venu. Des ce qu'il eut le dos tourné, ceux du Roy reprindrēt Eu & saint Valleri: & eurent pour prisonniers, sept ou huiet de ceux, qui estoient dedans par les compositions.

Comment le Roy feit appointment avec le Duc de Bretagne, & trefue avec le Duc de Bourgogne, & comment le Comte de saint Paul eschappa pour lors vne machination faicte contre luy par ces deux grands Princes.

CHAP. XI.

En quel temps Commines vint au service du Roy.

Escuyer soupçonné de la mort du Duc de Guienne.

ENuiron ce temps ie veins au seruice du Roy (& fut l'an 1472.) lequel auoit recueilli des seruiteurs de son frere le Duc de Guienne la plus grande part: & estoit au pont de See: là où ils s'estoient tiré contre le Duc de Bretagne, & luy faisoit guerre: & là vindrent deuers luy aucuns Ambassadeurs de Bretagne: & aussi y en alloit des siens. Entre les autres y vint Philippe des Essars, seruiteur du Duc, & Guillaume de Sousplenuille, seruiteur de Monseigneur de Lescut: lequel seigneur de Lescut s'estoit retiré en Bretagne, quand il veit son maistre le Duc de Guienne pres de la mort: & partit de Bordeaux, & se mist sur la mer, craignant de tomber entre les mains du Roy. Parquoy partit de boune heure: & emmena quand & luy le Confesseur du Duc de Guienne, & vn Escuyer

d'Escurie : ausquels il imputoit la mort du Duc de Guienne, & lesquels ont esté prisonniers en Bretagne par longues annees. Vn peu durerent ces allées & venuës de Bretagne, & à la fin se delibera le Roy d'auoir paix de ce costé, & de tant donner au seigneur de Lescut, qu'il le retireroit son seruiteur, & luy osteroit l'enuee de luy pourchasser mal: pourautant qu'il n'y auoit ne sens, ne vertu en Bretagne, que ce qui procedoit de luy: mais vn si puissant Duc, manié par vn tel homme, estoit à craindre, & , mais qu'il eust faict avec luy les Bretons tascheroient à viure en paix. Et à la verité, la generalité du pays ne quiert iamais autre chose: car tousiours y en a en ce Royaume de bien traittez & honorez: & ils y ont bien serui le temps passé. Aussi se trouue ce traitté que nostre Roy fit tres-sage combien qu'aucuns le blasmoient, qui ne consideroient point si auant que luy. Il eut bon iugement du seigneur de Lescut, disant qu'il ne viendroit nul peril de luy mettre entre ses mains ce qu'il y mist, & l'estimoit homme d'honneur, & que durant ces diuisions passées, il n'auoit voulu auoir intelligence avec les Anglois, ne consentir que les places de Normandie leur fussent baillees, qui fut cause de tout le bien qu'il eut. Car cela ne tint qu'à luy seul. Pour toutes ces raisons, il dit audit de Soupplenille, qu'il mist par escrit tout ce que ledict seigneur de Lescut son maistre demandoit, tant pour le Duc que pour luy, ce qu'il leut: & tout luy accorda nostre Roy. Et furent ses demandes quatre vingts mille francs de pension pour le Duc. Pour son maistre six

*Le Seign.
de Lescut
gaigné par
le Roy.*

V. le Gouvernemen-
t de
v. Lannes ou
Lannes.

mille francs de pension, la moitié de Guyenne, les deux Seneschauſſees de Vannes & de Bordeaux, la Capitainerie de l'un des Chasteaux de Bordeaux : la Capitainerie de Blaye, des deux Chasteaux de Bayonne, de Dax & de Saint-Seuer, & vingt & quatre mille escus d'or content, & l'ordre du Roy, & la Comté de Comminges. Tout fut accordé & accompli, sauf que de la pension du Duc, ne se payoit que la moitié: & dura deux ans. D'avantage donna le Roy audit de Souſplenuille ſix mille escus. I'en ten cest argent content, tant de luy que de son maistre, païé en quatre annees. Et ledit de Souſplenuille eut douze cens francs de pension, Maire de Bayonne, Baillif de Montargis, & d'autres petits eſtats en Guienne. Le tour dura à son maistre & à luy iusques au trespas du Roy Philippe des Effars, fut Baillif de Meaux, Maistre des eauls & des forests de la France, douze cens francs de pension, & quatre mille escus. Depuis ce temps, iusques au trespas du Roy nostre maistre, leur ont duré ces eſtats: & aussi Monſeigneur de Comminges luy est tousiours demouré bon & loyal ſeruiteur.

v. bout.

Tantost apres que le Roy eut appaisé ce Duc de Bretagne, il se tira vers la Picardie. Tousiours auoient de couſtume le Roy & le Duc de Bourg. incotinét que l'yuer venoit, de faire trefve pour ſix mois, ou pour vn an, au plus. Ainſi en enſuyuant leur couſtume, en feirent vne: & la vint faire le Chancelier de Bourgongne, & autres en ſa compagnie, Là fut monſtré la paix finale que le Roy auoit avec le Duc de Bretagne: par laquelle ledit Duc renonçoit à

l'alliance

l'alliance qu'il auoit faicte avec les Anglois, & Duc de Bourgogne : & pource vouloit le Roy que les Ambassadeurs du Duc de Bourgogne ne le nommassent point au nombre de leurs allies. A quoi ne voulurent entendre : & disoient qu'il seroit à son choix de se declarer de la partie du Roy, ou de la leur, dedans le temps accoustumé : & disoient qu'autresfois les auoit ledit Duc de Bretagne abandonnez par lettres : mais que parrant ne s'estoit point departi de leur amitié. Ils tenoient le Duc de Bretagne pour Prince inanié par autre sens que par le sien : mais qu'il se reuenoit tousiours à la fin, à ce qui lui estoit plus necessaire. Et fut l'an septante & trois.

*Duc de
Bretagne
manié par
auirui.*

1473.

*Le Comte
de S. Paul
hay des
deux costez*

En menant ce traité, on murmuroit des deux costez contre le Comte de S. Paul Connestable de France : & l'auoit le Roy pris à grand' haine : & les plus prochains de lui semblablement. Le Duc de Bourgogne le haïssoit encores plus : & en auoit meilleure cause (car ie suis informé à la verité des raisons des deux costez) & n'auoit point oublié ledit Duc, que le Connestable auoit esté occasion de la prise d'Amiens & de S. Quentin : & luy sembloit qu'il estoit cause & vraye nourriture de ceste guerre, qui estoit entre le Roy & lui : car en temps de trefues, lui tenoit les meilleures paroles du monde : mais dès ce que le debat commençoit, il lui estoit ennemi capital : & le Comte l'auoit voulu contraindre à marier sa fille, comme auez veu ci deuant. Encores y auoit vn autre pique : car durant que ledit Duc estoit deuant Amiens, ledit Connestable feit vne course en Hainaut : & entre les autres exploicts qu'il feit, il brusta vn chasteau

nommé Seure, qui estoit à vn Cheualier, nommé messire Baudouin de Launai. Pour le temps de lors on n'auoit point accoustumé de mettre feu, ne d'un costé ne d'autre : & prit le Duc son occasion sur cela des feux qu'il mettoit, & qu'il auoit en ceste saison mis. Ainsi se commença à pratiquer la maniere de deffaire ledit Connestable : & du costé du Roy en furent ouuertes quelques paroles, par gens qui s'adressoient à ceux qui estoient ennemis dudit Connestable, estans au seruice dudit Duc : & n'auoient point moins de suspicion sur ledit Connestable, que ledict Duc : & chacun le disoit occasion de la guerre : & se commencerent à descouurir toutes paroles & tous traittez, menez par lui, tant d'un costé que d'autre : & mettoient auant sa destruction.

Quelqu'un pourra demander ci-apres, si le Roy ne l'eust sceu faire seul. A quoi ie responds que non : car il estoit assis iustement entre le Roy & le Duc. Il tenoit Sainct Quentin en Vermandois, grosse ville & forte. Il auoit Han & Bohan, & autres tres-fortes places siennes, toutes pres dudit Sainct Quentin : & y pouoit mettre gens à toute heure, & de tel pays qu'il luy plaisoit. Il auoit du Roy quatre cens hommes d'armes, bien payez, dont luy mesme estoit commissaire, & en faisoit la monstre. Surquoy il pouoit pratiquer grand argent : car il ne tenoit point le nombre. Outre il auoit d'estat ordinaire quarante cinq mille * florins, & si prenoit vn escu pour pippe de vin, qui passoit parmi ses limites, pour aller en Flandres ou en Hainaut, & si auoit de tres-grandes Seigneuries siennes, & grandes

intelligences au Royaume de France, & aussi au pays dudit Duc, où il estoit fort apparenté.

Toute ceste annee que dura ceste trefue, s'entretenoit ceste marchandise, & s'adressoient ceux du Roy à vn Cheualier dudit Duc, appelé Monseigneur d'Hymbercourt (dont ailleurs auez ouy parler en ce liure) lequel de long tēps haïssoit tres-fort ledit Connestable, & la haine estoit renouvellee n'y auoit gueres. Car en vne assemblee, qui s'estoit tenue à Roze, où ledict Connestable & autres estoient pour le Roy, le Chancelier de Bourgongne, le seigneur d'Hymbercourt, & autres, pour ledit Duc, en parlant de leurs matieres ensemble, le Connestable démentit vilainement ledit Seigneur d'Hymbercourt. A quoy ne fait autre response * sinon qu'il n'attribuoit point ceste iniure à lui, mais au Roy (à la seureté duquel il estoit venu là pour Ambassadeur) & aussi à son maistre, duquel il representoit la personne, & qu'il luy en feroit rapport. Ceste seule vilenie & outrage, bien tost dite, cousta depuis la vie audit Connestable, & ses biens perdus : comme vous orrez ci-après.

Et pource, ceux qui sont aux grandeurs & autoritez, & les Princes, doiuent beaucoup craindre à faire, ne dire tels outrages, & regarder à qui ils les dient : car de tant qu'ils sont plus grands, portent les outrages à plus grand desplaisir & dueil : car il semble aux outragez, qu'ils en seroient plus notez, pour la grandeur & autorité du personnage qui les outrage ; & s'il est leur maistre ou leur Seigneur, ils en font desesperez d'auoir honneur ne bien de luy : & plus de gens seruent pour l'esperance des

Hymbercourt ennemi du Connestable.

Démenti cher acheté

v. sinon que s'il endureoit ceste iniure, il n'attribuast point l'honneur à luy.

biens à venir, que pour les biens qu'ils ont ja receus.

Pour reuenir à mon propos, on s'adressoit tousiours audit Seigneur d'Hymbercourt, & audit Chancelier (pource qu'il auoit eu quelque part à ces paroles dites à Roye : & aussi il estoit fort ami dudit Seigneur d'Himbercourt) & tât se demena ceste matiere, qu'on tint vne iournee à Bouuines, qui est contre Namur, sur ce propos : & y estoient pour le Roy le Seigneur de Courton, Gouverneur de Lymosin, & Maistre Iean Heberge, depuis Euesque d'Eureux : & pour ledit Duc de Bourgongne y estoient le Chancelier, dont i'ay parlé, & ledit Seigneur d'Hymbercourt : & fut en l'an septante & quatre.

1474.

Ledit Connestable fut aduerti que l'on y marchandoit à ses despens : & fait grande diligence d'enuoyer vers ces deux Princes. A chacun donnoit à cognoistre qu'il entendoit le tout : & fait tant pour ceste fois, qu'il mit en suspicion au Roy, que ledit Duc le vouloit tromper, & tirer ledit Connestable des siens. Et pourtant à grand diligence enuoya le Roy deuers ses Ambassadeurs, estans à Bouuines, leur mandant de ne conclurre rien contre ledit Connestable, pour les raisons qu'il leur diroit : mais qu'ils allongeaissent la trefue, selon leur instruction : qui fut d'un an ou six mois, ie ne sçay lequel. Comme le messager arriua, il trouua que tout estoit ia conclu, & les sceillez baillez dès le soir de deuât, mais les Ambassadeurs s'entre-entendoient si bien, & estoient si bons amis, qu'ils rendirent lesdits sceillez : qui contenoient que ledit Connestable estoit, pour les raisons qu'ils disoient,

declaré ennemi & crimineux vers tous les deux Princes : & promettoient & iuroient l'un à l'autre, que le premier des deux, qui luy pourroit mettre la main dessus, le feroit mourir dedans huit iours après, ou le bailleroit à son compaignon pour en faire à son plaisir : * & à son de *v. ou à son* trompe il seroit déclaré ennemi des deux Princes & parties, & tous ceux qui le seruiroient, & porteroient faueur ni aide. Et d'auantage promettoit le Roy bailler audit Duc la ville de S. Quentin, dont assez a esté parké : & luy donnoit tout l'argent & autres meubles dudit Connestable, qui se pourroient trouuer dedans le Royaume, avec toutes Seigneuries tenās dudit Duc : & entre les autres lui donna Han & Bohan, qui sont places tres-fortes : & à vn iour nommé, deuoient le Roy & le Duc auoir leurs gens d'armes deuant Han, & assieger ledit Connestable. Toutesfois, pour les raisons que ie vous ay dites, fut rompuë ceste conclusion : & fut entreprise vne iournee & lieu où ledit Connestable se deuoit trouuer, pour pouuoir parler au Roy en bonne feureté : car il doutoit de sa personne : comme celui qui scauoit toute la conclusion qui auoit esté prise à Bouuines, le lieu fut à trois lieues de Noyon tirant vers la Fere, sur vne petite riuierre : & auoient du costé dudit Connestable releué les guez. Sur vne chaussee qui y estoit, fut faite vne forte barriere. Ledit Connestable y estoit le premier, & avec lui tous ses gens d'armes, ou peu s'en falloit : car il auoit trois cens Gentils-hommes d'armes passez : & auoit sa cuirace sous vne robe desceinte. Avec le Roy y auoit bien six cens hommes d'armes : & entre les autres y estoit

Le Connestable vint parler au Roy, ayant une barriere enuiron de dix.

Monseigneur de Dampmartin, Grand. Maistre d'hostel de France : lequel estoit ennemi capital dudit Connestable. Le Roy m'enuoya deuant faire excuse audict Connestable dequoy il l'auoit tant faict attendre. Tost apres il vint , & parlerent ensemble : & estoient cinq ou six presens de ceux du Roy , & des siens aussi. Ledit Connestable s'excusa dequoy il estoit venu en armes, disant l'auoir faict pour crainte du Comte de Dampmartin.

Il fut dit en effect , que toutes choses passees seroient oubliees , & que iamais ne s'en parleroit : & passa ledit Connestable du costé du Roy : & fut faict l'appoinctement du Côte de Dampmartin & de luy : & vint au giste avec le Roy à Noyon : & puis le lendemain s'en retourna à S. Quentin, bien recõcilié, comme il disoit. Quand le Roy eut bien pensé & ouy le murmure des gens, il luy sembla folie d'auoir esté parler à son seruiteur , & auoir ainsi trouué vne barriere fermee au deuant de luy , & accompagné de gens d'armes tous ses suiets, & payez à ses despens : & si la haine y auoit esté parauant grande , elle l'estoit encore plus : & du costé du Connestable, le cœur ne luy estoit point appetissé.

Digression fort bien appropriee en ce lieu , sur la sagesse du Roy, & du Connestable, avec bons aduertissemens pour ceux qui sont en autorité enuers leurs Princes.

C H A P. XII.

A Bien prendre le faict du Roy , il luy procedoit de grand sens de faire ce qu'il en feist : car ie croy que ledit Connestable eut esté receu dudit Duc de Bourgogne, en lui baillant Saint

Quentin : quelques promesses qu'il y eust au contraire. Mais pour vn si sage Seigneur comme estoit ce Connestable, il prenoit mal son fait, ou Dieu luy ostoit la cognoissance de ce qu'il auoit à faire de se trouuer en telle sorte, ainsi desguisé au deuant de son Roy & de son maistre, & à qui estoient tous ces gens d'armes dont il s'accompagnoit. Et aussi il sembloit bien à son visage qu'il en fust estonné & esbahi : & quand il se trouua en sa . . . personne, & qu'il n'y auoit qu'v. ^{* en presen-}
ne petite barriere entre deux, il ne tarda gueres, ^{ce.}
qu'il ne la fist ouurir, & passa du costé du Roy. Il fut ce iour en grand danger.

Ie fai mon compte que lui & aucuns de ses priuez estimoiēt cest œuure, & tenoient à loüange de quoi le Roy le craignoit, & tenoiēt le Roy pour homme craintif, & estoit vrai que par tēps il l'estoit: mais il falloit bien qu'il y eust cause. Il s'estoit demeslé de grandet guerres, qu'il auoit eües contre les Seigneurs de son Royaume, par largement donner, & encores plus promettre: & ^{v. & ne}
cognoissoit lors qu'il auoit erré en beaucoup de ^{vouloit riē}
passages. Il a sēblé à beaucoup de gēs que paour ^{hazarder,}
& crainte lui faisoient faire ces choses: & s'en sont ^{s'il pouuoit}
beaucoup trouuez trompez, ayans ceste imagi- ^{trouuer au}
nation: qui s'enhardissoient d'entreprendre des ^{tres voyes,}
folies contre luy, estans iceux foiblement appuyez comme le Comte d'Armignac, & autres, à qui il est mal pris: car il cognoissoit bien s'il estoit temps de craindre ou non. Ie lui ose bien porter ceste loüange (& ne sçay si ie l'ay dit ailleurs, & quand ie l'autoie dit, si vaut-il bien estre dit deux fois) que iamais ie ne cognu si sage homme en aduersité.

Le Roy L.
sage en q.
nerf.

Pour continuer mon propos de Monseigneur le Connestable (qui parauanture desiroit que le Roy le craignist : & au moins ie le cuide : car ie ne le voudroie pas charger : & n'en parle sinon pour aduertir ceux qui sont au seruice des grâds Princes qui n'entendent pas tous d'une sorte les affaires de ce monde) ie conseileroie à vn mien ami, si ie l'auoie, qu'il mist peine que son maistre l'aimast : mais non pas qu'il le craignist, car ie ne vei onques homme, ayant grand' autorité avec son Seigneur par le moyen de le tenir en crainte, à qui il n'en mécheust, & du consentement de son maistre mesme. Il s'en est veu assez de nostre temps ou peu deuant, en ce Royaume: comme Monieigneur de la Trimouille, & autres. Au pays d'Angleterre, le Comte de Vvaruic, & toute sa sequelle. I'en nommeroye en Espagne, & ailleurs : mais parauanture que ceux qui verront cest article le sçauent mieux que moy. Et aduiant tref-souuent que ceste audace vient d'auoir bien serui, & qu'il semble à ceux qui en vsent que leurs merites sont tels, que l'on doit beaucoup endurer d'eux, & qu'on ne s'en peut passer. Mais les Princes au contraire, sont d'opinion qu'on est tenu à les bien seruir : & le tiennent bien en leur dit : & ne desirent qu'à se depescher de ceux qui les rudoyent.

*Les Princes
tiennent
qu'on leur
doit serui-
ce.*

Encores en ce pas, faut alleguer nostre maistre en deux choses, qui vne fois me dict parlant de ceux qui font grand seruice, (& m'en allegua son auteur, & de qui il le tenoit) que auoir trop bien serui, perd aucunesfois les gens, & que le plus souuent les grands seruices sont recompensez par grande

ingratitude: mais qu'il peut aussi bien aduenir par le defect de ceux qui ont fait lesdits seruices, qui trop arrogamment veulent vser de leur bõne fortune, tant enuers leurs maistres, que leurs compaignons; comme de la mescoissance du Prince. Me dit d'auantage, qu'à son aduis, pour auoir biens en Cour, c'est plus grand heur à vn homme, quand le Prince, qu'il sert, luy a faict quelque grand bien, à peu de desserte, parquoy il luy demeure fort obligé, que ce ne seroit, si il luy auoit fait si grand seruice, que ledit Prince luy en fust tres-fort obligé, & qu'il ayme plus naturellemēt ceux qui luy sont tenus, qu'il ne fait ceux à qui il est tenu. Ainsi en tous estats y a bien à faire à viure en ce monde: & faict Dieu grande grace à ceux à qui il donne bon sens naturel. Ceste veüe du Roy & de Monsieur le Connestable fut l'an 1474.

*Bien seruy
pourquoy
souuent mal
recompensé*



QVATRIESME LIVRE
DES MEMOIRES

du Seigneur d'Argenton, sur les principaux faicts & gestes de Louis xj. de ce nom Roy de France.

Comment le Duc de Bourgogne, s'estant saisi de la Duché de Gueldres eut enuie d'entreprendre plus outre sur les Allemagnes & comment il mit le siege deuant la ville de Nuz.

CHAP. I.



N la saison de ceste veuë (comme il me semble) le Duc de Bourgogne estoit allé prendre le pays de Gueldres, fondé sur vne querelle, qui est digne d'estre racontée pour voir les œures, & la puissance de

Dieu. Il y auoit vn ieune Duc de Gueldres appelé Adolf, lequel auoit pour femme vne des filles de Bourbon sœur de Monseigneur de Bourbon* pere, qui regne aujourd'huy: & l'auoit espousée en ceste maison de Bourgogne: & pour ceste cause en auoit quelques faueurs. Il auoit commis vn cas tres-horrible: car il auoit prins son pere

prisonnier, à vn soir, comme il se vouloit aller
coucher, & mené cinq lieuës d'Alemagne à
pied, sans chausses, par vn temps tres-froid: &
l'auoit mis au fond d'une tour, où il n'y auoit
nulle clairté, que par vne bien petite lucarne &
là le tint six mois: dont fut grande guerre entre
le Duc de Cleues (dont ledit Duc prisonnier
auoit espousé la sœur) & ce ieune Duc Adolf.
Le Duc de Bourgongne plusieurs fois les vou-
loit appointer: mais il ne peut. Le Pape & l'Em-
pereur à la fin, y mirent fort la main: & sur
grandes peines fut commandé audict Duc de
Bourgongne de tirer ledit Duc Arnoul hors de
prison. Ainsi le feit: car le ieune Duc n'osa de-
nier de le luy bailler, pource qu'il voyoit tant
de gens de bien qui s'en empeschoient, & si
craignoit la force dudit Duc. Le les voy tous
deux en la chambre du Duc de Bourgongne par
plusieurs fois, & en grande assemblée de con-
seil, où ils playdoient leurs causes, & vey le
bon homme vieil presenter le gage de bataille à
son fils. Le Duc de Bourgongne desiroit fort les
appointer, & fauorisoit le ieune, & luy offroit
le tiltre de Gouverneur en Bourgongne. Le pais
de Gueldres luy demoureroit avec tout le reue-
nu, sauf vne petite ville, assise aupres de Bra-
bant (qui à nom Graue) qui deuoit de-
mourer au pere: avec le reuenue de trois mille
Florins, & autant de pension. Ainsi le tout
luy eust valu six mille Florins: avec le til-
tre du Duc, comme raison estoit. Avec
d'autres plus sages: il fut commis à porter
ceste parole à ce ieune Duc: lequel feit response
qu'il aymeroit mieux auoit ietté son pere, la

Adolf ieune Duc de Gueldres desnature enuers Arnoul son pere.

V. C. fut offert au ieune que le tiltre de Gouverneur ou Membre du pays luy demoureroit. Response d'Adolf pleine d'horreur & impiété contre son pere.

teste deuant, en vn puits, & de l'estre ietté apres
 que d'auoit fait cest appointment, & qu'il
 y auoit quarante & quatre ans que son pere e-
 stoit Duc, & qu'il estoit bien temps qu'il le fust:
 mais tres-volontiers il luy laisseroit trois mille
 Florins par an, par condition qu'il n'entreroit
 iamais dedans la Duché: & assez d'autres pa-
 roles tres-mal sages. Cecy aduint iustement
 comme le Roy print Amies sur le Duc de Bour-
 gongne, lequel estoit avec ces deux, dont ie par-
 le, à Dourlans: où il se trouuoit tres-empesché:
 & partit soudainement pour se retirer à Hedin:
 & oublia ceste matiere. Et ce ieune Duc prit vn
 habillement de François, & partit, luy deuxiesme
 seulement, pour se retirer en son pays. En pas-
 sant vn port, aupres de Namur, il paya vn Florin
 pour son passage. Vn Prestre le vit: qui en prit
 suspicion, & en parla au passager: & regarda au
 visage celuy, qui auoit payé ledict Florin, & le
 cogneut: & là fut pris & amené à Namur, & y
 est demeuré prisonnier iusques au trespas du
 Duc de Bourgongne, que les Gantois le mirent
 dehors: & auoient vouloir de luy faire espouser
 celle, qui depuis a esté Duchesse d'Autriche, par
 force, & le menerent avec eux deuant Tournay,
 où il fut tué meschamment, & mal accompagné,
 comme si Dieu n'eust pas esté saoul de venger
 cest outrage, qu'il auoit fait à son pere. Le pere
 estoit mort auant le trespas du Duc de Bourgō-
 gne, estant encores son fils en prison: & à son
 trespas laissa au Duc de Bourgongne la succes-
 sion, à cause de l'ingratitude de son fils: & sur ce-
 ste querelle conquist le Duc de Bourgongne, au
 temps que ie dy, la Duché de Gueldres: où il

Dieu fait
 iustice du
 Duc de
 Gueldres,
 par l'occa-
 sion d'ice-
 luy mesme.

trouua resistance : mais il estoit puissant, & en trefue avec le Roy : & la posseda iusques à la mort : & encores la possede aujourd'huy ce qui est descendu de luy, & tant qu'il plaira à Dieu. Et comme i'ay dit au commencement, ie n'ay compté cecy que pour monstrier que telles cruantez & tels maux, ne demeurent point impunis. Le Duc de Bourgogne estoit retourné en son pays, & auoit le cœur tres-leué pour ceste Duché, qu'il auoit iointe à sa crosse : & trouua goust en ces choses d'Alemagne : pource que l'Empereur estoit de tres-petit cœur, & enduroit toutes choses pour ne despendre rien & aussi de foy, sans l'ayde des autres seigneurs d'Alemagne, ne pouuoit-il pas grande chose. Parquoy ledit Duc r'alongea sa trefue avec le Roy : & sembla à aucuns des seruiteurs du Roy, que ledit seigneur ne deuoit point r'alonger sa trefue, ne laisser venir audit Duc si grand bien. Bon sens leur faisoit dire cela : mais par faute d'experience & d'auoir veu, ils n'entendoient point ceste matiere. Il y en eut quelques autres, mieux entendans ce cas qu'eux, & qui auoient plus grande cognoissance pour auoir esté sur les lieux, qui dirent au Roy que hardiment prist ceste trefue, & qu'il souffrist audit Duc s'aller heurter contre les Alemagnes, qui est chose si grande & si puissante, qu'il est presque incroyable, disans que quand ledit Duc auroit pris vne place, ou mené à fin vne querelle, il en entreprendroit vne autre, & qu'il n'estoit pas homme pour iamais se saouler d'une entreprise, en quoy il estoit l'opposite au Roy : car plus il estoit embrouillé, & plus s'embroüilloit, & que mieux ne se pourroit venger de luy, que

Le Duc de Bourg. pense à s'agrandir du costé d'Alemag.

Entendez le Duc.

de le laisser fai-re: & auant, lui faire vn petit d'aide, & ne lui dōner nulle suspicion de luy rompre ceste trefue. Car à la grandeur d'Alemaigne, & à la puissance qui y est, n'estoit pas possible que tost ne se consumast, & ne se perdist de tous poinçts. Car les Princes de l'Empire (encores que l'Empereur fust homme de peu de vertu) y donneroient ordre: & à la fin finale audit Seigneur en aduint ainsi.

*Le Duc de
B. prend la
querelle
d'un pretē-
dant à l'E-
uesché de
Coulongne*

A la querelle de deux prétendans à l'Euesché de Coulongne, dont l'un estoit frere du Lanthgrau de Hesse, & l'autre parent du Comte Palatin du Rin) ledit Duc de Bourgongne tint le party dudit Palatin & entreprit de le mettre par force en ceste dignité, esperāt en auoir quelques places, & mit le siege deuāt Nuz pres Coulongne, l'an mille quatre cens septante & quatre. Il mit tant de choses en son imagination, & si grandes qu'il demeura sous le fais. Car il vouloit en ceste saison propre faire passer le Roy Edouard d'Angleterre (lequel auoit grande armee preste, à la poursuite dudit Duc) & acheuer ceste entreprise d'Alemaigne, qui estoit, s'il eust pris Nuz, la garnir bien, & vne autre place ou deux, au dessus de Coulongne, pourquoy ladicte cité de Coulongne diroit le mot: & que partant il monteroit contremont le Rin iusques à la Comté de Ferrete, qu'il tenoit lors: & ainsi tout le Rin seroit sien iusques en Hollande, où il finit, & où il y a plus de fortes villes & chasteaux, qu'en nul Royaume de la Chrestienté: si ce n'est en France. La trefue qu'il auoit avec le Roy, auoit esté alongee de six mois, & desia la pluspart

estoyent passez. Le Roy sollicitoit fort de l'alonger, & qu'il fist à son aise en Allemagne. Ce que ledit Duc ne voulut faire pour la promesse qu'il auoit faite aux Anglois. Je me passasse bien de parler de ce fait de Nuz, pource que ce n'est pas le train de ma matiere: car ie n'y estoye pas: mais ie suis forcé d'en parler, pour les matieres qui en dépendent. Dedans la ville de Nuz, laquelle est tres-forte s'estoyent mis le Lanthgraue de Hesten, & plusieurs de ses parens & amis, iusques au nombre de dixhuiet cens hommes de cheual, comme il m'a esté dit, & tres-gens de bien, & aussi le monstrent & de gens de pied, ce qu'il leur en faisoit besoin. Ledit Lantgraue, comme nous auons dit, estoit frere de l'Euesque, qui auoit esté esleu, & qui estoit la partie aduerse de celui qui soustenoit le Duc de Bourgongne. Et ainsi le Duc de Bourgongne mit le siege devant Nuz, l'an mil quatre cens septante & quatre. *il leua 1475. et puis fait*

Il auoit la plus belle armee qu'il eut iamais, & pecialement pour gens de cheual, car pour au-tunes fins qu'ils pretendoient és Italies, il auoit etiré quelques mille homme d'armes Italiens, que bons que mauuais. Il auoit, pour chef d'en-r'eux, vn appelé le Comte de Campobache, du Royaume de Naples, partisan de la maison l'Anjou, homme de tres-mauuaise foy & tres-perilleux. Il auoit aussi Iacques Galeot, Gentil-homme de Naples, tres-homme de bien, & plusieurs autres, que ie passe pour brieueté. Semblablement, auoit bien le nombre de trois mil-e Anglois, tres-gens de bien, & de ses suiects n tres-grand nombre bien montez & bien ar-

*Campobache Neapol.
au service
du Duc de
Bourg.*

*Aquilf
du*

*Basso
Angl*

1474

Le Roy
d'Angle-
terre ne
peut entre-
prendre la
guerre sans
son Parle-
ment.
le V: raye
tes 7. mots.

Pratique
des Roys
de Angl.
pour auoir
argens.

mez, & qui ia long temps auoient exercé le faict de la guerre, & vne tres-grande & puissante artillerie. Et tout cecy auoit-il tenu prest; pour se ioindre avec les Anglois à leur venuë, lesquels faisoient toute diligence en Angleterre. Mais les choses y sont longues: car le Roy ne peut entreprendre vne telle œuvre, sans assembler son Parlement: qui vaut autant comme les trois Estats, & qui est chose iuste & saincte: & en sont les Roys plus forts & mieux seruis, quand ainsi la font en semblables matieres: car l'issuë volontiers n'en est pas briefue. Quand les Estats sont assemblez il declare son intention, & demande ayde sur ses subiects; car il ne se leuenul ayde en Angleterre, si ce n'est pour passer en France, ou aller en Escosse, ou en frais semblables: & tres-volontiers, & bien liberalement ils les octroyët, & specialement pour passer en France. Et est bien vne pratique que ces Roys d'Angleterre font (quand ils veulent amasser argent) que faire semblant d'aller en Escosse, ou en France, & faire armées: & pour leuer grand argent; ils font vn payement de troys mois, & puis rompent leur armee, & s'en retournent à l'hostel: & ils ont receu l'argent pour vn an. Et estoit ce Roy Edouard tout plein de ceste pratique, & souuent le fait.

Ceste armee d'Angleterre mit bien vn an à estre prest: & le fait scauoir à Monseigneur de Bourgogne, lequel au commencement del'este, estoit allé iusques deuant Nuz, & luy sembla qu'en peu de iours il auroit mis son homme en possession, & qu'il luy pourroit demourer aucunes places comme Nuz, & autres pour par-

uenir aux fins, que vous ay dites. I'estime que
cecy vint de Dieu, qui regarda en pitié ce Roy-
aume: car ce Duc estoit pour y faire grand dom-
mage, ayant l'armee telle qu'il auoit, & gens
tous accoustumez, par plusieurs annees, à tenir
les champs par ce Royaume: sans ce que nul lui
presentast bataille, où se trouuast aux champs
en puissance contre luy: si ce n'estoit en gar-
dant les villes. Mais bien est vray que cela pro-
cedoit au Roy qui ne vouloit rien mettre en ha-
zard: & ne le faisoit pas seulement pour la crain-
te du Duc de Bourgogne: mais pour doute des
lesobeissances, qui pourroient aduenir en ce
Royaume: s'il aduenoit qu'il perdist vne ba-
ille: car il estimoit n'estre pas bien de tous ses
ubiets, & par especial des grands. Et si i'osoye
out dire, il m'a maintesfois dit qu'il cognois-
oit bien ses subiets, & qu'il les trouueroit bien,
ses besongnes se porteroient mal. Et pource,
quand le Duc de Bourgogne entroit, il ne fai-
oit que fort bien garnir ses places, au deuant de
luy: & ainsi en peu de temps l'armee du Duc de
Bourgogne se deffaisoit d'elle-mesme: sans ce
que le Roy mist son estat en peril aucun: qui me
sembloit proceder par grand sens. Toutesfois
ayant le Duc la puissance telle, que vous ay di-
e, si l'armee du Roy d'Angleterre fust venüe au
commencement de la saison: comme elle
eust faict, sans nulle doute: n'eust esté l'erreur
du Duc de Bourgogne, de se mettre si obstine-
ment deuant Nuz, il ne faut pas douter que ce
Royaume eust porté tres-grands affaires. Car
amais Roy d'Angleterre ne passa à si puissante
armee pour vn coup, que fust ceste-cy dont ie

*Le Roy L.
se desfoit
de ses sub-
iets, & sur
tout des
Grands.
V. & qu'il
le trouue-
roit si ses*

*Armee
d'Anglet.
pour qui
descendait
en France.*

parle, ne si bien disposee pour combattre. Tous les grans seigneurs d'Angleterre y estoient, sans en faillir vn : ils pouuoient bien estre quinze cens hommes d'armes, qui estoit grand chose pour Anglois, tous fort bien en point, & bien accompagnez, & quatorze mille Archers, portans arcs & fleches, & tous à cheual, & assez autres gens à pied, seruans à leur ost, & en toute l'armee n'y auoit pas vn Page. En outre deuoit le Roy d'Angleterre enuoyer trois mille hommes descendre en Bretaigne, pour se ioindre avec l'armee du Duc, & veu deux lettres escrites de la main de Monseigneur d'Vrfé, grand Escuyer de France, qui pour lors estoit seruiteur du Duc de Bretaigne, l'une adressante au Roy d'Angleterre, & l'autre à Monseigneur de Hastings, grand Chambellan d'Angleterre qui entre autres paroles, disoient que le Duc de Bretaigne feroit plus d'exploit en vn mois : par intelligence, que l'armee des Anglois, & celle du Duc de Bourgogne ne feroient en six : quelle force qu'ils eussent. Et croy qu'il disoit vray : si les choses fussent tirees outre : mais Dieu, qui tousiours a aymé ce Royaume, conduisit les choses, comme ie diray cy-apres. Et les lettres dont i'ay parlé, furent achetees d'un Secretaire d'Angleterre, soixante marcs d'argent par le Roy : à qui Dieu pardoint.

*Lettres achetées de
un Secre-
taire d'An-
glet. par le
Roy.*

Comment ceux de la ville de Nuz furent secourus par les Allemands, & par l'Empereur, contre le Duc de Bourgongne, & des autres ennemis que le Roy luy suscita.

CHAP. II.

Ainsi, comme ie vous ay dit, estoit le Duc de Bourgongne ia bien empesché deuant Nuz: & trouua les choses plus dures qu'il ne pensoit.

Ceux de Colongne, qui estoient quatre lieues plus haut, sur le Rin, frayerent chacun mois cent mille florins d'or pour la crainte qu'ils auoient du Duc de Bourgongne, & eux & les autres villes au dessus d'eux sur le Rin, auoient desia mis quinze ou seize mille hommes de pied sur les champs: & estoient logez sur le bord de la riuie-
re du Rin, avec grande artillerie, du costé opposite du Duc de Bourgongne: & taschoient à luy rompre les viures, qui venoient par eauë, du pays de Gueldres; contremont la riuie-
re, & à rompre les batteaux à coups de Canon. L'Empereur & les Princes esleuteurs de l'Empire s'assemblerent sur ceste matiere, & delibererent de faire armee. Le Roy les auoit ia enuoyez solliciter par plusieurs messagers. Aussi renuoyerent vers luy vn Chanoine de Colongne, de la mai-
son de Monseigneur de Bauiere, & vn autre Ambassadeur avecques luy: & apportefent au Roy, par roolle, l'armee que l'Empereur auoit intention de faire, au cas que le Roy, de son costé, se voulsit employer. Ils ne faillirent point; à auoir bonne response, & promesse de tout ce qu'ils demandoient, & d'auan-

*Le Roy L.
sollicite
l'Empereur
contre le
Duc de
Bourg. Le
V. raye de
monseign.*

tage promettoit le Roy par sceellees, tant à l'Empereur qu'à plusieurs des Princes & villes, que incontinent que l'Empereur seroit à Coulongne, & mis aux champs, le Roy enuoieroit ioin-dre avecques luy vingt mille hommes souz la conduite de Monseigneur de Cran, & de Sallezard. Et ainsi ceste armee d'Allemagne appresta qui fut merueilleusement grande, & tant qu'elle est presque incroyable. Car tous les Princes d'Allemagne, tant spirituels que temporels, & les Euesques y eurent gens, & toutes les communautéz, & en grand nombre. Il me fut dit que l'Euesque * ministre (qui n'est point des grands) y mena six mille hommes de pied, & quatorze cens hommes de cheual, & douze cens Chariots, & tous vestus de verd. Il est vray que son Euesché est pres de Nuz. L'Empereur mit bien sept mois à faire l'armee : & au bout du terme, se vint loger à demie lieuë pres du Duc de Bourgongne, & à ce que m'ont compté plusieurs gens dudit Duc, l'armee du Roy d'Angleterre, ne celle du Duc de Bourgongne ensemble, ne montoient point plus du tiers que celle dont ie parle : tant en gens, qu'en tentes & pavillons. Outre l'armee de l'Empereur, estoit ceste armee de l'autre part de la riuier, vis à vis du Duc de Bourgongne, qui donnoit grand travail à son ost, & à ses viures.

V. de Munstre.

Euesque d'Allemagne meine armee vestue de verd.

v. Hesebare

Incontinent que l'Empereur fut deuant Nuz, & ses Princes de l'Empire, ils enuoyerent deuers le Roy, vn Docteur qui estoit de grande authorité avec eux, & s'appelloit le Docteur, Heseuare, qui depuis a esté Cardinal. Lequel vint solliciter le Roy, de tenir sa promesse, &

d'enuoyer les vingt mille hommes : ainsi qu'il auoit promis, ou autrement, que les Allemans appointeroient. Le Roy luy donna tres-bonne esperance, & luy fit donner quatre cens escus, & enuoya quand & luy, deuers l'Empereur vn appelle Jean Tiercelin, seigneur de la Brosse. Toutesfoi, ledit Docteur ne s'en alla pas content: & se conduisoient de merueilleux marchez, durant ce siege. Car le Roy trauailloit de faire paix avecques le Duc de Bourgongne: ou (quoy que soit) d'allonger la trefue, afin que les Anglois ne vinissent point. Le Roy d'Angleterre, d'vn costé, trauailloit de toute sa puissance, à faire partir le Duc de Bourgongne de deuant Nuz, & qu'il luy vint tenir promesse, & ayder à faire la guerre en ce Royaume, disant que la saison se commençoit à perdre, & fut Ambassadeur, par deux fois, de ceste matiere, le seigneur de Scalles, neveu du Connestable, vn tres-gentil Cheualier, & plusieurs autres. Le Duc de Bourgongne se trouua obstiné, & luy auoit Dieu troublé le sens & l'entendement: car toute sa vie il auoit trauaillé pour faire passer les Anglois, & à ceste heure, qu'ils estoient prests, & toutes choses bien disposees pour eux, tant en Bretaigne que ailleurs, il demeuroit obstiné à vne chose impossible de prendre. Avec l'Empereur auoit vn Legat Apostolique, qui chacun iour alloit de l'vn ost à l'autre, pour traiter paix, & semblablement y estoit le Roy de Dannemarc, logé en vne petite ville, pres des deux armées, qui trauailloit pour ladite paix: & ainsi le duc de Bourgongne eust bien peu prendre party honorable, pour se retirer vers le Roy d'Angleterre. Il ne sceut faire, &

v. de Brosse.

s'excusoit enuers les Anglois , sur son honneur, qui seroit foulé, s'il se leuoit, & autres maigres excuses. Car ce n'estoient pas les Anglois, qui auoient regné du temps de son pere, & aux anciennes guerres de France, mais estoient ceux-cy tous neufs, & ignorans quant aux choses de France, parquoy ledit Duc procedoit mal sagement, s'il s'en vouloit ayder pour le temps aduenir. Car il eust esté besoin qu'il les eust guidez pas à pas, pour la premiere saison.

Depuis, & encore (iust-ques à l'enuoya) est rayé au V.

Le V. rayé ce mot ensemble.

Le Roy suscite querelle au Duc de Bourg.

(Estant le Duc de Bourgongne en ceste obligation, luy sourdit guerre par deux ou trois bouts. L'une fut, que le Duc de Lorraine qui estoit en paix avec luy, & encores auoit pris quelque intelligence, apres la mort du Duc Nicolas de Calabre) l'enuoya desfier deuant Nuz par le more de Monseigneur de Cran, lequel s'en vouloit ayder pour le seruice du Roy, & ne faillit pas à luy promettre qu'on en feroit vn tres-grand homme. Et incontinent, se mirent aux chäps ensëble, & firent grand dōmage en la Duché de Luxēb. & rasorēt vne place appelée Pierre forte, assise à deux lieues pres de Nanci, qui estoit de la Duché de Luxēbourg. D'auantage, fut conduit par le Roy, & aucuns de ses seruiteurs, qu'il conuint qu'une alliance fust faicte, pour dix ans, entre les Suisses, & les villes de dessus le Rin (comme Basle, Strasbourg, & autres) qui parauant auoient esté en inimitié.

Encores fut faicte vne paix entre le Duc Sigismond d'Austriche & les Suisses, tendant à ceste fin que ledit Duc Sigismond voulüst reprendre la Comté de Ferrette, laquelle il auoit engagée au Duc de Bourgongne, pour la somme

de cent mille florins de Rin, & ainsi fut accordé. Il demeura vn different entre luy & les Suisses qui vouloient auoir passage par quatre villes de la Comté de Ferrette, forts, & foibles, quand il leur plairoit. Ce poinct fut sousmis sur le Roy: qui le iugea à l'intention des Suisses. Et parce, qui est cy-dessus recité, pouuez entendre les querelles, que le Roy susciteroit secrettement audit Duc de Bourgongne.

Tout ainsi, comme cecy auoit esté conclu, il fut executé: car en vne belle nuit fut pris mesire Pierre Archambault, Gouverneur du pays de Ferrette pour le Duc de Bourgongne, avec huit cens hommes de guerre, qu'il auoit avec luy: lesquels furent tous deliurez francs & quittes, excepté luy qui fut mené à Basle: où ils luy firent vn procez sur certains excez & violences, qu'il auoit faits audit pays de Ferrette: & en fin de compte, luy trencherent la teste. Or fut mis tout le pays de Ferrette en la main dudit Duc Sigismond d'Autriche: & commencerent les Suisses la guerre en Bourgongne: & prirent Blamond, lequel estoit au Mareschal de Bourgongne: qui estoit de ladite maisõ de Neufchastel, & assiegerent le chasteau de Hericourt (qui estoit de ladicte maison de Neufchastel) où les bourguignons allerent, pour le secourir: mais ils furent desconfits deuant vn bon nombre. Lesdicts Suisses firent vn grand dommage au pays, & puis se retirerent pour ceste boutée.

Comment le Roy prit le Chasteau de Tronquoy, les villes de Montdidier, Roye, & Corbie, sur le Duc de Bourgogne: & comment il voulut induire l'Empereur Federic à se saisir des terres que ledit Duc tenoit de l'Empire.

CHAP. III.

1475.

LA trefue faillit entre le Roy & le Duc de Bourgogne: parquoy le Roy eut tres-grand regret: car il eust mieux aymé vn alongement de trefues. Toutesfois voyant qu'il ne la pouuoit auoir, il alla mettre le siege deuant vn petit chasteau, appelé le Tronquoy, & estoit ia commencé l'an septante cinq: & estoit au plus beau, & au commencement de la saison. Il fut en peu d'heure pris d'assaut. Lendemain le Roy m'enuoya parler à ceux qui estoient dedans Montdidier: lesquels s'en allerent leurs bagues sauues, & laisserent la place. Lendemain allay parler à ceux qui estoient dedans Roye, en la compagnie de monseigneur l'Admiral, bastard de Bourbon: & semblablement me fut renduë la place: car ils n'esperoient nul secours. Ils ne l'eussent pas renduë: si ledit Duc eust esté au pays: toutesfois, contre nostre promesse, ces deux villes furent bruslees. De là s'en alla le Roy mettre le siege deuant Corbie: & l'attendirent, & y furent faictes de tres-belles approches: & y tira l'artillerie du Roy trois iours. Dedans la ville estoient Monseigneur de Contai, & plusieurs autres: qui la rendirent, & s'en allerent leurs bagues sauues, Dux iours apres, la pauvre ville fut pillée: & mit on le feu dedans, tout ainsi comme aux deux

C'estoit le
successeur
de celui du-
quel il a
tant parlé
au propos
des Liegeois

autres. Lors le Roy cuida retirer son armee: & esperoit gagner le Duc de Bourgongne à ceste trefue: veuë la necessité en quoy il estoit: mais vne femme (que ie cognoy bien, & ne la nommeray point, pource qu'elle est encore viuante) escriuit vnes lettres au Roy, qu'il feist tourner ses gens deuant Arras, & es enuiron: & le Roy y adiousta foy: car elle estoit femme d'estat.

*Conseil
mauvais
d'une fem-
me au Roy,
contre le
Duc de
Bourgong.*

Ie ne loüe point son œuvre (pource qu'elle n'y estoit point tenuë) mais le Roy y enuoya Monseigneur l'Admiral, Bastard de Bourbon, accompagné de bon nombre de gens: lesquels bruslerent grande quantité de leurs villes, commençans vers Abbeuille, iusques à Arras. Ceux de ladite ville d'Arras (qui de long temps n'auoient eu nulle aduersité, & estoient pleins de grand orgueil) contraignirent les gens de guerre, qui estoient en leur ville, de faillir. Le nombre n'estoit pas suffisant pour les gens du Roy: en façon qu'ils furent remis de si pres, que largement en y eut de tuez & de pris: & mesmes tous leurs Chefs, qui furent Messire Iacques de Saint Paul, frere du Connestable, le Seigneur de Contai, le Seigneur de Carenci, & autres: dont il s'en trouua de plus prochains de la Dame qui auoit esté cause de cest exploit: & y eut ladite Dame grande perte: mais le Roy en faueur d'elle repara le tout par temps.

*Messire Ia-
ques de S.
Paul pris.*

Pour lors auoit enuoyé le Roy, deuers l'Empereur, Iehan Tiercelin, Seigneur de la Brosse, pour trauailler qu'il ne s'appointast avec le Duc de Bourgongne, & pour faire excuse de ce qu'il n'auoit enuoyé ses gens d'armes, comme il auoit promis, assurant tousiours le faire, & de conti-

nuer les exploicts & dommages qu'il faisoit audit Duc, bien grands, tant au pays & marches de Bourgongne, que de Picardie. Et outre luy, eurent vn party nouveau, qui estoit qu'ils assure-
 rassent bien l'vn l'autre de ne faire paix l'vn sans l'autre: & que l'Empereur prist toutes les Seigneuries, que ledit Duc tenoit de l'Empire, & qui par raison en deuoient estre tenues, & qu'il les feist declarer confisquées à luy: & que le Roy prendroit celles qui estoient tenues de la couronne de France: comme Flandres, Artois, Bourgongne, & plusieurs autres. Combien que cest Empereur eust esté toute sa vie homme de tref-peu de vertu, si estoit-il bien entendu: & pour le long temps qu'il auoit vescu, il auoit beaucoup d'experience: & puis ces partis d'entre nous & luy, auoient beaucoup duré, parquoy estoit las de la guerre: combien qu'elle ne luy coustast rien: car tous ces Seigneurs d'Alemaigne y estoient à leurs despens: comme il est de coustume, quand il touche le faict de l'Empire. Ledit Empereur respondit aux Ambassadeurs du Roy, qu'aupres d'une ville d'Alemaigne y auoit vn grand Ours qui faisoit beaucoup de mal. Trois compagnons de ladite ville (qui hantoient les tauernes) vindrent à vn tauernier, à qui ils deuoient, prier qu'il leur accreust encor vn escot, & qu'auant deux iours le payeroient du tout: car ils prendroient cest Ours qui faisoit tant de mal, & dont la peau valloit beaucoup d'argent, sans les presens qui leur seroient faicts des bonnes gens. Ledit hoste accomploit leur demande: & quand ils eurent disné, ils allerent au lieu où hantoit cest Ours: & com-

*Federic Em-
 pereur bien
 entendu.*

me ils approcherent de la cauerne, ils le trouuerent plus pres d'eux qu'ils ne pensoient. Ils eurent paour : si se mirent en fuitte. L'un gaigna vn arbre, l'autre fuit vers la ville: le tiers, l'Ours le prit, & le foula fort sous lui, en lui approchant le museau fort pres de l'oreille. Le pauvre homme estoit couché tout plat contre terre, & faisoit le mort. Or ceste beste est de telle nature, que ce qu'elle tient, soit homme ou beste, quand elle void qu'il ne se remuë plus, elle le laisse là, cuidant qu'il soit mort. Et ainsi ledit Ours laissa le pauvre homme, sans luy auoir faict guerres de mal : & se retira en sa cauerne. Et quand le pauvre homme se veid deliuré, il se leua, tirât vers la ville. Son compagnon, qui estoit sur l'arbre ayant veu ce mystere, descend, court, & crie apres l'autre, qui estoit deuant, qu'il l'attendist : lequel se retourna, & l'attendit. Quand ils furent ioincts, celui qui estoit dessus l'arbre, demanda à son compagnon, par serment, ce que l'Ours luy auoit dict en conseil : qui si long temps luy auoit tenu le museau contre l'oreille. A quoy son compagnon luy respondit. Il me disoit que iamais ie ne marchasse de la peau de l'Ours, iusqu'à ce que la beste fust morte. Et avec ceste fable paya l'Empereur nostre Roy, sans faire autre responce à son homme, * sinon en conseil : comme s'il vouloit dire. Venez ici (comme vous avez promis) & tenons cest homme (si nous pouuons) & puis departons ses biens.

De ne marchander la peau de l'Ours, deuant que la beste soit prise & morte.

Ces trois mots sont rayez au v.

Comment le Connestable commença à rentrer en suspicion, tant du costé du Roy, que du Duc de Bourgogne.

CHAP. IIII.

Vous auez ouy comme Messire Iaques de Sainct Paul, & autres, auoient esté pris deuant Arras. Laquelle prise despleut fort au Connestable : car ledit Messire Iaques lui estoit bon frere. Ceste maladventure ne luy aduint pas seule : car tout en vn temps fut pris le Comte de Roussi son fils, Gouverneur de Bourgogne pour ledit Duc : & aussi mourut la femme dudit Connestable, Dame de bien, laquelle estoit sœur de la Royne, qui lui estoit support & faueur : car tousiours s'entretenoit la marchandise encommencee contre lui (comme vous auez ouy) laquelle tint à peu, à l'assemblée qui fut faicte à Bouuines pour ceste matiere. Oncques puis ne fut asseuré ledit Connestable, mais en suspicion des deux costez, & par especial en doute du Roy : & lui sembloit bien que le Roy se repentoit d'auoir retiré son seellé à Bouuines. Le Comte de Dampmartin & autres estoient logez avec les gensd'armes, pres de Sainct Quentin. Ledit Connestable les craignoit comme ses ennemis : & se tenoit dedans Sainct Quentin, où il auoit mis quelques trois cens hommes de pied de ses terres, pource que de tous poincts ne se fioit de ses gensd'armes. Il viuoit en grand trauail : car le Roy le sollicitoit par plusieurs messagers, qu'il se mist aux champs, pour le seruir du costé de

Le Connestable, en grand crainte, se rend maistre de S. Quentin

Hainaut : & qu'il mist le siege deuant Auennes, à l'heure que Monseigneur l'Admiral, & ceste autre bande, allerent brusler en Artois, comme i'ay dit. Ce qu'il feist en grand' crainte : car il craignoit fort. Il fut deuant peu de iours, faisant faire grand guet sur sa personne, puis se retira en ses places : & manda au Roy, (& ouy moi-mesme son homme, par le commandement du Roi) qui s'estoit leué : parce qu'il estoit certainement informé, qu'il y auoit deux hommes en l'armee, qui auoient pris charge du Roy de le tuer, & dist tant d'enseignes apparentes, qu'il ne s'en falloit gueres qu'il ne fust creu : & que l'un des deux ne fust suspiciõné d'auoir dit au Connestable quelque chose, qu'il deuoit taire. Je n'en veux nuls nommer, ne plus auant parler de ceste matiere. *Finesses du Connestab.* Ledit Connestable enuoyoit souuent en l'ost du Duc de Bourgogne. Je croy bien que la fin estoit de le retirer de ceste folie, & quand ses gés estoient reuenus, il mandoit quelque chose au Roy, dequoy il pensoit lui complaire, & aussi l'occasion pourquoy il y auoit enuoyé : & pensoit entretenir le Roy par ce moyen. Aucunes fois aussi mandoit audit Seigneur, que les affaires dudit Duc de Bourgogne se portoient bien pour lui donner quelque crainte : car il auoit tât de paour qu'on ne luy courust sus, qu'il requist audit Duc qu'il luy enuoyast son frere Messire Jacques de Saint Paul, auant sa prise (car il estoit deuant Nuz) & aussi le Seigneur de Fien-nes, & autres ses parens, & qu'il les peust mettre dedans Saint Quentin, avecques leurs gens, sans porter la Croix Saint André, & promettoit audit Duc, de tenir Saint Quentin pour luy, &

*Feintes du
Cōnestable.*

*Iaques de
S. Paul res-
pond fran-
chement
au Roy.*

*Le Roy
volontiers
icy, ou pour
ledit Duc
de B.*

luy restituer quelque temps après : & de ce faire luy bailleroit son sceillé. Ce que le Duc fit, & (quand ledit Messire Iacques , le Seigneur de Fiennes, & autres ses parens, se trouverent par deux fois, à vne lieuë ou deux prez de la ville de Sainct Quentin (& prests à y entrer) il se trouua que la doute luy estoit passée, & se repentit, & les renuoya , & fit cecy par trois fois, tant desiroit demourer en cest estat, nageât entre les deux: car il les craignoit to^r deux merueilleusement. J'ay sçeu ces choses par plusieurs, & par especial, par la bouche de Messire Iacques de sainct Paul, qui ainsi le compta au Roy, quand il fut amené prisonnier, où il n'y auoit que moy present, & luy valut beaucoup dequoy il respondit franchement des choses que le Roy luy demandoit. Ledit Seigneur luy demanda combien il auoit de gens pour y entrer. Il respondit que la troisieme fois, il auoit trois mille hommes. Ledit Seigneur luy demanda aussi (s'il se fust trouué le plus fort) s'il eust tenu pour Roy, ou pour ledit Connestable, ledit Messire Iacques de sainct Paul respondit que les deux premiers voyages, il ne venoit que pour conforter son frere : mais à la troisieme: veu que ledit Connestable auoit trompé son maître & luy, par deux fois (que s'il se fust trouué le plus fort) il eust gardé la place pour son maître, sans faire violence audit Connestable, n'arié qui eust esté à son preiudice, sinõ qu'il n'en fut point failly à son commandement. Depuis, & peu de temps apres, ledit Seigneur deliura de prison ledit Messire Iacques de Sainct Paul : & luy donna des gens-d'armes, & bel & grãd estat

& s'en seruit iusques à la mort : & ses responses
en furent cause.

*Comment le Duc de Bourgogne leua son siege de Nuz
 par appointement : & comment le Roy d'Angle-
 terre son allié, enuoya desfier le Roy Louis.*

C H A P. V.

DEpuis que i'ay commencé à parler de Nuz,
 ie suis entré en beaucoup de matieres, l'v-
 ne sur l'autre. Aussi suruindrent elles en ce tēps:
 car ledit siege dura vn an. Deux choses pressoiēt
 extremement ledit Duc de Bourgogne de se
 leuer. C'estoit la guerre que le Roy luy faisoit
 en Picardie, qui luy auoit brulé trois belles pe-
 tites villes, & vn quartier du plat pays d'Artois,
 & de Ponthieu. La seconde estoit, la belle &
 grande armee que faisoit le Roy d'Angleterre à
 la requeste & poursuite. A quoi il auoit trauail-
 lé toute sa vie, pour la faire passer deçà : & ia-
 mais n'en estoit peu venir à bout, iusques à ceste
 heure. Ledit Roy d'Angleterre & tous les Sei-
 gneurs de son Royaume se malcontenterent
 merueilleusement dequoy le Duc de Bourgon-
 gne le faisoit si long, & outre les prieres qu'ils
 lui faisoient, vsoient de menaces, en considerant
 leur grande despenſe, & que la saison se passoit.
 Ledit Duc tenoit à grande gloire ceste grande
 armee d'Alemaigne, tant de Princes que de Pre-
 lats, & de communautéz, qui estoit la plus gran-
 de, qui ait esté de memoire d'homme, ne de lōg
 temps parauant : & tous ensemble nē le ſça-
 uoient leuer de là où il estoit. Ceste gloire luy
 couſtoit bien cher : car qui a le profit de la guer-
re, il en a l'honneur.

*il entēd de
 ceux qui
 viuoient
 alors.*

Paix entre
l'Empereur
& le Duc
de B.

Touſiours ce Legat, dont i'ay parlé, alloit & venoit de l'un oſt à l'autre : & finalement ſeit la paix entre l'Empereur & ledit Duc de Bourgogne : & fut mile ceſte place de Nuz entre les mains dudit Legat, pour en faire ce que par le ſiege Apoſtolique en ſeroit ordonné. En quelle extremité ſe pouuoit trouuer ledit Duc, de ſe veoir ainſi preſſé par la guerre que luy faiſoit le Roy : & ainſi preſſé & menacé de ſon ami, le Roy d'Angleterre ? & de veoir d'autre coſté, la ville de Nuz en tel eſtat, qu'en moins de quinze iours il les pouuoit auoir la corde au col, par famine ? & ſi euſt il en dix : comme m'a compté un des Capitaines, qui eſtoit dedans : lequel le Roy prit à ſon ſeruite. Ainſi pour ces raiſons ſe leua ledit Duc de Bourgogne, l'an ſeptante & cinq.

Or faut parler du Roy d'Angleterre, lequel tiroit ſon armee vers Douures, pour paſſer la mer à Calais, & eſtoit ceſte armee la plus grande, que paſſa onques Roy d'Angleterre, & toute de gens à cheual, & les mieux en point, & les mieux armez, qui vindrent iamais en France : & y eſtoient tous les Seigneurs d'Angleterre : ou biē peu s'en falloir. Il y auoit quinze cens hommes d'armes, bien montez, & la pluſpart bardez, & richement accouſtrez, à la guiſe de deçà, qui auoient beaucoup de cheuaux de ſuite. Il y auoit bien auſſi en leur oſt quinze mille Archers (portans arcs & fleſches, & tous à cheual) & largement gens de pied, & autres ſuiuans, tant pour tendre leurs tentes & pauillons (qu'ils auoient en grande quantité) qu'auſſi pour ſeruir à leur artillerie, & clorre leur camp. En toute l'armee n'y auoit

n'y auoit vn seul Aage: & si auoient ordonné les Anglois trois mille hommes, pour enuoyer en Bretagne. I'ay cecy dit par cy-deuant: mais il sert bieu encores à ce propos: c'est que si Dieu n'eust voulu troubler le sens audit Duc de Bourgogne, & preseruer ce Royaume à qui il a fait plus de grace, iusques icy qu'à nul autre, il n'est pas à croire que ledit Duc se fust allé amuser obstinément deuant ceste forte place de Nuz, ainsi defenduë: veu que toute sa vie n'auoit sceu trouuer le Royaume d'Angleterre disposé à faire armee deçà la mer: & veu encores qu'il cognoissoit clairement qu'ils estoient comme nutils aux guerres de France: car s'il s'en eust voulu aider, il eust esté besoin que toute vne saison il ne les eust perdus de veuë pour leur aider à dresser & conduire leur armee aux choses necessaires, selon nos guerres de deçà. Car l'n'est rien plus sot, ne plus mal à droict, quand ils passent premierement, mais en bien peu d'espace, ils sont tres-bonnes gens de guerre, sages, & hardis. Il fait tout le contraire: car, entre les autres maux, il leur fait quasi perdre la raison, & au regard de luy, il auoit son armee si rompuë, si mal en poinct, & si pauure, qu'il ne osoit monstrier deuant eux: car il auoit perdu leuant Nuz quatre mille hommes, prenans solle: entre lesquels y mourut des meilleures gens qu'il eust. Et ainsi verrez que Dieu le disposa de tous poincts à faire contre la raison de ce que son affaire requeroit, & contre ce qu'il sçauoit & entendoit mieux que nul autre, dix ans auoit. Le Roy Edouard estant à Douures pour son passage luy enuoya ledit Duc de Bourgon-

*Anglois
bonnes gēs
de guerre
par deçà,
quand ils
sont façon-
nez.*

gne bien cinq cens batteaux de Holande & Ze-
 lande, qui sont plats & bas de bord, & bien
V. Sentis. propices à porter cheuaux, & s'appellent* Ser-
 tes: & nonobstant ce grand nombre, & tout
 ce que le Roy d'Angleterre sceust faire, il mit
 plus de trois semaines à passer entre Douures
 & Calais: & n'y a que sept lieues. Or regar-
 dez doncques à quelle difficulté vn Roy
 d'Angleterre peut passer en France: & quand
 le Roy nostre maistre eut entendu le faict de
 la mer, aussi bien qu'il entendoit le faict
 de la terre, iamais le Roy Edouard ne fust
 passé, au moins en ceste saison, mais il ne l'en-
 tendoit point: & ceux, à qui il donnoit autori-
 té sur le faict de sa guerre, y entendoient enco-
 res moins. Le Roy d'Angleterre mit trois se-
 maines à passer. Vn seul nauire d'Eu prit deux
 ou trois de ses petits passages.

*Lettre de
 desfiance
 du Roy
 d'Anglet.
 au Roy de
 France.*

Auant que le Roy Edouard montast & partist
 de Douures, il enuoya deuers le Roy vn seul
 Heraut, appelé Iartiere: lequel estoit natif de
 Normandie. Il apporta au Roy vne lettre de dé-
 fiance de par le Roy d'Angleterre, en beau lan-
 gage, & en beau stile: & croy que iamais Anglois
 n'y auoit mis la main. Il requeroit au Roy qu'il
 luy rendist le Royaume de France, qui luy ap-
 partenoit, afin qu'il peust remettre l'Eglise & les
 Nobles & le peuple en leur liberté ancienne, &
 les oster des grandes charges & trauaux en quoi
 ils estoient, & en cas de refus il protestoit des
 maux qui en ensuiuiroient, en la forme & maniere
 qu'il est accoustumé de faire en tel cas. Le Roy
 leut la lettre seul, & puis se retira en vne garde-
 robe tout fin seul, & feist appeller ce Heraut, &

luy dit qu'il ſçauoit bien que le Roy d'Angle-
terre neuenoit point à ſa requēſte : mais y eſtoit
contraint, tant par le Duc de Bourgongne, que
par le commun d'Angleterre, & qu'ils pouuoient
bien veoir que ja la ſaiſon eſtoit preſque paſſee:
& que le Duc de Bourgongne ſ'en reuenoit de
Nuz, comme homme deſconfi & pauvre en
toutes choſes, & que au regard du Conneſtable
il ſçauoit bien qu'il auoit pris quelques intel-
ligences avec le Roy d'Angleterre, pource qu'il
auoit eſpoſé ſa niepce : mais qu'il le trompe-
roit : & luy compta les biens qu'il auoit de luy,
diſant. Il ne veut ſinon viure en ſes diſſimula-
tions, & entretenir chacun, & faire ſon profit, &
dit audit Heraut pluſieurs autres raiſons, pour
admonēſter le Roy d'Angleterre de prendre
appointement avec luy : & donna audit He-
raut trois cens eſcus de ſa main, contant, &
luy en promit mille, ſi l'appointement ſe fai-
ſoit : & en public luy ſeit donner vne belle piece
de veloux cramoifi, contenant trente aunes.

*Le Roy
pratique
le Heraut
d'Angles.*

Ledit Heraut reſpondit qu'il trauailleroit à
ceſt appointement, & qu'il croyoit que ſon
maître y entendroit volontiers : mais qu'il n'en
ſalloit point parler, iuſqu'à ce que le Roy d'An-
gleterrefuſt deçà la mer : & quād il y ſeroit qu'o
enuoyast vn Heraut pour demander ſauſcon-
duit, pour enuoyer des Ambaſſadeurs de-
uers luy, & qu'on ſ'adreſſaſt à Monſieur de
Nauart : ou à Monſieur de Stanley & auſſi
à luy, pour aider à conduire le Heraut. Il y
auoit beau coup de gens en la ſalle, cependant
que le Roy parloit audit Heraut : qui atten-
doient, & auoient grande enuie d'ouyr ce que le

Roy disoit, & quel visage il feroit quand il sortiroit de leans. Quand il eut acheué il m'appella, & me dist que i'entretenisse tousiours le Herault, iusques à ce qu'on luy eust baillé compagnie pour le conduire, afin que nul ne parlât à luy, & que ie luy feisse deliurer vne piece de veloux cramoisi, contenant trente aunes. Ainsi le fei: & le Roy se mist à parler à plusieurs, & compter de ses lettres de desfiance: & en appella sept ou huit à part, & les fait lire: & monstra bon visage, & bien assuré sans monstrier nulle crainte: car il estoit bien ioyeux de ce qu'il auoit trouué audit Herault.

De la peine en laquelle estoit le Connestable & comment il enuoya lettre de creance au Roy d'Angleterre, & au Duc de Bourgogne, qui apres furent en partie cause de sa mort.

CHAP. VI.

SUr ce passage faut encores dire vn mot de Monseigneur le Connestable: lequel estoit en grande pensee du tour qu'il auoit fait au Duc de Bourgogne, touchant Sainct Quentin: se tenoit desia comme deffié du Roy: car ses principaux seruiteurs l'auoient laissé, comme Monseigneur de Genly, & Monseigneur de Mouy: lesquels le Roy auoit desia recueillis: combien que Monseigneur de Mouy alloit & venoit encores deuers luy, & le Roy pressoit fort que ledit Connestable vint deuers luy, & luy offroit certaines recompenses, qu'il demandoit pour la Comté de Guise, comme autres fois

Serment

*Le Roy re-
fusa iurer
par la
Croix S.
Lou descou-
urant par
là son in-
tention.*

luy auoit promis. Ledit Connestable estoit biē content de venir: pourueu que le Roy feist serment, sur la Croix saint Lou d'Angers, de ne faire nul mal à la personne, ne consentir qu'autre le feist: alleguoit qu'aussi bien luy pourroit-il faire ledit serment, comme il auoit fait autres-fois au Seigneur de Lescut: & à cela luy respondit le Roy, que iamais ne feroit ce serment à homme: mais tout autre serment que ledict Connestable luy voudroit demander, qu'il estoit content de le faire. Vous pouuez bien entendre qu'en grand trauail d'esprit estoit le Roy, & aussi ledict Connestable: car il ne passoit pas vn seul iour, pour vne espace de temps, qu'il n'allast quelcun de l'un à l'autre sur le faict de ce serment. Et qui bien y penseroit c'est miserable vie que la nostre, de tant prendre de peine & de trauail, pour s'abbreger la vie, en disant & escriuant de choses presque opposites à leurs pensees. Et si ces deux dont ie parle estoient en grand trauail, le Roy d'Angleterre & le Duc de Bourgongne n'en auoient pas moins de leur part.

Ce fut enuiron tout en vn temps, peu s'en fallut, que fut le passage du Roy d'Angleterre à Calais, & le departement du Duc de Bourgongne de deuant Nuz: lequel à grandes iournees s'en retira droit à Calais, deuers le Roy d'Angleterre, à bien petite compagnie: & enuoya son armee, ainsi despeece, comme auez ouy, pour piller le pays de Barrois & de Lorraine, & pour les faire viure & se rafreschir, & le fait à cause de ce que ledit Duc de Lorraine luy cōmença la guerre & l'auoit deffié luy estāt

deuers Nuz, qui estoit bien vne grande faute à luy, avec les autres que ja auoit faictes avec les Anglois, lesquels s'attendoient à le trouuer à leur descente, avec pour le moins deux mille cinq cens Hommes d'armes bien en point, & autre grand nombre de Gens de cheual & de pied (car ainsi leur auoit promis ledict Duc de Bourgongne pour les faire venir) & qu'il auroit commencé la guerre en France, trois mois auant leur descente: afin qu'ils trouuassent le Roy plus las & plus foulé. Mais Dieu pourueut à tout, comme auez ouy. Le Roy d'Angleterre partit de Calais, & ledict Duc en sa compagnie: & passerent par Boulogne, & tirerent à Peronne, où ledict Duc recueillit les Anglois assez mal, car il faisoit garder les portes, & n'y entroient, sinon en petit nombre & logerent aux champs, & le pouuoient bien faire: car ils estoient bien pourueus de ce qu'il leur falloit pour ce mestier.

*Le Conne-
stable ache-
ue d'am-
ser le Duc
de Bourg.
Et le Roy
d'Anglet.*

Après qu'ils furent venus à Peronne, ledict Connestable enuoia deuers ledict Duc de Bourgongne vn de ses gens appelé Louis de Creuille, pour s'excuser enuers le Duc de Bourgongne de quoi il ne luy auoit baillé S. Quentin, disant ques'ainsi l'eust fait, il ne lui eust peu plus de riē seruir dedans le Royaume de France: car de tous poincts il eust perdu son crédit. & la communication des gens: mais qu'à ceste heure (veu qu'il voyoit le Roy d'Angleterre) cy apres feroit tout ce que ledit Duc de Bourgongne voudroit. Et pour en estre plus certain, bailla audit Duc vne lettre de creance, adressante au Roy d'Angleterre: & mettoit ledit Connestable la creance.

sur ledit Duc de Bourgongne. Outre, & dauantage enuoya vn seellé audit Duc : par lequel il luy promettoit de le seruir & secourir, & tous ses amis & alliez, tant le Roy d'Angleterre que autres, enuers tous & cōtre tous ceux qui pourroient viure & mourir, sans nul en excepter. Ledit Duc de Bourgongne bailla au Roy d'Angleterre sa lettre, & dit sa creance, & la feit vn peu plus grassé qu'elle n'estoit, car il asseu- roit le Roy d'Angleterre que ledit Connestable le mettroit dedans saint Quentin, & dedans toutes ses autres places. Le Roy le creut assez tost: car il auoit espousé la niepce dudit Con- nestable: & s'il luy sembloit en si grand' crainte du Roy de France qu'il n'oseroit faillir à ce qu'il promettoit audit Duc de Bourgongne, & à luy. Semblablement le croyoit ledit Duc de Bour- gongne. Mais les pensees dudit Connestable, ne la paour qu'il auoit du Roy, ne le conduisoiet pas encores iusques là, mais luy sembloit enco- res qu'il vseroit de dissimulations, comme il auoit accoustumé, pour les contenter: & qu'il leur mettroit si euidentes raisons en auāt qu'ils auroient encore patience, sans le contraindre à se declarer. Le Roy Edouard ne ses gens n'a- uoyent fort practiqué les faicts de ce Royau- me, & alloient plus grossièrement en besongne, parquoy ne peurent si tost entendre les dissimu- lations, dont on vse deçà & ailleurs: car naturel- lement les Anglois (qui ne sont iamais partis d'Angleterre) sont fort coleriques, comme aussi sont toutes les nations du pays froid. La nostre (comme vous voyez) est située en- tre les vns & les autres, & est enuironnee

*Anglois
coleriques.*

de l'Italie, & de l'Espagne, & de Catheloigne du costé de Leuant & d'Angleterre, & de ces parties de Flandres & de Hollande, vers le Ponant, & encores nous vient ioindre l'Allemagne par tout vers la Champaigne. Ainsi nous tenons de region chaude: & aussi de la froide. Parquoy nous auons gens de deux cōplexions. Mais mon aduis est qu'en tout le monde n'y a region mieux situee que celle de France.

Le Roy d'Angleterre qui auoit eu grand joye de ces nouuelles de Monseigneur le Connestable, combien que desia parauant en pouuoit bien auoir eu quelque sentement: mais non pas si ample se partit de Peronne, & le Duc de Bourgogne en sa compagnie, qui n'auoit nulles gens: car tous estoient tirez en Barrois, Lorraine, comme ie vous ai dit, & s'approcherent de Saint Quentin, & allerent courir vn grand tas d'Anglois deuant lesquels, comme i'ouy dire peu de iours apres, s'attendoient qu'on sonnast les cloches à leur venuë, & qu'on portast la Croix & l'eau beniste au deuant. Comme ils s'approcherent pres de la ville, l'artillerie commença à tirer: & faillit des escarmouches à pied & à cheual: & y eut deux ou trois Anglois tuez, & quelques-vns pris. Ils eurent vn tres-mauuais iour de pluye: & en cest estat s'en retournerent en leur ost, bien fort mal contens, murmurant contre ledit Connestable, & l'appelloient traistre. Le lendemain au matin le Duc de Bourgogne voulut prendre congé du Roy d'Angleterre, qui estoit chose bien estrange veu qu'il les auoit fait ainsi passer, & vouloit tirer vers son armee en

Barrois : disant qu'il feroit beaucoup de choses en leur faueur. Les Anglois, qui sont suspicieux, & qui estoient tous neufs par deçà, & esbahis, ne se pouuoient contenter de son allee, ne croire qu'il eust nulles gens aux champs, & si ne sçauoit le Duc de Bourgongne adouber avec eux le faict du Connestable, non-obstant qu'il eust esté dit que tout ce qu'il en auoit fait, estoit pour toutes bonnes fins, & si les esbahissoit l'yuer qui s'approchoit, & sembloit bien à les ouyr parler que le cœur leur tiraist plus à la paix, qu'à la guerre.

ou, qu'il leur dist que tout ce qu'il auoit fait, &c.

Comment le Roy feit vestir vn simple seruiteur d'vne cotte d'armes, avec vn esmail, & l'enuoya parler au Roy d'Angleterre, en son ost, où il eut tref-bonne responce.

CHAP. VII.

SUr ces propres paroles, & comme ledict Duc vouloit partir, fut pris des Anglois vn valet d'vn Gentilhomme de la maison du Roy, qui estoit des vingt Escus, & appellé Iacques de Grassé, & fut incontinent ledit Valet amené deuant le Roy d'Angleterre, & le Duc de Bourgongne, qui estoient ensemble, & puis fut mis en vne tente. Apres qu'ils l'eurent interrogué, ledict Duc de Bourgongne prit congé du Roy d'Angleterre, & se retira en Brabant, pour aller à Maisons où il auoit partie de ses gens. Le Roy d'Angleterre commanda qu'on donnast congé à ce Valet, veu que c'estoit

*Premier
prisonnier
lâché par
le Roy
d'Angl.*

leur premier prisonnier, & au departir, Monseigneur de Hauart & Monseigneur de Stanlei luy donnerent vn Noble, & luy dirent, Recommandez nous à la bonne grace du Roy vostre maistre, si vous pouuez parler à luy, ledict Valet vint à grande diligence deuers le Roy (qui estoit à Compiègne) & vint pour dire ces paroles. Le Roy entra en grande suspicion de luy, doutant que ce ne fust vne Espie, à cause que Gilbert de Grassé, frere du maistre dudit Valet, estoit pour lors en Bretaigne fort bien traité du Duc. Ledit Valet fut enfermé, & estroitement gardé, ceste nuict: toutesfois beaucoup de gens parlerent à luy, par cōmandement du Roy: & sembloit à leur rapport qu'il parlaist bien assurement, & que le Roy le deuoit ouyr. Le lendemain bien matin le Roy parla à luy. Apres qu'il l'eut ouy, il le feir defferrer (mais encores demoura gardé) & alla le Roy pour se mettre à table, ayant plusieurs imaginations, pour sçauoir s'il enuoyeroit vers les Anglois ou non, & auant que se seoir à table, m'en dit quelques paroles. Car (comme vous sçauiez, Monseigneur de Vienne,) nostre Roy parloit fort priuément, & souuent à ceux qui estoient plus prochains de luy (comme i'estoye lors, & d'autres depuis) & aimoit à parler en l'oreille. Il luy vint à souuenir des paroles que le Heraut d'Angleterre luy auoit dictes, c'est assauoir qu'il ne faillist point à enuoyer querir vn saufconduit pour enuoyer deuers le Roy d'Angleterre, dès ce qu'il seroit passé la mer, & qu'on s'adressast aux dessusdicts Seigneurs de Hauart & de Stanlei. Incontinent qu'il fut assis à ta-

*Facon d'i-
maginer
au Roy L.*

V. Salles.

*Heraus
fait à la
poste du
Roy Louis.*

que il adoit

ble, & eut vn peu imaginé (comme vous sçauiez qu'il faisoit, & en telle maniere qu'elle estoit bien estrāge à ceux qui ne le cognoissoient: car, sans le cognoistre, l'eussent iugé mal sage: mais ses œuures tesmoignent bien le contraire) il me dist que ie me leuasse, & que i'allasse manger en ma chambre, & que i'enuoyasse querir vn valet (qui estoit à Monseigneur des Halles, fils de Merichon de la Rochelle) & que ie parlasse à luy, sçauoir s'il oseroit entreprendre d'aller en l'ost du Roy d'Angleterre, en habit de Heraut. Ie fei incontinent ce qu'il m'auoit commandé, & fut trespasbahi, quand ie vey ledit seruiteur: car il ne me sembloit, ny de taille ny de façon, propice à vne telle œuvre: toutesfois il auoit bon sens (comme i'ay cognu depuis) & la parole douce & amiable.

Iamais le Roy n'auoit parlé à luy, qu'une seule fois. Ledit seruiteur fut tres esbahi, quand il m'ouyt parler: & se ietta à deux genoux deuant moy: comme celuy qui cuidoit desia estre mort. Ie l'asseuroye le mieux que ie pouuoye, & luy promis vne Eslection en l'isle de Ré, & de l'argent, & pour plus l'asseurer, luy di que cecy venoit des Anglois: & puis le fei manger avec moy (où n'estions que nous deux, & vn valet) & petit à petit le mettoye en ce qu'il auoit à faire. Ien'y eu gueres esté que le Roy m'enuoya querir, & luy comptai de nostre homme, & luy en nommay d'autres plus propres à mon entendement, mais il n'en voulut point d'autre, & vint luy-mesme parler à luy, & l'assura plus en vne parole, que ie n'auoye fait en cent. Avec ledict

Seigneur n'entra en ladite chambre, que Monseigneur de Villiers, lors grand Escuyer, & maintenant Baillif de Caën. Et quand il sembla au Roy que nostre homme fust en bon propos, il enuoya par le Grand Escuyer, querir vne banniere de Trompette, pour luy faire vne cotte d'armes : car ledict Seigneur n'estoit point conuoiteux, ny accompagné de Heraut ne de Trompette: comme sont plusieurs Princes. Et ainsi ledit Grand-Escuier, & vn de mes gens, feirent ceste cotte d'armes, le mieux qu'ils peurent: & alla ledit Grand Escuier querir l'esmail d'un petit Heraut, qui estoit à Monseigneur l'Admiral, appelé Plein-Chemin. Lequel esmail fut attaché à nostre homme: & luy apporta l'on secrettement ses housseaux & son habillement, & luy fut amené son cheual, & luy mis dessus, sans ce que personne en sceust rien: & luy mit-on vne belle bougette à l'arçon de sa selle, pour mettre sa cotte d'armes: & bien instruit de ce qu'il auoit à dire, s'en alla tout droit à l'ost des Anglois. Apres que nostre homme fut arriué à l'ost des Anglois avec sa cotte d'armes sur le dos, tantost fut arresté, & mené deuant la tente du Roy d'Angleterre. Il luy fut demandé qu'il y venoit faire. Il dit qu'il venoit de par le Roy, pour parler au Roy d'Angleterre, & qu'il auoit charge de s'adresser à Messeigneurs de Hauart & de Stanlei.

*Cotte d'armes
faicte
à la haste.*

*Creance
notable du
Heraut de
France au
Roy d'An
leterre.*

On le mena en vne tente, pour disner & luy feit-on tresbonne chere. Au leuer de la table du Roy d'Angleterre, qui disnoit à l'heure que le Heraut arriua, on mena ledit Heraut deuers luy, & l'ouyt. Sa creance estoit fondée sur le de-

fir que le Roy auoit dés long temps, d'auoir bonne amitié avec luy, & que les deux Royau-
mes peussent viure en paix : & que iamais, de-
puis qu'il auoit esté Roy de France, il n'auoit
fait guerre, ny entreprise: contre le Roy, ne le
Royaume d'Angleterre, s'excusant de ce qu'au-
tresfois auoit recueilly Monseigneur de Vvar-
uic, & disoit que ce n'auoit esté seulement que
contre le Duc de Bourgongne, & non point
contre luy. Aussi luy faisoit remonstrer que le-
dit Duc de Bourgongne ne l'auoit point appel-
lé, sinon pour en faire vn meilleur appoincte-
ment avec le Roy, sur l'occasion de sa venuë: &
si autres en auoit, qui y tinssent la main, que ce
n'estoit sinon pour en amender leurs offenses,
& tascher à leurs fins particulieres : & du faict
du Roy d'Angleterre, ne leur chaloit, au demou-
rant comme il en allast : mais qu'ils en feissent
leurs besongnes bonnes. Aussi luy faisoit remon-
strer le temps, & que ja s'approchoit l'yuer, &
& qu'il scauoit bien qu'il auoit fait grande de-
pense: & qu'il y auoit plusieurs gens en Angle-
terre qui desiroient la guerre par deçà: tant No-
bles que Marchands, & quand ce viendrait que
le Roy d'Angleterre se voudroit mettre en son
deuoir d'entendre au Traitté, que ledit Roy s'y
mettroit-tant, de son costé, que luy & son Ro-
yaume deuroient estre contents : & afin que
mieux fust informé de ces choses, s'il vouloit
dōner sauf-conduit pour le nōbre de cent che-
uaux, que le Roy enuoyeroit vers luy Ambassa-
deurs bien informez de son vouloir: ou si le Roy
d'Angleterre aimoit mieux que ce fust en quel-
que village, à my-chemin des deux armées, &

*V. affaires.
(entendez
cecy du Cō-
nestable.)*

que là gens se trouuassent des deux costez, que le Roy en seroit tres-content; & enuoyeroit sauf-conduit de son costé.

Le Roy d'Angleterre & vne partie de ses Princes trouuerent ces ouuertures tres-bonnes: & fut baillé vn saufconduit à nostre homme tel qu'il le demandoit: & luy fut donné quatre Nobles: & vint avec luy vn Heraut pour venir querir vn saufconduit du Roy, pareil à celuy qu'auoit donné le Roy d'Angleterre: & le lendemain en vn village aupres d'Amiens, se trouuerent les Ambassadeurs ensemble. De la part du Roi y estoit le Bastard de Bourbon, Admiral, Monseigneur de saint Pierre, & l'Euesque d'Eu-ureux, appelé Heberge. Le Roi d'Angleterre y enuoya Monseigneur de Hauart, vn nommé Chalangier, & vn Docteur appelé Morton: qui aujourd'hui est Chancelier d'Angleterre & Archeuesque de Cantorbie. Je croi qu'à plusieurs pourroit sembler que le Roi s'humilioit trop: mais les sages pourront bien iuger, par mesparoles précédentes que ce Royaume estoit en grand dâger: si Dieu n'y eust mis la main, le quel disposa le sens de nostre Roi à eslire si sage parti, & troubla bien celuy du Duc de Bourgongne: qui feit tant d'erreurs (comme auez veu) en ceste matiere, apres auoir tant desiré ce qu'il perdit par sa faute. Nous auions lors beaucoup de choses secretes parmi nous: dont fussent venus de grands maux en ce Royaume, & promptement (si cest apppointement ne se fust trouué, & bien-tost) tant du costé de Bre-taigne que d'ailleurs. Et croy veritablement, aux choses que i'ai veües en mon temps, que

Dieu auoit, & a ce Roiaume en especiale re-
commandation.

*Comment trefue de neuf ans fut traittee entre le Roy de
France & le Roy d'Angleterre, nonostant les em-
peschemens du Conneftable & du Duc de Bourgon-
gne.*

CHAP. VIII.

Comme vous auez ouy nos Ambassadeurs
se trouuerent ensemble dés le lendemain
de la venuë de nostre Heraut: car nous
estions pres les vns des autres: comme de qua-
tre lieues, ou moins. Nostre Heraut eut bonne
chere, & son office en l'isle de Ré, dont il estoit
natif, & de l'argent. Plusieurs ouuertures fu-
rent faictes entre nos Ambassadeurs. Les An-
glois demanderent, comme ils ont accou-
stumé, la couronne, ou pour le moins, Nor-
mandie & Guienne. Bien assailly, bien defen-
du. Dés ceste premiere iournee furent les choses
bien approchees: car les deux parties en auoient
grand' enuie. Les nostres reuindrent: & les au-
tres s'en retournerent en leur ost. Le Roy ouit
leurs demandes & dernieres conclusions: c'e-
stoit septante & deux mille Escus, tous contens,
auant que partir: le mariage du Roy, qui est au-
iourd'huy, avec la fille aisnee du Roy Edouard
laquelle est aujourd'huy Roine d'Angleterre,
& la Duché de Guienne, pour la nourrir, ou cin-
quante mille Escus tous les ans, rendus dedans
le chasteau de Londres, iusques au bout de neuf
ans: & au bout du terme, deuoit le Roy, qui est
aujourd'huy, & sa femme, iouyr pacifiquement
du reuenue de Guienne: & aussi nostre Roy

*Articles de
paix entre
le Roy L.
& le Roy
Edouard.*

3

7

5

*Le Roy
d'Anglet.
desconue
de soy mes-
me le Con-
nestable
au Roy.*

deuoit demourer quitte de ce payement enuers le Roy d'Angleterre. Plusieurs autres petits articles y auoit touchans le faict des marchands: dont ie ne fai point mention: & deuoit durer ceste paix neuf ans, entre les deux Royaumes: & y estoient compris tous les alliez d'un costé & d'autre: & nommément de la part du Roy d'Angleterre, les Ducs de Bourgogne & Bretagne: si compris y. vouloient estre. Offroit ledit Roy d'Angleterre, qui estoit chose bien estrange, de nommer aucuns personnages, qu'il disoit estre traistres au Roy & à sa couronne, & de le monstrier par escrit. Le Roy eut merueilleusement grande ioye de ce que ses gens luy rapportèrent.

Il tint conseil sur ceste matiere: & y estoie present. Aucuns furent d'aduis que ce n'estoit qu'une tromperie & dissimulation de la part des Anglois. Au Roy sembloit le contraire: & allegua la disposition du temps & la saison, & qu'ils n'auoient vne seule place, qui fust à eux, & aussi les mauuais tours que le Duc de Bourgogne leur auoit faits: lequel estoit ja party d'avec eux: & se tenoit comme seur que le Connestable ne bailleroit nulles places. Car à chacune heure le Roy enuoyoit deuers luy pour l'entretenir & pour l'addoucir, & pour le garder de mal faire. Aussi le Roy auoit bien cognoissance de la personne du Roy d'Angleterre: lequel aimoit fort ses aises & ses plaisirs. A quoy sembloit qu'il parloit plus sagement que personne de la compagnie, & qu'il entendoit mieux ces matieres, de quoy on parloit: & conclud qu'à tres-grande diligence on cherchast cest argent:

cest argent : & feit aduiser la maniere de le trou-
uer : & qu'il falloit que chacun prestast quelque
chose pour aider soudainement à le fournir. Et *Quelcun
a escrit que
l'arget fut
fourni par
la ville de
Paris.*
conclud le Roy, qu'il n'estoit chose au monde
qu'il ne feist, pour ietter le Roy d'Angleterre
hors de ce Royaume, excepté qu'il ne consen-
tiroit pour riens qu'ils eussent terre : & auant
qu'il le souffrist, mettroit toutes choses en pe-
ril & hazard.

Monseigneur le Connestable commença à
foy apperceuoir de ces marchez, & auoir paour
d'auoir offesé de tous* poincts : & tousiours crai- *V. costez.*
gnoit ceste marchandise qui auoit cuidoé estre
concluë contre lui à Bouuines : & à ceste cause il
enuoyoit souuent deuers le Roy : & sur l'heure
dont ie parle, vint deuers ledit Seigneur vn gen-
til-homme, appelé Louis de Creuille, seruiteur
du Connestable, & vn sien Secretaire, appelé
maistre* Iean Richier (qui tous deux viuent en- *Le V. osté
Iehan.*
cores) & dirent leur creance à Monseigneur du
Bouchage & à moy, premier qu'au Roy : car le
plaisir dudit Seigneur estoit tel. Ce qu'ils appor-
toient pleut fort au Roy, quand il en fut aduer-
ti : pource qu'il auoit intention de s'en seruir :
comme vous orrez. Le seigneur de Contay, ser-
uiteur du Duc de Bourgogne (qui auoit esté
pris n'aguères deuant Arras comme auez ouy)
alloit & venoit sur sa foy, deuers ledit Duc : &
lui auoit le Roy promis donner sa finance & rā-
çon, & vne tresgrande somme d'argent : s'il pou-
uoit traiter la paix. D'auenture il estoit arriué
deuers le Roy ce iour qu'arriuerent les deux des-
susnommez seruiteurs dudit Connestable. Le
Roy feit mettre ledit Seigneur de Contay de-

*Termes re-
presentez
du Duc de
B. touchât
le Roy
d'Anglet.*

*V. Blaybor
gne.*

dans vn grand & vieil osteuent (qui estoit dedés sa chambre) & moy avec lui : afin qu'il entendist & peust faire rapport à son maistre des paroles, dont vsoit ledit Connestable & ses gens dudit Duc. Et le Roy se vint seoir sur vn esca beau, rasibus dudit osteuent: afin que nous peussions mieux entendre les paroles que disoit Loui de Creuille & son compagnon, qui commencerent lors, disans que leur maistre les auoit enuoyez deuers le Duc de Bourgongne, & qu'il l'auoit fait plusieurs remonstrances pour le demouuoir de l'amitié des Anglois, & qu'ils l'auoient trouué en telle colere cōtre le Roy d'Angleterre, qu'à peu qu'ils ne l'auoient gaigné, non pas seulement à les laisser, mais aider à les destrousser en eux retournant. Et en disant ces paroles, pour cuider complaire au Roy, ledit Loui de Creuille commença à contrefaire le Duc de Bourgongne, & à frapper du pied contre terre & à iurer S. George, & qu'il appeloit le Roy d'Angleterre Blancborgne, fils d'un Archer qui portoit son nom : & toutes les moqueries que ce monde estoit possible de dire d'homme. Le Roy rioit fort : & lui disoit qu'il parlait haut : & qu'il commençoit à deuenir vn peu sourd : & qu'il le dist encores vne fois. L'autre ne se feignoit pas, & recommençoit encores de trèsbo cœur. Monseigneur de Contai (qui estoit avec moy, en cest osteuent) estoit le plus esbahi du monde, & n'eust iamais creu, pour chose qu'on lui eust sceu dire, les paroles qu'il oyoit. La conclusion des gens dudit Connestable estoit, qu'il conseilloit au Roy, que pour euer tous ces grands perils qu'il vouloit appareiller contre

lui, il prist vne trefue: & que ledit Conneſtable ſe faiſoit fort de le . . . garder: & que pour con-
 tenter ces Anglois, on leur baillaſt ſeulement
 vne petite ville, où deux, pour les loger l'huiet:
 & qu'elles ne ſçauroient eſtre ſi meſchantes, que
 ils ne s'en contentaſſent. Et ſembloit, ſans rien
 nommer, qu'il vouliſt dire Eu & Sainct Valery:
 & luy ſembloit que par ce moyen, les Anglois
 ſe contenteroient de lui, & du refus qu'il leur au-
 uoit fait de ces places. Le Roy (à qui il ſuffiſoit
 d'auoir ioüié ſon perſonnage, & fait entendre au
 Seigneur de Contay les paroles dont vſoit &
 faiſoit vſer ce Conneſtable par ſes gens) ne leur
 feit aucune mal-gracieuſe reſponſe: mais ſeule-
 ment leur dit, l'enuoieray deuers mon frere, & ſon
 lui feray ſçauoir de mes nouuelles: & puis leur
 donna congé. L'un feit le ſerment, en la main du
 Roy, que s'il ſçauoit riens qui touchaſt le Roy,
 de le reueler. Il greua beaucoup au Roy, de diſſi-
 muler de ceſte parole, où ils cōſeilloient de bail-
 ler terre aux Anglois: mais, doutāt que ledit Cō-
 neſtable ne feiſt pis, n'y voulut point reſpondre,
 en façon qu'ils cogneuſſent qu'il l'euiſt mal pris:
 mais enuoya deuers lui. Le chemin eſtoit court,
 & ne mettoit vn homme gueres à aller & re-
 tourner. Le Seigneur de Contay & moy par-
 tiſmes de ceſt oſteuent, quand les autres s'en
 furent allez: & rioit le Roy, en faiſant bien
 bonne chere: mais ledit de Contay eſtoit com-
 me homme ſans patience, d'auoir ouy telles
 ſortes de gens ainſi ſe mocquer de ſon maiſtre,
 & veu encores les traiteez qu'il menoit avec lui:
 & luy tarδοit qu'il ne fuſt ja à cheual; pour
 l'aller dire à ſon dit maiſtre le Duc de Bour-

V. garder.

Le Roy ſe ſem-
 ble appeller
 le Conne-
 ſtable ſon
 frere.

gongne. Sur l'heure fut desesperé ledit seigneur de Contay, & son instruction escrite de sa main propre, & emporta yne lettre de creance, de la main du Roy, & s'en partit.

Nostre matiere d'Angleterre estoit là accordée, comme auez ouy, & se menioient tous ces marchez en vn temps, & en vn coup. Ceux qui de par le Roy s'estoyent trouués avec les Anglois, auoient fait leur rapport (comme auez entendu) & ceux du Roy d'Angleterre estoient aussi retournés deuers luy. Des deux costés fu accordé & deliberé par ceux, qui allerent & vindrent, que les deux Roys se verroyent, & (apre qu'ils se seroyent veus, & auroient iuré les traittez pour parlez) que le Roy d'Angleterre s'en retourneroit en son país, apres auoir receu le septante deux mille escus: & qu'il laisseroit en ostage monseigneur de Hauart, & son Grand Escuyer messire Iean Chene, iusques à ce qu'il fust passé la mer.* Par apres furent promis seize mille escus de pension aux seruiteurs priuez du Roy d'Angleterre. A monseigneur de Hastings deux milles escus: & à monseigneur de Hauart, au Grand Escuyer, à Chalangier, monseigneur de Mont-gomery, & à d'autres le demourant: & largement argent content, & vaisselle fut donnée aux seruiteurs dudit Roy Edward.

V. A part.

*Pensions
aux serui-
teurs du
Roy d'An-
gleterre.*

Le Duc de Bourgogne, sentant ces nouuelles, vint de deuers Luxembourg (où il estoit) tresgrand' haste, deuers le Roy d'Angleterre: & n'auoit que seize cheuaux quand il arriua deuers luy. Le Roy d'Angleterre fut fort esbahi de ce ste venuë si soudaine, & lui demanda qu'il l'ame

noit, & veit bien qu'il estoit courroucé. Ledit Duc lui respōdit qu'il venoit parler à lui. Le Roy lui demanda s'il vouloit parler à lui à part, ou en public. Lors lui demāda le Duc s'il auoit la paix. Le Roy lui respondit qu'il auoit fait vne trefue pour neufans, en laquelle il estoit compris & le Duc de Bretagne : & qu'il lui prioit qu'il s'y accordast. Ledit Duc se courrouça, & parla en Anglois (car il scauoit le lāgage) & allegua plusieurs beaux faicts des Rois d'Angleterre qui estoient passez en France, & les peines qu'ils auoient prises, pour y acquerir honneur: & blasma fort ceste trefue : disant qu'il n'auoit point cherché à faire passer les Anglois, pour besoing qu'il en eust : mais pour recouurer ce qui leur appartenoit, & afin qu'ils cognussent qu'il n'auoit nul esoin de leur venuë, qu'il ne prendroit trefue avec nostre Roy, iusques à ce que le Roy d'Angleterre eust esté trois mois delà la mer: & apres ces paroles, part, & s'en va de là où il venoit. Le Roy d'Angleterre prit tres-mal ces paroles, & eut de son conseil. Autres qui n'estoient point contents de ceste paix, loüerent ce que le Duc auoit dit.

*Naturel
du Duc de
Bourg. pre-
sompueux*

Comment le Roy fait festoyer les Anglois dedans Amiens : & comment place fut assignee pour la venue des deux Roys.

CHAP. IX.

LE Roy d'Angleterre, pour conclurre ceste paix, vint loger à demie lieuë d'Amiens : & estoit le Roy à la porte, qui de loin les pouuoit voir arriuer. Pour ne mentir point, il sembloit

bien qu'ils fussent neufs à ce mestier de tenir les champs, & cheuauchioient en assez mauuais ordre. Le Roy enuoya au Roy d'Angleterre trois cens chariots de vin, des meilleurs qu'il fut possible de finer: & sembloit ce charroy quasi vn ost, aussi grand que celui du Roy d'Angleterre. Et pource qu'il estoit trefue, venoient largemēt Anglois en la ville, & se monstroient peu sages, & ayans peu de reuerence à leur Roy. Ils venoiēt tous armez, & en grande compagnie, & quand nostre Roy y eust voulu aller à mauuaise foy, iamaïs si grande compagnie ne fut si aisee à desconfire: mais sa pensee n'estoit autre, qu'à les bien festoyer, & le mettre en bonne paix avec eux pour son temps. Il auoit ordonné, à l'entree de la porte de la ville, deux grandes tables, à chacun costé vne, chargées de toutes bonnes viandes, qui font enuie de boire, & de toutes sortes, & les vins les meilleurs dont se peut aduiser: & des gens pour le seruir. D'eau n'estoit nouvelles.

*Anglois re-
cueillis à
Amiens.*

** V. dit, &
disoient,
qu'ils leur
courussent
vne lance
& les choc.
* V. ex. dis,
& y auoit
neuf ou
dix tauer-
nes bien
fournies.*

A chacune de ces tables auoit fait seoir cinq ou six hommes de bonne maison, fort gros & gras, pour mieux plaire à ceux qui auoient enuie de boire: & y estoient le Seigneur de Cran, le Seigneur de Briquebec, le Seigneur de Bresmes, le Seigneur de Villiers, & autres: & dès que les Anglois s'approchoient de la porte, ils voyoient ceste assiette, & y auoit gens, qui les prenoient à la bride. & les amenoient pres de la table: & estoient traittez pour ce passage selon l'assiette, & en tres-bonne sorte: & le prenoient bien en gré. Comme ils estoient en la ville, quelque part qu'ils descendissent, ils ne payoient riens: estoient fournis de ce qui leur estoit necessaire,

où ils alloient boire & manger, & demandoient
ce qu'il leur plaisoit: & ne payoient riens: & du-
ra cecy trois ou quatre iours.

Vous auez ouy comme ceste trefue desplai-
soit au Duc de Bourgogne: mais encores des-
plaisoit-elle plus au Connestable, qui se voyoit
mal de tous costez, & auoir failly: & pource en-
uoya deuers le Roy d'Angleterre, son Confes-
seur, avec vne lettre de creance, qui estoit telle,
que pour l'amour de Dieu, il n'adioustast foy
aux paroles ny aux promesses du Roy: mais que
eulement il voulsist prendre Eu & Sainct Vale-
y, & s'y loger pour partie de l'hier: car auant
qu'il fust deux mois, il feroit en façon, qu'il se-
oit bien logé: sans lui bailler autre seureté, mais
res-grand' esperance. Et afin qu'il n'eust cause
de faire vn meschant appoinctement pour peu
d'argent: lui offroit à prester, cinquante mille
scus, & lui faisoit beaucoup d'autres belles ou-
vertures: & desia lui auoit faict bailler le Roy
les deux places, dont il parloit, à cause que le
dit Connestable lui auoit conseillé les bailler
aux Anglois, & le Roy d'Angleterre en estoit
aduerti. Lequel feit response audit Connestable
que sa trefue estoit concludë, & qu'il ne chan-
geroit rien en ceste matiere: & s'il lui eust tenu
ce qu'il auoit promis, qu'il n'eust point faict cest
appoinctement. Lors fut de tous poincts ledit
Connestable desesperé.

*Le Conne-
stable pra-
tique le
Roy d'An-
glet. contre
le Roy.*

Or vous oyez comme ces Anglois se trait-
toient en la ville d'Amiens. Vn soir Monseig.
de Torcy vint dire au Roy, qu'il y en auoit lar-
gement, & que c'estoit grand danger. Le Roy
s'en courrouça à lui. Ainsi chacun s'en teut,

Le matin estoit le iour semblable celle annee, qu'auoit esté les innocens : & à tel iour le Roy ne vouloit ouyr parler de nulle de ces matieres, & tenoit à grand malheur quand on luy en parloit : & se courrouçoit fort à ceux, qui l'auoient accoustumé de hanter, & cognoissoient sa condition, toutesfois ce matin, dont ie parle, comme le Roy se leuoit, & disoit ses heures, quelqu'un me vint dire qu'il y auoit bien neuf mille Anglois en la ville. Ie me deliberay prendre l'aduenture de luy dire : & rentray en son retrait, & lui dy, Si nonobstant qu'il soit. le iour des Innocens, si est-il necessaire que ie vous die ce que l'on m'a dit : & lui compray au long le nombre qui y estoit, & tousiours en venoit, & tous armez, & que nul ne leur oloit refuser la porte, de paour de les mescontenter. Le dit Seigneur ne fut point obstiné : mais tost laissa ses heures : & me dit, qu'il ne falloit point tenir la ceremonie des Innocens ce iour, & que ie montasse à cheual, & que i'essayasse à parler au Chef des Anglois, pour veoir si les pourrions faire retirer : & que ie disse à ces Capitaines (si aucuns en rencontroye) qu'ils vinssent parler à luy, & qu'il viendroit incontinēt à la porte apres moy. Ainsi le fey, & parlay à trois ou à quatre des Chefs des Anglois, que cognoissoye : & leur dy ce qui seruoit à ceste matiere. Pour vn qu'ils renuoyoiēt y en entroit vingt. Le Roy enuoya apres moy Monseigneur de Gié, à ceste heure Mareschal de France, pour ceste matiere. Nous entrâmes en vne tauerne : où ia auoient esté faits cens & onze escots : & n'estoit pas encores neuf heures du matin. La maison estoit pleine.

* C'est à dire, semblable au iour &c.

Desordre
des Anglois
à Amiens.

Les vns chantoient : les autres dormoient, & estoient yures. Quand ie cognu cela, il me sembla bien qu'il n'y auoit point de peril, & le mādāy au Roy, lequel vint incontinent à la porte, bien accompagné, & secrettement feit armer deux ou trois cens Hommes d'armes és maisons de leurs Capitaines & aucuns en mit sur le portail par où ils entroient. Le Roy feit apporter son disner en la maison des portiers: & feit disner plusieurs gens de bien des Anglois avec luy. Le Roy d'Angleterre fut aduertī de ce desordre & en eut honte, & manda au Roy qu'il commandast qu'on ne laissast nul entrer. Le Roy fit responce que cela ne feroit-il iamais : mais (s'il plaisoit au Roy d'Angleterre) qu'il enuoyast de ses Archers de la couronne, & qu'ils gardassent la porte, & missent dedās ceux qu'ils voudroiēt, & ainsi fut fait : & beaucoup d'Anglois s'en allerent de la ville par le commandement du Roy d'Angleterre.

Il fut lors aduisé, que, pour mettre fin à tout, falloir aduiser le lieu où les deux Roys se verroient, & ordonner gens à visiter la place. De la part du Roy y allasmes Monseigneur du Bouchage & moy : & pour le Roy d'Angleterre, Monseigneur de Hauart, & vn appelé Chalangier, & vn Heraut. Et apres estre bien allé & visité la riuere, nous arrestasmes que le plus beau lieu, & le plus seur, estoit Picquigny, à trois lieuës d'Amiens, vn fort chasteau, qui est au Vidasme d'Amiens : combien qu'il auoit esté bruslé par le Duc de Bourgogne. La ville est basse, & y passe la riuere de Sōme: laquelle n'est point gueable : & en ce lieu n'est point large.

Par là où venoit le Roy, le pays estoit beau & large. De l'autre costé, par où venoit le Roy d'Angleterre, le pays estoit tres-beau : sauf que, quand il venoit à approcher de la riuere ; il y auoit vne chaussee de bien deux grands traicts d'arc, de long, qui auoit des marais d'un costé & d'autre : & qui ne fust allé à la bonne foy, c'estoit vn tres-dangereux chemin. Et sans point de doute (comme i'ay dit ailleurs) les Anglois ne sont pas si subtils en traittez & appointemens, comme sont les François : & (quelque chose que l'on en die) ils vont assez grossièrement en besongne, mais il faut auoir vn peu de patience, & ne debattre point coleriquement avec eux.

*Comment
faut trait-
ter avec les
Anglois.*

Après que la conclusion de nostre lieu fut prise, il fut ordonné d'y faire vn pont bien passant, & assez large : & fournismes les Charpentiers & les estoifes : & au milieu de ce pont fut fait vn treillis de bois, comme l'on fait aux cages de ces Lions : & n'estoient point les trous d'entre les barreaux plus grands, qu'à y bouter vn bras à son aise. Le dessus estoit couuert d'ais seulement pour la pluye, si auant qu'ils se pouuoient mettre dix ou douze personnes dessous, de chacun costé : & comprenoit le treillis iusques sur le bord du pont : afin qu'on ne peust passer de l'un à l'autre. En la riuere y auoit seulement vne sentine : où il y auoit deux hommes, pour passer ceux, qui voudroient aller d'un costé à l'autre.

v. puissant.

*Treillis de
bois pour
l'entree
des deux
Rois.*

Je veux dire l'occasion qui meut le Roy que cest entre-deux fut fait, de telle façon que l'on ne peust aller de l'un costé à l'autre, & pourroit parauenture seruir le temps aduenir, à quelqu'un

*Digression
en laquelle
est traité
de la mort*

qui auroit à faire semblable cas. Du temps du Roy Charles septiesme, estant en assez ieune aage, le Royaume estoit fort persecuté des Anglois: & estoit le Roy Henry cinquiesme au siege deuant Rouën, & le tenoit fort à destroit: & la pluspart de ceux de dedans estoient suiets ou partisans du Duc Iean de Bourgongne, qui pour lors regnoit. Entre ledit Duc Iean de Bourgongne & le Duc d'Orleans y auoit ia eu grand different, & tout ce Royaume, ou la pluspart, diuisé par ces deux parties, dont le faict du Roy ne valoit pas mieux. Partialité ne commença iamais en pays, que la fin n'en fust dommageuse, & mal aisee à esteindre. Pour ceste question, dont ie parle, auoit esté tué le Duc d'Orleans à Paris, vn an auoit, Ledit Duc Iean auoit grand' armee; & alloit & venoit, en intention de leuer le siege, qui estoit deuant Rouën, & pour mieux y pouuoir paruenir; & s'asseurer du Roy, auoit esté traicté que le Roy & luy se verroient à Montreuil, où faut-Yonne, & là fut fait vn pont, & vne barriere au milieu: mais au milieu desdites barrieres y auoit vn petit Huissier qui fermoit des deux costez, parquoy on pouuoit aller de l'vn costé à l'autre, mais que les deux parts le voulussent, Ainsi se trouua le * Roy l'vn costé du pont, & ledit Duc Iean de Bourgogne de l'autre, accompagnez de grand nombre de Gens-d'armes, & specialement le Duc Iean. Ils se mirent à parlemeter sur le pont, & à l'endroit où ils parloient, n'y auoit avec ledit Duc, que trois ou quatre personnes. Leur parlemēt encōmencé, fut le Duc semōs tellemēt, ou par enuie de foy humilier deuant le Roy, qu'il ouurit de son costé,

de Iean de Bour. en vne telle veuë que celle du Roy de France & d'Angl.

Notez toutesfois qu'il n'estoit encores que Dauphin. Notez que cecy aduint seize ans apres le meurtre du Duc d'Orleans.

& on luy ouurit de l'autre, & passa luy quatriesme Incontinent fut tué, & ceux qui estoient avec luy, dont est adueni depuis assez de maux, comme chacun scait. Cecy n'est pas de ma matiere, parquoy ie n'en di plus auant, mais le Roy me le compta ne plus, ne moins que ie vous di, en ordonnant ceste veuë, & disoit que s'il n'y eust point eu d'huis à ceste veuë, dont i'ay parlé, on n'eust point eu d'occasion de semondre ledit Duc de passer, & ce grand inconuenient ne fust point adueni, dont principalement furent cause aucuns seruiteurs dudit Duc d'Orleans, lequel auoit esté tué, comme ie vous ay dit, & estoient en autorité avec le Roy Charles VII.

Comment les deux Rois s'entreueirent, & iurerent la tresue parauant traittee: & comment aucuns estimerent que le S. Esprit descendit sur la tente du Roy d'Angleterre, en espee de pigeõ blanc.

C H A P. X.

NOs barrieres ainsi faites, comme vous auez Nouy, vindrent le lendemain les deux Rois: & fut l'an mil quatre cens septante cinq, le vingt & neufiesme iour d'Aoust. Le Roy auoit enuiron huiet cens hommes d'armes avec luy: & arriua le premier. Du costé où estoit le Roy d'Angleterre, estoit toute son armee en bataille. Et combien que nous ne pensions point voir le tout, si voyõs nous vn tres-grand nombre de gens de cheual, & de pied ensemble. Ce que nous auions de nostre costé, ne paroissoit rien aupres d'eux. Aussi la quarte partie de l'armee du Roy n'y estoit pas.

V. Le dix-neufiesme, quelqu'un a écrit que le Roy attendit un peu le Roy d'Anglet. Je doute qu'il n'y eusse pensé

Il estoit dit qu'avec chacun des Rois y auroit douze hommes, qui estoient ia ordonnez, pour estre aux barrieres, des plus grands, & des plus prochains. De nostre costé auions quatre hommes du Roy d'Angleterre, pour voir ce qui se faisoit parmy nous : & autant en auoient-ils, de leur costé, des nostres. Comme ie vous ay dit, le Roy estoit arriué le premier, & estoit ia aux barrieres : & estions douze aupres de luy, entre lesquels estoient le feu Duc Iean de Bourbon, & le Cardinal son frere. Le plaisir du Roy auoit esté, que ie fusse vestu pareil de luy, ce iour. Il auoit accoustumé, de long temps, d'en auoir quelqu'un qui s'habilloit pareil de luy souuent. Le Roy d'Angleterre vint du long de la chaufsee, dont i'ay parlé, tres-bien accompagné : & sembloit bien Roy. Avecques luy estoit le Duc de Clarence son frere, le Comte de Northombellante, & aucuns des autres seigneurs, son Chambellan, appelé Monseigneur de Hastings, son Chancelier, & autres : & n'y en auoit que trois ou quatre habillez de drap d'or, pareil du Roy. Ledit Roy auoit vne barette de velours noir sur la teste : & y auoit vne grande fleur de Lis de pierrerie par dessus. C'estoit vn tres-beau Prince, & grand : mais il commençoit à s'engraisser : & l'auoye veu autresfois plus beau : car ie n'ay point souuenance d'auoir iamais veu vn plus bel homme qu'il estoit, quād Monseigneur de Vvaruic le fit fuir d'Angleterre. Comme il approcha de la barriere, à cinq pieds pres, il osta sa barette : & s'agenouïlla, comme à demy pied de terre. Le Roy luy fit aussi grande reuerence : lequel estoit là appuyé contre la barriere. Et à

Saluta-
tion ma-
tuelle de
deux Rois
s'entr'em-
brassans
par les
trous des
barrieres.
v. mon-
sieur.

*Anglois iama
mais des-
pourueus
de prophet.*

s'entr'embrasser par entre les trous, feit le Roy d'Angleterre encores vne plus grande reuerence. Le Roy commença la parole & luy dit. * Mon cousin vous soyez le tresbien venu. Il n'y a homme au monde que ie desirasse tant à veoir que vous, & loüé soit Dieu dequoy nous sommes cy assemblez à si bonne intention. Le Roy d'Angleterre respondit à ce propos, en assez bon François. Lors commença à parler le Chancelier d'Angleterre (qui estoit vn Prelat, appelé l'Euesque * de Lisle) & commença par vne prophetie (dont les Anglois ne sont iamais despourueus) laquelle disoit qu'en ce lieu de Piquigni se deuoit faire vne grande paix entre France & Angleterre. Et apres furent desployees les lettres, que le Roy auoit fait bailler audict Roy d'Angleterre, touchant le traitté qui estoit fait: & demanda ledict Chancelier, au Roy, s'il les auoit commandees telles & s'il les auoit pas pour agreables. A quoy le Roy respondit. Qu'ouy, & aussi celles qui luy auoient esté baillees de la part du Roy d'Angleterre. Et lors fut apporté & ouuert le messel: & mirent les deux Roys la main dessus, & les deux autres sur la sainte vraye croix: & iurerent tous deux tenir ce qui auoit esté promis entre eux. C'est à sca-
Le vieil uoir la trefue de neuf ans * accomplis, compris
exemp. vraye les alliez d'un costé & d'autre, d'accomplir le
ce mot. mariage de leurs enfans; ainsi qu'il estoit contenu audict traitté. Apres le serment fait, nostre Roy (qui auoit bien la parole à commandement) commença à dire au Roy d'Angleterre, en se riant, qu'il falloit qu'il vint à Paris, & qu'il le festoyeroit avec les Dames: & qu'il luy

*Paix iuree
entre les
deux Roys.*

bailleroit monseigneur le Cardinal de Bourbon, pour confesseur : qui estoit celuy, qui l'absoudroit tres-volontiers de ce peché : s'aucun y en auoit commis. Le Roy d'Angleterre le prit à grand plaisir : & parloient de bon visage : car il sçauoit bien que ledict Cardinal estoit bon compagnon. Comme ce propos eut vn peu duré, ou semblable, le Roy (qui se monstroit auoir autorité en ceste compagnie) nous fait retirer, ceux qui estoient avec luy : & nous dit qu'il vouloit parler au Roy d'Angleterre, seul. Ceux du Roy d'Angleterre se retirerent semblablement sans attendre qu'on leur dist. Comme les deux Roys eurent vn peu parlé, le Roy m'appella : & demanda au Roy d'Angleterre, s'il me cognoissoit. Il luy respondit, Qu'ouy : & dit les lieux, où il m'auoit veu : & que d'autresfois m'estoie empesché pour le seruir à Calais, du temps que i'estoye avec le Duc de Bourgogne.

Le Roy luy demanda, si le Duc de Bourgogne ne vouloit point tenir la trefue (pource que si orgueilleusement en auoit respondu) ce qu'il luy plaisoit qu'il feist. Le Roy d'Angleterre luy dit qui la lui offriroit encores : & que, s'il ne la vouloit accepter, qu'il s'en rapporteroit à eux deux. Apres vint le Roy tomber sur le Duc de Bretagne (qui estoit ce qui luy auoit fait ouurer celle parole) & luy en fait semblable demande. Le Roy d'Angleterre luy respondit, qu'il luy prioit qu'il ne voulüst point faire la guerre audit Duc de Bretagne, & qu'ë la nécessité il n'auoit iamais trouué si bon amy. Le Roy s'en teut à tant : &, avec les plus amiables & gracieuses paroles qu'il peut, en r'appelant la

*Cardinal
de Bourbon
bon compa-
gnon, en
quel sens.*

V. offrist

*Le Roy
en veut
toujours
au Duc*

de Bretai-
gne & y
perd sa pei-
ne.

compagnie, prit congé du Roy d'Angleterre & dit quelque bon mot à chacun de ses gens. Et ainsi, tous deux en vn coup, ou bien peu s'en fa-
lut, se retirerent de la barriere, & monterent à
cheual. Le Roy s'en alla à Amyens, & le Roy
d'Angleterre à son ost: à qui on enuoyoit de la
maison du Roy tout ce qu'il luy faisoit besoin,
iusques aux torches & aux chandelles. A ce par-
lement ne se trouua point le Duc de Glocestre,
frere du Roy d'Angleterre, & aucuns autres:
cōme mal cōtēs de ceste trefue: mais depuis ils se
reuindrent: & vint depuis ledit Duc de Cloce-
stre vers le Roy iusques à Amiens: & luy feit le
Roy de tres-beaux presens: comme de vaisselle,
& de cheuaux, bien accoustrez.

Quand le Roy se fut retiré de ceste veuë, il par-
la à moy au long du chemin, sur deux poincts. Il
trouua le Roy d'Angleterre si prest de venir à
Paris, que cela ne luy auoit point pleu: & disoit,
C'est vn tres-beau Roy. Il aime fort les femmes,
Il pourroit trouuer quelque affetee à Paris, qui
luy pourroit bien dire tant de belles paroles,
qu'elle luy feroit eunie de reuenir, & que ses
predecesseurs auoiēt trop esté à Paris & en Nor-
mandie, & que la compagnie de l'autre ne va-
loit rien deçà la mer: mais que de la mer il le
vouloit bien pour frere & amy, encores se dou-
loit le Roy de quoy il auoit trouué vn peu dur,
quand il auoit, parlé du Duc de Bretagne: &
l'eust fort voulōtiers gaigné, qu'il se fust conten-
té qu'on eust fait la guerre en Bretagne, & luy
en feit encores sētir par Monseigneur du Bou-
chage, & par Monseigneur de saint Pierre:
mais quand le Roy d'Angleterre s'en veit passé,
il

v. de la-
nois.

il dit que, qui feroit guerre en Bretaigne, il repasseroit vne autrefois pour la defendre. Ouy laquelle responce on ne en luy parla plus. Comme le Roy fut arriué à Amiens, & comme il voulut soupper, vindrent trois ou quatre, de ceux du Roy d'Angleterre, soupper avec luy, qui auoient aydé à traitter ceste paix, & Monseigneur de Hauart commença à dire au Roy, en l'oreille, que s'il vouloit, il trouueroit bien moyé de faire venir le Roy son maistre, iusques à Amiens, parauanture iusques à Paris, à faire bonne chere avec luy. Le Roy, combien que cest offre ne luy plaisoit gueres, si en feit il tresbon visage & se prit à lauer, sans trop respondre à propos: mais me dit en l'oreille, que ce qu'il auoit pensé, lui estoit adueni, c'estoit cest offre. Encores en parlerent-ils apres soupper, mais le plus sagement qu'on peut, on rompit ceste entreprisedisant qu'il falloit que le Roy partist à grande diligence, pour aller contre le Duc de Bourgogne. Combien que ces matieres estoient tresgrandes, & que des deux costez on mettoit peine à sagement les conduire: toutesfois y aduint des choses plaisantes qui ne sont pas à oublier, & ne se doit personne esbahir (à veoir les grands maux que les Anglois ont fait en ce Royaume, & de fresche memoire & datte). si le Roy traualloit & despendoit à les mettre hors amiablement, afin qu'il les peüst encores tenir amis pour le temps à venir: au moins qu'ils ne luy fissent point de guerre.

Le lendemain de nostre veüe vindrent grand force d'Anglois à Amiens: & nous fut compté par aucuns, que le Saint Esprit auoit fait ceste

*Louis de
Bretailles
Gasconser-
uiteur du
Royd' Angl
dit la ve-
rité du
traicté des
2. Roys.*

paix (car tous se fondoient en Propheties) & ce qui le leur faisoit dire, estoit qu'vn Pigeon blanc s'estoit trouué sur la tente du Royd' Angleterre, le iour de la veüe : & pour quelque bruit qu'il y eust en l'ost, il nes'estoit voulu bouger. Mais à l'opinion d'aucuns, il auoit vn peu pleu, & puis il vint vn grãd soleil : & ce Pigeon se vint mettre sur ceste tente (qui estoit la plus haute) pour s'essuyer : & ceste raison dessusdite m'allegua vn Gentilhomme de Gascongne, seruiteur du Roy d'Angleterre, appellé Louis de Bretailles : lequel estoit tres-mal content de cest paix : & pource qu'il me cognoissoit de long temps, parla à moi priuément : & disoit que nous nous mocqueriõs fort du Roi d'Angleterre. Ie luy demandai quantes batailles le Roy d'Angleterre auoit gaignees. Il me dit neuf, où il auoit esté en personne. Il me respondit qu'il n'en auoit perdu qu'vne, & que c'estoit celle que nous lui faisons perdre : & qu'il reputoit ceste honte plus grande de le renuoyer en cest estat, qu'il ne faisoit l'honneur qu'il auoit eu à gaigner les autres neuf. Ie comptay cecy au Roy, qui me dit que c'estoit vn tres-mauuais paillard, & qu'il le falloit garder de parler. Il l'enuoya querir à son disner, & le feit disner avec luy, & luy offrit de tresbeaux & bons partis, s'il eust voulu demourer par deçà : & quand il veit qu'il ne vouloit demourer, il luy donna mille escus content : & luy promit faire des biens à des freres qu'il auoit par deçà : & ie luy dy quelque mot en l'oreille, afin qu'il mist peine d'entretenir l'amour qui estoit commencee entre les deux Roys.

Il n'estoit rien au monde dont le Roy eust

*.. V. gar-
son pail-
lard.*

lus grand' paour, que de ce qu'il luy eschappast *Le Roy ne*
 uelque mot, parquoy les Anglois pensassent *peut tenir*
 u'il se mocquast d'eux: & d'auenture, le lende- *sa langue*
 main apres ceste veüe, comme il estoit en son re-
 ait, que nous n'estions que trois ou quatre, il
 y eschapa quelque mot de rísee, touchant les
 ins & les presens qu'il auoit enuoyez à l'ost des
 nglois: & en se tournant, il apperçeut vn mar-
 and Gascon, qui demouroit en Angleterre: le-
 uel luy estoit venu demander vn congé pour
 ter certaine quantité de vin de Gascongne, sans
 en payer du droict du Roy, & estoit chose qui
 pouoit fort profiter audict marchand, s'il luy
 toit accordé. Ledit Seigneur fut tres-esbahy
 and il le veit, & comment il pouoit estre en-
 é. Il luy demanda de quelle ville il estoit en
 uienne, & s'il estoit marchand, & marié en An-
 eterre. Le marchand luy respondit que ouy,
 ais qu'il n'y auoit gueres vaillant: Incontinent
 Roy luy bailla vn homme, auant que partir
 là: qui le conduisit à Bordeaux, & parlay à *Le Roy*
 y par le commandement du Roy, & eut vne *paye l'a-*
 esbonne office en la ville dont il estoit né, & *mende*
 traitte des vins qu'il demanda, & mille francs *d'un mot à*
 ontans, pour faire venir sa femme, & enuoya vn *luy eschap-*
 en frere en Angleterre, sans ce qu'il y allast: & *pé.*
 nsi se condamna le Roy en ceste amende, co-
 noissant qu'il auoit trop parlé.

Comment le Conneſtable taſchoit de ſ'excuser enuers le Roy apres la trefue faite à l'Anglois, & comment fut auſſi faite trefue de neuf ans entre le Roy Louys & le Duc de Bourgongne.

CHAP. XI.

CE iour dont i'ay parlé (qui fut le lendemain de noſtre veüë) Monſeigneur le Conneſtable enuoia vn ſien ſeruiteur, nommé Rapine (à qui le Roy feit depuis du bien: & eſtoit bon ſeruiteur de ſon maistre) lequel apporta lettre au Roy. Lediſt Seigneur voulut que Monſeigneur de Lude & moy ouyſſions ſa creance : & eſtoit ia venu Monſeigneur de Contai de la marchandise, contre Monſeigneur le Conneſtable dont vous auez ouy parler cy deſſus : & ne ſçauoit plus le Conneſtable à quel Saint ſe vouë & ſe tenoit comme pour perdu. Les paroles que nous dit Rapine eſtoient tref-humbles : & que ſon maistre ſçauoit bien qu'on auoit fait beaucoup de rapports au Roy contre luy : mais qu'il auoit bien peu cognoiſtre par experience qu'il n'auoit point voulu faire de faute. Et, pour mieux aſſeurer le Roy de ſon vouloir, entra en quelque marché de réduire Monſeigneur de Bourgongne en façon qu'il aideroit à deſtruire le Roy d'Angleterre & toute ſa bande, ſ'il vouloit : & ſembloit bien à ſa façon de parler que ſon maistre eſtoit deſpourueu de toute esperance. Nous luy diſmes que nous auions bon accord avec les Anglois, & que nous n'y voudrions point de debat : & ſ'aduentura Monſe

Conneſtable diſſimulateur par tout.

gneur du Lude (qui estoit avec moy) iusques à luy demander s'il ne sçauoit point où estoit l'argent contant de son maistre. Je m'esbahy comme ceste parole luy eschappa (veu que cestuy-là estoit tresbon seruiteur) & qu'il ne fait fuir ledit Connestable, & entendre son cas, & ce que on procuroit contre luy, & encores veu le peril en quoi il auoit esté, n'auoit qu'un an, Mais l'ay veu peu de gens en ma vie, qui sçachent fuir à temps, . . n'euit leurs malheurs, ne cy, n'ailleurs : car les vns n'ont point d'experience d'auoir veu à l'œil leurs pays voisins, qui est grand faute à tout homme de bien : car, auoir veu les choses par experience, cela donne grand sens & grand hardement. Les autres ont trop d'amour à leurs biens, à leurs femmes & à leurs enfans. Et ces raisons ont esté cause de faire perir beaucoup de gens de bien.

Quand nous eusmes fait nostre rapport au Roy, il appella vn Secretaire : & n'y auoit avec luy que Monseigneur de Hauart, seruiteur du Roy d'Angleterre (qui ne sçauoit riē de ce qu'ordardoit audit Connestable) & y estoit le Seigneur de Contai, qui reuenoit d'avec le Duc de Bourgongne, & nous deux : qui auions parlé audit Rapine. Le Roy nomma vne lettre audit Connestable : & luy mandoit ce qui auoit esté fait le iour de deuant, & de ceste trefue : & qu'il estoit empesché en beaucoup de grāds affaires : & qu'il auoit bien à besongner d'une telle teste, comme la sienne : & puis se retourna deuers les Anglois, & monseigneur de Contai, & leur dit. Je n'enten point que nous eussions le corps : mais j'enten que nous eussions la teste, & que le corps

*Le Sieur
du Lude
parle teme-
rairement
par auari-
ce.*

*Le V. raye
tous ces
mots ius-
ques à
Les autres,
& dit ain-
si ne cy,
n'ailleurs
Les vns
n'ont point
d'esperan-
ce d'auoir
recueil &
seureté es
pays voi-
sins.
Les au-
tres, &c.
'c. dicta.*

Parole du Roy à deux sens, touchant la teste du Connestable. fust demouré-là. Ceste lettre fut baillée à Rapi-
ne : qui la trouua tresbonne : & lui sembloit pa-
role tres-amiable, que le Roy disoit, qu'il auoit
bien à besongner d'une telle teste que celle de
son maistre : & n'entendoit point la fin de ceste
parole. Ce Roy d'Angleterre enuoya au Roy
les deux lettres de creance que ledit Connesta-
ble luy auoit escrites : & manda toutes les paro-
les qu'il luy auoit iamais mandées : & ainsi pou-
uez veoir en quel estat il s'estoit mis entre ces
trois grands hommes : car chacun des trois luy
vouloit sa mort.

Le Roy d'Angleterre apres auoir receu son
argent, se mit en chemin, droit à Calais, à bonnes
iournees : car il doutoit la haine du Duc de Bour-
gongne, & de ceux du pays : & à la verité quan-
tes gēs s'esgaroient, quelcun en demeuroit touf-
iours par les buissons : & laissa ses ostages (com-
me il auoit promis) Monseigneur de Hauart, &
Messire Iehan Chene, Grand Escuyer d'Angle-
terre, iusques à ce qu'il fust passé la mer.

Vous auez ouy au commencement de ceste
matiere d'Angleterre, comme ce Roy n'auoit
point fort la matiere à cœur, car des ce qu'ils
estoint à Douures en Angleterre, & auant que
monter au nauire, pour passer, il entra en practi-
que avec nous. Et ce qui le faisoit passer deçà,
n'estoit que pour deux fins. L'une, que tout son
Royaume le desiroit (comme ils ont accoustu-
mé le temps passé) & la presse que leur en faisoit
le Duc de Bourgongne ; L'autre raison estoit
pour reseruer vne bonne grosse somme d'ar-
gent de celuy qu'il auoit lors en Angleter-
re leué, pour faire ce passage : car, comme vous

*Petite dis-
gression sur
quelque fi-
nesse du
Roy d'An-
glet. à l'en-
droit de ses
suiers.*

avez ouy, les Roys d'Angleterre ne leuent iamais riens que leur domaine: si ce n'est pour ceste guerre de France. Vne autre habileté auoit fait ledit Roy, pour contenter ses subiets. Il auoit amené dix ou douze hommes, tant de Londres, que d'autres villes d'Angleterre gros & gras: qui estoient des principaux entre les communes d'Angleterre, & qui estoient ceux qui auoient fort tenu la main à ce passage, & à mettre sus ceste puissante armee. Ledit Roy les faisoit loger en bonnes tentes: mais ce n'estoit point la vie qu'ils auoient accoustumee: & en furent tost las: & cuidoient qu'au bout de trois iours ils deussent auoir vne bataille, quand ils seroient deçà la mer: & le Roy d'Angleterre aidoit à leur faire des doutes, & aussi des craintes, & à leur faire trouuer la paix bonne, afin qu'ils luy aidassent, quand ils seroient de retour en Angleterre, à esteindre les murmures, qui pourroient estre à cause de son retour, Car onques Roy d'Angleterre, depuis le Roy Artus, n'amena tant de gens & de gros personnages, pour vn coup, deçà la mer: & s'en retourna tref-diligemment, comme vous avez ouy & luy demoura beaucoup d'argent de celui qu'il auoit leué en Angleterre pour le payement de les Gens-d'armes. Ainsi paruint à la pluspart de ses intentions. Il n'estoit point complexionné pour porter le trauail qui seroit necessaire à vn Roy d'Angleterre qui voudroit faire conqueste en France: & pour ce temps, le Roy auoit bien pourueu à la defense: combien que par tout n'eust sceu bien pourueoir, aux ennemis qu'il auoit: car il en auoit trop. Vn autre grand desir auoit le Roy d'Angle-

trete : c'estoit d'accomplir le mariage du Roy Charles huitiesme (qui est au regne auourd'huy) avec sa fille, & ce mariage luy fit dissimuler beaucoup de choses, qui depuis tournerent au grand profit du Roy.

Après que les Anglois furent repassez en Angleterre (sauf les ostages qui estoient avec le Roy) ledit seigneur se retira vers Laon, en vne petite ville (qui a nom Veruins) sur les marches de Hainaut, & à Auennes en Hainaut se trouua le Chancelier de Bourgongne, & autres Ambassadeurs, avec le Seigneur de Contay, pour le Duc de Bourgongne, & desiroit le Roy à ceste fois pacifier à tout. Ce grand nombre d'Anglois luy auoit fait paour : car en son temps il auoit veu de leurs œuvres en ce royaume ; & ne vouloit point qu'ils y retournassent. Le Roy eut nouuelles dudit Chancelier, qui disoyent que le Roy enuoyast de ses gens à vn pont, à my chemin d'Auennes & de Veruins, & que luy & ses congnois s'y trouueroyent. Le Roy leur manda qu'il s'y trouueroit luy-mesme : & combien qu'aucuns (à qui il en demanda) ne furent point de cest aduis, toutesfois il y alla, & mena les ostages des Anglois avec luy : & furent presens, quand le Roy receut les Ambassadeurs, qui vindrēt tresbiē accompagnez d'Archers & d'autres gens de guerre. Pour ceste heure ils n'eurent autres paroles avec le Roy, & les mena l'on disner.

L'vn de ces Anglois se commença à repentir de cest appointment : & me dit, à vne fenestre, que, s'ils eussent veu beaucoup de telles gens avec le Duc de Bourgongne, parauenture n'eussent-ils pas fait la paix. Monseigneur

de Narbonne, qui aujourd'hui s'appelle Mon-
seigneur de Fouez, ouyt ceste parole, & lui dit,
Estiez vous si simples de penser que le Duc de
Bourgongne n'eust grand nombre de tels gens?
Il les auoit seulement enuoyez rafreschir : mais
vous auiez si bon vouloir de retourner, que six
cens pippes de vin, & vne pension que le Roy
vous donne, vous ont r'enuoyé bien tost en An-
gleterre. L'Anglois se courrouça, & dit, C'est
bien ce que chacun nous disoit, que vous vous
moqueriez de nous. Appelez vous l'argent que
le Roy nous donne, pension ? c'est tribut, & par
Saint George, vous en pourriez bien tant dire,
que nous retournerions. Il rompy la parole : &
la conuertit en moquerie : mais l'Anglois n'en
demoura point cõtent : & en dit vn mot au Roy :
qui merueilleusement s'en courrouça audit Sei-
gneur de Narbonne.

*Parole re-
merciaire de
Mr. de Nar-
bonne à
peu pres en-
cherie par
vn Anglois
de bon sens*

Le Roy n'eust point grandes paroles aux des-
susdits Chancelier & Ambassadeurs pour ceste
fois : & fut appointé qu'ils viendroient à Ver-
uins : & ainsi le feirent : & vindrent avec le Roy :
& quand ils furent arriuez à Veruins, le Roy
commit messire Tanneguy du Chastel, & mes-
sire Pierre Doriole, Chancelier de France, à
besongner avec eux, & autres. De chacun costé
entrerent en grandes remonstrances, & à sou-
stenir chacun son party. Les dessusdits vindrent
faire au Roy leur rapport, disans que les Bour-
guignons estoient fiers en leurs paroles : mais
qu'ils leurs auoient bien riué le clou : & disoient
les responses qu'ils leur auoyent faites : dont le
Roy ne fut point content : & leur dit que tou-
tes ces responses auoient esté faites maintes fois :

& qu'il n'estoit point question de paix finale, mais de trefue seulement : & qu'il ne vouloit point qu'on leur vst plus de ces paroles, & que lui mesme vouloit parler à eux. Si feit venir le-
dit Châcelier & autres Ambassadeurs en sa chā-
bre : & n'y demoura avec luy que feu Monsei-
gneur l'Admiral, Bastard de Bourbon, monsei-
gneur du Bouchage & moy : & conclud la tref-
ue pour neufans, marchande, reuenant chacun
au sien : mais lesdits Ambassadeurs supplierent
au Roy qu'elle ne fust point encores crieë, pour
sauuer le serment du Duc : qui auoit iuré ne le
faire que le Roy d'Angleterre n'eust esté hors de
ce Royaume certain temps, afin qu'il ne sem-
blast point qu'il eust accepté la sienne..

Le Roy d'Angleterre (qui auoit grand despit
de ce que ledit Duc n'auoit voulu accepter sa
trefue, & estoit aduertty que le Roy en traittoit
vne autre, avec ledit Duc) enuoya messire Tho-
mas de Mont-gomery (vn Cheualier fort priué
de luy) deuers le Roy à Veruins, à l'heure que
le Roy traittoit ceste trefue, dont i'ay parlé, avec
ceux du Duc de Bourgogne. Ledit messire Tho-
mas requit au Roy, de par le Roy d'Angleterre,
qu'il ne voulüst point prédre d'autre trefue avec
le Duc, que celle qu'il auoit faicte. Aussi lui
prioit ne vouloir point bailler Saint Quentin
audit Duc : & offroit au Roy, que s'il vouloit
continuer la guerre audit Duc, il seroit content
de repasser la mer pour luy, & en sa faueur, la
saison prochaine, pourueu que le Roy le recom-
pensast du dommage qu'il auroit, à cause de la
gabelle des laines à Calais, qui ne lui vandroit
rien (ceste gabelle peut bien monter à cinquā-

trefue pour
ix. ans en-
tre le Roy
& le Duc
de Bourg.

Gabelle de
Calais de
50000. es-
cus.

te mille escus) & aussi que le Roy payast la moitié de son armee, & ledit Roy d'Angleterre payeroit l'autre moitié.

Le Roy mercia fort ledit Roy d'Angleterre : & donna de la vaisselle audit Messire Thomas : & s'excusa de la guerre, disant que la trefue estoit ia accordee, mais que c'estoit celle propre qu'eux deux Roys auoient faicte du propre terme de neuf ans : mais que ledit Duc en vouloit lettres à part, & excusa la chose au mieux qu'il peust, pour contenter ledit Ambassadeur, lequel s'en retourna, & ceux qui estoient demourez en ostage aussi. Le Roy s'esmerueilla fort des offres que le Roy d'Angleterre lui auoit faictes : & n'y eut que moy present à les ouyr, & sembla bien au Roy, que c'eust esté chose bien perilleuse de faire repasser le Roy d'Angleterre, & qu'il y a peu à faire à mettre debat entre les François & les Anglois, quand ils se treuuent ensemble, & qu'aisément se fussent accordez de nouveau les Bourguignons & eux, & lui creut l'enuie de conclure ceste trefue avec les Bourguignons.

Comment la mort du Connestable fut de tous poincts iuree entré le Roy & le Duc de Bourgogne, & comment s'estant retiré au pays du Duc, fut par le commandement d'iceluy, liuré au Roy, qui le fêst mourir par Iustice.

CHAP. XII.

LA trefue conclüe se remit en auant la pratique du Connestable : & pour n'en faire long procez, fut repris ce qui fut faict à Bouuines, dont i'ay parlé cy deuant : & furent baillez les

seellés de ceste matiere, d'un costé & d'autre, & par ce marché fut promis audit Duc, Saint Quentin, Han, & Bohain, & tout ce que ledit Connestable tenoit sous le pouuoir dudit Duc, & tous ses meubles (quelque part qu'ils fussent) & fut aduisé & conclu de la forme de l'assieger dedans Han, où il estoit : & celuy, qui premier le pourroit prendre, en feroit la iustice dedans huit iours, ou le rēdroit à son compagnon. Tantost chacun se commença douter de ceste marchandise : & les plus gens de bien, que ledit Connestable eust le commēcerent à laisser, comme Monseigneur de Genly, & plusieurs de ses compagnons qu'il auoit. Ledit Connestable (qui sçauoit bien comment le Roy d'Angleterre auoit baillé ses lettres, & descouuert ce qu'il sçauoit de luy, & que ses ennemis auoient esté à faire la trefue) commença à auoir tref-grande paour, & enuoya deuers le Duc de Bourgogne, luy supplier qu'il lui pleust lui enuoyer vne secreté, pour aller parler à lui, des choses qui fort lui touchoient. Ledit Duc de prime face feignit à la bailler : mais à la parfin la bailla. Mainte pēsee auoit ia eu ce puissant homme, où il prendroit chemin pour fuir : car de tout estoit informé, & auoit veu le double des seellez qui auoient esté baillez contre lui à Bouuines.

Le Connestable entrepris de diuers aduis sans resouuer.

Vne fois s'adressa à aucuns seruiteurs qu'il auoit, qui estoient Lorrains. Avec ceux-là delibera fuir en Alemaigne, & y porter grande somme d'argent (car le chemin estoit fort seur) & d'acheter vne place sur le Rin, & se tenir là, iusques à ce qu'il fust appointé de l'un des costez. Vne autrefois delibera tenir son bon chasteau

de Han, qui tant lui auoit cousté: & l'auoit faict pour se sauuer en vne telle necessité: & l'auoit pouruë de toutes choses, autant que chasteau qui fust en nostre cognoissance.

Encores ne trouua-il gens à son gré, pour demeurer avec lui: car tous les seruiteurs estoient nez des Seigneuries de l'un Prince ou de l'autre: & parauenture que sa crainte estoit si grande, qu'il ne s'osa suffisamment descourir à eux, car ie croy qu'il en eust trouué, qui ne l'eussent pas abandonné, à bon nombre. Et n'estoit pas tant à craindre pour lui d'estre assiégué des deux Princes, que d'un seul: car c'estoit chose impossible que les deux armées se fussent accordees. Son dernier party fut d'aller vers le Duc de Bourgogne, sur ceste seureté: & ne prit que quinze ou vingt cheuaux: & tira à Mons en Haynaut (où estoit le Seigneur Desmeriez, Grand Baillif de Hainaut, le plus especial ami qu'il eust) & là sejourna, attendant * nouuelles du Duc de Bourgogne: qui auoit commencé la guerre contre le Duc de Lorraine, à cause que de luy auoit esté desfié durant ce qu'il estoit au siege de Nuz: & aussi receut grand dommage en son pais de Luxembourg.

Incōtinent que le Roy sceut l'allee dudit Connestable, il aduisa d'y donner remede, & pouruoir que ledit Connestable ne peust recouurer l'amitié du Duc de Bourgogne, & tira diligemment deuers Saint Quentin, & y feit amasser sept ou huit cens hommes d'armes: & avec eux y alla, bien informé de ce qui estoit dedans. Comme il vint pres de la ville, aucuns lui vindrent au deuant se presenter à lui. Ledit Seigneur me

∴ asc la
seureté qui
luy fut en-
uoyee, &
non tenue.

commanda entrer dedans la ville, & faire departir les quartiers. Ainsi le fey : & y entrerent les gens d'armes : & apres entra le Roy, bien receu de ceux de la ville. Aucuns de ceux du Conestable, se retirerent en Hainaut. Tost fut aduertie par le roy propre, le Duc de Bourgogne de la prise de Saint Quentin, afin de lui oster l'esperance de la cuider recouurer par la main du Conestable. Dès ce que ledit Duc sceut ces nouuelles il manda au Seigneur Demeriez, son grand Baillif de Hainaut, qu'il feist garder la ville de Mons : en façon que ledit Conestable n'en peust saillir, & qu'à lui fust deffendu de ne partir de son hostellerie. Ledit Baillif n'osa refuser, & le feit : toutesfois la garde n'estoit pas estroite pour vn tel homme, s'il eust eu vouloir de fuir.

Petite digression sur le malheur du Conestable. Que dirons nous icy de Fortune? Cest homme estoit situé aux confins de ces deux Princes ennemis, ayant si forte place en ses mains, quatre cens hommes d'armes bien payez, dont il estoit Commissaire, & y mettoit qu'il vouloit, & les auoit ia maniez douze ans passez. Il estoit sage & vaillant Cheualier, & qui auoit veu beaucoup. Il auoit grand argent content : & apres tout cela se trouuer en ce danger, destitué de cœur & de tous remedes. Il faut bien dire que ceste tromperesse, Fortune, l'auoit regardé de son mauuais visage : mais pour mieux dire, il faut respondre que tels grands mysteres ne viennent point de Fortune, & que Fortune n'est riens, fors seulement vne fiction poëtique, & qu'il falloit que Dieu l'eust abandonné, à considerer toutes ces choses dessusdictes, & assez d'autres, que i'en ay

Prouidence de Dieu sen le à recognoistre contre le nom profane de Fortune.

point dites. Et s'il appartenoit à homme de iuger (ce que non, & par especial à moy) ie diroie que ce qui raisonnement deuroit auoir esté cause de sa punition, estoit que tousiours auoit traouillé de toute sa puissance, que la guerre durast entre le roy & le Duc de Bourgongne, car là estoit fondee sa grande authorité & son grand estat, & y auoit peu à faire à les entretenir en ce different: car naturellement leurs complexions estoient differentes. Celuy seroit bien ignorant qui croyroit qu'il y eust Fortune, ne cas semblable, qui eust sceu guider vn si sage homme à estre mal voulu de ces deux Princes, à vn coup (qui en leur vie ne s'accorderent à rien, qu'en cecy) & encores plus fort du roy d'Angleterre: qui auoit espousé sa niepce, & qui merueilleusement aymoit tous les parens de sa femme, & par especial, ceux de ceste maison de saint Paul. Il est vray-semblable, & chose certaine, qu'il estoit eslongné de la grace de Dieu, de foy estre mis ennemy de ces trois Princes: & n'auoit vn seul amy, qui l'eust osé loger pour vne seule nuit, & autre Fortune n'y auoit mis la main, que Dieu. Et ainsi en est aduenü, & aduiendra à plusieurs autres, qui apres les grandes & longues prosperitez, tombent en grandes aduersitez.

Après que le Connestable fut arresté en Hainaut par le Duc de Bourgongne, le Roy enuoya deuers ledit Duc, pour en auoir la deliurance, ou qu'il accomplist le contenu de son seellé. Ledit Duc dit qu'ainsi le feroit: & feit mener ledit Connestable à Peronne, & estroitement garder.

Ledit Duc de Bourgogne auoit ia pris plusieurs places en Lorraine & Barrois, & estoit au siege deuant Nancy : laquelle se defendoit tresbien. Le Roy auoit largement gens d'armes en Champagne : qui donnoient crainte audit Duc : car il n'estoit point dit par la trefue, qu'il deust destruire le Duc de Lorraine : lequel estoit retire deuers le Roy, Monseigneur du Bouchage, & autres Ambassadeurs, pressoient fort ledit Duc de tenir son seellé. Tousiours disoit qu'ainsi le feroit : & passa de plus d'un mois le terme de huit iours, qu'il deuoit bailler le Connestable ou en faire iustice. Se voyant ainsi presse, & doutant que le Roy ne l'empeschast en son entreprise de Lorraine (qu'il desiroit fort amener à fin) pour auoir le passage de Luxembourg en Bourgogne, & que toutes ses seigneuries ioignissent ensemble. Car luy, tenant ainsi ceste petite Duché, il venoit de Hollande iusques aupres de Lion, tousiours sur luy, pour ces raisons escriuit à son Chancelier, & au Seigneur d'Hymberecourt (dont i'ay assez parlé) tous deux ennemis & mal-vueillans dudit Connestable, qu'ils se tirassent à Peronne, & qu'à un iour, qu'il nomma, ils baillassent ledit Connestable à ceux, que le Roy y enuoyeroit (car les deux dessus nommez auoyent tout pouuoir pour luy, en son absence) & manda audit Seigneur Desmeriez le leur bailler.

Campobache Neapolitain traistre au Duc de Bourg. son maistre

Cependant batoit fort la ville de Nancy le Duc de Bourgogne. Il y auoit de bonnes gens dedans : qui la defendoyent bien. Un Capitaine dudit Duc, apellé le Comte Campobache, natif, & banny du Roiaume de Naples, pour la part

Angeuine

Angeuine, auoit ja pris intelligence au Duc de Lorraine, prochain parent & heritier presomptif de la maison d'Anjou, apres la mort du Roy René son ayeul maternel: promettoit faire durer ce siege, & qu'il se trouueroit des defauts és choses necessaires pour la prise de la ville. Il le pouuoit bien faire (car il estoit pour lors le plus grand de l'armee, & homme tres-mauuais pour son maistre (comme ie diray cy apres) & cecy estoit comme vn apprest des maux qui depuis aduindrent audict Duc de Bourgongne. Je croy que ledit Duc s'attendoit d'auoir pris la ville, auant que le iour fust venu de bailler ledict Connestable, & puis ne le bailler point: & peut estre d'autre costé, que si le Roy l'eust eu, il eust fait plus de faueur au Duc de Lorraine, qu'il ne faisoit pas: car il estoit informé de la pratique qu'auoit le Comte de Campobache; mais il ne s'en mesloit point & si n'estoit point tenu de laisser faire ledict Duc de Lorraine, s'il n'eust voulu, pour plusieurs raisons: & auoit largement de gens pres ledit pays de Lorraine.

*Quelcun
escriu que
ce fut pour
auoir re-
ceu dudit
Duc de B.
sur la ioue.*

Ledit Duc de Bourgongne ne sceut prendre Nancy, auant le iour qu'il auoit baillé à ses gens, pour deliurer ledit Connestable. Pource, passé que fut le iour, qui leur auoit esté ordonné, executerent le commandement de leur maistre volontiers, pour la grande haine qu'ils auoient audict Connestable: & le baillerent à la porte de Peronne, entre les mains du Bastard de Bourbon, Admiral de France, & de Monseigneur de Saint Pierre, qui le menerent à Paris. Aucuns m'ont dit que trois heures apres

*v. dit (en)
pour, de,
qui est plus
intendible.*

vindrent messagers à diligence de par le Duc, pour commander à ces gens ne le bailler point qu'il n'eust fait à Nanci: mais il estoit trop tard. A Paris fut commencé le procès dudit Connestable: & bailla ledict Duc tous les scelez qu'il auoit dudit Connestable, & tout ce qui seruoit à son procès. Ledit Roy pressoit fort la Cour: & y auoit gens pour la conduite du procès: & ainsi veu ce que le Roy d'Angleterre auoit baillé cōtre luy, comme auez ouy cy-dessus, & aussi ledit Duc, tost fut condamné à mourir, & tous ses biens confisquez.

Digression sur la faute que fait le Duc de Bourgogne, liurant le Connestable au Roy, contre sa seureté: & ce qui luy en peut estre aduenu.

CHAP. XIII.

*V. deli-
urance.*

*Les trois
mots suy-
uans ne
sont point
au uieil
exemp.*

*V. audit
Duc, &
raye.*

*(tous
deux.)*

Ceste diligence fut bien estrange: & ne le dy pas pour excuser les fautes dudit Connestable, ne pour donner charge au Roy & audit Duc, car à tous deux il faisoit grand tort, mais il n'estoit nul besoin audit Duc de Bourgogne, qui estoit si grand Prince, & de maison si renommee & honorable, de luy donner vne seureté pour le prendre: & fut grande cruauté le bailler, où il estoit certain de la mort, & pour auarice. Apres ceste grande honte qu'il se fit, il ne mit gueres à receuoir du dommage. Et ainsi à veoir les choses que Dieu a faictes de nostre temps, & fait chacu iour, semble qu'il ne vueille rien impuni: & peut-on veoir eui-

emment que ces estranges ouurages vien-
ent de luy : car ils sont hors des œuures de
nature , & sont ses punitions soudaines : &
par especial contre ceux qui vsent de violen-
ce & de cruauté : qui communément ne peu-
ent estre petirs personnages , mais tref-grans
ou de Seigneurie , ou d'autorité de Prince.
Longues anneés auoit fleuri ceste maison de
Bourgongne , & depuis cent ans ou enuiron,
y ont régné quatre de ceste maison , auoit
esté autant estimée que maison nulle de la
Chrestienté. Car les autres plus grandes d'elle,
auoient eu des afflictions & aduersitez, & ceste-
y continuelle felicité & prosperité. Le premier
grand de ceste maison fut Philippe le Hardi,
frere de Charles le Quint, Roy de France, qui
épousa la fille de Flandres, Comtesse dudit pays
l'Artois, de Bourgongne, Neuers, & Rethel.
Le second fut Iean. Le tiers fut le bon Duc
Philippe qui ioignit à sa maison les Duchez de
Brabant, Luxembourg, Lambourg, Hollan-
de, Zelande, Hainaut & Namur. Le quart a e-
té le Duc Charles, qui apres le trespas de son
pere, s'est trouué le plus riche & redouté de la
Chrestienté, & qui trouua en meubles de ba-
gues & de vaisselles, de tapisseries, liures, &
linges, plus que l'on n'eust sceu trouuer en
trois des plus grandes maisons. D'argent con-
tent i'en ay bien veu en d'autres maisons plus
largement, car ledict Duc Philippe n'auoit de
long temps point leué de tailles, toutesfois il
trouua plus de trois cens mille escus content, &
trouua paix avec ses voisins, qui peu luy dura.
Mais ie ne luy veux point du tout imputer l'oc-

Rien ni
demeure
impuni
nommément
en actes de
violence.

Ligne de la
maison de
Bourg.

l'on des
plus riches
de là, &c.

casion de la guerre : car d'autres assez y eurent part. Ses suiets, incontinent apres la mort de son pere, luy accorderent vne aide de bon cœur, & à peu de requeste, chacun pays à part pour le temps de dix ans, qui se pouuoit bien monter à trois cens cinquante mille escus l'an, sans comprendre Bourgogne. A l'heure qu'il bailla ledict Connestable, il en leuoit plus de trois cens mille d'auantage : & auoit plus de trois cens mille escus content : & tout le meuble qu'il recueillit dudit Connestable, ne valloit point quatre vingts mille escus. Car en argent n'auoit que soixante seize mille escus. Ainsy l'occasion fut bien petite, pour faire vne si grande faute. Il l'eut bonne: car Dieu luy prepara vn ennemy de bien petite force, en fort ieune age, peu experimenté en toutes choses : & luy fait vn seruiteur, dont plus se fioit pour lors, deuenir faux & mauuais, & le mit en suspicion de ses suiets & bons seruiteurs. Ne sont-ce pas icy des vrais preparatifs, que Dieu faisoit de l'ancien Testament à ceux de qui il vouloit muer la fortune de bien en mal, ou de prosperité en aduersité? Son cœur ne s'amollit iamais, mais iusques à la fin a estimé toutes ses bonnes fortunes proceder de son sens & de sa vertu, & auant que mourir a esté plus grand que tous ses predecesseurs, & plus estimé par le monde.

Par auant que bailler ledict Connestable, il auoit ja pris grande desfiance de ses suiets, ou les auoit à grand mespris. Car il auoit bien enuoyé querir mille Lances d'Italiens, & y en auoit eudeuant Nuz bien largement avec luy.

Dieu prepare les instruments de la ruine au Duc de Bourgogne,

Le cœur du Duc de Bourgogne ne s'amollit point.

Le Côte de Campobache en auoit quatre cens
armez, & plus: & estoit sans terre: car à cause
des guerres que la maison d'Anjou auoit me-
nées en ce Royaume de Naples (de laquelle il
estoit seruiteur) il en estoit banny, & auoit
perdu sa terre, & tousiours s'estoit tenu en Pro-
uêce, ou en Lorraine, avec le Roy René de Ceci-
le, ou avec le Duc Nicolas fils du Duc Iean de
Calabre: apres la mort duquel le Duc de Bour-
gogne auoit recueilly plusieurs de ses seruiteurs
& par especial tous les Italiens, comme ce
Comte que i'ay nommé, Iacques Galeot tref-
vaillant, honorable & loyal Gentil-homme,
& plusieurs autres. Cedit Comte de Campo-
bache, dès lors qu'il alla faire ses gens en Ita-
lie, receut dudit Duc quarante mille Du-
cats d'imprestance, pour mettre sus sa compa-
gnie. En passant par Lion, s'accointa d'un Me-
lecine appelé maistre Simon de Pauie, par le-
quel il feit sçauoir au Roy, que s'il luy vouloit
faire certaines choses qu'il demandoit, il offroit
son retour luy bailler le Duc de Bourgogne
entre ses mains. Autant en dist à Monseigneur
de Sainct * Prai, estant lors en Piedmont,
Ambassadeur pour le Roy. Apres qu'il fut re-
tourné, & ses gens d'armes logez en la Comté
de Marle, offroit encor au Roy, que dès ce qu'il
seroit au champ avec son maistre, il ne faudroit
point de le tuer, ou le mener prisonnier, & disoit
à maniere. C'estoit que ledit Duc alloit souuent
alentour de son ost, sur vn petit cheual, avec
peu de gens, & disoit vrai, & que là ne faudroit
point de le tuer ou prendre. Encore faisoit-il
une autre ouuerture au Roy: c'estoit, que

V. Pierre

l'Italian.

Prai. 1.e

Latin ne

le nomme

point sui-

uant la

conjur.

Franchise
du Roy L.
enuers le
Duc de
Bourgon.

Iaques Ga-
leot Neap.
bon serui-
teur du
Duc de
Bourgon.

si le Roy & ledict Duc se venoient à trouuer en bataille, l'un deuant l'autre, qu'il se tourneroit de son parti, avec ses Gens-d'armes, moyennât certaines choses qu'il demandoit. Le Roy eut la mauuaistié de cest homme en grand mespris, & voulut monstrier audit Duc de Bourgongne de grandes franchises, & luy feit sçauoir tout ceci par le seigneur de Contai, dont a esté parlé: mais ledict Duc n'y adiousta point de foy, ains estimoie que le Roy le faisoit à autres fins, & en aima beaucoup mieux ledit Comte. Parquoy vous voyez que Dieu luy troubla le sens en cet endroict aux claires enseignes que le Roy luy mandoit. Autant que cestui-cy dont j'ay parlé, estoit mauuais & desloyal, autant bon estoit Iacques Galeot: & apres auoir longuement vescu, est mort en grand honneur & renommée.



CINQVIESME LIVRE

DES MEMOIRES

du Seigneur d'Argenton, sur les principaux faicts & gestes de Louis xj. de ce nom Roy de France.

Comment le Duc de Bourgogne, faisant la guerre aux Suisses, fut chassé par eux à l'entree des montagnes, pres Granfon.

C H A P. I.



R le Duc de Bourgogne ayant conquis toute la Duché de Lorraine, & receu du Roy Saint Quentin, Han & Bohain, & le meuble du Conestable estoit en paroles avec le roy de s'appointer : & le roy & luy se deuoient entre-voir sur vne riuiere & semblable pont qui fut fait à Piquigny, à la veuë du roy, & du roy Edouard d'Angleterre : & sur ceste matiere alloient & venoient gens. Et vouloit ledict Duc laisser reposer son armee, qui estoit fort défaiçte, tant à cause de Nuz, que par ce peu de guerre de Lorraine, & le

*Le Duc de
Bourg. ani-
mé contre
les Suiffes.*

demeurant vouloit-il enuoyer en garnison en aucunes places du Comté de Romont: comme aupres des villes de Berne & Fribourg: auxquelles il vouloit faire la guerre, tant pour ce qu'ils la luy auoient faicte, estant deuant Nuz, qu'aussi pour auoir aidé à luy oster la Comté de Ferrette, comme auez ouy, & pource qu'ils auoient osté audit Comte de Romont partie de sa terre. Le Roy le sollicitoit fort de ceste veüe, & qu'il laissast en paix ces pauures gens de Suisse, & qu'il reposast son armee. Lesdits Suiffes le sentans si pres d'eux, luy enuoyerent leur Ambassade: & offroient rendre ce qu'ils auoient pris dudit Seigneur de Romont. Ledit Comte de Romont le sollicitoit d'autre costé de le venir secourir en personne. Ledit Duc laissa le sage conseil, & celuy qui pouuoit estre le meilleur, comme il semble à toute sorte de gens, veu la saison & l'estat en quoy estoit son armee, & delibera d'aller contr'eux. Entre le Roy & luy fut appoinctement de bailler lettre, que pour le faict de Lorraine ils n'entreroient point en debat,

*Le Duc de
Bourg. en-
tre en guer-
re contre
les Suiffes.*

Le Duc partit de Lorraine avec ceste armee fort desfaite & lassée: & entra en Bourgongne, où lesdits Ambassadeurs de ces vieilles Liguës d'Alemaigne, qu'on appelle Suiffes, reuindrent deuers luy, faisant plus grandes offres que deuant, & outre la restitution luy offroient laisser toutes les alliances qui seroient contre son vouloir, & par especial celle du Roy, & deuenir ses alliez, & seruir de six mille hommes armez, & à assez petit payement contre le Roy, toutes les fois qu'il les en requerroit. A riens

ne voulut ledit Duc entendre, & ja le conduisoit son malheur. Ceux qu'on appelle en ce quartier là les nouvelles alliances, ce sont les villes de Basle, & de Strasbourg, & autres villes Imperiales, qui sont sous le bout de ceste riuere du Rin: lesquelles d'ancienneté auoient esté ennemies desdits Suisses, en faueur du Duc Sigismond d'Austriche: duquel ils estoient allies, par le temps qu'il auoit eu guerre avec lesdits Suisses. Toutes ces villes s'allierent ensemble avec iceux Suisses: & fut faicte alliance pour dix ans, & paix aussi avec le Duc Sigismond: & se feit ladite alliance par la conduite du Roy, & à son pourchas, & à ses despens, comme auez veu ailleurs, à l'heure que la Comté de Ferrette fut ostee des mains du Duc de Bourgongne, & qu'à Basle feirent mourir Messire Pierre d'Archambaut, Gouverneur dudit pays, pour ledict Duc: lequel Archambaut fut bien cause de cest inconuenient, qui fut bien grand pour ledict Duc, car tous ses autres maux en vindrent. Vn Prince doit bien auoir l'œil quels Gouverneurs il met en vn pays nouuellement ioinct à sa Seigneurie, car en lieu de traicter les subiects en grand' douceur & en bonne iustice, & faire mieux qu'on ne leur auoit fait le temps passé, cestui-cy auoit fait tout le contraire: car il les traitta en grande violence, & en grande rapine: & mal luy en prit, & à son maistre, & à maint homme de bien. Ceste alliance que le Roy conduisit, & dont i'ay parlé, tourna depuis à grand profit au Roy, & plus que la pluspart des gens n'entendent: & croy que ce fut vne des plus sages choses qu'il feit oncques en son temps, & plus

*Le Roy pratique
sagement
alliances.*

au dommage de tous ses ennemis. Car le Duc de Bourgongne des fait, onques puis ne trouua le Roy de France homme qui osast leuer la teste contre luy, ne contredire à son vouloir. I'enten de ceux qui estoient ses suiets & en son Royau- me : car tous les autres ne nageoyent que sous le vent cestuy-là. Voila pourquoy fut grande œuure d'allier le Duc Sigismond d'Austriche & ceste nouuelle alliance avec les Suisses, dont si long temps auoient esté ennemis : & ne se fait point sans despenſe, & sans faire maint voyage.

*Pais de
Vaux pris
par les Suis-
ses sur le
Comte de
Romont.*

Après que le Duc de Bourgongne eut rompu aux Suisses l'esperance de pouuoir trouuer ap- pointement avec luy, ils retournerent aduer- tir leurs gens, & s'apprester pour se defendre : & lui approcha son armee du pays de Vaux en Sauoye, (que lesdicts Suisses auoient pris sur Monseigneur de Romont, comme dit est) & pris trois ou quatre places qui estoient à Mon- seigneur de Chasteauguion, & que lesdits Sui- sses tenoient, & les deffendirent mal) & de là alla mettre le siege deuant vne place appelee Granſon : laquelle estoit aussi audit Seigneur de Chasteauguion : & y eut pour lesdits Sui- sses, sept ou huit cens hommes bien choisis : pource que c'estoit aupres d'eux, & la vouloi- ent bien defendre, Ledit Duc auoit assez grande armee : car de Lombardie luy venoient à toutes heures gens, & les suiets de ceste maison de Sa- uoye : & aimoit mieux les estrangers que ses suiets, dont il pouuoit finer assez, & de bons : mais la mort du Conneſtable lui aidoit bien à auoir desfiance d'eux, avec d'autres imagina- tions. Son artillerie estoit tres-grande & bonne :

*Granſon
aſſiege
par le Duc
de Bourg.
contre les
Suisses.*

& estoit en grãde pompe en cest ost, pour se mō-
strer à ces Ambassadeurs, qui venoient d'Italie
& d'Allemagne: & auoit toutes ses meilleures
bagues & vaiselles, & largement autres pare-
mens: & auoit de grandes fantasies en la teste,
& sur le fait de ceste Duché de Milan: où il s'at-
tendoit d'auoir des intelligences. Quand le
Duc eut assiegé ladite place de Grançon, & tiré
par aucuns iours, se rendirent à lui ceux de de-
dans à sa volonté: lesquels il fait tous mourir.
Les Suisses s'estoient assemblez, non point en
grand nombre, comme i'ay ouy parler à plusi-
eurs d'entr'eux (car de leurs terres ne se tirent
point les gens qu'on cuide, & encores moins
lors que maintenant: car depuis ce temps là,
la pluspart ont laissé le labeur, pour se faire
gens de guerre) & de leurs alliez, en auoient
peu avec eux: car ils estoient contrains de se
haster, pour secourir la place: & comme ils fu-
rent aux chāps, ils sçurent la mort de leurs gēs.

*Grançon
rendue à
volonté au
Duc de
Bourgon.*

Le Duc de Bourgongne, contre l'opinion
de ceux à qui il en demandoit, delibera d'aller
au deuant d'eux, à l'entree des montaignes: où
ils estoient encores. qui estoit bien son des-
auantage: car il estoit bien en lieux auantageux
pour les attendre, & clos de son artillerie &
partie d'un lac: & n'y auoit nulle apparen-
ce qu'ils luy eussent sçeu porter dommage.
Il auoit enuoyé cent Archers garder certain
pas, à l'encontre de ceste montaigne, & luy se
mit en chemin: & rencontrèrent ces Suisses la
pluspart de son armee estant en cores en la plai-
ne. Les premiers rangs de ses gens cuidoient
retourner, pour se reioindre avec les autres:

*Bourgui-
gnons
fuyent de-
uant les
Suisses.*

*v. u'essayo.
rent point
de se de-
fendre.*

*Suiffes gai-
gnent vn
grand bu-
tin sur le
Duc de B.
Le Duc de
B. fuit.*

*par le pr.
Noir Anglois*

mais les menuës gens qui estoient derriere, cui- dans que ceux la fuissent, se mirent à la fuite: & peu à peu se commença à retirer ceste armee vers le camp, faisans aucuns tresbien leur deuoir. Fin de compte, quand ils vindrent iusques à leur ost, ils ne s'oserent deffendre, & tout se mit à la fuite: & gaignerent les Alemans son camp & son artillerie, & toutes les tentes & pauillons de luy & de ses gens (dont il y auoit grand nombre) & d'autres biens infinis: car rien ne se sauua que les personne, & furent perduës toutes les grandes bagues dudict Duc: mais de gens pour ceste fois, ne perdit que sept Hommes d'armes. Tout le demeurant fuit, & luy aussi. Il se deuoit mieux dire de luy, qu'il perdit honneur & cheuance ce iour, qu'on ne fait du Roi Iehan de France qui vaillamment fut pris à la bataille de Poictiers.

Voici la premiere malefortune que ce Duc eut iamais en toute sa vie. De toutes ses autres entreprises il en auoit eu l'honneur ou le profit. Quel dōmage lui aduint ce iour, pour vser de sa teste, & mespriser conseil? Quel domage en receut sa maison, en quel estat en est elle encores, & en aduventure d'estre d'ici à lōg temps? Quantes sortes de gens lui en deuindrent ennemis, & se declarerent, qu'il le iour de deuant temporisoient avec luy & se faignoyent amis. Et pour quelle querelle commēça ceste guerre, ce fut pour vn chariot de peaux de mouton, que Monseigneur de Romont prit à vn Suisse, en passant par sa terre. Si Dieu n'eust delaisé le- dit Duc, il n'est pas apparant qu'il se fust mis en peril, pour si peu de chose: veu les offres qui

*Duc de B.
entre on
querelle
pour chose
de rien con-
tre les
Suiffes.*

lui auoient esté faites, & contre quelles gens il auoit à faire: où il n'y pouuoit auoir nul acquest, ne nulle gloire. Car pour lors les Suisses n'estoient point estimez, comme ils sont pour ceste heure: & n'estoit rien plus pauvre: & ay ouy dire à vn Cheualier des leurs (qui auoit esté des premiers Ambassadeurs qu'ils auoient enuoyez deuers ledit Duc) qu'il luy auoit dit en faisant leurs remonstrances, pour le desmouuoir de ceste guerre, que contre eux ne pouuoit rien gagner car leur pays estoit tres-sterile & pauvre: & qu'ils n'auoyent nuls bons prisonniers, & qu'il ne croyoit pas que les esperons & mors des cheuaux de son ost ne vauissent plus d'argent, que tous ceux de leurs territoires ne scauroient payer de finance, s'ils estoient pris.

*Pauvreté
du pays des
Suisses.*

Retournant à la bataille, le Roy fut bien tost aduerty de ce qui estoit aduenü (car il auoit maintes espies, & messagers par pays, la plupart despeschez par ma main) & en eut tres-grande ioye, & ne luy desplaisoit que de petit nombre de gens, qui auoient esté perdus: & se tenoit ledit Seigneur, pour ces matieres icy, à Lion, pour pouuoir plus souuent estre aduerty, & pour donner remede aux choses que cest homme embrassoit. Car le Roy (qui estoit sage) craignoit, que par force ne joignist les Suisses à luy. De la maison de Sauoye ledit Duc en dispoisoit comme du sien. Le Duc de Milan estoit son allié, Le Roy René de Cecile luy voulut mettre son pays de Prouëce entre les mains: & si les choses fussent aduenues, il tenoit de pays depuis la mer du Ponant, iusques à celle de Leuant en son obeissance, & n'eussent ceux de

*V. la plus
part par
main estia
ge & es
cui.*

*Mandians
messagers
du Roy
Louys.*

nostre Royaume en faillie, sinon par mer, si ledict Duc n'eust voulu, tenant Sauoye, Prouence & Lorraine. Vers chacun d'eux le Roy enuoyoit. L'une estoit sa sœur, madame de Sauoye, extreme pour ledict Duc, l'autre estoit son oncle. Le Roy René de Cecile : qui à grande peine escoutoit ses messagers, mais enuoyoit tout au Duc de Bourgogne. Le Roy enuoyoit aussi vers ses Lignes d'Allemagne, mais c'estoit à grande difficulté pour les chemins, & y falloit enuoyer mandiens, pelerins, & semblables gēs. Lesdites villes respōdirent orgueilleusement, disans: Dites au Roi que s'il ne se declare, nous nous appointerons, & nous declarerōs contre luy. Il craignoit qu'ainsi le feissent. De se declarer contre ledict Duc n'auoit nul vouloir, mais craignoit bien encores qu'il ne fust nouuelles de ses messagers qu'il enuoyoit par pays.

Comment apres la chasse de Granfon, le Duc de Milan, le Roy René de Cecile, la Duchesse de Sauoye & autres, abandonnerent l'alliance du Duc de Bourgogne.

CHAP. II.

OR faut veoir maintenant comme changea le monde, apres ceste bataille, & comme les courages du Duc de Bourgogne & de ses allies furent muez, & comment nostre Roy conduisit tout sagement: & sera bel exemple pour ces Seigneurs ieunes qui follement entreprennent, sans cognoistre ce qui leur en peut aduenir, & qui aussi ne l'ont point veu

par experience, & mesprisent le conseil de ceux qu'ils deussent appeller. Premièrement ledit Duc propre enuoya le Seigneur de Contai au Roy, avec humbles & gracieuses paroles: qui estoit, contre sa coustume & nature. Regardez doncques comme en vne heure de temps se mua. Il prioit au Roy luy vouloit loyaument tenir la trefue: & s'excusoit de n'auoir esté à la veuë qui se deuoit faire aupres d'Auxerre: & asseuroit de s'y trouuer de brief: là ou ailleurs, au bou plaisir du Roy. Le Roy luy fit tres-bonne chere, l'assurant de tout ce qu'il demandoit: car encores ne luy sembloit pas tēps de faire le contraire, & cognoissoit bien le Roy la loyauté des suiets dudict Duc, & que tost seroit reslours: & vouloit veoir la fin de ceste aduventure, sans donner occasion à nulle des deux parties de s'accorder. Mais, quelque bonne chere que le Roy feist audit Seigneur de Contay, si ouyt-il maintes mocqueries par la ville: car les chansons se disoient publiquement, à la louange des vainqueurs, & à la folie du vaincu.

Dés que le Duc de Milan Galeas, qui pour lors viuoit, sceut ceste aduventure, il en eut grande ioye, nonobstant qu'il fust allié dudict Duc: car il auoit faicte vne alliance, pour crainte de ce qu'il voyoit au Duc de Bourgonne auoir si grande saueur en Italie. Ledit Duc de Milan enuoya à grande haste, vers le Roy, vn homme de peu d'apparence, Bourgeois de Milan, & par vn mediateur fut adressé à moy & m'apporta lettres dudict Duc. Je dy au Roy sa venue qui me commanda l'ouyr: car il n'estoit point content dudict Duc de Mi-

*Le Duc de
B. enuoye
vers le Roy
avec hum-
bles paro-
les.*

*Duc de
Milan re-
cherche
l'alliance
du Roy, la-
quelle il
auoit qu-
est pour
celle de B.*

*Le Roy re-
fusa l'argēt
du Duc de
Milan.*

lan, qui auoit laissé son alliance, pour prendre celle du Duc de Bourgongne, & veu encores que sa femme estoit sœur de la Royne. La créance dudit Ambassadeur estoit comme son maistre, le Duc de Milan estoit aduerty que le Roy & le Duc de Bourgongne se deuoyent entrevoir & faire vne tres-grande paix & alliance ensemble: ce qui seroit au tres-grand desplaisir du Duc son maistre, & donnoit des raisons, pourquoy le Roy ne le deuoit faire, ausquelles y auoit peu d'apparence. Mais disoit à la fin de son propos que si le Roy se vouloit obliger de ne faire paix ne trefue, avec ledict Duc de Bourgongne que ledit Duc de Milan donnoit au Roy cent mille Ducats content. Quand le Roy eut ouy la substance de la charge de cest Ambassadeur il le feit venir en sa presence, où il n'y auoit que moy, & luy dit en brief. Voicy Monseigneur d'Argenton, qui m'a dit telle chose, dictes à vostre maistre que ie ne veux point de son argent, & que i'en leue vne fois l'an, trois fois plus que luy: & de la paix & de la guerre, i'en feray à mon vouloir: mais, s'il se repent d'auoir laissé mon alliance pour prendre celle du Duc de Bourgongne, ie suis content de retourner comme nous estions. Ledit Ambassadeur mercia le Roy tres-humblement, & luy sembla bien qu'il n'estoit point Roy auaricieux, & supplia fort au Roy, qu'il voulist faire crier lesdites alliances en la forme qu'elles auoient esté: & qu'il auoit pouuoir d'obliger son maistre à les tenir. Le Roy luy accorda: & apres dîner furent crieés: & incontinent despescha vn Ambassadeur qui alla à Milan: où elles furent crieés à grande solénité.

Ainsi

Ainsi voila desia vne des heurtes de l'aduersité,
& vn grand homme mué, qui auoit enuoyé vne
si grande & solemnelle Ambassade vers le Duc
de Bourgogne pour faire son alliance, n'y auoit
que trois sepmaines.

Le Roy René de Cecile traittoit de faire le Duc
de Bourgogne son heritier, & de lui mettre
Prouence entre ses mains, & pour aller prendre
possession dudit pais, estoit allé Monseigneur
de Chasteau-guion, qui est de present, & autres
en Piedmont, pour le Duc de Bourgogne, pour
faire gens, & auoient bien vingt mille escus con-
tant.

*Le Roy de
Cecile fait
le Roy son
heritier, à
ce faire e-
stant prat-
tiqué.*

Incontinent que les nouuelles vindrent, à
grand' peine se peurent-ils sauuer, qu'ils ne fus-
sent pris: & Monseigneur de Bresse se trouua au
pays, qui prit ledit argent.

La Duchesse de Sauoye, incontinent qu'elle
scéut les nouuelles de ceste bataille, le feit sça-
uoir au Roy René, excusant la chose, le recōfor-
tant de ceste perte. Les messagers furent pris,
qui estoient Prouençaux, & par là se descouurit
ce traité du Roy de Cecile avec le Duc de Bour-
gogne.

Le Roy enuoya incontinent des gens d'armes
prés de Prouence, & des Ambassadeurs vers le
Roy de Cecile, pour le prier de venir, en l'asseu-
rant de bonne chere: ou autrement qu'il y pour-
royeroit par force. Tant fut conduit le Roy de
Cecile, qu'il vint deuers le Roy à Lion, & lui fut
fait tref-grand honneur & bonne chere. Le me-
rouuay present à leurs premieres paroles à l'ar-
riuee: & dit Iean Cosse, Seneschal de Prouence,
homme de bien, & de bonne maison du Royau-

*Iean Cosse
Seneschal
de Prouen-*

me de Naples, au Roy, Sire, ne vous esmer-
 ueillez pas si le Roy, mon maistre vostre oncle,
 a offert au Duc de Bourgongne le faire son he-
 ritier: car il en a esté conseillé par ses seruiteurs,
 & par especial par moy, veu que vous, qui estes
 fils de sa sœur, & son propre nepuen, luy auez
 fait les torts si grans, que de luy auoir surprins
 les chasteaux de Bar & d'Angers, & si mal trait-
 té en tous ses autres affaires. Nous auons bien
 voulu mettre en auant ce marché avec ledict
 Duc, à fin, que vous en ouyssiez les nouuelles,
 pour nous donner enuie de nous faire la raison,
 & cognoistre que le Roy, mon maistre est vo-
 stre oncle: mais nous n'eusmes iamais enuie de
 mener ce marché iusques au bout. Le Roy re-
 cueillit tref-bien, & tref-sagement ces paroles
 que ledit Iean Cosse dit tout au vray (car il cō-
 duisoit ceste matiere) & à peu de iours de-là fu-
 rent ces differens bien accordez: & eut le Roy
 de Cecile de l'argent & tous ses seruiteurs, & le
 festoya le Roy avec les Dames, & les fait feste-
 stoyer & traicter en toutes choses selon sa natu-
 re, le plus préz qu'il peut, & furent bons amys,
 ne fut plus de nouuelles du Duc de Bourgongne
 mais fut abandonné du Roy René, & renonce
 de toutes parts. Voila encores vn autre malheur
 de ceste petite aduersité. Madame de Sauoye
 (qui long-temps auoit esté estimee estre con-
 tre le Roy son frere) enuoya vn messager se-
 cret, appelé le Seigneur de * Montaigny (le
 quel s'adressa à moy) pour se reconcilier
 avec le Roy, & allegua les raisons pourquoy
 elle s'estoit separee du Roy son frere: & di-
 soit des doutes qu'elle auoit du Roy: toutes-

fois elle estoit tres-sage, & vraye sœur du Roy nostre maistre, & ne ioignoit point franchement à se separer dudit Duc, ne de son amitié, & sembloit qu'elle voulsist temporiser & attendre (comme le Roy) ce qu'il seroit encor de l'adventure dudit Duc. Le Roy luy fut plus gracieux que de coustume, & luy fait faire par moy toutes bonnes réponses: & taschoit qu'elle vinst deuers luy: & luy fust renuoyé son homme. Ainsi voylà vne autre des alliances dudit Duc, qui marchande à se departir de luy. De tous costez en Allemagne se commencerent à declarer gens contre ledit Duc, & toutes ces villes imperiales (comme Nuremberg, Francfort, & plusieurs autres) qui s'allierent avec ces vieilles & nouvelles alliances, contre ledit Duc: & sembloit qu'il y eust tres-grād pardō à luy mal faire.

Les despoüilles de son ost enrichirent fort ces pauvres gens de Suisses: qui de prime face ne cognurent les biens qu'ils eurent en leurs mains: & par especial les plus ignorans. Vn des plus beaux & riches paillons du monde fut departi en plusieurs pieces. Il y en eut qui venderent grande quantité de plats, & d'escuelles d'argent, pour deux grands blancs la piece: cuidans que ce fut estain. Son gros Diamant (qui estoit vn des plus gros de la Chrestienté) où pendoit vne grosse perle, fut leué par vn Suisse, & puis remis en son estuy, puis reietté sous vn chariot: puis le reuint querir, & l'offrir à vn Prestre, pour vn florin. Cestuy-là l'enuoya à leurs Seigneurs: qui luy en donnerent trois francs. Ils gaignerent trois Ballais pareils, appellez les trois Freres: vn autre grand Balai;

Petite digression sur la simplicité des Suisses, du tēps de la chasse de Grāson.

Diamant du Duc de B. donné pour un florin.

appelé la Hotte : vn autre appelé la Balle de Flandres (qui estoient les plus grandes & les plus belles pierres , que l'on sceust trouuer) & d'autres biens infinis : qui depuis leur ont bien donné à cognoistre quel'argent vault. Car les victoires & estimations en quoy le Roy les mit des-lors, & les biens qui leur a faits, leur ont fait recouurer infiny argent. Chacun Ambassadeur des leurs, qui vint vers le Roy à ce commencement, eut grands dons de luy, en argent ou en vaisselle, & par ce moyen les contentoit de ce qu'il ne s'estoit déclaré pour eux : & les renuoyoit les bourses pleines, & reuestus de drap de soye : & se prit à leur promettre pension qu'il paya bien depuis : mais il veit la seconde bataille auant, & leur promit quarante mille florins de Rin, tous les ans. Les vingt-mille pour les villes, & les autres vingt-mille pour les particuliers qui auroient le gouuernement desdites villes. Et ne pense point mentir de dire que ie croy que, depuis la premiere bataille de Granfon, iusques au trespas du Roy nostre maistre, lesdites villes : & particuliers desdicts Suisses ont amendé, de nostre Roy, d'un million de florins de Rin, Et n'enten de villes que quatre: Berne. Lucerne, Fribourg, Surich, & leurs Cantons, qui sont leurs montaignes: Suisse en est vn qui n'est qu'un village. I'enay veu de ce village vn, estant Ambassadeur avec autres, en bien humble habillement: qui neantmoins disoit, comme les autres, son aduis. Soleure & Ondreual s'appellent les autres Cantons.

* le doute
qu'il n'y
faillie un-
leurs.

Ambassa-
deurs des
Suisses re-
çoient
grands dons
du Roy.
Pensions e-
stables par
le Roy aux
Suisses &
Grisons.

Comment les Suisses deffeirent en bataille le Duc de Bourgogne, pres la ville de Morat.

C H A P. III.

P Our reuenir au Duc de Bourgogne, il r'amaſſoit gens de tous coſtez : & en trois ſepmaines ſ'en trouua ſus grand nombre: qu'le iour de la bataille ſ'eſtoient eſcartez. Il ſeiourna à Loſane en Sauoye, où vous, Monſeigneur de Vienne, le ſeruiſtes de bon conſeil, en vne grãde maladie, qu'il eut de douleur & de triſteſſe, de ceſte honte qu'il auoit receuë. Et, à bien dire la verité, ie croy que iamais depuis il n'eut l'entendement ſi bon, qu'il auoit eu auparauãt ceſte bataille. De ceſte grande aſſemblee, & nouuelle armee, qu'il auroit faiçte, i'en parle par le rapport de Monſeigneur le Prince de Tarente, qui le compta au Roy en ma preſence. Ledit Prince, enuiron vn an auant, eſtoit venu vers ledit Duc, tresbien accompagnë, eſperant d'auoir ſa fille & ſeule heritiere: & ſembloit bien fils de Roy, tant de ſa perſonne que de ſon accouſtrement, & de ſa compagnie: & le Roy de Naples, ſon pere, monſtroit bien n'y auoir rien eſpargné. Toutesfois ledit Duc auoit diſſimulé ceſte matiere, & entretenoit pour lors Madame de Sauoye, pour ſon fils, & autres. Parquoy ledit Prince de Tarente, appellé Don Federic d'Arragon, & auſſi ceux de ſon conſeil, mal contens des delais, enuoyerent deuers le Roy vn Officier d'armes, bien entendu, lequel vint ſupplier au Roy de donner ſauſ-conduit

*manuscrit app. Bern.
à m. s. Bern.*

audit Prince, pour passer par le Royaume, & retourner vers le Roy son pere: lequel l'auoit mādē. Le Roy l'oſtroya tref-volontiers & lui sembloit bien que c'estoit à la diminution du credit & renommee dudit Duc de Bourgongne. Toutesfois auant que le meſſager fuſt de retour, estoient ia assemblees plusieurs des Lignes d'Allemagne, & logees aupres dudit Duc de Bourg. Ledit Prince prit congé dudit Duc, le soir deuant la bataille, en obeyſſant au mandement du Roy son pere. Car à la premiere bataille s'estoit trouué, comme homme de bien. Aussi disent aucuns qu'il vſa de voſtre conſeil, Monſeigneur de Vienne: car ie lui ay ouy dire & teſmoigner, quād il fut deuers le Roy arriué, & au Duc d'Ascoli, appellé le Comte Iulio: & à plusieurs autres: & que de la premiere & ſeconde bataille auez eſcrit en Italie, & dit ce qui en aduint: plusieurs iours auant qu'elles fuſſent faites.

*Angelo Ca
to predict la
deſaictte du
Duc de
Bourgong.*

Comme i'ay dit, au partement dudit Prince, estoient logees plusieurs de ces Alliances, assez prez dudit Duc, & venoient pour le combattre, allans leuer le ſiege qu'il auoit deuant Morat, petite ville prez de Berne, qui appartenoit à Monſeigneur de Romont. Lesdits allies (comme il me fut dit par ceux qui y estoient) pouuoient bien eſtre trente & vn mille hommes de pied bien choiſis & bien armez: c'eſt à ſçauoir vnze mille picques, dix-mille Hallebardes, dix-mille Couleurines, & quatre mil hommes à cheual. Lesdites Alliances n'estoient point encores toutes assemblees: & ne ſe trouua à la bataille que ceux dont i'ay parlé: & ſuffiſoit bien, Monſeigneur de Lorraine y arriua à peu de gens: dōt

*Armees des
ligues cōtre
le Duc de
Bourg.*

fort biẽ lui en prit depuis: car ledit Duc de Bourgogne tenoit lors toute la terre. Audit Duc de Lorraine prit bien de ce qu'on s'ennuioit de luy en nostre Cour, & croi bien qu'il ne sçeut iamais la verité: mais quand vn grand hõme a tout perdu le sien, il ennuie le plus souuent à ceux qui le soustiennent. Le Roy lui auoit donné vn petit d'argent, & le feit conduire avec bon nombre de gent-d'armes, à trauers du pais de Lorraine, lesquels le meirent en Alemaigne, & puis retournerent. Ledit Seigneur de Lorraine n'auoit pas seulement perdu son pays de Lorraine, la Comté de Vaudemont, & la pluspart de Barrois: car le demourant le Roy le tenoit; ainsi ne lui estoit rien demouré, & qui pis estoit, tous ses sujets auoient faict serment audit Duc de Bourgogne, & sans contrainte, & iusques aux seruiteurs de la maison: parquoi sembloit qu'il y eust peu de ressource à son fait, toutesfois Dieu demeure tousiours le iuge, pour determiner de telles causes, quand il lui plaist.

Duc de Lorraine soustenu du Roy estant chassé de son pays.

Après que le Duc de Lorraine fut passé, cõme i'ay dit, & quand il eut cheuauché aucuns iours, il arriua vers lesdites Alliances, peu d'heure auãt la bataille, & avec peu de gens, & lui porta ce voyage grand honneur, & grand profit: car si autrement en fust allé, il eust trouué peu de recueil. Sur l'heure qu'il fut arriué, marchoiẽt les batailles d'vn costé & d'autre: car lesdites Alliances auoient ia esté logees trois iours ou plus aupres du Duc de Bourgogne, en lieu fort. A peu de defense fut desconfit ledict Duc, & mis en fuitte, & ne luy prit point comme de la bataille precedente, où il n'auoit perdu que

Le Duc de Bourg. des fait de uers Moras.

sept hommes d'armes, & cela aduint pource que lesdits Suisses n'auoient point de gens de cheual. Mais à ceste heure cy, dont ie parle (qui fut pres Morat) y auoit de la part desdites Aliances, quatre mille hommes de cheual, bien montez, qui chasserent tres-loing les gens dudit Duc de Bourgogne, & si ioignirent leur bataille à pied avec les gens de pied dudit Duc, qui en auoit largement: car sans ses subiects & aucuns Anglois qu'il auoit en grand nōbre, il luy estoit venu de nouueau beaucoup de gēs du pais de Piemont, & autres des subiets du Duc de Milan, comme i'ay dit: & me dit ledit prince de Tarente (quand il fut arriué deuers le Roy) que iamais n'auoit veu si belle armee: & qu'il auoit compté: & fait compter l'armee en passant sur vn pont: & y auoit bien trouué vingt & trois mille hommes de soulde, sans ie reste qui suiuoit l'armee, & qui estoit pour le fait de l'artillerie. A moy me semble ce nombre tres-grand: combien que beaucoup de gens parlent de milliers: & font les armees plus grosses qu'elles ne sont & en parlent legerement.

Le Seigneur de Contay (qui arrina vers le Roy tost apres la bataille) confessa au Roy, moy present, qu'en ladiete bataille estoient morts huiet mille hommes, du party dudit Duc, prenans gaiges de luy, & d'autres menues gens assez. Et croy, à ce que i'en ay peu entendre, qu'il y auoit bien dix-huiet mille per-

* V. met

personnes

mortes en

tout: mais

[mortes] y

cores au siege deuant ledit Morat. Le Duc fuit iusques en Bourgongne, bien desolé, comme raison estoit: & se tint en vn lieu, appelé la riuie-
re, où il r'assembloit des gens tant qu'il pouuoit. Les Allemans ne chasserent que ce soir, & puis se retirerent sans marcher apres luy.

*semble estre
adiouste
d'autre
main: et
aussi le pas-
sage seroit
difficile à
entendre
cōbien que
le Tradu-
cteur en
Ital. le por-
te ainsi
semblable-
ment.*

*Comment apres la bataille de Morat, le Duc de Bour-
gongne se saisit de la personne de Madame de
Sauoye, & comment elle en fut deliurée,
& renuoyee en son pays par le
moyen du Roy.*

CHAP. III.

CEste aduenture desespera ledit Duc: & luy sembla bien que tous ses amis l'abandon-
neroient, aux enseignes qu'il auoit veuës
desia, à sa premiere perte de Grançon, dont il n'i
auoit que trois semaines, iusques à celle dont ie
parle. Et, pour ces doutes, par le conseil d'aucuns
il feit amener par force la Duchesse de Sauoye,
en Bourgongne, & vn de ses enfans: qui aujour-
d'huy est Duc de Sauoie. L'aîné fut sauué par
aucuns seruiteurs de ceste maison de Sauoie.
Car ceux, qui feirent ceste force, la feirent en
crainte: & furent contrains de se haster. Ce, qui
feit faire cest exploit audict Duc, fut de paour
qu'elle ne se retirast deuers le Roy son frere:
disant que, pour secourir la maison de Sauoye,
luy estoit aduenü tout ce mal. Ledit Duc, la
feit mener au chasteau de Rouure pres Dijon:
& y auoit quelque peu de garde: toutesfois il
l'alloit veoir qui vouloit: & entre les autres,

y auoit Monseigneur de Chasteauguion, & le Marquis de Rotelin, qui sont aujourd'huy : desquels deux ledict Duc auoit traitté le mariage avec deux filles de ladite Duchesse, combien que lors lesdits deux mariages ne fussent point accomplis, mais ils l'ont esté depuis. Son fils aîné, appelé Philebert, lors Duc de Sauoie fut mené à Chamberi, pour ceux qui le sauuerent auquel lieu se trouua l'Euesque de Geneue, fils de la maison de Sauoye qui estoit homme tres-volontaire, & gouuerné par vn Commandeur de Rhodes. Le Roy feit traiter avec ledit Euesque & son Gouverneur, Commandeur de Rhodes, en maniere qu'ils mirent, entre les mains dudit Seigneur, le Duc de Sauoye, & vn petit frere, appelé le Prothonotaire, avec le chasteau de Chamberi & celui de Mont-melian: & luy garda vn autre chasteau, où estoient toutes les bagues de madite Dame de Sauoye.

Au plustost que ladite Duchesse se trouua à Rouure (comme i'ay dit) accompagnée de toutes ses femmes & largement seruiteurs, & qu'elle veit le Duc bien empesché à r'assembler gens, & que ceux, qui la gardoient, n'auoient pas la crainte de leur maistre telle qu'ils souloient & auoient accoustumé d'auoir, elle se delibera d'envoyer vers le Roy son frere, pour traiter apoinement, & pour supplier qu'il la retirast. Toutes fois elle estoit en grand doute de tōber sous sa main: n'eust esté le lieu où elle se voyoit, car la haine auoit esté moult grande & longue entre ledict Seigneur & elle.

Il vint de par ladite Dame vn Gentilhomme de Piemont, appelé Riuerol, son Maistre d'ho-

Euesque de Geneue hō-
 tres-volontaire.
 principal fortref.
 de Sauoye.

principal de Sauoye

Etel: lequel par quelcun fut adressé à moy. Apres
 l'auoir ouï, & dit au Roy ce qu'il m'auoit dit, le-
 dit Seigneur l'ouït: & apres l'auoir ouï, lui dit,
 qu'à tel besoin ne vouldroit auoir failly à sa sœur,
 nonobstât leurs differens passez: & si elle se vou-
 loit allier de lui; qu'il la feroit enuoier querir, par
 le Gouverneur de Champaigne, pour lors Mes-
 sire Charles d'Amboise, Seigneur de Chaumont.
 Ledit Riuerol print congé du Roy, & alla vers
 sa maistresse à tresgrande haste. Elle fut ioyeuse
 de ceste nouuelle, toutesfois elle renuoya enco-
 res vn homme, incontinent qu'elle eut ouy le
 premier, suppliant au Roy qu'il luy donnast seu-
 reté qu'il la laisseroit aller en Sauoye, & qu'il luy
 rendroit le Duc son fils, & l'autre petit, & aussi
 ses places, & qu'il l'aideroit à maintenir en son
 autorité en Sauoye: & de sa part, qu'elle estoit
 cōtente de renōcer à toutes alliances & prendre
 la sienne. Ledit seigneur luy bailla tout ce qu'elle
 demandoit: & incontinent enuoya vn hōme ex-
 press vers ledit Seigneur de Chaumont, pour fai-
 re l'entreprise: laquelle fut bien faite, & bien exe-
 cutée: & alla ledit Seigneur de Chaumont, avec
 bon nombre de gens, iusques à Rouure, sans por-
 ter dōmage au pays; & amena Madame de Sa-
 uoye, & tout sō train, en la plus prochaine place,
 en l'obeissance du Roy. Quand ledit Seigneur
 depescha le dernier messager de ladite Dame, il
 estoit ja parti de Lion: où il s'estoit tenu par l'es-
 pace de six moys, pour sagement demesler les
 entreprises du duc de Bourgogne, sans rompre
 la trefue. Mais à bien cognoistre la cōditiō dudit
 duc, le Roy lui faisoit beaucoup plus de guerre en
 le laissant faire, & lui sollicitāt ennemis en secret,

Le Roy fai-
 soit la guer-
 re au Duc
 de Bourg.
 par ses ais-
 simulatiōs.

ques'il se fust declaré cōtre luy: car, apres ce que ledit Duc eust veu la declaration, il se fust retiré de son entreprise: parquoy tout ce qui luy aduenu ne luy fust point aduenu.

Le Roy incontinent en continuant son chemin au partir de Lyon se mit sur la riuere de Loire, à Roüane: & vint à Tours. Dès ce qu'il y fut, sceut la deliurance de sa sœur: dont il fut tres-joyeux: & manda diligemment qu'elle vindreuers luy: & ordonna de la despense qu'elle pourroit faire en chemin. Quand elle arriva il enuoya largement gens au deuant d'elle, & luy-mesme l'alla recueillir à la porte du Plessis du Parc: & luy feit tres-bon visage, en luy disant Madame * de Bourgongne, vous soyez la tres-bien venuë. Elle cogneut bien à son visage, qu'il ne se faisoit que iouer: & respondit, bien sagement, qu'elle estoit bonne Françoise, & prest d'obeyr au Roy, en ce qu'il luy plairoit luy commander. Ledit Seigneur la mena en sa chambre: & la feit bien traiter. Vray est qu'il auoit tres-grande enuie d'en estre despesché. Elle estoit tressage: & s'entrecognoissoient bien tous deux: & desiroit encore plus son partement.

L'eue la charge du Roy de ce qui estoit à faire en ceste matiere. Premier de trouuer argent pour son desfray, & pour s'en retourner, & des draps de soye: & de faire mettre par escrit leur alliance, & forme de viure, pour le temps aduenir. Le Roy la voulut desmouuoir du mariage (dont j'ay parlé) de ses deux filles: mais elle s'en excusoit sur les filles: lesquelles y estoient obstinees: & à la verité, elles n'y estoient point mal. Quand ledit Seigneur cognut leur vouloir, il

s'y consentit : & apres que ladite Dame eut esté audit lieu du Pleffis sept ou huiët iours, le Roy & elle feirent serment ensemble d'estre bons amis pour le temps aduenir : & en furent baillees lettres d'un costé & d'autre : & print congé ladite Dame du Roy : qui la feit bien conduire, iusques chez elle, & luy feit rendre ses enfans, & toutes ses places, & bagues, & tout ce qui luy appartenoit. Tous deux furent bien ioyeux de departir l'un de l'autre ; & sont demourez depuis comme bon frere & bonne sœur, iusques à la mort.

*Madame
de Savoie
sœur du
Roy re-
conciliée
au Roy.*

Comment le Duc de Bourgogne se tint quel ques semaines comme solitaire : & comment cependant le Duc de Lorraine recoura sa ville de Nancy.

C H A P. V.

Pour continuer mon propos, faut parler du Duc de Bourgogne: lequel apres la fuite de cette bataille de Morat (qui fut en l'an quatre cens septante six) s'estoit retiré à l'entree de Bourgogne en vn lieu appellé la Riuere, auquel lieu il seiourna plus de six semaines, ayant encores cœur de r'assembler gens. Toutesfois il y besongnoit peu : & se tenoit comme solitaire: & sembloit plus qu'il faisoit par obstination ce qu'il faisoit, qu'autrement: comme vous entendrés: car la douleur qu'il eut de la perte de la premiere bataille de Grançon, fut si grande, & luy troubla tant les esprits, qu'il en tomba en grande maladie: & fut telle, que (là où sa colere & chaleur naturelle estoit si grande, qu'il ne beuvoit

1476.

*Le Duc de
Bour. alté-
ré de sa
complexion
par les per-
tes de bat.*

point de vin : mais le matin beuuoit ordinairement de la tisane, & mangeoit de la conserue de roses pour se rafraeschir) ladite tristesse mua tant sa complexion, qu'il luy falloit faire boire le vin bié fort sans eauë, & pour luy faire retirer le sang au cœur, mettoient des estoupes ardantes dedās des ventouses : & les luy passoient en ceste chaleur à l'endroit du cœur. Et de ce propos vous, Monseigneur de Vienne, en sçauiez mieux que moy: comme celuy qui luy aidastes à passer ceste maladie : & luy feistes faire la barbe qu'il laissoit croistre. Et à mō aduis, onques puis ladite maladie; ne fut si sage qu'auparauant: mais beaucoup diminué de son sens. Et telles sont les passions de ceux, qui apres semblables infortunes ne

„ cherchent les vrais remedes : & par especial
 „ les Princes: qui sont orgueilleux: car en ce cas &
 „ en semblables, le premier refuge est retourner
 „ à Dieu, & penser si en riens on l'a offensé, &
 „ s'humilier deuant luy, & cognoistre ses meffaits:
 „ car c'est luy qui determine de tels procez : sans
 „ ce qu'on luy puisse proposer nul erreur. Apres
 „ cela faict grand bien de parler à quelque amy de
 „ ses priuez, & hardiment plaindre ses douleurs
 „ & n'auoir poinr de honte de monstrier sa douleur
 „ deuant l'especial amy (car cela allège le
 „ cœur, & le reconforte: & les esprits reuiennent
 „ en leur vertu, parlant ainsi à quelqu'un en
 „ conseil) ou bien faut prendre autre remede par
 „ quelque exercice & labeur (car il est force, puis
 „ que nous sommes hommes, que telles douleurs
 „ passent avec passion grande, ou en public, ou
 „ en particulier) & non point prendre le chemin
 „ que prit ledict Duc de se cacher, ou se tes-

*Remede
 contre ad-
 uersitez.*

nir solitaire : mais faire le contraire : & chasser toute austerité. Car, pource qu'il estoit terrible à ses gens, nul ne s'osoit auancer de luy donner nul confort ou conseil : mais le laissoient faire à son plaisir, craignans que si aucune chose luy eussent remonstre, qu'il ne leur en fust mal pris.

Pendant ces six semaines ou enuiron, qu'il sejourna avec peu de gens (qui n'estoit point de merueilles, apres auoir perdu deux si grosses batailles, comme vous auez ouy) & que plusieurs nouueaux ennemis se furent declarez, & les amis refroidis, & les suiets rompuz & deffaits, & qui commençoient à entrer en murmure, & auoir leur maistre en mespris (comme c'est bien de coustume, comme i'ay dit, apres telles aduersitez) plusieurs places petites furent deffaites & prises sur luy en ceste Lorraine (comme Vaudemont & puis Espinal, & autres apres) & de tous costez se commencerent à esueiller gens pour luy courre sus : & les plus meschans estoient les plus hardis : & sur ce bruit, le Duc de Lorraine assembla quelque peu de gens, & de peuple : & s'en vint loger deuant Nanci. Des petites villes d'enuiron il en tenoit la pluspart : toutesfois le Duc de Bourgongne tenoit encores le Pont-a-Mousson, à quatre lieues dudit Nanci, ou enuiron. Entre ceux qui estoient dedans assiegez, estoit vn de la maison de Croi, appelé Monseigneur de Beures bon Cheualier & honnestre : qui auoit leans gens de plusieurs pieces : & entre les autres y auoit vn Anglois appelé Cohin : tresuaillant homme, de petite lignee : & l'amenai, avec autres de la garniso

autres
de Calais

de Guines , au seruice du Duc. Ledit Cohin auoit enuiron trois cens Anglois sous luy en ladite place : & combien qu'ils ne fussent point pressez de batelle, ne d'approches : si leur ennuioit-il de ce que ledit Duc de Bourgogne mettoit tant à les secourir : & à la verité, il auoit grand tort qu'il ne s'aprochoit, car là où il estoit c'estoit loing du pays de Lorraine, & n'y pouuoit plus de rien seruir : car il auoit mieux besoin de desfédre ce qu'il possédoit, que de courre sus aux Suisses, pour se cuider venger de son dommage. Mais son obstination luy porta grande dommage, & ce qu'il ne prenoit conseil que de luy : car (quelque diligence qu'on feist de le solliciter de secourir ceste place) il sejourna, sans nul besoin, audit lieu de la Riuere, six semaines ou enuiron, & s'il eust fait autrement, il eust aisément secouru, ladite place, car ledit Duc de Lorraine n'auoit point de gens deuant, & en gardant le pays de Lorraine, il auoit tousiours son passage pour venir de ses autres seigneuries, passer par Luxembourg & par Lorraine, pour aller en Bourgogne. Parquoi, si la raison eust esté en luy telle qu'elle auoit esté autresfois, il y deuoit faire autre diligence.

Cependant que ceux qui estoient dedans Nanci, attendoient leur secours, ledit Cohin, dont i'ay parlé (qui estoit Chef de ceste banded'Anglois, qui estoient dedans) fut tué d'un canon. Qui fut grand dommage audit Duc de Bourgogne: car la personne d'un seul homme est aucunesfois cause de preseruer son maistre, d'un grand inconuenient : encores qu'il ne soit de sa maison, ne de lignee grande: mais que seulement
le sens

le sens & la vertu y soient. Et en cest article ay
cognu au Roy nostre maistre, vn grand sens: car
iamais Prince n'eut plus grande crainte de per-
dre ses gens que luy. Incontinent que ledit Co-
hin fut mort, les Anglois (qui estoient sous luy)
commencerent à murmurer , & à se desesperer
du secours, & ne cognoissoient point bien la pe-
tite force du Duc de Lorraine , & les grands
moyens qu'auoit le Duc de Bourgongne de re-
couurer gens: mais, par le long tēps qu'il y auoit
que les Anglois n'auoient eu guerre hors de leur
Royaume, ils n'entendoient point bien le faict
des sieges: & en effect, se mirent à vouloir parle-
nenter: & dirent audit Seigneur de Beures (qui
estoit chef en la ville) s'il n'appointoit, qu'ils ap-
pointeroient sans luy. Combien qu'il fust bon
Cheualier , si auoit-il peu de vertu : & vfa de
grandes prieres & de grandes remonstrances:
& croy, si plus audacieusement il eust parlé, qu'il
uy en fust mieux pris , sinon que Dieu en eust
insi ordonné. Car il ne falloit que tenir encores
trois iours, qu'ils n'eussent eu du secours. Mais
pour abreger, il compleut & se consentit aux
leffusdits Anglois : & rendit la place au Duc de
Lorraine, sauf leurs personnes & biens.

*Nancy ren-
due au Duc
de Lor.*

Le lendemain, ou pour le plus tard, deux iours
près ladicte place renduë, le Duc de Bourgon-
ne arriua aupres, bien accompagné, selon le
cas: car ils luy estoient venus quelques gens du
quartier de Luxembourg, qui venoient de
es autres seigneuries: & se trouuerent ledict
Duc de Lorraine & luy, toutesfois il n'y eut rien
d'importance: parce que ledit Duc de Lorrain-
e n'estoit assez fort. Ledit Duc de Bourgon-

gne se mit encores apres son esteuf, & à remettre le siege deuant Nancy, & luy eust mieux valu n'auoir ia este si obstiné en sa demeure: mais Dieu prepare tels vouldoirs extraordinaires aux Princes, quand il luy plaist muer leur fortune. Si ledict Seigneur eust voulu vser de conseil, & bien garnir les petites places d'entour, il eust en peu de temps recouuré la place: car elle est tres-mal pourueüe de viures, & y auoit assez, & trop de gens, pour la tenir à destroit, & eust peu rafraeschir son armee: & la refaire: mais il le prit par autre bout.

Des grandes trahisons du Comte de Campobache: & comment il empescha le Duc de Bourgongne d'ouyr vn Gentil-homme qui les luy vouloit reueler, deuant qu'estre pendu: & comment ledit Duc ne tint compte aussi de l'aduertissement que luy en donna le Roy.

CHAP. VI.

CEpendant qu'il tenoit ce siege (mal-heureux pour luy, & pour tous ses suiets, & pour assez d'autres, à qui la querelle ne touchoit en rien) commencerent plusieurs des siens à pratiquer: & ia (comme i'ay dit) luy estoient iours ennemis de tous costez: &, entre les autres, le Comte Nicole de Cāpobache, du Royaume de Naples: dōt il estoit chassé, pour la maison d'Anjou, & l'auoit retiré le Duc, apres le trespas du Duc Nicolas de Calabre (à qui il estoit seruiteur) & plusieurs autres des seruiteurs dudit Duc. Ce Comte estoit trespauvre (comme i'ay dit ailleurs) & de meuble & d'heritage. Le Duc

de Bourgongne luy bailla d'entree, quarante mille Ducats d'imprestance, pour aller faire sa charge en Italie, qui estoit de quatre cens Lances, qu'il payoit par sa main, & de lors commença à machiner la mort de son maistre (comme l'ay desia dit) & continua iusques à celle heure dont ie parle : &, de nouveau, voyant son maistre en aduersité, commença à pratiquer, tant enuers Monseigneur de Lorraine, qu'avec aucuns Capitaines & seruiteurs, que le Roy auoit en Champaigne, pres de l'armee dudit Duc. Audit Duc de Lorraine promettoit tenir la main, que ce siege ne s'auanceroit point : & qu'il feroit trouuer des defauts es choses plus necessaires pour le siege, & pour la baterie, & il le pouuoit faire: car il en auoit la principale charge & toute l'autorité, avec ledit Duc de Bourgongne. Aux nostres pratiquoit plus au vif: car tousiours presentoit de tuer ou prendre son maistre: & demandoit le payement de ces quatre cens Lances, vingt mille escus contant, & vne bonne Comté.

Durant qu'il conduisoit ces marchez, vinrent aucuns Gentils-hommes du Duc de Lorraine, pour entrer en sa place. Aucuns y entre-
rent, autres furent pris: dont l'un fut vn Gentil-
homme de Prouence, appelé * Cifron: le quel
conduisoit tous les marchez dudit Côte avec le-
dit Duc de Lorraine. Le duc de Bourgongne com-
manda que ledit Cifron fust incontinent pen-
lu: disant que, depuis qu'un Prince a posé son sie-
ge, & fait tirer son artillerie deuant vne place
si aucuns y viennent pour y entrer, & la recon-
quer contre luy, ils sont dignes de mort par les

*Campobas-
che Neap.
pratique la
ruine du
Duc de B.
son maistre.*

*v. Sifren
Cifron exé-
cuté à mort
menant la
trahison de
Campoba-
che & par
luy mesme
chargé.*

droicts de la guerre. Toutesfois il ne s'en vse point en nos guerres qui sont assez plus cruelles que la guerre d'Italie & d'Espagne : là où on vse de ceste coustume. Quoy qu'il y eust, ledict Duc voulut que ce Gentil-homme mourust : lequel (quand il veit qu'en son faict n'y auoit nul remede, & qu'on le vouloit mener mourir) manda audit Duc de Bourgogne, qu'il luy pleust l'ouyr, & qu'il luy diroit chose, qui touchoit à sa personne. Aucuns Gentils-hommes, à qui il dit ces paroles, le vindrent dire au Duc : & d'auenture le Comte de Campobache se trouua deuant, quād iceux vindrāt parler au Duc, ou bien, sçachant la prise dudit Cifron, s'y voulut bien trouuer, doutant qu'il ne dist de luy ce qu'il sçauoit : car il sçauoit tout le demené dudit Comte, tant d'un costé, que d'autre : & luy auoit tant esté communiqué, & estoit ce qu'il vouloit dire. Ledit Duc respondit à ceux, qui luy vindrent faire ce rapport, qu'il ne le faisoit que pour sauuer sa vie : & qu'il leur dist que c'estoit. Ledit Comte conforta ceste parole, & n'y auoit avec ledict Duc, que ce Comte, & quelque Secrétaire, qui escriuoit : car ledict Comte auoit toute la charge de ceste armee. Le prisonnier dit qu'il ne le diroit qu'audit Duc de Bourgogne. De rechef commanda ledict Duc qu'on le menast pendre. Ce qui fut fait, & en le menant, ledit Cifron requit à plusieurs qu'ils priaissent à leur maistre pour luy, & qu'il diroit chose, qu'il ne voudroit, pour vne Duché, qu'il ne le sçeust. Plusieurs, qui le cognoissoient, en auoyent pitié, & vindrent parler à leur maistre pour faire ceste requeste qu'il luy pleust de

l'ouir: mais ce mauuais Comte estoit à l'huis de la chambre de bois, en quoy logeoit ledit Duc: & gardoit que nul n'entraist: & refusa l'huis à ceux-là, disant: Monseigneur veut qu'on s'auance de le pendre: & par messagers hastoit le Preuost. Et finalement ledit Cifron fut pendu. Qui fut au grand preiudice du Duc de Bourgongne: & luy eust mieux valu n'auoir esté si cruel, & humainement ouyr ce Gentil-homme: & parauenture (s'il l'eust fait) qu'il fust encores en vie, & la maison entiere, & beaucoup accreüe: veu les choses suruenues en ce Royaume depuis.

Mais il est à croire que Dieu en auoit autrement disposé, depuis ce desloyal tour, que ledit Duc auoit fait, peu de temps parauant, au Comte de Saint Paul, Connestable de France: ainsi qu'auetz entendu ailleurs en ces Memoires, comment il l'auoit pris sur sa feureté, & baillé au Roy, pour le faire mourir, & d'auantage baillé tous les sceillez & lettres, qu'il auoit dudit Connestable, pour seruir à son procez. Et combien que ledit Duc eust trouué, & eust iuste cause de hair ledit Connestable iusques à la mort, & de la luy procurer, pour beaucoup de raisons (qui seroyent longues à escrire) moyennant qu'il l'eust peu faire, sans luy donner la foy: toutesfois toutes les raisons, que sçauroye alleguer en ceste matiere, ne sçauroyent couvrir la faute de foy & d'honneur, que le Duc commit en baillant bon & loyal sauf-conduit audit Connestable, & neantmoins le prendre & vendre par auarice, non point seulement pour la ville de S. Quentin & des places, heritages & meubles dudit Connestable: mais aussi pour la doute de

le Duc de
B. vend le
Conestable
contre sa
foy.

faillir de prendre la ville de Nancy, quand il l'auoit assiegee la premiere fois: & fut à l'heure qu'apres plusieurs dissimulations, il bailla ledit Connestable, doutant quel'armee du Roy (qui estoit en Champaigne) ne luy empeschast son entreprise: car le Roy le menaçoit par ses Ambassadeurs: pource que, par leur appointment, le premier des deux, qui tiendroient le Connestable le deuoit rendre, dedans huit iours apres, à son compaignon, ou le faire mourir. Or auoit ledit Duc passé ce terme de beaucoup de iours: & ceste seule crainte & ambition de Nancy, luy feit bailler ledit Connestable: ainsi qu'auiez ouy. Tout ainsi comme en ce propre lieu de Nancy, il auoit commis ce crime iniustement (apres qu'il eut remis le second siege, & fait mourir ledict Cifron: lequel il ne voulut ouyr parler: comme homme qui auoit ia l'ouïe bouchée, & l'entendement troublé) fut à ceste propre place deceu & trahy, par celuy auquel plus se fioit, & parauenture, iustement payé de sa deserte, pour le cas qu'il auoit commis dudit Connestable, & par auarice de ladite ville de Nancy. Mais ce iugement appartient à Dieu: & ne le dy que pour esclarcir mon propos, & dōner à entendre combien vn bon Prince doit fuyr à consentir vn tel vilain tour & desloyauté: quelque conseil encores qu'on luy en sçache donner. Et assez de fois aduient que ceux qui leur conseillent, le font pour leur complaire, ou pour ne les oser contredire: à qui il en desplaist bien, quand le cas est aduenü, cognoissant la punition qui en peut aduenir, tant de Dieu que du monde: toutesfois tels conseillers vaudroyent bien mieux

loing du Prince , que pres.

Vous auez ouy comme Dieu en ce monde *Campobache commissaire de la vengeance de Dieu sur le Duc de Bourg.*
establit ce Comte de Campobache commissaire
à faire la vengeance de ce cas du Connestable,
ainsi commis par le Duc de Bourgongne , & au
propre lieu: & en la propre maniere, & enco-
res beaucoup plus cruellement. Car tout ainsi

que par dessus le saufconduit & feableté, qu'a-
uoit en luy ledict Connestable, il le liura, pour
estre mis à mort: tout ainsi par le plus feable de
son armee, c'est à dire, par celuy, en qui plus se
fioit, fut-il trahy, par celuy, dy-je, qu'il auoit re-
cueilly vieil & pauvre, & sans nul party, & qu'il
auoit souldoyé à cent mille Ducats l'an, dont
il payoit ses Gens-d'armes par sa main, & d'au-
tres grands auantages qu'il auoit. Et quand il
commença ceste marchandise, il s'en alloit en
Italie, à tout quarante mille Ducats contant,
qu'il auoit receus pour imprestance, comme

dit est, qui vaut à dire pour mettre sus ses Gens-
d'armes: & pour conduire ceste trahison, s'en a-
dressa en deux lieux, le premier à vn Medecin de-
mourant à Lion, appelé maistre Simon de Pa-
uie, & à vn autre en Sauoye, dont i'ay parlé, &
à son retour furent logés ses Gens-d'armes en
certaines petites places de la Comté de Marle
qui est en Laonnois: & la reprit sa pratique,
offrant bailler toutes les places, qu'il tenoit: ou
(si le Roy se trouuoit en bataille, contre son
maistre) qu'il y auroit certain signe, entre le Roi
& luy, qu'en luy faisant il se retourneroit cōtre
son maistre, & du party du Roy, avec toute sa bā-
de, Ce second party ne pleut point fort au Roy.

Il offroit encores que la premiere fois que son maistre logeroit en champ, qu'il le prendroit, ou tueroit en allant visiter son ost. Et, à la verité dire, il n'eust point failly à ceste tierce ouuerture: car ledit Duc auoit vne coustume, qu'incontinent qu'il estoit descédu de cheual, au lieu où il venoit pour loger, il ostoit le menu harnois, & retenoit le corps de sa cuirace, & se montoit sur vn petit cheual huict ou dix Archers à pied avec luy seulement. Aucunesfois le suiuoient deux ou trois Gentils-hommes de sa chambre: & alloit tout à l'entour de son ost, par dehors, veoir s'il estoit bien clos: & ainsi ledict Comte eut faict ceste execution avec dix cheuaux, sans nulle difficulté. Apres que le Roy eut veu la continuelle poursuite que faisoit cest homme, pour trahir son maistre, & que ceste * demenee fut à l'heure d'une trefue, & qu'il ne scauoit point de tous poincts à quelle fin il faisoit ces ouuertes, il delibera monstrier vne grande franchise au Duc de Bourgogne: & luy manda par le Seigneur de Contai (qui plusieurs fois a esté nommé en ces Memoires) tout au long le demené de ce Comte: & y estoie present: & suis bien seur que ledict Seigneur de Contai s'en acquitta loyaument enuers son maistre, lequel le prit tout au rebours: disant que (s'il eust esté vray) le Roy ne luy eust point faict scauoir. Et fut cecy long temps auant qu'il vinst à Nancy, & croi bien que ledit Duc n'en dit rien audit Comte: car il ne changea iamais de propos.

Sur liur.

*4. chap. 13.
sur la fin.*

V. derniere.

Comment le Duc de Lorraine, accompagné de bon nombre d'Alemans, vint loger à saint Nicolas, pendant le siege de Nanci, & comment le Roy de Portugal, qui estoit en France, alla veoir le Duc de Bourgongne, durant ce siege.

CHAP. VII.

OR faut retourner à nostre matiere principale, & à ce siege, que ledit Duc tenoit deuant Nanci (qui estoit au cœur d'Yuer) avec peu de gens, mal armez, mal payez, & beaucoup de malades, & des plus grands qui prattiquoient contre lui, comme vous oyez, & tous en general murmuroient & mesprisoient tous ses œuvres : comme est bien de coustume en temps d'aduersité, ainsi que i'ay bien dit au long icy deuant : mais nul ne prattiquoit contre sa personne, ne contre son estat, que ce Comte de Campobache : & en ses sujets ne trouua nulle desloyauté. Estant en ce pauvre appareil, le Duc de Lorraine traitta vers ces vieilles Alliances (que i'ay nommees icy deuant) d'auoir gens pour combattre le Duc de Bourgongne, qui estoit deuant Nancy. Toutes ces villes y furent tres-enclines : ne restoit que trouuer argent. Le Roy le reconfortoit d'Ambassadeurs, qu'il auoit enuoyez vers les Suisses, & aussi luy fournit quarante mille francs pour ayder à payer les Alemans, & si auoit Monseigneur de Cran, qui estoit son Lieutenant en Champaigne, logé en Barrois, avec sept ou huit cens Lances, & des Francs-Archers, bien accompagnez de bons Chefs. Tant fit le Duc de

Lorraine, avec la faueur & argent du Roy, qu'il tira grand nombre d'Alemans, tant de pied que de cheual : car outre ce qu'il paya, ils en fournirent à leurs despens. Aussi auoit avec lui largement Gentils-hommes de ce royaume, & puis ceste armee du Roy estoit logee en Barrois, cōme i'ay dit, laquelle ne faisoit nulle guerre : mais voyoit qui auroit du meilleur. Et vint ledit Duc de Lorraine loger à Saint Nicolas, pres Nanci, avec ces Alemans dessusdits.

Roy de Portugal allié du Roy, & destitué de luy en sa nécessité.

Le Roy de Portugal estoit en ce royaume neuf mois auoit ou enuiron, auquel le Roy s'estoit allié, contre le Roy d'Espagne, qui est auourd'hui. Lequel Roy de Portugal estoit venu cuidant que le Roy lui baillast grande armee, pour faire la guerre en Castille; par le costé de Biscaye ou de Nauarre : car il tenoit largement places en Castille, à la frontiere de Portugal, & en tenoit encores d'aucunes voisines de nous, cōme le chasteau de Bourges, & plusieurs autres. Et croy biē que si le Roy lui eust aidé, comme quelquefois il en eut le vouloir, le Roy de Portugal fust venu au dessus de son entreprise : mais ce vouloir passa au Roy, & fut longuement le Roy de Portugal entreteu en esperance, comme d'un an, ou plus.

Durāt ce tēps s'empiroiēt les besongnes dudit Roy de Portugal en Castille : car à l'heure qu'il vint, presque tous les Seigneurs du Royaume de Castille tenoiēt son party : mais voyant tant de mourer, peu à peu muerent ce propos, & s'appointerent avec le Roy Ferdinand, & la Royne Ysabel, qui regnent auourd'huy. Le Roy s'excusoit de ceste ayde (qu'il auoit promis & ac-

cordé) sur ceste guerre, qui estoit en Lorraine, monstrant auoir crainte, si le Duc de Bourgogne se resoudoit, qu'apres ne lui vint courre sus. Ce pauvre Roy de Portugal, qui estoit tresbon, & iuste, mit en son imagination, qu'il iroit deuers le Duc de Bourgogne, qui estoit son cousin germain, & qu'il pacifieroit tout ce differēt du Roy & de lui, afin que le Roy lui peust aider. Car il auoit honte de retourner en Castille, ni en Portugal, avec ceste defaute, & de n'auoir riē faict deçà. Car legerement il auoit esté meū d'y venir, & outre l'opinion de plusieurs de son cōseil. Ainsi se mit à chemin le Roy de Portugal, en fin cœur d'hier, & alla trouuer le Duc de Bourgogne, son cousin, deuant Nanci: & luy commença à remonstrer ce que le Roy lui auoit dit, pour venir à ceste vnion. Il trouua que ce seroient choses bien mal-aisees que de les accorder, & qu'en tout estoient differens. Ainsi n'y arresta que deux iours, qu'il ne prit congé dudit Duc de Bourgogne, son cousin, pour s'en retourner à Paris, dont il estoit parti. Ledit Duc de Bourgogne lui pria attendre encores, & qu'il voulsist aller au Pont-à-Mousson, qui est assez pres de Nanci, pour garder ce passage: car ia scauoit ledit Duc l'armee des Alemañs, qui estoient logez à Sainct Nicolas. Le Roy de Portugal s'excusa: disant n'estre point en armes, n'accompagné pour tel exploict, & ainsi s'en retourna à Paris, là où il feit long seiour: la fin dudit Roy de Portugal fut, qu'il entra en suspition que le Roy le vouloit faire prendre, & le bailler à son ennemy le Roy de Castille, & pourtant se desguisa, le troisieme, & delibera s'en al-

Le Roy sollicite le Duc de B. par le Roy de Portugal, peu auant sa défecte.

ler à Rome , & se mettre en vne religion aupres. En allant en cest habit dissimulé, il fut pris par vn appelé Robinet le Beu , qui estoit de Normandie. Le Roy nostre maistre fut marri, & eut quelque honte de ce cas, & lui feit armer plusieurs nauires de ceste coste de Normandie : dont messire George Leger eut la charge qu'il le meneroit en Portugal, ce qu'il entreprit de faire.

Occasion

*de la guerre
des Rois
de Port. &
de Castille*

L'occasion de sa guerre contre le Roy de Castille , estoit pour sa niepce, fille de sa sœur : laquelle estoit femme du Roy Don Henry de Castille, dernier mort, laquelle auoit vne tres-belle fille , & est encores auiourd'hui demourant en Portugal, sans estre mariee, laquelle fille la Roine Ysabel sœur dudit Roy Henry, deboutoit de la succession de Castille : disant que la mere l'auoit conceüe en adultere. Assez de gens ont esté de ceste opinion, disant que ledit Roy Henry n'eust sçeu engendrer, pour aucune raison que ie laisse. Comment qu'il en soit allé, & nonobstant que ladite fille fust née sous le manteau de mariage : toutesfois est demeuree la couronne de Castille à la Roine Ysabel , & à son mary le Roy d'Arragon & de . . Cecile, regnant auiourd'hui , & taschoit ledit Roy de Portugal (dont i'ay parlé) de faire le mariage de ladicte fille sa niepce , & de nostre Roy Charles , de present, huictiesme de ce nom, & estoit la cause pour laquelle ledit Roy de Portugal estoit venu en France. Laquelle chose lui fut à tres-grand preiudice & desplaisir : car tost apres son retour en Portugal, il mourut. Et pource (comme i'ay dit environ le commencement de ces Memoires) vn Prince doit bien regarder quels Ambassadeurs

* entendez
de l'isle.

il enuoye par pays : car si ceux qui vindrent faire l'alliance du Roy de Portugal de par deçà (à laquelle me trouuai present, comme l'un des deputez pour le Roy) eussent esté bien sages, ils se fussent mieux informez des choses de deçà, auant que cōseiller à leur maistre ceste venue, qui tant luy porta de dommage.

Comment le Duc de Bourgogne n'ayant voulu suivre le bon conseil de plusieurs de ses gens, fut desconfit & tué en la bataille que lui liura le Duc de Lorraine près Nancy.

CHAP. VIII.

IE me fusse bien passé de ce propos, si n'eust esté pour monstrier, que bien tard vn Prince se doit mettre sous la main d'un autre, ny aller chercher son secours en personne. Et ainsi pour retourner à ma principale matiere, le Roy de Portugal n'eut point fait vne iournee, au departir qu'il feit avec le Duc de Bourgogne, que le Duc de Lorraine, & les Alemans, qui estoient en sa compagnie, ne deslogeassent de Saint Nicolas pour aller combattre ledit Duc de Bourgogne. Et ce propre iour vint au deuant d'eux le Comte de Campobache, acheuer son entreprise : & se rendit des leurs, avec environ huit vingts hommes d'armes : & lui desplaisoit bien que pis n'auoit peu faire à son maistre. Ceux de dedans Nanci estoient bien aduertis des traittez dudit Comte, qui leur aidoit bien à dōner cœur de tenir. Avec cela entra vn homme, qui se ietta aux fossez, qui les asseura de secours : car au-

triement estoient sur le poinct de se rendre : & si n'eust esté les dissimulations dudit Comte, ils n'eussent point tenu iusques lors. Mais Dieu voulut acheuer ce mystere.

Le Duc de Bourgogne, aduerti de ceste venue, tint quelque peu de conseil (car il ne l'auoient point fort accoustumé, mais vsoit communement de son propre sens) & fut l'opinion de plusieurs, qu'il se retirast au Pont-à-mousson pres de là, & laissast de ses gens és places qu'il tenoit enuiron Nanci, disant que si tost que les Alemans auroient auitaillé Nanci, ils s'en iroient, & seroit l'argent failli au Duc de Lorraine, qui de long temps n'en assembleroit tant de gens, & que l'aitaillemēt ne scauroit estre si grand, que auant que la moitié de l'hiuer fust passé, ils ne fussent aussi à destroit, comme ils estoient lors : & que ce pendāt ledit Duc r'assembleroit gens : car i'ay entendu par ceux qui le pensoient, scauoir qu'ils n'auoient point en l'ost quatre mille hommes, dont il n'y en auoit que douze cens en estat pour combattre. D'argent auoit assez ledict Duc : car il auoit au Chasteau de Luxembourg, qui estoit pres de là, bien quatre cens cinquante mille escus, & de gens eust-il assez recouré. Mais Dieu ne lui voulut faire ceste grace, que de receuoir ce sage conseil, ne cognoistre tant d'ennemis logez de tous costez enuiron de lui : & choisit le pire parti : & aux paroles d'hommes insensés, delibera d'attendre la fortune, non obstant toutes les remonstrances, qu'on lui auoit faictes du grand nombre des Alemans qui estoit avec ledit Duc de Lorraine, & aussi de l'armée du Roy logee pres de luy : & conclud la bataille,

avec ce petit nombre de gens espouuantez, qu'il auoit. A l'arriuee du Comte de Cāpobache vers le Duc de Lorraine, les Alemans lui feirent dire qu'il se retirast, & qu'ils ne vouloient nuls traistres avec eux, & ainsi se retira à Condé, vn charneau & vn passage pres de là, qu'il repara de charrettes & d'autres choses le mieux qu'il peut: esperant que, fuyant le Duc de Bourgongne & les gens, il en tomberoit en sa part, comme il feit assez. Ce n'estoit pas le principal traitté qu'eust ledit Comte de Campobache, que celui du Duc de Lorraine: mais peu deuant son partemēt, parla à d'autres, & avec ceux-là cōclud (pource qu'il ne voyoit point qu'il peust mettre la main sur le Duc de Bourgongne) qu'il se toutneroit de l'autre part, quand viendroît l'heure de la bataille: car plustost ne vouloit partir ledit Comte, afin de donner plus grand espouuantement à tout l'ost dudit Duc: mais il asseuroit bien, si le Duc de Bourgongne fuyoit, qu'il n'en eschapperoit iamais yif, & qu'il laisseroit treize ou quatorze personnes, qui lui seroient seurs, les vns pour commencer la fuite, dès ce qu'ils verroient marcher les Alemans: & les autres qui auroiēt l'œil sur ledit Duc, s'il fuyoit, pour le tuer en fuyant: & en cela n'y auroit point de faute: & ay cognu deux ou trois de ceux qui demourerēt pour tuer ledit Duc.

*Alemans
ne veulent
nuls trai-
stres avec
eux.*

Après que ces grandes trahisons furent conclues, il se retira dedans l'ost, & puis se retourna contre son maistre, quand il veit arriuer lesdicts Allemans, comme j'ay dit: & puis quand il veit que lesdicts Allemans ne le vouloient en leur cōpagnie, alla (comme dit est) en ce lieu de Condé.

*Armee du
Duc de B.
desconfite
deuant
Nancy.*

Lesdits Allemans marcherent : & avec eux estoit grand nombre de Gens de cheual de deçà qu'on y laissa aller. Beaucoup d'autres se mirent aux embusches pres du lieu, pour veoir si le Duc seroit desconfit, pour happer quelque prisonnier ou autre butin. Et ainsi pouuez veoir en quel estat s'estoit mis ce pauvre Duc de Bourgongne, par faute de croire conseil. Apres que les deux armees furent assemblees, la sienne, qui ja auoit esté desconfite par deux fois, & qui estoit de peu de gens, & mal en poinct, fut incontinent tournée en desconfiture & en fuite. Largement se sauuerent, le demeurant y fut mort, ou pris & entre autres, y mourut sur le champ ledit Duc de Bourgongne : & ne veux point parler de la maniere, pourtant que ie n'y estoye point : mais m'a esté conté, de la mort dudit Duc par ceux qui le veirent porter par terre, & ne le peurent secourir, parce qu'ils estoient prisonniers, mais à leur veüe ne fut point tué : ains par vne grande flotte de gens qui y suruindrent, qui le tuerent & le despouillerent en la grande troupe, sans le cognoistre : & fut ladite bataille le cinquiesme iour de Ianuier, en l'an mille quatre cens septante six, veille des Rois.

*La mort
du Duc de
Bourgong.
deuant
Nancy.*

1476.

*Digression sur quelques bonnes mœurs du Duc de
Bourgongne, & sur le temps que sa maison
dura en prosperité.*

C H A P. IX.

L'Ay depuis veu vn signet à Milan, que maintesfois auoye veu pendu à son pourpoinct, qui estoit vn anneau : & y auoit vn fuzil entaillé.

taillé en vn camayeu, où estoient ses armes, lequel fut vendu pour deux Ducats au lieu de Milan. Celuy qui le luy osta luy fut mauuais Valet de chambre. Ie l'ai veu maintesfois habiller & deshabiller en grande reuerence, & par grands personages: & à ceste derniere heure luy estoient passez ses honneurs: & perit luy & sa maison, comme i'ai dit, au lieu où il auoit consenti par auarice de bailler le Connestable: & peu de temps apres Dieu luy vueille pardonner ses pechez.) Ie l'ay veu grand & honorable Prince, & autant estimé & requis de ses voisins (vn temps a esté) que nul Prince qui fust en Chrestienté, ou parauanture plus. Ie n'ay veu nulle occasion pourquoy plustost il deust auoir encouru l'ire de Dieu, que de ce que toutes les graces & honneurs qu'il auoit receus en ce monde, il les estimoit tous estre procedez de son sens, & de sa vertu, sans les attribuer à Dieu, comme il deuoit. Et à la verité il auoit de bonnes & vertueuses parties en luy. Nul Prince ne le passa iamais de desirer nourrir grands gens, & les tenir bien reglez. Ses biens-faicts n'estoient point fort grands: pource qu'il vouloit que chacun s'en sentist. Iamais nul plus liberalement ne donna audience à ses seruiteurs & sujets. Pour le temps que ie l'ay cognu, il n'estoit point cruel: mais le deuint à sa mort (qui estoit mauuais signe de longue duree) & estoit fort pompeux en habillemens, & en toutes autres choses, & vn peu trop. Il portoit fort grand honneur aux Ambassadeurs, & gens estranges. Ils estoient bien fort festoyez & recueillis chez luy. Il desiroit fort grande

*Quelcun
escriit que
le Duc de
B. fut re-
cognu nué,
nud entre
xiiij tous
nuds.*

*Presomptiō
du Duc de
B. cause de
tous ses
maux.*

gloire(qui estoit ce qui plus le mettoit en ses guerres, que nulle autre chose) & eust bien voulu ressembler à ces anciens Princes, dont il a esté tant parlé apres leur mort : & estoit autant hardi, qu'un homme qui ait regné de son temps. Or sont finies toutes ses pensees, & le tout tourné à son preiudice & honte: car ceux qui gaignent ont tousiours l'honneur. Je ne scauroye dire vers qui nostre Seigneur s'est montré plus courroucé, ou vers luy (qui mourut soudainement, & en ce champ, sans guerres languir) ou vers ses sujets: qui oncques puis n'eurent bien ne repos: mais continuellement guerre: contre laquelle ils n'estoient suffisans de resister aux troubles qu'ils auoient les vns contre les autres & en guerre cruelle & mortelle. Et ce qui leur a esté plus fort à porter a esté que ceux qui les defendoyent, estoient gens estrangers, qui n'agueres auoient esté leurs ennemis, c'estoient les Allemans. Et en effect depuis ladicte mort, n'eurent iamais homme qui bien leur voulsist: de quelques gens qu'ils se soient aidez. Et a semblé à veoir leurs œuures qu'ils eussent les sens aussi troublez comme leur Prince, vn peu auant sa mort: car tout bon conseil ils ont deietté & cherché toutes voyes qui leur estoient nuisibles, & sont en chemin que ce trou ne leur faudra de grande piece, ou au moins la crainte d'y recheoir.

*Discours
notable
touchant
la prosperi-
té & ad-
uersité des
Princes &
des iuiets.*

Je seroye assez de l'opinion de quelque autre que i'ay veu, c'est que Dieu donne le Prince, selon qu'il veut punir ou chastier les sujets: & aux Princes les sujets ou leurs courages disposer enuers luy, selon qu'il les veut esleuer ou

abbaïffer: & ainsi fut ceste maison de Bourgon-
gue a fait tout esgal: car apres leur longue fe-
licité & grandes richesses, & trois grands Prin-
ces bons & sages, precedens cestui-cy (qui a-
uoient duré six vingts ans ou plus, en bon sens
& vertu) il leur donna ce Duc Charles, qui
continuellement les tint en grande guerre,
travail & despenſe, & presque autant aux iours
d'Hyuer qu'en ceux d'Esté: tant que beaucoup
de gens, riches & aïsez, furent morts & de-
struits par prison en ces guerres. Les grandes
pertes commencerent deuant Nuz: qui con-
tinuerent, par trois ou quatre batailles, iusques
à l'heure de sa mort: & tellement qu'à ceste
dernière bataille estoit conſommee toute la
force de son pays, & morts, ou destruits, ou
pris toutes ces gens, qui euſſent ſçeu ou vou-
lu defendre l'estat & l'honneur de sa maison.
Et ainsi, comme i'ay dit, ſemble que ceste perte
ait esté esgale au temps qu'ils ont esté en feli-
cité: car, comme ie dy l'auoir veu grand, riche,
& honoré, encores puis-je dire auoir veu tout
cela en ſes ſujets: car ie cuide auoir veu & co-
gnu la meilleure part d'Europe: toutesfois ie
n'ay cognu nulle Seigneurie, ne pays, tant pour
tant, ny de beaucoup plus grande eſtendue en-
cores, qui fut tant abondant en richesses, en
meubles, & en edifices, & auſſi en toutes prodigalitez,
despenſes, feſtoyemens, & cheres, comme ie les ay veus, pour le temps que i'y eſtoye,
Et s'il ſemble à quelcun, qui n'y ait point esté
pour le temps que ie dy, que i'en die trop: d'au-
tres qui y eſtoient comme moy, parauanture
diront que i'en dy peu.

Or a nostre Seigneur, tout à vn coup, fait cheoir si grand & si somptueux edifice, ceste puissante maison qui a tant soustenu de gens de bien & nourry, & tant esté honoree & pres & loing, & par tant de victoires & de gloires, que nul autre à l'enuiron n'en receut autant en son temps. Et luy a duré ceste bonne fortune & grace de Dieu l'espace de six vingts ans, que tous les voisins ont souffert (comme France, Angleterre, Espagne) & tous à quelque fois, la sont venus requerir: comme l'auez veu par experience du Roy nostre maistre, qui en sa ieunesse, & viuant le Roy Charles VII. son pere, s'y vint retirer six ans, au temps du bon Duc Philippe, qui amiablement le receut. D'Angleterre y ay veu les deux freres du Roy Edouard (c'est à sçauoir le Duc de Clarence, & le Duc de Glocestre, qui depuis s'est fait appeler Roy Richard) & de l'autre party du Roy Henry (qui estoit de la maison de Lanclastre) y ay veu toute ceste lignee, ou peu s'en faloit. De tous costez ay veu ceste maison honoree, & puis tout en vn coup cheoir ce que dessus, dessous, & la plus desolee & desfaite maison, tant en Prince qu'en fujets, que nul voisin qu'ils eussent. Et telles & semblables œures a fait nostre Seigneur (mesmes auant que fussons néz) & fera encores, apres que nous serons morts: car il faut tenir pour seur que la grande prosperité des Princes, ou leurs grandes aduersitez, procedent de la diuine ordonnance.

Comment le Roy fut aduertý de la derniere defaite
du Duc de Bourgogne: & comme il conduisit ses af-
faires: apres la mort d'iceluy.

CHAP. X.

P Our tousiours continuer ma matiere, le Roy (qui auoit ja ordonné postes en ce Roy-
aume, & parauant n'y en auoit point eu ia-
mais) fut bien tost aduertý de ceste desconfitu-
re du Duc de Bourgogne: & à chacune heure
en attendoit des nouuelles (à cause des aduertif-
semens, qu'il auoit eu parauant, de l'arriuee des
Allemands, & de toutes autres choses qui en
leppendoient) & y auoit beaucoup de gens,
qui auoient les oreilles bien ouuertes, à qui
le premier les orroit, pour les luy aller dire: car il
lonnoit volontiers quelque chose à celuy, qui
le premier luy apportoit quelques grandes nou-
uelles, sans oublier le messager: & si prenoit
plaisir à en parler auant qu'elles fussent ve-
nues, disant: Je donneray tât, à celuy qui m'ap-
portera des nouuelles. Monseigneur du Bou-
chage & moy, eusmes (estans ensemble) le pre-
mier message de la bataille de Morat, & en-
semble le dismes au Roy: lequel nous donna à
chacun deux cens Mars d'argent. Monsei-
gneur du Lude (qui couchoit hors du Plessis)
sçeut le premier l'arriuee du Cheuaucheur,
qui apporta les lettres de ceste bataille de
Nancy, dont i'ay parlé. Il demanda au Che-
uaucheur ses lettres, qui ne les luy osa refuser,
pource qu'il estoit en grande autorité avec le

*Premiere
assiette des
postes en ce
Royaume
de France.*

*Nouuelles
de la ba-
taille de
Nancy au
Roy.*

Roy. Ledit Seigneur du Lude vint fort matin, & estoit à grande peine iour, heurter aux huis plus prochains du Roy. On luy ouurit : & bailla lesdictes lettres qu'escriuoit Monseign. de Cran, & autres, mais nul n'acertenoit, par les premieres, de la mort : mais aucuns disoient qu'on l'auoit veu fuir, & qu'il s'estoit sauué. Le Roy de prime face fut tant surpris de la ioye qu'il eut de ceste nouuelle, qu'à grand' peine sceut-il quelle contenance tenir. D'un costé doutoit, s'il estoit pris des Allemans, qu'ils ne s'accordassent à luy, pour grande somme d'argent, qu'aisément ledit Duc leur pourroit donner. D'autre costé estoit en soucy s'il estoit eschapé, ainsi desconfi. La tierce fois, s'il prendroit ces Seigneuries de Bourgongne, ou non : & luy sembloit qu'aisément il les pourroit prédre : veu que tous les gens de bien du pays estoient presque tous morts en ces trois batailles. Et sur ce poinct estoit sa resolution, que peu de gens, comme ie croy, ont sceu excepté moy, que si ledit Duc estoit sain de sa personne, il feroit entrer son armee, qui estoit en Champagne & Barrois, incontinent en Bourgongne, & saisir le pays, à l'heure de ce grand espouuagement, & dès ce qu'il seroit dedans, aduertiroit ledit Duc, qu'il le faisoit à l'intention de le luy sauuer, & garder que les Alemans ne le destruisissent, pour ce que ladite Duché estoit tenuë en souueraineté de luy : laquelle il n'eust voulu pour rien tomber es mains desdits Alemans : & que ce qu'il en auroit pris, luy seroit par luy rendu. Et sans difficulté ainsi l'eust-il fait. Ce que beaucoup de gens ne croiroient point aisément. Aussi ne scauent-ils

*Intention
du Roy à
se saisir du
Duché de
Bourgon.
mouuant
de luy.*

la raison qu'il l'eust meü. Mais ce propos luy mua, quand il sceut la mort dudit Duc.

Dés que le Roy eut receu ces lettres, dont i'ay parlé, lesquelles, comme i'ay dit, ne disoient rien de la mort, il enuoya en la ville Tours, querir tous les Capitaines, & plusieurs grands personages: & leur monstra les lettres. Tous en feirent signe de grande ioye: & sembloit à ceux qui regardoient les choses de biē pres, qu'il y en uoit assez qui s'y efforçoient: & nonobstant leurs gestes ils eussent mieux aimé que le faict dudit Duc fust allé autrement. La cause en pourroit estre, parce que parauant le Roy estoit fort craintif, & ils se doutoyent que s'il se trouuoit tant au deliure d'ennemis, qu'il ne voulist muer plusieurs choses, & par especial, estats & offices: car il y en auoit beaucoup en la compagnie: lesquels en la question du Bien-public, & autres du Duc de Guienne son frere, s'estoyent trouuez contre luy. Apres auoir vn peu parlé aux dessusdicts, il ouyt la Messe, & puis fit mettre la table en sa chambre, & les fit tous disner avec luy: & y estoit son Chancelier, & aucunes gens de conseil: & en disnant, parla tousiours de ces matieres: & scay bien que moy & autres prisms garde comme disneroiēc, & de quel appetit, ceux qui estoient en ceste table: mais à la verité (ie ne scay si c'estoit de ioye ou de tristesse) vn seul par semblant ne mangea la moitié de son saoul: & si n'estoient-ils point honteux de manger avec le Roy: car il n'y auoit celuy d'entr'eux, qui bien souuent n'y eust mangé.

*Suiets du
Roy crai-
gnoient le
repos d'ice-
luy.*

Au leuer de table le Roy se tira à part & don-

na, à aucuns des terres qu'auoit possede es le Duc de Bourgogne, si ainsi estoit qu'il fust mort:& despescha le Bastard de Bourbon Admiral de France,& moy:& nous bailla pouuoir necessaire pour mettre en son obeissance tous ceux qui s'y voudroient mettre, & nous commanda partir incontinent, & que nous ouurissions toutes lettres de postes & messagers que nous rencontrerions en allant, afin que fussons aduertis si ledict Duc estoit mort ou viu. Nous partismes & feismes grande diligence, nonobstant qu'il faisoit le plus froid que i'aye veu faire de mon temps. Nous n'eusmes point fait vne demie iournee, que nous rencontrasmes vn messager, à qui nous feismes bailler ses lettres, qui contenoient que ledict Duc auoit esté trouué entre les morts,& specialement par *nommé* vn page Italien & par son Medecin appelé *Baptiste de la maison de Colomne de Rome.* Maistre Louppe, natif de Portugal, qui certifioit, à Monseigneur de Cran, que c'estoir le Duc son maistre, lequel incontinent en aduertit le Roy.

Comment le Roy apres la mort du Duc de Bourgogne se saisit d'Abbeville:& de la responce que luy feirent ceux d'Arras.

C H A P. XI.

Comme nous eusmes sceu toutes lesdictes choses, nous tirasmes iusques aux faulxbourgs d'Abbeuille, & fusmes les premiers par qui, en ce quartier-là ceux du party du Duc de Bourgogne en furent aduertis. Nous trou-

uasmes que le peuple de la ville estoit desia en
traitté avec Monseigneur de Torcy : lequel de
long temps ils aimoyent tref-fort. Les gens de
guerre, & ceux qui auoyent esté Officiers dudit
Duc, traittoient avec nous par vn messager que
auions enuoyé deuant, & sur nostre esperance,
feirent partir quatre cens * Lances qu'ils auoient *V. Flamās.*
Mais incontinent que le peuple veit ceux-là
dehors, ils ouurirent les portes à Monseigneur
de Torcy, qui fut le grand dommage des Capi-
taines & autres Officiers de ladite ville : car ils
estoient sept ou huit, à qui nous auions promis
des Escus, & aucunes pensions, car nous auions
ce pouuoir du Roy, dont ils n'eurent riē pour ce
que les places ne furent point renduës par eux.

La ville d'Abbeuille estoit des terres baillees,
par le Roy Charles septiesme, à la paix d'Arras,
lesquelles terres deuoient retourner, en defect
d'hoir masle. Parquoy n'est de merucille, si le-
gerement elle nous ouuroit. *Abbeuille
rendue au
Roy.*

De là nous tirasmes à Dourlans, & enuoyas-
mes sommer Arras, Chef d'Artois ancien pa-
trimoine des Comtes de Flandres, & qui de
tout temps auoit accoustumé aller à fille, com-
me à fils. Monseigneur de Rauastain, & Mon-
seigneur des Cordes, qui estoient en ladicte vil-
le d'Arras, entreprirent de venir parler à nous,
au mont Sainct Eloy, vne Abbaye pres dudit
Arras, & avec eux ceux de la ville. Il fut aduisé
que i'iroye, & aucuns avecques moy : car on
doutoit bien qu'ils ne feroient point tout ce
que nous voudrions : & pource n'y alla point
ledict Admiral. Apres que ie fu venu audit
lieu, y arriuerent tantost apres les dessusdicts *Arras pa-
trimoine
des filles en
defaut de
masles.*

La Vaquerie lors pensionnaire d'Arras.

Communes sous leur d'argent du Roy en public, pratique en particulier pour le Roy.

Seigneurs de Rauastain & des Cordes, & plusieurs autres gens de bien, avec eux, & aussi aucuns de la ville d'Arras: & , entre les autres, estoit, pour ladite ville, leur pensionnaire, & qui par loit pour eux, maistre Jean de la Vaquerie, depuis premier Presidēt en Parlemēt à Paris, Pour ceste heure là leur requisimes l'ouuerture pour le Roy &, qu'ils nous receussent en la ville, disans que le Roy la pretendoit sienne, par le moyē de confiscation, & le pays: & que s'ils faisoient le contraire, ils estoient en danger d'estre pris par force: veuē la desfaiete de leur Seigneur, & que tout le pays estoit despourueu de gens de defence, à cause de ces trois batailles perduës. Les Seigneurs dessusdits nous feirent dire, par ledit maistre Jean de la Vaquerie, que ceste Comté d'Artois appartenoit à Madamoiselle de Bourgongne, fille du Duc Charles, & luy venoit de vraye ligne, à cause de la Comtesse Marguerite de Flandres: qui estoit Comtesse de Flandres, d'Artois, de Bourgongne, de Neuers, & de Retel: laquelle Comtesse fut mariee au Duc Philippe de Bourgongne, le premier: lequel fut fils du Roy Iehan, & frere aîné du Roy Charles le Quint: & supplioyent au Roy qu'il luy pleust entretenir la trefue, qui estoit entre luy & le feu Duc Charles. Nos paroles ne furent point trop longues: car nous nous attendions bien d'auoir ceste responce. Mais la principale occasion de mon allee ausdits lieux, estoit pour parler à aucuns particuliers de ceux qui estoient là, pour les conuertir pour le Roy. J'en parlay à aucuns: qui tost apres furent bons seruiteurs du Roy. Nous trouuâmes ce pays bien espou-

uanté, & non sans cause: car ie croy qu'en huit iours ils n'eussent sceu finer huit Hommes d'armes: ne d'autres gens de guerre n'en y auoit en tout ce pays là qu'environ mil & cinq cens hommes, tant de pied que de cheual, qui estoient vers Namur, & en Hainault, & estoient eschappez de ladicte bataille, où estoit mort le Duc de Bourgongne. Leurs anciens termes & façons de parler estoient bien changez: car ils parloyent bien bas, & en grande humilité. Non pas que ie les vueille charger que le temps passé eussent plus arrogamment parlé qu'ils ne deussent, mais vray est, que du temps que i'y estoie, ils se sentoient si forts qu'ils ne parloient point au Roy ne du Roy, en telle reuerence qu'ils ont fait depuis. Et si les gens estoient tousiours bien sages, ils seroient si moderez en leurs paroles, en temps de prosperité, qu'ils ne deuroient point auoir cause de changer leur langage en temps d'aduersité. Je retournay vers Monseigneur l'Admiral, faire mon rapport: & là trouuay nouvelles que le Roy venoit, lequel s'estoit mis en chemin tost apres: & auoit fait escrire plusieurs lettres, tant en son nom que de ses seruiteurs, pour faire venir gens deuers luy, par le moyen desquels il esperoit reduire ces Seigneuries dont i'ay parlé, en son obeissance.

Bourgnons devenus plus humbles de langage.

Louis en toute extremité poursuit la conqueste des terres du Duc de Bourg.

Discours, aucunement hors du propos principal, sur la ioye du Roy, se voyant deliuré de plusieurs ennemis, & de la faute qu'il fait en la reduction des pays du Duc de Bourgongne.

CHAP. XII.

LA ioye fut tres-grande au Roy de se veoir au dessus de tous ceux qu'il haïssoit, &

estoyent ses principaux ennemis. Des vns s'estoit vengé: comme du Connestable de France, du Duc de Nemours, & de plusieurs autres. Le Duc de Guienne, son frere, estoit mort: dont il auoit la succession. Toute la maison d'Anjou estoit morte: comme le Roy René de Cecile, les Ducs Iehan & Nicolas de Calabre: & puis leur cousin le Comte du Maine,, depuis Comte de Prouence, le Comte d'Armignac auoit esté tué à Lestore, & de tous ceux-cy auoit ledit Seigneur recueilly les successions & les meubles. Mais de tant que ceste maison de Bourgongne estoit plus grande, & plus puissante que les autres, & qui auoit eu ja pieça grosse guerre avec le Roy Charles septième son pere, trente deux ans sans trefue, avec l'aide des Anglois, & qu'ils auoient leurs Seigneuries assises és lieux confins, & les sujets disposez pour faire la guerre à luy & à son Royaume, de tant luy fut la mort de leur Duc à plaisir tref-grand, & plus que tous les autres ensemble, & luy sembloit bien qu'en sa vie ne trouueroit aucun contredit en son Royaume, ny és enuironz prés de luy. Il estoit en paix avec les Anglois (comme auez entendu) & desiroit traouiller de toute sa puissance, que ladite paix s'entretinst. Mais, nonobstant qu'il fust ainsi hors de toute crainte, Dieu ne luy permit pas prendre ceste matiere (qui estoit si grande) par le bout qui luy estoit necessaire: & semble bien que Dieu monstrest alors, & ait bien monstré depuis que rigoureusement il vouloit persecuter ceste maison de Bourgongne, tant en la personne du Seigneur, que de ses sujets, &

*Le Roy
s'esioit de
la mort du
Duc de B.*

*Le Roy
prend l'oc-
casiõ loua-
ble de trai-
ter avec
l'heritiere
de Bourg.*

y alaïns leurs biens. Car toutes les guerres es-
quelles ils ont esté depuis, ne leur fussent point
aduenuës, si le Roy nostre maistre eust pris les
choses par le bout qu'il les deuoit prendre,
pour en venir au dessus, & pour ioinde à sa
couronne toutes ces grandes Seigneuries, où
il ne pouuoit prendre nul bon droict. Ce qu'il
deuoit faire par quelque traitté de mariage,
ou les attirer à soy par vraye & bonne ami-
tié, comme aisément il se pouuoit faire, veu le
grand desconfort, pauureté & debilitation en-
quoy ces Seigneuries estoient. Quoy faisant, il
les eust tirez hors de grandes peines, & par
mesme moyen eust bien enforcé son Royau-
me, & enrichy par longue paix, en quoy il
l'eust peu maintenir : & cependant soulager
en plusieurs façons, & par especial du passage
des Gens-d'armes : qui incessamment, & le
temps passé, & le temps present, cheuauchent
d'un des bouts du Royaume à l'autre, & bien
souuent sans grand besoin qu'il en soit. Quand
le Duc de Bourgongne estoit encores viuant,
plusieurs fois me parla le Roy de ce qu'il feroit
si ledict Duc venoit à mourir : & parloit en
grande raison pour lors : disant qu'il tascheroit
à faire le mariage de son fils, qui est nostre Roy
à present, & de la fille dudit Duc, qui de-
puis a esté Duchesse d'Autriche, & si elle n'y
vouloit entendre, pour ce que Monseigneur le
Dauphin estoit beaucoup plus ieune qu'elle, il
essayeroit à luy faire espouser quelque ieune
Seigneur de ce Royaume, pour tenir elle & ses
suiets en amitié, & recouurer sans debat ce qu'il
pretendoit estre sien, & encores estoit ledict

Seigneur en ce propos, huiſt iours deuant qu'il ſçeuſt la mort dudit Duc. Cē ſage propos, dont ie vous parle, luy commença ja vn peu à changer, le iour qu'il ſçeut la mort dudit Duc de Bourgongne, & à l'heure qu'il nous deſpeſcha, Monſeigneur l'Admiral & moy. Toutesſois il en parla peu: mais à aucuns ſeit aucunes promieſſes de terres & Seigneuries.

Comment Han, Bohain, ſainct Quentin & Peronne, furent liurez au Roy: & comment il enuoya Maître Oliuier, ſon Barbier, pour cuider practiquer ceux de Gand.

CHAP. XIII.

Han & Bohain rendus au Roy. S. Quentin ſe rend au Roy.

Quand le Roy ſe trouua en chemin, tirant apres nous, luy vindrent nouuelles plaiſantes de tous coſtez. Le chaſteau de Han luy fut baillé, & Bohain. Ceux de Sainct Quentin ſe prindrent eux-meſmes: & mirent dedans Monſeigneur de Mouy, qui eſtoit leur voiſin. Le Roy eſtoit bien acertené de la ville de Peronne (quē tenoit Meſſire Guillaume Biſche) & auoit eſperance par nous, & par autres que Monſeigneur des Cordes ſeroit des ſiens. Il auoit enuoyé à Gand ſon Barbier, appellé maître Oliuier, natif d'vn village aupres de ladite ville de Gand, & en auoit enuoyé pluſieurs lieux: dont dē tout auoit grande eſperance: mais pluſieurs le ſeruoient plus de paroles que de faiſt. Quand le Roy fut aupres de Peronne, ie me vein trouuer au deuant de luy, & là vint apporter Meſſire Guillaume Biſche, & au-

Maître Oliuier Barbier du Roy entre-metteur de ſes affaires en Flandres. Peronne rendue au Roy.

cuns autres, l'obeissance de la ville de Peronne, dont il fut fort ioyeux. Ledit Seigneur seiourna ce iour. Ie disnay avec luy: cōme i'auoye accoustumé, car son plaisir estoit que tousiours mangeoient sept ou huiët personnes à sa table, pour le moins; & aucunesfois beaucoup plus largement. Apres qu'il eut dîné, se retira à part: & ne fut pas content du petit exploit que ledit Monseigneur l'Admiral & moy auions fait: disant qu'il auoit enuoyé maistre Oliuier son Barbier à Gand (qui luy mettroit ceste ville en l'obeissance) & Robinet Dodenfort à S. Omer, lequel y auoit des amis, & qu'ils estoient gens pour prendre les clefs de la ville, & mettre ses gens dedās: & d'autres qu'il nommoit en d'autres grandes villes: & me faisoit combattre de ce propos par Monseigneur du Lude, & par d'autres. Il ne m'appartenoit pas d'arguer ny de parler contre son plaisir, mais luy dy que ie doutoye que maistre Oliuier & les autres, qu'il m'auoit nommez, ne cheueroient point si aisément de ces grandes villes, comme ils pensoient. Ce qui faisoit à nostre Roy me dire ces mots, estoit pource qu'il estoit changé de volonté, & que ceste bonne fortune, qu'il auoit au commencement luy donnoit esperance que tout se rendroit à luy de tous costez, & se trouuoit conseillé par aucuns, & y estoit aussi enclin de soy-mesme, à desfaire & destruire ceste maison de tous poincts, & en departir les Seigneuries en plusieurs mains: & nommoit ceux à qui il entendoit donner les Comtez, comme Namur & Hainault, qui sont situez pres de luy. Des autres grandes pieces, (comme Brabant & Hollande) il s'en vouloit

Le Roy se promet trop de maistre Oliuier son Barbier.

Le Roy pretend de destruire la maison de Bourgon.

*Le monde
& la con-
science
contraires.*

aider à auoir aucuns Seigneurs d'Alemaigne, qui feroient ses amis, & qui lui aideroient à executer son vouloir. Son plaisir estoit bien me dire toutes ces choses; pource qu'autresfois luy auoye parlé & conseillé l'autre chemin icy dessus escrit, & vouloit que i'entendisse ses raisons pourquoy il ne m'oyoit, & que ceste voye estoit plus vtile pour son Royaume, qui beaucoup auoit souffert, à cause de la grandeur de ceste maison de Bourgongne, & des grandes Seigneuries qu'elle possédoit. Quant au monde, il y auoit grande apparence en ce que ledict Seigneur disoit; mais, quant à la conscience, me sembloit le contraire. Toutesfois le sens de nostre Roy estoit si grand, que moy ny autre qui fust en la compagnie, n'eussions sceu veoir si clair en ses affaires, comme luy-mesme faisoit, car sans nulle doute, il estoit vn des plus sages hommes, & des plus subtils qui ait regné en son temps.

Mais en ces grandes matieres Dieu dispose les cœurs des Rois & des grands Princes, lesquels il tient en sa main, à prendre les voyes selon les œuures qu'il veut conduire apres. Car sans nulle difficulté, si son plaisir eust esté que nostre Roy eust continué le propos qu'il auoit de luy-mesme aduisé: deuant la mort du Duc de Bourg. les guerres qui y ont esté depuis, & qui sont, ne fussent point aduenues, mais nous n'estions encores enuers luy, tant d'vn costé que d'autre, dignes de receuoir ceste longue paix qui nous estoit appareillée, & de là procede l'erreur que feit nostre Roy, & non point de la faute de son sens: car il estoit bien grand.

comme

comme i'ai dit. Je di ces choses au long , pour
monstrer qu'au commencement, quand on veut
entreprendre vne grande chose , on la doit bien
consulter & debatre , afin de pouuoir choisir le
meilleur party, & par especial soi recōmander à
Dieu, & luy prier qu'il luy plaira adresser le meil-
leur chemin , car de là vient tout cela par se es-
crit, & par experience. Je n'enten point blasmer
nostre Roy, pour dire qu'il eust failli en ceste ma-
tiere: car, par auanture, autres , qui sçauoient &
qui cognoissoient plus que moi , seroient, &
estoit lors, de l'aduis qu'il estoit : combien
que rien n'y fut debatue, ne là, ni ailleurs, tou-
chant ladite matiere. Les Croniqueurs, n'escri-
ent communement les choses qu'à la louange
de ceux, de qui ils parlent: & laissent plusieurs
choses, ou ne les sçauent pas aucunesfois à la ve-
rité: mais, quant à moy ie me delibere de ne par-
ler de chose qui ne soit vraye , & que ie n'aye
eüe, ou sceuë de si grands personages, qu'ils
soient dignes de croire, sans auoir regard aux
louanges. Car il est bon à penser qu'il n'est nul
Prince si sage, qu'il ne faille bien aucunesfois,
& bien souuent, s'il a longue vie: & ainsi se trou-
ueroit de leurs faits, s'il en estoit tousiours dit la
verité. Les plus grands Senats & Consuls , qui
iēt iamais esté, ne qui sont , ont bien erré, & er-
rent bien: comme il a esté veu, & se voit chacun
iour.

Après le seiour qu'eut fait le Roy en ce villa-
ge pres Peronne, se delibera le lendemain pour
y aller faire son entree: car elle luy estoit baillee
comme i'ay dit. Ledit Seigneur me tira à part,
comme il voulut partir, & m'euoya en Poictou,

& sur les frontieres de Bretagne : & me dit en l'oreille, que si l'entreprise de Maistre Oliuier failloit, & que Monseigneur des Cordes ne se tournast des siens, il feroit brusler le pays d'Artois, en vn endroit du long de la riuere du Lis, qui s'appeloit la Leuee, & puis qu'incontinent s'en retourneroit en Touraine. Il lui recommanda aucuns, lesquels s'estoient tournez de son parti, par mon moyen: parquoy leur auoye promis pensions & bien-faits de lui. Il en prit de moy les noms par escrit : & leur tint ledit Seigneur ce que leur auoye promis, & ainsi parti de lui pour ce coup. Comme ie voulu monter à cheual, se trouua pres de moy Monseigneur de Lude, qui estoit fort agreable au Roy en aucunes choses, & qui fort aimoit son profit particulier, & ne craignoit iamais à abuser ni à tromper personne: aussi legerement croyoit, & estoit trompé bien souuent. Il auoit esté nourri avec le Roy en sa ieunesse. Il lui scauoit fort bien complaire & estoit homme tres-plaisant. Il me vint dire ces mots, comme par moqueries, sagement dites. Or vous en allez vous, à l'heure que vous deuez faire vos besongnes, ou iamais, veu les grandes choses, qui tombent entre les mains du Roy, dont il peut agrandir ceux qu'il aime, & au regard de moy, ie m'atten d'estre Gouverneur de Flandres, & m'y faire tout d'or : & rioit fort en ce disant: mais ie n'eu aucune enuie de rire pour ce que ie doutois qu'il ne procedast du Roy & lui respondi, que i'en serois bien ioyeux, s'aduenoit ainsi, & que i'auois esperance que le Roy ne m'oublieroit point.

*Le sieur du
Lude &
ses condi-
tions.*

Vn Cheualier de Hainaut estoit arriué là de

vers moy, n'y auoit pas demie heure: & m'ap-
portoit nouuelles de plusieurs autres à qui i'a-
uoie escrit, en les priant de soy vouloir reduire
au seruice du Roy. Ledit Cheualier & moi som-
mes parens, & vit encores, parquoy ne le veux
nommer, ne ceux de qui il m'apportoit nouuel-
les. Il m'auoit, en deux mots, faict ouuerture de
pailler les principales villes & places de Hai-
naut: & au departir que ie fei du Roy, ie lui en
dit deux mots: & incontinent l'enuoya querir: &
redi de lui, & des autres, que ie luy nommoie,
qu'ils n'estoient telles gens qu'il lui falloit. L'un
ni desplaisoit d'un cas: l'autre de l'autre: & luy
sembloit que leur offre estoit nulle, & qu'il au-
roit bien tout sans eux: & ainsi me parti de luy:
& feît parler ledit Cheualier à Monseigneur du
Lude, dont il se trouua esbahi: & se departit bié-
tôt, sans entrer en grande marchandise: car le-
dit Seigneur du Lude & lui ne se fussent en piece
recordez, ni entendus. Car il estoit venu pour
aider & faire son profit, & s'enrichir, & ledict
seigneur du Lude lui demanda d'entree quelle
chose les villes lui donneroient en conduisant
leur affaire. Encores estime-ie ce refus, que le
Roy feît de ces Cheualiers, estre venu de Dieu:
car ie l'ay veu depuis qu'il les eust bien estimez,
qu'il les eust peu finer: mais parauenture que no-
tre Seigneur ne lui voulut point de tous poincts
accomplir son desir, pour des raisons que i'ai dites:
ou qu'il ne vouloit point qu'il vsurpast sur ce
pays de Hainaut (qui est tenu de l'Empire, tant
pour ce qu'il n'y auoit aucun tiltre, qu'aussi pour
les anciennes alliances & sermens qui sont en-

*Hainaut
tenu de
l'Empire.*

tre les Empereurs & les Rois de France. Et mō.
 Arabien depuis ledit Seigneur en auoir cognois-
 sance, car il tenoit Cambray, le Quesnoi, & Bois-
 si en Hainaut. Il rendit ce Boissi en Hainaut, &
 remit Cambray en neutralité, laquelle est vill-
 Imperiale. Et combien que ie ne demourai su-
 le lieu, si fu-ie informé comme les affaires pas-
 soient: & le pouroye bien aisément entendre
 pour la cognoissance & nourriture que i'auoy-
 eue de l'un costé & de l'autre: & depuis l'ay sce-
 de bouche par ceux qui les conduisoient, tar-
 d'un costé que d'autre.

*Comment maistre Oliuier Barbier du Roy, n'ayant pu
 bien rencontré vers ceux de la ville de Gand, trou-
 ua moyen de mettre les Gens d'armes du Roy dedans
 Tournay.*

C H A P. XIII.

MAistre Oliuier, comme auez ouy, estoit
 lé à Gand, lequel portoit lettres de crea-
 ce à Madamoiselle de Bourgongne, fille du Duc
 Charles: & auoit commission de lui faire auc-
 nes remonstrances à part: afin qu'elle se voult
 mettre entre les mains du Roy. Cela n'esto-
 point sa principale charge: car il doutoit bi-
 qu'à grand' peine il pourroit parler seul à elle:
 que s'il y parloit, si ne la scauroit-il guider à
 qu'il desiroit: mais il auoit intention qu'il feroit
 faire à ceste ville de Gand quelque grande m-
 tation, cognoissant que de tout temps elle y
 estoit encline, & que sous les Ducs Philippe
 Charles, elle auoit esté tenuë en grande crainte

leur auoient esté ostez aucuns priuileges, par la guerre qu'ils eurent avec le Duc Philippe, en faisant leur paix: & aussi par le Duc Charles leur en eust osté vn, touchant la creation de leur loy, pour ne offense qu'ils lui feirent, lui estant en ladicte ville, le premier iour qu'il y entra comme Duc. En ay parlé ci-deuant, parquoy ie m'en tay.

Toutes ces raisons donnerent, hardement audit maistre Oliuier Barbier du Roy (comme i'ay dit) le poursuiure son œuvre: & parla à aucuns qu'il pensoit qu'ils lui deussent prester l'oreille à faire ce qu'il desiroit: & offroit leur faire rendre leurs priuileges qu'ils auoient perdus, par le Roy, & autres choses: mais il ne fut point en leur Hotel de ville: pour en parler en public: car il vouloit premierement veoir ce qu'il pourroit faire avec ceste ieune Princesse, toutesfois il en sceut quelque chose. Quand le dessusdit maistre Oliuier eut esté quelque peu de iours à Gand, on lui manda qu'il vinst dire sa charge, lequel y vint en la presence de ladite Princesse: & estoit ledit Oliuier vestu trop mieux qu'il ne lui appartenoit. Il bailla ses lettres de creance. Ladite Damoiselle estoit en sa chaire, & le Duc de Cleues à costé d'elle, & l'Euesque du Liege, & plusieurs autres grands personages, & grand nombre de gens. Elle leut sa lettre de creance: & fut ordonné audit maistre Oliuier de dire sa creance: lequel respondit qu'il n'auoit charge, sinon de parler a elle à part. On lui dit que ce n'estoit pas la coustume, & par especial à ceste ieune Damoiselle, qui estoit à marier. Il continua de dire qu'il ne diroit autre chose, sinon à elle. On lui dit lors, qu'on ne lui feroit bien dire: & eut paour: & croy qu'à

Impertinence de M. Oliuier Barbier du Roy à Gand, au nom de son maistre

l'heure qu'il vint à presenter ladicte lettre de creance, il n'auoit point encores pensé à ce qu'il deuoit dire : car aussi ce n'estoit point sa charge principale, comme vous auez ouy. Ainsi se departit pour ceste fois ledit Oliuier, sans dire autre chose. Aucuns de ce conseil le prirent à derision, tant à cause de son petit estat, que des termes qu'il tenoit : & par especial ceux de Gand : (car il estoit natif d'un petit village aupres de ladicte ville de Gand) & lui furent faicts aucuns tours de moquerie : & puis soudainement s'enfuit de ladite ville : car il fut aduertit que s'il ne l'eust faict, il estoit en peril d'estre ietté en la riuere : & le croy ainsi. Ledit maistre Oliuier se

V. Melun. faisoit appeller Comte de * Meulanc : qui est vne petite ville pres Paris, dont il estoit Capitaine. Il s'enfuit à Tournay (à son parlement de Gand) laquelle ville est neutre en ce quartier là : & estoit fort affectionnee au Roy : car elle est aucunement sienne, & lui paye six mille liures parisis l'an : & au demourant elle vit en toute liberté : & y sont receus toutes gens, & est belle ville & tres-forte : comme chacun en ce quartier le sçait bien. Les gens d'Eglise & Bourgeois de la ville, ont tout leur vaillant & reuenu en Hainaut & en Flandres : (car elle touche à tous les deux pays dessusdits) & pour ceste cause auoient tousiours accoustumé de donner par les anciennes guerres du Roy Charles septiesme, & du Duc Philippe de Bourgongne, dix mille liures l'an audit Duc : & autant leur en ay veu donner au Duc Charles de Bourgongne : mais pour ceste heure qu'y entra ledit maistre Oliuier, elle ne payoit riens : & estoit en grand aise & repos,

Combien que la charge qu'auoit ledit maître Oliuier fust trop grande pour luy, si n'en fut-il point tant à blasmer, que ceux qui la luy baillèrent. L'exploict en fut tel qu'il deuoit: mais encores monstra-il vertu & sens en ce qu'il feit: car lui cognoissant que ladite ville de Tournay estoit si prochaine des deux pays, dont i'ay parlé, que plus ne pouuoit, & bien aisee pour y faire grād dommage, pourueu qu'il y peust mettre des gens d'armes que le Roy auoit pres de là, (à quoy pour riens ceux de la ville ne se fussent consentis: car iamais ils ne se monstrerent d'un parti ne d'autre, mais neutres entre les deux Princes) pour les raisons dessusdites ledit Maître Oliuier manda secrettement à Monseigneur de Mouy, dont le fils estoit Baillif de ladite ville: mais il ne s'y tenoit point, qu'il amenast sa compagnie, qu'il auoit à Saint Quentin, & quelques autres gens d'armes qui estoient en ce quartier là. Lequel vint à l'heure nommee à la porte, où il trouua ledit maître Oliuier accompagné de trente ou quarante hommes: lequel eut bien le hardement de faire ouurir la barriere, demi par amour, demi par force: & mit les gens d'armes dedans, dont le peuple fut assez content: mais les Gouverneurs de la ville non: desquels il enuoya sept ou huit à Paris, qui n'en sont partis tant que le Roy a vescu.

Après ces gens d'armes, y entra d'autres qui feirent merueilleux dommages és deux pais dessusdicts, depuis: comme d'auoir pillé & brulé maints beaux villages, & maintes belles censures, plus au dommage des habitants de Tournay, que d'autres, pour les raisons que i'ay dictes.

*Tournai
reduite à
l'obeissance
du Roy par
le moyen
de M. Oli-
uier.*

Duc de
Gueldres
mort mis se-
cours de
Tournay
contre le
Roy.
V. serui.

Et tant en feirent que les Flamans vindrent deuant : & tirerēt le Duc de Gueldres hors de prison, que le Duc Charles y auoit mis, pour en faire leur Chef, & vindrent deuant ladite ville de Tournay, où ils feirent peu de sejour : car ils s'en retournerent en grand desordre & fuites, y perdirent beaucoup de gens : & entre les autres, y mourut le Duc de Gueldres qui se mit à la queue pour vouloir ayder à soustenir le fais : mais il fut mal* fuiui : & y mourut comme nous dirons plus amplement cy-apres. Et par tant proceda cest honneur au Roy par ledit maistre Oliuier : & receurent les ennemis du Roy grand dommage. Vn bien plus sage & plus grand personnage que lui, eust bien failli à conduire cest œuvre. I'ay assez parlé de la charge qui fut donnee par ce sage Roy, à ce petit personnage, inutile à la conduite de si grande matiere : & semble bien que Dieu auoit troublé le sens de nostre Roy en cest endroit : car (comme i'ay dit) s'il n'eust cuidé son œuvre estre trop aisee à mettre à fin, & il eust vn petit laissé de la passion & vengeance qu'il auoit contre ceste maison de Bourgongne, sans point de faute il tinst aujourd'hui toute ceste Seigneurie sous son arbitrage.

Des Ambassadeurs, que la Damoiselle de Bourgongne, fille du feu Duc Charles, enuoya au Roy : & commēt par le moyen de Monsieur des Cordes, la cité d'Arras & les villes de Hedin, & Boulongne, & la ville d'Arras mesme furent mises en l'obeissance du Roy.

C H A P. X V.

A Pres que ledit Seigneur eut receu Peronne (qui lui fut baillée par Messire Guillaume

Bishe, homme de fort petit estat, natif de Molins-Engibers, en Niuernois: qui auoit esté enrichy, & esleué en autorité par ledit Duc Charles de Bourgongne, lequel luy auoit baillé ceste place entre les mains: pource que sa maison appelée Clery, estoit aupres de là, laquelle ledict Messire Guillaume Bishe auoit acquise, & y auoit vn fort chasteau & beau, ledit Seigneur receut audict lieu aucuns Ambassadeurs, de la partie de ladicte Damoiselle de Bourgongne, où estoient tous les plus grands & principaux personages, dont elle se pouuoit ayder. Qui n'estoit point trop sagement faict, de venir tant ensemble: mais leurs desolations estoient si grandes, & leur paour, qu'ils ne scauoient ne que dire, ne que faire. Les dessusdicts estoient leur Chancelier, appelé Messire Guillaume Hugonet, tref-notable personnage, & sage: & auoit eu grand credit avec ce Duc Charles, & en auoit eu grands biens. Le Seigneur d'Hymbercourt y estoit aussi, dont assez a esté parlé en ces Memoires, & n'ay point souuenance d'auoir veu plus sage Gentil-homme, ne mieux a dextre pour conduire grandes matieres. Il y auoit le Seigneur de la Vere, grand Seigneur en Zelande, & le Seigneur de *Cripture, & plusieurs autres, tant Nobles que gens d'Eglise, & des bonnes villes. Nostre Roy auant les auoir ouys, tant en general que chacun à part, mit grand peine à gagner chacun d'eux, & en eut humbles paroles, & reuerentes, comme de gens estans en crainte. Toutesfois ceux qui auoient leurs terres en lieu où ils s'attendoient que le Roy n'allast point, ne se voulurent en riens obliger

v. de la
Grutuse ou
Cripture,
parauant
nommée de
la Grutur:
comme le
met icy l'Is.

au Roy, sinon en faisant le mariage de Monseigneur le Dauphin son fils, à ladite Damoiselle. Ledit Chancelier & le Seigneur d'Hymbertcourt (qui auoient esté nourris en tres grande & longue autorité, & qui desiroient y continuer, & auoient leurs biens aux limites du Roy: c'est à sçauoir l'un en la Duché de Bourgongne, & l'autre en Picardie: comme vers Amiens) prestoient l'oreille au Roy, à ses offres, & donnerent quelque consentement de le seruir, en faisant ce mariage, & de tous poincts se retirer sous luy ledict mariage accompli. Et combien que ce chemin fust le meilleur pour le Roy, toutesfois il ne luy estoit point agreable, & se mescontentoit d'eux: parce que deslors ils ne demeuroient en son seruice: mais il ne leur en feit point de semblant: car il s'en vouloit aider en ce qu'il pourroit. La auoit ledict Seigneur bonne intelligence avec Monseigneur des Cordes: & conseillé & aduisé de luy (qui estoit Chef & maistre dedans Arras) requit ausdicts Ambassadeurs, qu'ils luy feissent faire ouuerture, par ledict des Cordes, de la cité d'Arras: car lors y auoit murailles & fossez entre la ville & la cité, & portes fermans contre ladicte cité, & maintenant est à l'opposite: car la cité ferme contre la ville. Apres plusieurs remonstrances, faictes ausdicts Ambassadeurs, & que ce seroit pour le mieux, & que plus aisément en viendroit à paix, en faisant ceste obeyssance, ils s'y consentirent, & principalement lesdicts Chancelier & le Seigneur d'Hymbertcourt, & baillerent lettres de descharge audict Seigneur des Cordes, & le consentement de bailler ladicte cité d'Arras.

*Le Sieur
des Cordes
au seruice
du Roy.
Arras en la
puissance
du Roy.*

Ce qu'il feist volontiers : &, incontinent que le Roy fut dedans , il feist faire des Bouleuers de terre, contre la porte , & autres endroits pres de la ville , & par cest appointment Monseigneur des Cordes, se tira hors de la ville, & en feist sail-
lir les Gens de guerre, estans avec luy, & s'en alla chacun à son plaisir, & prenans tel party qu'il luy plaisoit.

Ledit Seigneur des Cordes, soy tenant pour deschargé du seruice de sa maistresse par ce consentement qu'auoyent baillé lesdits Ambassadeurs , se delibera de faire le serment au Roy, & deuenir son seruiteur , considerant que son nom & ses armes estoient deçà la riuere de Somme, pres de Beauuais : car il auoit nom Messire Philippe de Creuecœur, & aussi ces terres , que la maison de Bourgongne auoit occupees sur ladite riuere de Somme (dont assez ay parlé) viuans les Ducs Philippe & Charles , reuenoyent sans difficulté au Roy: par les conditions du traité d'Arras : par lequel furent baillées au Duc Philippe, pour luy & ses hoirs masles seulement : & le Duc Charles ne laissa que ceste fille , dont i'ay parlé : & par ainsi ledit Messire Philippe de Creuecœur deuenoit homme du Roy sans difficulté. Parquoy n'eust sceu mesprendre à se mettre au seruice du Roy (sinon qu'il eust faict serment de nouueau à ladite Damoiselle) & en luy rendant ce qu'il tenoit du sien. Il s'en est parlé, & parlera en diuerses façons. Parquoy m'en rapporte à ce qui en est. Biē sçay qu'il auoit esté nourri, & accreu, & mis en grād estat par le Duc Charles : & que sa mere auoit nourry en partie ladite Damoiselle de Bourgong. & que il estoit

Gouuerneur de Picardie, Seneschal de Ponthieu, Capitaine de Contray, Gouuerneur de Peronne, Mondidier & Roye, Capitaine de Boulongne & de Hedin, de par le Duc Charles, quand il mourut: & encores de present il les tient de par le Roy, en la forme & maniere que le Roy nostre maistre les luy bailla.

Après que le Roy eut fait en la cité d'Arras, comme dit est, il se partit de là: & alla mettre le siege deuant Hedin: où il mena ledict Seigneur des Cordes, lequel auoit tenu la place, comme dit est, il n'y auoit que trois iours: & encores y estoient ses gens qui monstrent la vouloir tenir pour ladite Damoiselle, disans luy auoir faict le sermēt: & tira l'artillerie quelques iours. Ils ouyrent parler leur maistre: &, à la verité ceux de dehors & de dedans s'entendoyent bien: & ainsi ladite place fut rendue au Roy, lequel s'en alla deuant Boulongne: où il en fut fait tout ainsi. Ils tindrent par auenture vn iour d'auantage. Toutesfois ceste habileté estoit dangereuse: s'il y eust eu gens au pays (& le Roy, qui depuis le me compta, l'entendoit bien) car il y auoit gens dedans Boulongne, qui cognoissoient bien ce cas: & trauiilloient d'y mettre des gens (s'ils en eussent peu finer à temps) & la deffendre à bon escient. Cependant que le Roy sejournoit deuant Boulongne, qui fut peu d'espace: comme de cinq ou six iours, ceux d'Arras se tindrent pour deceus de se veoir ainsi enclos d'un costé & d'autre, où il y auoit largement Gens-d'armes, & grand nombre d'artillerie, & trauiilloient pour trouuer gens pour garnir leur ville: & en escriuirent aux villes voi-

*Hedin rendue au Roy.
Boulongne rendue au Roy.*

fines : comme à l'Isle, & Douay. Audit lieu de Douay y auoit quelque peu de gens de cheual: & entre les autres, y estoit le Seigneur de Vergy, & autres, dont il ne me souuient: & estoiet de ceux, qui estoient reuenus de ceste bataille de Nancy, lesquels se delibererent de soy venir mettre en ceste ville d'Arras: & feirent amas de ce qu'ils peurent comme de deux ou trois cens cheuaux, que bons que mauuais, & cinq ou six cens hommes de pied. Ceux de Douay, qui en ce temps-là estoient encores vn petit orgueilleux, les presferent de partir en plein midyl: voussissent-ils ou non. Qui fut vne grande folie pour eux: & aussi malheur en prit: car le pays de là Arras, est plain comme la main: & y a enuiron cinq lieuës: & s'ils eussent attendu la nuit, ils eussent executé leur entreprise, comme ils entendoient faire. Comme ils furent en chemin, ceux, qui estoient demourez en la cité, comme le Seigneur du Lude, Iehan du Fou, & les gens du Mareschal de Loheac, furent aduertis de leur venuë, & delibererent de plus tost leur en aller au deuant, & mettre tout à l'aduenture, que de les laisser entrer en la ville: car il leur sembloit: qu'ils ne sçauroyent deffendre la cité, s'ils y entroyent. L'entreprise de ceux que ie dy, estoit bien perilleuse, mais ils l'executerent hardiment, & bien, & destroussirent ceste bande, qui estoit partie de Douay, & furent quasi tous morts ou pris: &, entre les autres, fut pris le Seigneur de Vergy.

*Ceux de
Douay de-
troussés par
les gens du
Roy.*

Le Roy y arriua le lendemain, qui y eut grande ioye de ceste desconfiture: & fait mettre tous les prisonniers en sa main: & plusieurs fait mourir de ces Gens de pied, esperant d'espouuanter

petit de gens de guerre qu'il y auoit en ce quartier: & feit le Roy long temps garder Monseigneur du Vergy: lequel ne voulut faire le sermēt au Roy, pour chose du monde: si estoit-il en estroite garde, & bien enfermé. A la fin fut conseillé de sa mere: & apres qu'il eut esté vn an, en prison, ou plus, il feit le bon plaisir du Roy: dont il feit que sage. Le Roy luy restitua toutes ses terres, & toutes celles qu'il quereloit: & le feit possesseur de plus de dix mille liures de rente, & d'autres beaux estats. Ceux qui eschapperent de ceste destroussē (qui estoient peu) s'en entrerēt en la ville. Le Roy feit approcher son artillerie, & tirer: laquelle estoit puissante, & en grād nōbre: & fossē ne muraille ne valoient gueres. La batterie fut grande, & furent tous espouuantez, car ils n'auoyent comme point de gens de guerre dedans, Monseigneur des Cordes y auoit bonne intelligence: & aussi, incontinent que la cité fut réduite au Roy, la ville ne luy pouuoit eschapper, parquoy ils feirent vne composition en rendant la ville: laquelle composition fut assez mal tenue dont ledict seigneur du Lude eut partie de la coulpe: & feit l'on mourir plusieurs Bourgeois & autres, & beaucoup de gens de bien, presens ledict Seigneur du Lude & Maistre Guillaume de Cerisai, qui y eurent grand profit: car ledict Seigneur du Lude m'a dit que par ce temps il y auoit gagné vingt mille escus, & deux panes de Martres, & feirent ceux de la ville vn prest au Roy, de 60000. escus. Qui estoit beaucoup trop pour eux: toutesfois ie croi que depuis ils furent rendus: car ceux de Câbrai en presterēt 40000. qui depuis pour certain luy furent rendus: parquoy ie croy qu'aussi furent les autres.

Le Sieur de Vergy apres grāde difficulté, fait serment au Roy.

Donay en la main du Roy.

Comment les Gandois (qui auoient vsurpé autorité par dessus leur Princesse, quand son pere fut mort) vindrent en Ambassade vers le Roy comme de par les trois Estats de leur pays.

CHAP. XVI.

Pour l'heure de ce siege d'Arras, Madamoiselle de de Bourgongne estoit à Gand, entre les mains de ses gens tres-desraisonnables: dont perte luy ensuyuit, & profit au Roy: car nul ne pert, que quelcun n'y gaigne. Quand ils sceurent la mort du Duc Charles, il leur sembla que ils estoient eschappez: & prirent tous ceux de leur Loy (qui estoient vingt six) & la plus part, ou tous, feirent mourir: & prirent leur couleur, qu'ils auoyent fait le iour de deuant décapiter vn homme: & nonobstant qu'il l'eust bien desferuy, si n'en auoyent ils aucun pouuoir: comme ils disoient: car leur pouuoir estoit expiré par le trespas dudit Duc: qui les auoit créés audit Gouvernement. Ils feirent mourir aussi plusieurs bons personnages de la ville: qui auoyent esté amis fauorables dudit Duc: dont il y en auoit aucuns, qui de mon temps, & moy present, auoyent aydé à demouuoir ledit Duc Charles, lequel vouloit destruire grãde partie de ladite ville de Gãd. Ils contraignirent ladite Damoiselle à confirmer leurs anciens priuileges: qui leur auoient esté ostéz par la paix de Gand (qui fut faite par le Duc Philippe) & autres par le Duc Charles. Lesdicts priuileges ne leur seruoient que de noise avec le Prince: & aussi

Gandois se rendēt maistres du gouvernement de leur Princesse, & du pays.

leur principale inclination est de desirer leur Prince estre foible, & n'en ayment nuls, de puis qu'ils sont Seigneurs, mais tresnaturellement les aiment, quand ils sont en enfance, & auant qu'ils viennent à la Seigneurie: comme ils auoient faict ceste Damoiselle, qu'ils auoyent soigneusement gardee & aymee iusques lors qu'elle fut Dame. Aussi est bon à entendre que (si à l'heure que ledict Duc mourut, les gens de Gand n'eussent faict aucun trouble, & eussent voulu tascher à garder le pays) soudainement ils eussent pourueu à mettre gens dedans Arras, & parauenture à Peronne, mais ils ne penserent qu'à ce trouble: toutesfois le Roy estant deuant ladite ville d'Arras vindrent deuers luy aucuns Ambassadeurs de par les trois Estats des pays de ladite Damoiselle: car ils tenoyent à Gand certains deputez, desdicts trois Estats: mais ceux de Gand faisoient le tout à leur plaisir: pource que ils tenoyent ladite Damoiselle entre leurs mains. Le Roy les ouyt, & entre autres choses dirent, que les choses, qu'ils auoient proposees, qui estoient tendans à fin de paix, procedoyent du vouloir de ladite Damoiselle, laquelle en toutes choses estoit deliberee de soy conduire par le vouloir & conseil des trois Estats de son pays: & requeroient que le Roy se voulsist deporter de la guerre, qu'il faisoit tant en Bourgongne qu'en Artois, & qu'il prist iournée, pour pouoir amiablement pacifier: & que cependat fust donnée surseance de guerre.

Le Roy se trouuoit ia comme au dessus: & encores cuidoit il que les choses vinssent mieux à son plaisir, qu'elles ne feirent, car il estoit bien informé que plusieurs Gens de guerre estoient

morts & deffaits par tout , & beaucoup d'autres destournez du costé de ladite Damoiselle, & par especial Monseigneur des Cordes, (dont il faisoit grand estime , & non sans cause : car de long temps il n'eust fait par force, ce que par intelligence il feist par son moyen, peu de iours avant, comme auez ouy) & pourtant il estima peu leurs requestes & demandes. Aussi estoit-il bien informé, & sentoist bien que ces gens de Gand estoient en tel estat, qu'ils troubleroient tant leur compagnie, qu'ils ne scauroient donner aucun ordre, ou conseil, conduire la guerre contre luy. Car nul homme de sens ne qui eust eu authorité avec leurs Princes passez, n'estoit appélé en rien, touchant leurs affaires : mais estoit persecuté, & en danger de mort : & par especial ils auoient en grand' haine les Bourguignons, pour la grande autorité qu'ils auoient eüe au temps passé. Et d'auantage le Roy cognoissoit bien (lequel en telles choses voioit aussi cler que nul homme de son Royaume) ce que les liëts Gantois faisoient à leur Seigneur, de tout temps : & qu'ils desiroient le veoir appetissé : pourueu qu'ils n'en sentissent rien en leur pays : & pource il aduisa que, s'ils estoient encommencez à soy diuiser, qu'il les y mettroit encorres plus auant : car ceux, à qui il auoit affaire, n'estoient que bestes, & gens de ville la plus part, & par especial ne se cognoissoient en ces choses subtiles, dont ledit Seigneur se scauoit bien aider : & faisoit ce qu'il deuoit pour veindre, & mener à fin son entreprise.

Le Roy s'arresta sur la parole, que ces Ambassadeurs auoient dite, qui estoit que leur Prin-

*Le Roy de-
cele aux
Gantois
vnes lettres
secrettes de
la Dam.
de Bourg.*

cesse ne feroit rien sans la deliberation & conseil des trois Estats de son pays (en leur disant que ils estoient mal informez du vouloir d'elle, & d'aucuns particuliers : car il estoit feur qu'elle entendoit conduire ses affaires par gens particuliers, qui ne desiroient point la paix, & qu'eux se trouuoient defauoiez, dont lesdicts Ambassadeurs se trouuerent fort troublez, & comme geos mal acoustumez de besongner en si grandes matieres, respondirent chaudement qu'ils estoient bien feurs de ce qu'ils disoient, & qu'ils monstreroient leurs instructions, quand besoin seroit. On leur respondit qu'on leur monstreroit lettres, quand il plairoit au Roy escrites de telle main qu'ils les croiroient, qu'ils disoient que ladite Damoiselle ne vouloit conduire ses affaires que par quatre personnes. Ils repliquerent encores qu'ils estoient bien feurs du contraire, & lors le Roy leur feit monstrer vnes lettres, que le Chancelier de Bourgogne & le Seigneur d'Hymbercourt auoient appoitees, à l'autrefois qu'ils auoient esté à Peronne lesquelles estoient escrites, partie de la main de ladite Damoiselle, partie de la main de la Duchesse de Bourgogne, douairiere femme du Roy Charles, & sœur du Roy Edoüard d'Angleterre & partie de la main du Seigneur de Rauastain frere du Duc de Cleues, & prochain parent de ladite Damoiselle. Ainsi estoit ceste lettre escripte de trois mains : toutesfois elle ne parloit qu'en nom de ladite Damoiselle, mais il estoit ainsi fait pour y adiouter plus grande foy. Le contenu de ladite lettre estoit creance sur ledit Chancelier & Hymbercourt, & d'auantage ladite Damoiselle.

elle declaroit que son intention estoit que tous
es affaires seroient conduits par quatre person-
es (qui estoient ladite douairiere, sa belle mere,
edict Seigneur de Rauastain, & les dessusdicts,
Chancelier & Hymbercourt) & supplioit au
loÿ, que ce, qu'il luy plairoit faire conduire en-
ers elle, passast par leurs mains, & qu'il luy
leust s'en adresser à eux, & à nuls autres n'en
uoir communication.

Quand ces Gantois, & autres deputez, eu-
ent veu ceste lettre, ils en furent fort marris, &
eux qui communiquoient avec eux, les y ai-
oient bien. Finalement ladicte lettre leur fut
aillee; & n'eurent autre depesche, qui fut de
rand' substance, & il ne leur en chaloit gueres:
ar ils ne pensoient qu'à leur diuisions, & à faire
n monde neuf, & ne regardoient point à plus
ding, combien que la perte d'Arras leur deuoit
ien plus toucher au cœur: mais c'estoient gens,
ui n'auoient point esté nourris en grandes ma-
eres, & gens de ville la plus part, comme j'ay
it. Ils se mirent à chemin droit à Gand, où ils
ouuerent ladicte Damoiselle, avec laquelle
toit le Duc de Cleues, son prochain parent, &
e sa maison, de par sa mere, lequel estoit ancien.
auoit esté nourri en ceste maison de Bourgon-
ne, & de tout temps en auoit eu six mille flo-
ns de Rhin de pension: parquoy outre le pa-
entage, il y venoit aucunes fois comme serui-
eur. L'Euesque du Liege, & plusieurs autres
rands personnages, y estoient pour accompa-
ner ladite Damoiselle & pour leurs affaires par-
iculiers: car l'Euesque dessusdit estoit venu pour
aire quitter à son pays trente mille Florins,

*Le Roy bail
la la lettre
secrete de
la Dam. de
B. aux
Gantois.*

ou enuiron, qu'ils payoient au Duc Charles, par
 appointment faict entre luy & eux, apres les
 guerres qu'ils auoient eues ensemble: dont i'ay
 parlé ci deuant toutes lesquelles guerres auoient
 esté pour la querelle & affaire dudit Euesque.
 & pource il n'auoit point grand besoing de fai-
 re ceste poursuite, & les deuoit desirer estre
 pauvres: car il ne prenoit rien en son pays, qu'un
 petit de domaine (au regard de la grandeur &
 richesse du pays) & son spirituel. Ledit Eues-
 que, frere de ces Ducs de Bourbon Iehan & Pier-
 re, qui de present * regne, homme de bonne
 chere, & de plaisir: peu cognoissant ce qui luy
 estoit bon ou contraire, retira à luy Messire
 Guillaume de la Marche, vn beau Cheualier
 & vaillant, tres-cruel & mal conditionné: qu
 tousiours auoit esté son ennemy, & de la maison
 de Bourgongne aussi en faueur des Liegeois: &
 ladite Damoiselle de Bourgongne luy donna
 quinze mille florins de Rin, en faueur dudit E
 uesque du Liege & de luy, pour le reduire, mai
 tost apres, il se tourna contre elle, & contre son
 maistre ledit Euesque (à qui il estoit) ayant en
 trepris de faire son fils Euesque par force, & pa
 la faueur du Roy: & depuis il desconfit ledit E
 uesque en bataille, & le tua de sa main, & le fei
 ietter en la riuere, lequel y demoura trois iours.
 Ledit Duc de Cleues y estoit esperant faire l
 mariage de son fils aîné avec ladite Damoiselle
 Qui luy sembloit chose sortable pour beaucoup
 de raisons: & croy qu'il se fust faict, si le person
 nage eust esté cōdōitiné au gré d'elle & de ses se
 uiteurs: car il estoit de ceste propre maisō, & en
 tenoit sa Duché, & auoit esté nourri leās: & par

*V. regnent
 Guillaume
 de la Mar-
 che desloyal
 enuers l'E-
 uesque du
 Liege: appe-
 lé le San-
 glier d'Ar-
 daine.*

*Cognoissan-
 ce du fils de
 Cleues luy
 porte dom-
 mage en-
 uers l'heri-
 tiere de B.*

aventure que la veüe & cognoissance, qu'on auoit de luy, luy fait ce dommage.

Comment ceux de Gand, après le retour de leurs Ambassadeurs, firent mourir le Chancelier Hugonet, & le Seigneur de Hymbercourt, contre le vouloir de leur Princesse: & comment eux, & autres Flamans, furent desconfits deuant Tournay, & le Duc de Gueldres, leur Chef fut tué.

CHAP. XVII.

P Our reuenir à mon propos, ces deputez arriuerent à Gand, & y fut le conseil préparé: & ceste Damoiselle mise en son siege: & ces seigneurs à l'enuiron d'elle, pour ouyr leur rapport: & commencerent à dire la charge qu'ils auoient d'elle: & toucherent principalement: le poinct qui seruoit à ce qu'ils vouloient faire: & dirent que comme ils alleguerent au Roy que ladite Damoiselle estoit deliberée de tous points de conduire par le conseil des trois Estats, il leur auoit respondu qu'il estoit biē seur du contraire: à quoy ils auoient persisté: parquoy ledit seigneur offrit de monstrier lettres de ladite Damoiselle. Laquelle, soudainement mouë & courroucée dit sur le champ, le contraire: cuitant estre seur que ladite lettre n'eust esté veüe. Et incontinent celuy, qui parloit (qui estoit pensionnaire de Gand, ou de Bruselles) tira de son sein ladicte lettre, deuant tout le monde, & la luy bailla. Il monstra bien qu'il estoit homme tres-mauuais, & de peu d'honneur, de faire ceste honte à ceste ieune Damoiselle, à qui

Pensionnaire de Gand, de peu respectueux envers sa Princesse.

vn vilain tour n'appartenoit pas estre fait: car, si elle auoit fait quelque erreur, le chastoï ne luy en appartenoit point en public. Il ne faut pas demander si elle eut grand' honte: car à chacun elle auoit dit le contraire.

Ladicte doüairiere, & le Seigneur de Rauastain, le Chancelier, & le Seigneur d'Hymbercourt estoient presens. On auoit tenu paroles à ce Duc de Cleues, & autres, de ce mariage, qui tous furent courroucez, & commença lors leur diuision grande, & commencerent à se declarer. Lediect Duc de Cleues auoit tousiours, iusques alors, eu esperance que lediect Seigneur d'Hymbercourt tiendroït pour luy à ce mariage, lequel se tint pour deceu, voyant ceste lettre, & luy en deuïnt ennemy. Lediect Euesque du Liege ne l'aimoit point, pour les choses passées au Liege (dont lediect Seigneur d'Hymbercourt auoit eu le gouuernement) ne son Messire Guillaume de la Marche, qui estoit avec luy. Le Comte de Saint Paul, fils du Connestable de France (dont i'ay parlé) haïssoit lediect Seigneur d'Hymbercourt & le Chancelier: pource qu'il liurerent son pere à Peronne entre les mains de seruiteurs du Roy, comme auez ouy au long cy dessus. Ceux de Gand les auoient à grande haine; sans nulle offense qu'ils leur eussent faite, mais seulement pour la grand' autorité, où il les auoient vus, & seurement il la valloient; au tant que personages qui ayant regné en leur temps, ne deçà ne de là, & auoient esté bons & loyaux seruiteurs pour leur maistre.

Finalemēt la nuict dont la lettre auoit esté monstree le matin, les dessusdits Chancelier

*Diuisions
en la mai-
son de la
D. de B.*

*Guillaume
de la Mar-
che adhe-
rent à Him-
bercourt.*

seigneur d'Hymbercourt furent pris par lesdits
Gantois, nonobstant qu'ils en eussent assez
d'aduertissement: mais ils ne sceurent fuyr à
leur male fortune* comme il aduient à plusieurs
autres. Je croy bien que leurs ennemis (que i'ay
nommez) aiderent bien à ceste prise. Avec eux
fut pris Messire Guillaume de Clugny, Eues-
que de Therouenne (qui depuis est mort Eues-
que de Poictiers) & tous trois furent mis ensem-
ble. Ceux de Gand tindrent vn peu de forme
de procez, ce qu'ils n'ont point accoustumé
en leur vengeance, & ordonnerent gens de
leur Loy, pour les interroguer, & avec eux vn
de ceux de la Marche, ennemy mortel dudict
seigneur d'Hymbercourt. Au commence-
ment ils leur demanderent pourquoy ils a-
uoient faict bailler, par Monseigneur des Cor-
nelles, la cité d'Arras: mais peu s'y arres-
terent, comme bien qu'en autre faute ne les eussent sceu trou-
uer: mais leur passion ne les tenoit pas là: car il ne
leur chaloit, de prime face, de voir leur Prince af-
foibly d'vne telle ville: ne leur sens ne leur co-
gnoissance, n'estoient pas suffisantes pour co-
gnoistre le preiudice, qui leur en pouuoit adue-
nir par traict de temps. Seulement se vindrent ar-
rester sur deux poincts. L'vn sur certains dons,
qu'ils disoient que par eux, auoient esté pris, &
vn par especial pour procez qu'auoient n'aguere
gagné par leur sentence, prononcée par ledict
Chancelier, contre vn particulier; dont les deux
dessusdicts auoient pris vn don de la ville de
Gand: & à tout ce, qui touchoit ceste matiere
de corruption, respondirent tresbien: & à ce

* comme a-
uoient plu-
sieurs au-
tres.

parauant
de Cluni.

Articles des
Gantois
contre le
Chancelier
Hugonet
Hymb.

point particulier, là où ceux de Gand disoient qu'ils auoient vendu iustice, & pris argent d'eux, pour leur adiuger leur procez, respondirent que ils auoient gagné ledit procez: pource que leur matiere estoit bonne : & qu'au regard de l'argent qu'ils auoient pris ils ne l'auoient point demandé, ne fait demander : mais vray est que quand on le leur presenta, ils le prirent. Le second point de leur charge, où s'arrestèrent, c'estoit que les dessusdicts Gandois disoient qu'en plusieurs points, durant le temps qu'ils auoient esté avec le feu Duc Charles leur maistre, & en son absence, estans ses Lieutenans, ils auoient fait plusieurs choses contre les priuileges de ladite ville & :. : statuts d'icelle : & que tout homme, qui faisoit contre les priuileges de Gand, deuoit mourir. En cela n'y auoit point de fondement contre les dessusdicts: car eux n'estoient leurs subiets, ne de leur ville, & si n'eussent sceu rompre leurs priuileges : & si ledict Duc, ou son pere, leur auoit osté aucuns de leurs priuileges, ç'auoit esté par appointement fait avec eux, apres plusieurs guerres & diuisions : mais les autres qui leur auoient esté laissez (qui sont plus grans qui ne leur est besoin, pour leur profit) leur auoient esté bien obseruez. Nonobstant les excuses de ces deux bons & notables personages sur les deux charges dessusdites, car de la principale, dont i'ay parlé au commencement de ce propos, ils n'en parloient point, les Escheuins de la ville de Gand les condamnerent à mourir, en leur Hostel de ville, & en leur presence, & sous couleur de l'infraction de leurs priuileges, & qu'ils auoient pris argët, apres leur auoir

*Luges nere-
fusans pre-
sent pour
auoir bien
ingé, con-
damnez à
Gand.
Gantois
condamnet
le Chance-
lier de B.
es Hymb.
à la mort.*

adiugé le procez, dont est faicte mention cy-dessus. Ces deux Seigneurs dessusdits, oyans ceste cruelle sentence furent bien esbahys (comme raison estoit) & n'y voyoient aucun remede, pource qu'ils estoient entre leurs mains. Toutesfois ils appellerent deuant le roy, en sa Cour de Parlement, esperans que cela pour le moins, pourroit donner quelque delay à leur mort, & que cependant leurs amys les pourroient aider à sauuer les vies. Parauant ladicte sentence, ils les auoient fort gehennez, sans nul ordre de iustice, & ne dura leur procez point plus de six iours: & nonobstant ladite appellation, incontinent qu'ils les eurent condamnez: ils ne leur donnerent que trois heures de temps pour les confesser & penser à leurs affaires: & le terme passé, ils les menerent en leur Marché sur vn eschaffaut.

*Appel de
Gand au
Parlemens
à Paris.*

Madamoiselle de Bourgongne, qui depuis a esté Duchesse d'Autriche, scachant ceste condamnation, s'en alla en l'Hostel de la ville, leur faire requeste & supplication pour les dessusdits (mais rien n'y valut) & de-là elle s'en alla sur le Marché, où tout le peuple estoit assemblé, & en armes & veit les deux dessusdits sur l'eschaffaut. Ladite Damoiselle estoit en son habit de dueil: & n'auoit qu'un couurechef sur la teste qui estoit habit humble & simple, & pour leur faire pitié par raison, & la supplia le peuple, les larmes aux yeux, & toute escheuelee, qu'il leur pleust auoir pitié de ses deux seruiteurs, & les luy vouloir rendre. Vne grande partie de ce peuple vouloit que son plaisir fust fait, & qu'ils ne mourussent point. Autres vouloient au contrai-

*Damoi-
selle de B.
indigne-
ment re-
fusée de sa
requeste
pour ses se-
delles ser-
uiteurs en-
uers les
Gantois.*

re: & baissèrent les picques les vns contre les autres, comme pour combattre: mais ceux qui vouloient la mort se trouuerent les plus forts: & finalement crierent à ceux qui estoient sur l'eschafaut, qu'ils les expediasent: & incontinent ils eurent tous deux les testes trenchees: & s'en retourna ceste pauvre Damoiselle en cest estat en sa maison, bien dolente & desconfortee: car c'estoient les principaux personnages où elle auoit mis sa fiance.

Après que ces gens de Gand eurent faict cest exploit, ils departirent d'auec elle M^oseigneur de Raustain & la Douairiere, femme du Duc Charles (pource qu'ils estoient signez en sa lettre, que lesdicts Seigneurs d'Hymbercourt & Chancelier dessus nommez auoient portee au Roy, & qu'ils auoient baillee, comme vous auez sçeu) & prirent de tous poincts l'authorité & la maistrise de ceste pauvre & ieune Princesse, car ainsi se pouuoit-elle bien appeller: nō point seulement pour la perte, qui deslors lui estoit aduenüe de tant de grosses villes qu'elle auoit perduës, qui lui estoient irrecuperables par force: veu la forte main en quoy elles estoient: car par grace, amitié, ou appointment, elle y pouuoit auoir encores quelque esperance, mais à se trouuer entre les mains des vrays & anciens persecuteurs de sa maison. Ce qui lui estoit bien vn tres-grand malheur: encores qu'en leur faict, es choses generales, y ait tousiours eu plus de folie que de malice: comme aussi ce sont tousiours grosses gens de mestier, le plus souuent qui ont le credit & l'authorité, qui n'ont aucune cognoissance des grandes choses, ne de celles qui appar-

tiennent à gouverner yn estat. Leur malice ne gist *Malice des Gantois.* qu'en deux choses. L'une est que par toutes voyes ils desirerent affoiblir & diminuer leur Prince. L'autre, que quand ils ont fait mal ou quelque grand erreur, & qu'ils se voyent les plus foibles, iâmais gens ne chercherent leur appoinctement en plus grande humilité qu'ils font, ni ne donnerent plus grands dons: & si sçauent mieux trouver les personnes à qui il faut qu'ils s'adressent pour conduire leur accord que nulle autre ville que i'aye iâmais cognüe.

Après que ceux de Gand eurent pris le gouvernement par force de ladiète Damoiselle de Bourgongne, & fait mourir ces deux qu'avez ouy, & qu'ils eurent euoyé hors ceux que bon leur sembla, ils commencerent en tous endroits à oster & mettre gens à leur poste: & par especial chasserent & pillerent tous ceux qui mieux auoient serui ceste maison de Bourgongne, indifferemment, sans regarder ceux qui en aucune chose le pourroient auoir desserui: & entre toutes gens, ils prirent inimitié contre les Bourguignons, & les bannirent tous: & prirent aussi grande peine pour les faire deuenir seruiteurs & sujets du Roy, comme faisoit le Roy propre, qui les sollicitoit par belles & sages paroles, & remonstrances, & par grands dons & promesses, & aussi par force, qu'il auoit tref-grande en leur pays. Pour commencer à faire cas de nouuelleté ils mirent hors de prison (comme nous auons touché cy-deuant) le Duc de Gueldres, qui par long tēps, par le Duc Charles, y auoit esté tenu, pour les causes qu'avez entenduës ci-deuant: & le firent chef d'une armee qu'ils firent d'entr'eux-mesmes, c'est assauoir de Bruges, Gād & Ypre, &

*Gantois ser-
uent au
Roy contre
leur propre
intension.*

l'enuoyerent deuant Tournay mettre le feu aux faux-bourgs : qui estoit bien peu d'vtilité, pour la querelle de leur Seigneur. Puis luy eust seruy, & à eux aussi, deux cens hommes ou dix mille Francs contans, pour en entretenir d'autres, qui estoient dedans Arras, quand le siege y alla (pourueu qu'ils fussent venus à temps propice) que dix telles armées que ceste là (qui estoit de douze ou quinze mille hommes : & la payerent tresbien) car elle ne pouuoit rien profiter que de brusler vn petit nombre de maisons, en lieu dont il ne chaloit gueres au Roy, car il n'y leue tailles ny aydes, mais leur cognoissance n'alloit point iusques là. Apres que ce Duc de Gueldres fut venu deuant Tournay, il feit mettre le feu iusques aux faux-bourgs dessusdits. Il y auoit dedans trois ou quatre cens Hommes d'armes : qui faillirent, & donnerent sur la quenë de ses gens à leur retraitte : & incontinent ce peuple se mit à fuyr. Le Duc de Gueldres (qui estoit vn tresvaillant Prince) tourna pour cüider donner à ses gens che nin de se retirer, il fut mal seruy : & fut porté par terre, & tué, & assez bon nombre de ce peuple : & se trouua bien peu de gens du Roy à faire cest exploit : & l'ost des Flamens, avec ceste perte se retira : car il n'y auoit eu qu'vne bande de desfaite d'entr'eux. Madamoïse de Bourgongne (comme l'on dit) eut tres grande ioye de ceste aduenture ; & ceux qui l'aymoient : car l'on dit pour certain, que lesdicts Gantois estoient deliberez de le luy faire espouser par force : car de son consentement ne l'eussent sceu faire, pour plusieurs raisons que vous auez entendües de luy par cy-deuant.

.. V. serui
 Damoiselle
 de Bourg.
 consolee de
 la mort du
 Duc de
 Gueldres
 auenu de
 vant Tour.
 nai à l'oc-
 casion de
 l'armee des
 Gantois.

Discours sur ce que les guerres & divisions sont permises de Dieu, pour le chastiment, & des Princes & du peuple mauvais : avec plusieurs bonnes raisons & exemples aduenus du temps de l'auteur, pour l'endoctrinement des Princes.

CHAP. XVIII.

JE ne puis penser comment Dieu a tant preserué ceste ville, dont tant de maux sont aduenus, & qui est de si peu d'utilité pour le pays, & chose publique dudit pays, où elle est assise, & encores beaucoup moins pour le Prince : & n'est pas comme Bruges, qui est vn lieu de grand recueil de marchandise, & de grande assemblée de nations estranges, où parauenture, se depesche plus de marchandise qu'en nulle autre ville d'Europe, & seroit dommage irreparable qu'elle fust destruite. Au fort il me semble que Dieu n'a crée aucune chose en ce monde, ny hommes, ny bestes, à qui il n'ayt fait quelque chose son contraire, pour le tenir en crainte, & en humilité. Et ainsi ceste ville de Gand est bien situee là où elle est : car ce sont les pays de la Chrestienté plus addonnez à tous les plaisirs, en quoy l'homme est enclin, & plusieurs pompes & * delices, Ils y sont bons Chrestiens : & y est Dieu bien seruy & honoré. Et n'est pas ceste * maison de Bourgogne seule, à qui Dieu ayt donné quelque ayguillon : car au Royaume de France a donné, pour opposite, les Anglois, & aux Anglois les Escossois. Au royaume d'Espagne, Portugal. Je ne veux point dire Grenade, (car ceux-là sont ennemis * de la foy) toutesfois ius-

Toute chose a son contraire au mode pour son bien.

... V. despen(e).

... V. natio seule.

... entant que lors y regnoiet les mescreans.

ques icy ledit pays de Grenade a donné de grâds troubles au pays de Castille. Aux Princes d'Italie (dont la pluspart possèdent leurs terres sans tiltre, s'il ne leur est donné au ciel : & de cela ne pouuons sinon deuiner) lesquels dominant cruellement & violement sur leurs peupies.

*Contrarie-
tez en Ita-
lie.*

Quant à leurs deniers, Dieu leur a donné pour opposite, les villes de communauté, qui sont audit pays d'Italie : comme Venise, Florence, Genes, quelquefois Boulongne, Senes, Pise, Luges, & autres : lesquelles, en plusieurs choses sont opposites, aux Seigneurs, & les Seigneurs à elles : & chacun a l'œil que son compagnon ne s'accroisse. Et pour en parler en particulier, à la maison d'Arragon a donné la maison d'Anjou pour opposite : & à ceux des Sforces, vsurpans le lieu des Viscontes, en la Duché de Milan, la maison d'Orleans : & combien que ceux de dehors soient foibles, ceux qui sont sujets au Roy,

*.V. en ont
ais de touté,
mais il rate
tout depuis
& combien
iusque aux
Venitiens.*

encores par fois * ils en ont douté. Aux Venitiens, ces Seigneurs d'Italie (comme i'ay dit) & d'auantage les Florentins. Ausdits Florentins ceux de Senes & de Pise, leurs voisins, & les Geneuois. Aux Geneuois, leur mauuais gouuernement, & la faute de foy des vns enuers les autres : & gisent leurs partialitez en ligues : comme de Fourgouze, d'Adorne, & d'Oric, & autres. Cecy est tant veu, qu'on sçait assez. Pour

*Contrarie-
té en Ale-
magne.*

Alemaigne vous auez, & de tout temps la maison d'Austriche, & de Bauiere contraires : & en particulier, ceux de Bauiere contraires l'un à l'autre. La maison d'Austriche, en particulier, & les Suisses : & ne fut le commencement de leur diuision qu'un village appelé Suisse, qui ne scauroit faire six cents hommes, dont les

*Suisse villa-
ge commen-
cement.*

autres portent le nom : qui se sont tant multipliés, que deux des meilleures villes qu'eust ladicte maison d'Austriche, en sont (comme Su-

*Surich &
Fribourg
ancienne-
ment de la
maison
d'Austric.*

rich & Fribourg) & ont gagné de grandes batailles : esquelles ont tué des Ducs d'Austriche. Maintes autres partialitez y a en ceste Allemagne : comme ceux de Cleues contre ceux de Gueldres : & les Ducs de Gueldres contre les Ducs de Iuilliers. Les Ostrelins (qui sont situez tant auant en ce North) contre les Roys de Dannemarq, Et, pour parler d'Alemaigne en general, il y a tant de fortes places, & tant de gens enclins à mal faire, & à piller & desrober, & qui vsent de force & violence, les vns contre les autres, pour petite occasion, que c'est chose merueilleuse. Car vn homme qui n'aura que luy & son valet, desfiera vne grosse cité, & vn Duc, pour mieux pouuoir desrober, avec le port de quelque petit chasteau-rocher, où il se sera retraict, y ayant vingt ou trente hommes à cheual, qui courront deffier à sa requeste. Ces gens icy ne sont gueres de fois punis des Princes d'Alemaigne, car ils s'en veulent seruir, quand ils en ont affaire, mais les villes, quand elles les peuvent tenir, les punissent cruellement : & souuentefois ont bien assiégué de tels chasteaux, & abbatu : & aussi tiennent lesdites villes ordinaiement des gés-d'armes, paieez & gagés, pour leur sureté. Ainsi sēble que ces Princes & villes d'Alemaigne viuent, cōme ie d'y, faisans charier droit les vns les autres, & qu'il est necessaire qu'ainsi soit, & pareillement par tout le monde. Je n'ay parlé que d'Europe : car ie ne me suis point informé des deux autres parts (comme d'A-

lie & d'Afrique) mais bien oyôs nous dire qu'ils ont guerres & diuisions, comme nous, & encores plus mecaniquement: car i'ay sçeu en ceste pratique plusieurs lieux, où ils se vendent les vns les autres, aux Chrestiens: & appert ce par les Portugalois, qui maints esclaves en ont eu, & ont tous les iours: mais, quant à cela, ie doute que ne le deuons point trop reprocher aux Sarrazins, & qu'il y a des parties en la Chrestienté, qui en font autant: mais ils sont situez sous le pouuoir du Turc, ou fort voisins, comme en aucune partie de la Grece.

Il pourroit donc sembler que ces diuisions fussent necessaires par le monde, & que ces aiguillons & choses opposites (dont i'ay parlé dessus) que Dieu a donnees à chacun estat, & quasi à chacune personne soyent necessaires, & de prime face, & parlant comme hōme non lettré, qui ne veut tenir opinion que celle que de-

Bestialité par la bestialité de plusieurs Princes, & aussi par
ou mauuai la mauuaistié d'autres qui ont sens assez, & expé-
stés Prin- rience, mais en veulent mal vser: car vn Prince,
ces. ou homme, de quelque estat qu'il soit, ayant

force & autorité là où il demeure, & par dessus les autres, s'il est bien lettré, & qu'il ait veu où

Sçauoir a- leu, cela l'amendera ou empirera: car les mauuais
monde ou empirent de beaucoup sçauoir, & les bons en a-
emp. mendent. Mais, toutesfois, il est à croire que le

sçauoir amende plustost vn homme, qu'il ne l'empire, & n'y eust-il que la honte de cognoistre sō mal, si est-ce assez pour le garder de mal faire: au moins de n'en faire pas tant, & s'il n'est bon, si vouldra-il feindre de ne vouloir faire nul

tort à personne : & en ay veu plusieurs experi-
 ences entre les grans personages, & que le sça-
 uoir les a retirez de bien mauuais propos, & sau-
 uent, & aussi la crainte de la punition de Dieu :
 dont ils ont plus grāde cognoissance que les gēs
 ignorans, qui n'ont ne veu ne leu : Je veux dōc
 dire que ceux qui ne se cognoissent, & sont mal
 āges, par faute d'auoir estē bien nourris, & que
 leur complexion par auenture y ayde, n'ont
 point de cognoissance iusques là où s'estend le
 pouuoir & seigneurie que Dieu leur a donnē sur
 leurs suiets : car ils ne l'ont leu ny entendu par
 ceux qui le sçauent : & peu les hantent qui
 le sçachent : & si aucuns en y a qui le sçauent,
 si ne le veulent-ils dire, de paour de leur des-
 olaire : & si aucun leur en veut faire quelques
 remonstrances, nul ne le soustiendra, & au
 niueu venir, les tiendront à fol : & parauanture
 sera pris au plus mauuais sens pour luy. Faut
 donc conclure que la raison naturelle, ne nostre
 sens, ne pour l'apprehension, ne l'amour de no-
 tre prochain, ne nous garde point d'estre vio-
 lens, les vns contre les autres, ne de retenir l'au-
 ruy, ou de luy oster le sien par toutes voyes qui
 nous sont possibles. Et si les grands tiennent
 villes ou chasteaux de leurs parens ou voisins,
 pour nulles de ces raisons ne le veulent rendre,
 & apres qu'une fois ils ont leur couleur, &
 fondē leurs raisons pourquoy les detiennent,
 chacuns des leurs louent leur langage, au moins
 des prochains, & ceux qui veulent estre biē d'eux.
 Des foibles qui ont diuision, ie n'en parle point :
 car ils ont superieur qui aucunes fois fait raison
 aux parties, au moins celuy qui aura bonne

*Proces des
 Rois &
 Princes
 mal in-
 fruits, &
 suiuās leur
 complexiō.*

cause, & la pourchassera bien & deffendra & despendra largement, à longueur du temps aura sa raison, si la Cour (c'est à dire, le Prince en son autorité, sous lequel il vit) n'est contre luy.

v. Donc est Ainsi doit estre vray-semblable que Dieu est
vray que. quasi efforcé, & contraint ou semons de mon-

v. deux.
v. de leurs
Seigneu-
ries.

strer plusieurs signes, & de nous battre de plusieurs verges par nostre bestialité, & par nostre mauuaistié, que ie croy mieux: mais la bestialité des Princes & leur ignorance est bien dangereuse, & à craindre: car Dieu depart le mal & le bien des Seigneurs. Et doncques (si vn Prince est fort, & a grand nombre de Gens d'armes, par l'autorité desquels il a grands deniers à volonté pour les payer, & pour despendre en toutes choses volontaires & sans nécessité de la chose publique, & que de celle folle & outrageuse despense ne vueille rien diminuer, & que chacun n'entende qu'à luy complaire, & que touchant faire remonstrance, on n'acquiert que son indignation, & si n'y gagne l'on rien) qui pourra y mettre remede, si Dieu ne l'y met? Dieu ne parle plus aux gens: ny n'est plus de Prophetes qui parlent par sa bouche: car sa foy est assez ample & estenduë, & toute notoire, à ceux qui la veulent entendre & sçauoir: & ne fera nul excusé pour ignorance: au moins de ceux qui ont eu espace & temps de viure, & qui ont eu sens naturel. Comment doncques eschapperont les hommes forts, & qui tiennent leurs Seigneuries dressées en tel ordre, que par force en leuent à leur plaisir? parquoy maintiennent leur obeissance, & tiennent ce qui est sous eux en grande subiection: & le moindre cōmandemēt qu'ils font, est tousiours sur la vie. Lesvns

v. exauce
Et enten-
due.
v. se cha-
stieront ces

punissent sous ombre de iustice: & ont gens de ce mestier, prests à leur complaire: qui, d'un peché veniel, font un peché mortel. S'il n'y a matiere, ils trouuent les façons de dissimuler à ouyr les parties & les tesmoins, pour tenir la personne, & la destruire en despense, attendant toujours si nul ne se veut plaindre de celuy qui est detenu, & à qui ils en veulent. Si ceste voye ne leur est seure assez, & bonne pour venir à leur intention, ils en ont d'autres plus soudaines: & disent qu'il estoit bien necessaire, pour donner exemple: & font les castels qu'ils veulent, & que bon leur semble. A d'autres qui tiennent d'eux, & qui sont un peu forts, procedent par la voye de faict, à leur dire: Tu desobeis, ou fais contre l'hommage que tu me dois: & procedent par force à luy oster le sien, si faire le peuvent (au moins ils ne tient point à eux) & le font viure en grande tribulation. Celuy, qui ne leur est que voisin (s'il est fort & aspre) ils le laissent viure; mais, s'il est foible, il ne sçait où se mettre. Ils diront qu'il a soustenu leurs ennemis: ou ils voudront faire viure leurs Gens-d'armes en son pays: ou acheteront querelles, ou trouveront occasion de le destruire: ou soustiendront son voisin contre luy, & luy presteront gens. De leurs suiets, il desappointeront ceux, qui auront bien seruy leurs predecesseurs, pour faire gens neufs: pource qu'ils mettent trop à mourir, Ils brouilleront les gens d'Eglise sur le fait de leurs Benefices: afin que pour le moins ils en tirent recompense pour enrichir quelqu'un, à l'appetit le plus de fois de ceux qui ne l'ont point desleruy, sinon en des-honneur

*Iniustices
d'uerse-
ment des-
guisees au
monde co-
tre & voi-
sins, &
suiets, &
bons estats.*

*En d'hom-
mes & de
femmes
qui en au-
cun temps
peuvent
beaucoup,
& qui ont
credit V.*

& diffame : qui en aucun tēps peut beaucoup. Aux Nobles donneront trauail, & despenſe ſans ceſſe ; ſous couleur de leurs guerres, priſes à volonté , ſans aduis , ou conſeil de leurs Eſtats , & de ceux qu'ils deuſſent appeler , auant que les commencer , car ce ſont ceux , qui y ont à employer leurs perſonnes & leurs biens parquoy ils en deuſſent bien ſçauoir , auant que l'on les commençaſt. De leurs peuples , à la pluſpart ne leur laiſſent rien : & , apres auoir payé tailles trop plus grandes qu'ils ne deuſſent : encores ne donnent aucun ordre ſur la forme de viure de leurs Gens-d'armes : leſquels ſans-ceſſe , ſont par les pays, ſans rien payer , faiſans les autres maux & excès infinis , que chacun de nous ſçait : car ils ne ſe contentent point de la vie ordinaire , & de ce qu'ils trouuent chez le laboureur , dont ils ſont payez : ains , au contraire , batent les pauures gens , & les outragent & contraignent d'aller chercher pain , vin , & viures dehors , & ſi le bon homme a femme ou fille , qui ſoit belle , il fera que ſage de la bien garder. Toutesfois (puis qu'il y a payement) il ſeroit bien aiſé à y mettre ordre : & que les Gens-d'armes fuſſent payez de deux mois en deux mois , pour le plus tard : & ainſi n'auroyent point d'excuse de faire les maux , qu'ils ſont , ſous couleur , de n'eſtre point payés : car l'argent eſt leué , & vient au bout de l'an. Je dy cecy pour noſtre Royaume : qui eſt plus oppreſſé & perſecuté de ce cas , que nul autre Royaume , ne nulle autre Seigneurie , que ie cognoiſſe , & ne ſçauroit nul y mettre le remede , qu'un ſage Roy. Les autres pays voiſins ont autre punition.

*France op-
preſſée de
taille plus
que tout
autre Roy-
aume.*

Qu'un Prince ne doit rien leuer sur ses sujets, sans leur consentement.

Doncques pour continuer mon propos, y a-il Roy ne Seigneur sur terre, qui ait pouuoir outre son domaine, de mettre vn denier sur ses suiets, sans octroy & consentement de ceux qui le deuioient payer ? sinon par tyrannie ou violence ? On pourroit resoudre qu'il y a des faisons qu'il ne faut pas attendre l'assemblee & que la chose seroit trop longue. A commencer la guerre, & l'entreprendre, ne se faut point tant haster, & a l'on assez temps : & si vous dy que les Rois & Princes en sont trop plus forts, quand ils l'entreprennent du consentement de leurs sujets, & en sont plus craints de leurs ennemis. Et quand ce vient à se deffendre, on voit venir ceste nuee de loing, & specialement quand c'est d'estrangers : & à cela ne doiuent les bons suiets rien plaindre ne refuser : & ne sçauroit aduenir cas si soudain, où l'on ne puisse bien appeller quelques personages, tels que l'on puisse dire, il n'est point fait sans cause : & en cela n'vser point d'affectiō, ny entretenir vne petite guerrē à volonté, & sans propos, pour auoir cause de leuer argent. Je sçay bien qu'il faut argent pour defendre les frontieres, & les enuironz garder, quand il n'est point de guerre, pour n'estre surprins, mais il faut faire le tout moderément, & à toutes ces choses sert le sens du sage Prince : car, s'il est bon, il cognoist qui est Dieu, & qui est le monde, en ce qu'il doit & peut faire & laisser. Or, selon mon aduis, entre toutes les Seigneuries du monde, dont i'ay cognoissance, où là chose publique est mieux traittee, & où il y a moins de violence sur le peuple, & où il y a

V. de fictio.

En Angleterre moins de desordre par les guerres qu'ailleurs

moins d'edifices abbatus, ny demolis pour guerre c'est Angleterre, & tombe le fort & le malheur sur ceux qui font la guerre.

*Que le Roy
de France
est le plus
obey Prin-
ce du mon-
de.*

Nostre Roy est le Seigneur du monde, qui le moins a cause d'vser de ce mot de dire: I'ay priuilege de leuer sur mes suiets ce qui me plaist: car ne luy, ny autre, l'a: & ne luy font nul honneur ceux qui ainsi le dient, pour le faire estimer plus grand: mais le font hair & craindre aux voisins, pour riens ne vouldroient estre sous sa Seigneurie. Mais si nostre Roy, ou ceux qui le veulent louer & aggrandir, disoient: I'ay les suiets si bons & loyaux, qu'ils ne me refusent chose que ie leur sçache demander: & suis plus crainct, obey & seruy de mes suiets, que nul autre Prince qui viue sur la terre, & qui plus patiemment endurent tous les maux & toutes les rudesses & à qui moins il souuient de leurs dommages passez, il me semble que cela luy seroit grand los (& en dy la verité) non pas dire: ie pren ce que ie veux, & en ay priuilege: Il le me faut bien garder. Le Roy Charles le Quint ne le disoit pas. Aussi ne l'ay-ie point ouy dire aux Rois: mais ie l'ay bien ouy dire à de leurs seruiteurs: à qui il sembloit qu'ils faisoient bien la besongne: mais selon mon aduis ils se mesprennoient enuers leur Seigneur: & ne le disoient que pour faire les bons valets: & aussi qu'ils ne sçauoient qu'ils disoient. Et pour parler de l'experience de la bonté des François, ne faut alleguer de nostre temps que les trois Estats tenus à Tours, apres le deceds de nostre bon maistre & Roy Louys onzième (à qui Dieu face pardon) qui fut l'an mil quatre cens quatre

V. essener.

*Charles le
Quint sage
Roy.*

*Bonté des
François
aux Estats
de Tours
sous Char-
les viij.*

vingts & trois. L'on pouuoit estimer lors que ceste bonne assemblee estoit dangereuse : & disoient aucuns de petite condition & de petite vertu, & ont dit par plusieurs fois depuis, que c'est crime de leze Majesté que de parler d'assembler les Estats, & que c'est pour diminuer l'autorité du Roy : & ce sont ceux-là qui commettoient ce crime enuers Dieu & le Roy, & la chose publique : mais seruoient ces paroles, & seruent à ceux qui sont en autorité & credit, sans en rien l'auoir merité, & qui ne sont propire, d'y estre, & n'ont accoustumé que de flageller en l'oreille, & parler des choses de peu de valeur, & craignent les grandes assemblees, de paour qu'ils ne soient cogneus, ou que leurs œuures ne soient blasmees. Lors que ie dy chacun estimoit le Royaume bien attenué, tant des grands que des moyens, & que des petits : pource qu'ils auoient porté & souffert vingt ans ou plus, de grandes & horribles tailles : qui ne furent iamais si grandes à trois millions de Francs pres. P'enten à leuer tous les ans. Car iamais le Roy Charles septiesme ne leua plus de dix-huict cens mille Francs par an : & le Roy Louys son fils en leuoit à l'heure de son trespas, quarante & sept cens mille Francs, sans l'artillerie & autres choses semblables. Et seulement c'estoit compassion de veoir ou sçauoir la pauureté du peuple. Mais vn bien auoit en luy nostre bon maistre, c'est qu'il ne mettoit riens en thresor. Il prenoit tout & despendoit tout : & fait de grands edifices à la fortification & defense des villes & places de son Royaume : & plus que tous les autres Rois qui ont esté

*Difference
de ce que
Charles viij
leuoit au
prix de
Louis xj.*

4700000

Louis xj

1000000

deuant luy. Il donna beaucoup aux Eglises. En aucunes choses eust mieux valu moins: car il prenoit des pauures, pour le donner à ceux qui n'en auoient aucun besoin. Au fort, en nul n'y a mesure parfaicte en ce monde.

Or en ce Royaume tant foible & tant oppres-

Exemple de la grande obeissance & bonneté des François, parce qu'ils feirent à Char les 8 en son aage de 13 ans apres la mort de son pere. fé en mainte sorte, apres la mort de nostre Roy y eut-il diuision du peuple contre celuy qui regne? Les Princes & les sujets se mirent ils en armes contre leur ieune Roy? & en voulurent-ils faire vn autre? luy voulurent-ils oster son autorité? & le voulurent-ils brider, qu'il ne peust user d'autorité de Roy? Certes non. Et commée aussi le pouuoient-ils faire? Si en y a-il eu d'assez glorieux pour dire. Qu'ouy. Toutesfois ils feirent l'opposite de tout ce que ie demande: car tous vindrent deuers luy, tant les Princes & les Seigneurs, que ceux des bonnes villes.

Tous le recognurent pour leur Roy, & luy feirent serment & hommage: & feirent les Princes & Seigneurs leur foy, humblement, les genoux à terre, en baillant par requeste ce qu'ils demandoient: & dressèrent conseil (où ils feirent compagnons de douze qui y furent nommez) & deslors le Roi commandoit (qui n'auoit que treize ans) à la relation de cedit conseil. A ladite assemblee des Estats dessusdits, furent faictes aucunes requestes & remonstrances en la presence du Roy & de son conseil, en grande humilité, pour le bien du Royaume, remettant tousiours tout au bon plaisir du Roy, & de sondit Conseil. Luy octroyerent ce qu'on leur vouloit demander, & ce qu'on leur monstra par escrit estre necessaire pour le faict du Roy,

sans riens dire à l'encontre : & estoit la somme demandee de deux millions cinq cens mille francs (qui estoit assez au cœur saoul, & plus trop que peu, sans autres affaires) & supplierent lesdits Estats qu'au bout de deux ans ils fussent r'assemblez : & que si le Roy n'auoit assez d'argent qu'ils luy en bailleroient à son plaisir, & que s'il auoit guerres: ou quelcun qui le voulist offenser, ils y mettroient leurs personnes & leurs biens, sans rien luy refuser de ce qui luy seroit besoing. Estoit-ce sur tels sujets que le Roy doit alleguer priuileges de pouuoir prendre à son bon plaisir, qui si liberalement luy donnent? Ne seroit-il pas plus iuste, enuers Dieu & le monde, de leuer par ceste forme, que par volonté desordonnee? car nul Prince ne le peut autrement leuer, que par octroi (comme dit est) si ce n'est par tyrannie, & qu'il soit excōmunié. Mais il en est bien d'assez bestes, pour ne sçauoir ce qu'ils peuuent faire ou laisser en cest endroict.

Aussi bien y a-il des peuples qui offensent contre leur Seigneur, & ne luy obeissent pas: ny ne le secourent en ses necessitez: mais en lieu de luy aider, quand ce vient és affaires, ils le mesprisent, & se mettent en rebellion & desobeissance contre luy, en commettant & venant contre le serment de fidelité qu'ils luy ont fait. Là où ie nōme Rois & Princes, i'entēs d'eux ou de leurs Gouverneurs: & pour les peuples, ceux qui ont les preeminences & maistrises sous eux.

Les plus grands maux viennent volontiers des plus forts: car les foibles ne cherchent que

Que les
plus grāds
maux vi-
uent vo-
lontiers des
grāds for-
ces, & qu'ils
font les
moins pu-
issans par les
hommes.

Pourquoy
les chasti-
mens de
Dieu sont
plus re-
marqua-
bles sur
grans que
sur petis.

Leur vice.

patience. Ici comprennent les femmes, comme les hommes, quelquefois, & en aucuns lieux, quand elles ont autorité ou maistrise, ou pour l'amour de leurs maris, ou pour auoir administration de leurs affaires, ou que leurs Seigneuries viennent de par elles. Et si ie vouloie parler des moyens estats de ce monde, & des petis, ce propos continueroit trop, & me suffit alleguer les grans: car c'est par ceux là où l'on cognoist la puissance de Dieu, & sa iustice: car, pour deux cens mille meschefs aduenus à vn pauvre homme, on ne s'en aduise: car on attribue tout à sa pauvreté, ou à auoir esté mal pensé: ou s'il s'est noyé ou rompu le col, s'est pource qu'il estoit seul. A grand' peine en veut on ouir parler. Quand il meschet à vne grande cité, on ne dit pas ainsi: mais encores n'en parle on point tant que des Princes. Il faut dōques dire pourquoi la puissance de Dieu se monstre plus grande contre les Princes & les grans, que contre les petis: c'est que les petis & les pauvres treuuent assez qui les punissent, quand ils font le pourquoi: & encores sont assez souuent punis, sans auoir rien fait: soit pour donner exemple aux autres, ou pour auoir leurs biens, ou paraenture par la faute du Iuge: & aucunesfois l'ont bien desserui & faut bien que iustice se face. Mais des grans Princes, & des grandes Princeesses, de leurs grans Gouverneurs, & des Conseillers des provinces, & villes desordonnees, & desobeissantes à leur Seigneur, & de leurs Gouverneurs, qui s'informeront de leur vice; L'information faite, qui l'apportera au Iuge? Qui sera le Iuge qui

en prendra la cognoissance, & qui en fera la punition? Ie dy des mauuais & n'entens point des bons: mais il en est peu. Et quelles sont les causes pourquoy ils commettent, & eux & tous autres, tous ces cas dont i'ay parlé icy dessus, & assez d'autres, dont ie me suis teu pour briefueté, sans auoir consideration de la puissance diuine & de sa iustice? En ce cas ie dy que c'est faute de foy, & aux ignorans faute de sens & de foy ensemble, mais principalemēt faute de foy, dont il me semble que procedent tous les maux qui sont par le monde, & par especial les maux qu'ont partie de ceux qui se plaignent d'estre greuez & foulez d'autrui, & des plus forts, Car l'homme pauvre ou riche (quel qu'il soit) qui auroit bonne & vraye foy, & qui croiroit fermement les peines d'Enfer estre telles que veritablement elles sont, qui aussi croiroit auoir pris de l'autrui à tort, ou que son pere ou son grand pere l'eust pris, & luy possedast (soient Duchez, Comtez, Villes ou Chasteaux, meubles, pré, estang ou moulin, chacun en sa qualité) & qu'il creust fermement, comme nous le deuons croire, ie n'entreray iamais en Paradis, si ie ne fay entiere satisfaction, & si ie ne rends ce que i'ay de tel, il n'est croyable qu'il y eust Prince ou Princesse au monde, ny autre personne quelconque de quelque estat ou condition qu'ils soient en ce monde, tant grands que petits, & tant hommes que femmes, gens d'Eglise, Prelats, Euesques, Archeuesques, Abbez, Abbeses, Prieurs, Curez, Receueurs des Eglises, & autres viuans sur terre, qui à son vray & bon escient (comme dict est

*Que faute
de Foy est
cause de
tous maux*

d'autrui.

dessus) voulist rien retenir de son suiet, ne de son voisin, ne qui voulist faire mourir nul à tort, ne le tenir en prison, ny oster aux vns pour donner aux autres, & les enrichir, ne (qui est le plus ord mestier qu'ils facent) procurer choses deshonneſtes contre ſes parens & ſeruiteurs pour leurs plaisirs, comme pour femmes ou cas ſemblable. Par ma foy non, au moins n'eſt pas croyable. Car s'ils auoient ferme foy, & qu'ils creuſſent ce que Dieu & l'Egliſe nous commande, ſur peine de damnation, cognoiſſans les iours eſtre ſi brieſs, les peines d'Enfer eſtre ſi horribles, & ſans nulle fin ne remiſſion pour les damnez, ils ne feroient pas ce qu'ils font. Il faut doncques conclurre que tous les maux viennent faute de foy. Et pour exemple, quand vn Roy ou Prince eſt priſonnier & qu'il a paour de mourir en priſon, a-il rien ſi cher au monde qu'il ne baillaſt pour ſortir? il baille le ſien, & celuy de ſes ſuiees; cōme vous auez veu du Roy Iehan de France, pris par le Prince de Galles à la bataille de Poictiers, qui paya trois millions de Francs, & bailla toute Aquitaine (au moins ce qu'il en tenoit) & aſſez d'autres citez, villes & places, & comme le tiers du Royaume, & mit le Royaume en ſi grande pauureté, qu'il y auoit long temps monnoye comme de cuir, qui auoit vn petit clou d'argent. Et tout cecy bailla le Roy Iehan, & ſon fils le Roy Charles le Sage, pour la deliurance dudit Roy Iehan: & quand ils n'euiſſent rien voulu bailler, ſi ne l'euiſſent point les Anglois fait mourir, mais au pis venir, l'euiſſent mis en priſon: & quād ils l'euiſſent fait mourir, ſi n'euiſt eſté la peine ſemblable

*Exemple
de l'amour
de ſoi-meſ-
me par le
Roy Iehan
de France.*

*Monnoye
comme de
cuir en Fra-
nce, à l'oc-
caſion de
la rançon
du Roy
Iehan.*

à la cent milliesme partie de la moindre peine d'Enfer. Pourquoi donc bailloit-il tout ce que j'ay dit, & destruisoit ses enfans & suiets de son Royaume, sinon pource qu'il croyoit ce qu'il voyoit; qu'il sçauoit bien qu'autremēt ne seroit deliuré? Mais parauenture, en commettant le cas pourquoy ceste punition luy aduint, & à ses enfans, & à ses subiects, il n'auoit point ferme foy & creance de l'offense qu'il commettoit cōtre Dieu & son cōmandement. Or n'est-il Prince, ou peu, s'il tient vne ville de son voisin, qui pour crainte de Dieu la voulsist bailler, ny pour euitier les peines d'enfer: & le Roy Iean bailla si grande chose, pour deliurer sadite personne de prison.

I'ay doncques demandé en vn article precedent, qui fera information des grands: & qui l'apportera au Iuge? & qui sera le Iuge qui punira les mauuais? L'information sera la plainte & clameurs du peuple qu'ils foulent & oppressent en tant de manieres, sans en auoir compassion ne pitié. Les douloureuses lamentations des veufues & orphelins, dont ils auront fait mourir les maris & peres, dont ont souffert ceux qui demeurent après eux; & generally tous ceux qu'ils auront persecutez, tant en leurs personnes qu'en leurs biens. Cecy sera l'information par leurs grands cris & plaintes & piteuses larmes, & les presenteront deuant nostre Seigneur, qui sera le vray iuge: qui parauanture ne voudra attendre à les punir en l'autre monde mais les punira en cestuy-cy. Dont faut entendre qu'ils seront punis, pour n'auoir rien vou-

*Qui fera
informa-
tion sur les
grands &
qui en sera
Iuge pour
les pauures*

lu croire, & pource qu'ils n'auront eu fermé foy & croyance és commandemens de Dieu.

Ainsi faut dire qu'il est force que Dieu monstre de tels poincts & de tels signes, qu'eux & tout le monde croiront que les punitions leur aduiennēt pour leurs mauuaises creances & offenses, & que Dieu monstre contre eux sa force & sa vertu & iustice: car nul autre n'en a le pouuoir en ce monde que luy. De prime face, pour les punitions de Dieu ne se corrigent point, de quelque grandeur qu'elles soient, & à trait de temps: mais nulle n'en aduient à nul Prince, ou à ceux qui ont gouuernement sur ses affaires, ou sur ceux qui gouuernent vne grande communauté, quel'issuë n'en soit bien grande & bien dangereuse pour les suiets. Je n'appelle point en eux males fortunes, sinon celles dont les suiets se sentent: car de tomber jus d'un cheual, & se rompre vne jambe, & auoir vne fièvre biē aspre, l'on s'en guerit: & leur sont telles choses propices, & en sont plus sages. Les males auentures sont, quand Dieu est tant offensé qu'il ne les veut plus endurer, mais il veut monstre sa force & sa diuine iustice, & alors premierement leur diminue le sens, qui est grande playe pour ceux à qui il touche. Il trouble leur maison, & la permet tomber en diuision & en murmure. Le Prince tombe en telle indignation enuers nostre Seigneur, qu'il fuit les conseils & compagnies des sages, & en esleue de tous neufs, mal sages, mal raisonnables, violens, flatteurs, & qui luy complaisent à ce qu'il dit. S'il faut imposer vn denier, ils disent deux. S'il menace vn homme, ils disent qu'il le faut pendre, & de

*Dieu dimi-
nue le sens
aux Prin-
ces, pour
commen-
cer à les in-
ger.*

toutes autres choses le semblable , & que sur tout il se face craindre:& se monstrent fiers&orgueilleux eux-mesmes, esperans qu'ils seront crains par ce moyen, comme si autorité estoit leur heritage.

Ceux que tels Princes auront ainsi avec ce conseil chassiez & deboutez , & qui par longues annees auront serui , & qui ont accointance & amitié en la terre, sont mal contens, & à leur occasion quelques autres de leurs amis & bien-vueillans : & parauanture on les voudra tant presser qu'ils seront cōtraincts à se defendre, ou de fuir vers quelque voisin, parauanture ennemy,& malvueillant de celuy qui les chassè:& ainsi par diuision de ceux de dedans le pays,y entreront ceux de dehors,

Est-il nulle playe ne persecution si grande, que guerre entre les amys, & ceux qui se cognoissent,ne nulle haine si horrible & mortelle? Des ennemis estrangers,quand le dedans est vni on se defend aisément, car ils n'ont nulles intelligences, ny accointances à ceux du Royau-me. Cuidez-vous qu'un Prince mal sage, follement accompagné, cognoisse venir ceste male fortune de loing, que d'auoir diuision entre les siens:ne qu'il pense que cela luy puisse cuire? ne qu'il vienne de Dieu? Il ne s'en trouue point pis disné,ne pis couché, ne moins de cheuaux, ne moins de robes : mais beaucoup mieux accompagné : car il tire les gens de leur pauvreté, & depart les despouilles & les estats de ceux qu'il aura chassiez & du sien pourra accroistre sa renommee, A l'heure qu'il y pensera le moins,

Guerre entre les amis la plus cruelle de toutes.

V. il attire les gens & leur promet & depart. V. & donne du sien pour accroistre, &

Dieu luy fera soudre vn ennemy, dont para-
uanture iamais il ne se fust aduisé. Lors luy
naïstront les pensees & les suspicions de ceux
qu'il aura offensez: & aura crainte d'assez de
personnes, qui ne luy veulent aucun mal faire.
Il n'aura point refuge à Dieu: mais preparera sa
force.

Auons nous point veu de nostre temps tels
exemples icy pres de nous: Nous auons veu
le Roy Edouard d'Angleterre, le quart, mort
depuis peu de tēps, Chef de la maison d'Yorch.
A-il point desfait la lignee de Lanclastre, soubz
qui son pere & luy auoient long temps vescu,
& fait hommage au Roy Henry cinquiesme
Roy d'Angleterre, de ceste-dicte lignee? De-
puis le tint ledit Edouard par longues annees, en
prison au chasteau de Londres, ville capitale du-
dict Royaume d'Angleterre, & puis finalement
l'ont fait mourir.

*Exemple
de punition
diuine sur
les Princes
par quel-
ques Rois
d'Angl.*

Auons nous pas veu le Comte de Vvaruic,
chef & principal Gouverneur de tous les faictz
du dessusdict Edouard (lequel a fait mourir tous
ses ennemis, & par especial les Ducs de Som-
bresset) à la fin deuenir ennemy du Roy E-
douard son maistre? donner sa fille au Prince de
Galles, fils du Roy Henry, & vouloit mettre sus
cette lignee de Lanclastre? passer avec luy en
Angleterre? estre desconfits en bataille? & morts
ses freres & parens avec luy? & semblablement
pluseurs Seigneurs d'Angleterre, qui en vn tēps
fut qu'ils faisoient mourir leurs ennemis? Apres
lex enfans de ceux-là se reuanchoient, quand le
temps tournoit pour eux: & faisoient mourir
les autres. Il est à penser que telle playe ne
vient

vient que par la diuine iustice: mais (comme i'ay dit ailleurs) ceste grace a ce Royaume d'Angleterre, par dessus les autres Royaumes, que le pais ne le peuple, ne s'en destruit point, ny ne bruslent, ny ne demolissent les edifices: & tourne la fortune sur les gens de guerre: & par especial sur les Nobles: contre lesquels ils sont trop enuieux. Aussi riens n'est parfaict en ce monde. *Change-ment estrange en la personne & maison du Roy Edouard.*

Après que le Roy Edouard a esté au dessus de ses affaires en son Royaume, & qui de nostre Roy-aumie auoit cinquante mille escus l'an, rendus en son Chasteau de Londres, & qu'il estoit tant comblé de richesses que plus n'en pouuoit, tout soudainement il est mort, & comme par melancolie du mariage de nostre Roy, qui regne à present, avec Madame Marguerite, fille du Duc d'Austriche: & tantost après qu'il en eut des nouuelles, il prit la maladie: car lors se tint à deceu du mariage de sa fille, qu'il faisoit appeller Madame la Dauphine: & si lui fut rompuë la pension qu'il prenoit de nous, qu'il appelloit tribut: mais ce n'estoit ne l'un ne l'autre: & l'ay declaré dessus.

Le Roy Edouard laissa à sa femme deux beaux fils, l'un appellé le Prince de Galles, l'autre le Duc d'Yorch, & deux filles. Le Duc de Glocestre son frere, prit le gouuernement de son nepueu, le Prince de Galles, lequel pouuoit auoir dix ans, & lui fait hommage, comme à son Roy: & l'emmena à Londres, feignant le vouloir couronner, pour tirer l'autre fils de sa franchise de Londres, où il estoit avec sa mere, qui auoit quelque suspicion. Fin de compte, par le moyen d'un Euesque de . Bas (lequel auoit esté autresfois Con-

Euesque de Bas malin contre la race d'Edouard

*Polidore
Verg parle
d'une au-
tre machi-
nation cõ-
tre la pro-
premerede
ces deux
Rois, &
nomme le
compagnõ
de Richard
en cela,
Rodulphus
Shaus.*

*Roy Ri-
chard
d'Angl.
V. armes.*

feiller du Roy Edouard, puis le desappointa, & le tint en prison, & prit argent de sa deliurance) il feit l'exploict dont vous orrez tantost parler. Cestuy Euesque mit en auant à ce Duc de Clocestre, que ledit Roy Edouard estoit fort amoureux d'une Dame d'Angleterre, luy promit de l'espouser, pourueu qu'il couchast avec elle. Ce qu'elle consentit : & dit cest Euesque qu'il les auoit espousez : & n'y auoit que luy & eux deux. Il estoit homme de Cour, & ne le descourrit pas : & ayda à faire taire la Dame : & demoura ainsi ceste chose : & depuis espousa ledit Roy Edouard la fille d'un Cheualier d'Angleterre appellé Monseigneur de Riuières, femme veufue, qui auoit deux fils, & aussi par amourettes. A ceste heure, dont ie parle, cest Euesque de Bas descourrit ceste matiere à ce Duc de Clocestre, dõt il luy aida bien à executer son mauuais vouloir : & feit mourir ces deux neueux, & se feit Roy, appellé Roy Richard. Les deux filles feist declarer bastardes en plein Parlement : & leur feit oster les Hermines : & feit mourir tous les bõs seruiteurs de son frere : au moins ceux qu'il peut prendre.

*Comte de
Richemont
longuemẽt
prisonnier
en Bret. de-
uenu Roy
d'Anglet.*

Ceste cruauté n'alla pas loin : car luy estant en plus grãd orgueil que ne fut cent ans auoit Roy d'Angleterre, & auoit faict mourir le Duc de Boucquinguan, & tenoit grande armee preste, Dieu luy sourdit vn ennemi, qui n'auoit nulle force : c'estoit le Comte de Richemont, prisonnier en Bretagne, aujourd'huy Roy d'Angleterre, de la lignee de Lanclastre : mais non pas le prochain de la courõne (quelque chose que l'on die au moins que i'entende) lequel m'a autres-


fois conté, peu auant qu'il partist de ce Royaume, que depuis l'aage de cinq ans il auoit esté gardé & caché comme fugitif en prison. Ce Comte auoit esté quinze ans, ou enuiron, prisonnier en Bretaigne, du Duc François dernier mort: lesquelles mains il vint par tempeste de mer, cuidant fuyr en Frâce, & le Comte de Pennebroth son oncle, avec lui. I'estoye pour lors deuers le dit Duc, quand ils furent pris. Ledit Duc les traita doucement pour prisonniers: &, au trespas du Roy Edouard, ledit Duc François luy bailla largement gens & nauires: & avecques l'intelligence dudit Duc de Boucquinguan, qui pour telle occasion mourut, l'enuoya pour descendre en Angleterre. Il eut grande tourmente & vent contraire, & retourna à Dieppe, & de là par terre en Bretaigne. Quand il fut retourné en Bretaigne, il douta d'ennuyer le Duc par sa despense (car il auoit quelques cinq cens Anglois) & si craignoit que ledit Duc ne s'accordast avecques le Roy Richard, à son dommage: & aussi on le pratiquoit de deça. Parquoy s'en vint avec sa bande, sans dire à Dieu audit Duc. Peu de temps apres, on luy paya trois ou quatre milles hommes, pour le passage seulement: & fut baillée, par le Roy qui est de present, à ceux qui estoient avecques luy, vne bonne somme d'argent, & quelques pieces d'artillerie: & ainsi fut conduit avec le nauire de Normandie, pour descendre en Galles, dont il estoit. Ce Roy Richard marcha au deuant de luy, mais avec ledict Comte de Richemont s'estoit ioinct le Seigneur de Stanley, vn Cheualier d'Angleterre, mary de la mere dudit Comte de Richemont, qui luy

*Richard
tué en ba-
taille cōtre
le Comte de
Richemont
devenu par
ce moyen
Roy d'An-
gleterre.*

amena bien vingt & six mille hommes. Ils eurent la bataille, & fut occis sur le champ, ledit Roy Richard, & ledit Comte de Richemont couronné Roy d'Angleterre, sur ledit champ, de la couronne dudit Roy Richard. Diriez vous que c'est ceci fortune? c'est vray iugement de Dieu. Encores pour mieux le cognoistre, tātost apres qu'il eut faict ce cruel meurtre de ses deux neveux, dont ci deuant ay parlé, il perdit sa femme. Aucuns disent qu'il la feit mourir. Il n'auoit qu'un fils, lequel incontinent mourut. Ce propos, dont ie parle, eust mieux seruy plus en arriere, où ie parleray du trespas dudit Roy Edouard (car il estoit encores vif au temps dont parle mon precedent chapitre) mais ie l'ay fait pour continuer le propos de mon incident. Semblablement auons veu depuis peu de temps muer la couronne d'Espaigne, depuis le trespas du Roy Dom Henry dernier mort, lequel auoit pour femme la sœur du Roy de Portugal, dernier trespasfé, de laquelle saillit vne belle fille, toutesfois elle n'a point succédé, & a esté priuee de la couronne, sous couleur d'adultere commis par sa mere, & si n'est pas la chose passée sans debat & grande guerre. Car le Roy de Portugal a voulu soutenir sa niepce, & plusieurs autres Seigneurs du Royaume de Castille avec lui: toutefois la sœur dudit Roy Henry, mariee avec le fils du roy Dō Jean d'Arragon, a obtenu le Royaume & le possede: & ainsi ce iugement & ce partage s'est faict au ciel, où il s'en fait assez d'autres. Vous avez veu puis peu de temps le Roy d'Escoffe & son fils de l'age de treize ans en bataille l'un contre l'autre. Le fils & ceux de sa part gaignerēt la ba-

taille : & mourut ledit Roy en la place. Il auoit fait mourir son frere , & plusieurs autres cas luy estoient imposez, comme la mort de sa sœur , & d'autres. Vous voyez aussi la Duché de Gueldres hors de la lignee : & auez ouy l'ingratitude du Duc dernier mort, contre son pere. Assez de pareils cas pourroye dire, qui aisément peuuent estre cognus pour diuines punitions . . & tous les maux seront commencez par rapport , & puis par diuisions, lesquelles sont sources de guerres, par lesquelles vient mortalité & famine, & tous ces maux procedent de faute de foy. Il faut doncques cognoistre, veu la mauuaistié des hommes, & par especial des grands, qui ne se cognoissent, & qui ne croient point qu'il soit vn Dieu, qu'il est necessité que chacun Seigneur & Prince ait son contraire pour le tenir en crainte & humilité: ou, autrement, nul ne pourroit viure sous eux ny autres d'eux.

Aussi mourut ce dernier Roy d'Ecosse en bataille. . . Tous ces mots iusques à (lesquelles) ne sont point au vieil. Grands sujets à mes- cognoistre Dieu.





SIXIESME LIVRE DES MEMOIRES

du Seigneur d'Argenton, sur les principaux faicts & gestes de Louis xj. de ce nom Roy de France.

*Comment la Duché de Bourgogne fut mise
entre les mains du Roy.*

CHAP. I.



Our retourner à ma principale matiere, & à continuer le propos de ces Memoires faits à vostre requeste, M^{seigneur} l'Archeuesque de Vienne, cependant que le Roy mettoit en sa main les villes & places dessusdites en marches de Picardie, son armee estoit en Bourgogne: dont estoit Chef, quant à la monstre, le Prince d'Orenge (qui encotes regne aujourd'huy) natif & suiet de la Comté de Bourgogne: mais assez nouvellement, estoit deuenu ennemi du Duc Charles, pour la deuxieme fois. Ainsi le roy s'en aida, pour ce qu'il estoit grand Seigneur, tant en la Comté qu'en la Duché de Bourgogne: & aussi bien apparenté & aymé. Monseigneur de

V. à l'apparence.

*Prince d'Orenge
venge ser-
uiteur du
Roy.*

Cran estoit Lieutenant du Roy, & auoit la charge de l'armee: & estoit celuy, à qui le Roy en auoit fiance: & aussi il estoit sage homme, & seur pour son maistre, vn peu trop ayment son profit. Ledit Seigneur de Cran, quand il approcha de Bourgongne, enuoya ledit Prince d'Orange, & autres, deuant à Digeon, leur faire les remonstrances necessaires, & demâder obeissance pour le Roy, lesquels y besongnerent si bien, & principalement par le moyen du Prince d'Orange, que ladite ville de Digeon, & toutes autres de la Duché de Bourgongne, se mirent en l'obeissance du Roy. . . Aussonne, & quelques autres chasteaux, tindrent pour la Damoiselle dessusdite. Audit Prince d'Orange furent promis de beaux estats: & d'auantage de luy mettre entre ses mains toutes les places, qui estoient en ladicte Comté de Bourgongne, qui estoient de la succession du Prince d'Orange son grand pere, & dont il auoit question contre Messieurs de Chaimergnon ses oncles: lesquels il disoit auoir esté fauorisez par ledit Duc Charles. Car leur debat auoit esté plaidoyé deuant luy, par plusieurs fois, en grande solennité: & ledit Duc estant fort accompagné de Clercs, donna vn appointement contre ledit Prince (au moins comme il disoit) pour laquelle cause il laissa le seruice dudit Duc, & vint deuers le Roy. Nonobstât ceste promesse, quâd ledit Seig. de Cran se trouua possesseur des choses dessusdites, & qu'il auoit entre ses mains les meilleures places que peust auoir ledit Prince, qui estoient de ceste successiõ, il ne les vouloit point bailler audit Prince d'Orange, pour nulle requeste qu'il lui en sceust faire. Si

Le Sr de Cran ayât la principale autorité en Bourg. pour le Roy

Digeon, se rend au Roy. V, comme Aussonne & quelques autres chasteaux. Audit prince, &c.

v. chasteau guion.

luy en rescriuit le Roy par plusieurs fois, sans fiction, cognoissant bien que ledit Seigneur de Cran tenoit de mauuais termes audict Prince d'Orenge : mais encores craignoit-il à desplaire audit Seigneur de Cran, qui auoit toute la charge du pays, & ne cuidoit point que ledit Prince eust cœur, ne façõ de rebeller ledit pays de Bourgongne, comme il fit, au moins vne grande partie. Mais pour ceste heure laisseray ce propos, iusques à vn autre lieu.

Comment le Roy entretenoit les Anglois, apres la mort de Charles Duc de Bourgongne, afin qu'ils ne l'empeschassent en la conqueste des pays dudit Duc.

C H A P. II.

Ceux qui verront ces Memoires pour le tẽps aduenir, & qui entendront les choses & affaires de ce Royaume & des voisins, mieux que moy, se pourront esbahir, que depuis la mort du Duc Charles de Bourgongne, iusques icy, où il y a distance de pres d'un an, ie n'aye faict nulle mention des Anglois, & comme ils pouuoient souffrir que le Roy mist en ses mains les villes si voisines d'eux, comme Arras, Boulongne, Hedin, &c. & plusieurs chasteaux, & estre logé deuant S. Omer par plusieurs iours. La cause estoit que le sens & vertu de nostre Roy precedoit celui du Roy Edouard d'Angleterre, qui pour lors vegnoit : combien que ledit Roy Edouard estoit Prince tres-vaillant, & qui auoit gaigné en Angleterre huit ou neuf batailles, esquelles tousiours il auoit este à pie (qui estoit chose de gran-

de loüange pour luy) mais ce fut en differens & diuers iours : & ne faloit point que le sens du Roy d'Angleterre labourast ne trauaillast : car, des la bataille passée , il estoit maistre , iusques à vn autre temps. Car, incontinent qu'un discord se meut en Angleterre , en dix iours , ou moins, l'un ou l'autre est au dessus: & nos affaires de deçà , ne sont point ainsi: mais faloit, avec l'exploit de guerre, que nostre Roy entendist en plusieurs lieux de son Royaume, & aux voisins: & par especial entendoit , entre tous les autres affaires, à contenter ledict Roy d'Angleterre, ou à l'entretenir par Ambassadeurs, presens, & belles paroles : à fin qu'il ne s'empeschast point de nos affaires. Car ledict Seigneur scauoit bien qu'à toutes heures les Anglois, tant Nobles, que Commune, & gens d'Eglise, sont enclins à la guerre contre ce Royaume, tant sous couleur de leurs querelles qu'ils y pretendent, que pour l'esperance d'y gagner, pource que Dieu a permis à leurs predecesseurs gagner en ce Royaume plusieurs grandes batailles, & y auoir longue possession, tant en Normandie qu'en Guyenne, qu'ils auoient possedee trois cens cinquante ans, à l'heure que le Roy Charles septiesme la gagna le premier coup, comme i'ay dit ailleurs, auquel temps ils emportoient de grandes despoüilles & richesses en Angleterre, tant des Princes & Seigneurs de France, qu'ils auoient eus leurs prisonniers, & en grand nombre, comme des villes & places, qu'ils auoient prises audict Royaume: & esperent encores tousiours le faire ainsi : mais à grande peine leur fust aduenüe telle aduenture du temps du Roy nostre maistre : car il n'eust

*Anglois
ont possedé
en France
grandes
terres eccl.
ans.*

iamais hazardé son Royaume iusques là , que de foy mettre à pitié, ne toute la Noblesse dudit Royaume, pour les combatre, comme l'on feist à Agincourt : & y eust bien procedé plus sagement, s'il en fust venu iusques-là, comme auez peu veoir par la maniere qu'il s'en dépescha à la venuë du Roy Edoüard. Ainsi ledict Seigneur voyoit bien qu'il falloit qu'il s'entretinst avec ledict Roy d'Angleterre & avec ses prochains, lesquels il sentoit enclins à entretenir la paix, & à prendre de ses biens. Parquoy payoit bien la pension de cinquante mille escus (que il leur rendoit à Londres, & l'appelloient tribut) & à ses prochains seruiteurs en payoit quelque seize mille c'est à sçauoir au Chancelier, au Maistre des Roolles (qui pour ceste heure est Chancelier) au Grand Chambellan, Seigneur de Hastings (homme de grand sens & vertu, & de grand' autorité vers son maistre, & non sans cause : car il l'auoit bien seruy & loyaument) à Messire Thomas de Montgomeri, au Seigneur de Hauart (qui depuis a esté avec ce mauuais Roy Richard, Duc de Mosle) au Grand Escuier, appelé Maistre Chalanger, au Marquis, fils de la Royne d'Angleterre, d'un precedent mariage : & faisoit de tres-grands dons à tous ceux qui venoient deuers luy (encores qu'ils vinssent avec commissions . . ruineuses) & si les despeschoit avec si bonnes paroles, & avec si beaux presens, qu'ils s'en alloient contents de luy : & (encores qu'aucuns cognussent qu'il le feist pour gagner temps, & faire son faict en ceste guerre, qu'il auoit commencee) si le dissimu-

*Comment
le Roy en-
trenoit le
Roy d'Ang.*

*ou Mosle,
Ital. &
Mosle:
mais selon
Pel Ver.
c'est de
Northfoch
. . Varigou-
vause.*

rent-ils, pour le grand profit qu'ils en auoient.
 tous ceux-cy auoit faict des dons, outre leurs
 pensions: & suis seur que à ce Monseigneur de
 auart, outre sa pension luy donna, en moins
 de deux ans, en argent & vaisselle, vingt qua-
 tre mille escus, & au Chambellan, Seigneur
 de Hastings, donna, pour vn coup, mille
 marcs d'argent en vaisselle: & de tous ces per-
 sonnages icy, se trouuent les quittances en la
 chambre des Comptes à Paris, sauf audict
 seigneur de Hastings, Grand Chambellan
 Angleterre, & n'y en a qu'un, parquoy c'est vn
 grand office. Cedit Chambellan se fait fort
 fier à se faire pensionnaire du Roy, & i'en fus
 cause. Car ie le feis amy du Duc Charles de
 Bourgogne, pour le temps que i'estoie à luy,
 quel luy donna mil escus, l'an, de pension: &
 auoye dit au Roy, auquel il pleut semblable-
 ment que ie fusse moyen de le faire son amy &
 son seruiteur: car le temps passé luy auoit esté
 tousiours grand ennemy, du temps dudit Duc
 Charles, & encores depuis en faueur de la Da-
 moiselle de Bourgogne, & ne tenoit point à luy,
 le temps fut, qu'Angleterre ne luy aidast à faire
 guerre contre le Roy de France. Ainsi ie com-
 mençay ceste amitié par lettres, & luy donna le
 Roy deux mille escus de pension, qui estoit le
 double de ce que luy donnoit ledit Duc de Bour-
 gogne, & enuoya le Roy, par deuers luy, Pierre
 Cleret, vn sien maistre d'Hostel, & luy en chargea
 tout d'en prendre quittance, à fin que pour le
 temps aduenir, il se veist & cognust comme le
 grand Chambellan, Chancelier, Admiral,
 grand Escuyer d'Angleterre, & plusieurs autres,

*Le Sr. de
 Hastings
 grand Chā-
 bellan
 d'Angle-
 terre pen-
 sionnaire
 du Roy,
 sans quit-
 tances.*

*Pierre Cle-
 ret maistre
 d'hostel du
 Roy.*

eussent esté pensionnaires du Roy de France. Ledit Pierre Cleret estoit tressage homme, eut communication bien priuee avec ledi Chambellan, en sa chambre à Londres, seul, & apres luy auoir dit les paroles, qui estoient necessaires à dire de par le Roy, il luy presenta deux mille escus en or, car en autre espee il donnoit iamais argent à grands Seigneurs estranges.

Quand ledict Chambellan eut receu cest argent, ledict Pierre Cleret luy supplia que, pour son acquit, il luy en signast vne quittance. Ledit Chambellan en feit difficulté. Lors le requit de rechef ledict Cleret qu'il luy baillast seulement vne lettre de trois lignes, adressée au Roy; contenant comme il les auoit receus pour son acquit enuers le Roy son maistre, à fin qu'il ne pensast qu'il les eust emblez, & que ledit Seigneur estoit suspitionneux. Ledit Chambellan, voyant que ledict Cleret ne lui demandoit que raison, respondit; Monseigneur le Maistre, ce, que vous dites, est bien raisonnable, mais ce don vient du bon plaisir du Roy vostre maistre, & non pas à ma requeste: s'il vous plaist que ie le prenne, vous le mettrez icy dans ma manche, & n'en aurez autre lettre ni tesmoing: car ie ne veux point que pour moy on die que le Grand Chambellan d'Angleterre a esté pensionnaire du Roy de France, ne que mes quittances soient trouuees en sa Chambre des Comptes. Ledit Cleret se tint à tant, & luy laissa son argent, & vint faire son rapport au Roy qui fut bien courroucé qu'il n'auoit apporté la dite quittance: mais il en loua & estima ledi

hâbellan: & plus que tous les autres seruiteurs
 du Roy d'Angleterre: & depuis fut tousiours
 employé ledict Chambellan, sans bailler quittance.

En ceste maniere viuoit nostre Roy, avec ces
 Anglois, toutesfois souuent le Roy d'Angle-
 terre estoit requis & pressé, du costé de ceste
 Princesse, pour auoir aide: & tantost en-
 uoyoit ledict Roy d'Angleterre deuers le Roy,
 y faire remonstrances sur ceste matiere, &
 presser de paix, ou au moins de trefue. Car
 ceux d'Angleterre, qui se trouuoient à son con-
 cil: & par especial à leur Parlement (qui est
 comme trois Estats) où se trouuerent plusieurs
 personages, * qui venoient de loing, & n'a-
 uoient point de pension comme les autres, vou-
 loient fort, & encores la Commune, que ledict ^{* V. que}
 Roy d'Angleterre aidast à bon escient à ladicte ^{uoyoient.}
 Princesse, & disoient que, du costé de deçà,
 on les trompoit, & qu'on n'acheueroit point le
 mariage, & qu'il se pouuoit assez veoir, car, au
 traitté fait à Piquigni, entre les deux Roys, y
 auoit esté iuré, & promis que dedans l'an on de-
 uoit enuoyer querir la fille du Roy d'Angleter-
 re: (que ia auoient fait intituler Madame la
 Dauphine) & que le terme estoit passé de beau-
 coup. Quelque remonstrance que ses subiects
 luy feissent, il n'y vouloit entendre: & y auoit
 plusieurs raisons. C'estoit vn homme pesant que
 le Roy d'Angleterre, & qui fort aimoit ses
 laisirs, & n'eust sceu porter la peine de la guer-
 re de deçà, & se voyoit sailly de grandes aduer-
 sités: parquoy n'auoit cure d'y rentrer. D'au-
 trepart l'auarice de ces cinquante mille escus,
 endus tous les ans en son chasteau de Londres,

luy amollissoit le cœur. Et aussi ; quand ses Ambassadeurs venoient, on leur faisoit toute bonne chere, & leur donnoit-l'on tant de beaux dons qu'ils en partoient contens : & iamais ne leur estoit faite response, où il y eut resolution, pour tousiours gagner temps : mais leur disoit-on qu'en peu de iours le Roy enuoyeroit devers le Roy leur maistre, bons personnages, qui leur donneroient telle seureté des choses, dont il estoient en doute, qu'il s'en deuroit bien contenter.

*Divers
Ambassa-
deurs de
temps en
temps sur
un mesme
faict pour
allonger la
matiere.*

Ainsi quand ces Ambassadeurs estoient partis, trois semaines ou vn mois apres, aucunesfois plus, aucunesfois moins, qui n'estoit point pertermes en tel cas, le Roy y enuoyoit, & tousiours personnages, qui n'y auoient point esté le voyage precedent : à fin que, si ceux-là auoient fait quelque ouuerture, dont le faict ne s'en fust point ensuiuy, que les derniers n'en sceussent que respondre. Et aussi ceux, qui y estoient enuoyez, mettoient peine, par toutes voyes, de donner telle seureté en France audit Roy d'Angleterre, qu'il auoit encores patience, sans mouuoir. Car il auoit tant de desir de ce mariage, & la Royne sa femme, que cela, avec les autres raisons que i'ay dites, luy faisoient dissimuler ce que partie de ceux de son Conseil disoient estre au grand preiudice de son Royaume, & craignoit la rompure dudit mariage, pour la moquerie qui ia s'en faisoit en Angleterre, & par especial de ceux, qui y desiroient la noise different. Pour vn peu esclarcir ceste matiere le Roy, nostre maistre, n'eut iamais vouloir d'accomplir ce mariage : car les aages des deux n'e-

estoyent point sortables: car la fille, qui de present
est Royne d'Angleterre, estoit trop plus vieille
que Monseigneur le Dauphin, qui de present
est nostre roy. Ainsi sur ces dissimulations, vn
mois ou deux de terme gaigné, en allant &
venant, estoit rompre à son ennemy vne sai-
son de luy mal faire. Car sans doute, si ce n'eust
esté l'esperance dudit mariage, le roy d'Angle-
terre n'eust iamais souffert prendre les places si-
eres de lui, sans mettre peine de les defendre,
& si d'entree il se fust déclaré pour ladite Da-
moiselle de Bourgongne, le Roy, qui craignoit
mettre les choses en doute, & en aduenture,
n'eust point de tant affoibli ceste maison de
Bourgongne, comme il a. Je ne di ces choses,
principalement que pour donner à entendre
comme les choses de ce monde se sont condui-
tes, & pour s'en aider, ou pour s'en garder, ainsi
qu'il pourra seruir à ceux qui ont ces grandes
choses en main, & qui verront ces Memoires:
car, combien que leur sens soit grand, vn peu
d'aduertissement sert aucunesfois. Il est vrai
que si Mademoiselle de Bourgongne eust voulu
entendre au mariage de Monseigneur de Ri-
chiers, frere de la roine d'Angleterre, on l'eust
recouruë, avec bon nombre de gens: mais c'e-
oit vn mariage bien mal sortable, car ce n'e-
oit qu'un petit Comte: & elle la plus grande
heritiere, qui fust de son temps. Plusieurs mar-
chez se menerent entre le roi de France & le
roi d'Angleterre: & entre les autres, lui offroit
le roi, que, s'il se vouloit ioindre avec lui, &
venir en personne en vn quartier du pais de la-
dicte Damoiselle, & en prendre sa part, ledit Sei-

*Marchez
d'entre les
Rois de
France &
d'Angle-
terre con-
tre la da-
moiselle de
Bourg.*

gneur consentoit que ledict Roy d'Angleterre eust le pays de Flandres, & qu'il le tint sans hommage, & le pays de Brabant, & luy offroit le Roy conquerir à ses despens les quatre plus grosses villes de Brabant, & les mettre en la possession du Roy d'Angleterre: & d'avantage luy payer dix mille Anglois pour quatre mois, afin que plus aisément il portast les mises de l'armee: & luy prestoit grand nombre d'artillerie, & gens, & charroy, pour les conduire & s'en aider: & que le Roy d'Angleterre feist la conquête de Flandres, tandis que ledit Seigneur les empescheroit ailleurs. Le Roy d'Angleterre respondit que ces villes de Flandres estoient fortes & grandes, & un pays mal-aisé à garder, quand il auroit conquis, & semblablement celuy de Brabant: & que les Anglois n'auoient point fait ceste guerre agreable, à cause des frequentations de leurs marchandises: mais qu'il pleust au Roy (puis qu'il luy plaisoit faire part de sa conquête) luy bailler quelques places de celles, que auoit conquises en ceste Picardie (comme Boulogne, & autres) & qu'en ce faisant il se declareroit pour luy, & enuoieroit gens à son seruice en les payant. Qui estoit bien sage response.

Comment le mariage de Mademoiselle de Bourgogne fut conclu & accompli avec Maximilian, Duc d'Autriche, & depuis Empereur.

CHAP. III.

Ainsi, comme deuant ai dit, alloient & venoient ces marchez entre les deux Rois pour

our tousiours gagner temps : & s'affoiblissoit.
 ladite Damoiselle de Bourgongne, car de ce peu
 e gens de guerre, qui luy estoient demourez a-
 res la mort de son pere, plusieurs se retourne-
 ent du party du Roy : & par especial apres ce
 ue Monseigneur des Cordès, s'y fut mis : qui
 lueurs en amene avec luy. Les autres se tour-
 oient par necessité pource qu'ils estoient situez
 u demeurans pres des villes, ou dedans celles
 ui estoient ia en l'obeyssance dudit Seigneur,
 e aussi pour auoir ses biens: car nul autre Prince
 en departoit si largement à ses seruiteurs, cō-
 ie luy. D'auantage les troubles des bādes croi-
 oient chacun iour en ces grosses villes : & par
 special à Gand, * qu'il doutoit tant, comme
 eez ouy. Enuiron de ladite Damoiselle de Bour-
 ongne estoit parlé de plusieurs mariages pour
 lle, disant qu'il luy falloit mary, pour deffendre
 demourant de ce qu'elle auoit, ou espouser
 Monseigneur le Dauphin : afin que tout luy de-
 iourast en paix. Aucuns desiroient fort ce ma-
 iage : & par especial elle, auant que ces lettres
 u'auoient portées lesdicts Seigneurs d'Hym-
 ercourt & Chancelier, fussent baillees. Autres
 lleguoyent le ieune aage dudit Monseigneur
 e Dauphin qui n'estoit que de neuf ans, ou enui-
 on : & alleguoyent ce mariage promis en An-
 leterre : & taschoient pour le fils du Duc de
 Cleues. Autres pour le fils de l'Empereur Maxi-
 nilian, à present Roy des Romains. Ladite Da-
 moiselle auoit conceu haine contre le Roy : à
 cause de cesdites lettres: car il luy sembloit auoir
 esté occasion de la mort de ces deux bons per-
 sonnages dessus nommez, & de la honte qu'elle

v. que
 adonboit
 tout.

*Rigueur
des Gatois
enuers les
femmes de
la Damoi-
selle de B.
Lors elle
commença.*

recent quād publicquemēt luy furēt baillees, deuant
tant de gens, comme auez ouy : & aussi que cela
auoit donné hardiessē aux Gantois de luy auoir
chassē tant de seruiteurs, & separē la belle mere,
& le Seigneur de rauastain, d'auec elle, & mis ses
femmes en si grande crainte, qu'elles n'eussent
osē ouurir vqes lettres, sans les monstrier, ny par-
ler à l'oreille à leur maistresse. * Et se commença
à eslonger d'elle l'Euesque du Liege (qui estoit
fils de Bourbon) qui desiroit faire le mariage du-
dit Monseigneur le Dauphin : lequel eust esté
bien propice, & grand honneur pour ladite Da-
moiselle : n'eust esté la grande ieunesse dudit
Monseigneur le Dauphin : toutesfois le regard
dudit Euesque n'estoit point iusques là, si se reti-
ra au Liege; & chacun s'en deporta. Il eust esté
bien difficile de conduire ceste matiere de tou-
les deux costez: & croy que ceux, qui s'en fussent
meslez, n'y eussent point eu grand honneur en la
fin: & aussi chacun s'en teut: mais parauant se tint
quelque conseil sur ceste matiere : où se trouua
Madame de Halluin, premiere Dame de ladite
damoiselle: laquelle dit (cōme il me fut rappor-
té) qu'ils auoient besoin d'un homme, & non pas
d'un enfant: disant que sa maistresse estoit fem-
me pour porter enfant, & que de cela le pays a-
uoit besoin. A ceste opinion se tindrent. Aucuns
blasmerent ladite Dame d'auoir si franchement
parlé, autres l'en louierent, disant qu'elle ne par-
loit que de mariage, & de ce qui estoit tres-ne-
cessaire au pais. Ainsi il ne fut plus nouuelles que
de trouuer cest homme: & croy veritablement
(si le Roy eust voulu qu'elle eust espousé Mon-
seigneur d'Angoulesme qui est de present) qu'el-

*Parole de
la Dame
de Halluin
franche
pour le ma-
riage de la
damoiselle
de Bourg.*

le l'eust fait: tant desiroit demourer alliee de la
 maison de France. Or Dieu voulut dresser vn au-
 tre mariage: & par aduenture ne sçauons pas en-
 cores pourquoy: sinon que nous voyons par ce,
 qui est passé, que de ce mariage qui fut fait, sont
 sorties plusieurs grandes guerres, tant delà que
 leçà. Ce qui n'eust possible pas esté: si elle eust
 espousé mondit Seigneur d'Angoulesme: & en-
 ont porté depuis les pays de Flandres & de Bra-
 bant, & autres grandes persecutions. Le Duc de
 Cleues estoit à Gand, avec ladite Damoiselle:
 qui cherchoit fort amis leans, pour cuider con-
 uire le mariage de son fils, avec ladite Damoi-
 selle: laquelle n'i estoit pas encline: & ne lui plai-
 oient point les conditions dudit fils de Cleues:
 y a ceux qui estoient aupres d'elle. Ainsi d'au-
 uns commencerent à practiquer le mariage du
 ls del' Empereur, à present Roy des Romains:
 ont autresfois auoit esté paroles entre l'Empe-
 reur & le Duc Charles, & la chose accordée en-
 tre eux deux. Si auoit l'Empereur vne lettre faite
 de la main de ladite Damoiselle, du commande-
 ment de son pere, & vn anneau, où il y auoit vn
 diamant: & contenoit ladite lettre comment en-
 uianant le bon plaisir de son Seigneur & pere,
 elle promettoit au Duc d'Autriche, fils dudit
 Empereur, accomplir le mariage pourparlé, en
 telle maniere, & selon le bon plaisir de sondict Sei-
 gneur & pere.

L'Empereur enuoya certains Ambassadeurs
 vers ladite Damoiselle (laquelle estoit à Gād)
 , apres que lesdits Ambassadeurs furent arri-
 vez à Bruxelles, il leur fut escrit qu'ils attendis-
 sent là encores, & qu'on enuoyeroit deuers

*Dieu dis-
 pose du ma-
 riage de la
 Damoiselle
 de Bourg.
 pour chas-
 tier la
 France.*

*Ambassa-
 deurs de
 l'Empereur
 vers la Da-
 moiselle de
 B. pour le
 mariage
 d'elle & du
 fils de l'Em-
 pereur.*

eux: & cela feit le Duc de Cleues: qui ne desiroit point leur venue: & taschoit à les faire retourner mal contents. Mais lesdits Ambassadeurs (qui ja auoient intelligence en la maison de ladite Damoiselle, & par especial à la Duchesse de Bourgongne Doüairiere, laquelle estoit dehors comme auez ouy, & separee de ladite Damoiselle, à cause de ces lettres) passerent outre: car elles aduertie (comme il me fut dit) qu'ils marchassent tousiours, nonobstant leurs lettres: & aussi leur manda ce qu'ils deuroient faire, quand ils seroient à Gand, & comme ladite Damoiselle estoit bien disposée à leur intention, & plusieurs d'entour elle. A ce conseil se tindrent ces Ambassadeurs de l'Empereur: & tirerent tout droit à Gand: nonobstant ce que leur auoit esté mandé dont ledit Duc de Cleues en fut fort mal content: toutesfois il ne sçauoit point encores la volonté des Dames. Il fut aduisé en leur conseil qu'ils seroient ouys: & fut dit qu'apres qu'ils auoient dit leur creance, ladite Damoiselle leur diroit qu'ils fussent les tresbien venus, & qu'elle mettroit en conseil ce qu'ils luy auoient dit, & puis leur feroit faire response, & qu'elle ne diroit rien plus auant, & ainsi le conclut ladite Damoiselle. Les Ambassadeurs dessusdits presenterent leurs lettres, quand il leur fut ordonné: & dirent leurs creances: qui estoit comme le mariage dessusdit auoit esté conclu entre l'Empereur & le Duc de Bourgongne son pere, & du sçeu & consentement d'elle, comme apparoiſſoit par lettres escrites de sa main, lesquelles ils monstrerent & aussi le diamant, qu'ils disoient auoir esté enuoyé & donné en signe de mariage: & requeroiẽt

bien fort lesdits Ambassadeurs, de par leur maître, qu'il pleust à ladite Damoiselle accomplir ledit mariage : en ensuyuant le vouloir & promesse de sondit seigneur & pere, & la sienne aussi : & la sommerent deuant les presens de declarer si elle auoit escrit ladite lettre ou non, & si elle auoit vouloir d'entretenir sa promesse. A ces paroles, & sans demander conseil, respondit ladite Damoiselle, qu'elle auoit escrit lesdites lettres, par le vouloir & commandement de son Seigneur & pere, & enuoyé ledit diamant, & qu'elle auoüoit le contenu. Lesdits Ambassadeurs la mercierent bien fort : & retournerent ioyeux en leurs logis. Le Duc de Cleues fut fort mal content de ceste responce (qui estoit opposite de ce qui auoit esté conclu au conseil) & remonstra fort à ladite Damoiselle qu'elle auoit mal parlé. A quoy elle respondit qu'autrement elle ne pouuoit faire : & que c'estoit chose promise : & qu'elle n'y pouuoit aller à l'encontre. Veüs ces paroles, & qu'il cognut bien qu'il y en auoit plusieurs leans de l'opinion de ladite Damoiselle, se delibera peu de iours apres, de se retirer en son pays, & se deporter de la poursuite.

Ainsi se paracheua ce mariage : car ce Duc Maximilian vint à Coulongne : ou aucuns des seruiteurs de ladite Damoiselle, allerent au deuant de luy : & croy bien qu'ils le trouuerent mal fourny d'argent, & luy en porterent, car son pere estoit le plus parfaitement chiche homme, que Prince, ny autre, qui ayt esté de nostre temps. Le dessusdit fils de l'Empereur fut amené à Gand, accompagné de sept ou huiet cens cheuaux, & fut acheué ledit mariage, qui de prime face ne porta

*Responce
franche de
la Damoi-
selle de B.
sur la pro-
messe de
mariage
entre elle
& Maxi-
milian.*

*L'Empereur
Ferdinand
parfait
serment
chiche.*

point grande vtilité aux fuiets de ladite Damoiselle: car, en lieu d'apporter argent, il leur en faisoit bailler. Leur nombre n'estoit point suffisant à vne telle puissance, que celle du Roy, & ne s'accordoient pas fort leurs conditions avec celles des fuiets de ceste maison de Bourgogne, lesquels auoient vescu sous Princes riches: qui donnoient de bons estats, & tenoient honorable maison & pompeuse, tant en meuble qu'en seruice de table, & habillement pour leurs personnes & seruiteurs. Les Allemans sont fort au contraire: car ils sont rudes & viuent rudement.

Et ne fay nulle doute qu'avec grand & sage conseil, & encores y aidant la grace de Dieu, fut faicte ceste loy & ordonnance en France, que les filles n'heriteroient point audit Royaume pour eiter qu'il ne fust en la main de Prince de nation estrange & d'estrangers: car à grand' peine les François l'eussent peu souffrir: & aussi ne font point les autres nations: & à la longue, il n'est nulle Seigneurie des grandes, dont le pays à la fin ne demeure à ceux, qui sont du pays: & le pourrez veoir par France, où les Anglois ont eu grande Seigneurie depuis .v. quarante ans, & pour ceste heure n'ont plus que: Calais, & deux petits chasteaux, qui leur coustent beaucoup à garder. Le demourant ont perdu, beaucoup plus légèrement qu'ils ne le conquièrent: & en ont plus perdu en vn iour, qu'ils n'en gaignerent en vn an. Et aussi se peut cognoistre par le Royaume de Naples, & par l'Isle de Cecile, & autres prouinces, que les François ont possédées par longues années; &, pour toutes enseignes, n'y est memoire d'eux, que par les se-

*Petite di
g'essio sur
la loy Sali-
que.*

*.v. qua-
tre cens.*

*.. Lequel
Calais a e-
sté recon-
uéré pour
l'estat de
France en
l'an 1558.
comme
sous Henry
deuxième.*

LOUIS MAR

pultures de leurs predecesseurs. Et, encores que l'on endurest de Prince de pays estrange, qui seroit en petite compagnie bien reglee, & luy sage, si ne le peut l'on bien aisément faire de grand nombre de gens: car, s'il en amene avec lui grand nombre, ou qu'il en mande pour quelque occasion de guerre, ils en ont aux suiets, tant pour l'aduersité des meurs & conditions, que pour leurs violences, & qu'ils n'ont l'amour au pays, cōme ont ceux, qui en sont nez, &, sur tout, quand ils veulent auoir les Offices & Benefices, & les grands manimens du pays. Ainsi a bien à faire vn Prince d'estre bien sage, quand il va en pays estrange, pour accorder toutes ses villes: &, si vn Prince n'est doué de ceste vertu (qui sur toutes les autres viét de la grace de Dieu seulemēt) quelque autre bien que l'on en sçeuſt dire, rien n'est à estimer: &, s'il vit aage d'homme, il aura de grans troubles & affaires, & tous ceux, qui viuront sous luy: & par especial quand il viendra sur la vieillesse, & que ses hommes & seruiteurs n'y auront nulle esperance: d'amandement.

Après que fust acheué le mariage dessusdit, leurs affaires n'en amenderent de gueres: car ils estoient ieunes tous deux. Ledit Duc Maximilian n'auoit cognoissance de rien, tant pour sa ieunesse, que pour estre en pays estrange: & aussi auoit esté mal nourry, au moins pour auoir cognoissance de grandes choses: & si n'auoit point de gens pour faire de grand effect, & alloit ce pays en grand trouble, & a esté insques icy, & est apparent de faire, & est bien grand inconuenient à vn pays (comme i'ay dit) quand il

c. de
s'enrichir
d'auantage

faut qu'il quiere Seigneur de pays estrange : & fait Dieu grande grace au Royaume de France de ceste ordonnance, dont i'ay palé dessus : c'est à sçauoir que les filles n'heritent point. Vne petite maison en peut accroistre : mais à vn grand Royaume , comme cestuy-cy , n'en peut venir que tout inconuenient. Peu de iours apres ce mariage, se perdit ce pays d'Artois , au moins en le traittant. Il me suffit de ne faillir point à la substance : & , si ie faux aux termes , comme vn mois plus ou moins , les liseurs m'excusent , s'il leur plaist. Le faict du Roy amendoit tousiours (car il n'auoit nulle partie) & tousiours prenoit quelque place : s'il n'auoit quelque trefue , ou quelque ouuerture d'appointement : qui iamais ne se pouuoit accorder : car ils n'estoient point raisonnables : & pour ce leur duroit la guerre. Ce Duc Maximilian & Madamoiselle de Bourgogne eurent vn fils le premier an : c'est l'Arche duc Philippe, qui regne de present. Le second an, eurent vne fille (qui de present est nostre Royne) appellee Marguerite. Le tiers an vn fils , appelle François, au nom du Duc François de Bretagne. Le quart an elle mourut, d'vne cheute de cheual ou d'vne fieure : mais vray est que elle cheut. Aucuns disent qu'elle estoit grosse. Ce fut grand dommage pour les siens : car elle estoit tres-honnestre Dame , & liberale, & bien aimée de ses sujets : & lui portoient plus de reuerēce & de crainte qu'à son mary. Aussi elle estoit Dame du pays. Elle aymoit fort son dit mary : & estoit dame de bonne renommee. Laquelle mort aduint l'an mil quatre cēs quatre vingts deux. En haynaut le Roy tenoit la ville de Quesnoy le Comte & celle de

*L'Arche
duc Philip-
pe premier
fils de Ma-
ximilian,
& de Ma-
rie de B.*

*Loisanges
notables de
Marie de
Bourg.*

Bouchain: lesquelles il rēdit, dōt aucuns s'esbahirent: veuque il ne cherchoit nul appointemēt, & qu'il monstroit vouloir prendre le tout, sans rien laisser à ceste maison: & croy bien que, s'il eust peu tout départir & donner à son ayse, & de tous poincts la destruire, qu'il l'eust fait: mais ce qui le meut à rendre ces places en Haynaut, furent deux choses, qu'il me dit depuis. La premiere, qu'il disoit qu'il lui sembloit qu'un Roy* ayme plus places de force & de vertu en son Royaume, où il est oingt & sacré, * qu'il ne fait dehors de son Royaume, & cecy estoit hors de son royaume. L'autre raison estoit, qu'entre les Roys de France & Empereurs y a grands sermens, & confederations, de n'entreprendre rien l'un sur l'autre, & ces places (dont j'ay parlé) estoient situées en l'empire: & furent restituées l'an mil quatre cens septante sept. Pour cause semblable rendit Cambray, où la mit en main neutre, content de la perdre: & aussi ils auoient mis le Roy dedans la ville en seureté.

*Le Roy
Louys rēd
volontaire
ment ce
qui meut
de l'Empi-
re.*

** V. a plus
de force.
* V. qu'il
m'a.*

Comment le Roy Louys, par la conduite de Charles d'Amboise son Lieutenant, regaigna plusieurs villes de Bourgogne, que le Princc d'Orenge auoit reuoltees contre le Roy.

C H A P. I I I I.

EN Bourgogne se faisoit la guerre tousiours: & n'en pouuoit le Roy auoir le bout pource que les Alemans faisoient quelque peu de faueur au Princc d'Orenge, Lieutenant pour les susdits, pour son argent, non point pour la faueur du Duc Maximilian. Car iamais homme

ne se trouua pour luy audit pays : au moins pour le temps de lors, dont ie parle : mais estoiet compaignons de guerre de ceste ligue de Suiffes, qui alloient à leur aduenture : car ils ne sont point amis, ne bien vœillans de la maison d'Austriche.

*Suiffes ne
sont amis
de la mai-
son d'au-
striche.*

Bien peu de secours en eut ledit pays de Bourgongne : mais beaucoup en eust eu, s'il y eust eu du payement : & nul ne le pouuoit mieux faire que le Duc Sigismond d'Austriche, oncle dudit Duc Maximilian : qui auoit ses terres aupres, &

*Petite di-
grestio sur
l'inutilité
de quel-
ques Prin-
ces, par l'e-
xemple de
Sigismond
d'Austrie.*

par especial la Comté de Ferrette, qu'il auoit peu d'annees deuant vendue cent mille Florins de Rin au Duc Charles de Bourgongne, & puis l'auoit reprise, sans rendre l'argent : & la tient encôres auourd'hui à ce tiltre. Il n'y eut iamais en luy grand sens, ne grand honneur : & bien souuent il aduient qu'en tels amis se trouue biē peu d'ayde, & est des Princes, dont i'ay parlé ailleurs, qui ne veulent sçauoir de leurs affaires, sinon ce qu'il plaist à leurs seruiteurs leur en dire : qui sont tousiours payez à la vieillesse, comme cestui-cy dont ie fai mention. Ses seruiteurs lui ont faict tenir durant ces guerres, tel parti qu'ils ont voulu : & quasi tousiours a tenu le party du Roy nostre maistre, contre son neveu. A la fin a voulu donner son heritage, qui est bien grand, en maison estrange, & l'oster à la sienne : car il n'eut iamais nuls enfans, & si a esté marié deux fois, & en la fin, depuis trois mois en çà, par autre bande de ses seruiteurs, a transporté toute sa Seigneurie, & dés à présent, à son dit nepueu, ce Duc Maximilian, dont i'ay parlé, à present Roy des Romains : & a retenu seulement vne pension, comme la tierce partie, sans y auoir autre

autorité ne puissance, & plusieurs fois s'en est repenty, ce m'a l'on dit: & s'il n'est vray ce que l'on m'a dit, il est à croire: & telle est la fin des Princes, qui veulent viure bestialement. Et ce qui me les faict tant blasmer, c'est la grāde charge & grand office, que Dieu leur a donné en ce monde. A ceux qui sont insensez, on ne leur doit rien reprocher, jamais ceux qui ont bon sens, & sont de leurs personnes bien disposez, & n'emploient point le temps à autre chose qu'à faire les fols & à estre oyssifs, on ne les doit point plaindre, quand mal leur aduient: mais ceux, qui departent le temps, & selon leur aage, vne fois en sens: & en conseil, autresfois en festes & en plaisirs, ceux-là sont bien à loüer, & les sujets bien-heureux d'auoir tel Prince.

*Quels
Princes ne
sont à plain-
dre.*

Ceste guerre de Bourgongne dura assez longuement, pour les raisons de ces petites faueurs d'Alemans: toutefois la force du Roy leur estoit trop grande. L'argent failloit aux Bourguignōs. Gens, qui estoient es places, se tournerent par intelligence. Vn coup le Seigneur de Cran assiegea la ville de Dolle Chef de la Comté de Bourgongne. Il estoit Lieutenant pour le Roy. Il n'y auoit point grands gens dedans: & les mes-
prisoit. Aussi mal luy en prit. Car par vne saillie que firent ceux de dedans, il se trouua tres-soudainement surpris, & perdit vne partie de son artillerie & des gens quelque peu, qui luy fut hôte & charge enuers le Roy, lequel estat marry de ceste aduenture, commença d'auiser à mettre autre Gouverneur en Bourgongne, tant pour ce cas, que pour les grādes pilleries qu'il auoit faites

*le sieur de
Cran des-
mis de son
Gouverne-
ment de
Bourgogne.*

audit pays : qui, à la verité , estoient excessiues. Toutesfois, auant que d'estre desappointé de ceste charge, il eut quelque auantage fut vne bande d'Alemans & de Bourguignons. où fut pris le Seigneur de Chasteau-guyon : le plus grand Seigneur de Bourgongne. Le demeurant de ceste iournee ne fut point grande chose. I'en'en parle que par ouyr dire : mais ledit Seigneur de Cran y eut bon bruit de sa personne. Comme i'ay commencé à dire: le Roy delibera, pour les raisons dessusdites, de faire gouuerneur nouveau en Bourgongne, sans en rien toucher aux profits és bien-faicts dudit Seigneur de Cran, hors des gens-d'armes, qu'il luy osta, excepté six Hommes-d'armes, & douze Archers, que il luy laissa pour l'accompagner. Ledit Seigneur de Cran estoit homme fort gras : & , assez content s'en alla en sa maison, où il estoit bien appointé. Le Roy ordonna en son lieu messire Charles d'Amboise Seigneur de Chaumont, tres-vaillant homme : & sage, & diligent : & commença ledit Seigneur à prattiquer de vouloir retirer tous les Alemans qui luy faisoient la guerre en Bourgongne (non point tant pour s'en seruir, que pour plus aisément conquerir le reste du pays) & de les mettre en sa soulede : & enuoya deuers les Suisses, qu'il appelloit Messeigneurs des ligues : & leur offrir de grands & beaux pattis. Premièrement vingt mille Francs l'an, qu'il donnoit au profit des villes, qui sont quatre : Berne, Lucerne, Suric, & croy que Fribourg y auoit part : & leurs trois Quantons (qui sont villages enuiron leurs montagnes) Suisse, de qui ils portent tous le nom, Seleurre, & Ondrenal aussi, y auoient

Charles
d'Amboise
Sr. de
Chaumont
gouuer-
neur de
Bourgon-
gne.
Traité du
Roy avec
les Suisses

part. Item vingt mille Franes : l'an, qu'il don-
noit aux particuliers, & aux personnes dequoy
s'aydoit, & seruoit en * les marchés : & là se
fait leur Bourgeois, & aussi leur premier allié, &
en voulut lettres. A ce poinct feirent aucune
difficulté : pource que, de tout temps, le Duc
de Sauoye estoit le premier allié : toutesfois ils
consentirent à ces demandes : & aussi de bailler
au Roy six mille hommes ; continuellement en
son seruice, en les payant à 4. Florins & demy
d'Allemagne, le mois : & y a tousiours esté ce nô-
bre, iusques au trespas dudit Seigneur. Vn pau-
vre Roy n'eust sçeu faire ce tour : & le tour luy
tourna à son grand profit : & croy qu'à la fin sera
leur dommage : car ils ont tant accoustumé l'ar-
gent (dont ils auoient petite cognoissance para-
uant, & specialement de monnoye d'or) qu'ils
ont esté fort prests à se diuiser entre eux. Autre-
ment on ne leur sçauroit nuire, tant sont leurs
terres aspres & pauvres, & eux bons comba-
tans, parquoy peu de gens essayeront à leur
courre sus. Apres que ces traittés furent faicis,
& que tous les Alemans, qui estoient en Bour-
gogne, furent retirés au seruices & gages du
Roy, la puissance des Bourguignons fut de tous
poincts rompuë : & pour abreger matiere, apres
plusieurs neüues choses, faictes par le Gouver-
neur, monseigneur de Chaumont, il assiegea
Roche fort, vn chasteau pres de Dolle : où estoit
messire Claude de Vaudré : il le prit par compo-
sition : & apres il assiegea Dolle (dont son pre-
decesseur, en l'office, auoit esté leué, comme
i'ay dit & fut prise d'assaut. On dit qu'aucuns
Alemans de ces nouveaux reduits, cuiderent

*V. Ces
marchés.*

*le Roy
Bourgeois
des Suisses
Espremier
allié, de-
uant le
Duc de
Sanoys.
Suisses en
danger à
l'aduenir,
pour auoir
accoustu-
mé l'ar-
gent.*

*Dolle prise,
destruite,
bruslee.*

entrer pour la deffendre : mais en leur compagnie se mirent tant de Francs-Archers, sans entendre la malice, mais seulement pour gagner, que quand ils furent dedans, tout se prit à piller, & fut la ville bruslee & destruite. Peu de iours après ceste prise, il assiegea Auffonne, ville tres-forte : mais il y auoit bonne intelligence dedas : & escriuoit au Roy pour les offices, pour aucuns qu'il nommoit, auant que mettre le siege, ce que volontiers luy fut accordé. Combien que ie ne fusse point sur le lieu où ces choses se faisoient : si le sceu-ie par ce qu'on rapportoit au Roy, & par lettres qu'on luy escriuoit : lesquelles ie voyois souuent pour en faire les responses par le commandement du Roy. Audit Auffonne auoit peu de gens, & estoient les Chefs accordez avec ledit Gouverneur, & ainsi au bout de cinq ou six iours fut la place rendue. Ainsi ne resta plus rien à prendre en Bourgongne, que trois ou quatre Chasteaux-Rochers (comme * Len, & autres) & auoir l'obeissance de Bezançon, qui est ville Imperiale, & ne doit rien au Comte de Bourgongne, ou peu, mais pource qu'elle est enclaeue audit pays, elle complaisoit au Prince dudit pays. Ledit Gouverneur y entra pour le Roy, & puis en faillit : & lui feirent tel deuoir qu'ils auoient accoustumé de faire aux autres Princes, qui auoient possédé Bourgongne. Ainsi toute Bourgongne fut conquise, où ledit Gouverneur feit bonne diligēce, & aussi le Roy le sollicitoit fort : & craignoit que ledit Gouverneur ne voulüst auoir quelque place desobeissante audit pais, afin que l'on eust plus affaire à lui, & aussi afin que le Roy ne le renuoyast point de là, pour s'en seruir

*Auffonne
rendue au
Roy.*

V. Ion.

*Bezançon
complaisit
au Prince
du pays, e-
stant ville
Imperiale.*

ailleurs : car le pais de Bourgongne est fertile,
 & il en faisoit comme s'il eust esté sien , & ledit
 Seigneur de Cran (dont i'ay parlé) & luy, Gou-
 uerneur de Chaumont, y firent bien leurs beson-
 gnes tous deux. Vn peu demoura le pais en paix,
 sous le gouvernement dudit Seigneur de Chau-
 mont: toutesfois quelques places s'y rebellerent
 apres : comme Beaune, Verdun, & autres (&
 estoie lors present, & m'y auoit enuoyé le Roy
 avec les Pensionnaires de sa maison, & fut la pre-
 miere fois qu'il bailla Chef ausdicts Pensionnai-
 res, & depuis a accoustumé ceste façon iusques
 à ceste heure) lesquelles places furent reprises
 par le sens & conduite dudit Gouverneur, & par
 par la faute du sens de ses ennemis. A cela voit
 on la difference des hommes, qui vient de gra-
 ce de Dieu : car il donne les plus sages à la part
 qu'il veut soustenir, ou le sens de les choisir à
 celuy qui en a l'autorité, & a bien monstré &
 fait iusques icy, qu'en toutes choses il a voulu
 soustenir nos Roys, tant celuy trespaslé, nostre
 bon maistre, comme cestuy-cy : combien que
 quelquesfois leur ait donné des aduersitez. Ceux
 qui reperdirent ces places, estoient gens assez:
 combien que promptement ne se vindrét met-
 tre dedans les places, qui s'estoient ainsi rebel-
 lees pour eux : mais donnerent temps audit
 Gouverneur, de faire son amas, ce que faire ne
 deuoient, car ils sçauoient assez de son estat: veu
 l'amour que le pais leur portoit: & pource ils se
 deuoient mettre dedans Beaune qui estoit forte
 ville & si la pouuoient bien garder, & les autres
 non. Le iour que ledit Gouverneur se mit aux

*Pension-
naires du
Roy.*

*le r^e r^{ay}e
Verdun, &
met Somur
au deuant
sur un sem-
blable mot
rayé.*

champs pour aller deuant vne meschante petite Ville, appelée Verdun, bien informé de leur estat, euz y entrerent cuidans aller à Beaune, pour se mettre dedans: & estoient, tant de cheual que de pied, six cens hommes esleus, Alemans, & de la Comté de Ferrette, conduits par aucuns sages Gentils hommes de Bourgongne, dont Simon de Quinchi en estoit vn. Ils s'arrestèrent, à l'heure qu'ils pouuoient bien passer, & se mettre audit Beaune: qui n'eust point esté reprenable sur eux, si vne fois ils y fussent entré. Faute de bon conseil les fist seiourner vne nuit trop: où ils furent assiegez, & pris d'assaut: & apres fut assiegé Beaune, & tout recourré.

*Comines
suspension
de fau-
riser les
Bourgui-
gnons, s'es-
criuoie à
aucune v.*

Onques puis n'eurent vigueur les ennemis en Bourgongne. Pour lors i'estoie audit pays avec les Pensionnaires du Roy, comme i'ay dit, & le dit Seigneur m'en fit partir, pour quelque lettre qu'on luy escriuit que i'espargnoye aucuns Bourgeois de Digeon, touchant les logis des gens-d'armes. Cela, avec quelque autre petite suspicion, fut cause de m'enuoyer tressoudainement à Florence. I'obei (comme raison estoit) & parti dés que i'en lettres.

Comme le Seigneur d'Argenton durant les guerres de la conqueste de Bourgongne; fut enuoyé à Florence, & comme il receut l'hommage de la Duché de Genes du Duc de Milan, au nom du Roy.

CHAP. V.

LE different, pourquoy m'enuoyoit le Roy, estoit pour le debat de deux grandes lignées, fort renommee pour ce temps. L'une estoit celle de

celle de Medicis; l'autre celle de Pacis, lesquels
ayans le port du Pape & du Roy Ferrand de
Naples, cuidèrent faire tuer Laurens de Me-
dicis, & toute sa sequelle. Toutesfois quant à luy
ils faillirent, mais tuerent son frere Iulian de Me-
dicis en la grand'Eglise de Florence, & vn appelé
Feuguinet Noble qui se mit deuât Iuliã, & estoit
seruiteur de la maison de Medicis. Ledit Laurens
fut fort blessé, & se retira au reuestiaire de l'Egli-
se, dont les portes sont de cuiure, que son pere
auoit fait faire. Vn seruiteur, qu'il auoit fait deli-
urer de prison deux iours deuant, luy seruit biẽ
à ce besoin, & recẽt plusieurs playes pour luy.
Et fut fait ce cas à l'heure qu'on chantoit la
grand' Messe: & auoient leurs signes pour tuer
ce qui estoit ordonné, à l'heure que le Prestre,
qui chãteroit la grand' Messe diroit *Sanctus*. Il en
aduint autrement que n'entendoient ceux qui
auoient entrepris: car cuidans auoit tout gai-
né, aucuns d'entr'eux monterent au Palais,
pour cuider tuer les Seigneurs qui y estoient,
qui changent de trois mois en trois mois, &
ont quelques neuf, qui ont toute l'administrati-
on de la cité) mais les entrepreneurs dessusdicts se
rouuerent mal suivis: & estant montez les
legrez dudit Palais, quelcun leur ferma vn huis
près eux: & quand ils se trouuerent en hault,
ils ne se trouuerent que quatre ou cinq, tous es-
pouuantez: & ne sçurent que dire. Quoy voyans
ces Seigneurs qui estoient en hault, & les serui-
eurs qui estoient avec eux, regarderent par les
fenestres, & veirent l'esmeute de la ville: & ouy-
rent Messire Iacques de Pacis, & autres, em-
meny la place deuant ledict Palais: lesquels

*La suite
fait enten-
dre que ce-
ste relation
est pour les
Pacis.*

*Francis-
quin Noli
V. mieux
approchant
de France-
sco Noli,
en l'Histoi-
re Flor. It.*

grandi refra

*Iulian de
Medicis
tué à Flo-
rence.*

on Le

*Pacis es-
pouuantez,
apres a-
voir com-
mencé vn
massacre
à Flor.*

*Aichenes-
que de Pi-
se pendu à
la cage
aux croc-
sees du Pa-
lais à Flo-
rence.*

*La teste
tranchee à
vn serui-
teur du
Pape à Flo-
rence.*

*Fransquin
v.*

crioyent, *Liberta, Liberta, & Popolo, Popolo* : qui estoient mots pour cuider esmouuoir le peuple à leur party, ce que ledict peuple ne voulut faire : mais se tint quoy : & pourtant s'enfuit de ladite place ledit de Pacis & ses cōpagnons, comme confus de leur entreprise. Voyant ces choses ces maistres & Gouverneurs de la ville, dont i'ay parlé : qui estoient en ce Palais, prirent, en ceste propre instance, ces cinq ou six (qui estoient montez, ainsi que i'ay dit, mal accompagnez & mal suivis, en intention de tuer les Gouverneurs, pour pouuoir commander par la cité) lesquels ils feirent incontinent pendre & estrangler aux croisées dudit Palais : entre lesquels fut pendul' Archeuesque de Pise. Lesdits Gouverneurs voyans toute la ville se declarer pour eux, & pour le parti de Medicis, escriuirent incontinent aux passages, que l'on prist tout homme quel'on trouueroit fuyant, & qu'on le leur amenast. Ledit Messire Iacques de Pacis fut pris sur la propre heure, & vn autre de par le Pape Sixte, qui auoit charge de Gens-d'armes sous le Comte Hieronyme, lequel estoit de ceste entreprise, incontinent fut pendu ledit de Pacis, avec les autres ausdictes fenestres. L'autre seruiteur du Pape eut la teste tranchee, & plusieurs furent pris en la ville, lesquels furent tous pendus à la chaude, dont Francisque de Pacis en fut vn, & me semble qu'en tout estoient quatorze grans personnages pendus, & aucuns menus seruiteurs tuez par la ville.

Peu de iours apres ce cas adueni, i'arriuay audit lieu de Florence, de par le Roy : & ne tardai gueres, depuis que partis de Bourgongne à

y estre: car ie ne sejourney que deux ou trois iours avec Madame de Sauoye, qui estoit sœur de nostre Roy: & me fait bien bon recueil, & de là allai à Milan, où pareillement sejourney deux ou trois iours, pour leur demander des Gens d'armes, pour secourir lesdits Florentins: desquels estoient alliez pour lors. Ce que libéralement ils accorderent, tant à la requeste du Roy: que pour faire leur deuoir: & deslors fournirent trois cens Hommes d'armes: & depuis en enuoyerent encores d'autres. Et pour conclusion de ceste matiere, le Pape enuoya excommunier les Florentins, ce cas incontinent aduenue: & fait marcher l'armee, quand & quand tant de luy que du Roy de Naples. Laquelle armee estoit belle, grosse, & en grand nombre de gens de bien. Ils mirent le siege deuant à Chastellenie, pres de Senes: & la prirent, & plusieurs autres places: & fut grand' aduenture que de tous poincts lesdicts Florentins ne furent destruits: car ils auoient esté long temps sans guerre: & ne recognoissoient leur peril. Laurens de Medicis, qui estoit leur Chef en la cité, estoit jeune, & gourné de ieunes gens. On s'arrestoit fort à son opinion propre. Ils auoient peu de Chefs, & leur armee tres-petite. Pour le Pape & le Roy Ferrand estoit Chef le Duc d'Vrbain, grand & sage homme, & bon Capitaine. Aussi y estoient le Seigneur Robert d'Arimini, qui depuis a esté grand homme & le Seigneur Constantin de Pesaro, & plusieurs autres avec les deux fils dudit Roy, c'est à sçauoir, le Duc de Calabre, & le Seigneur Dom Federic, qui tous viuent encores, & grand

*Florentins
excommu-
niés par
Sixte Pa-
pe.*

*Armee de
Sixte Pa-
pe & Roy
de Naples.*

*Calestins.
Macha*

*Italiens
tiennent
meilleur
ordre de
camp, que
les Fran-
çois, mais
nō de siege.*

nombre d'autres gens de bien. Ainsi prenoient toutes les places qu'ils assiegeoient : mais non pas si promptement qu'on feroit icy : car ils ne sçauoient point si bien la maniere de prendre places, ne de les defendre ; mais de tenir vn Camp, d'y mettre bon ordre, tant aux viures qu'autres choses qui sont necessaires pour tenir les champs, ils le sçauent mieux que nous. La faueur du Roy leur feit quelque chose : mais non pas tant que i'eusse voulu, car ie n'auoye armee pour les aider : mais seulement auoye mon train. Ie demouray audit lieu de Florence, vn an, ou en leurs territoires, & bien traitté d'eux, & à leurs despens, & mieux le dernier iour que le premier : & puis le Roy me manda m'en retourner : & en passant à Milan, ie receu du Duc de Milan (qui est appellé Iehan Galeas) l'hommage de la Duché de Genes : au moins de Madame sa mere, qui me feit hommage pour luy, au nom du Roy : & de là veint vers le Roy nostre maistre, qui me feit bonne chere & bō recueil, & m'entremet de ses affaires plus que n'auoit iamais, moy couchant avec luy : combien que n'en fusse point digne, & qu'il en auoit assez d'autres plus idoines : mais il estoit si sage que l'on ne pouuoit faillir avec luy, mais qu'on luy obeist à ce qu'il commandoit, sans rien y adiouter du sien.

Iehan Galeas Duc de Milan fait hommage de la Duché de Genes au Roy par Madame sa mere.

Commines fort en la bonne grace du Roy.

Du retour de Monsieur d'Argenton d'Italie en France & de la iournee de Guinegate.

C H A P. VI.

IE trouuay vn peule Roy nostre maistre en-
 uieilly, & commençoit à se disposer à mala-
 die : toutesfois il n'y parut point si tost,
 & conduisoit toutes ces choses par grand sens,
 & encores luy duroit la guerre de Picardie, la-
 quelle il auoit tresfort à cœur, & aussi auoient ses
 aduersaires audit pays: s'ils en eussent eu le gou-
 uernement. Le Duc d'Austriche, de present Roy *Duc pour*
 des Romains, ayant pour ceste annee là les Fla- *Archiduc.*
 mans à son commandement, vint assieger The-
 roüenne & Monseigneur des Cordes, Lieute-
 nant pour le Roy en Picardie, amassa toute l'ar-
 mee que le Roy auoit audit pays, & en toutes
 les frontieres, & huit mille Francs-Archers, &
 l'alla secourir. Tantost apres que le Duc d'Au-
 striche le sentit approcher, il leua son siege, &
 luy alla au deuant, & se rencontrerent en vn
 lieu appellé Guinegate. Ledit Duc auoit grand *Guinega*
 nombre de peuple dudict pays de Flandres, ius- *te.*
 ques à vingt mille ou plus, & aussi quelque peu
 d'Allemands, & quelque trois cens Anglois : que
 meneit Messire Thomas Abrigan, Cheualier *Aurignen.*
 d'Angleterre: qui auoit serui le Duc Charles
 de Bourgogne. Les gens de cheual du Roy,
 qui estoient en plus grand nombre, de beau-
 coup que les autres, rompirent les Gens
 de cheual du Duc, & les chasserent iusques à
 Aire, & Philippe Monsieur de Rauastain, qui

les menoit. Le Duc se joignit aupres de ses Gens de pied. Le Roy auoit en ceste armee bien *vingt cens.* * onze cens hommes d'armes d'ordonnance. Tous ne chasserent point, mais Monseigneur des Cordes, qui estoit Chef, chassa, & Monseigneur de Torcy avec luy: & combien que ce fust fait vaillamment, si n'appartiét-il point aux Chefs de l'Auantgarde & Arrieregarde de chasser. Aucuns se retirerent, sous couleur d'aller garder leurs places, & les autres fuirent à bon escient. Les gens de pied dudit Duc ne fuirent point. Si en furent-ils en quelque bransle: mais ils auoient avec eux bien deux cens Gentilshommes de bonne estoffe, à pied: qui les conduisoient: & estoient de ce nôbre Monseigneur de Romont, fils de la maison de Sauoye, & le Comte de Nassau, & plusieurs autres qui encores viuent. La vertu de ceux-là feit repir bon à ce peuple. Qui fut merueille, veu qu'ils voioyent fuir les gens de Cheual. Les Franks-Archers qui estoient pour le Roy, se mirent à piller le charroy dudit Duc, & ceux qui le suiuiroient, comme viuandiers, & autres: Sur eux saillirent quelque peu de Gens de pié dudit Duc: & en tuerent quelque nombre. De la part dudit Duc il y eut plus de perte que de la nostre, & de gens pris & morts: mais le camp luy demoura: & croy bien que s'il eust eu conseil de retourner deuant Therouenne, n'eust trouué ame dedans, & autant en Arras. Il ne l'osa entreprendre. Qui fut à son dommage: mais en tel cas on n'est pas tousiours aduerti du plus necessaire: & aussi il auoit des craintes de son costé. Je ne parle de ce propos, que par ouyr dire (car ie n'y estoye

*Tournee
de Guine-
gate.*

as) mais pour continuer ma matiere, m'en a
allu dire quelque chose. I'estoye avec le Roy
quand les nouvelles luy en vindrent : & en fut
res-dolent : car il n'auoit point accoustumé de
perdre:mais estoit si heureux en tous ses faicts,
qu'il sembloit que toutes choses allassent à son
plaisir : mais aussi son sens aidoit bien à luy fai-
re venir cest heur : car il ne mettoit rien en
hazard : & ne vouloit pour rien chercher les
batailles : & ceste-cy n'estoit point aduenue par
son commandement. Il faisoit ses armées si
grosses, qu'il se trouuoit peu de gens pour les
combattre : & estoit bien garni d'artillerie, &
nieux que iamais Roy de France : & aussi es-
uyoit de soudainement prendre les places, & par
especial celles qu'il sentoit mal fermées : &
quand il les auoit : il y mettoit tant de gens &
d'artillerie, que c'estoit chose impossible de les
repandre sur luy : & s'il y auoit dedans quelque
forte place, vn Capitaine ou autre, qui eust pou-
uoir de la bailler pour argent, & qu'il voulsist
practiquer avec luy, il pouuoit estre seur qu'il
auoit trouué marchand : & ne l'eust-on sceu es-
pouuanter à luy demander grande somme, car
liberalement l'accordoit. Il eut effroy de prime-
face de ceste bataille, cuidant qu'on ne luy eust
dit la verité, & qu'elle fust de tous poincts per-
due (car il sçauoit bien, si elle eust esté perdue,
qu'il auoit perdu tout ce qu'il auoit conquis
sur ceste maison de Bourgongne, & en ces
marchez-là, & le demourant en grand hazard)
toutesfois quand il sçeut la verité, il eut patien-
ce, & delibera d'y donner ordre, en faço qu'on
n'entreprédroit plus telles choses, sans son sceu,

V. fournies

*Le Roi L.
marchand
tout prest à
qui vouloit
traiter a-
uec luy.*

& fut content de Monseigneur des Cordes. De ceste heure là, le Roy delibera de traiter paix avec le Duc d'Austriche: mais qu'il la peust faire de tous poincts à son auantage, & qu'en la faisant il bridast si bien ledict Duc par le moyen de ses suiets propres (qu'il cognoissoit enclins à ce qu'il cherchoit) qu'il n'eust iamais pouuoir de luy mal faire. Aussi desiroit de tout son cœur, de pouuoir mettre vne grande police au Royaume, & principalement sur la longueur des procès: & en ce passage vinst brider ceste Cour de Parlement: non point diminuant leur nombre, ne leur autorité: mais il auoit à contre-cœur plusieurs choses, dōt il la hayoit. Aussi desiroit fort qu'en ce Royaume on vlast d'une coustume d'un poix, d'une mesure, & que toutes les coustumes fussent mises en François, en un beau liure, pour euitier la cautelle & la pillerie des Aduocats, qui est si grande en ce Royaume, que nulle autre n'est semblable: & les Nobles d'iceluy la doyuent bien cognoistre, & si Dieu luy eust donné la grace de viure encor cinq ou six ans, sans estre trop pressé de maladie, il eust fait beaucoup de bien à sondict Royaume: Aussi l'auoit-il fort oppressé: & plus que iamais Roy ne feit: mais par autorité & remonstrances, l'on ne luy a sceu faire le soulager: & falloit qu'il vint de luy: comme lors eust fait: si Dieu l'eust voulu preseruer de maladie: & pource fait bon bien faire tandis qu'on a le loisir, & que Dieu donne santé & entendement aux hommes.

L'appointement que le Roy desiroit faire avec le Duc d'Austriche & sa femme, & leur pays, c'estoit par la main des Gandois, de

*Desir du
Roy sur ses
derniers
iours pour
la police du
Royaume.*

*Pillerie des
Aduocats
en France.*

*Le Roy L.
ne pouuoit
estre induit
par auto-
rité de re-
monstran-
ces.*

traitter le mariage de Monseigneur le Dauphin son fils, à present Roy, avec la fille desdicts Duc & Duchesse: & que par ce moyen luy laissassent les Comtez de Bourgongne, Auxerrois, Masconnois, & Charolois, & il leur rendroit Artois, retenant la cité d'Arras en l'estat qu'il l'auoit mise: car, de la ville ce n'estoit plus rien, veu la closture de la cité: car auant que le Roy print Arras, la ville cloyoit contre la cité: & y auoit grands fossez, & grandes murailles entre-deux. Ainsi la Cité estoit bien close, & tenuë du Roy par l'Euesque: & en cela, le Roy auoit fait au contraire des Seigneurs de ceste maison de Bourgongne: car ils ont tousiours, au moins depuis cent ans en ça, fait Euesque tel qu'il leur a pleu, & aussi Capitaine de la ville; & le Roy feit l'opposite, pour augmenter son autorité, & feit abbattre lesdictes murailles, & les faire à rebours: car pour ceste heure derniere, la cité cloyoit contre la ville, à grands fossez entre les deux: & par ainsi ne donnoit rien: car la ville aujourd'huy faut qu'elle obeisse à la Cité. De la Duché de Bourgongne & de la Comté de Boulongne, & des villes assises & situees sur la riuiera de Somme, des Chastellenies de Peronne, Roye, & Mondidier, ne faisoient aucune mention: & se memoient ces marchez, & y prestoient ceux de Gand l'oreille; & estoient fort rudes audit Duc & à la Duchesse sa femme, & aucunes autres des grandes villes de Flandres & Brabant, qui estoient assez enclines à la volonté des Gandois, & par especial Bruxelles, qui festoit tant riche que merueilles: veu que les Ducs Philip-

pes & Charles de Bourgogne y auoyent tousiours demouré, & à present s'y tenoyent encores ledict Duc & Duchesse d'Austriche, mais les aises & plaisirs qu'ils auoient euz sous leurs Seigneurs dessusdicts, leur auoient faict mesconnoistre Dieu, & leur Seigneur, & cherchoient quelque male fortune qui depuis leur est aduenüë, comme auez veu.

Comment le Roy Louis par vne maladie perdit aucunement le sens, & la parole, guerissant & rencheât par diuerses fois, & comme il se maintenoit en son chasteau du Plessis lez Tours.

C H A P. VII.

D Vrant ce temps (qui est l'an quatre cens
1479. soixante & dix-neuf, au mois de Mars)
estoyent trefues entre les dessusdicts, & vouloit
le Roy paix, & par especial en ce quartier dont
ie parle, mais que ce fust de tous poincts à son
auantage, comme i'ay dit, il commēçoit à vieil-
lir, & deuenoit malade: & luy estant aux Forges
pres Chinon, à son disner, luy vint comme vne
perclusion, & perdit la parole. Il fut leué de ta-
ble, & tenu pres du feu, & les fenestres closes: &
combien qu'il s'en voulist approcher, l'on l'en-
garda, aucuns qui pensoient bien faire. Ce fut
1480. l'an mil quatre cens quatre vingts, au mois de
Mars, que ceste maladie luy print. Il perdit de
tous poincts la parole, & toute cognoissance &
memoire. Sur l'heure y arriuaistes vous, Mon-
seigneur de Vienne, qui pour lors estiez son
Medecin, & à la mesme heure, luy fut baillé vn

*Le Roy L.
fut prins
de perclu-
sion.*

clistere : & feistes ouurir les fenestres , & incontinent quelque peu de parole luy reuint , & du sens , & monta à cheual , & retourna aux Forges : car ce mal luy prit en vne petite parroisse , à vn quart de lieuë de là , où il estoit allé ouyr Messe. Ledit Seigneur fut bien pensé : & faisoit des signes de ce qu'il vouloit dire. Entre les autres choses demanda l'Official de Tours : pour se confesser : & fait signe que l'on me mandast , car i'estoye allé à Argenton , qui est à quelques dix lieuës de là. Quand i'arriuy , ie le trouuay à table , & estoit avec luy maistre Adam Fumee , qui autresfois auoit esté Medecin du feu Roy Charles , & à ceste heure dont ie parle , Maistre des Requestes , & vn autre Medecin appellé Maistre Claude , Il entendoit peu de ce qu'on lui disoit : mais de douleurs il n'en sentoit point. Il me fit signe que ie couchasse en sa chambre , Il ne formoit gueres de mots. Ie le serui par l'espace de quinze iours à la table , & à l'entour de sa personne , comme Valet de chambre , que ie tenoye à grand honneur , & y estoye bien tenu. Au bout de deux iours la parole luy commençà à reuenir & le sens : & luy sembloit que personne ne l'entendoit si bien que moy : parquoi vouloit que ie fusse tousiours auprès de luy : & se confessa audit Official , moy present : car autrement ne se fussent entendus. Il n'auoit point grandes paroles à dire : car il s'estoit confessé peu de iours auparauant , pource que quand les Rois de France veulent toucher les malades des escrouelles , ils se cōfessent , & n'y failloit vne fois la sepmaine. Si les autres ne le font ils font tres-mal , car tousiours y a largement malades.

*M. Adam
Fumee Me
decin, puis
Maistre
des Reque
stes.*

*Communes
truchemē
du Roy
vers son
Confesseur*

Comme il se trouua vn peu amendé, il com-
 mença à s'enquerir qui estoient ceux qui l'auoi-
 ent tenu par force, qu'il n'estoit allé à la fenestre.
 Il luy fut dit, & incontinent les chassa tous de
 sa maison. A aucuns osta leurs Offices, & on-
 ques puis ne les veit. Aux autres (comme mon-
 seigneur de Segre, & Gilbert de Grassay, Sei-
 gneur de Champeroux) n'osta rien, mais les en-
 uoya. Beaucoup furent esbahys de ceste fantasie,
 blasmans ce cas, disans qu'ils l'auoyent fait
 pour le mieux, & disoyent vray : mais les imagi-
 nations des Princes sont diuerses, & ne le peu-
 uent pas entendre tous ceux qui se meslent d'en
 parler. Il n'estoit adonques rien, dont il eust si
 grande crainte, que de perdre son autorité
 (qu'il auoit bien grande) & qu'on luy desobeist,
 en quelque chose que ce fust. D'autre part, il
 sçauoit que le Roy Charles, son pere (quand il
 prit la maladie, dont il mourut) entra en imagi-
 natiō qu'on le vouloit empoisonner, à la requē-
 ste de son fils, & s'y mit si auant, qu'il ne vouloit
 plus manger, parquoy fut aduisé par le conseil
 des Medecins, & ses plus grans & especiaux ser-
 uiteurs, qu'on le feroit manger par force, & ain-
 si fut fait, par grande deliberation & ordre des
 personnes qui le seruoient, & luy fut mis des
 coulis en la bouche : &, peu apres ceste force,
 ledit Roy Charles mourut. Ledit Roy Louys
 (qui de tout temps auoit beaucoup blasmé ceste
 façon) prit tant à cœur, que merueilles, ce
 qu'ainsi on l'auoit tenu par force : & en faisoit
 plus de semblant, qu'il ne luy tenoit au cœur :
 car le principal faict de ceste matiere, qui le
 mouuoit, estoit de paour qu'on ne le voulsist

*Le Roy
 Charles.
 forcé de pre-
 dre nourri-
 ture, meurt
 tost apres.*

V. fond.

maistriser en toutes autres choses (comme en expedition de ses affaires & matieres) sous cou- leur de dire que son sens ne fust pas bon, ne suffisant.

Quand il eut fait cest espouuantement à ceux dont i'ay parlé , il s'enquit de l'expedition du conseil, & des despeschés qu'on auoit faites en dix ou douze iours qu'il auoit esté malade (dont auoyent la charge l'Euesque d'Alby , son frere le Gouverneur de Bourgogne , le Mareschal de Gié , & le Seigneur du Lude : car ceux là se trouuerent à l'heure que son mal luy prit , & estoient tous logés sous sa chambre , en deux petites chambrettes qu'il y auoit) & voulut veoir les lettres & choses qui estoient arriuéés & qui arriuoyent chacune heure. L'on luy monstroït les principales, & ie les luy lysoye. Il faisoit semblât de les entendre, & les prenoit en sa main : & faisoit semblât de les lire, cōbien qu'il n'eust aucune cognoissance, & disoit quelque mot, ou faisoit signe des responses qu'il vouloit qui fussent faites. Nous faisions peu d'expeditiōs, en attendant la fin de ceste maladie : car il estoit maître avec lequel il falloït charier droit. Ceste maladie luy dura bien enuiron quinze iours, & se reuint, quant au sens & à la parole, en son premier estat : mais il demoura tresfoible, & en grand suspicion de retourner en cest inconuenient : car naturellement il estoit enclin à ne vouloir bien souuent croire le conseil des Medecins. Tantoït apres qu'il se trouua bien à son ayse il deliura le Cardinal Ballue qu'il auoit tenu quatorze ans prisonnier & maintesfois en auoit esté requis du siege Apostolique, & d'ailleurs

*Cardinal
Ballue deli-
uré apres
auoir esté
xiiij. ans
en prison.*

& à la fin s'en feit absoudre d'un Bref-enuoyé par nostre Saint pere le Pape à sa requeste.

Quand ce mal luy prit, ceux, qui pour lors estoient avec luy, le tindrent pour mort, & ordonnerent plusieurs mandemens, pour rompre une tres-excessiue taille, & cruelle, que nouvellement il auoit mise sus, par le conseil de Monseigneur des Cordes son Lieutenant en Picardie, pour entretenir dix mille Hommes de pié, tousiours prests, & deux mil cinq cens

v.vingt-

les Gens
du Camp
establis par
Louis vi.

Pionniers : & s'appeloient ces gens icy les Gens du camp, & ordonna avec eux quinze cens Hommes d'armes de son Ordonnance pour descendre à pié quand il seroit besoing, & si feit faire grand nombre de chariots, pour les clore & des tentes & paillons, & prenoit cecy sur l'ost du Duc de Bourgogne, & coustait ce camp quinze cens mille francs l'an. Quand il fut prest, il l'alla veoir mettre aupres du Pont de l'Arche en Normandie, en une vallée qui y est : & y estoient les six mille Suisses, dont j'ay parlé, & ce nombre iamais que ceste fois, ne le veit, & s'en retourna à Tours : auquel lieu luy reprint sa maladie, & derechef perdit la parole : & fut quelques deux heures qu'on cuidoit qu'il fust mort & estoit en une galerie couché sur une pail- lace, & plusieurs avec luy. Monseigneur du Bouchage, & moy le vouasmes à Monseigneur

Le Roy L. S.
couché sur
une pail-
le, tenu
pour mort.

1481.

S. Claude : & tous les autres, qui estoient prests, le vouerent aussi. Incontinent la parole luy reuint &, sur l'heure, alla par la maison tres-foible, & fut ceste seconde maladie : l'an mil quatre cens quatre vingts & un, & alloit par pays comme deuant, & alla chez moy à Ar-

genton (là où il fut vn mois, fort malade) & de là à Tours; où semblablement fut malade: & là entreprint le voyage de sainct Claude: où il auoit esté voué, comme vous auez ouy. Il m'auoit enuoyé en Sauoye (comme il partit de Tours) contre les Seigneurs de la Chambre, de Miolen, & de Bresse (combien qu'il leur aydoit en secret) pource qu'ils auoyent pris le Seigneur de Lins du Dauphiné: lequel il auoit mis au gouvernement du Duc Philebert son neveu. Si enuoya apres moy grande force de Gens-d'armes: que ie menoye à Mascon, contre Monseigneur de Bresse: toutesfois luy & moy nous accordames en secret: & prit ledit Seigneur de la Chambre, couché avec ledit Duc, à Thurin en Piedmont (où il estoit) & me le fait sçauoir: & incontinent ie fey retirer les Gens-d'armes: car il amena le Duc de Sauoye à Grenoble: où Monseigneur le Marechal de Bourgongne, Marquis de Rothelin, & moy, l'allasmes recevoir. Le Roy me manda venir vers luy à Beaujeu en Beauuolais: & fut esbahy de le veoir tant maigre & defait: & m'esbayssoye comment il pouuoit aller par pays: mais son grand cœur le portoit. Audit lieu de Beauieu il receut lettres comme la Duchesse d'Austriche estoit morte d'une cheute de cheual: car elle cheua choit vn Hobin ardent: il la fait cheoir: & tomba sur vne grande piece de bois. Aucuns disent que ce ne fut point de la chaute, mais d'une fieure. Quoy qu'il en soit elle mourut peu de iours apres, ladite cheute: & fut vn tres-grand dommage, pour ses subiects & amis: car onques-puis

v. Louis
au Dau-
phiné.

où, & fut
pris.

Mort de
la Duchesse
d'Austrie

1482. le
Roy Louis
joyeux de
la mort de
Marie de
Bourgon.
tout mala-
de qu'il
estoit.

n'eurent bien ne paix : car ce peuple de Gand, & autres villes, l'auoyent en plus grande reuerence que le mary : à cause qu'elle estoit Dame du pays. Si aduint ce cas l'an mil quatre cens quatre vingts & deux. Ledit Seigneur me compta ces nouuelles, & en tref-grande joye : & aussi que les deux enfans estoient demourez en la garde des Gandois, lesquels il cognoissoit enclins à noïse & diuision, contre ceste maison de Bourgongne : & luy sembloit auoir trouué l'heure : pource que le Duc d'Austriche estoit ieune, & pource qu'il auoit encores pere, & guerre par tout, & estoit estranger, & mal acompaigné : car l'Empereur son pere estoit trop extrêmement chiche : parquoy auoit moins de faueur à la verité.

Guillaume
Riue pen-
sionnaire
de Gand.

V. Coupin
Noble.

Des l'heure commença le Roy à pratiquer les Gouverneurs de Gand, par Monseigneur des Cordes & traitter le mariage de Monseigneur le dauphin, & de la fille dudit Duc, à present nostre Royne, appelée Marguerite : & s'adressoit ou du tout à vn pensionnaire de la dite ville, appelé Guillaume Riue, sage homme, & malicieux, & à vn autre appelé Coupe Nole, Clerc des Escheuins qui estoit chauffetier, ayant grand credit avec le peuple. Car gens de telle taille l'y ont, quand ils sont ainsi desordonnez. Le Roy s'en retourna à Tours, & s'enfermoit fort, & tant que peu de gens le voyoyent, & entra en merueilleuse suspicion de tout le monde, & auoit paour que l'on ne luy ostant ou diminuast son autorité. Il recula de luy toutes gens qu'il auoit accoustumez, & les plus prochains qu'il eut iamais, sans rien leur

oster,

oster, & allerent en leurs Offices & charges, ou en leurs maisons : mais cecy ne dura gueres : car il ne vesquit point longuement. Et feit de bien estranges choses, dont ceux qui le voyoient, le tenoient à estre desnüé de sens : mais ils ne le cognoissoient point.

Quant à estre suspicieux, tous les grands Princes le sont, & par especial les sages, & ceux qui ont eü beaucoup d'ennemis, & offensé plusieurs, comme auoit faict cestui-cy. Et d'auantage, il scauoit n'estre point aymé des grands personnages de ce Royaume, ne de beaucoup de menus : & si auoit plus chargé le peuple que iamaïs Roy ne feit : combien qu'il eust bon vouloir de le descharger, comme i'ay dit ailleurs : mais il deuoit cōmencer plustost. Le Roy Charles septiesme fut le premier, par le moyē de plusieurs sages & bons Cheualiers, qu'il auoit, qui luy auoient aidé & seruy à sa conqueste de Normandie & de Guienne, que les Anglois tenoiēt : qui gaigna & commença ce poinct, qui est d'imposition de tailles à son plaisir, sans le consentement des Estats de son Royaume : & pour lors y auoit grandes matieres, tant pour garnir les pays conquis, que pour departir les gens des compagnies, qui pilloient le Royaume : & à cecy se consentirent les Seigneurs de France, pour certaines pensions qui leur furent promises, pour les deniers qu'on leueroit en leurs terres. Si ce Roy eust tousiours vescu, & ceux qui lors estoient avec luy en son conseil, il eust fort auancé à ceste heure : mais à ce qui est aduenü depuis & aduiendra, il chargea fort son ame & celle de ses successeurs, & mit vne cruelle playe sur son

Princes sages suspicieux.

Charles 7. le premier a leuē tailles à son plaisir.

Police loua-
ble de la
gendarme-
rie sous
Charles 7.

Royaume (qui longuement seignera) & vne terrible bande des Gensd'armes de soulde, qu'il institua à la guise des Seigneurs d'Italie. Ledit Roy Charles septiesme leuoit, à l'heure de son trespas, dixhuiet cens mille Francs, en toutes choses, sur son Royaume: & tenoit enuiron dix sept cens homes d'Ordonnance pour tous gens-d'armes: & ceux-là en bonne iustice, à la garde des Prouinces de son Royaume, qui de long temps auant sa mort ne cheuaucherent par le Royaume, qui estoit grand repos au peuple, & à l'heure du trespas du Roy nostre maistre, il le noit quarante sept cens mille Francs: d'Hommes d'armes quelque quatre ou cinq mille. Gens de pied, tant pour le cāp, que des Mortes payes, plus de vingt-cinq mille. Ainsi ne se faut esbahir si l'auoit plusieurs pensees & imaginations, & s'il pensoit de n'estre point bien voulu: & s'il auoit grande paour en ceste chose, aussi auoit-il esperance en plusieurs de ceux qu'il auoit nourris, & qui auoient bien receus de luy. De ceux-là eust-il trouué vn grand nombre, qui pour la mort ne luy eussent faict faute. En premier lieu il n'entroit gueres de gens dedans le Pleffis du parc (qui estoit le lieu où il se tenoit) exceptez gens domestiques, & les Archers, dōt auoit quatre cens, qui en bon nombre faisoient tous les iours le guet, & se pourmenoiēt par la place, & gardoient la porte. Nul Seigneur, ne n'y entroit gueres compagnie de grands Seigneurs. Nul n'y venoit que Monseigneur de Beauieu, de present Duc de Bourbon, qui estoit son gendre. Tout à l'enuiron de la place dudit Pleffis, il fit faire vn treillis de gros barreaux de fer, & planter dedans

la muraille des broches de fer, ayans plusieurs =
pointes, comme à l'entree par où l'on eust peu *Treillis de*
entrer aux fossez dudit Plessis. Aussi feit faire *fer ordon-*
quatre moineaux de fer bien espez, & lieu par *né par le*
où l'on voit bien tirer à son ayse: & estoit chose *Roy Loys*
bien triomphante: & cousta plus de vingt-mil- *xj. pour sa*
le Francs, & à la fin mit quarante Arbalestiers, *seuresé.*
qui iour & nuict estoient en ces fossez, & a-
uoient commission de tirer à tout homme qui
en approcheroit de nuict, iusques à ce que la
porte fut ouuerte le matin. Il luy sembloit
d'auantage que ses suiets estoient vn peu cha-
touilleux à entreprendre autorité quand ils
verroient le temps. A la verité, il fut quel-
ques paroles, entre aucuns, d'entrer en ce Ples-
sis, & despescher les choses, selon leur aduis:
pource que riens ne se despechoit. Mais ils ne
l'oserent entreprendre: dont ils feirent sage-
ment, car il y auoit bien pourueu. Il changeoit
souuent de Valet de chambre & de toutes
autres gens, disant que la nature s'esioit en
choses nouuelles pour compagnie tenoit leans
vn homme ou deux, aupres de luy, gens de pe-
tite condition & assez mal renommez, & à qui
il pouoit bien sembler (s'ils estoient sages) ,
qu'incontinent qu'il seroit mort, ils seroient
desapointez de toutes choses, pour le mieux
qui leur en sçauroit venir, & ainsi en aduint.
Ceux-là ne luy rapportoient riens de quelque
chose qu'on luy escriuist ne mandast, de quel-
ques affaires que ce fust, s'il ne touchoit à
la preservation de l'estat & defense du Ro-
yaume: car de toute autre chose il ne lui chaloit,
que d'estre en trefue, ou en paix, avec chacun

Gages ex- 466
cessifs du
Medecin
du Roy
Loys.

VI. Liure des Memoires

A son Medecin donnoit tous les mois dix mille
escus: qui en cinq mois en receut cinquante qua-
tre mille. De terres donna grande quantité aux
Eglises: mais ce don de terres n'a point tenu:
aussi en auoient-ils trop.

*Comment le Roy feit venir à Tours vn nommé le Saint
homme de Calabre, pensant qu'il le deust guerir, &
des choses estranges que faisoit ledit Roy, pour gar-
der son authorité durant sa maladie.*

C H A P. V I I I.

Frere Ro-
bert le Roy
de Calabre
reputé ho-
me de sain-
teté requis
par le Roy,
cōme pour
lui alonger
la vie.

V. fait vn
pont apres
(Robert)
puis met le
Roy l'ape-
loit.

Entre les hommes renommez de deuotion,
il enuoya querir vn homme en Calabre ap-
pellé frere Robert * le Roy: on l'appelloit le
Saint homme, pour sa sainte vie, en l'honneur
duquel le Roy de present feit faire vn Monaste-
re au Pleffis du Parc, en recompense de la Cha-
pelle pres du Pleffis, au bout du pont. Ledit her-
mite, en l'aage de douze ans, s'estoit mis sous vn
roc, où il estoit demouré iusques en l'aage de
quarante & trois ans, ou enuiron, & iusques à
l'heure que le Roy l'enuoya querir par vn sien
Maistre d'hostel, en la compagnie du Prince de
Tarente, fils du Roy de Naples: car il ne vou-
loit partir sans congé du Pape ne de son Roy:
qui estoit sens à ceste simple personne, lequel a-
uoit faict deux Eglises au lieu où il demouroit.
Iamais n'auoit mangé, ni n'a encore depuis qu'il
se mit en ceste estroite vie, ne chair ne poisson,
n'œuf, ne laitage, ne nulle graisse, & ne pense
iamais auoir veu homme viuant de si sainte vie
n'où il semblast mieux que le saint Esprit par-

est par sa bouche : car il n'estoit Clerc ne let-
tré, & n'apprist iamais rien : vray est que sa lan-
gue Italienne lui aidait bien à se faire esmerveil-
ler. Ledit Hermite passa par Naples, honoré &
visité, autant qu'un grand Legat Apostolique,
tant du Roy, que de ses enfans, & parloit avec
eux, comme un homme nourri en Cour. De là
passa par Rome, & fut visité de tous les Cardi-
naux, & eut audiéce avec le Pape, par trois fois,
seul à seul, & fut assis aupres de lui, en belle chai-
re, l'espace de trois ou quatre heures, à chacune
fois (qui estoit grand honneur à un si petit hom-
me) respondant si sagement que chacun s'en es-
bahissoit : & lui accorde nostre Saint Pere fai-
re un Ordre appellé les Hermites S. François.
De là vint deuers le Roy, honoré come si c'eust
esté le Pape, se mettant à genoux deuant lui, afin
qu'il lui pleust faire allonger sa vie. Il respondit
ce que sage homme deuoit respondre. Je l'ay
maintesfois ouy parler deuant le Roy, qui est de
present (où estoient tous les Grands du Royau-
me) & encores puis deux mois, mais il sembloit
qu'il fust inspiré de Dieu, es choses qu'il disoit :
& remonstroit : car autrement n'eust sceu par-
ler des choses dont il parloit. Il est encores viu,
parquoy se pourroit bien changer, ou en mieux,
ou en pis, & pource m'en tay. Aucuns se moc-
quoient de la venue de cest Hermite, qu'ils ap-
peloient Saint homme, mais ils n'estoient point
informez des pensees de ce sage Roy, qui n'a-
uoient veu les choses qui lui donnoient l'occa-
sion.

*Le Roy
Loys se met
à genoux
deuant son
frere Robert
le Roy*

Nostre Roy qui estoit en ce Plessis, avec peu
de gens, sauf Archers, & en ses suspitions, dont

i'ay parlé : mais il y auoit pourueu : car il ne lais-
 soit nuls hommes, ny en la ville, ny aux champs,
 dont il eust suspicion : mais par Archers les en
 faisoit aller & conduire. De nulle matiere ne
 luy parloit-on, que des grandes, qui luy tou-
 choient. Il sembloit micux, à le voir, homme
 mort, que vis, tant estoit maigre, ne iamais hom-
 me ne l'eust creu. Il se vestoit richement, & plus
 que iamais n'auoit accoustumé parauant, & ne
 portoit que robbes de satin cramoisi fourrees de
 bonnes Martres : & en donnoit à ceux qu'il vou-
 loit, sans demander : car nul ne luy eust osé de-
 mander, ne parler de rien. Il faisoit d'aspres pu-
 nitions, pour estre craint, & de paour de perdre
 obeissance : car ainsi le me dit luy-mesme. * Il
 renuoyoit Officiers, & cassoit Gens-d'armes,
 rongnoit pensions, & ostoit de tous poincts, &
 me dit, peu de iours auant sa mort, qu'il passoit
 temps à faire & desfaire gens, & faisoit plus par-
 ler de luy parmy le Royaume, que ne fait iamais
 Roy, & le faisoit de paour qu'on ne le tint pour
 mort : car (comme i'ay dict) peu le voyoient :
 mais quand on oyoit parler des œuures qu'il fai-
 soit, chacun en auoit doute, & ne pouuoit l'on à
 peine croire qu'il fust malade. Hors le Royau-
 me auoit gés de tous costez, en Angleterre pour
 entretenir ce mariage, & les payoit bien de ce
 qu'il leur deuoit, tant le Roy Edouard, que les
 particuliers. En Espagne auoit toutes paroles
 d'amitié & d'entretènement, & presens par tout
 de tous costez. Il faisoit acheter vn bon cheual
 (quoi qu'il coustast) ou vne bonne mule : mais
 c'estoit en pais, où il vouloit qu'on le cuidast

Louis xi.
 se faisoit
 craindre
 sur tout
 sur sa fin.
 * V. remue-
 ait offices.

sain : car ce n'estoit point en ce Royaume. Des
 chiens, en enuoyoit querir par tout, en Espa-
 gne des Affans, de petites Leuquettes en Bretai-
 gne, Leurier, Espaigneux (& les achetoit cher)
 en Valence de petits Chiens velus, qu'il faisoit
 acheter plus cher, que les gens ne les vouloient
 vendre. En Cecile enuoyoit querir quelque
 mule, & specialement à quelque officier du
 pays, & la payoit au double. A Naples des
 cheuaux, & bestes estranges de tous costez,
 comme en Barbarie vne espece de petits
 Lyons, qui ne sont point plus grands que pe-
 tits Renards, & les appelloit .: Adits. Au *V Aduz.*
 pays de Dannemarq & de Suede enuoya que-
 rir deux sortes de bestes, les vnes s'appelloient
 .: Helles, & sont de corsage de Cerfs,
 grandes comme Buffles, les cornes courtes &
 grosses. Les autres s'appellent Rengiers, qui
 sont de corsage & couleur de Daims, sauf
 qu'elles ont les cornes beaucoup plus gran-
 des .: car i'ay veu Rengier porter cors pour
 auoir six cornes. De chacune de ces bestes
 donna aux marchans quatre mille cinq cens Flo-
 rins d'Alemaigne. Quand toutes ces choses luy
 estoient amenees, il n'en tenoit compte, & la
 pluspart des fois ne parloit point à ceux qui les
 amenoient. Et en effect, il faisoit tant de choses
 semblables, qu'il estoit plus craint, tant de ses
 voisins, que de ses suiets, qu'il n'auoit iamais
 esté: car aussi c'estoit la fin, & le faisoit pour
 ceste cause. *on Esté.*

Ceci est
 rayé au v.
 iniques à
 Du cha li
 une. &c.

Comment le mariage de Monseigneur le Dauphin fut conclu avec Marguerite de Flandres, & elle amenee en France, dont le Roy Edouard d'Angleterre mourut de desplaisir.

C H A P. IX.

P Our retourner au principal de nostre propos, à la principale conclusion de tous ces Memoires, & de tous ces affaires des personages qui viuoient du temps qu'ils ont esté faits faut venir à la conclusion du traicté du mariage fait entre le Roy, qui est de present, lors Monseigneur le Dauphin, & de la fille du Duc & Duchesse d'Austriche, par la main des Gantois, au grand desplaisir du Roy Edouard d'Angleterre, qui lors se tint pour deceu de l'esperance du mariage de sa fille avec Monseigneur le Dauphin, de present Roy de France, lequel mariage lui & la Roine sa femme auoient plus desiré que toutes les choses du monde: & iamais n'auoient voulu croire homme qui les eust aduertis au contraire, fussent leurs sujets, ou autres: car le conseil d'Angleterre lui auoit fait plusieurs remonstrances, à l'heure que le Roy conqueroit la Picardie, qui estoit pres de Calais: & lui disoit, que quand il auroit conquis cela, qu'il pourroit bien essayer de conquerir Calais & Guines. Autant lui en disoient les Ambassadeurs, qui continuellemēt estoient en Angleterre de par les Ducs & Duchesse d'Austriche, & les Bretons, & autres: & de tout ce il n'en croyoit rien, dont lui en prit bien mal: mais ie croy bien qu'il ne lui procedoit point tant d'ignorance, comme il fai-

soit d'auarice, & pour ne perdre point cinquante mille escus, que le Roy lui donnoit, ni aussi ne laisser ses aises ne ses plaisirs, où il estoit fort adonné. Sur le faict de ce mariage se tint vne iournee à Halors en Flandres: & y estoit le Duc d'Austriche, à present Roy des Romains, & gens deputez par les trois Estats de Flandres, Brabant, & autres terres, appartenans audit Duc, & à ses enfans. Là firent les Gantois plusieurs choses, contre le vouloir dudit Duc, comme de bannir gens, & d'en oster aucuns d'aupres son fils: & puis luy dirent le vouloir qu'ils auoient que ce mariage, dont i'ay parlé, se feist, pour auoir paix: & le luy firent accorder, vousist-il ou nō. Il estoit fort ieune, & mal pourueu de grands gens: car le tout, en ceste maison de Bourgongne, estoit mort (comme i'ay dit) à Tournay, ou peu s'en falloit. I'entend des grands personnages: qui l'eussent sceu conseiller, ny aider. De son costé il estoit venu fort mal accompagné: & puis, pour auoir perdu sa femme (qui estoit Princesse du pays dessusdict) il n'osoit parler si audacieusement, qu'il auoit fait autrefois. Et, pour abreger ce propos, le Roy en fut aduertie par le Seigneur des Cordes: & en fut tres-ioyeux & fut pris le iour de luy amener la fille à Hedin. *En picardie*

Gantois font accorder au Duc le mariage de sa fille au Dauphin de France.

v. ou tourné de nos tres.

Peu de iours auant, & l'an mil quatre cens quatre vingts & vn, auoit esté baillée Ayre audit Seigneur des Cordes, pour vne somme d'argent, par le Seigneur de Croy, du pays d'Artois: lequel la tenoit pour le Duc d'Austriche, & pour le Seigneur de Beures, son Capitaine. Or est ceste ville tresforte, & assise en Artois. Ce

qui aida bien aux Flamans à auancer l'œuvre. Car elle est à l'entree de leur pays. Et combien qu'ils voulussent la diminution de leur Prince: si n'eussent-ils point voulu à leurs frontieres le Roy si tres-pres d'eux. Apres que ces choses furent accordees (comme i'ay dit) vindrent deuers le Roy les Ambassadeurs de Flandres & Brabant, mais tout dependoit de ceux de Gand: à cause de leur force, & qu'ils auoient les enfans en leurs mains: & aussi estoient ils les premiers prests à commencer la noise. Aussi y vindrent aucuns Cheualiers, pour le Roy des Romains, ieunes comme luy, & mal conseillez pour la pacification de leur pays. Messire Iehan de Bergues en estoit l'un, & Messire Baudouyn de Launoye l'autre, & quelques Secretaires. Le Roy estoit ja fort bas: & à grand'peine se vouloit-il laisser veoir: & feit grande difficulté de iurer les traitez faicts en ceste matiere (mais c'estoit pour n'estre point veu) toutesfois il les iura. Ils luy estoient auantageux: car il auoit plusieurs fois voulu le mariage: & ne vouloit que la Comté d'Artois, ou celle de Bourgogne l'une des deux: & Messieurs de Gand (ainsi les appelloit-il) les luy feirent bailler toutes deux, & celles de Mâconnois, de Charolois, & d'Auxerrois: & s'ils luy eussent peu faire bailler celle de Hainaut & de Namur, & tous les subiets de ceste maison, qui sont de la langue Françoisse, ils l'eussent volontiers fait, pour affoiblir leurdict Seigneur. Le Roy nostre maistre (qui estoit bien sage) entendoit bien que c'estoit que de Flandres; & qu'un Comte dudit pays de Flandres estoit peu

de cas, sans auoir ledit pays d'Artois (qui est assis entre le Roy de France, & eux, leur estant cōme vne bride) car dudict pays d'Artois se tiroit de bonnies gens de guerre, pour les chastier, quand ils feroient les fols : & pource en ostant audict Comte de Flandres, ledict pays d'Artois, il le laissoit le plus pauvre Seigneur du monde, & sans auoir obeyssance, sinon au plaisir de ceux de Gand, dont i'ay parlé cy-dessus. Apres que ceste Ambassade fut retournee, ladite fille fut amenée à Hedin, entre les mains de Monseigneur des Cordes : & fut l'an mil quatre cens quatre vingts & trois : & l'amena Madame de Rauastain, fille Bastarde de feu le Duc Philippe de Bourgongne : & la reçurent Monseigneur & Madame de Bourbon (qui sont de present) le Seigneur d'Albret, & autres, pour le Roy : & l'amenerent à Amboise : où estoit Monseigneur le Dauphin. Si le Duc d'Autriche l'eust peu oster à ceux qui l'amenoient, il l'eust volontiers faict, auant qu'elle sortist de sa terre, mais ceux de Gand l'auoient bien accompagnée, & aussi il auoit commencé à perdre toute obeyssance : & retournerent beaucoup de gens avec ceux de Gand (pource qu'ils tenoient le fils entre leurs mains, & estoient & mettoient avec luy tel qu'il leur plaisoit) & entre les autres, se tenoit le Seigneur de Rauastain, frere au Duc de Cleues, principal gouverneur dudit enfāt, appellé le Duc Philippe : qui vit encores, attendant grande succession : si Dieu luy preste vie. Quicōque eut ioye de ce mariage, il desplaisoit au Roy d'Angleterre amerement : car il le tint à grand' honte & mocquerie : & se estoit bien auoir perdu sa pension, que le Roy

1483.

Marguerite d'Autriche amenée en France pour estre fiancée au Dauphin.

luy donnoit , ou tribut qu'appelloient les Anglois : & si se douta que le mespris ne luy en fust grand en Angleterre : & qu'il fust cause de rebellion contre luy , & par especial , pource qu'il n'auoit voulu croire conseil : & si voyoit le Roy en grande force , & pres de luy : & en prit le dueil si grand , que des qu'il en sceut les nouuelles , il tomba malade : dont tost apres il mourut , aucuns dient d'un catterre. Quoi qu'il en soit , on dit que la douleur qu'il eut dudit mariage , fut cause de la maladie : dont il mourut en briebs iours & fut le trespas , l'an mil quatre cens quatre vingts & trois , au mois d'Auril. C'est grand faulte à vn Prince d'estimer plus son opinion , que de plusieurs : & cela leur donne aucunes fois de grandes douleurs & pertes : qui ne se peuuent recouurer.

*Edouard
mourut de
regret de se
voir trom-
pé par Loys
Roy de
France.*

1423

*Louis xj.
ne veut a-
voir ami-
tié avec
Richard
usurpateur
d'Anglet.*

Tantost apres que le Roy Edoüard fut mort le Roy , nostre maistre en fut aduerty , & n'en fait nulle ioye , ne semblant , quand il le sceut & peu de iours apres reçeut lettres du Duc de Clocestre : qui s'estoit fait Roy d'Angleterre & se signoit Richard : lequel auoit fait mourir les deux fils du Roy Edoüard son frere , leque Roy Richard requeroit l'amitié du Roy : & croy qu'il eust bien voulu r'auoir ceste pension mais le Roy ne voulut respondre à ses lettres n'ouyr le message : & l'estima tref-cruel & mauuais : car apres le trespas du Roy Edoüard , ledit Duc de Clocestre auoit fait hommage à son neveu , comme à son Roy & souuerain Seigneur & incontinent apres , commit ce cas : & , en plein Parlement d'Angleterre , fait degrader deux filles du Roy Edoüard & declairer bastardes , sou-

couleur de quelque cas qu'il prouua par vn E-
 uesque de Bas en Angleterre qui autresfois a-
 uoit eu grand credit avec le Roy Edouard, &
 puis le desappointa, & tint en prison, & le ran-
 çonna d'vne somme d'argent, lequel Euesque
 disoit que ledit Edoiard auoit promis foy de
 mariage à vne Dame d'Angleterre qu'il nom-
 moit (pource qu'il en estoit amoureux) pour en
 auoir son plaisir: & en auoit fait la promesse en-
 tre les mains dudit Euesque & sur ceste promes-
 se coucha avec elle: & ne le faisoit que pour la
 rompre: toutesfois tels ieux sont bien dange-
 reux, tesmoins telles enseignes. Ce mauuais
 Euesque garda cestevengeance en son cœur, par-
 auenture vingt ans: mais il luy en niescheut: car
 l'auoit vn fils, qu'il aimoit fort (à qui le Roy Ri-
 chard vouloit faire de grands biens, & luy faire
 espouser l'vne de ces deux filles, degradees de
 leur dignité: laquelle de present est royne d'An-
 gleterre, & a .x. deux beaux enfans) lequel fils,
 estant en vn nauire de guerre par le commande-
 ment du Roy Richard son maistre, fut pris à ce-
 ste coste de Normandie: & par le debat de ceux,
 qui le prirent, fut amené en Parlement, & mis au
 Chastellet à Paris: & y fut tant qu'il y mourut de
 faim & de pauvreté. Ledit Roy Richard ne le
 porta pas loin: car contre luy esleua Dieu vn en-
 nemy (& tout en l'instant) qui n'auoit ne croix
 ne pille, ne nul droit (comme ie croi) à la cou-
 ronne d'Angleterre, ny estimé riens: fors que de
 sa personne estoit honneste, & auoit beaucoup
 souffert: car la pluspart de sa vie auoit esté pri-
 sonnier, & mesmement en Bretaigne, és mains
 du Duc François, qui l'auoit bien traité, pour

v. de
 Vn fils de
 l'Euesque
 de Bas en
 Anglet. pri-
 sonnier à
 Paris &
 mort de
 pauvreté.

V. dix huit

prisonnier, de l'aage de * vingt & huit ans: lequel, avec peu d'argent du Roy, & quelque trois milles hommes, pris en la Duché de Normandie, & des plus meschans que l'on peust trouuer, passa en Galles, où alla ioindre son beau pere le Seigneur de Stanley, avec bien vingt six mille Anglois. Au bout de trois ou quatre iours, se rencontra avec ce cruel Roy Richard, lequel fut tué sur le champ: & cestuy-cy couronné, qui encor aujourd'huy regne.

Ailleurs ay parlé de ceste matiere: mais il seruoit encores d'en parler icy: & par especial pour monstrier comme Dieu a payé content, en nostre temps telles cruantez, sans attendre. Maintes autres en a punies audiect temps: qui les sçauroit toutes compter.

Comment le Roy se maintenoit, tant enuers ses voisins qu'enuers ses subiets, durant sa maladie: & comment on luy enuoyoit de diuers lieux diuerses choses pour sa guerison.

CHAP. X.

C'E mariage donques de Flandres fut accompli: que le Roy auoit fort desiré & tenoit les Flamans à sa poste. Bretagne, à qui il portoit grand' haine, estoit en paix avec luy, mais il les tenoit en grande crainte, pour le grand nombre de Gens-d'armes, qu'il tenoit logez à leurs frontieres. Espagne estoit en repos avec luy: & ne desiroient le Roy ne la Roine d'Espagne sinon qu'amitié: & il les tenoit en doute & despenſe, à cause du pays de Roussillon, qu'il tenoit

de la maison d'Arragon, qui luy auoit esté bail-
 lée par le Roy Iehan d'Arragon, pere du Roy de
 Castille, qui regne de present, en gage & par au-
 cunes conditions, qui encores ne sont vuidées.
 Touchant la puissance d'Italie, ils le vouloient
 bien auoir pour amy: & auoient quelque con-
 federation avec luy: & souuent y enuoyent
 leurs Ambassades. En Allemagne auoit les Suif-
 ses luy obeysans, comme ses suiets. Les Roys
 d'Escoffe & de Portugal estoient ses alliez. Partie
 de Nauarre faisoit ce qu'il vouloit. Ses suiets tré-
 bloient deuant luy. Ce qu'il commandoit, estoit
 incontinent accompli, sans nulle difficulté n'ex-
 cusation. Touchât les choses que l'on pésoit ne-
 cessaires pour sa santé, de tous les costés du mon-
 de luy estoient enuoyées. Le Pape Sixte, dernier
 mort, estant informé, que par deuotion le Roy
 desiroit auoir le Corporal, surquoy chantoit
 Monseigneur S. Pierre, tâtost le luy enuoya, avec
 autres plusieurs Reliques: lesquelles luy furent
 r'euoyées. La Sainte Ampolle, qui est à Reims,
 & qui iamais n'auoit esté remuée de son lieu, luy
 fut r'apportée iusques en sa chambre au Plessis:
 & estoit sur son buffet, à l'heure de sa mort: & .
 auoit intention d'en prendre semblable onction,
 qu'il en auoit pris à son sacre: combiē que beau-
 coup de gens cuidoient pu'il s'en voulsist oindre
 tout le corps. Ce qui n'est pas vrai semblable: car
 ladite Sainte Ampolle est fort petite: & n'y a
 pas grāde matiere dedās. Ie la vei à l'heure, dōt ie
 parle, & aussi quand ledict Seigneur fut mis en
 terre, à N. Dame de Clery. Le Turc, qui regne
 auourd'huy, luy enuoya vne Ambassade, qui
 vint iusques à . Reims en Prouence: mais ledict

*Roussillon
 baillés en
 gage au
 Roy Louys.*

x Corporal

*Queleun
 escrit, que
 s'estoit
 pour en fai-
 re oindre
 son fils, le
 Turc offre
 des reliques
 au Roy
 Loys, lequel
 ac vent riē
 receper de
 * lle par.
 V. Rhine
 ou Rhine
 autr. Rin
 Ital, Riez.*

Seigneur ne la voulut point ouyr, ne qu'elle vint plus auant. Ledit Ambassadeur luy apportoit vn grand roolle de reliques lesquelles estoient encores à Constantinople, entre les mains dudit Turc : lesquelles choses il offroit au Roy avec grande somme d'argent : pourueu que ledit Seigneur voulsist bien faire garder le frere dudit Turc, lequel estoit en ce Royaume entre les mains de ceux de Rhodes, & à present à Rome, és mains du Pape. Par toutes les choses dessusdites l'on peut cognoistre le sens & grandeur de nostre Roy, & comme il estoit estimé & honoré par le monde : & comme les choses qui sont spirituelles, de deuotion, & de religion estoient employees pour luy allonger sa vie, aussi bien que les choses temporelles : touteefois le tout n'y fait rien : faloit & qu'il passast par là où les autres sont passez. Vne grace luy fait Dieu. Car comme il l'auoit créé plus sage, plus liberal, plus vertueux en toutes choses que les Princes, qui regnoient avec luy, & de son temps, & qui estoient ses ennemis & voisins : aũc ce qu'il les passa en toutes choses, aussi les passa-il en longueur de vie : mais ce ne fut de guerres. Car le Duc de Bourgongne Charles, la Duchesse sa fille, le Roy Edouard, & le Duc Galeas de Milan, le Roy Jehan d'Arragon, tous ceux-là estoient morts, peu d'années parauant luy : & de la Duchesse d'Autriche & du Roy Edouard, & de luy, n'y eut comme rien à dire. En tous y auoit du bien & du mal (car ils estoient hommes) mais sans vser de flaterie, en luy auoit trop plus de choses appartenantes à Office de Roy, & de Prince, qu'en nul des autres. Je les ay presque tous veus, & sceu

ce

ce qu'ils sçauoient faire, parquoy ie ne deuine point.

Comment le Roy Louys xj. feit venir vers luy Charles son fils, peu auant sa mort, & des commandemens & ordonnances qu'il feit, tant à luy qu'à autres.

CHAP. XI.

EN cest an quatre cens quatre vingts & trois, 1403
voulut le Roy veoir Monseigneur le Dauphin son fils : lequel n'auoit veu de plusieurs années : car il craignoit qu'il fust veu de gueres de gens : tant pour la santé de l'enfant, que de paour que l'õ ne le tirast hors de là, & que, sous ombre de luy, quelque assemblée ne se feist en son Royaume : car ainsi auoit-il esté faiet de luy contre le Roy Charles septiesme son pere (à l'heure qu'il n'auoit qu'onze ans) par aucuns Seigneurs du Royaume, & s'appella ceste guerre la Praguerie : *v. douze* mais elle ne dura gueres, & ne fut qu'un debat *Praguerie.* de Cour.

Entre toutes choses, il recommanda * son *v. à son f.* fils Monseigneur le Dauphin à aucuns serui- *m. le D.* teurs : & luy commanda expressement de ne *aucuns.* changer aucuns Officiers, luy alleguât que (quand le Roy Charles septiesme, son pere, alla à Dieu, & que luy il vint à la couronne) il desappointa tous les bons & notables Cheualiers du Royaume, & qui auoient aidé à seruir son dit pere, à cõ- *Le Roy Loys* querir Normandie & Guienne, & chassé les An- *exhorte ses* glois hors du Royaume, & à le remettre en paix *fils à ne* & bon ordre (car ainsi le trouua-il, & bien riche) *faire com-* dont il luy en estoit bien mal pris : car il en eut *me luy.*

la guerre appelée le Bien-public, dont i'ay parlé ailleurs, qui cuyda estre cause de luy oster la couronne. Bien tost apres que le Roy eut parlé à Monseigneur le Dauphin, son fils, & acheué ce mariage (dont i'ay parlé) luy prit la maladie, dont il partit de ce monde, par vn Lundy : & dura insques au Samedy ensuiuant, peuultième d'Aoust, 1483. & estoie present à la fin de la maladie: parquoy en veux dire quelque chose. Tãtost apres que le mal luy prit, il perdit la parole, cõme autresfois auoit fait: &, quãd elle lui fur reuenüe, se sentit plus foible que iamais n'auoit esté, combien qu'auparauant il l'estoit tant; qu'à grand peine pouuoit-il mettre la main iusques à la bouche: & estoit tant maigre & desfaict, qu'il faisoit pitié à tous ceux, qui le voyoient. Ledit Seigneur se iugea mort, & sur l'heure il enuoya querir Monseigneur de Beaujeu, mary de sa fille, à present Duc de Bourbon, & luy commanda aller au Roy son fils, qui estoit à Amboise. Ainsi l'appela-il, en le luy recommandant, & ceux qui l'auoyent seruy: & luy donna toute la charge & gouuernement dudit Roy: & luy commanda qu'aucunes gens n'en approchassent, & lui en dit plusieurs bonnes & notables causes, & si en tout ledit Seigneur de Beaujeu eust obserué ses commandemens (ou a tout le moins en partie car il y eut quelque commandement extraordinaire, & qui n'estoit de tenir) & qu'en generalité il les eust plus gardez: ie croy que ç'eust esté le profit du Royaume, & le sien particulier veuës les choses aduenües depuis. Apres enuoya le Chancelier, & toute sa sequelle, porter les Seaux au Roy son fils. Luy enuoia aussi partir des Archers de sa garde, & Capitaines, & toute sa

Venerie & Fauconnerie, & toutes autres choses. Et tous ceux, qui le venoiēt veoir, il les enuoyoit à Amboise deuers le Roy, ainsi l'apeloit-il, leur priāt le seruir biē: & par tous lui mādoit quelque chose, & par especial par Estiēne de Vers, lequel auoit nourri ledit Roy, nouueau, & serui de premier valet de Chābre, & l'auoit desia fait nostre Roy Baillif de Meaux. La parole iamais ne lui faillit, depuis qu'elle lui fut reuenüe, ne le sens, ne iamais ne l'eut si bō: car incessāmēt se vuidoit: qui luy ostoit toutes fumées de la teste. Iamais en toute sa maladie ne se plaignit, cōme font toutes sortes de gēs quād ils se sentēt mal. Au moins suis ie de ceste nature, & en ay veu plusieurs autres, & aussi on dit que le plaindre allegē la douleur.

Comparaison des maux & douleurs que souffrit le Roy Loys à ceux qu'il auoit fait souffrir à plusieurs personnes, avec continuation de ce qu'il feit, & fut fait enuers luy, iusques à sa mort.

CHAP. XII.

INcessāmēt disoit quelque chose de sēs, & d'ira sa maladie, cōme i'ay dit, depuis le Lundy, iusques au Samedi au soir. Pource ie veux faire cōparaisō des maux & douleurs, qu'il a fait souffrir à plusieurs, à ceux qu'il a soufferts auāt mourir, pource que i'ai esperance qu'ils l'aurōt mené en Paradis, & que ce aura esté partie de son Purgatoire: & s'ils n'ōt esté si grās, ne si longs, cōme ceux qu'il a fait souffrir à plusieurs: aussi auoit-il autre & plus grād Office en ce mōde, qu'ils n'auoiēt, & si iamais n'auoit souffert de sa personne: mais tant auoit esté obey, qu'il sembloit quasi que toute l'Europe ne fust faite que pour lui porter obeissance: parquoi ce petit, qu'il souffroit contre sa nature & accoustumāce, lui estoit plus

Le Roy Loys
mettoit son
esperance
en l'hermi-
te de Cal-
bre.

grief à porter. Tousiours auoit esperance en ce bon Hermite, qui estoit au Plessis (dont i'ay parlé) qu'il auoit fait venir de Calabre: & incessamment enuoyoit deuers luy: disant qu'il luy alongeroit bien sa vie, s'il vouloit: car, nonobstant toutes ces Ordonnances qu'il auoit faites de ceux qu'il auoit enuoyez deuers Monseigneur le Dauphin son fils, si luy reuint le cœur, & auoit bien esperance d'eschaper: &, si ainsi fust aduenu, il eust bien departy l'assemblée, qu'il auoit enuoiee à Amboise, à ce nouveau Roy. Et, pour ceste esperance qu'il auoit audiēt Hermite, fut aduisé par vn certain Theologien, & autres, qu'ō luy declareroit qu'il s'abusoit, & qu'en son fait n'y auoit plus d'esperance qu'à la misericorde de Dieu: & qu'à ces paroles se trouueroit present son Medecin, maistre Iaques Coctier en qui il auoit toute esperāce, & à qui chacun mois il donnoit dix mille escus, esperant qu'il luy alongeroit la vie. Et fut prise ceste conclusion par maistre Oliuier: à fin que de tous poincts il pensast à sa conscience, & qu'il laissast toutes autres pensées, & ce Sainct-homme (en qui il se fioit) & lediēt Maistre Iaques le Medecin. Et, tout ainsi qu'il auoit haussé lediēt Maistre Oliuier & autres, trop à coup, & sans propos, en estat plus grand qu'il ne leur appartenoit, aussi tout de mesme prindrent charge sans crainte, de dire chose à vn tel Prince, qui ne leur appartenoit pas: ny ne garderent la reuerence & humilité qu'il appartenoit au cas: comme eussent faict ceux qu'il auoit de long temps nourris, & lesquels peu parauant il auoit eslongnez de luy pour ses imaginations. Mais, tout ainsi qu'à deu:

grans personages qu'il auoit fait mourir de son temps (dont de l'un feit conscience à son trespas, & de l'autre nō: ce fut du Duc de Nemours, & du Comté de S. Paul) fut signifiée la mort par Commissaires deputez à ce faire (lesquels Commissaires en briebs mots leur declarerent leur sentence, & baillerent Confesseur, pour disposer de leurs consciences, en peu d'heure qu'ils leur baillerent à ce faire) tout ainsi signifient à nostre Roy les dessusdits sa mort en briefues paroles & rudes, disant: Sire il faut que nous nous acquittions, n'ayez plus d'esperance en ce Saint-homme, n'en autre chose: car seurement il est fait de vous: & pource pensez à vostre conscience: car il n'y a nul remede. Et chacun dist quelque mot assez brief. Ausquels il respondit, l'ay esperance que Dieu m'aidera, & parauanture ie ne suis pas si malade comme vous pensez.

La mort signifiée au Roy Louis contre ce qu'il en auoit requis

Quelle douleur luy fut d'ouyr ceste nouuelle, & ceste sentence; car onques homme ne craignit plus la mort, & ne feit tant de choses pour y cuider mettre remede, comme luy: & auoit, tout le temps de sa vie, à ses seruiteurs, & à moy comme à d'autres, dit, que, si on le voyoit en necessité de mort, que l'on ne luy dist fors tant seulement, parlez peu: & qu'on l'esmeust seulement à soy confesser, sans luy prononcer ce cruel mot de la mort: car il luy sembloit n'auoir plus cœur pour ouyr vne si cruelle sentence: toutesfois il l'endura vertueusement, & toutes autres choses, iusques à la mort, & plus que nul homme que iamais i'aye veu mourir. A son fils, qu'il appelloit Roy, manda plusieurs choses, & se confessa tresbien: & dist plusieurs Oraisons.

Douleur pour la signification de la mort.

sons, seruans à propos, selon les Sacremens qu'il prenoit: lesquels lui-mesme demanda, & comme i'ay dit, il parloit aussi sec, comme si iamais n'eust esté malade, & parloit de toutes choses, qui pouuoient seruir au Roy son fils: & dit, entre autres choses, qu'il vouloit que le Seigneur des Cordes ne bougeast d'auec sondict fils, de six mois: & qu'on le priaist ne mener nulle pratique sur Calais, ny ailleurs: disant qu'il estoit conclu avec luy de conduire telles entreprises, & à bonne intention pour le Roy & pour le Royaume: mais qu'elles estoient dangereuses, & par especial celle de Calais, de paour d'esmouuoir les Anglois, & vouloit, sur toutes choses, qu'après son trespas on tint le Royaume en paix cinq ou six ans: ce que iamais n'auoit peu souffrir en sa vie. Et, à la verité dire, le Royaume en auoit bon besoing, car, combien qu'il fust grand & estendu, si estoit-il bien maigre & pauvre, & par especial pour les passages des Gens-d'armes, qui se remuoient d'un pays en un autre. Il ordonna qu'on ne prinst pas debat en Bretagne, & qu'on laissast viure le Duc François en paix, & sans luy donner doutes ne craintes, & à tous les voisins semblablement de tout ce Royaume: à fin que le Roy & le Royaume peussent demourer en paix, iusques à ce que le Roy fust grand, & en aage pour en disposer à son plaisir.

Voilà donc comment peu discrettement luy fust signifiée ceste mort. Ce que i'ay bien voulu reciter: pource qu'en un autre article precedent i'ay commencé à faire comparaison des maux qu'il auoit fait souffrir à aucuns, & à plusieurs:

qui viuoient sous luy , & en son obeysſſance, avec ceux qu'il souffrit auant ſa mort : à fin que l'on voye, s'ils n'estoient ſi grands ne ſi longs, comme i'ay dit audict article, que neantmoins estoient-ils bien grands, veuë ſa nature : qui plus demandoit obeysſſance que nul autre en ſon temps, & qui plus l'auoit eue : parquoy vn petit, not de reſponſe , contre ſon vouloir, luy estoit, bien grande punition de l'endurer. Quelques cinq ou ſix mois deuant ceſte mort auoit ſuſpicion de tous hommes, & ſpécialement de tous ceux , qui estoient dignes d'auoir autorité. Il auoit crainte de ſon fils; & le faiſoit eſtroitement garder : ne nul homme ne le voyoit, ne parloit à luy , ſinon par ſon commandement. Il auoit toute à la fin de ſa fille, & de ſon gendre, à present Duc de Bourbon, & vouloit ſçauoir qu'elles gens entroient au Pleſſis quand & eux. A la fin rompit vn conſeil, que le Duc de Bourbon, ſon gendre, tenoit leans par ſon commandement. A l'heure que ſondict gendre, & le Comte de Dunois reuindrent de remener l'Ambaſſade qui estoit venue aux nopces du Roy ſon fils , & de la Roynie à Amboiſe , & qu'ils retournerent au Pleſſis , & entrerent beaucoup de gens avec eux , ledict Seigneur qui fort faiſoit garder les portes , eſtant en la gallerie, qui regarde en la court dudit Pleſſis, feit appeler vn de ſes Capitaines des Gardes : & luy commanda aller taſter aux gens des Seigneurs deſſuſdicts , veoir s'ils n'auoient point de Brigandines ſous leurs robbes: & qu'il le feiſt comme en ſe diuiſant à eux , ſans en trop faire ſemblant. Or regardez s'il auoit fait beaucoup viure

*Le craintif
ſouſpeçon
qu'il auoit,
& ſur ſes
enfants
propres.*

de gens en suspicion & crainte sous luy, s'il en estoit bien payé, & de quelles gens il pouuoit auoir seureté, puis que de son fils, fille, & gendre, il auoit suspicion. Il ne dy point pour luy seulement, mais pour tous autres Seigneurs qui desirerent estre craints, iamaïs ne se sentent de la reuanche, iusques à la vieillesse: car, pour la penitence, ils craignent tout homme. Et quelle douleur estoit à ce Roy d'auoir ceste paour & ces passions.

*Comme il
estoit ru-
doyé par
son
Medecin.*

Il auoit son Medecin, appelé Maistre Iaques Coctier, à qui en cinq mois il donna cinquante quatre mille escus contans, qui estoit à la raison de dix mille escus pour mois, & quatre mille par dessus, & l'Euesché d'Amiens pour son neveu, & autres Offices & terres pour luy, & pour ses amis. Ledit Medecin luy estoit si tres-rude, que l'on ne diroit point à vn valet les outrageuses & rudes paroles, qu'il luy disoit: & si le craignoit tant ledit Seigneur, qu'il ne l'eust osé enuoyer hors d'auec luy: & si s'en plaingnoit à ceux, à qui il en parloit: mais il ne l'eust osé changer: comme il faisoit tous autres seruiteurs. Pour ce que ledit Medecin luy disoit audacieusement: Je sçai bien qu'un matin vous m'euoïerez, comme vous faites d'autres, mais, par vn grand serment qu'il iureroit, vous n'y viurez point huit iours apres. Ce mot l'espouuentoit fort, & tant qu'apres ne le faisoit que flater & luy donner. Qui lui estoit vn grand Purgatoire en ce monde: veuë la grande obeïssance qu'il auoit eue de tant de gens de bien, & de grans hommes.

*Cages de
fer ordon-
nées par le
Roy Loys.*

Il est vray qu'il auoit fait de rigoureuses prisons, comme cages de fer, & autres de bois, couuertes de pates de fer par le dehors, & par le

delans, avec terribles, fermures, de huit piés de large, de la hauteur d'un homme, & un pié de plus. Le premier, qui les deuila, fut l'Euesque de Verdun: qui en la premiere qui fut faite, fut mis incontinent, & y a couché quatorze ans. Plusieurs depuis l'ont maudit, & moy aussi: qui en ai tasté, sous le Roy de present, huit mois. Autresfois auoit fait faire à des Allemands, des fers tres-pesans & terribles pour mettre au pied, & y estoit un anneau pour mettre un pié, fort mal-aysé à ouurer, comme un Carquant: la chaine grosse & pesante, & une grosse boule de fer au bout, beaucoup plus pesante que n'estoit de raison, & les appelloit l'on les Fillettes du Roy. Toutesfois j'ay veu beaucoup de gens de bien prisonniers les auoir au piez, qui depuis en sont saillis à grand honneur, & qui depuis ont eu de grands biens de luy, & entre les autres, un fils de Monseigneur de la Grutture de Flandres, pris en bataille: lequel ledit Seigneur maria, & fit son Chambellan, & Seneschal d'Anjou, & luy bailla cent Lances. Aussi au Seigneur de Piennes, prisonnier de guerre, & au Seigneur du * Verger. Tous deux ont eu Gens-d'armes de luy, & ont esté ses Chambellans, ou de son fils, & autres gros estats: & autant à Monseigneur de .i. Rochefort: frere du Connestable: & à un appelé Roquebérin, du pays de Cathelonne, semblablement prisonnier de guerre, à qui il fit de grands biens, & à plusieurs autres, qui seroient trop long à nommer, & de diuerses contrees. Or cecy n'est pas nostre matiere principale: mais faut reuenir à dire que ainsi comme de son temps furent trouuees ces

Commines mis en la cage de fer pour huit mois. Les fillettes du Roy.

V. Verger qui peut estre celui que semblablement il a nommé Verger en texte

V. Richebourg. comme ont aussi les Annales de France, le nommant Jacques de S. P. ainsi qu'il est par cy devant.

mauuaifes & diuerfes prisons, tout ainſi, auant mourir, il ſe trouua en ſemblables: & plus grandes prisons, auſſi plus grand paour il eut, que ceux qu'il auoit tenus, Laquelle choſe ie tien à tref-grand grace pour luy, & pour partie de ſon Purgatoire: & l'ay dit icy, pour monſtrer qu'il n'eſt nul homme (de quelque dignité qu'il ſoit) qui ne ſouffre, ou en ſecret, ou en public, & par eſpecial ceux, qui font ſouffrir les autres. Ledit Seigneur vers la fin de ſes iours, feit clorre tout à l'entour ſa maiſon du Pleſſis, lez Tours, de gros barreaux de fer, en forme de groſſes grilles, & aux quatre coins de ſa maiſon, quatre moineaux de fer, bons, grands, & eſpais. Leſdites grilles eſtoient contre le mur, du coſté de la place, de l'autre-part du foffé (car il eſtoit à fons de cuue) & y feit mettre pluſieurs broches de fer, maſſonnees au dedans le mur, qui auoient chacune trois ou quatre pointes, & les feit mettre fort pres l'vne de l'autre. Et d'auantage ordonna dix Arbaleſtiers dedàs leſdits foffez, pour tirer à ceux qui en approcheroient, auant que la porte fuſt ouuerte: & entendoit qu'ils couchaſſent auſdits foffez, & ſe retiraffent auſdits moineaux de fer. Il entendoit bien que ceſte fortification ne ſuffiſoit pas contre grand nombre de gens, ne contre vne armee: mais de cela il n'auoit point de paour. Seulement craignoit que quelque Seigneur, ou pluſieurs ne feiſſent vne entrepriſe de prendre la place de nuit, demi par amour, & demi par force, avec quelque peu d'intelligence, & que ceux-là prinſſent l'autorité, & le feiſſent viure comme homme ſans ſens, & indigne de gouuerner.

La porte du Plessis ne s'ouvroit qu'il ne fust huit heures de matin: ny ne baissoit le pont iusques à ladite heure: & lors y entroient les Officiers: & les Capitaines des Gardes mettoient les portiers ordinaires, & puis ordonnoient leur guet d'Archers, tant à la porte que parmy la cour, comme en vne place de Frontiere, estroitement gardee:& n'y entroit que par le guichet: & que ce ne fust du sçeu du Roy nul excepté quelque maistre d'hostel, & gens de ceste sorte qui n'alloient point deuers luy. Est-il doncques possible de tenir vn Roy, pour le garder plus honnestement, & en estroite prison, que luy-mesme se tenoit. Les cages, où il auoit tenu les autres, auoient quelques huit piez en quarré, & luy (qui estoit si grand Roy) auoit vne petite cour de chasteaux à se promener, encores n'y venoit-il gueres, mais se tenoit en la galerie, sãs partir de-là, sinon par les chambres, & alloit à la messe sans passer par ladite cour. Voudroit l'on dire que ce Roy ne souffrist pas aussi bien que les autres? qui ainsi s'enfermoit, qui se faisoit garder, qui estoit ainsi en paour de ses enfans, & de tous ses prochains parens, & qui chãgeoit & muoit de iour en iour ses seruiteurs, qu'il auoit nourris, & qui ne tenoient bien ny honneur que de luy, tellement qu'en nul d'eux ne s'osoit fier, & s'enchainoit ainsi de si estrãges chaines & clostures? Si le lieu estoit plus grand que d'une prison commune: aussi estoit-il plus grand que prisonniers communs. On pourroit dire que d'autres ont esté plus suspitionneux que luy: mais c'en a pas esté de nostre temps, ne paraenture homme si sage que luy, ne

qui eust si bons suiets : & auoient ceux là parauanture esté cruels & tyrans : mais cestuy-ci n'a fait mal à nul, qu'il ne luy eust fait quelque offense. Ten'ai point dit ce que dessus est dict, pour seulement parler des supitions de nostre Roy : mais pour dire que la patience, qu'il a portee en ses passions, semblables à celles qu'il a fait porter aux autres, luy est par moy repute à punition : que Nostre Seigneur luy a donnée en ce monde, pour en auoir moins en l'autre, tant és choses dont i'ay parlé, comme en ses maladies, bien grandes, & douloureuses pour luy, & qu'il craignoit beaucoup, auant qu'elle luy aduinssent : & aussi à fin que ceux, qui viendront apres luy, soient vn peu plus piteux au peuple, & moins aspres à punir, qu'il n'auoit esté : combien que ie ne luy veux pas donner charge, ne dire auoir veu meilleur Prince : & si pressoit ses subiects, toutesfois il n'eust point souffert, qu'un autre l'eust fait ne priué, ne estranger.

Apres tant de paour, & de suspitions & doulleurs, Nostre Seigneur fait miracle sur luy : & l'guerit, tant de l'ame que du corps comme tousiours a accoustumé, en faisant les miracles, car il osta de ce miserable monde en grand santé d'esens & d'entendement, & bonne memoire, ayant receu tous ces Sacremens, sans souffrir doulleur que l'on cogneust : mais tousiours parlant iulques à vne Patenostre auant sa mort, en ordonnant de sa sepulture : & nommoit ceux qu'il vouloit qu'ils l'accompagnassent par chemin & disoit qu'il n'esperoit à mourir qu'au Samedy & que nostre-Dame luy procuroit ceste grace

en qui tousiours auoit eu fiance : & grande deuotion & priere & tout ainsi luy aduint , car il leceda le Samedy, penutiemes iour d'Aoust, l'an mil quatre cens quatre-vingts & trois , à huit heures au soir , audit lieu du Plessis : où il auoit pris la maladie: le Lundy deuant. Nostre Seigneur ayt son ame, & la veuille auoir receuë en son Royaume de Paradis.

Trespas des
Roy Louys.
1483.

Discours sur la misere de la vie des hommes , & principalement des Princes, par l'exemple de ceux du temps de l'Auteur & premierement du Roy Louys.

C H A P. XII.

PEu d'esperance doiuent auoir les pauvres & menues gens au fait de ce monde : puis que si grand Roy y a tant souffert & trauaillé, & puis laissé tout , & ne peut trouuer vne seule heure pour esloigner sa mort, quelque diligence qu'il y ait sceu faire. Je l'ai cognu, & ay esté son seruiteur, à la fleur de son aage, & en ses grandes prosperitez : mais ie ne le vei oncques sans peine & sans soucy. Pour tous plaisirs il aymoit la chasse, & les oyseaux, en leurs saisons, mais il n'y prenoit point tant de plaisir eōme aux chiës. Des Dames, il ne s'en est point meslé, tant que i'ai esté avec luy: car, à l'heure de mon arriuee, luy mourut vn fils, dont il eut grand dueil, & feit lors vn vœu à Dieu, en ma presence de iamais ne toucher à femme, qu'à la Royne sa femme, & combien que ainsi le deuoit faire selon l'ordonnance . de l'Eglise, ce fut si grand' chose, de persenerer en ceste promesse. Encores en ce-

Vœu de
chasteté du
Roy Louys.

V. de ma-
riage.

ste chasse auoit quasi autant d'ennuy , que de plaisir : car il y prenoit grand' peine : pourtant qu'il couroit les Cerfs à force , & se leuoit fort matin , & alloit aucunesfois loin , & ne laissoit point cela pour nul temps qu'il feist , & ainsi s'en retournoit aucunesfois bien las , & quasi tousiours courroucé à quelqu'un : car c'est matiere qui n'est pas cōduite tousiours au plaisir de ceux qui la conduisent : toutesfois il s'y cognoissoit mieux que nul homme qui ayt regné de son temps , selon l'opinion de chacun. A ceste chasse estoit sans cesse & logé par les villages , iusques à ce qu'il venoit quelques nouvelles de la guerre , car , quasi tous les Estez , y auoit quelque chose entre le Duc Charles de Bourgogne & luy & l'hyuer ils faisoient trefues , aussi il eut plusieurs affaires pour ceste Comté de Roussillon contre le Roy Iean d'Arragon , pere du Roy d'Espaigne , qui regne de present : car combien qu'ils fussent fort pauures , & troublez avec leurs subiets , comme ceux de Barcelonne & autres & que le fils n'eust rien (car il attendoit la succession du Roy Dom Federic de Castille , frere de sa femme : laquelle depuis luy est aduenüe toutesfois ils luy faisoient grande resistance : car ils auoyent les cœurs des subiets dudit pays de Roussillon : lequel cousta fort cher au Roy & au Royaume , car il y mourut & s'y perdit main homme de bien , & y delpendit grand argent : car ceste guerre dura longuement. Ainsi le plaisir qu'il prenoit , estoit peu de temps en l'ã : & estoit en grand trauail de sa personne : comme i'ay dit. Le temps qu'il reposoit , son entendement trauailloit : car il auoit affaire en moult de lieux : &

se fust aussi volontiers empesché des affaires de son voisin, comme des siens, & mis gēs en leurs maisons, & departy les autoritez d'icelles. Quand il auoit la guerre, il desiroit paix, ou trefues. Quand il auoit paix ou trefues, à grand peine les pouuoit-il endurer. De maintes menuës choses de son Royaume se mesloit, dont il se fut bien passé: mais sa complexion estoit telle: & ainsi viuoit. Aussi sa memoire estoit si grande qu'il retenoit toutes choses, & cognoissoit tout le monde, & en tout pays, & à l'entour de luy.

*Le Roy
Louys ne
pouuoit en
durer ne
guerre ne
trefues.*

A la verité il sembloit mieux pour .: secourir vn monde, qu'un Royaume. Je ne parle point de sa grande ieunesse (car ie n'estoie point avec luy) mais en l'age d'onze ans, par aucuns Seigneurs & autres du Royaume, il fut embrouillé contre le Roy Charles septiesme, son pere, en vne guerre qui peu dura, appelée la Praguerie. Quand il fut homme, il fut marié à vne fille d'Escoisse, à son desplaisir: & tant qu'elle vesquit, il y eut regret: & apres sa mort, pour les bandes & brouillis de la maison du Roy son pere il se retira au Dauphiné (qui estoit sien (où beaucoup de gens de bien le suiurent, & plus qu'il n'en peut nourrir. Luy estant en Dauphiné, il se maria avec la fille du Duc de Sauoye: & tost apres il eut debat avec son beau-pere, & se feirent tres-aspres guerres. Le Roy Charles son pere, voyant son fils trop accompagné de gens de bien, & de Gens-d'armes à son gré, delibera d'y aller en personne en grand nombre de gens, & de l'en mettre dehors, & se mit en chemin, & eut peine d'en retirer plusieurs, en leur commandant comme à ses

*V. Sei-
gneurier.*

*ou, qu'il
a vesqu.*

fuiets, & sur les peines accoustumees, se retirer deuers luy, A quoy plusieurs obeyssioient, au grand desplaisir du Roy nostre maistre : lequel voyant le courroux de son pere (nonobstant qu'il fust fort) se delibera partir de là : & luy laisser le pays : & s'en alla par la Bourgongne, avec peu de gens, deuers le Duc Philippe de Bourgongne: lequel à grand honneur le recueillit, & luy departit de ses biens : & à ses principaux seruiteurs: comme le Comte de Commines, le Seigneur de Montauban, & autres, par forme de pension, par chacun an : & fait durât le temps qu'il y fut, dons à ses seruiteurs. Toutesfois à la despense qu'il faisoit de tant de gens qu'il auoit, l'argent luy failloit souuent (qui luy estoit grand' peine & soucy) & luy en falloit chercher ou emprunter, ou ses gens l'eussent laissé: qui est grand' angoisse à vn Prince, qui ne l'a point accoustumé. Et par ainsi n'estoit point sans peine en ceste maison de Bourgongne : & luy falloit entretenir le Prince & ses principaux Gouverneurs, de paour qu'on ne s'ennuyast de luy à y estre tant : car il y fut six ans : & incessamment le Roy son pere enuoyoit Ambassadeurs pour l'en mettre hors, ou qu'il luy fust renuoyé. Et en cela vous pouuez penser qu'il n'estoit point oyssif, & sans grandes pensees & soucy. Or en quel temps donc pourroit l'on dire qu'il eust eu ioye ne plaisir à voir toutes les choses dessusdites? Je croy que depuis son enfance il n'eut iamais que tout mal & trauail, iusques à la mort. Je croy (si tous les bons iours qu'il a eu en sa vie, esquels il a eu plus de ioye & de plaisir que de trauail & d'ennuy, estoient bien nombrez) qu'il s'en

Le Roy
Louis ne
voulut,
estant
Dauphin
juste-
mir guer-
re contre
son pere
Le Roy
Louis
bien re-
cueilly
six ans
durant
parle
Duc de
Bourg.

s'en trouueroit bien peu: & croy qu'il s'en trou-
ueroit bien vingt de peine & de trauail, contre
vn de desplaisir & d'aïse. Il vesquit enuiron soi-
xante & vn an: toutesfois il auoit tousiours
imagination de ne passer point soixante ans, &
disoit que depuis long temps Roy de France ne
les passa. Aucuns veulent dire depuis Charles le
Grand: toutesfois le Roy nostre maistre fut bien
auant au soixante vniesme.

Le Duc Charles de Bourgoigne, quel aïse, ne
quel plaisir scauroit-on dire qu'il eust eu plus
grand que nostre Roy, dont i'ay parlé: Il est
vray qu'en sa ieunesse il eut peu de soucy, car il
n'entreprint rien qu'il n'eust enuiron vingt &
deux ans: & iusques là vesquit sain & sans trou-
ble. Alors commença à se troubler avec les
Gouuerneurs de son pere: lesquels sondit pe-
re soustint: parquoy le fils s'absenta de sa pre-
sence, & s'en alla tenir en Hollande: où il fut
bien recueilly: & prit intelligence avec ceux de
Gand, & aucunesfois y venoit. Il n'auoit rien de
son pere: mais ce pays de Hollande estoit fort
riche, & luy faisoit de grands dons, & plusieurs
grosses villes des autres pays, pour l'esperance
qu'ils auoient d'acquerir sa grace, pour le temps
aduenir, qui est coustume generale, que tous-
iours on complaist plus aux gens de qui on espe-
re la puissance & autorité accroistre, pour le
temps aduenir, que l'on ne fait pour celuy qui est
ja en tel degré, qu'il ne peut monter plus hault:
& y est l'amour plus grande, par especial entre
le peuple. Et est pourquoy le Duc Philippe
quand on luy disoit que les Gandois aymoient
tant son fils, & qu'il les scauoit si bien conduire,

*Exemple
de ce que
dessus par
le Duc de
Bourgen.*

„ respondoit qu'ils aimoyent tousiours bien leur
„ Seigneur à venir: mais depuis qu'il estoit Sei-
gneur, ils le haïssoient. Et ce prouerbe fut ve-
ritable: car oncques puis que le Duc Charles
fut Seigneur, ils ne l'aimèrent: & luy monstre-
rent bien, comme i'ay dit ailleurs, & aussi de
son costé ne les aimoit point: mais, à ce qui est
descendu de luy, ils ont fait plus de dommage
qu'ils n'eussent sçeu faire à luy. Pour continuer
mon propos, depuis que le Duc Charles entre-
prit la guerre pour les terres de Picardie, que
nostre maistre auoit rachetees de son pere le
Duc Philippe, & qu'il se fut mis avec les autres
Seigneurs du Royaume, en ceste guerre du
Bien-public, quel aise eut-il depuis, il eut tousi-
ours travail, sans nul plaisir, & de sa person-
ne & de l'entendement: car la gloire luy mon-
ta au cœur, & l'esmeut de conquerir tout ce
qui lui estoit bien seant. Tous les Estez tenoit
les champs en grand peril de sa personne: &
prenoit tout le soing & la cure de l'ost: & n'en
auoit pas encores assez à mon gré. Il se leuoit
le premier, & se couchoit le dernier, comme
le plus pauvre de l'ost. S'il se reposoit aucun
Hiuer, il faisoit ses diligences de trouuer argent.
A chacun iour il besongnoit des six heures au
matin: & prenoit grand peine à recueillir & à
ouyr grand nombre d'Ambassadeurs: & en ce
travail & misere finit ses iours: & fut tué
des Suisses deuant Nanci: comme auez veu
deuant. Et ne pourroit l'on dire qu'il eust ia-
mais eu vn bon iour, depuis qu'il commença
à entreprendre de se faire plus grand, iusques
à son trespas. Quel acquest a-il eu de ce labeur;

Quel besoin en auoit-il? luy qui estoit si riche, & auoit tant de belles villes & seigneuries en sō obeissāce, où il eust esté si aise, s'il eust voulu.

Exēple par
le Roy
Edouard
d'Anglet.

Après faut parler du Roy Edouard d'Angleterre: qui a esté si grand Roy & puissant. En sa tref-grande ieunesse il veit son pere le Duc d'Yorch desconfit, & mort en bataille, & avec luy le pere du Comte de Vvaruic. Ledit Comte de Vvaruic gouuernoit le Roy (dont ie parle) en sa ieunesse, & conduisoit ses affaires. A la verité dire, il le feit Roy, & fut cause de desfaire son Roy Henry, qui plusieurs ans auoit regné en Angleterre: lequel, selon mon iugement & selon le monde, estoit vray Roy. Mais de telles causes, comme de Royaumes & grandes Seigneuries: nostre Seigneur les tient en sa maison, & en dispose, car tout vient de luy. La cause pourquoy le Comte de Vvaruic seruoit la maison d'Yorch, contre le Roy Henry de Lanclastre, c'estoit pour vne bande ou partialité, qui estoit en la maison dudict Roy Henry: qui n'estoit gueres sage: & la Roine sa femme, laquelle estoit de la maison d'Anjou, & fille du Roy René de Cecile, prit la partialité du Duc de Sombresset, contre le Comte de Vvaruic: car tous auoient tenu ledit Roy Henry & son pere, & grand pere pour Rois. La dite Dame eust mieux fait beaucoup de faire office de iuge ou de mediateur entre les parties que de dire. Je soustiendray ceste part: comme il apparut. Car ils eurent maintes batailles en Angleterre: & en dura la guerre vingt & neuf ans, & fin de compte, le tout y mourut quasi d'une part &

Comte de
Vvaruic

H. 6

H. 4
H. 5

*Partialitez
tre(-peril-
leuses.*

*Bandes
d'Orleans,
& de Bour.
V. deux.*

d'autre. Et pour parler des bandes & partialitez, elles sont tres-perilleuses, & mesmement quant aux Nobles, enclins à les nourrir & entretenir. Et, si l'on dit que par là ils sçauront des nouuelles, & tiendront les deux parties en crainte, ie m'acorderay assez qu'un ieune Roy le face entre les Dames (car il en aura du passe-téps, & du plaisir assez, & sçaura des nouuelles d'entr'elles) mais nourrir les partialitez entre les hommes: Comme Princes & gēs de vertus & de courage) il n'est riē plus dangereux. C'est allumer vn grād feu en sa maison: car tātost l'un ou l'autre dira. Le Roy est contre nous; & puis pensera de se fortifier, & de s'acointer de ses ennemis. Au fort les bandes d'Orleans & de Bourgongne les en doyuent auoir fait sages. La guerre en dura soixante & douze ans, les Anglois meslez parmy, qui cuiderent posseder le tout du Royaume. A reuenir à nostre Roy Edouard, il estoit fort ieune, & beau Prince entre les beaux du mōde. A l'heure qu'il fut de tous poincts au dessus de ses affaires, il ne comptoit qu'à son plaisir & aux Dames, festes, & banquets, & aux chasses: & suis d'opinion que ce temps luy dura vn seize ans, ou enuiron, iusques à ce que le different dudit Comte de Vvaruic & de luy commença. Et combien que ledict Roy fust ietté hors du Royaume, si ne dura ledit debat gueres; car il retourna & obtint la victoire: & apres prit ses plaisirs plus que deuant. Il ne craignoit personne, & se feit fort gras & plein: & en fleur d'aage luy vindrent au ronges excez: & mourut assez soudainement, cōme i'ay dit, d'une Apoplexie: & perdit sa lignee le Royaume apres luy, comme auez ouy, quant aux

enfants masles.

En nostre temps ont aussi regné deux vaillans & sages Princes : c'est à sçauoir le Roy de Hongrie Mathias & Mahumet Ottoman, Empereur des Turcs. Le Roy Mathias estoit fils d'un tresvaillant Cheualier, appelé le Cheualier Blanc de la Vallaquie, Gentil-homme de grand sens & vertus: qui longuement gouuerna ce Royaume de Hongrie: & eut maintes belles victoires contre les Turcs, qui sont voisins dudit Royaume, à cause des Seigneuries qu'ils ont vsurpées en Grece, & Esclauonie. Et tost apres son deceds vint en aage d'homme le Roy Lancelot, à qui le Royaume appartenoit, avec Behaigne & Poulanie. Cestuy-là se trouua conseillé par aucuns, comme l'on dit, de prendre les deux fils du Cheualier Blanc, disant que leur pere auoit pris trop de maistrise & de seigneurie audit Royaume, durant son enfance, & que les enfans qui estoient bõs personages, pourroient biẽ vouloir faire cõme luy. Pourquoy cõclut ledit Roy Lancelot de les faire prẽdre tous deux, ce qu'il feit, & incontinent feit mourir l'aîné, & ledit Mathias mettre en prison à Bude, principale ville de Hõgrie: mais il n'y fut gueres, & peut estre que nostre Seigneur eut agreables les seruices de son pere: car tost apres ledit Roy Lancelot fut empoisonné à Prague en Behaigne, par vne femme de bõne maison, & en ay veu le frere, de laquelle il estoit amoureux, & elle de luy: tellement que cõme mal contente de ce qu'il se marioit en France, avec la fille du Roy Charles VII. qui de present s'appelle la Princesse de Lienne, qui estoit contre ce qu'il auoit promis, elle l'empoisonna

*Exemple
par deux
Rois de
Hongrie.*

*Lancelot
Roy de Hõ-
grie empoi-
sonné par
vne fi-
ne amou-
reuse pour
ialousie.*

the pilot, a
longe & round
shellfish.

en vn baing, en luy donnant à manger d'une pomme : & mit la poison au manche du cousteau. Incontinent que fut mort ledict Roy Lancelot, les Barons de Hongrie s'assemblerent audit Bude, pour faire election du Roy, selon l'usage & priuilege qu'ils ont d'elire, quand leur Roy meurt sans enfans : & estans là en hayne & diuision entre eux, pour ceste dignité, suruint en la ville la vefue dudict Cheualier Blanc, mere dudict Mathias, bien fort accompagnee : car elle estoit riche femme d'argent content, que son mari auoit laissé : parquoy elle auoit peu faire grands amas soudainement, & croy bien qu'elle auoit bonne intelligence en ceste compagnie, & en la ville, veule credit & autorité que son mary auoit eu audict Royaume. Elle tira en la prison, & mit son fils dehors. Partie des Barons & Prelats, qui estoient là assemblez pour faire leur Roy, s'enfuirent de paour. Les autres creerent ledit Mathias à Roy : lequel a regné audit Royaume en grande prosperité, & autant loué & prisé que nul Roy qui ayt regné long temps a, & plus, en aucunes choses : Il a esté des plus vaillans hommes, qui ayent regné de son temps : & a gaigné de grandes batailles contre les Turcs de son temps, sans endommager son Royaume : mais il l'a augmēté, tant de leur costé, qu'en Behaigne, dont il tenoit la pluspart, & en Valachie, dont il estoit, & en Esclauonie : & du costé d'Alēmaigne, prit la pluspart d'Austriche sur l'Empereur Federic, qui vit encore, & l'a possedee iusques à la mort d'iceluy : qui fut en la ville de Vienne, Chef du pays d'Austriche, en cest an

491. Il estoit roy qui gouuernoit aussi sagement
 les affaires en temps de paix comme en temps
 de guerre. Sur la fin de ses iours, & se voyant
 sans crainte d'ennemis, il est deuenu fort pom-
 peux, & triomphant Roy en sa maison : & feit
 grans amas de beaux meubles, & bagues & vais-
 selles, pour parer la maison. Toutes choses des-
 eschoit de soy, ou par son commandement. Il
 ne faisoit fort craindre: car il deuint cruel: & de-
 puis tomba en vne griefue maladie, incurable en
 vne assez ieune aage, comme de 28. ans, ou en-
 uiron. Il est mort ayant eu toute sa vie labeur &
 rauail, & trop plus que plusieurs.

Mort de
 Mathias
 Roy de Hongrie.

Le Turc, que deuant ay nommé, a esté sage &
 vaillant Prince, plus vsant de sens & de cautel-
 e, que de vaillance & hardiesse. Vray est que
 son pere le laissa bien grand, & fut vaillant Prin-
 ce, & prit Adrianopoly: qui vaut à dire ville d'A-
 drian. Celuy dont ie parle prit en l'aage de vingt
 & trois ans Constantinople, qui vaut à dire,
 Cité de Constantin. Je l'ay veu peinct de cest
 age, & sembloit bien qu'il fust hōme de grand
 espait. Ce fut vne grande honte à tous les Chre-
 tiens de la laisser perdre. Il la prit d'assaut, &
 fut tué sur la bresche, l'Empereur de l'Orient,
 que nous appelōs de Constantinoble, & maints
 autres hommes de bien: maintes femmes ef-
 forcees de grandes & de nobles maisons: nulle
 cruauté ne demoura à y estre faicte. Ce fut son
 premier exploit. Il a continué à faire ces gran-
 des choses: & tant que i'ouy dire à vn Ambassa-
 deur Venitien, deuant le Duc Charles de
 Bourgongne, qu'il auoit conquis deux
 Empires, quatre royaumes, & deux cens

desplaisir.
 Exemple
 par le
 Turc.

Citez. Il vouloit dire de l'Empire de Constantinople, & de celuy de Trapezonde les Royaumes de la Bresanne, la Surie & Armenie. Je ne sçay s'il prenoit la Moree pour vn. Il a conquis maintes belles Isles de Mer, en cest Archipel, où est ladite Moree, les Venitiens y tenoient encores deux places, aussi l'Isle de Negrepont & de Methelin : & aussi a conquis presque toute l'Albanie & l'Esclauonie : & si ses conquestes ont esté grandes sur les Chrestiens, aussi ont elles esté sur ceux de sa loy propre, & y a destruits maints

Gramaniã grands seigneurs : comme le Carnian, & autres. *possible.* La pluspart de ses œuures, il les conduisoit de *pour preu-* luy & de son sens. Si faisoit nostre Roy & aussi *se de quoy,* le Roy de Hongrie : & ont esté les trois plus *& mieux* grands hommes qui aient regné depuis cent ans : *entendre* mais l'honnesteté & forme de viure de nostre *cest article* Roy, & les bons termes qu'il tenoit aux gens *du Turc,* priez, & aux gens estranges, a esté tout autre, & *lisez les* meilleure que des deux autres. Aussi estoit-il *Conquestes* Roy Tres-Chrestien. Quant aux plaisirs du mô- *des Turcs* de, ce Turc en a pris à cœur saoul, & y a vſé vne *par F. Jean* grande partie de son temps : & eust encores fait *Gouffray.* plus de maux qu'il n'a, s'il ne s'y fust tant occupé. En nul vice de la chair ne failloit, ne d'estre gourmand outre mesure. Aussi les maladies luy

de iambes.

V. quelles
grosissoient

font venuës tost, & selon sa vie, car il luy prit vne enfleure d'vne jambe, comme i'ay ouy dire à ceux qui l'ont veü, & luy venoit au commencement de l'Esté, qu'elle grossissoit cōme vn homme par le corps : & n'y auoit nulle ouuerture : & puis cela s'en alloit ; ne iamais Chirurgië ne sçeut entendre que c'estoit : mais bien disoit l'on que la gourmandise y aidait bien ; & pouuoit estre

quelque punition de Dieu. Et ce qu'il se laissoit si peu veoir, & se tenoit ainsi clos en son chariot estoit afin que l'on ne le cognust si desfait, & qu'à celle occasion ne l'eussent tant en mespris. Il est mort en l'age de 52. ans, ou enuiron, assez soudainement, toutesfois il feit testament (lequel i'ay veu, & fait conscience d'un impost, que nouuellement il auoit mis sur ses suiets. Si ledict testament est vray : or regardez qui doit faire vn Prince Chrestien: qui n'a autorité fondee en raison, de rien imposer, sans le congé & permission de son peuple?

*Le Turc
fait con-
science
d'un im-
post fait
sur ses sui-
ets.*

Conclusion de l'Auteur,

OR voyez vous la mort de tant de grands hommes, en si peu de temps : qui tant ont trauaillé pour s'accroistre, & pour auoir gloire, & tant en ont souffert de passions & de peines, & abregé leur vie: & parauanture leurs ames en pourront souffrir. Et cecy ne parle point dudit Turc : car ie tien ce poinct pour vuidé, & qu'il est logé avec ses predecesseurs. De nostre Roy i'ay esperance, comme i'ay dit, que nostre Seigneur ayt eu misericorde de luy, & aussi aura-il des autres, s'il luy plaist. Mais, à parler naturellement (comme-homme ; qui n'a aucune literature, mais quelque peu d'experience) n'eust-il point mieux valu à eux & à tous autres Princes, & hommes de moyen estat, qui ont vescu sous ces grands, & viuront sous ceux qui regnent, eslire le moyen chemin en ces choses? C'est à scauoir moins se soucier, & moins se trauailler, & entreprendre moins de choses, & plus crain-

*Charles IX.
Loy
en 1561
d'hommes
Edouard. 4*

Depuis ce
lieu le v a
pour toute
conclusion
Et qu'il
faut que
l'ame sur
l'heure, en
estant sepa-
ree, aille re-
cevoir son
iugement
Et la sen-
tence en est
donnee, se-
lon les œu-
res Et
merites du
corps.

dre d'offenser Dieu, & de persecuter leur peu-
ple, & leurs voisins, & par tant de voyes cruel-
les, que i'ay assez declarees par cy-deuant, &
prendre des aises & plaisirs honnestes? Leurs
vies en seroient plus longues. Les maladies en
viendroient plus tard, & leur mort en seroit
plus regretee, & de plus de gens, & moins desi-
ree, & auroient moins à douter la mort. Pour-
roit l'on veoir de plus beaux exemples pour co-
gnoistre que c'est peu de chose que de l'homme,
& que ceste vie est miserable & brieue, & que
ce n'est rien des grans & des petits, & qu'incon-
tinent qu'ils sont morts, que tout homme en a
le corps en horreur & vitupere, & qu'il faut que
l'ame sur l'heure qu'elle se separe d'eux, & qu'el-
le aille recevoir son iugement? Et à la verité, en
l'instant que l'ame est separee du corps, la sen-
tence en est donnee de Dieu, selon les œuvres &
merites du corps, laquelle sentence s'appelle le
iugement particulier.



SEPTIESME LIVRE

DES MEMOIRES

du Seigneur d'Argenton, sur les principaux faicts & gestes de Louis xj. de ce nom Roy de France.

*Proposition de l'Auteur, touchant ce qu'il pretend
escrire par les Memoires suiuaus.*

*Le verger
d'honneur
qui traite
amplement
de ce voya-
ge, ne dit
que 22. en
l'an 1493.
comme cest
an estoit
parauant ici
mais par
la deductio
de Commi-
nes mesme
nous l'auid
remis selon
tous bons
auteurs &
faut lire le
premier
vers dudit
Verg. ainsi
1593.
Voyage d'I-
talie par le
Roy.*



Our continuer les Memoi-
res par moy Philippe de
Commines encommencez,
des faicts & gestes, & du re-
gne du feu Louis onzieme,
que Dieu absolue, maintenant
vous veux dire, comme il aduint que le Roy
Charles huitieme, son fils, entreprit son voya-
ge d'Italie auquel ie fu. Or partit ledit Sei-
gneur de la ville de Vienne (qui est au Dauphi-
né) le vingt & troisieme iour d'Aoust, l'an
mille quatre cens quatre vingts & quatorze:
& fut de retour dudit voyage en son royaume
environ le mois d'Octobre quatre vingts &
quinze.

Auant l'entreprinse duquel voyage il eut
mainte disputation, sçauoir s'il iroit ou non.
Car l'entreprise sembloit à toutes sages gens, &

experimentez , tres-dangereuse : & n'y eut que lui seul, qui la trouua bonne: & vn appelle Estienne de Vers natif de Languedoc , homme de petite lignee : qui iamais n'auoit veu, ni entendu nulles choses au fait de la guerre. Vn autre s'en estoit meslé iusqueslà (à qui le cœur faillit) homme de Finances appelle le General Briçonnet : qui depuis, à cause dudit voyage , a eu de grans biens en l'Eglise: comme d'estre Cardinal, & auoit beaucoup de benefices. L'autre auoit ia acquis beaucoup d'heritages : & estoit Seneschal de Beaucaire, & President des Comptes à Paris, & auoit serui ledit Roy en son enfance, tres-bien, de Valet de chambre, & cestuy-la y attira ledit General : & eux deux furent cause de ladite entreprise dont peu de gens les louoient , & plusieurs les blasmoient. Car toutes choses necessaires à vne si grande entreprise leur defailloient: car le Roy estoit tres-ieune, foible & personne plein de son vouloir, peu accompagné de sages gens, ne de bons Chefs, & n'auoit nul argent content. Car, auant que partir, ils emprunterent cent mille Francs de la Banque de Soli à Genes (à gros interest pourcent, de foire en foire) & en plusieurs autres lieux: cōme ie dirai apres. Ils n'auoient ne tentes, ne pauillons, & si commencerent en hyuer à entrer en Lombardie. Vne chose auoient ils bonne: c'estoit vne gaillardie de compagnie, pleine de ieunes Gentils-hommes: mais en peu d'obeissance. Ainsi faut conclure que ce voyage fut conduit de Dieu tant à l'aller, qu'au rerourner: car le sens des conducteurs, que i'ai dit, n'y seruit de gueres. Toutesfois ils pouuoient bien dire qu'ils furent cause de

donner grande gloire à leur maistre.

Comme le Duc René de Lorraine vint en France, demander la Duché de Bar, & la côté de Prouence, que le Roy Charles tenoit: & comment il faillit à entrer au Royaume de Naples, qu'il pretendoit sien, comme le Roy, & quel droit y auoient tous deux.

CHAP. I.

Estant le Roy dont ie parle, en l'aage de son couronnement (qui fut de quatorze, ou quinze ans) vint vers luy le Duc de Lorraine, demander la Duché de Bar (que le Roy Louis onzième tenoit) & la Comté de Prouence: que le Roy Charles d'Aniou, son cousin germain laissa audit Roy Louis onzième: par son trespas & testament: car il mourut sans en fans. Le Duc de Lorraine la vouloit dire sienne: parce qu'il estoit fils de la fille du Roy René de Cecile, Duc d'Aniou, & Comte de Prouence: & disoit que le Roy René luy auoit fait tort, & que le Roy Charles d'Anjou (dont ie parle) n'estoit que son neveu, fils de son frere le Comte du Maine, & luy estoit fils de sa fille: mais l'autre disoit que Prouence ne pouuoit aller à fille par leurs testamens. En effect Bar fut rendu, où le Roy ne demandoit qu'une somme d'argent: &, par auoir grande faueur & grands amis, & par especial le Duc Iehan de Bourbon (qui estoit vieil, & en vouloit espouser la sœur) eut estat du Roy, & cent Lances de charge: & luy fut baillé trente six mille francs, pour quatre annees, pendant le-

Entendez
ce testament
de Louis

Bar rendu
au Duc de
Lorraine
par le Roy.

qui est sous
la main de
le Roy

*Communes
du Conseil
ordonné
par les 3.
Estats.*

quel temps se cognoistroit du droit de ladite Comté. Et estoit à ceste deliberation & conclusion (car i'estoye de ce Conseil: qui auoit esté lors crée, tant par les prochains parens du Roy, que par les trois Estats du Royaume) Estienne de Vers, dont i'ay parlé, qui ia auoit acquis quelque chose en Prouence: & auoit en fantasie le fait de Naples, & feit dire par le Roy (ainsi ieune qu'il estoit lors) sa sœur, Duchesse de Bourbon, presente, à monseigneur de Comminges, du Lau (car ces deux estoient aussi du Conseil) & moy, que nous tinssions la main à ce qu'il ne perdist point ceste Comté de Prouence. Et fut auant l'appointement dont i'ay parlé.

*Autrement
Clercs.*

Auant les quatre ans passez se trouuerent quelques * gens de Prouence: qui vindrent mettre en auoit certains testamens du Roy Charles, le premier, frere de Saint Louys, & d'autres Roys, de Cecile, qui estoient de la maison de France: &, entre autres raisons disoient que non point seulement la Comté de Prouence appartenoit audit Roy, mais le Royaume de Cecile, & autres choses, possedees par la maison d'Anjou, & que ledit Duc de Lorraine n'y auoit rien, toutesfois aucuns vouloient dire autrement, & s'adrescoient tous ceux là audit Estienne de Vers, qui nourrissoit son maistre en ce langage, & que le Roy Charles dernier mort, Comte de Prouence, fils de Charles d'Anjou, Comte du Maine, & neveu du Roy René, luy auoit laissé par son testament, car le Roy René l'institua en son lieu, auant que mourir, & le prefera deuant ledit Duc de Lorraine, qui estoit

*Entendez
au Roy L.
xi. comme
il a dit cy-
deuant.*

filz de sa fille, & disoient que le Roy René feit cela, à cause desdits testamens, faits par ce Charles premier, & par sa femme, Comtesse de Provence, disant que le Royaume & Comté de Provence ne pouuoient estre separez n'aller à fille, tant qu'il y eust filz de la lignee: & que semblable testament feirent les premiers venans apres eux, cōme fut Charles, le II. audit Royaume.

En ce temps desdites quatre anneés, ceux qui gouernoient ledit Roy, qui estoient le Duc & Duchesse de Bourbon, & vn Chambellan, appelé le Seigneur de Grauille, & autres Chambellans, qui en ce temps eurent grand regne, appelerent en Court, en autorité & à credit, ledit Duc de Lorraine, pour en auoir port & aide. Car il estoit homme hardy, & plus qu'homme de Cour, & leur sembloit qu'ils s'en descharge-roient bien, quand il seroit temps, comme ils feirent, quand ils se sentirent assez forts, & que la force du Duc d'Orleans, & de plusieurs autres, dont auez ouy parler, fut diminuee. Aussi ne peurent-ils plus tenir ledit Duc de Lorraine, les quatre ans passez, sans luy bailler ladicte Comté, ou l'asseurer à certain temps, & par escrit, & tousiours payer les trentesix mille francs, En quoy ne se peurent accorder, & à ceste cause il partit tres-mal content d'eux de la Cour.

Quatre ou cinq mois auant son partement de Cour, luy aduint vne bonne ouuerture, s'il l'eust sceu entendre. Tout le Royaume de Naples se rebella contre le Roy Ferrand, pour la grande tyrannie de luy & de ses enfans, & se donnerent tous les Barons, & les trois parts du Royaume à l'Eglise. Toutesfois ledict

*Ass. selon
ce qui en
auoit esté
proposé sus
en ce mes-
me chap.*

*Autrement
aueu en.
Naples se
renolte cō-
tre le Roy
Ferrand
Duc de Lor-
raine man-
dé par le
Pape.*

Pape pour
estre creé
Roy de
Naples.

Roy Ferrand, qui fut secouru des Florentins, les pressoit fort, & par ce le Pape & lesdits Seigneurs du Royaume, qui s'estoient rebellez, manderent ledit Duc de Lorraine, pour s'en faire Roy, & long temps l'attendirent les galles à Gennes, & le Cardinal de saint Pierre *ad vincula*, ce pendant qu'il estoit en ses brouillis de Court, & fus son departement, & auoit avec luy gens de tous les Seigneurs du Royaume qui le pressoient de partir.

Fin de compte: le Roy & son Conseil monstroient en tout & par tout, de luy vouloir aider, & luy fut promis soixante mille francs: dont il en eut vingt mille. Le reste perdit, & luy fut consenti mener les cent Lances qu'il auoit du Roy, & enuoier Ambassades par tout en sa faueur. Toutesfois le Roy estoit ja de dix-neuf ans ou plus, nourri de ceux que i'ay nommez: qui luy disoient journellement, que ledit Royaume de Naples luy deuoit appartenir. Je le dy volontiers: parce que souuent petites gens en menotent grand' noise, & ainsi le sçeu par aucuns de ses Ambassadeurs, qui alloient à Rome, Florence, Genes & ailleurs, pour ledict Duc de Lorraine, & le sçeu mesme par ledict Duc propre, qui vint passer par Moulins, où lors me tenoye, pour les differens de Cour, avec ledict Duc lehan de Bourbon: La son entreprise estoit demy perduë, pour la longue attente, & allai au deuant de luy, cōbien que ne luy fusse tenu: car il m'auoit aidé à chasser de la Cour avec folles & rudes paroles. Il me fit la plus grande chere ou monde, soy doulant de ceux qui demouroient au
gouuer-

gouvernement. Il fut deux iours avec le Duc Jean de Bourbon: & puis tira vers Lyon.

En somme, les amis estoient si las, & si foulez pour l'auoir tant attendu, que le Pape auoit appointé, & les Barons du Royanme aussi, lesquels, sus la seureté dudit appointement, allerent à Naples: où tous furent pris: combien que le Pape, les Venitiens, & le Roy d'Espagne, & les Florentins, s'estoient obligez de faire tenir ledit appointement, & eussent iuré & promis leur seureté. Le Prince de Salerne eschappa, & vint par-deçà; & ne voulut point estre compris audict appointement, cognoissant ledict Ferrand. Ledit Duc de Lorraine, s'en alla bien honteux en son pays, n'onques puis n'eut autorité vers le Roy, & perdit ses Gens-d'armes, & les trente six mille francs, qu'il auoit pour Prouence: & iusques à ceste heure, qui est l'an mil quatre cens quatre vingts dix sept, est encores en cest estat.

Comment le Prince de Salerne, du Royaume de Naples, vint en France, & comment Ludouic Sforce, surnommé le More, & luy, taschoient à faire que le Roy menast guerre au Roy de Naples; & pour quelle cause.

CHAP. II.

L Edict Prince de Salerne fut à Venise (par ce qu'il y auoit grande accointance) & avec luy trois de ses nepueux, enfans d'un Prince de Bissignan: où demanderent conseil (comme m'a dit ledict Prince) à la Seigneurie, où il leur plaisoit mieux qu'ils tirassent, ou vers ledict Duc de Lorraine, ou deuers le Roy de France, ou d'Espe-

gne. Il me dit qu'ils luy respondirent que le Duc de Lorraine estoit vn homme mort, & qu'il ne les scauroit resoudre. Le Roy d'Espaigne seroit trop grand, s'il auoit le Royaume, avec l'Isle de Sicile, & les autres choses qu'il auoit en ce golfe de Venise, & qu'il estoit puissant par mer: mais qu'ils luy conseilleroient aller en France, & qu'avec les Roys de France, qui auoient esté audit Royaume, ils auoient eu bonne amitié & bon voisin: & croi qu'ils ne pensoient point que ce, qui en aduint apres deust aduenir. Ainsi vindrent ces Barons dessusdits en France, & furent bien recueillis, mais pauurement traittez de biens. Ils feirent grande poursuite enuiron deux ans: & de tout s'adressoient à Estienne de Vers, lors Seneschal de Beaucaire, & Chambellan du Roy.

Vn iour viuoient en esperance, autre en contrariété: & faisoient diligence en Italie, & par especial à Milan: où auoit pour Duc Iean Galois non pas le grand, qui est enterré aux Chartreux de Paue, mais celui qui estoit fils du Duc Galeas & de la Duchesse Bonne, fille de Sauoye, qui estoit de petit sens. Elle eut la tutelle de ses enfans, & l'ai veüe en grâde authorité, estant vefue, conduite par vn appelé Messire * Cico, Secretaire, nourry de long temps en ceste maison: qui auoit chassé & confiné tous les freres du Duc Galeas, pour la seureté de ladite Dame & de ses enfans. Entre les autres auoit chassé vn appelé le Seigneur Ludouic (qui depuis fut Duc de Milan) qu'elle rappella depuis (estant son ennemy, & en guerre contre elle) & le Seigneur Robert de Saint-Seuerin, vaillant Capitaine: que pareillement elle auoit chassé par ledit Cico. Pour

Bonne de
Sauoye,
Duchesse
de maison
de petit
sens.
Ceco.

conclusion, par le moyen d'un ieune homme,
qui tranchoit deuant elle, natif de Ferrare, de pe-
tite lignee, appellé Antoine. Thefin, elle les
rappella par sottise: cuidant qu'ils ne feissent nul
mal audit Cico: & ainsi l'auoient iuré & promis.
Le tiers iour apres, le prirent & passerent dedans
une pippe, au trauers de la ville de Milan: car il
estoit allié par mariage avecque aucuns des Vis-
comtes: & veut l'on dire, que s'il eust esté en la
ville, ils nel'eussent osé prendre: & si vouloit le
Seigneur Ludouic, que le Seigneur Robert de
Saint-Seuerin (qui venoit) le rencontraist en
cest estat, pource qu'il haïssoit à merueilles ledit
Cico, qui, apres fut mené à Paue en prison, au
chasteau: où depuis il mourut.

Ils mirēt ladite Dame en grād hōneur, ce luy
embloit: & lui cōplaisoient: & eux tenoiēt le cō-
eil, sans luy dire, si nō ce qui leur plaisoit: & plus
grās plaisirs ne luy pouuoïēt-ils faire, que de ne
luy parler de riē. A cest Antoine Thefin luy lais-
soient dōner ce qu'elle vouloit: & le logeoit pres
de sa chābre: & la portoit à cheual derriere luy,
par la ville: & estoïēt toutes festes & dances leās:
mais il ne dura gueres: parauenture demi an. Elle
dit beaucoup de biēs audit Thefin: & les bouget-
tes des courriers s'adressoïēt à luy: & y sortit grā-
de eunuie, avec le bō vouloir que le Seigneur Lu-
douic, oncle des 2. enfans, auoit de se faire Sei-
gneur: cōme il fit apres. Vn matin luy osterēt ses
filz, & les mirēt au Donjō, qu'ils appeloient la
Roque: & à ce s'accorderēt ledit Seigneur Lud.
& le Seigneur R. de S. Seu. vn apelé de Pelleuoisin,
qui gouuernoit la persōne dudit ieune Duc, & le
Capitaine de la Roque: qui iamais, depuis la

*Tascino.**Cico Secre-
taire de la
Duchesse
de Milan
maltraitté
par Ludon-
uit Sforce.**Antoine
Thefin Ferrarois, aïāt
grand ma-
niement
vers Bōne
Duchesse
de Milan.**Donjon en
Roque de
Milan.*

mort du Duc Galeas , n'en estoit sorti, ny ne fit de long temps apres , iusques à ce qu'il fut pris par tromperie dudit Seigneur Ludouic , & par la folie de son maistre: qui tenoit de la condition de la mere , & n'estoit gueres sage . Apres ces enfans mis en ladite Rocque par les dessusdits ils mirent la main sur le tresor (qui estoit en ce temps le plus grand de la Chrestienté) & lui en firent rendre compte : & en fut fait trois clefs dont elle eut l'une: mais onques puis n'y toucha. Ils la firent renoncer à la tutelle : & fut créé tuteur le Seigneur Ludouic: & d'avantage; escriurent en plusieurs lieux, & par especial en France lettres (que ie vey) à sa grande honte, en la chargeant de cest Anthoine Thesin ; & autre chose audit Thesin ne fut mesfait: mais fut enuoyé: & le sauua ledit Seigneur Robert, & aussi les bien. En ceste Roque n'entroient point ces deux grands hommes, comme ils vouloient, car le Capitain y auoit son frere , & bien cent cinquante hommes à gages: & faisoit garder la porte, quand ils entroient: & n'y menoient iamais qu'un homme ou deux avec eux: & dura ceci fort longuement.

Cependant sourdit grand different entre ledit Seigneur Ludouic & Robert de Saint-Seuerin, comme il est bien de coustume (car deux gros ne se peuuent endurer) & demoura le plus au Seigneur Ludouic : & l'autre s'en alla au service des Venitiens. Toutesfois, puis apres, reuint deux de ses enfans au service dudit Seigneur Ludouic & de l'estat de Milan: qui furent Messire Galeas & le Comte de Gaiazze. Aucuns dient du sçeu dudit pere. Les autres dient que non. Mais, comment que ce fust, ledit Se-

*Ludouic
Sforce tuteur de ses
nepueux
Ducs de
Milan.*

gneur Ludouic les prit en grand amour : & s'en
est fort bien serui , & fait encores aujourd'huy.
Et faut entendre que leur pere, le Seigneur Ro-
bert de Saint Seuerin estoit de la maison de S.
Seuerin, sailli d'une fille bastarde: mais ils ne font
point grande difference au pays d'Italie d'un en-
fant bastard à un legitime. Je di ceci, parce qu'ils
virent à conduire nostre entreprise du pays
d'Italie, tant en faueur du Prince de Salerne, dont
j'ai parlé , qui est chef de ladite maison de S. Se-
uerin, que pour autres causes, que ie diray apres.

*En Italie
ne font grā
de differēce
entre legiti-
me & ba-
stard.*

Ledit Seigneur Ludouic commença tost à
monstrer de fort vouloir garder son autorité : &
fit faire monnoie , où le Duc estoit empreint
d'un costé, & luy de l'autre: qui faisoit murmurer
beaucoup de gens. Ledit Duc fut marié avec la
fille du Duc de Calabre : qui depuis fut Roy Al-
phonse, apres la mort de son pere le Roy Ferrād,
Roy de Naples. Ladite fille estoit fort courageu-
se: & eust volontiers donné credit à son mary, si
elle eust peu, mais il n'estoit pas gueres sage, &
deueloit ce qu'elle luy disoit. Aussi fut long tēps
en grāde autorité le Capitaine de ceste Rocque
de Milan : qui iamais ne faillloit de dedans: & s'y
commença à engendrer des soupçons: & quand
l'un faillloit, l'autre demouroir dedans. Pour ab-
breger ce propos, environ un an ou deux auant
qu'allassions en Italie, ledit Seigneur Ludouic,
venant de dehors avec ledit Duc, * pour luy faire
dommage, l'amena pour descendre à la Rocque,
comme ils auoient de coustume. Le Capitaine
venoit sur le pont leuis, & gens à l'entour de lui,
pour baiser la main audit Duc, comme est leur
coustume. Ceste fois estoit le Duc un peu hors

** l'aut. ex.
dit, pour
faire faire
dommage,
peut estre
dommage.*

*Ludouic
Sforce sur-
prend le
chasteau
de Milan
sur ses ne-
veux.*

du pont: & fut contraint ledit Capitaine de passer vn pas, parauenture, ou deux, tant que ces deux enfans de Saint Seuerin le faisirent, & autres qui estoient à l'entour d'eux. Ceux de dedans leuerent le pont: & ledit Ludouic feit allumer vn bout de bougie, iurant qu'il leur feroit trancher la teste, s'ils ne rendoient la place, auant la chandelle bruslee. Ce qu'ils feirent: & pourueut bien ladite place, & seurement pour luy, & parlant tousiours au nom du Duc, & feit vn procez à ce bon homme, disant qu'il auoit voulu bailler la place à l'Empereur: & feit arrester aucuns Allemands, disant qu'ils traittoient ce marché: & puis les laissa aller, & feit decapiter vn sien Secretaire le chargeant d'auoir guidé ceste œuvre, & vn autre qui disoit qu'il en auoit faits lesdits messages. Ledit Capitaine long temps il tint prisonnier, & la fin le laissa aller, disant que Madame Bonneauoit vne fois gaigné vn frere dudit Capitaine pour le tuer, en entrant en ladite Roque, & que ledit Capitaine l'e auoit gardé: parquoi ceste heure luy sauua la vie. Toutesfois ie croi que s'il eust esté coupable d'un tel cas, comme d'auoir voulu bailler le chasteau de Milan à l'Empereur (auquel il pourroit pretendre droit comme Empereur, & aussi come Duc d'Autriche: car ceste maison y que relle quelque chose) il ne luy eust point pardonné. Aussi ç'eust esté vn grand mouuement en Italie: car tout l'estat de Milan se fust tourné en vn iour: parce que du temps des Empereurs, ils ne payoient que demy ducat pour feu: & maintenant sont fort cruellement traittez, Eglises, Nobles, & peuple, & en vraye tyrannie.

*Milan du
droict de
l'Emp. &
aussi de la
maison
d'Austri-
che.*

*Milannois
traitez
cruellement
en exa-
ction par
les Ducs.*

Se sentant le Seigneur Ludouic faisi de ce
 chasteau, & la force & les Gensd'armes de ceste
 maison sous sa main, pensa de tirer outre: car qui
 Milan, il a son gouvernement, & toute la Sei-
 gneurie: car les principaux de toute la Seigneu-
 rie y demeurent: & ceux, qui ont la garde & gou-
 vernement des autres places, en sont, &, de ce
 que contient ceste Duché, ie ne vey iamais plus *Milan de*
 belle piece de terre, ne de plus grande valeur. *grande va-*
 Car, quand le Seigneur se contenteroit de cinq *leur.*
 cens mille Ducats l'an, les suiets ne seroient que
 trop riches, & viuroit ledit Seigneur en seureté:
 mais il en leue six cens cinquante mille, ou sept
 cens mille, qui est grande tyrannie, aussi le peu-
 ple ne demande que mutatiō de Seigneur. Quoi
 voyant le Seigneur Ludouic, avec ce que dit est:
 & estant ja marié avec la fille du Duc de Ferrare,
 dont il auoit plusieurs enfans, se prepara d'ache-
 ver son desir: & mit peine de gagner amis, tant
 en ladite Duché que hors d'Italie: & premiere-
 ment s'allia des Venitiens, à la persuation de
 leurs estats, desquels il estoit grand amy: au pre-
 iudice de son beau-pere, à qui les Venitiens a-
 uoient osté, peu parauant, vn petit pays appelé .*Le Polesan*
 Polesan: qui est tout enuironné d'eauë, & abon- *osté au Duc*
 dant à merueilles en tous biens: & le tiennent les *de Ferrare*
 Venitiens iusques à demie lieuë de Ferrare & y *par les Ve-*
 ont plusieurs bonnes petites villes, que i'ay veuës c'est à *Polesine.*
 cauoir .*Rouigo* & Labadie: & le perdit lors *Rouigo*
 qu'il faisoit la guerre aux Venitiens, que luy seul *Labadie.*
 aimeut, & durant laquelle vint depuis le Duc de
 Calabre, Alphonse, à son secours, du viuant de
 Ferrand son pere, & le Seigneur Ludouic pour
 Milan, avec les Florentins, le Pape, & Boulōgne,

Toutesfois, estans Venitiens presque au deffous, au moins ayans le pire, & fort minez d'argent, & plusieurs autres places perdues, appointa ledict Seigneur Ludouic à l'honneur & profit des Venitiens : & reuint vn chacun au sien, fors ce pauvre Duc de Ferrare, qui auoit encommencé ladite guerre, à la requeste de luy, & dudit Roy Ferrand, dont ledit Duc auoit espousé la fille, & falut qu'il laissast ausdits Venitiens le Polesan, qu'encores tiennent : & disoit l'on que le Seigneur Ludouic en eut soixante mille Ducats. Toutesfois ie ne sçay s'il fut vray : mais i'ai veu ledit Duc de Ferrare en ceste creance. Vrai est que pour lors il n'auoit pas espousé la fille. Et ainsi estoit continuée ceste amitié entre luy & les Venitiens.

Nul seruiteur ne parent du Duc Iehan Galeas de Milan donnoit empeschement au Seigneur Ludouic à prendre la Duché pour luy, que la femme dudit Duc, qui estoit ieune, & sage, & fille du Duc Alphonse de Calabre, que pardeuant ay nommé, fils aîné du Roy Ferrand de Naples : & en l'an 1493. commença ledict Seigneur Ludouic à enuoyer deniers le Roy Charles 8. de present regnant, pour le pratiquer de venir en Italie, à conquerir ledit Royaume de Naples, pour destruire & affoler ceux qui le possedoient, que i'ay nommez. Car estans ceux-là en force & vertu, ledict Ludouic n'eust osé entreprendre ce qu'il feit depuis. Car en ce temps-là estoient forts & riches ledict Ferrand Roy de Naples, Cecile, & son fils Alphonse, & fort expérimentez au mestier de la guerre, & estimez de grand cœur (combien que le contraire se veit depuis) ledict Seigneur Ludouic estoit

*Ludouic
Sforce prae-
tique le Roi
Charles 8.
à venir
querir Na-
ples.*

*Enten-
dez de Na-
ples, & non
pas del'isle*

homme tres-sage, mais fort craintif & bien souple, quand il auoit paour (i'en parle comme de celuy que i'ay cogneu, & beaucoup de choses traitté auecques luy) & homme sans foy, s'il voyoit son profit pour la rompre. Et ainsi comme dit est, l'an mil quatre cens quatre-vingts & treize, cōmença à faire sentir à ce ieune Roy Charles huiëtiefme, de vingt & deux ans, des fumees & glōires d'Italie, luy remonstrant, cōme dit est, le droict qu'il auoit en ce beau Royaume de Naples, qui luy scauoit bien blasonner & louer, & s'adressoit de toutes choses à cest Estienne de Vers (deuenu Seneschal de Beaucaire, & enrichy, mais non point encores à son gré) & au General Briçonnet, homme riche, & entendu en Finances, grand amy lors du Seneschal de Beaucaire: auquel il faisoit conseiller audit Briçonnet de se faire Prestre, & que il le feroit Cardinal, à l'autre couchoit d'vne Duché. Et pour commencer à conduire toutes ces choses ledit Seigneur Ludouic enuoya vne grande Ambassade deuers le Roy, à Paris, audit an, dont estoit Chef le Comte de Caiasse, fils aisné dudit Robert de Saint Seuerin, dont i'ay parlé, lequel trouua à Paris le Prince de Salerne, dont il estoit cousin: car celuy-là estoit Chef de la maison de saint Seuerin, comme dessus i'ay dit, & estoit en France, chassé dudit Roy Ferrand, comme auez entendu parauant, & pourchassoit ladite entreprise de Naples. Avec ledit Comte de Caiasse estoit le Comte Charles de Belle ioyeuse, & messire Galeas, Vicomte Milannois. Tous deux estoient fort biē accoustre, & accompagnez. Leurs paroles en public

Ludouic
Sforce (ans
foy. 1493.

Ambassa-
de du Duc
de Milan
au Roy
Charles 8.
Belzioso en
Marce
Guazzo
que le La-
tin de P. Io-
uius en
l'histoire
de son tēps
nōme Bal-
bianus, &
l'Italien de
Balbiano.

n'estoient que visitations & paroles assez generales, & estoit la premiere Ambassade grande qu'il eust enuoyee deuers ledit Seigneur. Il auoit bien enuoyé parauant vn Secretaire, pour traiter que le Duc de Milan, son neveu, fust receu à hommage de Genes, par procureur. Ce qu'il fut & contre raison : mais bien luy pouuoit le Roy faire ceste grace que de commettre quelcun à le receuoir : car luy estant en la tutelle de sa mere, ie l'ay receu en son chasteau de Milan, moy estât Ambassadeur de par le feu Roy Louis onzième de ce nom, ayant la charge expresse de ce faire : mais lors Genes estoit hors de leurs mains, & la tenoit Messire Baptiste de Compefourgouse : & maintenant que ie dy, le Seigneur Ludouic l'auoit recouree, & donna à aucuns Chambellans du Roy, huiet mille Ducats, pour auoir ladicte inuestiture, lesquels feirent grand tort à leur maistre : car ils eussent peu parauant auoir Genes pour le Roy, s'ils eussent voulu. Si argent deuoient prendre pour ladicte inuestiture, ils en deuoient demander plus : car le Duc Galeas en paya vne fois au Roy Louis mon maistre, cinquante mille Ducats, desquels i'en eu trête mille Escus content en don dudit Roy Louys, à qui Dieu face pardon. Toutesfois ils disoient auoir pris lesdits huiet mille Ducats, du consentement du Roy, & ledit Estienne de Vers, Seneschal de Beaucaire, estoit l'un de ceux qui en prit : & croi bien qu'il le faisoit pour mieux entretenir ledict Seigneur Ludouic, pour ceste entreprise où il tendoit. Estans à Paris les Ambassadeurs, dont i'ay parlé en ce chapitre, & ayans parlé en general, parla à part avec le Roy, ledit Comte de

*Inuestiture
de Genes
pour 5000
Ducats.
Commines
reçoit en dō
30000. du
cats du Roy
Louis.*

Caiazzo (qui estoit en grand credit à Milan, & encores plus son frere Messire Galeas de Saint Seuerin, & par especial sur le faict des Gensdarmes) & commença à offrir au Roy grands serui-
ces & aydes, tant de gens, que d'argent : car ia pouuoit son maistre disposer de l'Estat de Milā, comme s'il eust esté sien, & faisoit la chose aisée à conduire : & peu de iours apres prit congé du Roy, & Messire Galeas Viscomte : & s'en allerent : & le Comte Charles de Belleioyeuse demeura pour auancer l'œuvre : lequel incontinct se vestit à la mode Françoisise : & feit de tresgrandes diligences : & commencerent plusieurs à entendre à ceste matiere. Le Roy enuoya en Italie vn nommé Peron de * Basche, nourry en la maison d'Anjou, du Duc Iean de Calabre, affectionné à ladite entreprise, qui fut vers le Pape Innocent, Venitiens, & Florentins. Ces pratiques, allees & venuës, durerent sept ou huit mois, ou enuiron, & se parloit de ladite entreprise entre eux, qui la sçauoient, en plusieurs façons : mais nul ne croyoit que le Roy y deust aller en personne.

* *André de la Vigne, en son Verger d'honneur fait mentiō d'un Perot le Vache, que ie pense estre cestui-cy, suiuant mesme la Mer des Histoires, qui s'accorde avec luy en tous ce voyage.*

Comment le Roy Charles huitiesme feit paix avec le Roy des Romains, & l'Archiduc d'Autriche, leur renuoyant Madame Marguerite de Flandres, deuant que faire son voyage de Naples.

C H A P. I I I.

Pendant ce delay, que iedy, se traitta paix à Senlis entre le Roy & l'Archiduc d'Autriche, heritier de ceste maison de Bourgonne : & cōbien que ja y eust trefues, si suruint-il

*Le Roy
Charles 8.
renuoye
Margueri-
te d'An-
striche à
son pere &
prend An-
ne de Bre-
tagne.*

cas de mal-vueillance: car le Roy laissa la fille du Roy des Romains, sœur dudit Archeduc (laquelle estoit bien ieune) & prit, pour femme, la fille du Duc François de Bretagne, pour auoir la Duché de Bretagne paisible, laquelle il possedoit presque toute, à l'heure dudit traitté, fors la ville de Renes, & la fille qui estoit dedans, laquelle estoit conduite sous la main du Prince d'Orenge, son oncle, qui en auoit fait le mariage avec le Roy des Romains, & espousé par procureur en l'Eglise publiquement, & fut le tout enuiron l'an mil quatre cens quatre-vingts & douze. Pour ledit Archeduc, & en sa faueur grande Ambassade vint de l'Empereur Federic, voulant se faire mediateur dudit accord. Aussi y enuoya le Roy des Romains, semblablement y enuoya le Comte Palatin, & les Suisses: pour moyenner & pacifier: car il sembloit à tous, que grande question en deuoit soudre, & que le Roy des Romains estoit fort iniurié, & qu'on luy ostoit celle qu'il tenoit pour sa femme, & luy rendoit-on sa fille, qui plusieurs annees auoit esté Royne de France.

*Anne de
Bretagne
espousee au
Roy des
Romains
par procu-
reur en l'E-
glise.*

*Duc, pour
Archeduc.*

Fin de compte, la chose termina en paix: car chacun estoit las de guerre, & par especial les suiets du Duc Philippe, qui auoyent tant souffert (tant par la guerre du Roy, que pour leurs diuisions particulieres) qu'ils n'en pouuoient plus: & se fait vne paix de quatre ans seulement, pour auoir repos, & leur fille: qu'on faisoit difficulté de leur rendre, au moins aucuns qui estoient à l'entour du Roy & de ladite fille. Et à ladite paix me trouuay present, avec les deputés, qui y estoient: à sçauoir Monseigneur le Duc Pierre de Bourbon, le Prince d'Orange, Mon-

seigneur des Cordes, & plusieurs autres grands personnages, & fut promis rendre audit Duc Philippe ce que le Roy tenoit de la Comté d'Artois, comme il auoit esté promis en traittant ledit mariage (qui fut l'an mil quatre cens quatre vingts & deux) qu'il ne s'accomplissoit, que les terres qu'on donnoit à ladite fille en mariage, retourneroyent avec elle, ou au Duc Philippe: mais ja demblee auoyent pris ceux dudiect Archeduc, Arras, & sainct Omer. Ainsi ne restoit à rendre que Hedin, Ayre & Betune: dont des l'heure leur fut baillé le reuenu & seigneurie, & y mirent Officiers, & le Roy retenoit les chasteaux, & y pouuoit mettre garnisons, iusques au bout de quatre ans, qui finirent à la S. Iean, l'an mil quatre cens quatre-vingts & dix-huict: & lors le deuoit rendre le Roy à mondiect Seigneur l'Archiduc: & ainsi fut promis & iuré.

Si lesdicts mariages furent ainsi changez selõ l'ordonnance de l'Eglise ou non, ie m'en raporte à ce qui en est: mais plusieurs Docteurs en Theologie m'ont dit que non, & plusieurs m'ont dit que ouy: Mais (quelque chose qu'il en soit) toutes les Dames ont eu quelque malheur en leurs enfans. La nostre a eu trois fils de rang, & en quatre annees. L'un a vescu pres de trois ans, & puis mourut: & les autres deux aussi sont decedez. Madame Marguerite d'Austriche a esté mariee au Prince de Castille, fils seul des Roys & Roynes de Castille, & de plusieurs autres Royaumes: lequel Prince, mourut au premier an qu'il fut marié: qui fut l'an mil quatre cens quatre vingts dix-sept. Ladite Dame demoura grosse, laquelle accoucha d'un fils, tout incontinent

Marguerite d'Austriche mariee au Prince de Castille.

*Sforce fils
d'un cor-
douanier.*

*possible
presom-
ptueux, ou
tres-ver-
tueux.*

apres la mort de son mary : qui a mis en grand' douleur les Roy & Royne de Castille , & tout leur Royaume. Le Roy des Romains s'est marié, incontinent apres ces mutations dont i'ay parlé , avec la fille du Duc Galeas , dont a esté parlé : & s'est fait ce mariage par la main du Seigneur Ludouic. Le mariage a fort despleu aux Princes de l'Empire , & à plusieurs amis du Roy des Romains , pour n'estre de maison si noble (comme il leur sembloit) qu'il leur appartenoit. Car du costé des Viscomtes , dont s'appellent ceux qui regnent à Milan, y a peu de noblesse, & moins du costé de Sforce : dont estoit fils le Duc Francisque de Milan : car il estoit fils d'un cordouanier d'une petite ville, appelée Cotignoles , mais il fut homme tres-somptueux, & encores plus le fils, lequel se fait duc de Milan , moyennant la faueur de sa femme bastarde du Duc Philippe Marie: & la conquesta , & posseda non point comme Tyran : mais comme vray & bon Prince & estoit bien à estimer sa vertu & bonté & aux plus nobles Princes qui ayent regné de son temps. Je dy toutes ces choses, pour monstrier ce qui s'est ensuiuy de la mutation de ces mariages, & ne sçay qu'il en pourra encores aduenir.

Comment le Roy enuoya deuers les Venitiens pour les pratiquer, deuant qu'entreprendre son voyage de Naples: & des preparatifs qui se firent pour iceluy.

CHAP. IV.

Pour reuenir à nostre matiere principale , vous auez entendu comme le Comte de Caiazzo, & autres Ambassadeurs, sont par-

tis d'auec le Roy, de Paris, & comment plu-
 sieurs pratiques se menoyent par Italie, & com-
 ment nostre Roy (tout ieune qu'il estoit) l'a-
 uoit fort à cœur: mais à nul ne s'en descouuroit
 encores, fors à ces * deux. Aux Venitiens fut re-
 quis de par le Roy, qu'ils luy voussissent don-
 ner ayde & conseil en ladite entreprise. Les-
 quels feirent responce qu'il fust tres-bien venu:
 mais qu'ils ne luy pourroient faire ayde, pour
 la suspection du Turc (combien qu'ils fussent
 en paix auec luy) & que de conseiller vn si sage
 Roy, & qui auoit si bon conseil, ce seroit trop
 grande presomption à eux: mais que plustoit
 luy ayderoient, que de luy faire ennuy. Or no-
 tez qu'ils cuydoient bien sagement parler, &
 aussi faisoient-ils. Car pour aujourd'huy ie
 croy leurs affaires plus sagement conseillez,
 que de Prince, ne communauté, qui soit au
 monde: mais Dieu veut tousiours que l'on co-
 gnoisse que les iugemens, ne les sens des hom-
 mes, ne seruent de rien, là où il luy plaist met-
 tre la main. Il disposa l'affaire autrement qu'ils
 ne cuydoient: car ils ne croyoient point que le
 Roy y allast en personne: & si n'auoyent nulle
 paour du Turc, quelque chose qu'ils dissent (car
 le Turc qui regnoit, estoit de petite valeur)
 mais il leur sembloit qu'ils se vengeroiēt de ce-
 ste maison d'Arragon: qu'ils auoient en grande
 haine, tant le pere que le fils: disans qu'ils auoiēt
 fait venir le Turc à Scutari. I'enten le pere de
 cestuy Turc, qui conquist Constantinoble, ap-
 pellé Mahumet Othoman, & qui feit plu-
 sieurs autres grands dommages ausdits Veni-
 tiens. Du Duc de Calabre, Alphonse, ils

*asc. à de
 Vers & à
 Brignones*

*Sage res-
 ponse des
 Venitiens
 au Roy.*

*Ainsi le
 nomme
 Lodoico
 Dolce, en
 sa tradu-
 ction des
 Histoires
 Venitien-
 nes de Sa-
 bellie.*

disoyent plusieurs autres choses, & entre les autres, qu'il auoit esté cause de la guerre, qu'esmeut contre eux le Duc de Ferrare: qui merueilleusement leur cousta, & en cuiderent estre destruits (de ladite guerre i'ay dit quelque mot) & disoient aussi que le Duc de Calabre auoit enuoyé homme expres à Venise, pour empoisonner les cisternes: au moins celles, où ils pourroient ioindre: car plusieurs sont fermées à clef: & audit lieu n'vsent d'autre eau (car ils sont de tous poincts assis en la mer) & est l'eauë tresbonne: & en ay beu huiët moys pour vn voyage seul: & y ai esté vne autresfois, depuis la saison dont ie parle. Mais leur principale raison ne venoit point de-là: ains pource que les dessusdits les gardoient d'accroistre, à leur pouuoir, tant en Italie comme en Grece, car des deux costez auoyent les yeux ouuerts, toutesfois ils auoient nouuellement cōquesté le Royaume de Cypre, & sans nul tiltre. Pour toutes ces haines sēbloit ausdits Venitiens, que c'estoit leur profit que la guerre fust entre le Roy & ladite maison d'Aragon, esperans qu'elle ne prendroit si prompte conclusion qu'elle prit, & que ce ne seroit qu'affoiblir leurs ennemis, & non point les destruire, & que, au pis venir, l'un party, où l'autre, leur donneroit quelques villes en Pouille, qui est du costé de leur Golfe, pour les auoir à leur ayde & ainsi en est aduenu: mais il a peu failly qu'ils ne se soient mescomptez: & puis leur sēbloit qu'on ne les pourroit charger d'auoir fait venir le Roy en Italie: veu qu'ils ne luy en auoient donné cōseil ny ayde: cōme apparoissoit parla responce qu'ils auoient faite à Peron de Basche.

*Venitiens
cherchent
l'auantage
del'Estat.*

En l'année mille quatre cens quatre vingts quatorze, tira le Roy vers Lion pour entendre à ses affaires, non point qu'on cuidast qu'il passast les monts, & là vint vers lui Messire Galeas, frere au Comte de Caiazze, de saint Senerin, dont a esté parlé, fort bien accompagné, de par le Seigneur Ludouic, dont il estoit Lieutenant & principal seruiteur, & amena grand nombre de beaux & bons cheuaux: & apporta du harnois, pour courir à la iouste: & y courut, & bien: car il estoit ieune & gentil chevalier. Le Roy lui feit grand honneur & bonne chere, & lui donna son ordre: & puis il s'en retourna en Italie: & demeura tousiours le Comte de Belle-joyeuse Ambassadeur, pour auancer l'allee: & se commença à aprestier vne tresgrosse armee à Genes: & y estoit pour le Roy, le Seigneur d'Vifé, Grãd Escuyer de France, & autres. A la fin le Roy alla à Vienne au Dauphiné, enuiron le commencement d'Aoust audit an: & là venoient chacun iour les Nobles de Genes, où fut enuoyé le Duc Louis d'Orleans, de present regnant Roy, homme ieune, & beau personnage, mais aima son plaisir (de lui est assez parlé en ces Memoires) & cuidoit-on lors qu'il deust conduire l'armee par mer, pour descendre au Royaume de Naples, par l'aide & conseil des Princes qui en estoient chassez, & que i'ay nommez: c'est à sçauoir les Princes de Salerne & de Bisignan. Et furēt prests iusques à quatorze nauires Geneuois, & plusieurs galees, & galions: & y estoit obeï le Roy en ce cas, comme à Paris. Car ladite cité estoit sous l'estat de Milan, que gouuernoit le Seign. Ludouic, & n'auoit competeurs leans, que la

femme du Duc son neveu, que j'ay nommée, fille du Roy Alphonse (car en ce temps estoit ja mort son pere le Roy Ferrand) mais le pouuoir de ladite Dame estoit bien petit, veu qu'on voyoit le Roy prest à passer, ou à enuoyer, & son mari peu sage qui disoit tout ce qu'elle disoit, à son oncle, qui auoit ja faict noyer quelque mesfager, qu'elle auoit enuoyé vers son pere.

*Le Roy
Charles
despourueu
de tous
pour l'entre-
prise du
royaume
d'Italie.*

La despense de ce nauire estoit fort grande, & suis d'auis qu'elle cousta trois cens mille francs, & si ne seruit de rien, & y alla tout l'argent constant que le Roy peut finer de ses Finances: car (comme j'ay dit) il n'estoit point pourueu ne de sens, ne d'argent, ni d'autre chose necessaire à telle entreprise, & si en vint bien à bout, moienant la grace de Dieu, qui clairement le donna ainsi à cognoistre. Je ne veux point dire que le Roy ne fust sage de son aage: mais il n'auoit que vingt & deux ans, & ne faisoit que saillir du nid. Ceux qui le conduisoient en ce cas, que j'ay nommez: à sçauoir Estienne de Vers, Seneschal de Beaucaire, & le General Briçonnet, de present Cardinal de Saint Malo, estoient deux hommes de petit estat, & qui de nulle chose n'auoient eu experience: mais de tant môstra Nostre Seigneur mieux sa puissance: car nos ennemis estoient tenus tres-sages & experimentez au faict de la guerre, riches, & pourueus de sages hommes, & bons Capitaines, & en possession du Royaume. Je veux dire le Roy Alphonse, de nouveau couronné par le Pape Alexandre, natif d'Arragon, qui tenoit son parti les Florentins, & bonne intelligence au Turc. Il auoit vn fils gentil personnage, nommé Dom Ferrand, de

l'aage de vingt deux ou vingt-trois ans, aussi portant le harnois, & bien aimé du Royaume, & vn frere appellé Dom Federic, depuis Roy, apres Ferrand durant nostre aage, homme bien sage, qui conduitoit leur armee de mer, ayant esté nourri par deça long temps, & duquel vous Monseigneur de Vienne, m'auez maintesfois asseuré, par Astrologie, qu'il seroit Roy : & me promit dès lors quatre mille liures de rente audit Royaume, si ainsi luy aduenoit : & cesté ceste promesse vingt ans deuant que le cas aduint.

Or pour continuer, le Roy mua de propos, à force d'estre pressé du Duc de Milan, par lettres, & par ce Côte Charles de Bellejoyeuse son Ambassadeur, & aussi des deux que i'ay nomméz. Toutesfois le cœur faillit audit General, voyant que tout homme sage & raisonnable blasmoit le voyage de par delà par plusieurs raisons, & par estre là sur les champs au mois d'Aoust, sans argent & sans toutes autres choses necessaires : & demoura à la foy audit Seneschal seul, dont i'ay parlé, & feit le Roy mauuais visage audit General, trois ou quatre iours : puis il se remit en train. Si mourut à l'heure vn seruiteur dudit Seneschal (comme l'on disoit) de peste : parquoy il n'osoit aller autour du Roy, dont il estoit bien troublé : car nul ne sollicitoit le cas. Monsieur de Bourbon & Madame estoient là, cherchans rompre ledit voyage à leur pou-
voir : & leur en tenoit propos ledit General, & l'un iour estoit l'allee rompuë, & l'autre renouuelee. A la fin le Roy se delibera de partir, & monta à cheual des premiers, esperant passer les

*Voyage
d'Italie es-
branlé.*

monts en moindre compagnie: toutesfois ie fu demandé, disant que tout estoit rompu, & ce iour furent empruntez cinquante mille Ducats, d'un marchand de Milan: mais le Seigneur Ludouic les bailla, moyennant pleiges, qui s'obligèrent vers ledit marchand, & y fu pour ma part pour six mille Ducats, & autres pour le reste, & n'y auoit nuls interests. Auparauant on auoit emprunté de la Banque de Soli, de Genes, cent mille Francs, qui cousterent en quatre mois quatorze mille Francs d'interests: mais chacuns disoient, que des nommez auoient part à cest argent, & au profit.

Comment le Roy Charles partit de Vienne en Dauphiné pour conquerir Naples, en personne, & de ce que fit son armee de mer, sous la conduite de Monsieur d'Orleans.

C H A P. V.

Pour conclusion, le Roy partit de Vienne, le vingt-troisiesme iour d'Aoust, mil quatre cens quatre vingts quatorze, & tira droit vers Ast. A Suze vint vers lui Messire Galeas de Saint Seuerin, en poste. De là alla le Roy à Turin: & y emprunta les bagues de Madame de Sauoye, fille du feu Marquis, le Seigneur Guillaume de Montferrat, & vefue du Duc Charles de Sauoye, & les mit en gage pour douze mille Ducats: & peu de iours apres, fut à Casal, vers la Marquise de Montferrat, Dame ieune, & sage, vefue du Marquis de Montferrat. Elle estoit fille du Roy de Seruie. Le Turc auoit conquis son pays: & l'Empereur, de qui elle estoit pa

Le Roy
Charles
entreprend
son voyage
sur deniers
emprunt.

rente, l'auoit mariée là, l'ayant parauenture recueillie. Elle presta aussi ses bagues, qui aussi furent engagees pour douze mille Ducats: dont pouuez voir quel commencement de guerre c'estoit, si Dieu n'eust guidé l'œuvre. Par aucuns iours se tint le Roy en Ast. Ceste année là tous les vins d'Italie estoient aigres: ce que nos gens ne trouuoient point bon, ne l'air qui estoit si chaud. Là vint le Seigneur Ludouic, & sa femme, fort bien accompagnez: & y fut deux iours & puis se retira à Nom, vn chasteau qui est de la Duché de Milan, à vne lieuë d'Ast, & chacun iour le Conseil alloit vers lui.

Le Roy Alphonse auoit deux armées par país. L'une estoit en la Romanie, vers Ferrare: que conduisoit son fils: & auoit avec lui le Seigneur Virgile Vrsin, le Comte de Petillhanne, & le Seigneur Iean Iacques de Trenol, qui pour ceste heure est des nostres. Et contre ceux estoit, pour le Roy, Monseigneur d'Aubigni, vn bon & sage Cheualier, avec quelques deux cens Hommes d'armes. Il y auoit aussi du moins cinq cens hommes d'armes Italiens, aux despens du Roy, que conduisoit le Comte de Caiasse, qu'assez auez ouy nommer, qui estoit pour le Seigneur Ludouic, & n'estoit point sans paour que ceste bande ne fust rompuë: car nous fussions retournez: & il eust eu sur les bras ses ennemis, qui auoient grande intelligence en ceste Duché de Milan.

*Iean Iacq.
de Trenol
deuenu ser-
uiteur du
Roy.*

L'autre armée estoit par mer, que conduisoit Dom Federic, frere dudit Alphonse, & estoit à Ligorne & à Pise (car les Florentins tenoient encores pour eux, & auoient certain nombre de

galées, & estoit avec lui Messire Breto de Flisco & autres Geneuois: au moyen desquels ils esperoient faire tourner la ville de Genes: & peu faillit qu'ils ne le feissent à Specie & à Rapalo, pres de Genes: où ils mirent en terre quelques mille hommes de leurs partisans: & , de faict, eussent fait ce qu'ils vouloient, si tost n'eussent esté assaillis: mais ce iour, ou le lendemain y arriva le Duc Louis d'Orleans, avec quelques navies, & bon nombre de galées, & vne grosse galeace, qui estoit mienne, que patronisoit vn appelé messire Albert Meli: sur laquelle estoit ledit Duc & les principaux. En ladite Galeace avec grand artillerie, & grosses pieces, car elle estoit puissante, & s'approcha si pres de terre, que l'artillerie desconfit presque les ennemis, qui iamais n'en auoient veu de semblables: & estoit chose nouvelle en Italie: & descendirent en terre ceux, qui estoient ausdits navires: & par la terre venoient de Genes: où estoit l'armee, vn nombre de Suisses, que menoit le Baillif de Digeon, & aussi y auoit des gens du Duc de Milan, que conduisoit le frere dudit Breto appelé messire Iehan Louis de Flisco, & messire Iehan Adorne. Lesquels ne furent point aux coups: mais firent bien leur deuoir, & garderent certain pas. En effect, parce que nos gens ioignirent les ennemis, ils furent desfaits, & en fuitte. Cent ou six vingts en mourut, & huit ou dix furent prisonniers, & entre les autres, vn appelé le Fourgousin fils du Cardinal de Genes. Ceux qui échapperent furent tous mis en chemise par les gens du Duc de Milan: & autre mal ne leur faisant, & leur est ainsi de coustume. Je vey tou-

tes les lettres qui en vindrent tant au Roy qu'au Duc de Milan. Ainsi fut ceste armee de mer reboutee, qui depuis ne s'apparut si pres. Au retour, les Geneuois se cuiderent esmouuoir, & tuerent aucuns Allemans en la ville, & en fut tué aucuns des leurs, mais tout fut appaisé.

Il faut dire quelque mot des Florentins, qui auoient enuoyé vers le Roy (auant qu'il partist de France) deux fois, pour dissimuler avec luy. L'une fois me trouuai à besongner avec ceux qui vindrēt en la compagnie dudit Seneschal & General, & y estoient l'Euesque * d'Arese, & vn nommé Pierre Soderin. On leur demanda seulement qu'ils baillassent passage, & cent homes d'armes, à la solde d'Italie (qui n'estoit que dix mille Ducats pour vn an) eux parlans par le commandement de Pierre de Medicis, homme ieune, & peu sage, fils de Laurens de Medicis, qui estoit mort, & auoit esté des plus sages hommes de son temps, & conduisoit ceste cité presque comme Seigneur: & aussi faisoit le fils: car ia leur maison auoit ainsi vescu, la vie de deux hommes parauant, qui estoient Laurens, pere dudit Pierre, & Cosme de Medicis, qui fut le chef de ceste maison, & là commença, homme digne d'estre nommé entre les tres-grands, & en son cas qui estoit de marchandise, estoit la plus grand' maison que ie croy, qui iamais ait esté au monde: car leurs seruiteurs ont eu tant de credit, sous couleur de ce nom Medicis, que ce seroit merueilles à croire, à ce que i'en ay veu en Flandres & en Angleterre. I'en ay veu vn, appellé Guerard Quauese, presque estre occasion de soutenir le Roy Edouard, le

∴ d'Are-
sin possible
toutesfois
M. Guaz-
zo dit de
Regio, En
Pietro Sa-
derini a-
pres.

Maison de
Medicis en
grand cre-
dit d'assez
long temps
en Florence.

quart, en son estat, estant guerre en son royaume d'Angleterre, & fournir parfois audit Roy plus de six vingts mille escus, où il feist peu de profit pour son maistre: toutesfois il recouura ses pieces à la longue. Vn autre ay veu, nommé & appelé Thomas Portunai, estre pleige, entre ledit Roy Edouard & le Duc Charles de Bourgogne, pour cinquante mille-escus, & vne autrefois, en vn lieu, pour quatre vingts mille. Je ne louë point les marchans d'ainsi le faire: mais ie loüe bien à vn Prince de tenir bons termes aux marchans, & leur tenir verité: car ils ne scauent à quelle heure ils en pourrôt auoir besoin: car quelquesfois peu d'argent faict grand seruice.

Il semble que ceste lignee vint à faillir (comme on fait aux Royaumes & Empires) & l'autorité des predecesseurs nuisoit à ce Pierre de Medicis, combien que celle de Cosme (qui auoit esté le premier) fust douce & amiable, & telle qu'estoit necessaire à vne ville de liberté. Laurens, pere de Pierre, dont nous parlons à ceste heure, pour le differant, dont a esté parlé en aucun endroict de ce. liure, qu'il eut contre ceux de Pise & autres (dont plusieurs furent pendus) en temps-là, auoit pris vingt homes pour se garder, par commandement & congé de la Seigneurie laquelle cōmandoit ce qu'il vouloit: toutesfois moderemēt se gouernoit en ceste grande autorité (car cōme j'ai dit, il estoit des plus ages en son tēps) mais le fils cuidoit que cela lui fust deu par raison: & se faisoit craindre, moyennant ceste garde: & faisoit des violences de nuit, & des batteries lourdement, abusant de

*Entendez
ce mot pour
vltime,
car ainsi
que nous
l'auons dis-
tingué
par liures,
ce d'ouy
il parle est
au sixiesme
chap 5.*

leurs deniers communs , si auoit faict le pere, mais si sagement, qu'ils en estoient presque contents.)

A la seconde fois enuoia ledit Pierre à Lyon, vn appelle Pierre Capon, & autres: & disoit pour excuse (comme ja auoit fait) que le Roy Louis onzieme , leur auoit commandé à Florence se mettre en ligne avec le Roy Ferrand , du temps du Duc Iean d'Anjou , & laisser son alliance, disant que puis que par le commandement du Roy auoient pris ladite alliance (qui duroit encores par aucunes annees) ils ne pouuoient laisser l'alliance de la maison d'Arragon : mais, que si le Roy venoit iusques-là , ils luy feroient des seruices : & ne cuidoient point qu'il y allast, non plus que les Venitiens. En toutes les deux Ambassades y auoit tousiours quelqu'un ennemi dudit de Medicis , & par especial, ceste fois ledit Pierre Capon, qui maintesfois aduertissoit de ce qu'on deuoit faire pour tourner la cité de Florence contre ledit Pierre: & faisoit sa charge plus aigre qu'elle n'estoit : & aussi conseilloit qu'on bannist tous Florentins du Royaume : & ainsi fut fait. Cecy ie dy pour mieux vous faire entendre ce qui aduint apres: car le Roy demoura en grand' inimitié contre ledit Pierre : & lesdits Seneschal & General auoient grand' intelligence avec ses ennemis en ladite cité , & par especial , avec ce Capon , & avec deux cousins germains dudit Pierre & de son nom propre.

Comment le Roy estant encor en Ast, se resolut de passer outre vers Naples, à la poursuite de Ludouic Sforces: & comment Messire Philippe de Commines fut enuoyé en Ambassade à Venise: & de la mort du Duc de Milan, apres laquelle Ludouic se fit Duc, au preiudice du fils d'iceluy Duc.

CHAP. VI.

I'Ay dit ce qui aduint à Rapalo, par mer. Dom Federic se retira à Pise & à Ligorne: & depuis ne recueillit les gens de pié, qu'il auoit mis à terre: & s'ennuyèrent fort les Florentins de luy, cōme plus enclins, & de tout temps à la maison de France, qu'à celle d'Arragon: & nostre armee, qui estoit en la Romanie (combien qu'elle fust la plus foible) toutesfois faisoit prosperer nostre cas, & commença peu à peu a reculer Dom Ferrand, Duc de Calabre. Quoy voyant le Roy, se mit en opinion de passer outre, sollicité du Seigneur Ludouic, & des autres, que i'ay nommez, & luy dit le Seigneur Ludouic à son arriuée, Sire, ne craignez point ceste entreprise. En Italie a trois puissances (que nous tenons grandes) dont vous auez l'vne (qui est Milan) l'autre ne bouge, qui sont les Venitiens. Ainsi n'aez à faire qu'à celle de Naples, & plusieurs de vos predecesseurs nous ont battus, que nous estions tous ensemble. Quand vous me voudrez croire, ie vous aideray à faire plus grand, que ne fut iamais Charlemagne, & chasserons ce Turc hors de cest Empire de Constantinoble aisément, quand vous auez ce Royaume de Naples. Et disoit

*Accouragement en-
fée de Lu-
douic Sfor-
ces au Roy
pour la cō-
queste de
Naples.*

vray du Turc, qui regne: mais que toutes choses eussent esté bien disposées de nostre costé. Ainsi se jmit le Roy à ordonner de son affaire, selon le vouloir & conduite dudit Seigneur Ludouic, dont aucuns des nostres eurent enuie; & fut quelque Chambellan, & quelque autre, sans propos (car on ne se pouuoit passer de luy) & estoit pour complaire à Monseigneur d'Orleans, qui pretendoit à la Duché de Milan, & sur tous en estoit enuieux ce General, car ja s'estimoit grand, & y auoit quelque enuie entre le Seneschal & luy: & dit ledict Ludouic quelque mot au Roy, & à luy pour le faire demeurer. Qui' mouuoit ledit General à parler contre luy: & disoit qu'il tromperoit la compaignie: mais il estoit mieux seant qu'il s'en fust teu: mais iamais n'entra & ne vint en credit, en chose d'estat, & ne s'y cognoissoit: & si estoit homme leger en parole: mais bien affectionné à son maître. Toutesfois il fut conclu d'enuoyer plusieurs hommes en Ambassade, & moy, entre les autres, à Venise. Je demourai à partir aucuns iours par ce que le Roy fut malade de la petite verole, & en peril de mort, par ce que la sieure se mesla parmy: mais elle ne dura que six ou sept iours: & me mey en chemin ailleurs: & laissai le Roy en Ast: & croyoie fermemēt qu'il ne passast point outre. J'allay en 6. iours à Venise, avec mulets & train, car le chemin estoit le plus beau du monde, & craignoie bien à partir, doutant que le Roy retournast: mais nostre Seigneur en auoit autrement disposé. Si tira droit à Paue, & passa par Casal, vers ceste Marquise: qui estoit bonne pour nous, & bone Dame, grāde ennemie du

C'est à dire, audit General.

*V. n'entra
vint en credit.*

*Le Roy
Charles
malade de
la petite
verole &
l'allée du
voyage d'Italie.*

Seigneur Ludouic, & luy la haïssoit aussi. Apres que le Roy fut arrivé à Pauie, commença ja quelque peu de souspeçon : car on vouloit qu'il logeast en la ville, & non point au chasteau, & il y vouloit loger, & y logea, & fut renforcé le guet ceste nuit (gens me dirent, qui estoient pres dudit Seigneur, qu'il y auoit danger) dont s'esbahit le Seigneur Ludouic, & en parla au Roy, demandant s'il se souspçonnoit de luy. La façon y estoit telle, des deux costez, que * la nuitée n'y pouvoit gueres durer : mais de nostre costé parlions plus qu'eux : non point le Roy, mais ceux qui estoient prochains parens de luy. En ce chasteau de Pauie estoit le Duc de Milan, dont a esté parlé deuant, appelé Iehan Galeas & sa femme, fille du Roy Alphonse, bien piteuse, car son mary estoit-là malade, & tenu en ce chasteau, comme en garde, & son fils, qui encores vit pour le present, & vne fille ou deux, & auoit l'enfant lors quelques cinq ans. Nul ne vit le Duc, mais bien l'enfant. I'y passé trois iours auant le Roy, mais il n'y eut remede de le veoir, & disoit l'on qu'il estoit bien fort malade, toutesfois le Roy parla à luy, car il estoit son cousin germain, & m'a compté ledit Seigneur leurs paroles, qui ne furent que choses generales : car il ne vouloit en rien desplaire audit Ludouic. Toutesfois, me dit-il, qu'il l'eust volontiers aduertty. A celle heure propre le ietta à genoux ladite Duchesse, deuant ledit Ludouic, luy priant qu'il eust pitié de son pere & frere. Il luy respondit qu'il ne se pouuoit faire. Mais elle auoit meilleur besoin de prier pour son mary, & pour elle, qui estoit encores belle Dame & ieune.

* l'amitié
(possible)

Le Roy n'a
se plaire à
Ludouic
& force en
faueur du
Duc son
frere.

De là tira le Roy à Plaisance : auquel lieu eut nouvelles ledit Ludouic, que son neueu le Duc de Milan se mouroit. Il prit congé du Roy, pour y aller : & luy pria le Roy qu'il retournaſt : & il le promit. Auant qu'il fuſt à Pauie, ledit Duc mourut, & incontinent, comme en poſte, alla à Milan. Le vei ces nouvelles par la lettre de l'Ambaſſadeur Venitien (qui eſtoit avec luy) qui l'eſcriuoit à Veniſe, & aduertifſoit qu'il ſe vouloit faire Duc : & à la verité dire, il en deſplaiſoit au Duc & Seigneurie de Veniſe : & me demanderent ſi le Roytiendroir point pour l'enfant : & combien que la choſe fuſt raiſonnable, ie leur mis en doute : veu l'affaire que le Roy auoit dudit Ludouic.

Fin de compte, il ſe ſeit receuoir pour Sei-
gneur, & fut la concluſiõ (comme plus diſoient)
pour laquelle il nous auoit fait paſſer les monts,
le chargeant de la mort de ſon neueu, dont les
parens & amis en Italie, ſe mettoient en chemin,
pour luy oſter le gouuernement, & l'euffent
fait aisément, ſi n'euffe eſté l'allée du Roy,
car ja eſtoient en la Romanie, comme auez
ouy. Mais le Comte de Caiazze, & Monſei-
gneur d'Aubigny, les faiſoient reculer : car le-
dict Seigneur d'Aubigny eſtoit en force de cent
cinquante, ou de deux cens Hommes d'armes
François, & d'un nombre de Suiſſes, & ſe recu-
loit ledit Dom Ferrand vers leurs amis, & eſtoit
demie iournee, ou enuiron deuant nos gens, &
tira deuers : Sorly, dõt eſtoit Dame vne Baſtar-
de de Milan, veſue du Comte Hieronyme, qui
auoit eſté neueu du Pape Sixte. On diſoit qu'el-
le tenoit leur party, mais nos gens luy prirent
vne petite place d'aſſaut, qui ne fut batuë que

*Ludouic
Sforce ſa
fait rece-
uoir Duc
à Milan.*

*Forly,
M. Guaz-
zo, qui e-
ſtoit aux
anciens
Forlūini
ſelon la deſ-
cription
d'Italie.*

* *Sasenne*
en l'autre
Ex. impri-
mi: & M.
Guazzo
Cesena, &
l'It. de Lou.
Cesenna.

demy iour, parquoy elle se tourna, avec le bon vouloir qu'elle en auoit, & de tous costés, le peuple d'Italie commença à prendre cœur, desirant nouuelletez: car ils voyoiēt chose qu'ils n'auoiēt point veüe de leur temps: car ils n'entendoient point le faict de l'artillerie, & en France n'auoit iamais esté si bien entendu. Or se tira ledit Dom

Ferrand vers . . Susanne, approchant du Royaume, vne bonne cité, qui est au Pape en la Marque d'Ancone. Mais le peuple leur destrouloit leurs sommiers & bagues, quand ils les trouuoient à part: car par toute Italie ne desiroient qu'à rebeller, si du costé du Roy, les affaires se fussent bien conduits, & en ordre sans pillerie: mais tout

se faisoit au contraire, dont i'ai eu grand dueil, pour l'honneur & bonne renommee, que pouuoit acquerir, en ce voyage, la nation Françoisë.

* *ou ado-*
voit.

François
ne main-
tiennent
leur bonne
reputation
à l'aller au
voyage
d'Italie.

Car le peuple nous . . aduoüoit comme Saints, estimans en nous toute foy & bonté: mais ce propos ne leur dura gueres, tant pour nostre desordre & pillerie, qu'aussi les ennemis preschoiēt le peuple en tous cartiers, nous chargeans de prendre femmes à force, & l'argent, & autres biens, où nous le pouuions trouuer. De plus grands cas ne nous pouuoient ils charger en Italie, car ils sont ialoux, & auaricieux plus qu'autres. Quant aux femmes ils mentciēt: mais, du demeurant, il en estoit quelque chose.

Comment Pierre de Medicis met quatre des principales forteresses des Florëtins entre les mains du Roy: & comment le Roy met Pise, qui en estoit l'une, en sa liberté.

OR ai-je laissé le Roy à Plaisance, selon mon propos, où il feit faire seruice solemnel à son cousin germain, le Duc de Milan, & si croy qu'il ne sçauoit gueres autre chose que faire, veu que le Duc de Milan, nouveau, estoit party de lui, & m'ont dit ceux, qui le deuoyent bien sçauoir, que la compagnie fut en grand vouloir de retourner, par doute: & se sentoyent mal pourueus: car d'aucuns, qui auoient premier loué le voyage, le blasmoiet: comme le Grand Escuyer, Seigneur d'Vrfé (combien qu'il n'y fust point, mais estoit malade à Genes) car il escriuit vne lettre, donnant grand soupçon, disant auoir esté aduerty. Mais (comme i'ay dit en d'autres endroits) Dieu monstroit conduire l'entreprise: & eut le Roy soudaines nouuelles que le Duc de Milan retourneroit, aussi quelque sentement de Florence, pour les inimitiez, que ie vous ay dites, qui estoient contre Pierre de Medicis, qui viuoit comme s'il eust esté Seigneur, dont estoient tous les plus prochains parens, & beaucoup d'autres gens de bien, comme tous ces Capons, ceux de Fodormy, ceux de Nerly, & presque toute la cité, enuieux. Pour laquelle cause ledit Seigneur partit, & tira aux terres des Florentins, pour les faire declarer pour luy, ou pour prendre de leurs villes, qui estoient foibles, pour s'y pouoir loger pour l'hyuer, qui estoit ia encommencé, & se tournerent plusieurs petites places, & aussi la cité de Luques: ennemie des Florentins, & feirent tout plaisir & seruice au Roy, & auoit tousiours esté le conseil du Duc de Milan à ces deux fins, à fin qu'on ne passast point plus auant de la saison, & aussi qu'il espe-

Soderini.

roit auoir Pise (qui est bonne & grande cité) Serzane, & Pietresancte. Les deux auoient esté aux Geneuoïs (n'y auoit gueres de temps) & conquis sur eux par les Florentins, du temps de Laurens de Medicis.

.. Pontremio M.
Gazzoni
l'ital. de
Iou. Pontremio.

Le Roy prit son chemin par .. Pontremio (qui est au Duc de Milan) & alla assieger Serzane, tresfort chasteau, & le meilleur qu'eussent les Florentins, mal pourueu pour leur grande diuision, & aussi, à la verité dire, les Florentins, mais volontiers estoient contre la maison de France de laquelle ils ont esté, de tous temps, vray seruiteurs & partisans; tant pour les affaires qu'ils ont en France, pour la marchandise, que pour estre de la part Guelfe: & si la place eust esté bien pourueüe, l'armée du Roy estoit rompue car c'est vn pays sterile, & entre montaignes: & n'y auoit nuls viures, & aussi les neiges estoient grandes. Il ne fut que trois iours deuant, & y arriua le Duc de Milan auant la composition: & passa par Pontremio: où des gens de la ville & garnison eurent grand debat avec nos Alemans (qui conduisoit vn appelé Busser) & furent tuez aucuns Alemans: & combien que ne fust present à ces choses, si le m'ont compté, le Roy, le Duc & autres: & de ce debat vint depuis grand inconuenient: comme vous orrez apres.

Pratique se meut à Florence: & deputeren gens, pour enuoyer deuers le Roy, iusques quinze ou seize, disant en la cité, qu'ils ne vouloient demeurer en ce grand peril d'estre en la hayne du Roy & du Duc de Milan, qui tousiours auoit son Ambassade à Florence, & consenti Pierre de Medicis ceste allee. Aussi n'y eust-il
sceu

iceu remedier, aux termes en quoy les affaires estoient: car ils eussent esté destruits: veu la petite prouision qu'ils auoient: & si ne scauoient que c'estoit de guerre. Apres qu'ils furent arriuez, offrirent de recueillir le Roy à Florence, & en autres parties: & ne leur chaloit, à la plupart, sinon qu'on allast là, pour occasion de chasser Pierre de Medicis, & se sentoient auoir bonne intelligence avec ceux, qui conduisoient lors les affaires du Roy: que plusieurs fois ay nommez.

*ou bien,
& luy of-
friront au-
tres parts*

D'autre part pratiquoit ledit Pierre, par la main d'un sien seruiteur, appelé Laurens Spinely, qui gouernoit sa banque à Lion, homme de bien en son estat, & assez nourry en France: mais des choses de nostre Cour ne pouuoit auoir cognoissance, ny à grand' peine, ceux qui y estoient nourris, tant y auoit de mutations. Si pratiquoit-il avec ceux qui auoient l'autorité: c'estoit Monseigneur de Bresse, qui depuis a esté Duc de Sauoye, & Monseigneur de Miomans, qui estoit Chambellan du Roy. Tost apres les autres, vindrent aucuns de la Cité avec luy, pour faire response des choses qu'on leur auoit requises: & se voyoient perdus en la cité, s'ils ne faisoient tout ce que le Roy vouloit: duquel ils cuidoient gaigner la bonne grace, & faire quelque chose plus que les autres. A son arriuee furent enuoyez, au deuant de luy, Monseigneur de Piennes, natif du pays de Flandres & Chambellan du Roy nostre Sire, & le General Briçonnet, qui a esté icy nommé. Ils parerent audit Pierre de Medicis, d'auoir l'obeissance de la place de Sezane, ce qu'incontinent il

*Lindorm. &
Serzanelo
pour Libre
fasto.
M. Guaz
zo.*

*Pierre de
Medeis ac
corde les
places des
Florentins
de son pro-
pre mou-
vement.*

feit. Il luy requierent dauantage qu'ils feist prester au Roy, Pise, Ligorne, Pietresancte, Librefacto, lequel le tout accorda, sans parler à ses compagnons: qui sçauoient bien que le Roy deuoit estre dedans Pise, pour se rafraischir: mais ils n'entendoyent point qu'il retinst les places. Or s'estoit mis de leur estat, & leur grande force entre nos mains. Ceux qui traitoyent avec ledit Pierre, m'ont compté, & à plusieurs autres l'ont dit, en se raillant & mocquât de luy, qu'ils estoient esbahis, comme si tost accorda si grande chose, & à quoy ils ne s'attendoient point. Pour conclusion, le Roy entra dedans Pise, & les dessusdits retournerent à Florence: fait Pierre habiller le logis du Roy en sa maison: qui est la plus belle maison de citadin ou marchand que j'ay iamais veüe, & la mieux pourueüe, que de nul homme, qui fust au monde, de son estat.

Or faut-il dire quelque mot du Duc de Milan: qui ja eust voulu le Roy hors d'Italie, & auoit fait, & vouloit encores faire son profit, pour auoir les places qu'il auoit conquises: & pressa fort le Roy, pour auoir Serzane & Pietresancte, qu'il disoit appartenir aux Geneuois: & presta au Roy lors trente mille Ducats; & m'a dit, & plusieurs autres depuis qu'on luy promit de les luy bailler: & merueilleusement mal content, se partit du Roy, pour le refus: disant que les affaires le contraignoient des'en retourner, mais onques puis le Roynne le veit: mais il laissa messire Galeas de Sainct Seuerin avec le Roy: & entendoit qu'il fust en tous conseils, avec le Comte Charles, de Belleioy.

euse: dont a esté parlé. Estât le Roy dedans Pise, ledit Messire Galeas, conduit de son maistre, feit venir en son logis des principaux Bourgeois de la ville, & leur conseilla se rebeller contre les Florentins, & requerir au Roy qu'il les mist en liberté, esperant que par ce moyen ladite Cité de Pise tomberoit sous la main du Duc de Milã: où autresfois auoit esté, du temps du Duc Ieã Geleas, le premier de ce nõ en la maison de Milã vn grand & mauuais tyran, mais honorable. Toutesfois son corps est aux Chartreux à Pauie pres du Parc, plus haut que le grand Autel, & le m'ont monstré les Chartreux, au moins ses os, & y monte l'on par vne eschelle, lesquels sentoient comme la nature ordonne: & vn natif de Bourges, le m'appella Sainct: & se luy demanday en l'oreille pourquoy il l'appeloit Sainct, & qu'il pouuoit veoir peintes à l'entour de luy, les autres de plusieurs Citez qu'il auoit surpees, où il n'auoit nul droict: & luy & son cheual estoient plus haut que l'autel, & taillez de pierre, & son corps sous le pié dudit cheual. Il me respondit bas, Nous appelons, dit-il, en ce pays icy Saincts, tous ceux qui nous font du bien: & il feit ceste belle Eglise de Chartreux qui à la verité est la plus belle que i'aye iamais veüe, & toute de marbre.

Pise mise en liberté par le Roy au priuice des Flor.

Iehan Galeas mauuais tyran de Milan, mais honorable.

Saincts aux Chartreux de Pauie tous ceux qui leur font du bien.

Et, pour continuer, ledit Messire Galeas auoit enuie de se faire grand: & croy qu'ainsi l'entendoit le Duc de Milan, de qui il auoit espouse la bastarde, & monstroit le vouloir auantager: comme s'il eust esté son fils: car il n'auoit encores nuls enfans d'aage. Lesdits Pisans estoient cruellement traitez des Florentins, qui

Ies tenoient comme esclaves, car il les auoient conquis, il y auoit quelque cent ans : qui fut l'an que les Venitiens conquirent Padouë : qui fut leur premier commencement en terre ferme : & ces deux citez estoient presque d'une façon : car elles auoient esté anciennes ennemies de ceux qui les possédoient, & de bien longues années, auant qu'estre conquises, & presque esgales en force. A ceste cause tindrent conseil lesdicts Pisans : & se voyans conseillez de si grand homme, & disans leur liberté, vindrent crier au Roy, en allant à la Messe, en grand nombre d'hommes & de femmes, *Liberté, Liberté* : & luy supplians, les larmes aux yeux, qui la leur donnast, & vn Maistre des Requestes allant deuant luy, ou faisant l'office, qui estoit vn Conseiller au Parlement du Dauphiné, appelé Rabot, ou pour promesse, ou pour n'entendre ce qu'ils demandoient, dit au Roy, que c'estoit chose piteuse, & qu'il leur deuoit octroyer, & que iamais gens ne furent si durement traitez : & le Roy qui n'entendoit pas bien que ce mot valoit, & qui par raison ne leur pouuoit donner liberté (car la Cité n'estoit point sienne, mais seulement y estoit receu par amitié, & à son grand besoing) & qui commençoit de nouveau à cognoistre les pitiez d'Italie, & le traitement que les Princes & Communautéz font à leurs suiets, respondit qu'il estoit content : & ce Conseiller, dont i'ay parlé, le leur dit, & ce peuple commença incontinent à crier Noel, & vint au bout de leur pont de la riuière d'Arne (qui est vn beau pont) & ietterent à terre vn grand

Lyon, qui estoit sur vn grand pillier de marbre, qu'ils appelloient Maior, representant la Seigneurie de Florence, & l'emporterent à la riuere, & feirent faire dessus le pillier, vn Roy de France, vne espee au poing, qui tenoit sous le pié de son cheual, ce Maior: qui est vn Lyon. Depuis le Roy des Romains y est entré. Ils ont fait du Roy, comme ils auoient fait du Lyon, & est la nature de ce peuple d'Italie, d'ainfi complaire aux plus forts: mais ceux là estoient, & sont si mal traittez, qu'on les doit excuser.

Comment le Roy partit de la ville de Pise, pour aller à Florence: & de la fuite & ruine de Pierre de Medicis.

CHAP. VIII.

LE Roy partit de là, & y sejourna peu, & tira vers Florence: & là on luy remonstra le tort qu'il auoit fait ausdits Florentins, & que c'estoit contre sa promesse, d'auoir donné liberté aux Pisans. Ceux qu'il commit à respondre de ceste matiere, excusans la chose, dirent qu'il ne l'auoit point entendu, ne n'entend, & entra en vn appoinctement, dont ie parleray: mais qu'un peu aye dit la conclusion de Pierre de Medicis, & aussi de l'entree du Roy en ladite Cité de Florence, & comme il laissa garnison dedans la cité de Pise, & autres places qu'on luy auoit prestees. Ledit Pierre, apres auoir fait bailler au Roy les places dont i'ai parlé, dont aucuns estoient consentans, s'en retourna en la cité, pensant que le Roy ne les tint point.

ains que, de ce qu'il partiroit de Pise (où il n'auroit affaire que trois ou quatre iours) la leur rendroit. Bien croi-ie que s'il y eust voulu faire son huiuer, qu'ils l'eussent consenti : combien que Pise leur est plus grand' chose, que Florence propre, saufs les corps & les meubles. Arriué que fut ledit Pierre à Florence tout homme lui feit mauuais visage, & non sans cause, car il les auoit dessaisis de toute leur force & puissance, & de tout ce qu'ils auoient conquis en cent ans (& sembloit que leur cœur sentist les maux, qui depuis leur sont aduenus) & tant pour ceste cause (que ie croy la principale : combien qu'ils ne lauoiert iamais dit) que pour haine qu'ils lui portoient (que i'ai declarée) & pour retourner en liberté, dont ils se cuidoient forclos, & sans auoir memoire des biens-faits de Cosme & de Laurens de Medicis ses predecesseurs, delibererent de chasser de la ville le dit Pierre de Medicis. Ledit Pierre de Medicis, sans le scauoir, mais bien estoit en doute, va vers le Palais, pour parler de l'arriuée du Roy, qui encores estoit à trois mils pres & auoit sa garde accoustumée avec luy : & vint heurter à la porte dudit Palais, laquelle luy fut refusée, par vn de ceux de Nerli, qui estoient plusieurs freres, que i'ai bien cognus, & le pere tres-riches, disant qu'il y entreroit lui seul, s'il vouloit, ou autrement non : & estoit armé, celui qui faisoit ce refus. Incontinent retourna ledit Pierre à sa maison, & s'arma: lui, & ses seruiteurs : & feit aduertir vn appelé Paul Vrsin, qui estoit à la soldé des Florentins: car ledit Pierre de par sa mere, estoit des Vrsins: & tousiours le pere, & luy en auoient en-

*Pierre de
Medicis
mal venu
à Florence
pour auoir
trop enli-
né aux vo-
lontez du
Roy.*

tretins aucuns de la maison, à leur solde, & deli-
 bera de resister aux partisans de la ville. Mais tã-
 tost on ouit crier *Liberté, Liberté:* & vint le peuple
 en armes: & ainsi partit ledit Pierre, de la ville,
 homme bien conseillé, à l'aide dudit Paul Vrsin.
 Qui fut vne piteuse departie pour luy: car en
 puissance & en biens, il auoit esté quasi esgal aux
 grands Princes, & luy & ses predecesseurs, de-
 puis Cosme de Medicis, qui fut le Chef, & ce
 iour, se mit à luy courre sus fortune: & perdit
 honneur & biens. I'estoie à Venise: & par Am-
 bassadeur Florentin, estant là, ie sceu ces nou-
 uelles: qui bien me despleurent, car i'auoie ai-
 mé le père, &, s'il m'eust voulu croire, il ne lui
 fust point ainsi mesauenu. Car, sur l'heure que
 i'arriuai à Venise, lui escriui, & offri appointer:
 car i'en auoie le pouuoir, de bouche, du Senes-
 chal de Beaucaire & du General: & eust esté
 content le Roy pu dassage, ou, à pis venir, d'a-
 uoir Ligorne entre ses mains, & faire toutes cho-
 ses, que Pierre eust sceu demander: mais il me
 respondit comme par mocquerie, par le moyen
 du Sire Pierre: que i'ai nommé ailleurs. Ledit
 Ambassadeur porta le lendemain lettre à la Sei-
 gneurie, contenant comment il auoit esté chas-
 sé: par ce qu'il se vouloit faire Seigneur de la
 ville, par le moyen de la maison d'Arragon &
 des Vrsins, & assez autres charges: qui n'estoi-
 ent point vraies: mais telles sont les aduentures
 du monde, que celui, qui fuit & pert, ne trouue
 point seulement que la chasse, mais amis tour-
 nent ses ennemis, comme fait ceste Ambassade, c. deuziesme.
 nommé Paul Antoine Soderin, , qui estoit des nens.
 sages hommes qui fussent en Italie.

*Sedition
Florentine
muable se-
lon l'occa-
sion.*

Le iour de deuant m'auoit parlé dudidict Pierre, comme s'il fust son Seigneur naturel, & à ceste heure se declara son ennemy, par commandement de la Seigneurie, mais de soy ne faisoit aucune declaration. Le iour apres ie sçeu comment ledit Pierre venoit à Venise, & comme le Roy estoit entré en grand triomphe à Florence, & mandoient audit Ambassadeur qu'il prinst congé de ladite Seigneurie, & qu'il s'en retournast, & qu'il falloir qu'il nauigeast avec ce vent, & vey la lettre (car il la me monstra) & s'en partit. Deux iours apres veint ledit Pierre, en pourpoint, ou avec la robbe d'un valet, & en grande doute le receurent à Venise, tant craignoient à desplaire au Roy (toutesfois ils ne le pouuoient refuser par raison) & desiroient bien sentir de moy, que le Roy en disoit, & demoura deux iours hors la ville. Je desiroye luy aider: & n'auoye eu nulle lettre du Roy contre luy, & dy que ie croyoie sa fuite auoir esté pour crainte du peuple, & non point de celle du Roy. Ainsi il vint, & l'allay veoir le lendemain qu'il eut parlé à la Seigneurie, qui le feit bien loger, & luy permirent porter armes (c'est à sçauoir espees) par la ville, à quinze ou vingt seruiteurs qu'il auoit, & luy firent tresgrād honneur combien que Cosme, dont j'ai parlé, les garda autresfois d'auoir Milan: mais nonobstant cela, ils l'eurent en remembrance, pour l'honneur de sa maison: qui auoit esté en si grād triomphe & renommee par toute la Chrestienté. Quand ie le vei, il me sembla bien qu'il n'estoit point homme pour respondre. Il me compta au long sa fortune: & à mon pouuoir le reconfortai. En-

tre autres choses me compta comme il auoit perdu le tout : & entre ses autres malheurs, qu'un sien Facteur estant en la ville, vers qui il auoit enuoyé, pour auoir des draps, pour son frere & luy, pour cent Ducats seulement, les luy auoit refusez. Qui estoit grand' chose : veu son estat & autorité : car soixante ans auoit duré l'autorité de ceste maison, si grande que plus ne pouuoit. Tost apres il eut nouuelles par le moyen de Monseigneur de Bresse, de puis Duc de Sauoye : & luy escriuoit le Roy aller deuers luy : mais ja estoit ledit Seigneur parti de Florence : comme ie diray à ceste heure : mais vn peu m'a fallu parler de ce Pierre de Medicis.

*Pierre
Medicis
desdaigné
par un sien
Facteur à
Venise.*

Comment le Roy feit son entree à Florence, & par quelles autres villes il passa iusques à Rome.

CHAP. IX.

LE Roy entra le lendemain en la Cité de Florence : & luy auoit ledict Pierre fait habiller sa maison : & ja estoit le Seigneur de Balassat pour faire ledict logis, lequel, quand il eut la fuite dudit Pierre de Medicis, se prit piller tout ce qu'il trouua en ladite maison (disant que leur banque à Lion luy deuoit grand' somme d'argent) &, entre autres choses, il prit vne Licorne entiere (qui valoit six ou sept mille Ducats) & deux grandes pieces d'une autre, & plusieurs autres biens. D'autres feirent comme luy. En vne autre maison de la ville auoit retiré tout ce qu'il auoit vaillant. Le peuple pillà tout. La Seigneurie eut partie des plus

*Maison de
Medicis
pillée à Flo-
rence.*

riches bagues, & vingt mille Ducats contans, qu'il auoit à son banc, en la ville, & plusieurs beaux pots d'Agatte, & tant de beaux Camayeux bien taillez que merueilles, qu'autresfois i'auoie veus, & bien trois millé medales d'or & d'argent, & bien la pesanteur de quarante liures: & croy qu'il n'y auoit point autant de belles medales en Italie. Ce qu'il perdit ce iour en la cité, valoit cent mille escus, & plus. Or, estant le Roy en la Cité de Florence, comme dit est, se feit vn traitté avec eux: & croy que ils le feirent de bon cœur. Ils donnerent au Roy six vingts mille Ducats: dont ils en payerent cinquante mille contant, & le reste en deux payemens assez briebs: & presterent au Roy toutes les places dont i'ai parlé: & changerent leurs armes, qui estoient la fleur du lis rouge, & en prirent de celles, que le Roy portoit, lequel les prit en sa protection & garde: & leur promit & iura, sur l'Autel saint Iean, leur rendre leurs places quatre mois apres qu'il seroit dedans Naples, ou plustost; s'il retournoit en France: mais chose prit autre train, dont sera parlé cy apres.

Le Roy s'arresta peu à Florence, & tira vers Senes (où il fut bien receu) & delà à Viterbe: où les ennemis (car Dom Ferrand s'estoit retiré vers Rome) auoient intention de venir loger, & s'y fortifier & combattre, s'ils y voyoient leur auantage: & ainsi me le disoit l'Ambassadeur du Roy Alphonse, & celuy du Pape, qui estoient à Venise: & à la verité, ie m'attendoye que le Roy Alphonse y vint en personne (veu qu'il estoit estimé de grand cœur) & qu'il laissast son fils

dedans le Royaume de Naples, & me sembloit
 e lieu propice pour eux, car il eust eu son Ro-
 yaume, les terres du Pape, & les places & ter-
 res des Vrsins à son dos, mais ie fust tout es-
 bahy que les lettres me vindrent du Roy, com-
 me il estoit en la ville de Viterbe, & puis vn
 Commandeur luy bailla le chasteau, & le tout
 par le moyen du Cardinal *Petri ad vincula*, qui
 en estoit Gouverneur & les Colonnaïs. Lors
 ne sembla que Dieu vouloit mettre fin à ceste
 besongne, & me repentis qu'auoie escrit au
 Roy, & conseillé de prendre vn bon appoin-
 tement: car on luy en offroit assez. Aque-
 pendant & Monteflascon luy furent rendus
 auant Viterbe, toutes les places d'alentour:
 comme ie fu aduertí par lettres du Roy, &
 celles de ladicte Seigneurie: qui de iour en iour
 estoient aduertis de ce qui suruenoit par leurs
 Ambassadeurs: & m'en monstrerent plusieurs
 lettres: ou le me faisoient dire par vn de leurs
 Secretaires.

*Terres des
 Vrsins ren-
 dues au
 Roy.*

De là tira le Roy à Rome, par les terres des
 Vrsins, qui toutes luy furent renduës par le
 Seigneur Charles Vrsin, disant auoir ce com-
 mandement de son pere (lequel estoit seruiteur
 soudoyé du Roy Alphonse) & que d'autant
 que Dom Ferrand seroit alloué, & en la terre
 de l'Eglise, il luy tiendroít compagnie: & non
 plus, ainsi viuent en Italie, & les Seigneurs &
 les Capitaines: & ont sans cesse pratique avec les
 ennemis, & grand paour d'estre des plus foibles:
 & fut receu ledict Seigneur dedans Bracha-
 ne principale place dudit Seigneur Virgile, qui

estoit belle, & forte, & bien garnie de viures; & ay bien fort ony estimer au Roy ladite place, & le recueil que l'on lui feist. Car son armee estoit en necessité & extremité de viures, & tant que plus ne pouuoit, & qui considereroit biē quantes fois ceste armee se cuida tromper, depuis qu'il arriua à Vienne en Dauphiné, & comme elle se reuenoit, & par quelles ouuertures: brief on diroit que Dieu la conduisoit.

Comment le Roy enuoya le Cardinal Petri ad vincula dedans Ostie, & de ce que le Pape faisoit à Rome cependant: & comment le Roy y entra malgré tous ses ennemis.

CHAP. X.

*Colomnois
& Vrsins
ennemis.*

*Astasio M
Cuaz, &
sons Ital.
Terre de
l'Eglise
troublée
par fa-
ctions.*

DE Brachane enuoya le Roy le Cardinal Sainct Pierre *ad vincula*, à Ostie, dont i estoit Euesque; & est lieu de grande importance; & le tenoit les Colomnois, qui l'auoient pris sur le Pape, & les gens du Pape l'auoient osté audit Cardinal, n'y auoit guerēs. La place estoit tres-foible: mais long temps depuis tint Rome en grande subiectiō, avec ledit Cardinal lequel estoit grand amy des Coulomnois: qui estoient nostres, par le moyen du Cardinal Astaigne, frere du Duc de Milan, & Vicechancelier, & aussi en haine des Vrsins: dont, & ont esté contraires: & est toute la terre de l'Eglise troublée pour ceste partialité (comme nous dirions Luce & Gradmont, ou en Hollande. Houc, & Caballan) & quand ne seroit ce different, la terre de l'Eglise seroit la plus heu-

ense habitatiō, pour les suiets, qui soit en rout
monde, car ils ne payēt tailles ne guerier autres
hofes, & seroient tousiours bien conduits,
ar tousiours les Papes sont sages & bien con-
sillez, mais tressouuent en aduient de grands &
uels meurtres & pilleries. Depuis quatre ans
a auons veu beaucoup, tant des vns que des
autres: car, depuis les Colonnaïs ont esté con-
en nous, à leur grand tort: car ils auoient vingt
ille Ducats de rente, & plus, audit Royau-
e de Naples, en belles Seigneuries (comme
la Comté de Taillecoufe, & autres, que pa-
uant auoient tenus les Vrsins) & toutes au-
es choses qu'ils auoient sceu demander, tant
Gens-d'armes qu'en pensions. Ce qu'ils fei-
nt, ils le feirent par vraye desloyauté, & sans
ille occasion, & faut entendre que de toute
cienneté ils estoient partisans de la maison
Arragon, & des autres ennemis de France:
ouce qu'ils estoient Gibelins, & les Vrsins,
rtisans de France, comme les Florentins,
ur estre de la part Guelfe.

Auecques ledit Cardinal de Sainct Pierre ad-
nula, à Ostie fut enuoyé Peron de Basche,
maistre d'hostel du Roy, qui trois iours para-
nt auoir apporté audit Seigneur vingt mille
ucats, par mer, & estoit descendu à Plom-
n, & estoit de l'argent presté par le Duc de
ilan, & estoit demeuré en l'armée de mer, qui
toit petite, le Prince de Salerne, & vn ap-
llé le Seigneur de Sernon en Prouence que la
rtune mena en Donserque, leur nauire fort
sté, & mirent tāt à se rabiller qu'ils ne serui-
nt de rien, & si cousta largement ladite armée

Tagliacoz-
zo. en 1035
Ital.

Colonnaïs
Arragon-
nois, Gibel-
lins des-
loyaux au
Roy Char-
les.

Sardaigne
& Corfi-
que mène
à mon ad-
uis suiuas
Gazzo, &
lon, quant
à Corfi-
que

de mer, & trouuerent le Roy dedans Naples.

Audit Ostie auoit, avec ledit Cardinal, bien cinq cens Hommes d'arme: & deux mille Suisses, & y estoit le Comte de Ligny, cousin germain du Roy, de par mere, le Seigneur d'Aligre, & autres; & là cuidoyent passer le Tybre pour aller enclorre Dom Ferrand, qui estoit dedans Rome, avec la faueur & aide des Colonnais: dont estoient Chefs de la maison, pour lors, Prospere & Fabrice Colonne, & le Cardinal Colonne, à qui le Roy paya deux mille hommes à pied (par la main dudit de Basche) qu'ils auoient assemblez à leur plaisir, & faisoient leur assemblée à Sannesonne qui est à eux.

Il faut entendre qu'icy viennent plusieurs propos à vn coup; & de chacun faut dire quelque chose. Auant que le Roy eust Viterbe, i auoit enuoyé le Seigneur de la Trimoille son Chambellan, & le President de Guennay, qui auoit son seau, & le General Bidaut, à Rome cuidant traitter avec le Pape: qui tousiours pratiquoit: comme est la coustume en Italie. Eustans là, le Pape mit de nuict en la Cité Don Ferrand: & toute sa puissance, & furent nongens arrestez: mais petit nombre. Le iour propre les despescha le Pape, mais il retint prisonnier le Cardinal Ascaigne, Vice-chancelier & frere du Duc de Milan, & Prospere Colonne aucuns dient que ce fut de leur vouloir, & de toutes ces nouuelles i eu incontinent lettres du Roy, & la Seigneurie encores plus amplemen de leurs gens, & tout cecy fut fait auant que le Roy entraist dedans Viterbe: car nulle part s'arrestoit que deux iours en vn lieu: & aduenoient

es choses mieux qu'il n'eust sceu penser. Aussi le Maistre des Seigneurs s'en mesloit, & chacun e cognoissoit.

Ceste armee qui estoit en Ostie, ne seruoit le rien, pour le mauuais temps : & aussi faut entendre que les gens qu'auoit menez Monseigneur d'Aubigny, estoient retournez & luy aussi, & n'en auoit plus de charge, & si auoit-on donné congé aux Italiens qui auoient esté auez uy en la Romanie: qu'auoit menez le Seigneur Rodolphe de Mantouë, le Seigneur Galeot de la Mirandole & Fracasse, frere du Seigneur Galeas de Sainct Seuerin : qui furent bien payez : & estoient enuiron cinq cens armez, que le Roy payoit, comme auez ouy : & au partli de Viterbe, le Roy alla à Nepe, que tenoit le Seigneur Ascaigne, & n'est rien plus vray qu'à l'heure que nos gens estoient dedans Ostie, il tomba plus de vingt brasses de mur de la ville de Rome, par là où l'ou deuoit entrer. Le Pape voyant si soudainement venir ce jeune Roy, & auez ceste fortune consent qu'il entre dedans Rome, aussi ne l'en eust-il sceu garder : requiert lettre d'assurance, qu'il eut, pour Dom Ferrand, Duc de Calabre, & seul fils du Roy Alphonse : lequel de nuict se retira à Naples, & le conduisit iusques à la porte, le Cardinal Ascaigne. Et le Roy entra dedans Rome en armes, comme aiant autorité de faire par tout son bõ plaisir : & luy vindrent au deuant plusieurs Cardinaux & les Gouverneurs & Senateurs de la ville, & logea au Palais S. Marc, qui est le quartier des Colonnaïs, ses amis & seruiteurs pour lors, & le Pape se retira au chasteau S. Ange.

*Vingt brās
sis de mur
de Rome
tombēt sur
la vanue
du Roy
Charles
viii. à Ro-
me.*

*Charles
viii. entre
en armes à
Rome.*

Comment le Roy Alphonse feit couronner son fils Ferrand, & puis s'enfuit en Sicile : & de la mauuaise vie, qu'auoit menee le vieil Ferrand son pere, & luy aussi.

CHAP. XI.

xv. brasses de l'auant mur du chasteau S. Ange tombent sur l'arriuee du Roy à Rome.

EStoit-il possible de croire que le Roy Alphonse, si orgueilleux, nourri à la guerre, & son fils, & tous ces Vrsins, qui ont si grand part à Rome, n'osassent demourer en la Cité, encore quand ils voyoient & sentoient que le Duc de Milan branloit, & les Venitiens : & se pratiquoit vne ligue, qui eust esté concludë, si quelque resistance eust esté faite à Viterbe, ou à Rome, comme i'estoie bië asseuré pourueu qu'ils eussent peu arrester le Roy aucuns iours. Au fort, il falloit que Dieu monstrast que toutes ces choses passioient le sens & cognoissance des hommes : & si faut bien noter qu'ainsi comme les murs de la ville estoient tombez, aussi tomba bien quinze brassees des auant-murs du Chasteau Saint Ange, comme m'ont compté plusieurs, & entre autres deux Cardinaux qui y estoient. Ici faut vn peu parler du Roy Alphonse.

Si tost que le Duc de Calabre appellé le ieune Ferrand, dont ja plusieurs fois a esté parlé, fut retourné à Naples, son pere le Roy Alphōse, se iugea n'estre digne d'estre Roy pour les maux qu'il auoit faits, en toutes cruantez, cōtre les persōnes de plusieurs Princes & Barōs, que il auoit pris sur la seureté de son pere & de luy, &

luy, & bien iusques au nombre de vingt quatre:
 & les feit tost mourir, si tost que son pere fut
 mort: qui les auoit gardez quelque temps, & de-
 puis la guerre qu'ils auoient eue contre luy: & en
 eut aussi mourir deux autres, que le pere auoit
 pris sur sa seureté: dont l'un estoit Duc de Sesse,
 homme de grande autorité, & l'autre Prince
 de Rosane: qui auoit eu à espouse & à femme
 la sœur dudit Roy Ferrand, & en auoit eu un
 resbeau fils: & pour mieux s'asseurer de luy, car
 ledit Prince & Seigneur de Rosane luy auoit biē
 voulu faire vne grande trahison: & auoit bien
 esseruy toute punition, s'il n'eust pris assuran-
 ce, venant deuers luy à son mandement, le meit
 en merueilleuse & puante prison, & le fils mes-
 me d'iceluy puis apres, estant venu en l'aage de
 quinze à seize ans: & y auoit demouré ledit pere
 quatre ans, ou enuiron, à l'heure que ledit
 Roy Alphonse est venu à estre Roy: & lors qu'il
 fut paruenue, feit mener tous ces prisonniers à
 Ischia, qui est vne petite Isle auprès de la ville de
 Naples, dont vous orrez parler, & là les feit tous
 assommer: exceptez quelques vns qu'il retint au
 chasteau de Naples: cōme le fils dudit Seigneur
 de Rosane, & le Noble Comte de Popoli.
 Je me suis fort bien enquis comment on les
 feit mourir si cruellement, car plusieurs les
 voydoient encores en vie, quand le Roy entra
 en la bonne ville & cité de Naples, & m'a esté
 dit, par leurs principaux seruiteurs, que par un
 More, du pays d'Afrique, les feit assommer vi-
 uement & horriblement, lequel, incontinent
 apres son commandement, s'en alla audit pays
 de Barbarie: afin qu'il n'en fust point de nou-

*Prisonniers
pour 34.
ans.*

*Comte de
Popoli.
Princes as-
sommés
par le com-
mandement
d'Alphonse
Roy de
Naples.*

Vices d'Alphonse Roy de Nap.

** C'estoient soldats qui prirent leur nom d'un appelle Bracio de Forti braci, grand Capitaine en son temps.*

uelles, sans espargner ces vieux Princes: dont le aucuns auoient esté gardés en prison, trente quatre ou trente cinq ans, ou enuiron. Nul homme n'a esté plus cruel que luy, ne plus mauuais, ne plus vicieux, & plus infect, ne plus gourmand que luy. Le pere estoit plus dangereux, car ne se cognoissoit en luy, n'en son courroux, car en faisant bonne chere, il prenoit & trahissoit les gens: comme le Comte Iaques qu'il prit & femourir vilainement & horriblement, estant Ambassadeur deuers luy, de par le Duc Francisque de Milan: duquel il auoit eu à femme & espouse fille bastarde. Mais ledict Francisque fut contentant du cas: car tous deux le craignoient, pour suite & sequelle (qu'il auoit en Italie) des Bracqueres: & estoit fils de Nicolo Picinino. Et ain (comme dit est) prit ce Roy Ferrand tous les autres, & iamais en luy, n'y auoit grace ne misericorde, comme m'ont compté ses prochains parents & amis, & iamais n'auoit eu aucune pitié, compassion de son pauvre peuple, quant aux deniers. Il faisoit tout train de marchandise en son Royaume, iusques à bailler les pourceaux à garder au peuple: & les leur faisoit engresser, pour mieux les vendre. S'ils mouroyent, faloit qu'ils payassent. Aux lieux où croist l'huyle d'olive (côme en la Pouille) ils l'achetoient luy & ses fils, presque à leur plaisir, & semblablement froment, & auant qu'il fust meur, & le vendoit apres, le plus cher qu'ils pouuoient: & si ladite marchandise s'abaissoit de pris contraignoit le peuple de la prendre & par le temps qu'ils vouloient vendre, nul ne pouuoit vendre qu'eux. Si vn Seigneur ou Baron estoit bon mesnager.

ou cuidoit espargner quelque bonne chose, ils la luy demandoient à emprunter: & il la leur faisoit bailler par force: & leur ostioient les races des cheuaux (dont ils ont plusieurs) & les prenoient pour eux, & les faisoient gouverner en leurs mains, & en si grand nombre, tant cheuaux, iumens, que poulains, qu'en les estimoit beaucoup de milliers, & les enuoyoit paistre en plusieurs lieux, aux pasturages des Seigneurs, & autres, qui en auoient grand dommage. Tous deux ont pris à force plusieurs femmes. Aux choses Ecclesiastiques ne gardoient nulle reuerence, n'obeissance. Ils vendoient Eueschez, comme celle de Tarente: que vendit le pere, treize mille Ducats, à vn Iuif, pour bailler à son fils: qu'il disoit Chrestien. Bailloit Abbayes à vn Fauconnier, & y à plusieurs pour leurs enfans, disant: vous entretiendrez tant d'oyseaux, & les nicherez à vos despens. Le fils ne teit iamais Quaresme, ne semblant qu'il en fust. Maintes annez fut sans se confesser, ne receuoir Nostre Seigneur & Redempteur Iesus-Christ: & pour conclusion, il n'est possible de pis faire, qu'ils ont fait tous deux. Aucuns ont voulu dire que le ieune Roy Ferrand eust esté le pire: combien qu'il estoit humble & gracieux, quand il mourut: mais aussi il estoit en necessité.

Or pourroit sembler aux lecteurs, que ie disse toutes ces choses, pour quelque hayne particuliere, que i'auroye à eux. Mais, par ma foy, non fay: ains le dy seulement pour continuer mes Memoires: où se peut voir, des le commencement de l'entreprise de ce voyage, que c'estoit chose impossible aux gens qui le cuidoient

*Charles 8.
Commissaire
faire de
Dieu pour
chastier,
les Rois de
Naples.*

s'il ne fust venu de Dieu seul : qui vouloit faire son Commissaire de ce ieune Roy , bon, si pauvrement pourueu , & conduit , pour chastier Roys si sages, si riches, & si experimentez, & qui auoient tant de personages sages, à qui la defense du Royaume touchoit , & qui estoient tant alliez & soustenus , & mesmes voyoient ce faix venir sur eux de tant loing , & si iamais n'y sceurent pouruoir , ne resister en nul lieu. Car, hors le chasteau de Naples, n'y eut aucun qui empeschast le Roy Charles 8. vn iour naturel:&(comme a dit le Pape Alexandre, qui regne) les François y sont venus avec des esperons de bois , & de la croye en la main des Fourriers, pour marquer leur logis, sans autre peine:& parloit ainsi de ces esperons de bois , par ce que, pour ceste heure , quand les ieunes gens de ce Royaume vont par ville, leur page met vne petite broche dedans le soulier, ou pantoufle:& sont sur leurs mules , branlans les iambes : & peu de fois ont pris les harnois nos gens, en faisant ce voyage:& ne mit le Roy, depuis Ast, à entrer dedans Naples, que quatre mois dix neuf iours, vn Ambassadeur y en eust mis vne partie. Parquoy ie conclu ce propos, disant (apres l'auoir ouy dire à plusieurs bons hommes de religion , & de sainte vie , & à mainte autre sorte de gens qui est la voix de Nostre Seigneur Iesus Christ, que la voix du peuple) que N. Seigneur Iesus Christ les vouloit punir visiblement, & que chacun le cognust , pour donner exemple à tous Roys , & Princes, de bien viure, & selon ses commandemens. Car ces Seigneurs de la maison d'Arragon(dont ie parle)perdirent honneur & Royau-

me, & grâdes richesses & meublés de toute nature, si departis, qu'à grande peine sçait-on qu'ils soyent deuenus. Puis perdirent les corps, trois en vn an, ou peu d'auantage: mais i' espere que les ames n'ont point esté perduës. Car le Roy Ferrand (qui estoit fils bastard du grand Alphõse: lequel Alphõse fut sage Roy, & honorable, & tout bon) porta grande passion en son cœur, de veoir venir sur luy ceste armee, & qu'il n'y pouuoit remedier: & voyoit que luy & son fils auoiēt mal vescu, & estoient treshays, car il estoit tres-sage Roy, & si trouua vn liure escript, comme m'ont certifié des plus prochains de luy, en desfaisant vne chappelle: où y auoit dessus. La verité, avec son conseil secret, & veut l'on dire qu'il contenoit tout le mal, qui luy est aduenu: & n'estoient que trois à le voir: & puis le ietta au feu. Vne autre passion auoit en ce, qu'Alphonse son fils, ne Ferrand, fils de son fils, ne vouloient croire ceste venuë: & parloient en grâdes menaces, du Roy, & en grâd mespris: disans qu'ils viendroient au deuant de luy, iusques aux monts: & il en fut aucun, qui prioit à Dieu qu'il ne vinst iamais Roy de France en Italie, & qu'il y auoit veu seulement vn pauvre homme, de la maison d'Anjou, qui luy moit fait souffrir beaucoup de peine, qui fut le Duc Iehan fils du Roy René. Ferrand trouua fort par vn sien Ambassadeur; nommé Messire Camillo Pédollo, de faire demourer le Roy, l'année de deuant, auant qu'il partist de France, luy offrant se faire tributaire de 50000. Ducats l'an, & tenir le Royaume de luy, à foy & hommage; & voyant qu'il ne pouuoit pas paruenir à aucune paix, ny appaiser l'estat de la ville de Milan, luy

*Ferrand
Roy de Na
ples mort
de tristesse.*

prit vne maladie dequoy il mourut:& en ses douleurs eut confession,& (comme i'espere) repentance de ses pechez. Le fils Alphonse, qui tant auoit esté terrible,& cruel, & tant fait le mestier de la guerre, auant que le Roy partist de ladite ville de Rome, renonça à sa couronne & entra

*Fraieurs
d'Alphon-
se Roy de
Naples.*

*al. Ferrãd
fils dudit
Alphonse*

en telle paour, que toutes les nuits ne cessoit de crier qu'il oyoit les François,& que les arbres & les pierres crioient France: & i'ama n'eut hardiesse de partir de Naples, mais au retour, que fait son fils, de Rome, le mit en possession du Royaume de Naples:& le feit couronner & cheuaucher par la ville de Naples, accompagné des plus grands, qui y estoient (comme de Doin Federic son frere,& du Cardinal de Genes) estant ledit nouveau Roy au milieu, & accompagné des Ambassadeurs, qui y estoient:& luy fait faire toutes lesdites solemnitez, qui sont requises, & luy se mit en fuite, & s'en alla en Cecile avec la Roine sa belle mere (qui estoit sœur du Roy Ferrãd de Castille: qui encores vit, & à qui appartient ledit Royaume de Cecile) en vne place qu'elle y auoit. Qui fut grande nouuelle par le monde,& par especial à Venise, où i'estoye. Les vns disoient qu'il alloit au Turc. Autres disoient que c'estoit pour donner faueur à son fils: qui n'estoit point hay au Royaume. Mais mon aduis fut tousiours, que ce fut par vraye lascheté, car i'ama homme cruel ne fut hardy, & ainsi se voit par toutes Histories: & ainsi se desespera Neron, & plusieurs autres. Brief, cest Alphonse eut si grande enuie de fuir, qu'il dit à sa belle mere, cōme m'ont cōpté ceux, qui estoient à luy, le iour qu'elle partit, que, si elle ne partoît, qu'il la laisseroit:& elle luy

*Homme
cruel ne
fut onques
hardy.*

respondit qu'il attendist encores trois iours, afin qu'elle eust esté en son Royaume vn an entier, & il disoit, que, qui ne le laisseroit aller, il se ietteroit par les fenestres: disant: N'oyez vous point comme vn chacun crie France? & ainsi se mirer aux galées. Il emporta de toutes sortes de vins, qu'il auoit plus aymez, qu'autre chose, & de toutes sortes de grâines, pour faire iardins, sans donner nul ordre à ses meubles, ny à ses biens: car la pluspart demoura au chasteau de Naples. Quelques bagues emporta, & quelque peu d'argent: & allerēt en Cecile, audit lieu, & puis alla à Messine, où il appela, & mena avec luy plusieurs gens de religion, voiant de n'estre iamais du monde, & entre les autres, il aimoit fort ceux du mont l'Oliuet; qui sont vestus de blanc, & lesquels le n'ont compté à Venise, là où est le corps Sainte Heleine en leur Monastere, & se mit à mener la plus sainte vie du monde: & seruit Dieu, à toutes les heures du iour, & de la nuit, avec lesdicts Religieux: comme ils font en leurs conuents, & à faisoit grâs ieusnes, abstinēces, & aumosnes: & puis luy aduint vne grande maladie d'excoriatiō & de grauelle & me dirent n'en auoir iamais veu hōme si persecuté: & portoit tout en patience, deliberāt vser sa vie en vn monastere à Valence la grande, & là se vestir de religion: mais il fut tāt surpris de maladie qu'il vesquit peu, & mourut: & selon sa grāde repentance, il est à esperer que son ame est glorieuse en Paradis. Son fils demoura peu apres, & mourut de fieure & flux, & croi qu'ils sōt mieux, qu'ils n'estoiēt en ce mode: & semble que, en moins de 2. ans, ils furent 5. Rois portans couronne à Naples: les trois que i'ay nommez,

*Alphonse
Roy de Na
ples ayant
quitté l'E-
stat, meurt
ayant im-
pulsion de se
rendre moi-
ne du mont
d'Oliuet.
Cinq Rois
à Naples
en moins
de 2. ans.*

le Roy Charles de France, huiſtième, & Dom Federic, frere dudit Alphonſe : qui de preſent regne.

Comment apres que le ieune Ferrand fut couronné Roy de Naples, il alla aſſeoir ſon camp à Saint Germain, pour reſiſter contre la venue du Roy, & de l'accord que le Roy Charles ſeit avec le Pape, eſtant en cor à Rome.

CHAP. XII.

ET, pour eſclarcir le tout, faut dire comment, dès ce que le Roy Ferrand fut couronné, il deuint comme vn homme neuf, & luy ſembla que toutes haines & offenſes eſtoient oubliées, par la fuite de ſon pere, & aſſembla tout ce qu'il peut de gés, tant de cheual que de pié : & vint à S. Germain, qui eſt l'étrece du royaume, & lieu fort, & aiſé à defendre, & par où les François ſont paſſez deux autres fois, & là mit ſon camp, & garnit la ville, & lors reuint le cœur aux amis dudit Ferrand.

Le lieu eſt defendu d'une petite riuiera, qui quelque fois ſe paſſe à gué, & quelques fois non : auſſi le deſſend par la montaigne qui eſt deſſus.

Le Roy eſtoit encores à Rome, où il ſejourna enuiron vingt iours, & là pluſieurs choſes ſe traittoient. Avec luy eſtoient bien dix huit Cardinaux, & d'autres, qui venoient de coſté & d'autre, & y eſtoit ledit Monſieur Aſcagne, Vichancelier, & frere du Duc de Milan, & Petri ad vincula, qui eſtoient grans ennemis, du Pape, & amis l'un de l'autre, celui de * Gueſe, Saint

M. Guaz
le nomme
Carſonſe,
& Ferr.
Garcins.

Denis, Saint Seuerin, Sauelly, Colonne, & autres: qui tous vouloient faire election nouvelle, & qu'au Pape fust fait procez, lequel estoit audit chasteau. & eux fois fut l'artillerie prestee (comme m'ont dit des plus grands) mais toujours le Roy par sa bonté, y resista. Le lieu n'est pas defensible, car la motte est de main d'homme faite & petite. Or alleguoient ils bien que ces murs estoient tombez par miracle: & le chargeoient d'auoir achete ceste sainte dignité: & disoient vrai, mais ledit Ascaigne en auoit esté le principal marchand, qui auoit tout guidé: & en eut grande argent: & si eut la maison dudit Pape (luy estant Vichancelier) & les meubles qui estoient dedas, & son office de Vichancelier, & plusieurs places du Patrimoine. Car eux deux estoient à l'enui qui seroit Pape. Toutesfois ie croy qu'ils eussent consenti tous deux d'en faire vn nouveau au plaisir du Roy, & encores d'en faire vn François: & ne scauroye dire si le Roy fait bien ou mal: toutesfois ie croi qu'il fait le mieux d'appointer: car il estoit ieune, & mal accompagné pour conduire vne si grand œuvre, que de reformer l'Eglise, combien qu'il eust le pouuoir: mais qu'il l'eust sceu faire: ie croi que toutes gens de cognoissance, & de raison, l'eussent tenu à vne bonne, grande & tres-sainte besongne, mais il y faudroit grand mystere: toutesfois le vouloir du Roy estoit bon, & encores, en ce cas s'il y estoit aidé.

*Alexandre
6. auoit a-
cheté le
Pape.*

Le Roy appointa avec le Pape, vn appointement qui ne pouuoit durer: car il estoit violent en aucun point: & fut grande couleur de faire vne ligue, dont fera apres parlé.

Par cestuy appointment deuoit estre paix entre le Pape & les Cardinaux, & autres, & deuoient lesdits Cardinaux estre payez du droit de leur chapeau, absens comme presens. Il deuoit prester au Roy quatre places, Terracine, Civitavecchia, & Viterbe (que tenoit le Roy) & Spolète aussi : mais il ne la bailla point, combien qu'il l'eust promise, & se deuoient rendre au Pape, comme le Roy partiroit de Naples, & ainsi le fit, combien que le Pape l'eust trompé. Il bailla au Roy, par cestui appointment, le frere du Turc, dont il auoit soixante mille Ducats, par an, dudit Turc, & le tenoit en grande crainte. Promettoit de ne mettre aucun Legat en

*Charles 8.
fait obe-
dience au
Pape.*

*Brissonnet
fait Cardi-
nal en fa-
ueur du
Roy.*

lieu ne place de l'Eglise, sans le consentement du Roy, & y auoit autres articles, qui touchoiēt le Consistoire, & bailloit en ostage son fils le Cardinal de Valence, qui alloit avec ledit Seigneur pour Legat, & luy fit le Roy l'obedience filiale, en toute humilité, que Roy sçauoit faire, & luy fit le Pape deux Cardinaux, c'est à sçauoir le Cardinal Brissonnet (qui ia estoit Euesque de Saint Malo, & qui a esté souuent appelé General) & l'autre l'Euesque du Mans, de la maison de Luxembourg, qui estoit pardeça.

Comment le Roy partit de Rome pour aller à Naples, de ce qui aduint cependant en plusieurs contrées dudit Royaume de Naples, & par quelles places il passa iusques à ladite ville de Naples.

C H A P. XIII.

CEs choses faites, le Roy partit de Rome, en grande amitié avec le Pape, ce sembloit.

Mais huiët Cardinaux partirent de Rome, mal contens dudit appointment, dont les six estoïent de la sequelle dudit Vichancelier, & de Sainct Pierre advincula: combien qu'on croyoit qu'Afcaigne faisoit ceste feinte, & qu'au cœur estoit contēt du Pape; mais son frere ne s'estoit point encores declaré contre nous. Si alla le Roy à Iannesanne, & de là à Belistre, d'où s'enfuit le Cardinal de Valence.

Le lendemain le Roy prit Chastel Fortin d'assaut, & fut tué ce qui estoit dedans, qui estoit à Jacques Comte, qui auoit pris l'argent du Roy, & puis s'estoit tourné: car les Comtes sont partisans des Vrsins. Puis apres alla le Roy à Valmonton, qui est des Colunnois, puis alla loger à quatre mils du mont S. Iehan, vne tres-forte place, laquelle fut battuë sept ou huiët heures, & puis fut prise d'assaut, & tout tué ce qui estoit dedans, ou la pluspart: & estoit au Marquis de Pescaire, terre d'Eglise: & y estoit toute l'armee ioincte ensemble. Et de là tira le Roy vers saint Germain, & y pouuoit auoir seize mils, ou environ, là où le Roy Ferrand, nouveau couronné estoit en camp, cōme i'ay dit ailleurs, avec tout ce qu'il pouuoit auoir finé de gens: & estoit le dernier remede, & le lieu pour combattre, ou iamais: car c'estoit l'entrée du royaume, & lieux auantageux, tant pour le ruisseau, que pour la montaigne, & si enuoya gens avec, pour garder & defendre le pas de Cancellio, qui est vn pas de montaignes, à six mils de Sainct Germain. Auāt que le Roy fust à Sainct Germain, s'en alla le Roy Ferrand, en grand desordre, & abandonna la ville & passage. Monseigneur de

*Ferrand Roy
de Naples
fuit sans
attendre la
venue du
Roy.*

*Le fleur de
Guise me-
ne l'auant
garde à
Naples.*

Guise auoit, en ce iour, la charge de l'auant-garde. Monseigneur de Rieux estoit allé à ce pas de Cancellio, contre les Arragonnois, qui aussi l'abandonnerent, & entra ledit Roy audit Saint Germain. Le Roy Ferrand tira droit à Capoua, où ils lui refuserent l'entrée à ses gens d'armes, mais ils laisserent entrer sa personne avec peu de gens : mais il n'y arresta point, & leur pria de tenir bon pour luy, & que le lendemain reuiendroit, & alla à Naples, doutant la rebellion qui aduint. Tous ses gens, ou la pluspart, le denoiët attendre à Capoua : mais quand il vint le lendemain, il trouua tout party, & estoient allez à Nolla le Seigneur Virgile Vrsin & son cousin le Comte Petillane, où ils furent pris, & leurs gës par les nostres. Ils vouloient maintenir qu'ils auoient sauſconduit, & qu'on leur faisoit tort, & estoit vray : mais il n'estoit point encores entre leurs mains : toutesſois ils ne payerent rien, mais ils eurent grande perte, & leur fut fait tort.

*L'Ital. de
Iou. dit Mi-
gnano, &
la mer des
Hst. Mi-
gnane, sui-
uât de pres.
Guazzo
dit Tiano,
en l'Ital.
de P. Iou.
Thiano.*

De Saint Germain alla le Roy à * Mingamer, & à * Triague : & logea à Calui, deux mils de Capoua : & là, ceux de Capoua. vindrent composer, & y entra le Roy, & toute l'armee, & de Capoua, alla le lendemain à Auerſa, my-chemin de Capoua & de Naples ; à cinq mils de l'un & de l'autre, & là vindrent ceux de Naples, & composerent, en asſeurant leurs priuileges anciens, & y enuoya le Roy, deuant, le Mareſchal de Gié, le Seneschal de Beaucaire, le President Ganay (qui tenoit le ſeau) & des Secretaires. Le Roy Ferrand, voyant ces choses, le peuple, & nobles en armes, rebellez contre luy, & qui, à ſa venuë, luy pillerent son Eſcurie (qui

estoit grande) monta en galée, & alla en Iscle, qui est vne isle à dixhuiet mils de Naples. Si fut reçu le Roy à grand' ioye & solennité, dedans la ville de Naples, & tout le monde luy vint au deuant, & ceux qui plus estoient obligez à la maison d'Arragon, les premiers, comme tous ceux de la maison de Caraffe, qui tenoient de ladite maison d'Arragon, quarante mille Ducats de reuenu, qu'en heritages, qu'en benefices: Car les Roys y peuuent bien donner leur domaine, & si donnent bien celuy des autres: & ne croi point qu'il y en ait trois en tout le Royaume, que ce qu'ils possèdent, ne soit de la couronne, ou d'autrui.

Le Roy reçut en Naples.

Iamais peuple ne monstra tant d'affection à Roy, ni à nation, comme ils monstrerent au Roy, & pensoient estre tous hors de tyrannie, & se prenoient eux mesmes: car tout tourna en Calabre, où fut eudoyé Monseigneur d'Aubigni, & Peron de Basche avec lui, sans gēd'armes. Tout l'Abroussio tourna de lui-mesme, & commença par la ville de l'Aquila, laquelle a tousiours esté bonne Françoisse. Tout se tourna en Pouille, sauf le chasteau de .^{le}. Brandis (qui est fort & bien gardé) & Callipoli, qui aussi fut gardé: autrement le peuple fust tourné. En Calabre y eut trois places qui tindrent pour le Roy Ferrand, dont les deux furent la Mantie & la Turpie, anciennes Angeuines, qui auoient paruant leué les bannieres du Roy Charles: mais, parce qu'il les donna à Monseigneur de Persi, & ne les voulut receuoir au domaine, releuerent les bannieres d'Arragon: & , pour la tierce place, fut le chasteau de Reges, qui aussi demoura

Autres le nomment Brindese, les Latins Brundusiu

Arragonnois. Mais tout ce qui tint ne fut que par faute d'y enuoyer : car il n'alla pas assez de gens en Pouille & Calabrie, pour garder vn chasteau pour le Roy. Tarente se bailla ville & chasteau : & tout de mesme, Otrante, Monopoli, Trani, Manfredonne, Barle, & tout, excepté ce que i'ay nommé. Ils venoient trois iournees au deuant de nos gens, des citez, pour se rendre : & tous enuoyerent à Naples : & y vindrent tous les Princes & Seigneurs du Royaume, pour faire hommage, excepté le Marquis de Pesclaire : mais ses freres & neveux y vindrent. Le Comte d'Acri & le Marquis de Squillazo fuirent en Cecile, parce que le Roy donna leur terre à Mōseigneur d'Aubigni. A Naples se trouua aussi le Prince de Salerne, reuenu de nauire : & n'auoit de rien serui. Son frere le Prince de Bisignā & ses fils s'y trouuerēt aussi, avec le Duc de Melfe, le Duc de Grauine, le vieil Duc de Sora (qui pieça auoit vëdu sa Duché au Cardinal de S. Pierre ad vincula, & la possede encore son frere de presët) le Comte de Montorio, le Comte de Fondi, le Comte de Tripalda, le Comte de Celano, qui estoit allé avec le Roy, banni du long temps, le Comte de Troie, ieune, nourri en France, & estoit d'Escoffe, & le Comte de Bepoli, que l'on trouua prisonnier à Naples. Le ieune Prince de Rosanne, dont a esté parlé, après auoir esté long temps prisonnier avec le pere, qui le fut trente & quatre ans, auoit esté deliuré : & s'en alla avec Dom Ferrand, ou par amour, ou par force. Semblablement s'y trouuerent le Marquis de Guefron, & tous les Caldoresque, le Comte de Maralou, & le Comte de Merillano, ayans eux, &

La plus-part des Seig. de Naples vient à recognoiſtre le Roy.

les leurs, tousiours gouvèrné la maison d'Arragon, & generalement y vindrent tous ceux du Royaume, exceptez ces trois, que ie vous ay nommez.

Comment le Roy Charles fut couronné Roy de Naples: des fautes qu'il fit à l'entretienement d'un tel Royaume: & comment vne entreprise qui se dressoit pour luy contre le Turc, fut descouverte par les Vénitiens.

CHAP. XIII.

QUand le Roy Ferrand s'enfuit de Naples, il laissa au chasteau le Marquis de Pescaire, & aucuns Alemans, & lui alla vers son pere pour avoir aide en Cecile. Dom Federic tint la mer, avec quelque peu de galées, & vint deux fois parler au Roy à seureté, luy requerant que quelque portion du Royaume peust demourer à son neveu, avec nom de Roy, & à luy le sien, & celuy de sa femme. Son cas n'estoit point grand chose: car il auoit eu petit partage. Le Roy luy offroit des biens en France, pour luy, & pour son dit neveu, & croy qu'il leur eust donné vne bonne & grande Duché: mais ils ne la voulurent accepter. Aussi ils n'eussent tenu aucun appointement qu'on leur eust sceu faire, demourans dedans le Royaume, quand ils eussent peu voir leur avantage. Deuant le chasteau de Naples fut mise l'artillerie, qui tira, & n'y auoit plus que les Allemans, & estoit party ledit Marquis de Pescaire: & qui eust enuoyé quatre canons iusques en l'isle, on l'eust prise, & de là retourna le mal. Aussi eust-on eu tou-

Vanité des François à Naples.

Charles
couronné
Roy de Na-
ples.

.. la doute
qu'il y fail-
le, en man-
teau Impé-
rial, pour
venir à ce
qu'aucuns
disent qu'il
fut couron-
né pour
emp. de Co-
stantinoble
Desordres
en l'establ.
du R. de
nouveau
sonquis.

Il n'entend
Castelnou

tes les autres places qu'ils tenoient, qui n'estoient que quatre ou cinq: mais tout se mit à faire bonne chere & ioustes, & festes: & entre-
rent en tant de gloire qu'il ne sembloit point
aux nostres, que les Italiens fussent hommes:
& fût le Roy couronné & estoit logé en Capou-
uane: & quelquesfois alloit. au Mont imperial.
Aux suiets fait de grandes graces, & leur rabba-
tit de leurs charges; & croy bien que le peuple
de foy, ne se fust point tourné (combien qu'il
soit muable) qui eust contenté quelque peu de
Nobles: mais ils n'estoient recueillis de nul: &
leur faisoit-on des rudesses aux portes: & les
mieux traitez furent ceux de la maison de Carra-
fe, vrais Arragonnois: encores leur osta l'on
quelque chose. A nul ne fut laissé office, ny e-
stat, mais pis traitez les Angeuins, que les Ar-
ragonnois: & à ceux du Comté de Merillano fut
donné vn mandement: dont on chargea le Pre-
sident Gannay d'auoir pris argent, & le Senes-
chal fait nouveau Duc de Nole, & grand Cham-
bellan du Royaume. Par ce mandement cha-
cun fut maintenant en sa possession, & forclos
les Angeuins de retourner au leur, sinon par
proces: & quant à ceux qui estoient entrez d'eux
mesmes, comme le Comte de Celano, on bail-
la main forte, pour les en ietter. Tous estats
& offices furēt donnez aux François, à deux ou
trois. Tous les viures qui estoient au chasteau de
Naples quand il fut pris (qui estoient fort grans)
dont le Roy eut cognoissance, il les donna à ceux
qui les demandoient. En ces entrefaites se ren-
dit le chasteau, par pratique des Alemans, qui
en eurent vn monde de biens, qui estoient dedās,
& aussi

& aussi fut pris le chasteau de l'Oeuf, par batterie : & par ceste conclusion se peut veoir que ceux qui auoient conduit ceste grand' œuvre, ne l'auoient point fait d'eux : mais fut vraye œuvre de Dieu : comme chacun le veit. Mais ces grandes fautes que ie dy, estoient œuvres d'hommes accueillis de gloire, qui ne cognoissoient d'où ce bien & honneur leur venoit, & y procedoiēt selon leur nature & experience : & se vint changer la fortune aussi promptement, & aussi visiblement, comme l'on voit le iour en Hollande, ou en Auuergne, où les iours d'Esté sont plus longs, qu'ailleurs : & tant que (quād le iour faut au soir) en vne mesme instance, ou peu apres, comme d'un quart d'heure, on voit derechef naistre le iour à venir : & ainsi veit tout sage homme, en aussi peu d'espace, changer ceste bonne & glorieuse auenture, dont tant fussent aduenus de biens & d'honneurs à toute la Chrestienté : si elle eust esté recognuë de celui d'où elle venoit. Car le Turc eust esté aussi aisé à troubler, qu'auoit esté le Roy Alphonse : car il estoit, & est encores vif, homme de nulle valeur : & eut le Roy son frere entre les mains, qui vesquit peu de iours apres la fuitte du Cardinal de Valence : & disoit-on qu'il fut baillé empoisonné, qui estoit l'homme du monde qu'il craignoit le plus : & tant de milliers de Chrestiens estoient si prests à se rebeller, qu'on ne le scauroit penser. Car d'Otrante iusques à la Valonne, n'y a que soixante mils : & de Valonne en Constantinoble, y a environ dixhuiēt iournees de marchans, comme conterent ceux qui souuent faisoient le chemin, & n'y a aucunes places fortes entre-deux, au-

*Archeues-
que de Du-
ras enuoyé
par le Roy
vers les
Grecs, pour
les faire
tourner.*

moins que deux ou trois. Le reste est abbatu: & tous ces pays sont Albanois, Esclauōs, & Grecs, & fort peuplez: qui sentoient des nouuelles du Roy, par leurs amis qui estoient à Venise & en Pouille, à qui aussi ils escriuoient: & n'attendoient que messages pour se rebeller: & y fut enuoyé de par le Roy, vn Archeuesque de Duras, qui estoit Albanois: mais il parla à tant de gens, que merueilles, prests à tourner, estans enfans & neveux de plusieurs Seigneurs & gens de bien de ces marches: comme de Scanderbeg, d'un fils del'Empereur de Constantinoble, des neveux du Seigneur Constantin (qui de present gouerne Montferrat) & sont neveux ou cousins du Roy de Seruie. En Thessalie plus de cinq mille fussēt tournez: & encores se fust pris Scutari. Ce que ie scauoye par intelligence, & par la main du Seigneur Constantin, qui plusieurs iours fut caché à Venise avec moy. Car de son patrimoine lui appartient la Macedone & Thessalie, qui fut le patrimoine d'Alexandre, & la Valonne en est. Scutari & Croye en sont pres: & de son temps son pere ou oncle les engagea aux Venitiens, qui perdirent Croye. Scutari baillerent au Turc en faisant paix. Si fut ledict Seigneur Constantin à trois lieues pres, & se fust executee l'entreprise, n'eust esté que ledit Archeuesque de Duras demoura à Venise, aucuns iours apres ledit Seigneur Constantin: & tous les iours ie le pressoye de partir: car il me sembloit homme leger en parole, & disoit qu'il feroit quelque chose, dont il seroit parlé, & de male auenture, le iour que les Venitiens sceurent la mort du frere du Turc, que le Pape auoit baillé

entre les mains du Roy, ils delibererent de le faire sçauoir au Turc par vn de leurs Secretaires, & commanderent qu'aucun nauire ne passast la nuit entre les deux chasteaux, qui font l'entree du golfe de Venise: & y feirent faire guet: car ils ne se doutoient que de petits nauires, comme Grips, dont il y en auoit plusieurs au port d'Albanie, & de leurs Isles de Grece: car celuy qui eust porté ces nouuelles, eust eu bon present. Ainsi ce pauvre Archeuesque, ceste propre nuit, voulut partir pour aller à ceste entreprise du seigneur Constantin, qui l'attendoit, & portoit force espees, boucliers, & iauelines, pour batre à ceux avec qui il auoit intelligence: car ils n'en ont point. Mais en passant entre les deux chasteaux, cest Archeuesque fut pris, & mis en vn desdits chasteaux, & les seruiteurs: & le nauire passa outre par congé. Il luy fut trouué plusieurs lettres, qui descouurirent le cas, & m'a dit dit Seigneur Constantin, que les Venitiens enuoyerent aduertir les gens du Turc aux places voisines, & le Turc propre: & n'eust esté le Grip qui passa outre, & dont le Patron estant Albanais, l'aduertit, il eust esté pris: mais il s'enfuit à Pouille, par mer.

*Venitiens
aduertissent
le Turc de
l'entreprise
du Roy
pour la deli-
urance de
la Grece.*

gression, ou discours, aucunement hors de la matiere principale: auquel Philippe de Commines, auteur de ce present liure, parle assez amplement de l'estat & gouvernement de la Seigneurie des Venitiens, & de ce qu'il veit & y fut fait, pendant qu'il estoit Ambassadeur pour le Roy en leur ville de Venise.

CHAP. XV.

DR est-il temps que ie die quelque chose des Venitiens, & pourquoy i'y estoie allé: car

le Roy est maintenant à Naples, au dessus de ses affaires. Mon allee fut d'Ast, pour les mercier des bônes responce qu'ils auoient faites à deux Ambassadeurs du Roy, & pour les entretenir en son amour s'il m'estoit possible: car voyât leurs forces, leur sens & leur conduite, ils le pouuoient aisément troubler, & nuls autres en Italie. Le Duc de Milan m'aida à despescher: & escriuit à son Ambassadeur, qui estoit là resident: car tousiours y en auoit vn, qu'il me tint compagnie & m'adressast: & auoit sondit Ambassadeur cédé Ducats le mois de la Seigneurie, & son logis bien accoustre, & trois barques qui ne lui coustoient rien, à le mener par la ville. Celuy de Venise en a autant à Milan, sauf les barques: car on y va cheual, & à Venise par eau. Je passai en allant par leurs citez: comme Bresse, Veronne, Vincence, & Padouë, & autres lieux. Par tout me fut fait grand honneur, pour l'honneur de celui qui m'enuoyoit: & venoient en grand nombre de gens au deuant de moy, avec leur Podestat ou Capitaine. Ils ne faillioient point tous deux: mais le second venoit iusques à la porte. Par le dedans ils me conduisoient iusques à l'hôtelierie: & commandoient à l'hoste, qu'abondamment ie fusse traité, & me faisoient defraire avec toutes honorables paroles. Mais, qui conteroit bien ce qu'il faut donner aux Tabourins & aux Trompettes, il n'y a gueres de gaing à defrai: mais le traitement est honorable. Ce iour que j'entray à Venise, vindrent au deuant de moy, iusques à la... Chafousine, qui est à cinquante mils de Venise: & là on laisse le batteau, en qu'on est venu de Padouë, au long d'une riuere:

*Defray à
peu de gais*

*... Licia,
ou Lisafu-
sin à Ita-
liens.*

se met-on en petites barques bien nettes & cou-
uertes de tapisserie, & beaux tapis velus dedans
pour se seoir dessus, & iusques là vient la mer :
& n'y a point de plus prochaine terre, pour arri-
uer à Venise: mais la mer y est fort plate, s'il ne
fait tourmente: & à ceste cause qu'elle est ainsi
plate, se prend grand nombre de poisson, & de
toutes sortes: & fu bien esmerueillé de voir l'as-
siette de ceste cité, & de voir tant de clochers,
& de monasteres, & si grand maisonnement et
tout en l'eauë, & le peuple n'auoit autre forme
d'aller qu'en ces barques: dont ie croy qu'il s'en
fineroit trente mille: mais elles sont fort peti-
tes.

*Situation
de Venise
remarquable.*

Enuiron ladite Cité y a bien septante mona-
steres à moins de demie lieuë Francoise, à le pré-
dre en rondeur, qui tous sont en isle, tant d'hō-
mes que de femmes, fort beaux & riches, tant
d'edifices que de parements, & ont fort beaux
jardins, sans comprendre ceux qui sont dedans
la ville, où sont les quatre ordres des Mendians,
bien soixante & douze parroisses, & mainte cō-
frairie: & est chose estrange de voir si belles &
si grandes Eglises, fondees en la mer. Audiēt
lieu de la Chafousine vindrent au deuant de
moy vingt-cinq gentils-hommes bien & riche-
ment habillez, & de beaux draps de soye & es-
carlatte: & là me dirent que ie fusse le tresbien
venu, & me conduirent iusques pres la ville, en
vne Eglise de Saint André, où derechef trou-
uai autant d'autres Gentils-hommes & avec eux
les Ambassadeurs du Duc de Milan, & de Fer-
rare, & là aussi me feirent vne autre harangue:
& puis me meirent en d'autres batteaux, qu'ils

*Recueil de
l'Ambassa-
deur du
Roy par les
Seigneurs
de Venise.*

*Le grand
Canal de
Venise.*

*Magnifi-
ce de Veni-
se.*

appellent plats, & sont beaucoup plus grâds que les autres, & y en auoit deux couuerts de satin cramoisi, & le bas tapislé, & lieu pour seoir quarante personnes, & chacun me feit seoir au milieu de ces deux Ambassadeurs (qui est l'honneur d'Italie que d'estre au milieu) & me menerent au long de la grand'ruë, qu'ils appellent le grâd Canal, & est bien large. Les galees y passent à trauers: & y ay veu nauire de quatre cens tonneaux ou plus, pres des maisons, & est la plus belle ruë, que ie croy qui soit en tout le monde, & la mieux maisonnee: & va le lōg de ladite ville. Les maisons sont fort grandes & hautes, & de bonne pierre: & les anciennes toutes peintes. Les autres, faites depuis cent ans, toutes ont le deuant de marbre blanc, qui leur vient d'Istrie, à cent mils de là, & encore ont mainte grand'piece de Porphire & de Serpentine sur le deuant. Au dedans ont pour le moins, pour la plus part, deux chambres, qui ont les planchez dorés, riches manteaux de cheminees de marbre taillé, les chalits des lits dorez, & les osteuens peints & dorés, & fort bien meublées dedans. C'est la plus triomphante cité: que i'aye iamais veüe, & qui plus fait d'honneur à Ambassadeurs & estrangers, & qui plus sagement se gouerne & où le seruice de Dieu est le plus solennellemēt fait: &, encores qu'il y peust bien auoir d'autres fautes, si croy ie que Dieu les a en ayde, pour la reuerence qu'ils portent au seruice de l'Eglise. En ceste compagnie de cinquante Gentils-hommes, me conduirent iusques à Sainct George, qui est vne Abbaye de Moines noirs, reformés, où ie fu logé. Le lendemain me vindrent querir,

& mener à la Seigneurie, où presentay mes lettres au Duc, qui preside en tous leurs conseils, honoré comme vn Roy: & s'adressoient à luy toutes lettres: mais il ne peut gueres de luy seul: toutesfois cestuy-cy a de l'autorité beaucoup, & plus, que n'eut iamais Prince, qu'ils eussent. Aussi il y a desia douze ans qu'il est Duc, & l'ay trouué homme de bien, sage, & bien experimenté aux choses d'Italie, & douce & amiable personne. Pour ce iour ne dy autre chose, & me feit on voir trois ou quatre chambres, les planchez richemēt dorez, & les liets & osteuens: & est beau & riche le Palais, de ce qu'il contient, tout de marbre bien taillé, & tout le deuant & le bord des pierres dorez, en la largeur d'un pouce, parauenture: & y a audit Palais quatre belles salés, richement dorées, & fort grand logis, mais la court est petite. De la chambre du Duc, il peut ouir la messe au grand autel de la chappelle Sainct Marc: qui est la plus belle & riche chapelle du monde (pour n'auoir que nom de chapelle) toute faite de Musaiq, en tous endroits. Encores se vantent-ils d'en auoir trouué l'art, & en font besongner au mestier, & l'ay veu. En ceste chapelle est leur tresor (dont l'on parle tant) qui sont choses ordonnées pour parer l'Eglise.

*Art de Mus
sais, inuen
tion de Ve
nise qu'on
apelle Mar
querie.*

Il y a douze ou quatorze gros Ballais. Je n'en ay veu aucun si gros. Il y en a deux, dont l'un passe sept cens, & l'autre huit cens arras: mais ils ne sont point nets. Il y en a douze autres de pierres de: cuirasse d'or, le deuant & les bords bien garnis de pierrerie, tresfort bonne, & douze couronnes d'or, dont anciennement se paroiēt dou-

*qui se en
l'autre
temps.*

ze femmes (qu'ils appelloient Roines) à certaines festes de l'an: & alloient par ces isles & eglises. Elles furent desrobées, & la plus part des femmes de la cité, par larrons qui venoyent d'Istrie ou du Friol (qui est pres d'eux) lesquels s'estoyent cachez derriere ces isles: mais les maris allerent apres, & les recouurerent, & mirent ces choses à Saint Marc, & fonderent vne chapelle au lieu où la Seigneurie va tous les ans, au iour qu'ils eurent ceste victoire: & est bien grande richesse pour parer l'Eglise, avec maintes autres choses d'or qui y sont, & pour la suite d'amatiste, d'agate, & vn bien petit d'esmeraude: mais ce n'est point grand tresor, pour estimer, comme l'on faict or ou argent content: & ils n'en tiennent point en tresor: & m'a dit le Duc, deuant la Seigneurie, que c'est peine capitale parmi eux, de dire qu'il faille faire tresor: & croi qu'ils ont raison, pour doute des diuisions d'entr'eux. Apres me feirent monstrier leur autre thresor, qui est vn Arcenal, où ils equippent leurs galees, & font toutes choses qui sont necessaires pour l'armee de mer. Qui est la plus belle chose, qui soit en tout le demourant du monde aujour d'huy, & la mieux ordonnee pour ce cas.

Peine capitale de dire qu'il faille faire tresor à Venise.

Arcenal tresor de Venise.

Venitiens si sages & enclins à accroistre leur Seigneurie.

En effect, i'y sejourney huit mois, defrayé de toutes choses, & tous autres Ambassadeurs qui estoient là: & vous dy bien que ie les ay cognus si sages, & tant enclins d'accroistre leur Seigneurie, que s'il n'y est pourueu tost, tous leurs voisins en maudiront l'heure. Car ils ont plus entendu la façon d'eux deffendre & garder, en la saison que le Roy y a esté, & depuis, que iamais: car encores sont en guerre avec luy,

& si se font bien osez eslargir, comme d'auoir pris en Pouille sept ou huict citez en gage, mais ie ne sçay quand ils les rendront, & quand le Roy vint en Italie, ils ne pouuoient croire que l'on prist ainsi les places, n'en si peu de temps (car ce n'est point leur façõ) & ont fait, & font maintes places fortes depuis, & autre en Italie. Ils ne sont point pour s'accroistre en haste: comme feirent les Romains. Car leurs personnes ne sont point de telle vertu, & si ne va nul d'entr'eux à la guerre de terre ferme (comme faisoient les Romains) si ce ne sont leurs Prouiseurs & payeurs, qui accompagnent leur Capitaine, & le conseillent & pouruoient du tout: mais toute la guerre de mer est conduite par leurs Gentils-hommes, en Chefs & Capitaines de galées & naues, & par autres leurs suiets. Mais vn autre bien ont ils, en lieu d'allèr, en personne, aux armées par terre: c'est qu'il ne s'y fait nul homme de tel cœur, ne de telle vertu, pour auoir Seigneurie, comme ils auoient à Rome, & par ce n'ont-ils nulles questions ciuiles en la cité. Qui est la plus grande prudence que ie leur voye, & y en ont merueilleusement bien pourueu, & en maintes manieres. Car ils n'ont point de Tribuns de peuple, comme auqient les Romains, lesquels Tribuns furent en partie cause de leur destruction, car le peuple n'i a credit, ne n'i est appelé en rien, & tous offices sont aux Gentils-hommes, sauf des secretares. Ceux-là ne sont point Gensils-hômes. Aussi la pluspart de leur peuple est estranger. Encores ont-ils biẽ cognoissance, par Titus-Liuius, des fautes que feirèt les Romains: car ils en ont l'Histoire: & si en sont les os en leur Palais

*Prudence
des Venis.*

*Les os de
Titus Li-
uius a Pa-
lais de Pa-
donc.*

de Padouë. Par ces raisons, & par maintes autres (que i'ay cognües en eux) ie dy, encores vne autrefois, qu'ils sont en voye d'estre bien grands Seigneurs; pour l'aduenir.

De la charge du Seigneur d'Argento enuers les Venitiens.

Or faut dire qu'elle fut ma charge, qui fut à cause des bones responses, qu'ils auoient faites à deux seruiteurs du Roy (qui auoient esté vers eux) & qu'à leur fiance il tiraist hardiment auant en ceste entreprise, & ce fut auant qu'il partist de la ville d'Ast. Aussi leur remōstray les longues & anciennes alliances, qui auoient esté entre les Roys de France, & eux: & d'auantage leur offry Brandis, & la ville d'Otrante, par condition que, leur baillant mieux en Grece, ils fussent tenus les rendre. Ils me tindrent les meilleures paroles du monde du Roy, & de toutes ses affaires (car ils ne croyoient point qu'il allast guerres loin) & quant à l'offre que ie leur fey, ils me firent dire qu'ils estoient ses amis & seruiteurs, & qu'ils ne vouloient point qu'il achetast leur amour, aussi le Roy ne tenoit point encores les places: & que, s'ils vouloiēt, ils se mettroiēt bien en guerre. Ce qu'ils ne vouloient point faire: combien qu'il y eust vers eux Ambassade de Naples, les en suppliant tous les iours, & leur offrant ce qu'ils voudroient: & confessoit le Roy Alphonse (qui lors regnoit) auoir failly vers eux, & leur remonstroit le peril que ce leur seroit, si le Roy venoit au dessus de son entreprise. Le Turc de l'autre costé leur enuoya incontinent Ambassadeur, que ie vei plusieurs fois, qui à la requeste du Pape, les menaçoit: s'ils ne se declaroient contre le Roy. A chacun faisoiēt bonne response: mais ils n'auoiēt à ce commencement nulle crainte de nous: &

Le Turc à la requeste du Pape menace les Venitiens s'ils ne se declarent contre le Roy.

ne s'en faisoient que rire. Aussi le Duc de Milan leur faisoit dire par son Ambassadeur, qu'ils ne se souciaient point, & qu'il sçavoit bien la façon de renvoyer le Roy, sans ce qu'il tint rien en Italie : & avant en avoit mandé à Pierre de Medici qui le m'a dit. Mais, quand ils veirent, & le Duc de Milan aussi, que le Roy avoit les places des Florentins entre ses mains, & par especial Pise, ils commencerent à avoir paour, & parloient de la façon de le garder de passer plus avant: mais leurs conseils estoient longs, & cependant le Roy tiroit plus avant: & gens alloient & venoient des uns aux autres. Le Roy d'Espagne commençoit aussi à avoir paour, pour les Isles de Cecile & de Sardaigne. Le Roy des Romains commença aussi à estre enuieux, & luy faisoit-on paour de la couronne Imperiale: disant que le Roy la vouloit prendre, & en avoit requis le Pape (qui n'estoit point vray) & pour ces doutes, ces deux Roys enuoyerent grosses Ambassades à Venise, moy estant là: comme dit est. Deuant y enuoya le Roy des Romains: car il estoit voisin. L'Evesque de Trente en estoit le principal, & deux Cheualiers, & vn Docteur, ausquels fut fait grand honneur & reuerence: & leurs logis bien accoustrez, comme à moy, & dix Ducats pour iour, pour leurs despens, & leurs cheuaux defraiez: qui estoient demeurez à Trevis. Incontinent apres vint vn tres-honneste Cheualier d'Espagne, bien acompagné & bien vestu: qui aussi fut fort honoré & deffrayé. Le Duc de Milan, outre l'Ambassadeur qu'il y avoit, y enuoya l'Evesque de Come, & Messire Francisco Bernardin Viscomte: & commence-

Projet de
la ligue
contre le
Roy en It.

rent secretement, de nuit, à conuenir ensemble, & premieremēt par leurs Secretaires: & n'osoierent encores en public se declarer contre le Roy, & par especial le Duc de Milan, & les Venitiēs, qui encores ne sçauoyent si la ligue, dont estoit question, se concluroit, & me vindrent veoir ceux de Milan: & m'apporterent lettres de leur maistre: & me dirent que leur venue estoit par ce que les Venitiens auoient enuoié deux Ambassadeurs à la ville de Milan, & ils auoient de cōstume de n'y en laisser qu'un, aussi ne feirent-ils à la fin, mais cecy estoit mensonge & tromperie, & toute deception. Car tout cela estoit assemblé, pour faire ligue contre le bon Roy: mais tant de vieilles ne se peurent accorder en peu de temps. Apres me demanderent si ie sçauoye point qu'estoit venu faire cest Ambassadeur d'Espagne; & celuy du Roy des Romains: afin qu'ils en peussent aduertir leur maistre. Or i'estoie ia aduerty, & de plusieurs lieux, tant par seruiteurs d'Ambassadeurs qu'autrement que celuy d'Espagne estoit passé par Milan, desguisé, & que les Alemans se conduisoient par ledict Duc: & aussi sçauoye qu'à toute heure l'Ambassadeur de Naples bailloit des paquets de lettres, qui venoient de Naples, car tout cecy estoit auant que le Roy partist de Florence, & despendoye quelque chose, pour en estre aduerty, & en auoir de bons moyens: & si sçauoie-ja le commencement de leurs articles, qui estoient iettez: mais non point accordez: car Venitiens sont fort longs à telles conclusions. Pour ces raisons, & voyant la ligue, si approchée, ne voulut plus faire de l'ignorant: & respondit audit Ambassadeur de Milan, que, puis qu'ils

*Mensonge
des Ambas-
sadeurs de
Milan, son-
chant la li-
gue contre
le Roy.*

ne tenoient termes si estranges, ie leur vouloie
monstrer que le Roy ne vouloit point perdre l'a-
mitié du Duc de Milā: s'il, pouuoit remedier, &
moy, comme seruiteur, m'e vouloie acquiter, &
l'excuser des mauuais rapports, qu'on en pour-
roit auoir faits audit Duc leur maistre, que ie
croyoie estre mal informé, & qu'il deuoit bien
penser auant que perdre la cognoissance de tel
seruice, comme il auoit fait au Roy, & que nos
Rois de France ne furent iamais ingrats: & que
pour quelque parole qui pouuoit auoir esté dite,
ne se deuoit point departir l'amour d'eux deux,
veu qu'elle estoit tant seante à chacune desdites
parties, & les prioie qu'ils me voussissent dire
leurs doleances, pour en aduertir le Roy, auant
qu'ils feissent autre chose. Ils me iurerent tous,
& feirent grands sermens, qu'ils n'en auoient
nul vouloir: toutesfois ils mentoient, & estoient
venus pour traitter ladite ligue.

*Remonstrā
ce honnestē
à l'Ambas-
sadeur de
Milan sur
la ligue.*

*Ambassa-
deurs de
Milan iu-
rent contre
ce que ils
scauent.*

Le lendemain allay à la Seigneurie leur par-
ler de ceste ligue, & dire ce qu'il me sembloit
seruir au cas: & entre autres choses, ie leur dy
qu'en l'alliance, qu'ils auoient avec le Roy,
& qu'ils auoient eüe avec le feu Roy Louys son
pere, ils ne pouuoient soustenir les ennemis
l'un de l'autre, & qu'ils ne pouuoient faire ceste
ligue, dont l'on parloit, que ce fust aller con-
tre leur promesse. Ils me feirent retirer & puis,
quand ie reuein, me dit le Duc que ie ne de-
uoie point croire tout ce que l'on disoit par la-
dite ville: car chacun y estoit en liberté, & pou-
uoit chacun dire ce qu'il vouloit: toutesfois
qu'ils n'auoient iamais pensé faire ligue contre
le Roy, ny iamais ouy parler: mais, au contrai-

*Conuerti-
re des Ve-
nitiens tou-
chant la
ligue.*

re , ils disoient faire ligue entre le Roy , & ces autres deux Roys, & toute Italie, & qu'elle fust contre le Turc, & que chacun porteroit sa part de la despense : & s'il y auoit aucun en Italie qui ne voulust payer ce qui sera aduisé, que le Roy & eux le contraindroient par force , & vouloient faire vn tresbon appoinctement : c'est que le Roy prist vne somme d'argent contant , & que eux l'auanceroient , & tiendroient les places de Pouille en gage , comme font à ceste heure , & le Royaume seroit recogneu de luy , du consentement du Pape , & pour certaine somme de deniers l'an : & que le Roy y tiendroient trois places. & pleust à Dieu que le Roy y eust voulu entendre lors. Le diu n'oser entrer en cest appoinctement leur priant ne se hastier point de conclurre ceste ligue , & que de tout aduertiroie le Roy , leur priant (comme i'auoie fait aux autres) me dire leurs doléances , & qu'ils ne les teussent point, comme faisoient ceux de Milan. Ils se doulerent des places , que le Roy tenoit du Pape , & encores plus de celles , qu'il tenoit des Florentins , & par especial de Pise : disans que le Roy auoit mandé par escrit en plusieurs lieux , & à eux-mesmes , qu'il ne vouloient en Italie que le Royaume de Naples , & aller contre le Turc , & qu'il monstroie à ceste heure de vouloir prendre tout ce qu'il pourroit en Italie, & ne demander rien au Turc , & disoient encores que Monseigneur d'Orleans (qui estoit demeuré en Ast) faisoit crainte au Duc de Milan , & que ses seruiteurs disoient des grandes menaces : toutesfois qu'ils ne feroient rien de nouueau , que ie n'eusse responce du Roy , ou que le temps

de l'auoir ne fust passé: & monstroient plus d'honneur qu'à ceux de Milan. De tout i'aduerty le Roy, & eu maigre responce, & deslors s'assembloient chacun iour: veu qu'ils sçauoient que l'entreprise estoit descouuerte & en ce temps estoit le Roy encores à Florēce: & s'il eust trouué résistance à Viterbe: comme ils cuidoient, ils eussent enuoyé des gens à Rome, & encores si le Roy Ferrand fust demeuré dedans, & n'eussent iamais pensé qu'il eust deu abandonner Rome, & quand ils la veirent abandonnee, commencerent à auoir paour. Toutesfois les Ambassades des deux Roys les pressoient fort de conclurre, ou vouloient departir. Car ia y auoient esté quatre mois, chacun iour allans à la Seigneurie, & ce pendant ie faisoie le mieux que ie pouuoie à l'encontre.

Voyant les Venitiens tout cela abandonné, & aduertis que le Roy estoit dedans la ville de Naples, ils m'enuoierent querir, & me dirent ces nouuelles, monstrans en estre ioyeux. Toutesfois ils disoient que ledit chasteau estoit biē fort garny, & voyoie bien qu'ils auoient bonne & seure esperance qu'il tinst, & consentirent que l'Ambassadeur de Naples leuast Gens-d'armes à Venise, pour enuoyer à Brandis, & estoient sur la conclusion de leur ligue, quant leurs Ambassadeurs leur escriuirent que le chasteau estoit rendu, & lors ils m'enuoierent querir de rechef à vn matin, & les trouuay en grand nombre, comme de 50. ou 60. en la chambre du Prince, qui estoit malade de colique, & ia me compta ces nouuelles, de visage ioyeux: mais nul en la compagnie ne se sçauoit feindre si bien comme luy. Les vns

*De la grā-
de ligue,
qui se con-
clut contre
le Roy.*

*Contenance
des Veni-
tiens pen-
contens.*

estoyent assis sur vn marchepié de banc, & auoient la teste appuyée entre leurs mains. Les autres d'une autre sorte, tous demonstans auoir grande tristesse au cœur: & croi que, quand les nouvelles vindrent à Rome de la bataille perdue à Cannes contre Hannibal, les Senateurs, qui estoient demourez n'estoient pas plus esbahis, ne plus espouuantez qu'ils estoient: car vn seul ne fait semblant de me regarder (ny ne me dit vn mot) que luy: & les regardoie à grande merueille. Le Duc me demanda si le Roy leur tiendrait ce que tousiours leur auoit mandé, & que leur auoie dit. Je les asseurai fort, qu'ouy: & ouury les voies pour demourer en bonne paix, & m'offroie fort à la faire tenir, esperant les oster de soupçon. Puis me departy.

Leur ligue n'estoit encores ne faite, ne rompuë; & vouloient partir les Alemans mal contés. Le Duc de Milan se faisoit encores prier de ie ne sçay quel article. Toutesfois il manda à ses gens qu'ils passassent tost: & en effect, conclurent la ligue. Durant que cecy se demenoit, j'auoie sans cesse aduertie le Roy du tour, le pressant de conclurre, ou à demeurer au Royumé, & se pouruoir de plus de gens de pié & d'argent, ou de bonne heure, à se mettre en chemin pour se retirer, & laisser les principales places bien gardées, auant qu'ils fussent tous assemblez. Aussi aduertissoie Monseigneur d'Orleans, qui estoit en Ast, (avec les gens de sa maison seulement: car sa compagnie estoit avec le Roy) & d'y mettre des gens: l'assurant qu'incontinent iroient luy courre sus. I'escriuoie aussi à Monseigneur de Bourbon, qui estoit demeuré Lieutenant pour le Roy

*Commines
fait tout
devoir de
prenoir par
aduis con-
tre la ligue*

le Roy en France) d'enuoyer des gens en haste, en Ast, pour le garder, & que si ceste place estoit perduë, nul secours ne pouuoit venir au Roy de France: & aduertissoie aussi la Marquise de Montferrat, qui estoit bonne Françoise, & ennemie du Duc de Milan, afin qu'elle aidast à Monseigneur d'Orleans, de gens s'il en auoit affaire. Car Ast perdu, les Marquisats de Montferrat & Saluces estoient perdus.

La ligue fut concludë vn soir bien tard, Le matin me demanda la Seigneurie plus matin qu'ils n'auoient de coustume. Comme ie fu arriué, & estre assis me dit le Duc qu'en l'honneur de la sainte Trinité, ils auoient conclu ligue avec nostre Saint Pere le Pape, les Rois des Romains & de Castille, eux & le Duc de Milan, à trois fins: la premiere, pour defendre la Chrestienté contre le Turc: la seconde, à la defense d'Italie: la tierce à la preservation de leurs estats: & que ie se feisse sçauoir au Roi: & estoient assemblez en grand nombre, comme de cent ou plus: & auoient es testes hautes: & faisoient bonne chere, & n'auoient point contenances semblables à celles qu'ils auoient le iour qu'ils me dirent la prise du chasteau de Naples. Me dit aussi qu'ils auoient escrit à leurs Ambassadeurs, qui estoient deuers le Roy, qu'ils s'en vinssent, & qu'ils prissent congé. L'yn auoit nom Messire Dominique Laugedan, & l'autre Messire Dominique Treuisan. L'auoie le cœur serré: & estoie en grande doute de la personne du Roy, & de toute sa compagnie: & cuidoie leur cas plus prest qu'il n'estoit: aussi faisoient-ils eux, & doutoie qu'ils eussent les Alemans prests, & si cela y eust esté, iamais

*Venitiens
des courrez
leur ligue
contre le
Roy.*

le Roy ne fust failly d'Italie. Je me deliberai ne dire point trop de paroles en ce courroux, toutesfois ils me tirerent vn peu aux champs. Je leur feis responce, que, des le soir auant, ie l'auoie escri au Roy, & plusieurs fois, & que luy aussi m'auoit escrit, qu'il en estoit aduertit de Rome & de Milan. Il me fait tout estrange visage, de ce que ie disoie l'auoir escrit, le soir, au Roy, car il n'est nulles gens au monde si soupconneux: ne qui tiennent leurs conseils si secrets & par soupçon, seulement continēt souuēit des Gens; & à ceste cause leur disoie. Outre, ce, ie leur dy l'auoir aussi escrit à Monseigneur d'Orleans, & à Monseigneur de Bourbon, à fin qu'ils pourueussent Ast, & disoie, esperant que cela donneroit quelque delay d'aller deuant Ast: car, s'ils eussent esté aussi prests comme ils se ventotent & cuidoient, ils l'eussent prins sans remede, car il estoit, & fut mal pourueu, long temps apres. Ils se prirent à me dire qu'il n'y auoit rien contre le Roy, mais pour se garder de luy, & qu'ils ne vouloient point qu'il abusast ainsi le monde de paroles, & de dire qu'il ne vouloit que le Royaume, & puis aller contre le Turc, & qu'il monstroie tout le contraire, & vouloit destruire le Duc de Milan & Florence, & tenir les terres de l'Eglise. A quoy ie respondi que les Roys de France auoient augmenté l'Eglise, & accruë & defenduë, & que cestuy-cy feroit plustost le semblable, que de rien leur oster, mais que toutes ces raisons n'estoient point celles, qui les mouuoient, mais qu'ils auoient enuie de troubler l'Italie, & faire leur profit, & que ie croye que

*Venitiens
soupçon-
neux & se-
crets.*

*Excuse des
Venitiens
touchant
la ligue.*

*Responce
de Commi-
nes fraîche
pour le Roy*

aussi feroient-ils. Ce qu'ils prirent vn peu à mal,
 . . ce me dist l'on, mais il se voit, par ce qu'ils
 ont en Pouille, en gage du Roy Ferrand, pour
 luy aider contre nous, que ie disoie vrai. Sur
 ce poinct me vouloie leuer, pour me retirer:
 mais ils me feirent rasseoir, & me demanda le
 Duc si ie ne vouloie faire nulle ouuerture de
 paix: par ce que le iour de deuant i'en auoye
 parlé: mais c'estoit par condition qu'ils vou-
 lussent attendre à conclure la ligue, de quinze
 iours, afin d'enuoyer deuers le Roy, & auoir
 response. Apres ces choses dictes, ie me re-
 tiray à mon logis, & ils manderent les Ambas-
 sadeurs l'vn apres l'autre: & au faillir de leur
 Conseil, ie rencontray celuy de Naples, qui
 auoit vne belle robbe neuue: & faisoit bonne
 chere, & en auoit cause, car c'estoient grandes
 nouuelles pour luy. A l'apres dînée tous les
 Ambassadeurs de la ligue se trouuerent ensem-
 ble en barque, qui est l'esbat de Venise, & où
 chacun va, selon les gens qu'il a, & aux despens
 de la Seigneurie, & pouuoient estre 40. barques:
 qui toutes auoient bandeaux aux armes de leurs
 maistres: & vei toute ceste compagnie passer par
 deuant mes fenestres, & y auoit force mene-
 striers: & ceux de Milan, au moins l'vn d'iceux,
 qui m'auoit tenu compagnie beaucoup de fois,
 faisoit bien contenace dene me cognoistre plus,
 & fut trois iours sans aller par la ville, ne mes
 gens: combien que iamais ne me fut dite en la vil-
 le, ny à hōme que i'eusse, vne seule mal-gracieu-
 se parole. Le soir feirent vne merueilleuse feste
 de feux sur les clochers, avec force fallots, al-
 lumez sur les maisons de ces Ambassadeurs,

*L'historien
 Venitien
 dit que
 Commines
 fut vn peu
 troublé à
 ce propos.*

*Ambass. de
 la ligue en
 barque à
 Venise.*

*Feux de
joye à Ve-
nise pour
la ligue
entre le Roy,*

*Dimanche
de l'Oliue
à Venise.*

*Robes de
veloux cra-
moisi, mais
bien cour-
tes,*

& artillerie qui tiroit: & fu sus la barque cou-
uerte au long des riuës, pour veoir la feste, en-
uiron dix heures de nuict: & par especial, deuant
les maisons des Ambassadeurs: où se faisoient
bâquets & grâd' chere. Ce iour là n'estoit point
encore la publication ne la grâd' feste: car le Pa-
pe auoit mandé qu'il vouloit qu'on attendist en-
cores aucuns iours pour la faire à Pasques Flo-
ries, qu'ils appellent le Dimenchie de l'Oliue, &
vouloit que chacun Prince, où elle seroit pu-
bliee, & les Ambassadeurs qui y seroient por-
tassent vn rameau d'Oliuier en la main, car ils le
disent signe de paix & d'alliance, & qu'à ce iour
elle fust publiee en Espagne & Allemagne. A
Venise feirent vn chemin de bois, haut de terre,
comme ils font le iour du Sacre, bien tendu: qui
prenoit du Palais iusques au bout de la place S.
Marc, & après la Messe, que chanta l'Ambassa-
deur du Pape, & qui à tout homme donna ab-
solution de peine & de coulpe, qui seroit à la
publication, ils allerent en procession par ledit
chemin, la Seigneurie & Ambassadeurs tous
bien vestus, & plusieurs auoient robes de ve-
lours cramoisi, que la Seigneurie auoit don-
nees, au moins aux Alemans, & à tous leurs
seruiteurs robes neuues, mais elles estoient
bien courtes. Au retour de la procession se mon-
strerent grand nombre de mysteres & de per-
sonnages, & premierement Italie, & après
tous ces Rois & Princes, & la Roine d'Espagne:
& au retour à vne Pierre de Porfyre, où on fait
les publications, feirent publier ladite ligue: &
y auoit vn Ambassadeur du Turc present, à vne
fenestre caché: & estoit despesché, sauf qu'ils

vouloient qu'il veist ladite feste: & la nuit vint
parler à moy, par le moyē d'un Grec: & fut bien
quatre heures en ma chambre: & auoit grande
enuie que son maistre fust nostre amy. Je fu in-
uité à ceste feste par deux fois: mais ie m'en ex-
cusay: & demeuray en la ville enuiron vn mois
depuis, aussi bien traitté que deuant: & puis
m'en parti, mandé du Roy, & de leur congé
conduit en bonne seureté; à leurs despens, ius-
ques à Ferrare. Le Duc me vint au deuant: &
deux iours me fait bonne chere, & defraya, &
autant Messire Iean de Bentiuole à Boulogne: &
de là m'enuoierent les Florentins querir: & al-
lay à Florence, pour attendre le Roy: duquel ie
retournerai à parler.

*af. de
Ferrare.*



HVITIESME LIVRE
DES MEMOIRES
du Seigneur d'Argenton continuez, sur
les principaux faicts du Roy Charles 8.

*De l'ordre & provision que le Roy mit au Royaume
de Naples, voulant retourner en
France.*

CHAP. I.

POur mieux continuer mes Memoires
& vous informer, me faut retourner à
parler du Roy, qui depuis qu'il entra
à Naples, iusques à tant qu'il en par-
tit, ne pensa qu'à passer temps, & d'autres à pren-
dre & à profiter. Mais son aage l'excusoit, mais
nul ne scauroit excuser les autres de leur fautes;
car le Roy les croyoit de toutes choses; & s'ils
luy eussent sçeu dire qu'il eust bien pourueu
trois ou quatre chasteaux audit pays, comme
celuy de Caiette, ou seulement celuy de Naples,
dont il auoit donné les viures, comme j'ay dict,
il tinst encores le Royaume; car en gardant ce-
luy de Naples, iamaïs la ville ne se fust reuoltee.
Il tira tous les Gens-d'armes à l'entour de luy,

depuis la conclusion de la ligue ; & ordonna cinq cens Hommes-d'armes François & deux mille cinq cens Suisses & quelque peu de gens de pied François pour la garde du Royaume: & avec le reste, il delibera de s'en retourner en France, par le chemin qu'il estoit venu: & la ligue se preparoit à l'en garder. Le Roy d'Espagne auoit enuoyé, & enuoioit quelques caruelles en Cecile: mais peu de gens dessus, toutesfois, auant que le Roy partist, ils auoient ja garni Rege en Calabre: qui est pres de Cecile, & plusieurs fois i'auoye escrit au Roy, qu'ils deuoient là descendre, car l'Ambassadeur de Naples le m'auoit dit: cuidant que ia y fussent, & si le Roy y eust enuoyé d'heure, il eust pris le chasteau: car le peuple de la ville tenoit pour luy. Aussi vindrent gens de Cecile à Mantia, & à la Turpia, par faute d'enuoyer: & ceux d'Otrante en Pouille, qui auoient leué les bannieres du Roy, veuë la ligue, & qu'ils estoient situez pres de Brandis & Galipoli, & qu'ils ne pouuoient finer de gens, leuerent les bannieres d'Arragon, & Dom Federic qui estoit à Brandis, la fournit, & par tout le Royaume, commencerent à muer leur pensée, & se prit à changer la fortune qui deux mois deuant auoit esté au contraire, tant pour voir ceste ligue, que pour le partement du Roy, & la pauvre prouision qu'on laissoit, plus en Chef qu'en nombre de Soldats. Pour chef y demoura Monseigneur de Montpensier, de la maison de Bourbon, bon Cheualier & hardy, mais peu sage. Il ne se leuoit qu'il ne fust midy. En Calabre laissa Monseigneur d'Aubigny, de la nation d'Escolle,

Ce sont certains vaisseaux de mer à voiles & à rames desquels on use fort sur la mer meridionale.

Sieur de Montpensier laissa chef du Gouvernement du Royaume de Naples.

bon Cheualier & sage, bon & honorable qui fut grand Connestable du Royaume, & luy donna le Roi, comme i'ai dit la Comté d'Acri & le Marquisat de Squillazzo. Il laissa au commencement, le Seneschal de Beaucaire, appelé Estienne de Vers, Capitaine de Caiette, fait Duc de Nole, & d'autres Seigneuries, grand Chambellan; & passoient tous les deniers du Royaume par sa main: & auoit iceluy plus de fais, qu'il ne pouuoit ne n'eust sceu porter: mais bien affectionné estoit à la garde dudit Royaume. Il laissa Monseigneur Dom Iulian, Lorrain (l'en faisant Duc) en la ville de Sant Angelo: où il a fait merueilles de se bien gouverner. A Manfredonia, laissa Messire Gabriel de Montfaucon, homme que le Roy estimoit fort: & à tous donna grosses terres. Celuy là s'y conduisit tres mal: & la bailla au bout de quatre iours, par faute de viures: & il l'auoit trouuee bien garnie: & estoit en lieu abundant de bleds. Plusieurs vendirent tout ce qu'ils trouuerent aux Chasteaux: & dit l'on que cestui, pour garde, laissa là Guillaume de Villeneuve: que ses valets vëdirent à Dom Federic: qui long temps le tint en galee. A Tarente laissa George de Suilli (qui s'y gouerna tresbië: & y mourut de peste & a tenu ceste cité là pour le Roy, iusqu'à ce que la famine l'ait fait tourner. En l'Aquila demoura le Baillif de Vitri (qui biens s'y conduisit) & Messire Gratien des guerres (qui fort bien s'est cõduit) en l'Abruzzo. Tout demoura mal fourni d'argent: & les assignoit l'on sus le Royaume: & tous les deniers failloient. Le Roi laissa bien appointez les Princes de Salerne

& de Bisignan, qui l'ont bien serui tant qu'ils ont peu, & aussi les Colonnaïs de tout ce que ils sceurent demander: & leur laissa plus de trente places pour eux, & les leurs. S'ils les eussent voulu tenir pour lui (comme ils deuoient, & qu'ils auoient iuré) ils lui eussent fait grand seruice: & leur honneur & profit: car ie croy qu'ils ne furent, cent ans a, à six grands honneurs, mais, auant son partement, ils commencerent à practiquer: & aussi ils estoient-ses seruiteurs à cause Milan (car naturellement ils estoient du parti Gibelin) mais cela ne leur deuoit point faire fausser leur foy, estans si grandement traittez. Encores fait le Roi plus pour eux: car il amena, sous garde d'ami, prisonniers, le Seigneur Virgile Vrsin, & le Côte de Petilane, aussi des Vrsins, leurs ennemis. Ce qu'il fit contre raison: car combié qu'ils eussent esté pris, il sçauoit bien le Roy, & ainsi l'entendoit, qu'il auoit sauſconduit: & le monstroït bié: car il ne les vouloit mener, sinon iusques en Ast, & puis les renuoyer, & le faisoit à la requeste des Colonnaïs: & auant qu'il y fust, leſdits Colonnaïs eurent tourneſ contre lui, & les premiers, sans alleguer nulle cause:

*Vrsins mal
traitez en
faueur des
Colonnaïs
& contre
leur sauſ-
condues.*

Comment le Roy se partit de Naples, & repassa par Rome, dont le Pape s'ensuit à Oruiette, des paroles que le Roy tint à Monsieur d'Argenton, à son retour de Venise, des deliberations de rendre aux Florentins leurs places, & des Predications dignes de memoire, de Frere Hieronyme de Florence.

C H A P. II.

A Pres que le Roy eut ordonné de son affaire (comme il entendoit) se mit en chemin, avec ce qu'il auoit de gens, que i'estime neuf cens hommes d'armes, au moins (en ce compris sa maison) deux mil cinq cens Suisses, & croy bien sept mille hommes payez, en tout : & y pouuoit bien auoir mille cinq cens hommes, de defense, suivant le train de la Cour, comme seruiteurs. Le Comte de Petillane, qui les auoit mieux comptez que moy, disoit qu'en tout en auoit neuf mille : & le medit depuis nostre bataille, dont sera parlé. Le Roy prit son chemin vers la ville de Rome, dont le Pape parauant. vouloit partir, & venir à Padouë, sous le pouuoir des Venitiens : & y fut son logis fait. Depuis le cœur leur mua, & luy enuoyerent quelques gēs & le Duc de Milan luy en enuoya aussi, & combien qu'ils y fussent à temps, si n'osa attendre le Pape: nonobstant que le Roy ne lui eust fait que tout honneur & seruice, & luy auoit enuoyé Ambassadeur, pour le prier d'attendre: mais il se retira à Oruiette, & de là à Perouse, & laissa les Cardinaux à Rome, qui recueillirent le Roy, lequel n'y arresta point, & ne fut fait desplaisir à nul, & m'escruiuit d'aller à luy vers Sene, où ie le trouuay, & m'y feit, par sa bonté, bon recueil & me demanda en riant, si les Venitiens enuoyoient au deuant de lui : car toute sa compagnie estoient ieunes gens, & ne croyoient point qu'il fust autres gens, qui portassent armes. Je lui dy que la Seigneurie m'auoit dit, au departir

*Quanzo dit
Bianchin.*

deuant vn de ses Secretaires, appelé * Lourdin qu'eux & le Duc de Milan, mettroient quarante mille hommes en vn camp, non point pour l'assaillir, mais pour se defendre, & me feirent dire le iour que ie parti d'eux, à Padouë, par vn de leurs prouiseurs, qui venoit contre nous, que leurs gens ne passeroient point vne riuiera qui est en leur terre, pres de Parme, & me semble qu'elle a nom Olye, sinon qu'il assaillist le Duc de Milan, & prisma enseignes enséble ledit Prouiseur & moy, de pouuoir enuoyer l'vn vers l'autre (s'il en estoit besoing) pour traicter quelque bon appointment, & ne voulut rien rompre (car ie ne scauoye ce qui pourroit suruenir à mon maistre) & estoit present à ces paroles vn appelé messire Louys Marcel, qui gouernoit, pour ceste annee là les . . Mots viere (qui est comme vn Tresotier) & l'auoient enuoyé pour conduire. Aussi y estoient les gens du Marquis de Mantouë (qui luy portoient argent) mais ils n'ouyrent point ces paroles. De ceux là, ou d'autres, portay au Roy, par escrit, le nôbre de leurs Gens de cheual, de pié, & d'Estradiots, & qui en auoient les charges. Peu de gens, d'entour du Roy, croyoyent ce que ie disoye.

Estât ledit Seigneur à Sene, le pressay de partir, des ce qu'il y eust esté deux iours, & les cheuaux repôsés: car ses ennemis n'estoyent point encores ensemble: & ne craignoye sinon qu'il vinst des Alemans: car le Roy des Romains en assembloit largement, & vouloit fort tirer argent contant, pour les soudoyer. Quelquechose que ie disse, le Roy mit deux matieres en conseil, qui furēt briefues. L'vne scauoir si on deuoit rēdre aux Florētins

*Prudence
de Cōmi-
nes de pré-
dre auant
tēps en sei-
gnes avec
le Proui-
seur de
Venise.*

*Ainsy est li
en tous
exemp.
mais ie croi
qu'il y faut
[le Mont
vieil] qui
est certain
amas d'ar-
gent, [Mōt
uechio]
pour payer
les interets
aux plus
vieux cre-
diteurs de
la republi-
que Veni-
tienne: cō-
me il se
peut voir
au liure de
Donato
Giannoi-
ty.*

leurs places, & prendre trente mille Ducats qu'ils deuoyent encores de leur don, & septante mille qu'ils offroient prester, & seruir le Roy à son passage, avec trois cens Hommes d'armes, sous la charge de Messire Francisque Secco, vaillant Cheualier & de qui le Roy se fioit, & de deux mille Hommes de pié. Je fu d'opinion que le Roy le deuoit faire, & d'autres aussi, & seulement retenir Ligorne, iusques à ce qui fust à Ast. Il eust bien payé ses gens, & encore luy fust demouré de l'argent: pour fortraire de gens de ses ennemis, & puis les aller chercher. Toutesfois cela n'eut point de lieu: & l'empeschoit Monseigneur de Ligny, qui estoit homme jeune & cousin germain du Roy, & ne sçauoit point bien pour quelle raison: sino pour pitié des Pisans. L'autre conseil fut ce luy que Monseigneur de Ligny faisoit mettre en auant, par vn appelé Gaucher de Tinteuille & par vne partie de ceux de Sene: qui vouloient Monseigneur de Ligny pour Seigneur: car la ville est de tous temps en partialité, & se gouuerne plus follement, que ville d'Italie. Il m'en fut demandé le premier. Je dy qu'il me sembloit que le Roy deuoit tirer à son chemin, & ne s'amufer à ces folles offres, qui ne sçauoient durer vne semaine: aussi que c'estoit ville d'Empire & que ce seroit mis l'Empire contre nous. Chacun fut de cest aduis: toutesfois on feit autrement, & le prirent ceux de Sene pour leur Capitaine, & luy promirent certaine somme d'argent, l'an, dont il n'eust riens. Cecy amusa le Roy six ou sept iours, & luy monstrerent les Dames, & y laissa le Roy bien trois cens hommes

*Gaucher
de Tinte-
uille.*

*Sene fut
à partiali-
té.*

& s'afoiblit de tant, & de là tira à Pise, passant par Poggibonzi, chasteau Florétin, & ceux qu'on aissa à Senes furent chassés auant vn mois de là.

I'ay oublé à dire, que moy estant arriué à Florence, allant au deuant du Roy, allay visiter vn frere prescheur, appelé frere Hieronime, denourant à vn Contient reformé, homme de saincte vie, comme on disoit, qui quinze ans auoit demouré audict lieu, & estoit avec moy en Maistre d'hostel du Roy, appelé Iean François, sage homme. La cause de l'aller veoir fut, par ce qu'il auoit tousiours presché en grand' auueur du Roy, & sa parole auoit gardé les Florentins de tourner contre nous: car ianais Prescheur n'eut tant de credit en cité. I'auoit tousiours asseuré la venue du Roy (quelque chose qu'on dist, ne qu'on escriuist au contraire) disant qu'il estoit enuoyé de Dieu, pour hastier les tyrans d'Italie, & que riē ne pouuoit résister ne se deffendre contre luy. Auoit dit aussi qu'il viendroît à Pise, & qu'il y entreroit, & que ce iour mourroit l'estat de Florence, & ain- si aduint (car Pierre de Medicis fut chassé ce iour) & maintes autres choses auoit preschees, tant qu'elles aduinssent (comme la mort de Laurens de Medicis) & aussi disoit publique- ment l'auoir par reuelation, & preschoit que l'estat de l'Eglise seroit reformé à l'espee: Cela n'est pas encores aduenü: mais il en fut bien pres: & encores le maintient. Plusieurs le blamoient de ce qu'il disoit que Dieu luy auoit reuelé: autres y adioustèrent. De ma part ie le repute bon homme. Aussi luy demanday si le Roy pourroit passer, sans peril de sa personne,

Frere Hieronime de Florence auoit presché la venue du Roy en Italie.

Frere Hieronime soy disant parler par reuelation.

*Predictions
notables de
frere Hiero-
nyme touchant le
passage &
retour du
Roy.*

veu la grande assemblée, que faisoient les Venitiens, de laquelle il scauoit mieux parler, que moy: qui en venoye. Il me respondit qu'il auroit affaire en chemin: mais que l'honneur luy en demoureroit, & n'eust-il que cent hommes en sa compagnie, & que Dieu qui l'auoit conduit au venir, le conduiroit encores à son retour: mais (pour ne s'estre bien acquité à la reformation de l'Eglise, comme il deuoit, & pour auoir souffert que ses gens pillassent & desrobassent ainsi le peuple, aussi bien ceux de son party, & qui luy ouuroyent portes, sans contrainte comme les ennemis) que Dieu auoit donné vne sentence contre luy, & brief, auroit vn coup de fouet: mais que ie luy disse, que (s'il vouloit auoir pitié du peuple, & deliberer en soy garder ses gens de mal faire, & les punir, quand ils le feroient, comme son office le requiert) Dieu reuokeroit la sentence, ou la diminueroit, & qu'il ne pensast point estre excusé pour dire, ie ne fai nul mal & me dit que luy mesme iroit au deuant du Roy & le luy diroit, & ainsi le feit, & parla de la restitution des places des Florentins. Il me cheut en pensee la mort de Monseigneur le Dauphin, quand il parla de ceste sentence de Dieu (car ie ne voyoye autre chose, que le Roy peust prendre à cœur) & dy encores cecy: à fin que mieux on entende que tout cedit voyage fut vray mistere de Dieu.

Comment le Roy retint en ses mains la ville de Pise, & quelques autres places des Florentins, pendant que Monsieur d'Orleans, à vn autre costé, entra dedans Nauarre, en la Duché de Mllan.

CHAP. III.

Comme i'ay dit, le Roy estoit entré à Pise: & alors les Pisans, hommes & femmes prierēt à leurs hostes, que pour Dieu ils tinssent la main enuers le Roy, qu'ils ne fussent remis sous la tyrannie des Florentins: qui à la verité les traitoient fort: mais ainsi sont maintes autres citez en Italie: qui sont suiettes à autres. Puis Pise & Florence auoient esté trois cens ans ennemies: auant que Florentins la conquissent. Ces paroles en larmes faisoient pitié à nos gens: & oublierēt les promesses & sermens, que le Roy auoit fait ius l'autel S. Jehan à Florence: & toutes sortes de gens s'en mesloient, iusques aux Archers & aux Suisses: & menaçoient ceux qu'ils pensoient qui vouloiēt que le Roy tint sa promesse: cōme le Cardinal S. Maló: lequel ailleurs i'ay appelé General de Languedoc i'ouy vn Archer, qui le menaça. Aussi en eut, qui dirent grosses paroles au Marechal de Gyé. Le president Gannay fut plus de trois iours, qu'il n'osoit coucher en son logis: & sus tous, tenoit la main à cecy le Comte de Ligny, & venoyent lesdits Pisans, à grans pleurs deuers le Roy: & faisoient pitié à chacun: qui par raison les eust peu ayder. Vn iour apres disner s'assemblerēt 40. ou 50. Gentilshōmes de sa

maison, portans leurs haches au col : & vindrent trouuer le Roy en vne chambre, joüant aux tables, avec Monseigneur de Piennes, & vn Valet de chambre ou deux, & plus n'estoient : & porta la parole vn des enfans de Sallezard l'aîné, en faueur des Pisans, chargerent aucuns de ceux, que ie nommoie n'agueres : & tous disoient qu'ils le trahiroient : mais bien vertueusement les renuoya le Roy : & autres choses n'en fut onques depuis.

Entragues

Bien six ou sept iours perdit le Roy son tēps à la ville de Pise : & puis mua la garnison ; & mit en la Citadelle vn, appelé Entragues, homme bien mal conditionné, seruiteur du Duc d'Orleans : & le luy adressa Monseigneur de Ligny : & y fut laissé des Gens de pié de Berry. Ledit Seigneur d'Entragues feit tant qu'il eut encores entre ses mains Pietresancte, & croy qu'il en bailla argent, & vne autre place aupres appelée Mortron, Il en eut vne autre aussi appelée Librefacto, pres de la ville de Luques. Le chasteau de la ville de Serrano, qui estoit tresfort, fut mis par le moyen dudiect Comte. Monseigneur de Ligny, entre les mains d'un bastard de Rouffi, seruiteur dudiect Comte. Vne autre appelée Serzanelle, entre les propres mains d'un de ses autres seruiteurs : & laissa le Roy de France beaucoup de gens ausdites places, & si n'en eut iamais tant à faire, & refusa l'aide des Florentins, & l'offre dont i'ay parlé, & demourerent ces Florentins comme gens desesperez, & si auoit sceu, dès deuant qu'il partist de Senes, comme le Duc d'Orleans auoit pris la cité de Nouarre sus le Duc de Milan, parquoy le Roy voyoit

R

30000

Charles d'Angou
Comte du Maine
freres du Roy.

de la maison
francoise
de la Cour
de la Cour
de la Cour
de la Cour

RENE ROY
de Sicile &
de la Cour

Charles d'Angou
Roy de Sicile

de la Cour
de la Cour

RENE D. de Lorr.

— mar to Ro
D'Angou of France
after Low Char d.

voyoit estre certain que les Venitiens se declare-
roient, veu que de par eux luy auoit esté dit, que
s'il faisoit guerre audit Duc de Milā, ils luy don-
neroient toute ayde, à cause de la ligue nouuelle-
ment faite, & auoient leurs gens prests, & en
grand nombre. Si faut entendre que, quand la li-
gue fut conclüe, le Duc de Milan cuidoit pren-
dre Ast, & n'y pensoit trouuer personne: mais
mes lettres, dont i'ay parlé, auoient bien aydé à
auancer des gens, que le Duc de Bourbon y en-
uoia: & les premiers qui y vindrent, furent enui-
ron quarante Lances de la compagnie du Mares-
chal de Gyé (qui estoient demourez en France:
& ceux-là y vindrent bien à point) & cinq cens
Hommes de pié, qu'enuoia le Marquis de Salu-
ce. Cecy arresta les gens du Duc de Milan, que
menoit Messire Galeas de Saint Seuerin, & se
logerent à Nom: qui est vn chasteau, que le Duc
de Milan a, à deux mils d'Ast. Peu apres arriue-
rent trois cens cinquante Hommes-d'armes, &
des Gentilshommes du Dauphiné, & quelques
deux mille Suisses, & des Francs-Archers dudit
Dauphiné: & estoient, en tout, bien sept mille
cinq cens hommes payez, qui mirent beaucoup
à venir, & ne seruirent de rien à l'intention, pour
laquelle ils auoient esté mandez (qui estoit pour
venir secourir le Roy) car en lieu de secourir le
Roy, il les falut aller secourir. Il auoit esté escrit
à Monseigneur d'Orleans, & aux Capitaines,
qu'ils n'entreprissent rien contre le Duc de Mi-
lan: mais seulement entendissent à garder Ast, &
à venir au deuant du Roy, iusques sus la riuere
du Thesin, pour luy ayder à passer: car il n'auoit
aucune autre riuere, qui l'empeschast, & faut en,

*Le Duc
d'Orleans
prend No-
uarre sur
le Duc de
Milan.*

tendre que ledict Duc d'Orleans n'estoit point
passé Ast, & l'y auoit le Roy laissé. Toutesfoi,
nonobstant ce que le Roy luy auoit escrit, luy
vint ceste pratique si friande, que de luy bailler
ceste cité de Nouarre, qui est à dix lieues de Mi-
lan, & y fut reçu à grand ioye, tant des Guelfes
que des Gibelins, & luy aida bien à conduire cete
ceuvre la Marquise de Montferrat. Le chasteau
tint deux iours ou trois. Mais, si cependant il fut
allé ou enuoyé deuant Milan, où il auoit prati-
qué assez, il eust esté receu bien à plus grād' ioye:
qu'il ne fut onques en son chasteau de Blois,
comme le m'ont compté des plus grands de la
Duché, & le pouuoit faire sans danger, les trois
iours premiers: parce que les gens du Duc de
Milan estoient encores à Nom, pres Ast, quand
Nouarre fut pris, qui ne vindrent de quatre
iours apres, mais peut estre, qu'il ne croyoit
point les nouuelles qu'il en auoit.

*Comment le Roy Charles passa plusieurs dangereux pas-
de montaignes entre Pise & Serzane: comment la
ville de Pontreme fut bruslée par ses Alemans, &
comment le Duc d'Orleans se portoit à Nouarre ce
temps pendant.*

C H A P. II II.

DE Senes le Roy estoit venu à Pise, comme
d'auz veu, & entendu ce qu'il y feit, & de Pi-
se vint à Luques: où fut bien receu de ceux de la
ville, & y seiourna deux iours: & puis vint à Pie-
tresancte, (que tenoit Entragues,) ne craignant
rien ses ennemis, ne ceux à qui ils donnoient le
credit: & trouua de merueilleux pas de montai-

*Il donnoit
(possible.)*

gnes, entre Luques & ledit lieu, & aisez à defendre à gens de pié, mais encores n'estoient ensemble nos ennemis. Pren du Pietresancte est le pas de la Serere d'un costé, & le Roc taillé d'autre costé, marais de mer biē profonds: & faut passer par vne chaussee, comme celle d'un estang: & estoit le pas, qui fut depuis Pise iusques à Pontremue, que ie craignoie le plus, & dont i'auoie plus ouy parler: car vne charrette, lettee au trauers, & de bonnes pieces d'artillerie, nous eussent gardez d'y passer sans y trouuer remede, avec gēs en bien petit nombre. De Pietresancte alla le Roy à Seruane, où fut mis en auant; par le Cardinal de S. Pierre ad Vincula, de faire rebeller Genes, & d'envoyer gens, & fut mise la matiere en conseil, & y estoie, en la compagnie de beaucoup de gens de bien, Capitaines, où fut conclu, par tous, qu'on n'y entendroit point: car, si le Roy gaignoit la bataille, Genes se viendroit presenter d'elle mesme, &, s'il perdoit il n'en auroit que faire: & fut le coup que i'ouy parler que l'on creust qu'il y leust auoir bataille, & fut fait rapport au Roy, de ceste deliberation, mais nonobstant cela, il y envoya Monseigneur de Bresse, depuis Duc de Savoie, le Seigneur de Beaumont, de Polignac, mon beau frere, & le Seigneur d'Ambeiou de la maison d'Amboise, avec six vingts Hommes d'armes, & cinq cens Arbalestriers, venus tous frais de France, par mer. Si m'esbahy comment il est possible qu'un si ieune Roy n'auoit quelques bons seruiteurs qui luy osassent auoir dit le peril en quoy il se mettoit: de moi, il me sembloit qu'il ne me croioit point du tout.

Nous auons vne petite armee de mer

(qui venoit de Naples) & y estoit Monseigneur de Miolens, Gouverneur du Dauphiné, & vn Estienne de Neues, de Montpellier: & estoient en tout environ huit galées; & vindrent à Specie, & à Rapalo: où ils furent desfaits, à l'heure dont ie parle, & au lieu propre, où nos gens auoient desfait ceux du Roy Alphonse, au commencement du voyage, & par ceux propres, qui auoient esté des nostres à l'autre bataille (qui estoient Messire Iehan Loys de Flisco, & Messire Iehan Adorne) & fut tout mené à Genes. Il eust mieux valu que tout eust esté avec nous: & encores estoit-ce peu. Monseigneur de Bresse, & ce Cardinal, allerent loger aux faulxbourgs de Genes: cuidant que leur partialité se deust leuer en la ville pour eux: mais le Duc de Milany auoit pourueu, & les Adornes, qui gouuernoient, & Messire Iehan Loys de Flisco (qui est vn sage Cheualier) furent en grand peril d'estre desfaits, comme ceux de mer (veu le petit nombre, qu'ils estoient) & ne tint sinon à la part, qui gouuernoit à Genes qui n'osoit sortir de la ville de paour, que les Fourgousses ne se leuassent & leur fermassent les portes, & eurent nos gens grand' peine à eux en venir vers Ast, & ne furent point à vne bataille, que le Roy eut, où ils eussent esté bien seans. De Serzane, vint le Roy vers Pontrem: car il estoit force d'y passer, & est l'entree des montaignes. La ville & chasteau estoient assez bons, & en fort pays: & s'il y eust eu bon & grand nombre de gens, elle n'eust point esté prise: mais il sembloit bien qu'il fust vrai ce que frere Hieronime m'auoit dit, que Dieu le conduiroit par la main, iusques à ce qu'il fust en seure-

*Entreprise
sur Genes
faillie.*

té: car il sembloit que ses ennemis fussent aueuglez, & abestis: veu qu'ils ne deffendoient ce pas. Il y auoit trois ou quatre cēs Hommes de pié dedans. Le Roy y enuoya son Auantgarde, que menoit le Marechal de Gié, & avec luy estoit Messire Iehan Iaques de Treuoul, qu'il auoit recueilli du seruice du Roy Ferrand: quand il s'enfuit de Naples, Gentilhomme de Milan, bien apparenté, bon Capitaine, & grand homme de bien, grand ennemi de ce Duc de Milan, & chassé par luy à Naples: &, par le moyen de luy, fut incontinent renduë ladite place sans tirer, & s'en allerent les gens, qui estoient dedans. Mais vn grand inconuenient y suruint: car il aduint aux Suissès, comme la derniere fois que le Duc de Milan y vint. Il y eust vn debat entre ceux de la ville, & aucuns Alemans (comme i'ai dit) desquels fut bien tué quarante: &, pour reuence, nonobstant la composition, tuerent tous les hommes pillerent la ville & mirent le feu, & bruslerent les viures, & toutes autres choses, & plus de dix d'entr'eux-mesmes qui estoient yures: & ne sceut ledict Marechal de Gyé y mettre remède. Aussi assiegerent le chasteau, pour prendre ceux qui estoient dedans qui estoient seruiteurs dudit Messire Iehan-Iaques de Treuoul, & les y auoit mis, quand les autres partirent, & salut que le Roy ennoyast vers eux pour les faire departir. Ce fut vn grand dommage de la destruction de ceste place, tant pour la honte, qu'à cause des grands viures qui y estoient: dont nous auions la grand' faute: combien que le peuple ne fust en rien contre nous: fors à l'entour pour le mal qu'on leur faisoit. Mais si le Roy eust vou-

*Pontremme
saccagé &
bruslé par
les Suissès.*

*Bonté (pos-
sible.)*

lu entendre aux ouuertures, que faisoit Messire Iehan Iaqués de Treuoul, plusieurs places & Gentils hommes se fussent tournez, car il vouloit que le Roy feist hausser, par tout la banniere du petit Duc que le Seigneur Ludouic tenoit entre ses mains, & qui estoit fils du Duc, dernier mort à Pauie, & dont auez ouy parler deuant, appelé Iehan Galeas. Mais le Roy ne voulut, pour l'amour de Monseigneur d'Orleans: qui pretendoit & pretend droit à ladite Duché. Ainsi passa le Roy outre Pontreme, & alla loger en vne petite vallee: où il n'y auoit point dix maisons, & n'en sçay le nom, & y demoura cinq iours: & n'en sçauoie dire la raison, à tresgrande famine, & à trente mils de nostre Auangarde, qui estoit deuant, ayant montaignes tres-hautes & tresapres à l'entour, & où onques homme ne passa artillerie grosse, comme sont canons & grosses couleurines, qui lors y passerent. Le Duc Galeace y passa quatre faucons de telle grosseur qu'ils pesoient par aduerture cinq cens liures, au moins: dont le peuple du pays faisoit grand cas,

* C'est à * durant ces iours que ie dy.

*dire au temps qu'il les passa, & faut entendre d'un Duc de Milan, & non pas de Galeas de S. Seuerin. * Vegieueno, Guazzo.* Or fut parler du Duc d'Orleans. Quand il eut pris le Chasteau de Nouarre, il perdit temps aucuns iours, & puis tira vers * Vigelue. Deux petites villes, qui sont aupres, enuoierent vers luy, pour le mettre dedans, mais il fut sagement conseillé de non les recueillir. Ceux de Pauie enuoierent par deux fois. Là deuoit-il entendre. Il se trouua en bataille deuant ladite ville de Vigelue, où estoit l'armee du Duc de Milan toute: & la conduisoient les enfans de Saint Seuerin que tant de fois ay nommez. La ville ne vaut

point S. Martin de Candé, qui n'est rien, & y fu,
peu de temps apres, que le Duc de Milan y estoit
& tous les Chefs qui y estoient: & me mōstrerēt
les lieux, où tous deux estoient en bataille, rasibus
de la ville, & dedans: & si le Duc d'Orleans eust
marché cent pas, ils passeroient outre la riuere du
Thesin: où ils auoient fait vn grand pont sus ba-
steaux, & estoient sus le bord: & vei desfaire vn
boulenert de terre, qu'ils auoient fait de l'autre
part de la riuere, pour defēdre le passage: & vou-
loient abandonner ladite ville & Chasteau, qui
leur eust esté grād' perte. C'est le lieu du monde
où le Duc de Milan se tiēt le plus, & la plus belle
demeure, pour chasses & vrolleries, en toutes for-
tes, que ie sçache en nul lieu. Il sembla par aduen-
ture à Monsieur d'Orleans, qu'ils estoient en lieu
fort, & qu'il auoit assez fait, & se retira en vn lieu
appelé: Trecas dont le Seigneur du lieu parla
peu de iours apres moi, qui auoit charge du Duc
de Milan. Audit Trecas enuoierēt vers ledit Duc
d'Orleans des principaux de Milan, pour le met-
tre dedans: & offrirent leurs enfans en ostages, &
l'eussent fait aisément, comme i'ay sçeu par des
hōmes de grande autorité, qui estoient leans, qui
sçauoient cecy, & le m'ont compté, disans que le
Duc de Milan n'eust sçeu trouuer assez de gens,
pour se laisser assieger dedans le Chasteau de Mi-
lan, & que Nobles & peuple vouloiēt la destru-
ction de ceste maison de Sforce. Aussi m'a cōpté
le Duc d'Orleans, & ses gens, les pratiques dont
i'ay parlé, mais ils ne s'y fioient point bien, &
auoient faute d'homme, qui les entendist mieux
qu'eux, & puis ses Capitaines n'estoient point
vnis. A l'ost du Duc de Milan se ioignit quelque

* Trecas,
Guazzo.

deux mille Alemans (que le Roy des Romains enuoioit) & bien mille hommes à cheual , Alemans, qu'amenoit Messire Federic Capelare, natif de la Comté de Ferrette. Ce qui feit croistre le cœur à Messire Galeas, & aux autres, & allerent aupres de Trecas presenter la bataille au Duc d'Orleans, & ne luy fut point conseillé de combattre : combien que sa bande valust mieux que l'autre. Aussi peut bié estre que les Capitaines ne vouloient hazarder ceste compagnie: craignans que, s'ils la perdoient, ce ne fust la perdition du Roi: dont ils ne sçauoient nouvelles: car les chemins estoient gardez. Ainsi se retira toute ceste compagnie dedans Nouarre, donnant tres-mauuais ordre au faict de leurs viures, tant à garder ceux qu'ils auoient, qu'à en mettre dedans la ville: dont assez pouuoient receuoir à l'entour, sans argent, & dont depuis ils eurent grand' faute: & se logerent leurs ennemis à demie lieue d'eux.

Comme la grosse artillerie du Roy passa les monts Ap-penins, à l'aide des Alemans: du danger où fust le Marechal de Gyé avec son Auantgarde, & comment le Roy arriva à Fornoue.

CHAP. V.

*Les Suisses
reparent
honorable-
ment leur
meschef de
Pontreme.*

L'Ay laissé à parler du Roy, comme il fut en ceste vallee deça Pontreme, par cinq iours, en grand' famine, sans nul besoin. Vn tour honorable feirent nos Alemans. Ceux, qui auoient faict ceste grand' faute audit Pontreme : & auoient paour que le Roy les en hayst à iamais, se vindrent d'eux-mesmes offrir à passer l'artillerie, en

ce merueilleux chemin de montaignes , ainsi le puis appeller, pour estre hautes & droites, & où il n'y a point de chemin : & ay veu toutes les principales montaignes d'Italie & d'Espaigne, mais trop aisées eussent esté au prix de ces mōts, & feirent ceste offre, par condition que le Roy leur pardonnast: ce qu'il feit. Il y auoit quatorze pieces de grosse & puissante artillerie: &, au partir de ladite vallee, commençoit l'on à monter par vn chemin fort droict, & vey des mulets y passer à tres grand' peine. Ces Alemans se couploient deux à deux ; de bonnes cordes, & s'y mettoient cent ou deux cens à la fois : &, quand ceux-là estoient las, il s'y en mettoit d'autres. Nonobstant cela, y estoient aussi les cheuaux de l'artillerie, & toutes gens qui auoient train, de la maison du Roy, prestoient chacun vn cheual, pour cuider passer plustost: mais si n'eussent esté les Alemans, les cheuaux ne l'eussent iamais passée: & à dire la verité, ils ne passerent point l'artillerie seulement: mais toute la compagnie: car autrement, si ce n'eust esté ce moyen, amene fust passée. Aussi furent ils bien aidez, de ce qu'ils auoient aussi bon besoin, & aussi grand vouloir de passer, que les autres. Ils feirent beaucoup de choses mal faites, mais le bien passoit le mal.

Le plus fort n'estoit point de monter : car incontinent apres, on trouuoit vne vallee : car le chemin est tel, que la nature l'a fait, & n'y a rien adoubé; & failloit mettre les cheuaux à tirer contremont, & aussi les hommes, & estoit de plus grand' peine, sans comparaison, que le monter, & à toute heure y falloit les charpentiers, ou les mareschaux: car, s'il tomboit quelque piece,

on auoit grand' peine à la redresser. Plusieurs eussent esté d'aduis de rompre toute la grosse artillerie, pour passer plus tost, mais le Roy pour rien ne le voulut consentir.

*Le Roy logé
à Fornoue.*

Le Mareschal de Gié, qui estoit à trente mils de nous, pressoit le Roy de se haster, & mismes trois iours à le ioindre: & si auoit les ennemis logez deuant luy, en beau camp (au moins à demye lieuë pres) qui en eussent eu bon marché, s'ils l'eussent assailly, & apres il fut logé à Fornouë (qui vaut à dire vn trou nouveau) faisant le pied de la montagne, & l'entree de la plaine, bon village, pour garder qu'ils ne nous vinssent assaillir en la montaigne: mais nous auions meilleure garde que luy. Car Dieu mit autre pësee au cœur de nos ennemis, tellement que leur avarice fut si grande, qu'ils nous vouloient attendre au plain pays, afin que rien n'eschapast: car il leur sembloit que des montaignes en hors, on eust peu fuir vers Pise, & en ces places des Florentins, mais ils erroient: car nous estions trop loin: & aussi, quand on les eust attendus iusques au ioindre, ils eussent bien autant chassé, qu'on eust sceu fuir, & si sçauoient mieux les chemins que nous. Enco-

*Beuf gentil-
homme tué
par les E-
stradiots.*

res iusques icy n'est point commencee la guerre de nostre costé, mais le Mareschal de Gié manda au Roy, comme il auoit passé ces montaignes, & comme il enuoya quarante cheuaux courir deuant l'Ost des ennemis, pour sçauoir des nouvelles, lesquels furent bien recueillis des Estradiots: & tuerent vn Gentil-homme, appelé le Beuf & luy couperent la teste (qu'ils pendirent à la bannerole d'vne lance) & le porterent à leur Prouidadeur, pour en auoir vn Ducat.

Estradiots sont gens comme Genetaires, vestus, à pié & à cheual, comme les Turcs, sans la teste (où ils ne portent ceste toile, qu'ils appellent Tolliban) & sont dures gens, & couchent dehors tout l'an, & leurs cheuaux. Ils estoient tous Grecs, venus des places que les Venitiens y ont: les vns de Naples de Romanie, en la Morree: autres d'Albanie deuers Duras, & sont leurs cheuaux bons, & tous de Turquie. Les Venitiens s'en seruent fort, & s'y fient. Je les auoye tous veus descendre à Venise, & faire leurs monstres en vne isle, où est l'Abbaye de Saint Nicolas: & estoient bien quinze cens: & sont vaillans hommes, & qui fort trauail-
lent vn Oït, quand ils s'y mettent. Les Estradiots chasserent (comme i'ay dit) iusques au logis dudit Marechal, où estoient logez les Allemans: & en tuerent trois ou quatre, & en emporterent les testes: & telle estoit leur coustume: car ayans Venitiens guerre contre le Turc, pere de cestuy-cy, appellé Mahumet Otthoman, il ne vouloit point que ses gens prissent nuls prisonniers, & leur donnoit vn Ducat pour teste, & les Venitiens faisoient le semblable: & croy bien qu'ils vouloient espou-
uanter la compaignie, comme ils feirent: mais lesdits Estradiots se trouuerent bien espouuan-
tez aussi de l'artillerie. Car vn faucon tira vn coup, qui tua vn de leurs cheuaux, qui incontinent les feit retirer, car ils ne l'auoient point accoustumé, & en se retirant prirent vn Capitaine de nos Allemans, qui estoit monté à cheual pour voir s'ils se retiroient, & eut vn coup de l'ace

Estradiots.

*Turcs ne prennent
vifs prison-
niers pour
en auoir
vn Ducat
pour teste.*

au trauers du corps: car il estoit defarmé. Il estoit sage: & fut mené deuant le Marquis de Mantouë (qui est Capitaine general des Venitiens) & y estoit son oncle, le Seigneur Rodolph de Mantouë, & le Comte de Caiazzè, qui estoit Chef pour le Duc de Milan, & cognoissoit bien ledict Capitaine. Et faut entendre que tout leur ost estoit aux champs, au moins tout ce qui estoit ensemble (car tout n'estoit point encores venu) & y auoit huiët iours qu'ils estoient là, faisans leur assemblée & eust eu le Roy beau se retirer en France, sans peril, si n'eussent esté ses longs sejours sans propos: dont vous auez ouy parler: mais nostre Seigneur en auoit autrement ordonné.

Ledit Marechal, craignant d'estre assailli montala montagne: & pouuoit lors auoir enuiron huiët vingts Hommes d'armes, comme il me dit, & huiët cens Allemans, & non plus: & de nous ne pouuoit il estre secouru: car nous n'y arriuasmes d'un iour & demy apres, à cause de ceste artillerie: & logea le Roy aux maisons de deux petits Marquis en chemin. Estant l'Auantgarde montee la montaigne, pour attendre ceux qu'ils voyoient aux champs, qui estoient assez loing, n'estoient point sans souci: toutefois Dieu, qui tousiours vouloit sauuer la compagnie, osta le sens aux ennemis, & fut interrogué nostre Allemand, par le Comte de Caiazzè, qui c'estoit qui menoit ladite armee, & presente Auantgarde. Il luy demanda encores le nombre de nos gens d'armes: car il cognoissoit tout mieux que nous mesmes, car il auoit esté des nostres toute la saison.

L'allemand feit la compagnie forte, & dit trois cens Hommes-d'armes, & quinze cens Suisses, & ledit Comte luy respondit qu'il mentoit, & qu'en toute l'armee n'auoit que trois mille Suisses, parquoy n'en eussent point enuoyé la moitié là, & fut enuoyé prisonnier au paillon du Marquis de Mantouë, & parlerent entre eux d'affaillir ledit Mareschal, & creut ledit Marquis le nombre qu'auoit dit l'Allemand, disant qu'ils n'auoient point de Gens de pié, si bons comme nos Allemans, & aussi que tous leurs gens n'estoient point arrivez, & qu'on leur faisoit grand tort de combattre sans eux, & s'il y auoit quelque rebut, la Seigneurie s'en pourroit courroucer: & qu'il les valoit mieux attendre à la plaine: & que par ailleurs ne pouuoient-ils passer que deuant eux, & estoient les deux Prouiseurs de son aduis contre l'opinion desquels ils n'eussent osé combattre. Autres disoient qu'en rompant ceste Auantgarde le Roy estoit pris: toutesfois aisément tout s'accorda d'attendre la compagnie en la plaine: & leur sembloit bien que rien n'en pouoit eschapper. Ce que i'ay sçeu par ceux mesmes, que i'ay nommez, & en auons deuisé ensemble, ledit Mareschal de Gié & moy, avec eux, depuis nous trouuans ensemble. Ainsi se retirerent en leur ost, estans assurez que le lendemain, ou enuiron, le Roy seroit passé la montaigne, & logé en ce village, appellé Fornoué: & cependant arriva tout le reste de leurs gens, & si ne pouuions passer que deuant eux, tant estoit le lieu cōtraint.

La ligue se remet à combattre le Roy en la plaine.

Au descendre de la montaigne, on veit le plain pays de Lombardie, qui est des beaux & bons du monde, & des plus abondans: &, combien qu'il

*Lombards
ne seiournent
point ses
terres.*

*Venitiens
mettent
40000. hom-
mes en cam-
p avec le Duc
de Milan
contre le
Roy.*

*∴ C'est à
dire de la
Seigneurie de Veni-
se, qui ap-
pelle Saint
Marc son
patron.*

se die plain: si est-il mal aisé à cheuaucher, car il est tout fossoyé, comme est Flandres, ou encores plus, mais il est bien meilleur, & plus fertile, tant en bons fromens, qu'en bons vins & fructs, & ne seiournēt iamaïs leurs terres: & nous faisoit grand bien à le voir, pour la grand' faim & peine qu'on auoit endure en chemin, depuis le partement de Luques: mais l'artillerie donna vn merueilleux traual à descendre: tant y estoit le chemin droit, & mal aisé. Il y auoit, au camp des ennemis, grand nombre de tentes & paillons, & sembloit bien estre grand, aussi estoit-il, & tindrent Venitiens ce qu'ils auoient mandé au Roy, par moy, où ils disoient qu'eux & le Duc de Milan, mettroient quarante mille hommes en vn camp, car s'ils n'y estoient, il ne s'en faloit gueres, & estoient bien trente cinq mille, prenants paye, mais des cinq, les quatre estoient de ∴ Saint Marc, & y auoit bien deux mille six cens hommes d'armes, bardez, ayant chacun vn Arbalestier à cheual, ou autre homme en habillement avec eux faisant le nombre de quatre Cheuaux, pour Hommes d'armes. Ils auoient qu'en Estradiots qu'en autres Cheuaux legers, cinq mille le reste en gens de pié, & logez en lieu fort bien remparé, & bien garni d'artillerie.

Le Roy descendit enuiron midi, de la montaigne: & se logea audit village de Fornoue, & fut le cinquième iour de Iuillet, l'an mil quatre cens quatre vingts & quinze, par vn Dimenche. Audit logis y auoit grande quantité de farines & de vins, & de viures pour cheuaux. Le peuple nous faisoit par tout bonne chere, aussi nul

homme de bien ne leur faisoit mal, & apport-
toient des viures, comme pain, petit, & bien
noir, & le vendoient cher; & au vin mettoient
les trois parts d'eau. Ils apportèrent aussi quel-
que peu de fruit, & firent plaisir à l'armée. J'en
fei acheter, que ie laissay deuant moy: car on
auoit grand soupçon qu'ils eussent laissé là les
viures pour empoisonner l'ost, & n'y toucha l'on
point de prime face, & se tuerent deux Suisses,
à force de boire, où prirent froid, & mouru-
rent en vne caue. Qui mit les gens en plus grand
soupçon: mais, auant qu'il fust minuit, les
cheuaux commencerent les premiers, & puis les
gens, & se tint l'on bien aile. Et en ce cas faut
parler à l'honneur des Italiens: car nous n'auons
point trouué qu'ils ayent vſé de nuls poisons, &
s'ils eussent voulu faire, à grand' peine s'en fust
l'on sçeu garder en ce voyage. Nous arriuasmes,
comme auez ouy, vn Dimanche à midi, & maint
homme de bien ne mangea qu'un morceau de
pain, au lieu où le Roy descendit & beut, & croy
que gueres autres viures n'y auoit pour celle
heure, veu qu'on n'osoit encores manger de
ceux du lieu.

*Crainte
vaine de
l'empoiso-
nement des
viures à
Fornoue.*

Incontinent apres dîner vindrent courir au-
cuns Estradiots, iusques dedans l'ost, & firent
vne grande alarme, & nos gens ne les cognois-
soient point encores: & tout l'armée saillit aux
champs, en merueilleusement bon ordre, & en
3. Batailles, Auâtgarde, Bataille, & Arriergarde
& n'y auoit point vn iet de Boule, d'une Bataille
à l'autre: & bien aisémēt se fussent secourus l'une
l'autre. Ce ne fut riē: & on se retira au logis. No⁹
auôs des têtes & des paillôs en petit nôbre: & se

* Son propre nom est Tarro, en It. & pourroit bien estre icy corrompu. * le doute qu'il ne fa- le lire (Car nō n'estiōs pas &c.) à ce que ie puis voir de luy mesme peu parauant, en P. Ista, en Alessandro Beneditti (qui a es- crit de ce steiornnee) En Guaz 20.

tendoit nostre logis en approchant du leur: par-
 quoy ne faloit que vingt Estradiots pour nous
 faire vne alarme: & aussi ne bougeoient-ils du
 bout de nostre logis: car il y auoit du bois (par
 lequel ils venoient à couuert) & estions en val-
 lee, entre deux petits costaux: & en ladite vallee
 couroit vne riuiera: que l'on passoit bien à pié,
 sinon quand elle croissoit en ce pais là: qui est ai-
 sement & tost: & aussi elle ne dure gueres & l'ap-
 pelle on.: torrent. Toute ladite vallee estoit grā-
 uier, & pierres grosses, & mal-aisée pour che-
 uaux: & estoit ladite vallee d'environ vn quart
 de lieue de large: & en l'vn des costaux (qui estoit
 celuy de la main droite) estoient logez nos en-
 nemis, & estions contraints de passer vis à vis
 d'eux (la riuiera entre deux) & pouuoit auoir
 demie lieue iusques à leur ost, & y auoit bien
 vn autre chemin, mōter le costau à gauche (car
 nous estions logez de leur costé) mais il eust sem-
 blé qu'on se fust reculé. Environ deux iours de-
 uant, on m'auoit parlé que i'allasse parler à eux
 (car la crainte commençoit à venir aux plus sa-
 ges) & qu'avec moy ie menasse quelcun, pour
 bien nombrer & cognoistre de leur affaire. Celā
 n'entreprenoye-je point volontiers (& aussi que
 sans fauf-conduit, ie n'y pouuoie aller) mais
 respondy auoir pris bonne intelligence avec les
 Prouiseurs, à mon partement de Venise, & au
 spir que i'arriuy à Padoue: & que ie croyoye
 qu'ils parleroient bien à moy, à my chemin des
 deux osts: & aussi, si ie m'offroye d'aller vers
 eux, ie leur donneroye trop de cœur, & qu'on
 l'auoit dit trop tard. Ce Dimenche, dont ie par-
 le, i'escriuy aux Prouiseurs (l'vn s'appeloit mes-
 sire Luques

sire Luques Pisan, & l'autre messire Melchior Treuisan, & leur prioye que, à seureté, l'un vint parler à moy, & qu'ainsi m'auoit-il esté offert au partir de Padouë, comme a esté dit deuant. Ils me feirent responce qu'ils l'eussent fait volōtiers si n'eust esté la guerre encommencee contre le Duc de Milan : mais que, nonobstant, l'un des deux (selon qu'ils aduiseroient) se trouueroit en quelque lieu, à my chemin : & en ceste responce le Dimenche au soir. Nul ne l'estima, de ceux qui auoient le credit. Je craignoye à trop entreprendre, & qu'on le tint à couardise, si i'en pressoye trop, & laissay ainsi la chose pour le soir combien que i'eusse volontiers aydé à tirer le Roy, & sa cōpaignie, de là, si i'eusse peu, sās peril.

Enuiron minuiet me dit le Cardinal de Saint Malo (qui venoit de parler au Roy : & mon pailon estoit pres du sien) que le Roy partiroit au matin, & iroit passer au long d'eux, & faire donner quelque coup de canon en leur ost, pour faire .: la guerre, & puis passer outre, sans y ar- rester : & croy bien que c'auoit esté l'aduis du Cardinal propre : comme d'homme qui scauoit peu parler de tel cas, & qui ne s'y cognoissoit : & aussi il appartenoit bien que le Roy eust assem- blé de plus sages hommes & Capitaines, pour se conseiller d'un tel affaire : mais ie vei faire assem- blee plusieurs fois en ce voyage, dont on feit le contraire des conclusions qui y furent prises. Je dy au Cardinal, que, si on s'approchoit si pres que de tirer en leur ost, il n'estoit possible qu'il ne faillist des gens à l'escarmouche, & que ia- mais ne se pourroient retirer, d'un costé ne d'au- tre, sans venir à la bataille : & aussi que ce seroit

*.. Je pensa
qu'il faloit
(l'algava-
de) ou au-
tre tel mot
à ce qui
suit peu a-
pres.*

*Commines
diminue
d'autorité
sous le Roy
Charles.*

au contraire de ce que i'auoye commencé : & me despleut bien qu'il falloit prendre ce train: mais mes affaires auoient esté tels, au commencement du regne de ce Roy, que ie n'osoye fort m'entremettre : afin de ne me faire point ennemy de ceux, à qui il dōnoit autorité, qui estoit si grande (quand il s'y mettoit) que beaucoup trop.

Ceste nuit eufmes encores deux grandes alarmes: le tout pour n'auoir mis ordre contre les Estradiots: comme on deuoit, & comme l'on a accoustumé de faire contre Cheuaux legers: car vingt hommes-d'armes des nostres, avec leurs Archers, en arresteroient tousiours deux cens: mais la chose estoit encores fort nouuelle. Il y feist aussi ceste nuit merueilleuse pluye, esclairs, tonnerre, & si grand, qu'on ne scauroit dire pl^{us}: & sembloit que le ciel & la terre fondissent, ou que cela signifiait quelque grand inconuenient aduenir, aussi nous estions au pié de ces grandes montaignes, & en pays chaud, & en Esté: & cōbien que ce fust chose naturelle, estoit-ce chose espouuantable que d'estre en ce peril, & voir tāt de gens au deuant, & n'y auoir nul remede de passer, que par combattre, & veoir si petite compagnie car, que bons que mauuais hōmes, pour combatre, n'y auoit point plus de neuf mille hōmes: dont ie compte deux mille, pour la sequelle & seruiteurs de gens de bien de l'ost. Ie ne compte point Pages, ne valets de sommiers, ne telles gens.

De la iournée de Fornoue : de la fuite des ennemis de France : & comment le Comte de Petillane qui durant ce iour rompit la prison du Roy fait tant qu'il les yallia.

CHAP. VI.

LE lundy matin, enuiron sept heures : sixiesme iour de Iuliet, l'an mil quatre cens quatre vingt & quinze, monta le noble Roy à cheual, & me fait appeler par plusieurs fois. Je vein à luy, & le trouuay armé de toutes pieces & monta sus le plus beau cheual que i'aye veu de mon temps, appelé Sauoye, plusieurs disoient qu'il estoit cheual de Bresse, le Duc Charles de Sauoye le luy auoit donné, & estoit noir, & n'auoit qu'un œil, & estoit moyen cheual, de bonne grandeur pour celuy qui estoit monté dessus. Et sembloit que ce ieune homme fust tout autre que sa nature ne portoit, ne sa taille, ne sa complexion : car il estoit fort craintif à parler, & est encores aujourd'huy. Aussi auoit esté nourry en grande crainte, & avec petites personnes, & ce cheual le monstroit grand, & auoit le visage bon, & bonne couleur, & la parole audacieuse & sage, & sembloit bien (& m'en souuient) que frere Hieronyme m'auoit dit vray, quand il me dit que Dieu le conduisoit par la main, & qu'il auroit bien affaire au chemin, mais que l'honneur luy en demeureroit. Et me dit le Roy, si ces gens vouloient parlermenter, que ie parlasse : & parce que le Cardinal estoit present, le nomma, & le Mareschal de Gié : qui estoit mal paisible, &

.. La iournee de Fornoue le 6. de Iuliet, 1495.

Sauoye cheual du Roy Charles 8.

.. Vicomte Ferr.

*... ou Ar-
riere garde
selon Fer.
Et on en
cor quelon
la baille
aux deux
debatans.*

estoit à cause d'un different, qui auoit esté entre le Comte de Narbonne, & de Guise, qui quelquefois auoit mené des bandes: & chacun disoit qu'à luy appartenoit de mener. . . l'auanegarde. Je luy dy, Sire, ie le feray volontiers: mais ie ne vey iamais deux si grosses compagnies, si pres l'une del'autre, qui se departissent sans combattre.

*Robert &
Secretaire
du Roy
Charles.*

*Le sommaire
des lettres
aux Proui-
seurs de Ve-
nise pour
moyëner le
passage du
Roy.*

Toutel'armee saillit en ceste greue, & en bataille, & pres l'un de l'autre, comme le iour de deuant: mais, à voir la puissance, me sembloit trop petite, aupres de celle, que i'auoye veue à Charles de Bourgongne, & au Roy son pere: & sur ladite greue, nous tirasmes à part ledit Cardinal & moy: & nommasmes vnes lettres aux Prouiseurs dessusdits, qu'escriuit Monseigneur Robert, vn Secretaire, que le Roy auoit, & de qui il se fioit: disant le Cardinal qu'à son office & estat appartenoit de procurer paix, & à moy aussi, comme celuy qui de nouveau venoye de Venise, Ambassadeur, & que ie pouuoie encore estre mediateur: leur signifiant le Roy ne vouloir faire dommage à nul: & par ce, s'ils vouloient parlementer, comme il auoit esté entrepris, le iour de deuant, que nous estions contens, & nous emploierions en tout bien. Ia estoient escarmouches de tous costez: & comme nous tirions pas à pas nostre chemin, à passer deuant eux, la riuere entre deux, comme i'ay dit, y pouuoit auoir vn quart de lieuë de nous à eux, qui tous estoient en ordre en leur ost: car c'est leur coustume qu'ils font tousiours leur camp si grand, que tous y peuuent estre en bataille & en ordre.

Ils enuoyerent vne partie de leurs estradiots, & Arbalestiers à cheual, & aucuns Hommes-d'armes, qui vindrent du long du chemin, assez couuert, entrer au village, dont nous partions: & là passer ceste petite riuere, pour venir assaillir nostre charriage qui estoit trop grand, & croy qu'il passoit six mille sommiers, que mulets que cheuaux, qu'asnes, & auoient ordonné leur bataille si tref-bien, que mieux on ne sçauoit dire & plusieurs iours deuant, & en façon qu'ils se fioient en leur grand nombre. Ils assailloyent le Roy, & son armee, tout à l'enuiron, & en maniere qu'un seul homme n'en eust sceu eschapper si nous eussions esté rompus: veule pays où nous estions: car ceux, que j'ay nommez, vindrent sus nostre bagage, & a costé gauche vint le Marquis de Mantouë, & son oncle le Seigneur Rodolph, le Comte Bernardin de . . Dalmouton & toute la fleur de leur ost, en nombre de six cës Hommes-d'armes, comme ils me compterent depuis: & se vindrent ietter en la greue: droit à nostre queue, tous les Hommes-d'armes, bardez, bien empanachez, belles Bourdonnasses, tres-bien accompagnez d'Arbalestiers à cheual & d'Estradiots, & de gens de pié. Vis à vis du Mareschal de Gié, & de nostre Auantgarde, se vint mettre le Comte de Caiazz, avec enuiron quatre cens Hommes-d'armes accompagnez comme dessus, & grand nombre de gens de pié. Avec luy estoit vne autre compagnie de quelque 2. cens hommes-d'armes: que conduisoit le fils de messire Iehan de Batiuole de Boulongne, homme ieune, qui n'auoit iamais rien veu & auoiëtaussi bõ besoin de Chefs queno^r, & cetui là deuoit dõ-

Chefs de l'armes de la ligne.

. . . Valmouton

est en l'au-

tre exemp.

improbrac

Fort Al-

cio, en Be-

neditti,

Brazzo.

en Guaz-

zo, & For-

te braccio

de Monto-

ne, en l'I-

tal, de lon.

ner sus l'auantgarde : apres ledit Comte de Gazazze : & semblablement y auoit vne pareille compaignie apres le Marquis de Mantouë, & pour semblable occasion que menoit vn, appelé messire Antoine d'Vrbain bastard du feu Duc d'Vrbain : & en leur Ost demourerent deux grosses compaignies. Cecy i'ay sçeu par eux mesmes : car des le lendemain ils m'en parlerent & le vey à l'œil, & ne voulurent point les Venitiens estrader tout à vn coup, ne desgarnir leur Ost : toutesfois il leur eust mieux valu mettre tout aux champs : puis qu'ils commençoient.

Je laisse vn peu ce propos, pour dire que deuint nostre lettre, qu'auions enuoyee le Cardinal & moy par vn Trompette. Elle fut receuë par les Prouiseurs : & comme ils l'eurent leuë, commença à tirer le premier coup de nostre Artillerie : qui encores n'auoit tiré, & incontinent tira la leur qui n'estoit si bonne. Lesdits Prouiseurs renuoyerent incontinent nostre trompette, & le Marquis vne des siennes, & manderent qu'ils estoient contens de parlementer : mais qu'on feist cesser la leur. I'estoie pour lors loin du Roy, qui alloit & venoit : & renuoya les deux Trompettes, dire qu'il feroit tout cesser : & manda au Maistre de l'artillerie ne tirer plus, & tout cessa des deux costez vn peu : & puis soudainement eux tirerent vn coup : & la nostre recommença plus que deuant, en approchant trois pièces d'Artillerie : & quand les deux trompettes leur arriuerent, ils prirent la nostre, & l'enuoyerent en la tente du Marquis, & delibererent de combattre : & dit le Comte de Gazaze, ce me dirent les presens, qu'il n'estoit point temps de

de parler, & que ia estions demy vaincus:& l'un des Prouiseurs s'y accorda, qui le m'a compté, & l'autre non, & le Marquis s'y accorda, & son oncle, qui estoit bon & sage, y contredit de toute sa puissance, lequel nous aimoit, & à regret estoit contre nous & à la fin tout s'accorda. Or faut entendre que le Roy auoit mis tout son effort en son Auant-garde, ou pouuoit aussi trois cens cinquante hommes d'armes, & trois mil Suisses, qui estoit l'esperance de l'Ost, & feit le Roy mettre à pié, avec eux trois cens Archers de sa garde, qui luy fut. grande perte, & aucuns Arbalestiers à cheual, des deux cent qu'il auoit de sa garde. D'autres Gens de pié y auoit peu: mais ce, qui y estoit, y fut mis: & y estoit à pié, avec les Alemans, Engilbert, monsieur de Cleues, frere au Duc de Cleues, Lornay, & le Bailif de Digeon, Chef des Alemans, & deuant eux l'artillerie. Icy feissent bien besoing ceux qu'on auoit laissez aux terres des Florentins, & enuoyez à Genes? contre l'opinion de tous. Ceste Auant-garde auoit ia marché aussi auant que leur Ost:& cuidoit on qu'ils deussent commencer: & nos deux autres batailles n'estoient point si pres, ne si bien pour s'aider, comme ils estoient le iour deuant &, par ce que le Marquis s'estoit ia ietté sur la greue, & passé la riuere de nostre costé, & iustement estoit à nostre dos quelque quart de lieuë derriere l'Arriere-garde, & venoient le petit pas, bien serrez, tant qu'à merueilles les faisoit beau veoir, le Roy fut contraint de tourner le dos à son Auant-garde, & le visage vers ses ennemis, & s'approcher de son Arriere-garde, & reculer de l'Auant-garde. I'estoye

Le sieur Rodolphe tient qu'on ne combat contre le Roy, pour l'amitié qu'il portoit aux François, & diminution de ce qui estoit pour son corps, car il ne les perdit pas, comme il se voit apres au nombre des morts.

*Estradiots
se iettent
sur le logis
du Roy à
Fornoue.*

*Le Roy
Charles
fait des
cheualers
le iour de
Fornoue.*

*Le Roy en
sa bataille
mal gardé
des homes.*

lors avec Monseigneur le Cardinal, attendant
responſe : & luy di que ie voyoie bien qu'il n'e-
ſtoit plus temps de s'y amuſer : & m'en allay là
où eſtoit le Roy : & parti d'aupres des Suiſſes, &
perdi en allant vn Page, qui eſtoit mon couſin
germain, & vn Valet de chambre, & vn Laquais
qui me ſuiuoient d'un petit loin : & ne les vey
point tuer. Je n'en point fait cēt pas que le bruit
commença de là où ie venoye, au moins vn peu
derriere. C'eſtoient les Estradiots : qui eſtoient
parmi le bagage, & au logis du Roy, où y auoit
trois ou quatre maiſons, & y tuerent, ou bleſ-
ferent quatre ou cinq hommes. Le reſte eſchap-
pa. Ils tuerent bien cent Valets de ſommiers : &
mirent le charriage en grand deſordre. Com-
me i'arriuoie là où eſtoit le Roy, ie le trou-
uay, ou il faiſoit des Cheualiers, & les ennemis
eſtoient ia fort pres de luy, & le feit on ceſſer, &
ouy le baſtard de Bourbon, Mathieu, à qui le
Roy donna du credit, & vn appelé Philippe du
Moulin, ſimple Gentil-homme, mais homme
de bien, qui appelerent le Roy, en diſant paſſez :
Sire, paſſez & le feirent venir deuant ſa bataille,
& deuant ſon Enſeigne : & ne voyoie nuls hom-
mes plus pres des ennemis que luy, excepté ce
baſtard de Bourbon : & n'y auoit point vn quart
d'heure que i'eſtoie arriué, & eſtoient les enne-
mis à cent pas du Roy, qui eſtoit auſſi mal gar-
dé & conduit, que fut Prince, ne grand Seigneur.
Mais au fort, il eſt bien gardé, que Dieu garde, &
eſtoit bien vraye la Prophetie du venerable frere
Hieronyme, qui diſoit que Dieu le cōduiſoit par
la main. Son Arriere-garde eſtoit à la main dex-

tre, de luy vn peu reculee: & la plus prochaine
compaignie de luy, de ce costé, estoit Robinet
de . . Framazelles (qui menoit les gens du Duc *autrement*
d'Orleans, enuiron quatre vingts Lances) & le *Frainzel-*
Sire de la Trimouille (qui auoit enuiron quaran- *les: comme*
te Lances) & les cent Archers Escossois y estoient *il se peut*
aussi, qui se mirent en la presse, comme hommes *aussi prendre*
d'armes. Je me trouuay du costé gauche, où e- *de Ferrens.*
stoient les gentilshommes des vingt escus, & les
autres de la maison du Roy, & les Pensionnai-
res. Je laisse à nommer les Capitaines pour brie-
ueté, mais le Comte de Foix estoit Chef de ce-
ste Arriere garde.

Comme i'ai dit, vn quart d'heure apres que
fut arriué, le Roy estant ainsi pres d'eux, les *lourdes de*
ennemis ietterent les lances en l'arrest: & se *Fournous.*
mirent vn peu aux galops: & en deux compai-
gnies: donnerent à nos deux compaignies de la
main d'eux, dextre, & aux Archers Escossois: &
choquerent presque aussi tost l'vn comme l'au-
tre, & le Roy comme eux. Le costé gauche là
où i'estoie, leur donna sus le costé, qui fut ad-
uantage grand: & n'est possible au monde de
plus hardiment donner, que l'on donna des deux
costez. Leurs Estradiots, (qui estoient à leur
queuë) veirent fuir mulets & coffres vers nostre
Auantgarde, & que leurs compaignōs gaignoient
tout. Ils allerent celle part, sans suiure leurs
Hommes d'armes: qui ne se trouuerent point
accompaignez. Mais, sans doute, si vn mille cinq
cens Cheuaux legers se fussent meslez parmy
nous, avec leurs Cimenterres au poing (qui sont
terribles espees) veu le petit nombre que nous
estions, nous estions desconfits sans remede.

Dieu nous donna ceste aide : & tout aussi tost comme les coups de lances furent passez, les Italiens se mirent tous à la fuite : & leurs gens de pié se ietterent au costé, ou la plus part. A ceste propre instance qu'ils donnerent sus nous, donna le Comte de Gaiazze sus l'Auantgarde : mais ils ne ioignirent point si pres : car quand vint l'heure de coucher les lances, ils eurent paour, & se rompirent d'eux mesmes. Quinze, ou vingt, en prirent là les Alemans pour les bandes : qu'ils tuerent. Le reste fut mal chassé, car le Marechal de Gié mettoit grand peine à tenir sa compagnie ensemble, pource qu'il voyoit encores grand' compagnie assez pres de luy. Toutesfois quelques vns en chasserent : & partie de ces fuias venoient le Chemin, où nous auions combatu, le long de la greue, les espees au poing : car les lances estoient iettees. Or vous faut sçauoir que ceux qui assaillirent le Roy, se mirent incontinent à la fuite & furent merueilleusement & viement chassez : car tout alla apres. Les vns prirent le chemin du village, dont estions partis. Les autres prenoient le plus court en leur Ost : & tout chassa, excepté le Roy : qui demoura avec peu de gens, & se mit en grand peril, pour ne venir quand & nous. L'un des premiers hommes, qui fut tué, ce fut le Seigneur Rodolph de Mantouë oncle dudit Marquis, qui deuoit mander à ce Messire Anthoine d'Vrbain, quand il seroit temps qu'il marchast : & cuidoient que la chose deust durer comme font leurs faicts d'armes d'Italie : & de cela s'est excusé ledit Messire Anthoine : mais ie croi qu'il ne veit nuls signes pour le faire venir. Nous auions grande sequele

*Rodolphe
de Mantoue
tué en la
journée de
Favos.*

de valets & de seruiteurs qui tous estoient à l'environ de ces Hommes d'armes Italiens, & en tuerent la plupart. Presque tous auoient des haches à couper bois, en la main, de quoi ils faisoient nos logis, dont ils rompirent les visieres des armets, & leur en donnoient de grands coups sur les têtes: car bien malaiséz estoient à tuer (tât estoient fort armez) & ne vei tuer nul où il n'y eust trois ou quatre hommes à l'environ, & aussi les longues espees, qu'auoient nos Archers & seruiteurs, firent vn grand exploit. Le Roy demeura vn peu au lieu où l'on l'auoit assailli, disant ne vouloir point chasser, ny aussi tirer à l'Auantgarde, qui sembloit estre reculee. Il auoit ordonné sept ou huit Gentilshommes, ieunes, pour estre pres de luy. Il estoit bien eschappé au premier choc, veu qu'il estoit des premiers: car ce bastard de Bourbon fut pris, à moins de vingt pas de luy: & emmené en l'ost des ennemis,

*Plusieurs
valets de
l'armee à
tuer vn
homme de
cheual de
la ligne.*

*Bastard de
Bourbon
pris pri-
sonnier.*

Or se trouua le Roy en ce lieu, que ie di, en si petite compaignie, qu'il n'auoit point, de toutes gens, qu'un Valet de Chambre, appelé Anthoine des Ambus, petit homme, & mal armé, & estoient les autres vn peu espars (comme me compta le Roy des le soir, deuant eux-mesmes, qui deuoient auoir grand honte de l'auoir ainsi laissé) toutesfois ils arriuerent encores à heure, car vne bande petite, de quelques Hommes d'armes desrompus, qui venoient au long de la greue, qu'ils voyoient toute nette de gens, vindrent assaillir le Roy, & ce Valet de Chambre. Ledit Seigneur auoit le meilleur cheual, pour luy du monde: & se remuoit, & defendoit, & arriua sus l'heure quelque nombre de ses au-

*Le Roy as-
sailli seul
avec vn
valet de
Chambre.*

tres gens , qui n'estoient gueres loin de luy , & lors se mirent les Italiens à fuir : & lors le Roy creut conseil, & tira à l'Auantgarde, qui iamais n'estoit bougee , & au Roy vint bien à point, mais si elle eust marché cent pas, tout l'Ost des ennemis se fust mis en fuite. Les vns disent que elle le deuoit faire: les autres disent que non.

Nostre bande , qui chassa, alla iusques bien prest du bout de leur Ost , tirant iusques vers Fornouë : & ne vei onques receuoir coup à homme des nostres, qu'à Iulien Bourgneuf, que ie vei cheoir mort, d'un coup, que luy donna vn Italien, en passant (aussi il estoit mal armé) & là on s'arresta, disant, Allons au Roy, & à ceste voix s'arresta tout, pour donner haleine aux cheuaux qui estoient bien las, car ils auoient lōgement couru, & par mauuais chemin, & par pays de cailloux. Aupres de nous passa vne compaignie de fuyans, de quelques trente Hōmes d'armes, à qui on ne demanda rien, & estions en doute. Si tost que les cheuaux eurent vn peu repris leur haleine, nous nous meismes au chemin, pour aller au Roy, ne scachans où il estoit, & allassmes le grand trot, & n'eusmes gueres allé, que le veismes de loing, & feismes descendre les valets, & amasser des lances par le champ : dont il y auoit assez, & par especial de Bourdonnasses qui ne valoient gueres, & estoient creuses & legeres, ne pesans point vne iaueline, mais bien peintes, & fusmes mieux fournis de lances que le matin, & tirasmes droit au Roy, & en chemin trouuasmes vn nombre de gens de pié des leurs qui trauersoient le chāp, & estoient de ceux, qui s'estoient cachez aux costaux, & qui auoient

*Bourdon-
nasses lege-
res bien
peintes.*

mené le Marquis sus le Roy. Plusieurs en furent tuez. Autres eschapperent, & trauerferent la riuiere, & ne s'y amula l'on point fort. Plusieurs fois auoit esté crié par aucuns des nostres, en combatant: souuienne vous de Guinegate. C'estoit pour vne bataille perduë, du temps du Roy Louys II. en la Picardie, contre le Roy des Romains, pour soy estre mis à piller le bagage: mais il n'y eut rien pris, ne pillé. Leurs Estradiots prirent des sommiers ce qu'ils voulurent: mais ils n'en emmenerent que cinquante cinq, tous les meilleurs & mieux couuerts, comme ceux du Roy & de tous ses Chambellans, & vn valet de Chambre du Roy, appellé Gabriel: qui auoit ses reliques sus luy, qui long temps auoient esté aux Roys, & conduisoit lesdites pieces, par ce que ledit Roy y estoit. Grand nombre d'autres coffres y furent perdus & iettez: & robbes par les nostres mesmes: mais les ennemis n'eurent que ce que ie dy. En nostre Ost y eut grande sequele de paillards & paillardes à pié: qui faisoient le dōmage des morts. Tant d'un costé que d'autre, ie croy en dire pres de la verité, apres estre bien informé des deux costez: c'est que nous perdismes Iulié Bourgneuf, le Capitaine de la porte du Roy, vn Gentilhomme des vingt escus, des Archers Escossois neuf morts, d'autres hommes à cheual, de ceste Auantgarde, enuiron vingt, à l'entour des sommiers soixante ou quatrevingts valets de sommiers, & eux perdirent trois cens cinquante hommes d'armes, morts en la place; & iamais nul ne fut pris prisonnier.

Ce que parauenture iamais n'aduint en bataille, d'Estradiots mourut peu: car ils se mirent

*Sus l'liv.
6. chap. 6.*

** Autrex.
& ceste cō-
duite estoit
fort
importante,
car le Roy
y estoit.
Ce nombre
des morts
tant d'un
costé que
d'autre en
la iournee
de Barnoue
Nul pris
prisonnier
de l'armee
de la ligue.*

3000. hom-
mes morts
en la tour-
nee de For-
none.

au pillage. En tout y mourut trois mille cinq cens hommes, comme plusieurs des plus grands de leur costé, m'ont compté, autres m'ont dit plus, mais il y mourut de gens de bien: & en vei, en vn roolle, iusques à dixhuiet, bons personna- ges: entre lesquels en y auoit quatre ou cinq du nom de Gonzague, qui est le nom du Marquis: qui y perdit bien soixante Gentils-hommes de ses terres: & à tout cecy ne s'y trouua vn hom- me à pié. C'est grand' chose auoir esté tué tant de gens de coup de main: car ie ne croi point quel'artillerie des deux costés tuast dix hommes & ne dura point le combat vn quart d'heure: car dès ce qu'ils eurent rompu ou ietté les lances, tout fuit. La chasse dura enuiron trois quarts d'heure. Leurs batailles d'Italie n'ont point ac- coustumé d'estre telles: car ils combattent esca- dre apres escadre: & durent quelquefois tout le iour, sans ce que l'un ne l'autre gaigne.

Batailles
d'Italie lo-
gues, esca-
dre par es-
cadre.

Guaze dit
cinq mils
que ie croy
mieux: &

penſe que
le nombre

est icy cor-
rompu

comme il se
void par le

Verger

d'honneur

qui se com-
pte que iij.

mils.

Toutesfois

ceux qui

ont fait le

chemin

m'ont dit

de 11. à 16.

mils.

La fuite de leur costé fut grande: & fuirent bien trois cens Hommes d'armes, & la pluspart de leurs Estradiots. Les vns fuirent à Rege, qui est bien loing de là, les autres à Parme, où y pou- uoit bien auoir .iij. huiet lieuës: & à l'heure que la bataille fut ainsi meslee, le matin fuit d'auec nous le Comte de Petillane, & le Seigneur Vir- gile Vrsin: mais cestuy-cy n'alla qu'en vne mai- son d'un Gentilhomme: & estoit-là sur sa foy, mais vray est, qu'on leur faisoit grand tort. Le- dit Comte alla droict aux ennemis. Il estoit homme bien cognu des Gens d'armes, car touf- jours auoit eu charge, tant des Florentins, que du Roy Ferrand, & se prit à crier, Petillane, Pe- tillane: & alla apres ceux qui fuirent, plus de

trois lieues : criant que tout estoit leur, & qu'ils vissent au gaing ; & n'y eust esté, tout s'en fust fuy, car ce ne leur estoit petit deconfort d'un tel homme, parti d'avec nous, & mit en avant, le soir, de nous assaillir : mais ils n'y voulurent entendre. Dequis le m'a compté. Aussi le me compta le Marquis de Mantouë : disant que ce fut luy, qui mit ce parti en avant : mais à dire la verité, si n'eust esté ledict Comte ils fussent tous fuyz la nuit.

Comme tout fut assemblé aupres du Roy, on voioit encores hors de leur ost grand nombre d'hommes d'armes en bataille : & s'en voioit les testes seulement, & les lances, & aussi des Gens de pié : & y auoient tousiours esté : mais il y auoit plus de chemin qu'il ne sembloit : & eust falu repasser la riuere : qui estoit recreuë, & croissoit d'heure en heure : car tout le iour auoit tonné, esclairé, & plus merueilleusement : & par especial en combatant & chassant. Le Roy mit en conseil s'il deuoit chasser contre ceux là ou non. Avec luy auoit trois Cheualiers Italiens. L'un est Messire Iehan-Iaques de Treuoul : qui encores vit, & se gouerna bien ce iour. L'autre auoit nom Messire Francisque Seceo tref-vaillant Cheualier, souldoyé des Florentins, homme de soixante & douze ans. L'autre Messire Camille Vitelly, luy & trois de ses freres estoient à la solde du Roy ; & vindrent, de Ciuita de Castello, iusques vers Serzane, pour estre à ceste bataille, sans estre mandez : où il y a un grand chemin : & quand il veit qu'il ne pouuoit atteindre le Roy avec sa compagnie, ledit Camille y vint tout seul. Ces deux furent d'opi-

*Camille Vi-
relli vient
seul pour se
trouver
vers le Roy
à la iour-
nee de For-
mons.*

nion que l'on marchast contre ceux que l'on
voioit encôres. Les François à qui on en deman-
da, ne furent point de cest aduis : mais disoient
qu'on auoit assez fait, & qu'il estoit fort tard, &
qu'il se falloit loger. Ledit Messire Francisque
Secco soustint fort son opinion, monstrant gens
qui alloient & venoient au long d'un grand
chemin, qui alloit à Parme, qui estoit la plus pro-
chaine ville de leur retraitte, & alleguoit que
c'estoient fuyans, ou qui en reuenoient : & à ce
que sçeusmes depuis, il disoit vray : & à sa paro-
le & contenance, estoit hardi & sage Cheualier,
& qui eust marché, tous fuyoient, & tous les
Chefs le m'ont confessé, & quelqu'un deuant
le Duc de Milan, qui eust esté la plus belle &
grande victoire, qui ait esté depuis dix ans, & la
plus profitable: car, qui en eust bien sceu vser, &
faire son profit & sagement s'y conduire, &
bien traiter le peuple, huit iours apres, le Duc
de Milan n'eust eu, au mieux venir pour luy, que
le chasteau de Milan, à l'enuie que ses suiets a-
uoient de se tourner : & tout ainsi en fust-il allé
des Venitiens : & n'eust point esté besoin de se
foucier de Naples. Car Venitiens n'eussent sceu
où recouurer gens, hors Venise, Bressé & Cre-
mone, qui n'est qu'une petite ville, & tout le
reste eussent perdu en Italie. Mais Dieu nous
auoit fait ce que me dit frere Hieronyme : c'est
que l'honneur nous estoit demeuré. Car, veu le
peu de sens & ordre qui estoit parmy nous, tant
de bien ne nous estoit point deu : car nous n'en
eussions sceu vser pour lors. Mais ie croy que,
si à ceste heure, qui est l'an mil quatre cens qua-
tre vingts dix sept, yn tel bien aduenoit au Roy,
il en

*François
n'eussent
sceu vser
du bien s'il
leur fust
aduenue.*

il en ſçauroit mieux ordonner.

Eſtans en ce propos , la nuit ſ'approche, & ceſte compaignie , qui eſtoit deuant nous ſe retira en leur camp: & nous de l'autre coſté: nous allasmes loger à vn quart de lieuë de là où auoit eſté la bataille, & deſcendit le Roy en vne cenſe ou metairie , pauurement edifiee: mais il ſ'y trouua nombre infiny de blé en gerbe: dont tout l'oſt ſe ſentit. Aucunes autres maiſonnettes y auoit aupres: qui peu ſeruirent: car chacun logea comme il peut , ſans faire nul quartier. Je ſçay bien que ie couchay en vne vigne bien empreſſé, ſus la terre, ſans autre auantage, & ſans manteau: car le Roy auoit emprunté le mien, le matin: & mes ſommiers eſtoient allez loing, & eſtoit trop tard pour les chercher. Qui eut de quoi, ſe fit collation: mais bien peu en auoient: ſi ce n'eſtoit quelque lopin de pain, pris au ſein d'un valet. Ie vey le Roy en ſa chambre, où il y auoit des gens, bleſſez comme le Senefchal de Lion , & autres, qu'il faiſoit habiller: & faiſoit bonne chere, & ſe tenoit chacun à bon marchand, & n'eſtiōs point tant en gloire, comme peu auant la bataille, parce que nous voyons les ennemis pres de nous.

*Le Roy auoit emprunté le manteau de Commi-
nes.*

François moins en gloire voians

encores l'ennemy pres.

Ceſte nuit feirent nos Alemans le guet, tous, & leur donna le Roy trois cens eſcus , & le feirent bon, & ſonnoient bien leurs tabourins.

Comment le Seigneur d'Argenton alla luy ſeul parler aux ennemis, quand il vey qu'autres deputez avec luy, n'y vouloient aller & comment le Roy paruint ſain & ſauf, avec ſes gens, iuſques à la ville d'Aſt.

CHAP. VII.

*Trompetes
tués n' aiās
esté cognus.*

*Commines
se met com-
me en la
cōpaigrie,
& non pas
des princi-
paux entre
metteurs,
par un bon
sens.*

Le lendemain au matin me deliberay de continuer encores nostre pratique d'appointement, tousiours desirant le passage du Roy en seureté, mais à peine peu- ie trouuer Trompette, qui voulust aller en l'ost des ennemis, à cause qu'il auoit esté tué en la bataille neuf de leurs Trompettes, qui n'auoient point esté cognus, & eux auoient pris vn des nostres, & si en tuerent vn que i'ay nommé, que le Roy leur auoit enuoié, auant que la bataille commençast. Toutes- fois vn y alla, & porta vn saufconduit du Roy: & m'en rapporta vn, pour parlementer à my- chemin des deux osts. Ce qui me sembloit mal-aisé à faire, mais ie ne vouloie rien rompre, ne faire difficile. Le Roy nomma le Cardinal de Saint Malo, & le Seigneur de Gié, Mareschal de France, le Seigneur de Pienne, son Chambellan, & moy en leur compaignie, & eux nommerent le Marquis de Mantouë, Capitaine General de la Seigneurie, le Comte de Gaiazze (qui plusieurs fois a esté nommé en ces Memoires, & n'agueres estoit des nostres, & estoit Capitaine des gens du Duc de Milan) & Messire Luques Pisan, & Messire Melchior Treuisan, Prouiseurs de ladicte Seigneurie de Venise: marchions lors si pres d'eux, que nous les voyons & n'estoient qu'eux quatre sur la greue: & la riuere couroit entre nous & eux: qui estoit bien creuë depuis le iour precedent: & n'y auoit rien hors leur ost: ny aussi de nostre guet, qui estoit à l'endroit. On leur enuoya vn Heraut, sçauoir s'ils voudroient point passer la riuere: qui estoit entre deux: comme i'ai dit. Je trouuay biē difficile que nous peussions

assembler: & pensoie bien que chacun y feroit des doutes, & eux le monstrerent: respondans qu'il auoit esté dit, que le parlement se feroit en my-chemin des deux osts: & qu'ils auoient fait plus de la moitié du chemin, & qu'ils ne passeroient point la riuere, & qu'ils estoient tous les chefs de l'ost, & qu'ils ne se vouloiẽt point mettre en peril. Les nostres feirent doute de leur costé qui aussi estimoient leurs personnes, & me dirent que i'y aliaisse, sans me dire que i'y auoie à faire, ny à dire. Je dy que ie n'iroie point seul, & que ie vouloie vn tesmoing: & pourtant vint avec moi vn appelé Robert Secretaire du Roy, & vn mien seruiteur & vn Herault, & ainsi passai la riuere, & me sembloit que si ie ne faisoie rien, qu'au moins ie m'acquitteroie vers eux, qui estoient assemblez par mon moyẽ, & quand ie fu arriué près eux, ie leur remōstray qu'ils n'estoient point venus iusques à my-chemin, comme ils auoient dit, & que pour le moins ils vinssent iusques sur le bord de la riuere: & me sembloit que s'ils estoient si pres, ils ne departiroient point sans parlemeter. Ils me dirẽt que la riuere estoit trop large, & couroit fort: parquoi ils ne s'attendoient point parler de plus pres: & ne sçeu cõt faire que ils voulussent venir plus auãt: & me dirẽt que ie fisse quelque ouuerture. Je n'auoie aucune commission, & leur dy que seul ne leur diroie autre chose: mais que s'ils vouloient rien ouurir, i'en feroie le rapport au Roy: & nous estans en ce propos, vint vn de nos Heraults, qui me dit que ces Seigneurs dessusdits s'en alloient, & que i'ouurisse ce que ie voudroie. Ce que ie ne voulu point faire: car ils sçauoient du vouloir du Roy.

Robert Secretaire du Roy avec Commis

** ase. le Card. et autres.*

plus que moy, tant pour en estre plus prochains, que pour auoir parlé à luy en l'oreille, à nostre partement : mais, de son affaire present, i'en sçauoie autant qu'eux pour lors. Le Marquis de Mantouë me commença fort à parler de la bataille: & me demanda si le Roy l'eust fait tuer, s'il eust esté pris. Je luy dy que non: mais vous eust fait bonne chere, car le Roy auoit cause de l'aymer, veu qu'il luy faisoit acquerir grand hõneur en l'assaillant. Lors il me recommanda les prisonniers, & par especial son oncle, le Seigneur Rodolph, & le cuidoit vif : mais ie sçauoie bien le contraire : toutesfois ie l'assẽuroie que tous les prisonniers seroient bien traitez: & luy recommanday le Bastard de Bourbon, qu'il tenoit. Les prisonniers par nous detenus, estoient bien aisez à penser: car il n'en yauoit point. Ce qui n'aduint par aduenture iamais en bataille, comme i'ay dit: & y auoit perdu ledit Marquis plusieurs de ses parens, & iusques à sept ou huiet, & de toute sa compaignie bien six vingts Hommes-d'armes. Apres ces deuils ie pris congé d'eux, disant qu'auant la nuict ie retourneroie : & feismes trefues iusques à la nuict.

Apres que ie fu retourné là où estoit le Roy & ledit Secretaire avec moy, ils me demanderent des nouvelles, & se meit le Roy en conseil, en vne pauvre chambre : & ne se conclud rien: ains chacun regardoit son compaignon. Le Roy parla en l'oreille au Cardinal : & puis me dit que ie retournasse veoir qu'ils voudroient dire (or l'entreprise du parler venoit de moy: parquoy estoit vray-semblable qu'ils vouloient que ie commençasse à parler) & puis me dit le Cardinal, que

ie ne concludse rien. Ie n'auoie garde de rien conclure: car on ne me disoit rien. Ie ne voulu rien repliquer, ne rompre mon allée: car i'esperoye bien ne gaster rien, & pour le moins veoir quelque chose des contenancez de nos ennemis: qui, sans doute, estoient plus espouuantez que nous: & par aduventure eussent peu ouurir quelques paroles, qui eussent peu porter seureté aux deux parties. Ainsi me my au chemin: mais ia approchoit la nuict, quand i'arriuai sus le bord de la riuere: & là me vint vn de leurs Trompettes: qui me dit que ces quatre, dont i'ay parlé, me mandoient que ie ne vinsse point pour ce iour, à cause que leur guet estoit assis des Estradiots (qui ne cognoissoient personne) & qu'il y pourroit auoir du danger pour moy, mais vouloit demourer ladite Trompette la nuict, pour me guider. Ie le renuoyay, disant que le matin, environ huit heures, ie seroie sus le bord de ladite riuere, & que là il m'attédist, où s'il y auoit quelque mutation, que ie leur renuoiroie vn Heraut: car ie ne vouloye point qu'il cognust, ceste nuict, rien de nostre cas, & si ne sçauoie quelle conclusion le Roy prendroit: car ie vei des conseils en l'oreille qui me faisoient douter. Si retournay dire ces choses audit Seigneur.

Chacun souppa de ce qu'il auoit, & se coucha sur la terre, & tost apres minuiet, me trouuay en la chambre dudit Seigneur. Ses Chambellans estoient-là, en estat de monter à cheual, & me dirent que le Roy deliberoit de tirer en diligence, iusques en Ast, & aux terres de la Marquise de Montferrat, & me parlerent de demourer derriere, pour tenir le parlement, dont ie m'excu-

sai, disant que ie ne me vouloie point faire tuer
 à mon escient, & que ie ne seroie point des der-
 niers à cheual. Tantoist le Roy s'esueilla, & ouyt
 la Messe, & puis monta à cheual. Vne heure de-
 uant le iour, vn Trompette sonna : faictes bon
 guet: mais autre chose ne fut sonné à se desloger,
 & croy aussi qu'il n'en estoit aucun besoing.
 Toutesfois c'estoit donner effroy à l'armee,
 au moins aux gens de cognoissance, & puis
 nous tournions le dos à nos ennemis, & pre-
 mions le chemin de sauueté, qui est chose bien
 espouuantable pour vn ost, & y auoit bien mau-
 uaise saillie au partir du logis, comme chemins
 creux & bois, & si nous tordismes : car il n'y a-
 uoit point de guide pour nous guider, & ouy
 comme on demanda la guide, à ceux qui con-
 duisoient les enseignes, & à celuy qui faisoit
 l'office de grand Escuyer : mais chacun respon-
 dit, le n'en ay point. Notez qu'il ne falloit point
 de guide : car, Dieu seul auoit guidé la compai-
 gnie au venir, & en ensuiuant ce que m'auoit
 dit Frere Hieronyme, il nous vouloit encores
 conduire au retour : car il n'estoit point à croire
 qu'un tel Roy cheuauchast de nuit sans guide, là
 où il en pouuoit assez sioer. Encores monstra
 nostre Seigneur plus grand signe de nous vouloir
 preseruer ; car les ennemis ne s'aperçeurēt point
 de nostre partement, qu'il ne fust midy, attendant
 tousiours ce parlement, que i'auoie entrepris, &
 puis la riniere creut si tresgrande, qu'il fut qua-
 tre heure apres midy, auant que nul homme s'o-
 last auantuer d'y passer, pour nous suiure, & lors
 y passa le Comte de Gaiazze ; avec deux cens
 Cheuaux legers Italiens en grand peril, pour la

*Retraite du
 Roy apres
 la iournee
 de Fornoue*

force de l'eauë, & en passant, il s'y noya vn homme ou deux, comme depuis il m'a compté. Or cheminasmes nous par chemin bossu, & par bois, & faloit aller à la file par ce chemin, six mils ou enuiron, & apres trouuasmes vne belle grand' plaine, où ia estoit nostre Auantgarde, artillerie & bagage, qui estoit fort grand, & qui de loing sembloit vne grosse bande: & en eusmes effroy de prime face: à cause de l'enseigne blanche & carree de Messire Iehan Iaques de Treuoul, pareille de celle, qu'auoit porté à la bataille le marquis de Mantouë: & ladite Auantgarde eut doute de nostre Arrieregarde qu'ils voyoient venir de loing, hors du chemin, pour venir le plus court. Si se mit chacun en estat de combattre: mais cest effroy dura peu: car cheuaucheurs vindrent de tous costez, & se recognerent incontinent. De là nous allasmes repaistre: au Bourg S. Denis: où l'on cria vne alarme, faite à propos, pour en tirer les Alemãs: de paour qu'ils ne pillassent la ville. Puis allasmes coucher à Florësole, & le 2. iour coucher pres Plaisance: & passasmes la riuere de Trebia: mais il demeura de l'autre part 200 Lances, nos Suisses, & toutel'artillerie, excepté six pieces: que le Roy menoit, & cela feit le Roy, pour est. e mieu logé, & plus au large, esperant les faire bien passer à l'aïse, quand il voudroit: car ladite riuere, par ordinaire, est petite, & par especial en ceste saïson de lors. Toutesfois, enuiron dix heures de nuict, ladite riuere creut si fort, que nul homme n'y eust sceu passer à pié, ny à cheual: ne l'vne compaignie n'eust sceu secourir l'autre (qui fut chose de grande doute, pour auoir les ennemis pres)

*L'lt. d'A-
hes Bened.
le nomme
(Borgo San
Donno)
Aussi fait
Guazzo.*

& chercha l'on toute la nuit, pour trouuer le remede, d'un costé & d'autre: mais il n'y en auoit point: iusques à qu'il vint de luy mesme. Qui fut enuiron cinq heures du matin, & lors on tendit des cordes, d'un bout iusques à l'autre, pour aider à passer les gens de pié: qui estoient en l'eau iusques au dessus de l'estomac. Tost apres passerent les gens de cheual, & l'artillerie, mais ce fut vne soudaine & perilleuse aduenture, considéré le lieu où nous estions, & les ennemis apres de nous: c'est à sçauoir la garnison de Plaisance, & le Comte de Gaiazze, qui y estoit entré: car aucuns de ladite ville pratiquoient d'y mettre le Roy: mais ils vouloient que ce fust sous le tiltre d'un petit fils, demouré de Iehan Galeas, dernier Duc: qui n'agueres estoit mort: comme auez ouy. Quand le Roy eust voulu entendre à ceste pratique, plusieurs villes, & autres personnes, y eussent entendu, par le moyen dudit Messire Iehan Iagues de Treuoul: mais ledit Seigneur ne vouloit point faire ce desplaisir au Duc d'Orleans, son cousin: qui ia estoit dedans Nouarre: comme auez veu. Mais, à dire verité, de l'autre costé, il ne desiroit point fort de veoir sondict cousin si grand: & luy suffisoit de passer, & laisser aller ce different, comme il pourroit. Le 3. iour, apres le parterment du lieu où auoit esté la bataille, alla le Roy disner au Chastel Saint Iehan: & coucha en un bois. Le quatriesme, disna à Voghera, & coucha à Pont-Curon. Le cinqüieme iour coucha pres Tortone: & passa la riuere, appelee * Scruiua, que Fracasse deffendoit: car les gens, qui estoient à Tortone, estoient sous sa charge, pour le Duc de Milá: & aduertty qu'il fut

Je remets
ces 2. mots
marquez
selö la desc.
d'Italie.

par ceux qui faisoient le logis du Roy, que ledit Seigneur ne vouloit que passer, se retira en la ville: & manda qu'il bailleroit des viures, tant que l'on voudroit, & ainsi le feit: car toute l'armée passa rasibus de la porte dudit Tortone: & vint ledit Fracasse au deuant du Roy, armé (mais il n'auoit que deux personnes avec luy) & s'excusa fort au Roy, qu'il ne le logeoit en la ville: & feit mettre force viures hors ladite ville: dont tout l'Ost fut bienourny: & au soir vint au coucher du Roy. Or faut entendre qu'il estoit de ceste maison de Saint Seuerin, & frere de ce Comte de Gaiazze, & de messire Galeas, & auoit esté, peu de temps deuant: à la solde du Roy, en la Romanie comme il a esté dit ailleurs. Delà vint le Roy à Nice de la paille, qui est du Marquisat de Montferrat, que nous desirions bien trouuer, pour estre en pays d'amis, & en seureté. Car ces Cheuaux legers, que menoit le Côte de Gaiazze, estoient sans cesse à nostre queue, & les premiers iours nous firent grand ennuy, & auions peu de gens à cheual qui se voulussent mettre derriere: car, plus approchions du lieu de seureté, & moins monstroient les nostres qu'ils eussent vouloir de combattre, aussi dit l'on que c'est la nature d'entre nous François: & l'ont escrit les Italiens en leurs Histoires: disans qu'au venir de François, ils sont plus qu'hommes, mais qu'à leur retraite sont moins que femmes: & ie le croy du premier poinct: car veritablement ce sont les plus rudes à rencontrer, qui soyent en tout le monde) i'enten les Gens de cheual) mais à la retraite d'une entreprise, toutes gens du monde ont moins de cœur, qu'au partit de leurs maisons.

*François
au venir
plus qu'hō-
mes à la
retraire
moins que
femmes.*

Ainsi pour continuer ce present propos, nostre queüe, estoit defendue de trois cens Alemans: qui auoient moult largement de Couleurines, & leur portoit-on beaucoup de haquebutes à cheual, & ceux là faisoient bien retirer les Estradiots qui n'estoient point grand nombre, & le grand ost, qui nous auoit combatus, venoit tant comme il pouuoit: mais, pour estre partis vn iour apres nous, & pour leurs cheuaux bardez, ne nous sceurent ioindre: & ne perdîmes iamais vn homme au chemin: & ne fut ledit ost iamais à vn mil pres de nous: & quand ils veirent qu'ils ne nous pouuoient ioindre (& peut estre aussi qu'ils n'en auoient point grande enuie) ils tirent deuant Nouarre: où estoient les gens du Duc de Milan, & des leurs: comme auez ouy cy deuant. Mais, s'ils nous eussent peu attendre pres de nostre retraite, peut estre qu'ils en eussent eu meilleur marché, qu'ils n'eurent à la vallee de Fornoue.

*Dieu feroit
conduire leur
de tout le
voyage du
Roy à l'al-
lee. En au
retour.*

J'ay dit en plusieurs lieux comme i'auoye ouy dire, & montré que Dieu le Createur nous auoit guidez en ce present voyage: mais encores me feroit-il à le dire icy, car combien que depuis le iour de ladicte bataille, iusques audit lieu, les logis fussent mal departis; neantmoins se logeoit chacun comme il pouuoit en patience, sans trouble ou debat. De viures, nous en auons grande necessité, toutesfois quelque peu en apporteroient ceux du pays: qui aisement nous eussent empoisonnez, s'ils eussent voulu, tant en leurs viures, qu'en leurs vins & eaues, qui en vn moment estoient taries, & les puits. Aussi ie ne veique petites fontaines. Mais ils n'y eussent point

faillly, s'ils y eussent voulu essayer : mais il est de croire que nostre Sauueur Iesus Christ leur estoit leur vouloir. I'ay veu la soif si grande, qu'un monde de gens de pié beuuoient aux fossez de ces petites villetes, où nous passions. Nous faisions grandes traittes & longues, & beuuiens eue orde, & non courante, & pour boire se fourroient dedans iusques à la ceincture : car il nous suiuoit grand peuple (qui n'estoient point gens de guerre) & un bien grand nombre de somniers. Le Roy partoit auant iour, & ne l'ceut onques qu'il y eut guide, & touchoit iusques à midy, là où il repaissoit : & chacun prenoit place, & faloit apporter les viures des cheuaux entre les bras, & que chacun feist repaistre son cheual, & sçay bien que ie l'ay fait deux fois, & fu deux iours sans manger que pain bien meschant, & si estoie de ceux qui auoient moins de necessité. D'une chose faut louer ceste armee. C'est que iamais ie n'ouy homme soy plaindre, de necessité qu'il eust, & si fut le plus penible voyage que ie vei onques iamais en ma vie, & si en ay veu, avec le Duc Charles de Bourgogne, de bien apres. Nous n'allions point plus fort que ces grosses pieces d'artillerie, où souuent y auoit à besongner à leurs affaires, & grand faute de cheuaux : mais à toute heure qu'il en estoit besoin s'en recouroit en l'ost, par les gens de bien, qui volontiers les bailloient, & ne se perdit vne seule pierre, ni vne liure de poudre, & croy que iamais hōme ne veit passer artillerie de telle grosseur, ne de telle diligēce, par les lieux où passa cestecy Et, si i'ay parlé du desordre qui estoit tāt à nostre lo-

*Arriuee du
Roy en Ast.*

gis qu'aux autres choses, ce ne fust pas par faute qu'il n'y eust des gens bien experimétez en l'ost, mais le sort voulut que ceux là auoient le moins de credit. Le Roy estoit ieune & volontaire (cōme ailleurs ay dit) & pour conclurre l'article, semble que nostre Seigneur Iesus-Christ ait voulu que toute la gloire du voyage ayt esté attribuee à luy. Le septiesme iour, depuis le partement du lieu où auoit esté la bataille, partismes de Nice de la paille, & logeasmes en camp, tous ensemble assez pres d'Alexandrie : & fut fait gros guet, la nuict : & du matin, deuant le iour partismes, & allasmes en Ast : c'est à sçauoir la personne du Roy & les gens de sa maison (les gens-d'armes demourerent pres de là en camp) & trouuasmes la ville d'Ast bien garnie de tous viures, qui firent grand bien & secours à toute la compagnie qui en auoit bon besoing : par ce que ladite armee auoit enduré grand faim & soif, grand trauail & chaleur & tresgrand faute de dormir, & les habillemens tous gastez & rompus. Si tost que le Roy fut arriué en Ast, & fus l'heure, auant que dormir, i'enuoyay vn Gentilhomme, nommé Philippe de la Coudre (qui autresfois m'auoit serui, & qui pour lors estoit au Duc d'Orleans) à Nouarre là où il estoit assiegé de ses ennemis : comme auez peu entendre. Le siege n'estoit pas encores si contraint, qu'on ne peust aller & saillir dehors parce qu'ils ne taschoiét sinō de l'affamer. Je luy manday, par ledit Gentilhomme, que plusieurs traittez se menoiēt avec le Duc de Milan, de par le Roy nostre Sire (dont i'en menoye vn, par la main du Duc de Ferrare) & que pour ceste cause me sembloit

qu'il s'en deuoit venir deuers le Roy, en asseurant bien ceux qu'il laisseroit dedans, de brief y retourner, ou les venir secourir. Lesquels estoient en nombre de sept mille cinq cens hommes de solde, de la plus belle compaignie qu'on scauroit dire, touchant le nombre tant François que Suisses. Apres que le Roy eut seiourné vn iour audit Ast., il fut aduerty, tant par le Duc d'Orleans que par autres, comment les deux osts s'estoient assemblez deuant Nouarre: & desiroit ledit Duc d'Orleans estre secouru; par ce que ses viures appetissoient: là ou il auoit esté donné mauuais ordre au commencement: car il y en auoit assez aux villes d'alentour, & par especial blez, & si la prouision eust esté faicte de bonne heure & bien pourmenée, iamais n'eussent rendu la ville: mais en fussent faillis à leur honneur: & les ennemis à grand' honte, s'ils eussent peu tenir encores vn mois.

*Comment le Roy fait dresser vne armee de mer, pour
cuidier secourir les chasteaux de Naples, & comment
ils n'en peurent estre secourus.*

CHAP. VIII.

A Pres que le Roy eut seiourné quelque peu de iours audit Ast., ils s'en alla à Thurin, & au departir que ledict Seigneur fait d'Ast., il despecha vn Maistre d'hostel, nommé Peron de Basche: pour faire vne armee de mer, pour aller secourir les chasteaux de Naples: qui encores tenoient. Ce qu'il fit: & mit sus ladite armee Monseigneur d'Arban, Chef & Lieutenant d'i-

** Je pense
qu'il y fa-
le Pise, ou
Pulo, que
ie trouue
sur ces mar-
ches en la
carte d'It.
ou qu'il
fal. exten-
dre del'isle
de Proci-
da qu'i nom-
me Prusse
sy apres c.
14. ces 2.
mors mar-
quez, sont
comme ils
estoyent en
sous exem.
par ce que
ien'entrou-
ue.*

celle armee : & alla iusques vers la cité de
* Puce : où il fut à vne veue des ennemis : là où
vne fortune detemps le garda d'approcher : & feit
ceste armee peu de fruit : pour ce que ledit d'Ar-
ban retourna à Ligorne : là où la plus part de ses
gens s'enfuirent en terre, & laisserent les nauires
vuides ; & l'armee des ennemis s'en vint au port
de Bougen, pres Plambin : là où elle fut bien deux
mois, sans partir : & les gens de nostre armee fus-
sent allez legerement secourir lefdits chasteaux
parce que le port de * Bengon est de nature que
l'on n'en peut saillir, que d'un vent : lequel regne
peu souuent en hyuer. Ledit d'Arban estoit vail-
lant homme, & experimenté en armee de
mer.

En ce mesme temps, le Roy estant arriué à
Thurin, se menoient plusieurs traittez entre le
Roy & le Duc de Milan, & s'en empeschoit la
Duchesse de Sauoye (qui estoit fille de M^{ort}-fer-
rat, vefue, & mere d'un petit Duc, qui estoit
lors) mais, par autres s'en traittoyent encores.
Ie m'en mesloye aussi : & desiroyent bien ceux de
la ligue (c'est à sçauoir, les Chefs qui estoient
au camp deuant Nouarre) que ie m'en meslasse :
& m'enuoyerent un sauf conduict : mais, comme
les enuyes sont entre gens de Cour, le Cardinal,
que tant ay nommé, rompit que ie ne m'en me-
lasse point ; & vouloit que la pratique de Mada-
me de Sauoye sortist son effect : que conduiroit
son hoste le Tresorier de Sauoye, homme sage,
& bon seruiteur pour sa maistresse. Long temps
traina ceste matiere, & pour ceste cause fut en-
uoyé le Baillif de Digeon aux Suisses Ambassa-
deur pour en leuer iusques à cinq mille.

Peu auant ai parlé comme l'armee de mer fut faite à Nice pour secourir les chasteaux de Naples. Ce qui ne se peut faire pour les raisons dessusdites.

Incontinent Monseigneur de Montpensier, & autres gens de bien, qui estoient dedans lesdits Chasteaux, voyans ledit inconuenient, prirent party; & saillirent dehors, & par l'armee de ceux, qui estoient demourez, pour le Roy Charles, en diuerses places du Royaume (laquelle armee pour lors estoit pres desdits chasteaux) & les laisserent fournis en nombre suffisant, pour les garder, selon les viures (qui y estoient si estroits, que plus ne pouuoient) & partirent, avec deux mille cinq cens hommes: & laisserent, pour Chef, Ognas, & deux autres gens de bien & s'en alla ledit Seigneur de Montpensier, le Prince de Salerne, le Seneschal de Beaucaire, & autres, qui là estoient, à Salerne, & voulut dire le Roy Ferrand, qu'ils auoient rompu l'appointement, & qu'il pouuoit faire mourir les ostages qu'ils auoient baillez peu de iours auant: qui estoient le Seigneur d'Alegre vn appelé de la Marche d'Ardaine, & le Seigneur de la Chapelle d'Anjou, vn appelé Roquebertin Catelan, & vn appelé Genli: & faut entendre qu'environ trois mois parauant ledit Roy Ferrand estoit entré dedans Naples, par intelligence, & par le mauuais ordre des nostres: qui estoient bien informez de tout, & n'y sceurent mettre remede. Je parleroie bien plus auant de ce propos: mais ie n'en puis parler que par l'auoir ouy dire aux principaux,

Le Roy Ferrand entre en Naples par intelligence.

& ne tien point volontiers long procez des choses, où ie n'ay point esté present. Mais, estant ledit Roy Ferrand dedans la ville de Naples, ouit dire que le Roy estoit mort à la bataille de Fornoue & fut certifié à nos gens, qui estoient au chasteau, par les lettres & mensonges que mandoit le Duc de Milan, qu'ainsi estoit : & y adiousterent foy, & s'y firent les Colunnois : qui se tournerent incontinent contre nous, auer le bon vouloir qu'ils auoient d'estre tousiours des plus forts, encores qu'ils feussent bien tenus au Roy, comme il est dit ailleurs. Pour cesdits mensonges, & principalement pource que nos gens se voyoient retraicts, en grand nombre, dedans le chasteau & peu de viures, & auoient perdu tous leurs cheuaux & autres biens qu'ils auoient dedans la ville, composerent le sixiesme d'Octobre mil cinq cens quatre vingts & quinze, & auoient ja esté enuironnez trois mois quatorze iours : & enuiron vingt iours apres partirent : comme dit est, & promirent que s'ils n'estoient secourus dedans certain nombre de iours, qu'ils s'en iroient en Prouence, & laisseroient les chasteaux, sans plus faire de guerre, ne par mer ne par terre audit Royaume, & baillerent les ostages susdits. Toutesfois selon l'edit du Roy Ferrand, ils rompirent l'appointement à l'heure qu'ils partirent sans congé. Les nostres disoient le contraire, mais lesdits ostages furent en grand danger : & y auoit cause, & croy que nos gens feirent sagement de partir, quelque appointement qu'il y eust : mais ils eussent mieux fait de bailler les chasteaux audit iour qu'ils partirent, & retirer leurs ostages : car aussi bien ne tindrent

ne tindrent ils que vingt iours après leur partement, à faute de viures, & qu'ils n'auoient aucune esperance de secours, & fut la totale perte du Royaume que ledit chasteau de Naples.

De la grande famine & peine où estoit le Duc d'Orleans à Nouarre, avec ses gens de la mort de la Marquise de de Montferrat, & de celle de Monsieur de Vendosme, & comment apres plusieurs deliberations, on entendit à faire paix pour sauuer les asiegeez.

C H A P. I X.

Estât le roi à Thurin (cōme i'ay dit) & à Quiers (où quelque fois alloit pour son esbat) atendoit nouuelles des Alemans (qu'il auoit enuoyé querir) & aussi essayoit s'il pourroit reduire le Duc de Milan : dont il auoit grand vouloir : & ne luy chaloit point trop du fait du Duc d'Orleans : qui commençoit à estre pressé, à cause de la necessité de viures, & escriuoit chacun iour pour auoir secours : & aussi estoient approchez les ennemis, de plus pres qu'ils n'auoient esté : & estoit creu l'ost, de mille hommes à cheual, Alemans : que menoit Messire Federic Capelare de la Comté de Ferrette, vaillant Cheualier, & bien experimenté, tant en France qu'en Italie. Aussi y auoit bien onze mille Allemans, des terres du Roy des Romains, & Lansquenets : que conduisoit Messire Georges d'Abecfin, vaillant Cheualier : & fut celuy qui print Saint Omer, pour le Roy des Romains, natif d'Austriche. Et, voyant croistre les ennemis, & que nul accord ne se pouuoit trouuer à l'honneur du Roy, il luy

fut conseillé se retirer à Verceil, pour veoir la maniere de sauuer ledit Duc d'Orleans, & sa compagnie: qui (comme dit est ailleurs) auoient mis petite prouision en leurs viures, au commencement qu'ils entrèrent audit Nouarre: & luy eust mieux valu auoir faict ce que luy manday comme il se veoit dessus, dès qu'arriuasmes en Ast: qui estoit de partir, & mettre hors toutes gens inutiles, & venir deuers le Roy: car sa presence eust guidé partie de ce qu'il eust voulu: au moins ceux, qu'il eust laissez, n'eussent point souffert si extreme necessité de faim, comme ils feirent: car il eust pris parti plustost: s'il eust veu qu'il n'y eust eu autre remede. Mais l'Archeuesque de Rouen, qui auoit esté avec luy, au commencement, audit lieu de Nouarre, pour faire seruice audit Seigneur, estoit venu deuers le Roy & se trouuant present aux affaires, luy mandoit tousiours ne partir point, & qu'il seroit secouru: & se fondoit qu'ainsi le disoit le Cardinal de Saint Malo, qui auoit le credit, & bonne affection le faisoit parler. Mais i'estoie asseuré du cōtraire, car aucun ne vouloit retourner en la bataille, si le Roy n'y alloit: & celuy-là n'en auoit aucune enuie: car la questiou n'estoit que pour ceste seule ville: que ledit Duc d'Orleans vouloit retenir, & le Duc de Milan la vouloit r'auoir car elle est à dix lieues de Milan; & estoit force que l'un eust tout, car en ladite Duché de Milan sont neuf ou dix grosses citez, pres l'une de l'autre, & en petit d'espace. Mais bien disoit ledit Duc de Milan, qu'en luy laissant Nouarre, & ne luy demandant point Genes que toutes choses il feroit pour le Roy.

Plusieurs fois on mena farines audit Nouarre, dont il s'en perdit la moitié au chemin : & vn coup furent destrouffez quelque soixante hommes d'armes , que menoit vn appelé Chastillon : qui estoit ieune Gentil-homme de la maison du Roy. Aucuns furent pris , autres entrèrent, autres eschapperent de grand' peine : & n'est possible de croire en quelle detresse estoit ceste compaignie de Nouarre : car chacun iour en mourroit de faim. Les deux parts estoient malades, & venoit de piteuses lettres en chiffre, & en grand' difficulté. Toufiours on leur donnoit reconfort : & tout estoit abus : mais ceux qui menoient l'affaire du Roy, desiroient la bataille, & ne voufideroient point que nul ne la vouloit qu'eux. Car tous les grands Chefs, comme le Prince d'Orange, qui estoit de nouveau arriué, & à qui le Roi donnoit grand credit aux affaires de la guerre, & tous autres chefs de guerre, cherchoient vne honneste issue par appointment, veu que l'hiuer approchoit, qu'il n'y auoit point d'argent que le nombre des François estoit petit, & que plusieurs malades s'en alloient chacun iour sans congé, & quelques autres à qui le Roy donnoit congé. Mais tous les sages ne pouuoient garder ceux, dont i'ay parlé, de mander au Duc d'Orleans qu'il ne bougeast. Lesquels le mirent en grand peril & se fioient sus le nombre des Alle-mans, dont nous asseuroit le Baillif de Digeon, auquel aucuns auoient mandé qu'il amenast ce qu'il pourroit : & estoit vne compaignie mal vnie : & chacun disoit & escriuoit ce qu'il vouloit.

Ceux qui ne vouloient point d'accord, ne

qu'on se trouuaſt enſemble pour en parler diſoiēt que le Roy ne deuoit point commencer, mais deuoit laiſſer parler ſes ennemis : qui auſſi diſoient ne vouloit commencer les premiers : & touſiours ſ'auançoit le temps, en la deſtreſſe de ceux de Nouarre : & ne parloient plus leurs lettres que de ceux qui mouroiēt de fain, chacun iour, & que plus ne pouuoient tenir que dix iours, & puis huit : & telle heure les vie à trois : mais auant paſſerent les termes qu'ils auoient baillez. Brief, on n'auoit veu de long temps ſi groſſes neceſſitez : & cent ans auant que fuſſions nez, ne ſouffrirent gens ſi grand fain, comme ils ſouffrirent leans.

*Mort de la
Marquiſe
de Mont-
ferrat.*

Eſtans les choſes en ce train, mourut la Marquiſe de Montferrat : & y eut quelque diuiſion leans, pour le gouuernement, que demandoit le Marquis de Saluce : & d'autre-part, le Seigneur Conſtantine, oncle de la feuë Marquiſe : qui eſtoit Grec, & elle Grecque, & fille du Roy de Seruie, tous deux deſtruits par le Turc. Ledit Seigneur Conſtantine ſ'eſtoit mis fort au chateau de Caſal : & auoit en ſes mains les deux fils, dont le plus grand n'auoit que neuf ans, du feu Marquis, & de ceſte ſage & belle Dame qui eſtoit

*Comme les
enueys par
le Roy pour
prouoir à
l'eſtat de
Montferrat
pour les en-
fants pupil-
lers.*

morte en l'age de vingt & neuf ans, grande particiane des François. Autres particuliers taſchoiēt encores audit gouuernement, & en eſtoit grand' queſtion chez le Roy pour ceux qui les ſoute- noient. Ledit Seigneur m'ordonna y aller, pour accorder ceſte queſtion, à la ſeureté des enfans, & au gré de la pluspart du pays : dourant que le different ne leur ſeit appeller le Duc de Milan & le Seigneur de ceſte maiſon no'eſtoit bien ſeant.

Il me desplaisoit fort de partir, que ie ne misse en train de reprendre ceste paix, veu les maux qu'ay dits, & que l'Hiver approchoit, & doutoye que ces Prelats ne fussent cause de ramener le Roy à la bataille : car il estoit mal fourny, s'il ne venoit force estrangers, comme Suisses. Encores, s'ils venoient si fort comme l'on disoit, il n'y auoit que danger pour le Roy, de se mettre en leurs mains & estoient les ennemis fort puissans & logez en lieu fort de situation, & bien fortifiez. Consideres ces choses, m'adventurai de dire au Roy qu'il me sembloit qu'il vouloit mettre sa personne & estat en grand hazard, pour peu d'occasion : & qu'il lui deuoit souuent qu'il auoit esté en grand peril à Fornouë; mais là auoit esté contrainct, & icy n'y auoit aucune contrainte, & ne deuoit point laisser à prèdre quelque hōneste appointment, pour ces paroles qu'on disoit, qu'il ne deuoit point commencer : & que, s'il vouloit, ie le feroye bien parler en sorte, que l'honneur des deux costez y seroit bien gardé. Il me respondit que ie parlasse à Monseigneur le Cardinal. Ce que ie fey : mais il me faisoit d'estra-

*Presomptiō
du Card.
Brissonet.*

ges responfes, & desiroit la bataille ; & tenoit la victoire seure, à son dire : & disoit qu'on luy auoit promis dix mille Ducats de rente, pour vn fils par le Duc d'Orleans, s'il auoit ceste Duché de Milan. Le lendemain ie vein prendre congé du Roy, pour aller à Casal ; & y auoit enuiron iournee & demie. Je rencontraï Monsieur de la Trimouille, à qui ie comptay ceste affaire, par ce qu'il estoit des prochains du Roy, demendāt si encores luy en deuoye parler. Il me conforta que ouy : car chacun desiroit de se retirer. Le

Roy estoit en vn iardin. Ie repri les paroles dessusdites, deuant le Cardinal, qui dit que luy (qui estoit homme d'Eglise) deuoit commencer. Ie luy di que, s'il ne commençoit, ie commenceroye (car il me sembloit bien que le Roy n'en feroit point marry, ne ses plus prochains) & ainsi party : & au departir, dy à Monseigneur le Prince d'Orenge (qui auoit la principale charge l'ost) si ie cōmençoie rien, ie le lui adresseroie : & allay à Casal, où ie fu bien recueilly, par tous ceux de ceste maison : & les trouuay la pluspart rengés avec le Seigneur Constantin : & sembloit à tous que c'estoit plus grand seureté, pour les enfans : car il ne pouoit venir à la succession, & le Marquis de Saluce y pretendoit droit. Ie fey plusieurs iours assemblee, tant des Nobles que de gens d'Eglise, & des villes, & à leur requeste, ou de la pluspart declairay que le Roy vouloit que ledit seigneur Constantin demourast en son gouuernement : car veüe la force du Roy de là les monts : & l'affection que le pays porte à la maison de France, ils ne pouoyent contredire au vouloir du Roy.

Enuiron le troisieme iour que i'eu esté là, vint leans vn Maistre-d'hosteldu Marquis de Mantouë Capitaine general des Venitiens : qui cōme parent, enuoyoit faire doleance de la mort de ladite Marquise, & celuy là & moy entraismes en paroles d'appointer ces deux osts, sans combattre car les chose s'y disposoyent & estoit logé le Roy en camp, pres Verceil : mais à la verité dire, il ne passa seulement que la riuiera, & logea son ost mal fourni de têtes & de pauillons :

car ils en auoyent peu porté, & encores ceux-là estoient perdus: & ia estoit le lieu moite, pour ce que l'hyuer approchoit, & que c'est pays bas. Ledit Seigneur n'y logea qu'une nuict, & se retira le lendemain en la ville: mais y demourerent le Prince d'Orenge, le Comte de Foix & le Comte de Vendosme, qui y prit vn mal de flux, dont il mourut. Qui fut dommage: car il estoit beau personnage, ieune & sage, & y estoit venu en poste, par ce qu'il estoit bruit, qu'il y deuoit auoir bataille: car il n'auoit point fait le voyage en Italie avec le Roy. Avec ceux-là y demourerent le Mareschal de Gié, & plusieurs autres Capitaines: mais la principale force estoit des Allemans qui auoit fait le voyage avec le Roy: car mal-volontiers y demouroient les François, estans si pres de la ville, & plusieurs estoient malades, & plusieurs partis, les vns avec congé, les autres sans congé, dudit ost, iusques à Nouarre y auoit dix gros mils d'Italie, qui valent bien six lieues Françoises, fort pays & mol, comme au pays de Flandres, à cause des fossez, qui sont au long des chemins: de l'un costé & de l'autre, fort profonds, & beaucoup plus que ceux de Flandres. L'hyuer les fanges y sont fort grandes, & l'Esté la poudre. Entre nostredit Ost & Nouarre, y auoit vne petite place, appelée Bourg, à vne lieue de nous, que nous tenions, & eux en tenoient vne autre que on appelloit Camarian, qui estoit à vne lieue de leur Ost: & ia estoient les eues bien grandes, à aller d'un Ost à l'autre.

*Le trespas
du Comte
de Vendos-
me.*

Comme i'ay commencé à dire, ce Maistre-
d'hostel du Marquis de Mantouë, qui estoit venu

à Casal : & moi, continuasmes nos paroles, & disoye les raisons pourquoi son maistre deuoit euitier ceste bataille, & qu'il auoit veu le peril en quoy il auoit esté à la premiere, & qu'il combattoit pour gens qui ne l'accroissent iamais pour seruice qu'il leur feist, & qu'il deuoit entreprendre l'appointement, & moy, que ie luy ayderoye de nostre costé. Il me respondit que son maistre le voudroit, mais il faudroit, comme autrefois m'auoit esté mandé, que nous parlussions les premiers, veu que leur ligue, dont estoit le Pape, les Roys des Romains & d'Espaigne, & le Duc de Milã, estoit plus grãde chose que Roy : & luy disoye que c'estoit folie de mettre ceste ceremonie, & que le Roy deuoit .: aller deuant, estât là en persône, & que les autres n'y auoyent que leurs lieutenans : & que moy & luy, comme mediateurs, commencerions, s'il vouloit : mais que ie fusse seur que son maistre continuast, & tint : & conclusmes que i'enuoyeroye vn Trompette en leur Ost, le lendemain, & escriroye eux deux Prouidateurs Venitiens, l'vn appelé messire Luques Pisan, l'autre messire Melchior Treuisan, qui sont offices deputés pour conseiller leurs Capitaines & pour pourueoir aux affaires de leur Ost. En ensuiuant ce que nous auions conclu, ie leur escriuy la substance de ce que i'auoye dit audit Maistre d'hostel, & auoye occasion de continuer l'office de bon mediateur. Car ainsi l'auoient conclu, au partir de Venise : & aussi le Roy l'auoit bien agreable : & si me sembloit necessaire : car il se trouue tousiours assez gens pour troubler vn affaire, mais il s'en trouue peu, qui ayent l'aduẽture, & le vouloir ensemble,

*c. tenir
le plus
honorable
lieu.*

d'accorder si grand differend, ne qui voulsissent endurer tant de paroles, qui se disent de ceux, pui traittent tels affaires: car en tels grands osts, il y a maintes differentes opinions. Ledits Prouidateurs furent ioyeux de ces nouuelles: & m'escriuirent que tost me feroient responce, & par leurs postes le feirent sçauoir à Venise, & tost eurent responce, & vint en l'ost du Roy vn Comte, qui estoit de Ferrare; lequel y auoit gens (car son fils aisné y estoit, à solde du Duc de Milan) & cestuy-là en estoit, & auoit ledit Duc de Ferrare vn autre fils avec les Roy. Ledit Comte auoit nom le Côte Albertin, & vint veoir Messire Iehan Iaques de Treuoul, sous couleur d'un fils, qu'il auoit avec ledit Messire Iehan Iaques, & s'adressa au Prince d'Orenge (ainsi qu'il auoit esté conclu entre ce Maistre d'hostel, dont i'ay parlé, & moy) disant auoir commission du Marquis de Mantouë, & des Prouidateurs, & autres Capitaines, estans en leur ost, de demander sauf-conduit pour ledit Marquis, & autres, iusques à cinquante cheuaux, à se trouuer à parler avec tels personages qu'il plairoit au Roy ordonner: & ceulx là cognoissoient bien que c'estoit raison qu'ils vinssent deuers le Roy, ou les siens, les premiers: & aussi qu'ils luy vouloient bien faire cest honneur. Puis demanda congé de parler au Roy, à part. Ce qu'il feit: & à part, conseilla de n'en faire rien: disant que cest ost estoit en grand paour, & que de brief deslogeroit, & par ces paroles il monstroït vouloir rompre cest accord, & non point le faire, n'y ayder, combien que sa charge publique fust telle qu'auz ouy, & fut present à ses paroles ledit Messire Iehan Ia-

ques de Treuoul, grand ennemy du Duc de Milan, & volontiers eust rompu ladite paix : & sus tout le maistre dudit Comte Messire Albertin, le Duc de Ferrare, y desiroit fort la guerre, pour la grande inimitié qu'il auoit aux Venitiens, à cause de plusieurs terres qu'ils tenoient de luy, comme le Polesan, & plusieurs autres, & estoit venu en l'ost du dessusdict Duc de Milan : qui auoit sa fille pour femme. Des ce que le Roy eut ouy parler ledit Comte, il me fait appeller, & eut en conseil s'il bailleroit ce saufconduit ou non. Ceux, qui vouloient rompre la paix, comme Messire Iehan Iaques, & autres qui parloient en faueur du Duc d'Orleans, ce leur sembloit, monstroient vouloir la bataille, mais ils estoient gens d'Eglise, & ne s'y fussent point trouuez, disans estre bien asseurez que les ennemis deslogeroient, & qu'ils mouroient de faim. Autres disoient (& i'estoie de ceux-là) que plus-tost nous aurions faim, qu'eux (qui estoient en leur pays, & si auoient la puissance trop grande, pour s'enfuir & se laisser destruire) & que ces paroles venoient de gens qui vouloient qu'on se hazardast & combattist pour leurs querelles. Toutesfois, pour abbreger, le saufconduit fut accordé, & enuoïé, & dit, que le lendemain, à deux heures apres midy, ledict Prince d'Orenge, le Marechal de Gié, le Seigneur de Piennes, & moy, en leur compaignie, nous trouuerions entre Bourg & Camarian, pres d'une tour, où ils faisoient le guet, & que là parlerions ensemble : & nous y trouuasines, bien accompaignez de Gens-d'armes. Ledit Marquis & vn Venitien, qui auoit la charge de

Leurs Estradiots y vindrent , & vserent d'honestes paroles : disans que de leur part ils desiroient la paix : & fut conclu , que , pour parler , plus à loisir , ils viendroient le lendemain quelques gens des leurs en l'ost , & que le Roy apres enuoieroit des siens au leur. Ce qui se feist & vint le lendemain deuers nous Messire Francisco Bernardin, Viscomte, pour le Duc de Milan , & vn Secretaire du Marquis de Mantouë : & nous trouuâmes avec eux , ceux que i'ay nommez , & le Cardinal de Saint Malo : & entraâmes en pratique de la paix & demandoient Nouarre : en laquelle cité estoit assiegé le Duc d'Orleans. Aussi demandions nous Genes : disans que c'estoit fief du Roy , & que ledit Duc de Milan l'auoit confisqué. Eux s'excusoient , disans n'auoir rien entrepris contre le Roy , que pour se deffendre , & que ledit Duc d'Orleans leur auoit prise ladite cité de Nouarre , & commencé la guerre , avec les gens du Roy , & qu'ils croyoient que leurs maistres ne feroient rien de ce que demandions : mais que , toute autre chose voudroient faire , pour complaire au Roy. Ils furent là deux iours , & puis retournerent en leur ost , où nous allâmes ledit Marechal de Gyé, Monseigneur de Piennes, & moy, tous iours sur la demande de ceste cité , & bien eussions nous esté contens que Nouarre (car nous ne la pouuions secourir que par bataille : que nous ne desirions point) se fust mise en la main des gens du Roy des Romains , qui estoient en leur ost , & dont estoient chefs Messire Georges de Pietre-plane , & Messire Federic Capelare , & vn nommé Messire Hance , & le disions par

ce que la Duché de Milan est tenuë en fief de l'Empereur, & pour honnestemēt s'en descharger. Plusieurs allées & venuës se feirent de nous en leur ost, & des leurs au nostre, sans conclusiō: mais ie demeuroides tousiours au giste en leur ost: car tel estoit le vouloir du Roy: qui ne vouloit rien rompre. Finalement y retournaſmes: & d'auantage y vint le President de Gannay, pour porter la parole en Latin, & vn, appelé Monſeigneur de Moruiller, Baillif d'Amiens, car iusques à lors i'auoie parlé en mauuais Italien, & estoient à coucher nos articles, & estoit nostre façon de proceder: que, si tost que nous estions arriuez au logis dudit Duc, il venoit au deuant de nous, & la Duchesse, iusques au bout d'une galerie, & nous mettions tous deuant lui, à l'entree de sa chambre, où nous trouuions deux rangs de chaires l'un deuant l'autre, & bien pres l'un de l'autre. Ils se ſeioient de l'un des costez, & nous de l'autre. Premier estoit assis de son costé, vn pour le Roy des Romains, l'Ambassadeur d'Espagne: le Marquis de Mantouë, les deux Prouidateurs Venitiens, vn Ambassadeur Venitien, & puis le Duc de Milan, sa femme, & le dernier, l'Ambassadeur de Ferrare: & de leur costé ne parloit nul, que ledit Duc, & du nostre vn: mais nostre condition n'est point de parler si posément comme ils font: car nous parlions quelques fois deux ou trois ensemble: & ledict Duc disoit, Ho, vn à vn. Venant à coucher les articles, tout ce, qui s'accordoit, estoit escrit incessamment, par vn Secretaire des nostres, & aussi par vn de leur costé: & au departir, le lisoient les deux Secretaires, l'un en Italien & l'autre en

*François ne
parlent si
posément
que les Ita-
liens à
traicter af-
faires.*

François, & quand on se rassembloit, aussi : à fin de veoir si on y auoit point rien mué, & aussi pour nous abreger : & est bonne forme pour expedier grande affaire. Ce traitté dura enuiron quinze iours, & plus : mais, des le premier iour que commençâmes à traitter, fut accordé que Monseigneur d'Orleans, pourroit partir de là : & feisines vne trefue, ce iour qui continua, iour apres autres, iusques à la paix : &, pour seureté dudit Duc, se mit en ostage le Marquis de Mantouë, entre les mains du Comte de Foix, qui tres-volontiers le feit, & plus pour faire plaisir, que pour crainte, & premierement nous feirent iurer que nous procederions à bon esciët, au traitté de paix, & que nous ne le faisons point pour deliurer ledit Duc d'Orleans seulement.

*Le me don-
se qu'il fa-
lus air
entendre
ce passage,
lequel
Marquis
de Mantoue
tres-volon-
tiers se mit
en ostage,
& plus
pour son
plaisir, que
pour crainte
se que nous
aussions de
la personne
de Monsieur
d'Orleans.*

Comment le Duc d'Orleans & sa compaignie furent deliurez, par appointment de la dure calamité de Nouarre, où ils estoient assiegez : & de la descente des Suisses, pour secourir le Roy & Monseigneur d'Orleans.

CHAP. X.

LE Mareschal de Gié alla à ladite place, avec d'autres du Duc de Milan : & feit partir ledit Duc d'Orleans seulement, à petite compaignie, qui à grande ioye en faillit. Ceux de ladite place estoient tant pressez de faim & de maladie, qu'il falut que ledit Mareschal laissast son neveu appelé Monsieur de Rome-fort, en ostage, promettant à ceux de dedans qu'ils partiroient tous dedans trois iours. Vous avez bien enten-

du comme parauant le Baillif de Digeon auoit esté enuoyé deuers les Suiffes , par tous leurs Cantons, pour en assembler iusques à cinq mille, qui à l'heure du partement du Duc d'Orleans de la place de Nouarre, estoient encores venus, car, s'ils eussent esté venus, sans nulle doute, à mon aduis, on eust combatu : & combien que l'on fust bien seur qu'il en venoit plus largemēt que le nombre qu'on demandoit, si n'estoit-il possible d'attendre, pour l'extreme famine, qui estoit en ladite place : où il mourut bien deux mille hommes, que de faim, que de maladie: & le reste estoit si maigre, q'uils sembloient mieux morts que vifs: & croy que iamais hommes n'endurerent plus de faim (i'en'y voudroye alleguer le Siege de Hierusalem) & si Dieu les eust faits si sages que de vouloir mettre les blez dedans, qui estoient enuiron ladite ville, quand au premier ils la prirent, ils ne fussent iamais venus en cest inconuenient, & se fussent leurs ennemis leuez à leur grande honte.

Trois iours, ou quatre, apres le partement dudiēt Duc d'Orleans, dudiēt Nouarre, fut accordé, des deux costez, que tous les gens de guerre pourroient faillir, & furent ordonnez le Marquis de Mantouë & Messire Galeas de Sainct Seuerin, Chefs de l'armee tant des Venitiens que du Duc de Milan, pour les conduire en seureté. Ce qu'ils feirent, & demeura la place entre les mains de ceux de la ville: qui feirent serment de ny mettre ne François, n'Italiens, iusques à ce que le tout fut conclu, & demourerent trente hommes au chasteau, à qui le Duc de Milan laissoit auoir viures pour leur argent,

ce qu'il leur en faloit, pour chacun iour seulement:&ne croiroit on iamais, sans l'auoir veüe, la pauureté des personnes qui en sailloient. Bien peu de cheuaux en sailloit, car tout estoit mangé, & n'y auoit point 600.hômes, qui se fussent peu deffendre:côbien qu'il en sailloit bien 5500. Largement en demouroit par les chemins, à qui les ennemis propres faisoient de l'aide. Je sçay bien que i'en sauuai bien cinquante pour vn escu, auprès du petit chasteau que les ennemis tenoient, appelé Camarian, qui estoient couchez en vn iardin,& à qui on dōna de la soupe,& n'en mourut qu'un.Sus le chemin en mourut enuiron quatre:car il y auoit dix mils de Nouarre à Verceil, où ils alloient. Le Roy vſa de quelque charité vers ceux, qui arriuerent audict Verceil: & ordonna huit cens Francs, pour les departir en aumosnes, & aussi des payemens de leurs gages, & furent payez les morts & les vifs: & aussi les Suisses: dont il estoit bien mort quatre cens: mais, quelque bien qu'on leur sçeust faire, il mourut bien trois cens hommes audit Verceil, les vns par trop manger, les autres par maladie, & largement sus les fumiers de la ville.

*Miserable
estat de
ceux qui
sortirent de
Nouarre.*

Enuiron ce temps que tout fut dehors (exceptez 30.hômes, qu'on auoit laissez au chasteau, & dōt chacun iour en sailloit quelcun) arriuerēt les Suisses, le nombre de 8.ou de 10000.hômes en nostre ost: où y en auoit quelques 2000. qui auoient seruy le voyage de Naples. Tous les autres demourerent auprès de Verceil, enuiron à dix mils, & ne fut point cōseillé le Roy de laisser ioindre ces 2.bandes:où estoient bien 22000.& croi que iamais ne se trouuerent tant de gens de

*22000.Suiss
es fut une
fois pres
Verceil
pour le Roy.*

leur pays ensemble : & selon l'opinion des gens qui les cognoissoient, il demeura peu de gens combatans en leur pays: & vindrent, la plupart malgré qu'on en eust: & salut defendre l'entree du pays de Piemont, pour n'en laisser plus passer: ou bien les femmes & les enfans y fussent venus. On pourroit demander si ceste venue procedoit de grand amour, veu que le feu Roy Louys leur auoit fait beaucoup de biens, & les auoit aidé à les mettre à la gloire du monde, & à la reputation. Vrai est qu'aucuns vieux auoient amour au Roy Louis onzième, & y vint beaucoup de Capitains, qui auoient soixante & douze ans passez, qui auoient esté Capitaines contre le Duc Charles de Bourgogne: mais la principale cause estoit auarice, & leurs grandes pauvertes: car à la verité, tout ce qu'ils auoient de gens combatans, y vindrent. Tant de beaux hommes y auoit, que ie ne vei iamais si belle compaignie, & me sembloit impossible de les auoir sceu desconfire: qui ne les eust pris par faim, par froid, ou par autre necessité.

Or faut venir au principal point de ce traité. Le Duc d'Orleans, qui ia auoit esté huit ou dix iours à son aise, & qui estoit accompagné de toutes sortes de gens, à qui il sembloit bien qu'aucuns auoient parlé de ce que tant de gens, comme il auoit dedans Nouarre avec luy, s'estoient laissez mener à ceste necessité, parloit fort de la bataille, & vn ou deux avec luy, M^oseigneur de Ligni, & l'Archeuesque de Rouen, qui se mesloit de les besongnes, & deux ou trois menus personnages, forgerent aucuns Suisses, qui venoient s'offrir à combattre, & n'alleguoient aucune

aucune raison: car le Duc d'Orleans n'auoit plus en la place que trente hommes au Chasteau, & ainsi n'y auoit plus d'occasion de cōbatre, car le Roy ne pretēdoit aucune querelle, & ne vouloit combattre que pour sauuer la personne du Duc & de ses seruiteurs. Les ennemis estoient bien forts, & estoit impossible de les prendre dedans leur ost, tant estoient bien fermez de fossez, pleins d'eauē, & l'assiete propre: & n'auoient à se defendre que de nous: car de ceux-là de la ville n'auoient ils plus de crainte. Ils auoient bien deux mille huit cens hommes d'armes bardez, & cinq mille cheuaux legers, onze mille cinq cens Alemans, menez par bons Chefs, comme ce Messire George de Pietre-plane, Messire Federic Capelare, & Messire Hance, & autre grand nombre de gens de piē, & sembloit bien parler par volonte, de dire qu'on les deust prendre leans, ne qu'ils deussent fuir. Vn autre plus grand doute y auoit: c'estoit que, si tous les Suisses se trouuoient ensemble, ils ne prissent le Roy, & tous les hommes riches de sa compaignie, qui estoit bien foible, au prix d'eux, & qu'ils ne les menassent. en leur pays, & quelque apparence s'en veit: comme verrez par la conclusion de la paix.

Comment la paix fut concludë entre le Roy & le Duc d'Orleans d'un costé, & les ennemis de l'autre, & des conditions & articles, qui furent contenus en ladite paix.

CHAP. XI.

EStANS toutes ces questions parmy nous, & que ledict Duc d'Orleans en prit débat avec le Prince d'Orenge, iusques à le demettre, nous retournaſmes ledict Marſchal, le Seigneur de Piennes, le President Gannay, le Seigneur Moruillier, le Vidafme de Chartres, & moy, en l'oſt des ennemis & concluſmes vne paix croyans bien, par les ſignes que voyons, qu'elle ne tiendroir point: mais nous auions neceſſité de la faire pour maintes raiſons, qu'auiez entendues, & pour la ſaiſon d'hyuer, qui nous y contraignoit, & auſſi par faulte d'argent, & pour nous departir honorablement, avec vne honorable paix par eſcrit (qui ſe pourroit enuoier par tout: comme elle fut) (& ainſi l'auoit conclu le Roy en grand conſeil, preſent le Duc d'Orleans. La ſubſtance eſtoit que le Duc de Milan ſeruiroit le Roy, de Genes cōtre tout le monde, & ce faiſant, il feroit equipper deux nauires, à ſes deſpens, pour aller ſecourir le chasteau de Naples (qui encores tenoit) & l'annee apres, de 3. & de ſa perſonne, ſeruiroit le Roy, de recheſ, à l'entreprife du Royaume, au cas que le Roy retournaſt, & donneroit paſſage aux gés du Roy, & en cas que les Venitiens n'acceptaſſent la paix dedās 2. mois, & qu'ils vouluſſent ſouſtenir la maiſon

*Paix avec
ſes articles
entre le Roy
& le Duc
de Milan.*

d'Arragon, il deuoit soustenir le Roy contre eux, moyennant que tout ce, que le Roy prédroit de leurs terres, luy seroiēt baillees: & y employeroit sa personne, & suiets, & quittoit au Roy 80000. ducats, de cent vingt quatre mille, qu'il luy auoit prestez en ce voyage: que le Roy auoit fait, & deuoit bailler deux ostages de Genes, pour seureté, & fut mis le Chastelet entre les mains du Duc de Ferrare, comme neutre, pour deux anneés entières, & payoit ledit Duc de Milan la moitié de la garde, qui estoit audit Chastelet, & le Roy l'autre: & en cas que le Duc de Milā feist rien de Genes contre le Roy, ledit Duc de Ferrare pouuoit bailler ledit Chastelet au Roy, & deuoit bailler deux autres ostages de Milan: qu'il bailla: & aussi eussent fait ceux de Genes, si le Roy n'eust esté si hastif de partir: mais des ce qu'il le veit party, il s'excusa.

Dés ce que nous fusmes retournez de faire iurer ceste paix au Duc de Milā, & que les Venitiens eurent pris terme de deux mois de l'accepter ou non (car plus auant ne se voulurent mietre) ledit Seigneur iura aussi ladite paix: & dès le lendemain delibera de partir: comme celuy qui auoit grand enuie de retourner en Frāce: & aussi auoit toute sa compaignie. Mais la nuit, les Suisses qui estoient en nostre ost, se mirent en plusieurs conseils, chacun avec ceux de son Canton: & sonnerent leurs tabourins: & tindrent leur rang (qui est la forme de leur conseil) & ces choses, que ie dy, me conta Lornei: qui estoit vn des Chefs d'entr'eux, & tousiours a esté, & qui entend bien la langue: & estoit couché en l'ost: & vint aduertir le Roy.

*Suisses de-
lilerent ar-
rester le
Roy.*

Les vns disoient qu'ils prinsissent le Roy, & toute sa compaignie, c'est à sçauoir les riches. D'autres ne s'y consentoient point : mais bien qu'on luy demandast le payement de trois mois: disant qu'ainsi leur auoit esté promis, par le Roy son pere, que toutes les fois qu'ils sortiroient de leurs pays, avec leurs bannieres, que tel payemēt deuoient auoir. Autres vouloient qu'on ne prist que les principaux, sans toucher au Roy; & se dispoient de l'executer; & auoient ia largement gens dedans la ville: mais auant qu'ils eussent conclu, le Roy partit & tira vers .^{la} Trin, vne ville du Marquis de Montferrat. Toutesfois ils auoient tort: car il ne leur auoit esté promis que vn mois de payement, aussi ne servirent point.

* Il y auoit icy, & pen apres, Trin, mais mal, comme il se voit par luy même, & par le Verg. d'honneur, qui nōme ceste ville Trin.

Pour fin de compte, on appointa avec eux: mais deuant cest appointement, ceux: qui auoient esté avec nous à Naples prirent ledit Baillif de Digeon, & Lornaï, qui tousiours auoient esté leurs chefs, pour auoir vn payement de quinze iours, pour eux en aller, mais les autres furent payez de trois mois: & monta bien le tout à cinq cens mille Francs: desquels ils se fierent en pleiges & en ostages: & cela aduint des Frāçois propres, qui le leur mirēt en auāt: car vn de leurs Capitaines en vint aduertir le Prince d'Orège, qui le dit au Roy, & c'estoit par despit de ceste paix.

* Il veut dire que ceux, qui estoient marais de la paix sollicitèrent les Suisses à l'esmeute susdite.

Si tost que le Roy fut arriué à Trin, il enuoya vers le Duc de Milan, ledit Marechal, le President de Gannai, & moy: à fin qu'il voulust venir deuers ledit Seigneur, pour parler à luy: & luy dismes plusieurs raisons, pour le faire venir: & que cela seroit la vraye confirmation de la paix. Il nous dit plusieurs raisons au contraire: s'ex-

cusa sus aucunes paroles, que Monseigneur de Ligni auoit dites (c'est assauoir qu'on le deuoit prendre, quand il fut deuers le Roy à Pauie) & sus d'autre sa parole, qu'auoit dite le Cardinal qui auoit tout le credit avec le Roy. Il est bien vray que plusieurs foles paroles auient esté dites. De qui, que ce fust, ie ne sçai: mais, pour lors, le Roy auoit enuie d'estre son amy. Il estoit en lieu apelé Bolie: & vouloit biē parler vne barriere entre deux, & vne riuiera. Quand le Roy eut sçeu ceste responce, il tira à Quiers: où il n'arresta qu'une nuit ou deux: & prit son chemin pour passer les monts: & me renuoia à Venise, & d'autres à Genes pour armer ces deux naues: que ledict Duc deuoit prester: mais de tout ne feit rien: & leur laissa faire grand' despenſe, & grand apprest: & puis les garda de partir: & au contraire, il en enuoya deux contre nous en lieu de tenir promesse.

Le Duc de Milan ne tient promesse de la dernière paix.

Comment le Roy enuoya le Seigneur d'Argenton à Venise, pour les conditions de la paix, lesquelles refuserent les Venitiens, & des tromperies du Duc de Milan.

CHAP. XII.

MA charge estoit à Venise, de sçauoir s'ils voudroient accepter ceste paix, & passer trois articles. Le premier, rendre Monopoli, qu'ils auoient pris sus nous. L'autre, de retirer le Marquis de Mantouë, & autres, qu'ils auoient au Royaume de Naples, du seruice du Roy Ferrand. Le tiers, qu'ils declarassent

que le Roy Ferrand n'estoit de la ligue qu'ils auoient faite de nouveau: où estoit nommé seulement le Pape, le Roy des Romains, le Roy d'Espagne, & le Duc de Milan. Quand i'arruai audit lieu de Venise, ils me recueillirent honorablement: mais non point tant, qu'ils auoient fait au premier coup. Aussi nous estions en inimitié declaree: & la premiere fois, nous estions en paix. Je dy ma charge au Duc de Venise, & il me dit que ie fusse le tresbien venu, & que de brief il me feroit response, & qu'il se conseileroit avec son Senat. Par trois iours ils feirent processions generales, & grandes aumosnes, & sermons publiques, priant Nostre Seigneur qu'il leur donnast grace de prendre bon conseil: & me fut dit que souuent le font en cas semblable: & à la verité, ce me semble la plus reuerete cite, que i'aye iamais venüe, aux choses Ecclesiastiques, & qui ont leurs Eglises les mieux parees & accoustrees: & en cela ie les tien assez esgaux aux Romains: & croi que de là vient la grandeur de leur Seigneurie: qui est digne d'augmenter plus que d'appetisfer. Pour conclusion de mon affaire, i'attendy quinze iours, auant qu'auoir response, qui fut de refus de toutes mes demandes, disans n'auoir aucune guerre avec le Roy; & que ce qu'ils auoient fait, estoit pour aider à leur allié le Duc de Milan que le Roy vouloit destruire. Si feirent parler à part avec moy, le Duc: qui m'offrit bon appointment, qui fut que le Roy Ferrand feroit hommage au Roy; du Royaume de Naples, & du consentement du Pape, & qu'il payeroit cinquante mille ducats l'an de cens, & quelque somme contant, & qu'ils la presteroient: &

entendoient, moyennant ce prest, auoit entre leurs mains, les places qu'ils ont en la Pouille: comme Brandis, Otrante, Trani, & autres. Aussi bailleroit ledit Dom Ferrand, ou laisseroit au Roy quelque place au quartier de la Pouille, pour seureté, & vouloient dire Tarente: que le Roy tenoit encores, & en eust baillé vne ou deux dauantage: & s'offroiēt de les bailler de ce costé là, parce que c'estoit le plus loing de nous: mais ils le couuroient en ce que c'estoit en lieu pour seruir contre le Turc: dont le Roy auoit fort parlé, quand il entra en Italie, disant qu'à ceste fin il faisoit ceste entreprise, & pour en estre plus pres. Qui fut vne tres-meschante inuention: car c'estoit mensonge, & l'on ne scauroit celer à Dieu les pensees. Outre m'offroit ledit Duc de Venise, que si le Roy vouloit entreprendre contre le Turc; qu'il auroit accez en ces places que ie dy, & que toute Italie y contribueroit: & que le Roy des Romains feroit la guerre de son costé aussi, & que le Roy & eux tiendroient toute Italie, & qu'aucun ne contrediroit à ce qu'ils en ordonneroiēt: & que pour leur part seruiroiet le Roy avec cent galees, à leurs despens, & de cinq mille cheuaux par terre.

Ie pri congé dudit Duc & Seigneurie: disant que i'en feroie le rapport au Roy. Ie reuein à Milan, & trouuai le Duc de Milan à Vigescue, où estoit vn Maistre d'hostel du Roy, appelé Rigaut Dorelles, Ambassadeur pour le Roy. Ledit Duc vint au deuant de moy, feignant chasser, car ils sont ainsi honorables aux Ambassadeurs. Il me feit loger en son chasteau, en tres-grand honneur. Ie luy suppliay de pouoir parler

*Le Roy a
abusé l'I-
talie de
l'inuention
de vouloir
passer cōtre
le Turc.*

*Communes
traite avec
le Duc de
Milan.*

à luy à part. Il dit qu'il le feroit : mais il mon-
stroit signe de ne le chercher point. Je le vou-
loie presser de ces nauires, qu'il nous auoit pro-
mis par ce traitté de Verceil, qui estoient en
estat de partir, & encore tenoit ledit chasteau de
Naples, & il feignoit de les bailler : & estoit à
Genes pour le Roy, Perõ de Basche son Maistre
d'hostel, & Estienne de Nenes, qui soudainemēt
m'escriurent, dès ce qu'ils sceurent ma venue
là, se doulans de la tromperie du Duc de Milan,
qui feignoit de leur bailler les nauires, & au con-
traire en auoit enuoyé deux contre nous. L'vn
iour respondit le Gouverneur de Genes, qu'il ne
souffriroit point que lesdites nauires fussent ar-
mees de François, & qu'en chacun n'en mettroit
que vingt cinq, avec maintes autres excuses de
cette sorte, dissimulant & attendant les nouuel-
les que ledit chasteau de Naples fust rédu, où le-
dit Duc scauoit biē qu'il n'i auoit viures que pour
vn mois ou enuiron : & l'armée, qui se faisoit en
Prouence n'estoit point suffisante pour faire le-
dit secours, sans lesdites deux nauires, car les en-
nemis auoient, deuāt ledit chasteau, grosse armee
de mer, tant d'eux que des Venitiens, & du Roy
d'Espaigne. Trois iours ie fu avec ledit Duc.
L'vn iour il se mit en conseil avec moy, se cou-
rouçant que ne trouuoie pas bonne la response,
qu'il faisoit touchant lesdites nauires : & disoit
que par le traitté de Verceil, il auoit bien promis
de seruir avec deux nauires, mais qu'il n'auoit
point promis de laisser monter aucuns François
dessus. A quoy ie respondy que ceste excuse
me sembloit bien maigre : & si d'auenture il
me prestoit vne bonne mule pour passer les

*Tromperie
du Duc de
Milan des-
couuerte
par luy
mesme.*

monts, que feroit-il pour moy, de la me faire mener, & que ien'en eusse que la venë, sans pouuoir monter dessus. Apres longs débats, il me retira en vne galerie à part. Là luy monstray la peine, que d'autres & moy auions prinse, pour ce traitté de Verceil. & le peril en quoy il nous mettoit d'aller ainsi au contraire, & faire ainsi perdre au Roy ses chasteaux, qui estoit la totale perdition du Royaume de Naples, & qui seroit hayne perpetuelle entre le Roy & luy, & luy offri la principauté de Tarente, avec la Duché de Bari: car ja il la tenoit. Luy disoye le peril en quoy il se mettoit, & toute l'Italie, de vouloir consentir que les Venitiens eussent ces places en la Poüille. Il confessoit que ie disoye de tout verité, par especial des Venitiens: mais pour toute conclusion, il me dit qu'il ne pouuoit trouuer avec le Roy, aucune seureté, ne fiance.

Entendez
la Duché
seulement.

Apres ces deuises, ie pri congé dudit Duc de Milan: lequel me conduisit vne lieüe, & au partir aduisa vne plus belle mensonge, si on doit ainsi parler des princes, que deuant, luy semblant bien que ie m'en alloye fort melancolique. Ce fut qu'il me dit soudainement, comme vn homme qui change propos, qu'il me vouloit mon-
strer vn tour d'amy, afin que le Roy eust occasion de me faire bonne chere, & que le lendemain il feroit partir Messire Galeas, qui estoit le tout, quand il me nommoit cestuy-là, pour aller faire partir leldites nauires, & ioindre avec nostre armee, & qu'il vouloit faire seruice au Roy, tel que de luy sauuer son chasteau de Naples, & qu'en ce faisant il luy sauuerait le Royaume de Naples, il disoit vray, s'il l'eust fait, & que

Mensonge
nouuelle
du Duc de
Milan.

quand elles seroient parties, il m'escriuit de sa main, à fin que par moy le Roy en sceust des nouuelles le premier, & qu'il veist que ie luy auroye fait ce seruice, & que le Courrier me ioindroit auant que ie fusse à Lion: & en ceste bonne esperance ie parti, & me mi à passer les monts: & n'ouy venir poste derriere moy, que ie ne cuidasse que ce fust celuy qui me deuoit apporter les lettres dessusdites (combien que i'en faisoie quelque doute cognoissant l'homme) & vin iusques à Chamberi: où ie trouuai Monseigneur de Sauoye qui me feit bõne chere, & me reteint vn iour, & puis ie vein à Lion (sans que mon Courrier vinst) du tout faire mon rapport au Roy: qui lors estoit entendant à faire bonne chere, & à iouster: & d'autre chose ne luy chaloit.

*Le Roy de
retour à
Lion, à se
donner du
bon temps.*

„ Ceux qui auoient esté courrouceez de la paix
„ de Verceil, furent fort ioyeux de la tromperie,
„ que nous auoit fait le Duc de Milan: & en creut
„ leur autorité: & me lanerent bien la teste: com-
„ me on a accoustumé de faire aux Cours des Prin-
„ ces, en semblable cas.

I'estoye bien iré & marri. Je comptay au Roy & monstray par escrit l'offre que les Venitiens luy faisoient, qu'auiez entendu deuant: dont il ne feit aucune estime: & moins encores le Cardinal de Saint Malo: qui estoit celuy qui conduisoit tout. Toutesfoi i'en parlay vne autrefois: & me sembloit qu'il eust mieux valu accepter cest offre, que de perdre tout: & aussi ie ne voyoie point gens pour conduire telle entrepri- se: & n'appelloient aucun: qui leur peust aider, ou le moins souuent que ils pouuoient. Le Roy

P'eust bien voulu : mais il estoit crainctif de des-
plaire à ceux à qui il dōnoit le credit, & par es-
pecial à ceux qui manioient les Finances, comme
ledit Cardinal, ses freres, & ses parens.

Qui est bel exemple pour les Princes, car il faut
faut qu'ils prennent la peine de conduire eux
mesmes leurs affaires, pour le moins quelques-
fois, & en appeller d'autres, selon les matieres, &
les tenir presque esgaux: car s'il y en a vn si grād,
que les autres le craignent (comme fait le Roy
Charles 8. & en a fait iusques ici, qui tousiours en
a eu vn) cestuy là est le Roy & Seigneur, quāt à l'ef-
fet, & se trouue le maistre mal serui, cōme il a esté
de ses gouuerneurs: qui ont tresbiē fait leurs be-
sōignes & mal les siēnes: & en a esté moins estimé.

*Le Roy
crainctif de
desplaire à
ceux à qui
il donnoit
credit.*

*Comment le Roy estant retourné, en France mit en ou-
bly, ceux qui estoient demourez à Naples: & com-
ment Monseigneur le Dauphin mourut, dont le Roy
& la Royne menerent grand dueil.*

CHAP. XIII.

MOn retour à Lyon fut, l'an mil quatre cens
quatre vingts & quinze, le douziesme iour
de Decembre, auquel lieu estoit ja arriué
le Roy, avec son armee: & auoit esté dehors au-
dit voyage, vn an & enuiron deux mois: & te-
noient encores les chasteaux de Naples, comme
i'ay dit peu plus auant, & estoit encores, audit
Royaume de Naples. Monseigneur de Montpē-
sier, Lientenant du Roy, & à Salerne, avec le
Prince du lieu, & Monseigneur d'Aubigny, en
Calabre. (où presque tousiours il auoit esté ma-

*Susliure 7.
chap 1.*

lade : mais bien & grandement y auoit seruy) & messire Gracien des Guerres estoit en l'Abruzzo, Dom Iulian au Mont saint Ange, & Georges de Sully à Tarente : mais, le tout tant pauvre, & tant abandonné, que l'on ne le scauroit penser, sans auoir, à grande peine, vne nouuelle ou lettre : & celles, qu'ils auoyent, n'estoient que men songes, & promesses sans effect. Car (cōme dit est) de soy le Roy ne faisoit rien : & qui les eust fournis des sommes d'argent à heure, dont on a despendu six fois le double, iamais n'eussent perdu le Royau- me. Finalemēt leur vindrēt quarāte mille Ducats seulement qui leur furent enuoyez, quand tout fut perdu, pour part de leur solde d'un an : & y a plus, que, s'ils fussent arriuez vn mois plus tost, les maux & honte, qui leur aduindrent (comme entendez) ne leur fussent pas aduenus, ne les di- uisions ; & tout par faute que le maistre n'expedioit rien de luy, ny n'escoutoit les gens, qui en venoyent : & les seruiteurs, qui s'en mesloyent, estoient peu experimentez & paresseux : & croy que que leur auoit intelligence avec le Pape ; & sembloit que Dieu laissast, de tous poincts, à faire la grace au Roy, qu'il luy auoit faite à l'al- ler.

*Dauphin
de France
mort.*

Après que le Roy eut seiourné à Lion, deux mois, ou enuiron, luy vindrent nouuelles comme Monsieur le Dauphin, son seul fils, estoit en peril de mort : & trois iours apres, luy vindrent nou- uelles qu'il estoit trespasé. Ledit Seigneur en eut dueil : comme la raison le veut : mais peu luy du- ra le dueil : & la Royne de France, Duchesse de Bretagne, appelée Anne, en mena le plus grand dueil, qu'il est possible que femme peust faire.

& longuement luy dura ce dueil , & croy que, outre le dueil naturel que les meres ont accoustumé d'auoir de la perte de leurs enfans, le cœur luy iugéoit quelque grand dommage à venir. Au Roy son mari dura peu ce dueil (comme dit est) & la voulut reconforter de faire danser deuant elle : & y vindrent aucuns ieunes Gentils-hommes, que le Roy y feit venir pour danser, & entre les autres, y estoit le Duc d'Orleans : qui pouuoit bien auoir trente quatre ans, Il luy sembloit bien qu'il auoit ioyé de ladite mort (à cause qu'il estoit le plus prochain de la couronne apres le Roy) & furent long temps apres, sans parler ensemble, pout ceste cause. Ledit Dauphin auoit environ trois ans: bel enfât, & audacieux en parole: & ne craignoit point les choses, que les autres enfans ont accoustumé de craindre : & vous dy que pour ces raisons, le pere en passa aisément son dueil, ayant desia doute que tost cest enfant ne fust grand, & que continuant ses conditions, il ne luy diminuast l'autorité & puissance: car le dit Roy ne fut iamais que petit homme de corps & peu entendu, mais estoit si bon, qu'il n'est possible de voir meilleure creature.

Or entendez quelles sont les miseres des grans Roys & Princes. qui ont paour de leurs propres enfans. Le Roy Louys onzième, son pere, en paour : qui fut si sage & vertueux: mais bien sagement y pourueut, & apres, en l'aage de quatorze ans il le laissa Roy. Ledit Roy Louys auoit auoit fait paour à son pere le Roy Charles septiesme: car il se trouua en armes, & en assemblée contre luy, avec aucuns Seigneurs, & Cheualiers de ce Royaume, en matiere de brouillis

*Charles 8
apprehéde.
la grâdeur
de courage
de son fils
de 3. ans.*

*Bon discours sur
les peines
& doutes
des grands
Princes par
l'exemple
de 3. Roys
de France
s'entre-
suuians.*

*An moins
peu apres
qu'adileut
enfreint sō
commande-
ment.*

de Cour, & de gouuernement & le m'a maintes-
fois compté ledit Roy Louis onzième (ayant
enuiron l'aage de treize ans) mais cela ne dura
point. Mais, depuis qu'il fut homme, il eut
grande diuision avec ledit Charles septième, son
pere: & se retira au Dauphiné, & de là en Flan-
dres, laissant ledit pays du Dauphiné audit Roy
son pere, & est parlé de ce propos au commence-
ment de ces Memoires touchant le regne du-
dit Roy Louys onzième. Aucune creature
n'est exempte de passion: & tous mangeussent
leur pain en peine & en douleur. Nostre Sei-
gneur le leur promit, dès ce qu'il fit l'homme,
& loyaument l'a tenu à toutes gens. Mais les
peines & douleurs sont differentes: & celles du
corps sont les moindres, & celles de l'entende-
ment les plus grâdes. Celles des sages sont d'une
façon: & celles des fols, d'une autre: mais trop plus
de douleur & de passion porte le fol que le sage
(cōbien qu'à plusieurs semble le cōtraire) & si y a
moins de recōfort. Les pauvres gēs (qui trauaillēt
& labourent, pour nourrir eux & leurs enfans, &
payent la taille & les subsides à leurs Seigneurs)
deuroyent viure en grand deconfort, si les grans
Princes & Seigneurs n'auoient que tous plaisirs
en ce monde, & eux travail & misere: mais la
chose va bien autrement: car (si ie me vouloye
mettre à escrire les passions que i'ay veu porter
aux grans, tant hommes que femmes, depuis
trente ans seulement) i'en feroye vn gros liure,
(ie n'enten point de ceux, qui sont des condi-
tions de ceux, qui sont nommez au liure de Bo-
care: mais i'enten de ceux & celles, qu'on
voit en toute richesse, santé, & prosperité) &

*Des Nobles
malheu-
reux.*

ceux, qui ne les pratiquoyent point de si pres comme moy, les reputoyent estre bien-heureux : & si ay veu maintesfois leurs desplayirs & douleurs estre fondez en si peu de raison qu'à grand peine l'eussent voulu croire les gens qui ne les hantoyent point : & la pluspart estoiet fondez en souspeçons & rapports. Qui est vne maladie cachee (qui regne aux maisons des grās Princes) dont maint mal aduient : tant à leurs personnes, qu'à leurs seruiteurs & suiets, & s'en abrege tant leur vie, qu'à grande peine s'est veu aucun Roy en France, depuis Charlemaigne, auoir passé soixante ans. Pour ceste suspiciō quand le Roy Louys onziesme vint & approcha du terme, estant malade de ceste maladie, se iugeoit desia mort. Son pere Charles 7. qui auoit tant fait de belles choses en France, estant malade, se mit en fantaisie qu'on le voulüst empoisonner, parquoy il ne voulut iamais manger. Autres suspitiōs eut le Roy Charles 6. qui deuint fol, & tout par rapport. Ce qui doit estre reputé à grande faute aux Princes, quād ils ne les auerent ou font auerer si ce sont choses qui leur touchent, encores que ne fussent de trop grande importance, car par ce moyē ils n'en auroiet point si souuent, & faudroit en demander aux personnes l'un deuant l'autre. I'entends l'accusateur & de l'accusé : & par ce moyen ne se feroit aucun rapport, s'il n'estoit veritable. Mais il en y a de si . . . bestes, qu'ils promettent & iurent n'en dire rien : & par ce moyen ils emportent aucunesfois ces angoisses dont ie parle, & si hayent le plus souuent les meilleurs & les plus loyaux seruiteurs qu'ils ayent, & leur font des dommages, à l'ap-

*Souspeçons
& rapports
maladies
cachees
aux mai-
sons des
grands.*

*Il entend
des Princes*

petit & rapport de plusieurs meschans: & par ce moyen font de grans torts, & de grans griefs à leurs suiets.

Comment les nouuelles de la perte du chasteau de Naples veindrent au Roy, de la vendition des places des Florentins à diuerses gens, du traitté d'Atelle en la Pouille, au grand domnage des François, & de la mort du Roy Ferrand de Naples.

CHAP. XIII.

*Famine se
roit possible
meilleur
parauant il
dit d'An
jou mais si
l'un est co-
pris dedans
l'autre tous
deux se-
roient bös.*

LE trespas de Monseigneur le Dauphin, seul fils du Roy Charles 8. fut enuiron le commencement de l'an mil quatre cens quatre vingts & seize. Qui luy fut la plus grande perte, que iamais luy fut aduenüe, ne que luy peüst aduenir: car iamais n'a plus eu enfant qui ait ves-
cu. Ce mal ne vint point seul: car en ce propre temps, luy vindrent nouuelles que le chasteau de Naples estoit rendu par ceux que Monseigneur de Montpensier y auoit laissez, par .: fa-
ueur, & aussi pour auoir les ostages, que ledit Seigneur de Montpensier auoit baillez (qui estoient Monsieur d'Alegre, vn des enfans de la Marche d'Ardaine, & vn appelé de la Capelie .: de Loudonnois, & vn appelé Iehan Roquebertin, Catelan) & reuindrent par mer ceux, qui estoient audit chasteau. Vne autre honte & domnage luy aduint: c'est qu'un appelé Entraques (qui tenoit la Citadelle de Pise: qui estoit le fort, & qui tenoit ceste cité en suiection) bail-
la ladite Citadelle aux Pisans. Qui estoit allé cõ-
tre le serment du Roy: qui deux fois iura aux
Florentins

Florentins de leur rendre ladite Citadelle, & autres places : comme Serzane, & Serzanelle, Pietresancte, Librefacto, & Mortron : que les Florentins auoient presté audit Seigneur, à son grand besoin, & necessité: à son arriuee en Italie, & donné six vingts mille ducats: dont il n'en restoit que trente mille à payer, quand nous repassames: comme en quelque autre endroit en a esté parlé. Brief, toutes ces places furent vendues. Les Geneuois acheterent Serzane & Serzanelle: & les leur vedit vn Bastard de Saint Paul. Pietresancte vendit encores ledit Entragues aux Luquois, & Librefacto aux Venitiens, le tout à la grande honte du Roy, & de ses suiets, & au dommage & consummation de la perte du Royaume de Naples. Le premier serment (comme dit est ailleurs) que le Roy feit de la restitution desdites places, fut à Florence, sus le grand autel, en la grande Eglise de Saint Iean. Le second fut en Ast, quand il fut retourné, & presterent les Florentins trente mille ducats content audit Seigneur, qui en auoit bien grand besoing, par condition que, si Pise se rendoit, le Roy ne parleroit rien de ladite somme, & seroient rédus les gages & bagues qu'on leur bailloit: & si deuoient prester audit Seigneur encores soixante mille ducats, & les faire payer content, au Royaume de Naples, à ceux qui encores estoient là pour le Roy, & tenir audit Royaume, trois cens hommes-d'armes continuellement, à leurs despens, au seruice dudit Seigneur iusques à la fin de l'entreprise & pour ceste mauuaitie dire rien ne se feit de ces choses, & salut rendre lesdits trente mille ducats, que les Flo-

Entragues vend les places tenans pour le Roy en Italie.

tentins auoient prestez, & aduint tout ce domage par faute d'obeissance, & par rapports en l'oreille: car aucuns, des plus pres de luy donnerent cœur audit Entragues d'ainsi le faire.

En ce mesme temps, deux mois plus ou moins au commencement de ceste année mil quatre cens quatre vingts & seize, voyans Monsieur de Mont-pensier, & le Seigneur Virgilé Vrsin, messire Camille Vitelly, & autres Capitaines François, que tout estoit ainsi perdu se mirent aux champs, & prirent quelques petites places: & là leur vint au deuant le Roy Ferrand, fils du Roy Alphonse (qui s'estoit vouié de religion, comme auez veu deuant) avec ledit Marquis de Mantoue, frere de la femme dudit Montpensier & Capitaine general des Venitiens: qui trouuerent logé ledit Montpensier, en vne ville appelee Atelle, lieu tres-avantageux pour eux, pour auoir viures, en vn haut: & y fortifierent leurs logis, comme ceux qui craignoient la bataille: car ledit Roy Ferrand, & ses gens, auoient tousiours esté batus en tous lieux, & ledit Marquis, en venant à Fornoue, où nous auions combattu: & l'auoient les Venitiens presté au Roy Ferrand: auquel ils presterent aussi quelque somme d'argent: qui valoit peu, pour les gages qu'ils en prirent, car ils en eurent six places en la Pouille de grande importance (comme Brandis, Trany, Galipoly, Crana, Otrante, & Monopoly, qu'ils auoient prises sus nous) & compterent le seruice de leurs gens-d'armes qu'ils auoient audit Royaume: & tant qu'ils tiennent lesdites places pour deux cens mille ducats, & puis veulent compter la despesse de les garder, & croy que leur

*Venitiens
comptent à
leur auan-
tage.*

intention n'est point, de les rendre: car ils ne l'ont point de coustume, quand elles leur sont bien seantes: comme sont celles cy qui sont du costé de leur Golfe de Venise: & par ce moyen, sont vrays Seigneurs du Golfe (qui est vne chose qu'ils desirent) & me semble que dudit Otrante, qui est le bout du Golfe, y a neuf cens mils iusques à Venise. Le Pape y a eu autres places entre deux: mais il faut que tout paye gabelle à Venise: si on vent nager par ledit Golfe. Or est-ce grand chose à eux, d'auoir acquis ces places, & plus que beaucoup de gens n'entendent: car ils en tirent grans bléz & huiles: qui leur sont deux choses bien seantes.

Audit lieu, dont ie parle, suruint question entre les nostres, tant pour les viures, qui se commencerent à diminuer, que pour faute d'argent. Car il estoit deu aux gens d'armes vn an & demy, & plus: & auoient endure grandes pauuretez. Aux Alemans estoit aussi deu largement: mais non tant: car tout l'argent que Monsieur de Montpensier pouuoit finer au Roiaume, estoit pour eux: toutesfois il leur estoit leub vn an, & plus Ils auoient pillé plusieurs petites villes: dont ils estoient enrichis: Si les quarante mille ducats qu'on leur auoit promis enuoyer y eussent esté, ou que l'on eust sceu qu'ils eussent esté à Florence, le debat qui y auint n'y fust point aduenu: mais tout estoit sans espoir. Plusieurs des Chefs m'ont dit, que si nos gens eussent esté d'accord pour combattre: il leur sembloit qu'ils eussent gagné la bataille: & quand ils l'eussent

perdue, ils n'eussent point perdu les hens qu'ils perdirent en faisant vn si vilain accord, qu'ils feirent. Montpensier & ledit Virgile Vrsin (qui estoient les deux Chefs) vouloient la bataille: & ceux-là sont morts en prison, & ne leur fut point obserué ledit appoinctement. Ces deux que ie dy, chargerent Monseigneur de Perci, vn ieune Cheualier d'Auuergne, d'auoir este cause que l'on ne combatist: & qu'il estoit vn tres-mauuais Cheualier & peu obeissant à son Chef.

Perci chargé d'estre mauuais Cheualier.

Suisses ont bien serui le Roy au fais de Naples.

Lansquenets hayssent les Suisses.

Ce passage est vn peu douloureux.

Il y auoit deux sortes d'Alemans en cest Ost. Il y pouuoit auoir quinze cens Suisses: qui y auoient esté dès ce que le Roy y alla. Ceux-là le seruirent loyaument, iusques à la mort, & tant que plus on ne scauroit dire. Il en auoit d'autres que nous appellons communement Lansquenets (qui vaut autant à dire comme compaignons du pays) & ceux là hayent naturellement les Suisses. Ils sont de tous pays; comme de dessus le Rhin, du pays de Suauue. Il y en auoit aussi du pays de Vallay en Sion, & du pays de Gueldres. Tout cecy montoit sept ou huit cens hommes qu'on y auoit enuoyez nouuellement avec payement de deux mois: qui estoit mangé, & quand ils arriuerent là, ils ne trouuerent autre payement. Ceux cy, se voyans en ce peril, ne nous porterent point l'amour que font les Suisses. Ils pratiquerent, & se tournerent du costé dudit Dom Ferrand: & pour ceste cause, & pour la diuision des Chefs, nos gens feirent vn vilain appointement avec ledit Dom Ferrand: qui bien iuta de le tenir: car ledit Marquis de Mantouë voulut bien assenter la personne de son beaufrere Monsieur de Montpensier.

Par ledit accord ils se rendirēt tous en la main de leurs ennemis, & leur baillèrent toutel'artillerie du Roy : & leur promirent faire rendre toutes les places, que le Roy auoit audit Royaume : tant en Calabre (où estoit Monseigneur d'Aubigni) qu'en l'Abbruzzo (où estoit messire Gracien des Guerres) auec Caiette & Tarente : & par ce moyen ledit Roy Ferrand les deuoit enuoyer en Prouence par mer leurs bagues sauues : lesquelles ne valoient gueres. Ledit Roy Ferrand les feit tous mener à Naples, & estoient cinq ou six mille personnes, ou plus. Si deshonneste appointment n'a esté fait de nostre temps, & n'en ay leu de semblable fors celuy, qui fut fait par deux Cōsuls Romains, cōme dit. Titus Liuius, auec les Samnitiens, qu'on veut dire estre ceux de Beneuent, en vn lieu appelé lors les Furques Caudines, qui est certain pays de montaignes, lequel appointment les Romains ne voulurent tenir, & renuoyerent prisonniers les deux Consuls aux ennemis.

*Accord
honteux
la redditiō
de Naples.*

*. Cest en
6 liure de
la premiere
Decade.
Furcula
Caudine.*

Quand nos gens eussent combatu, & perdu la bataille, ils n'eussent point perdu tant de morts car les deux parts des nostres y moururent, par famine ou peste dedans les Nauires, en l'Isle de Prusse, où ils furēt enuoyez depuis par ledit Roy Ferrand, & mesmes y mourut Monsieur de Mōtpēfier, aucuns disent de poison, & autres de fieure ce que ie croy mieux, & ne croy point que de tout ce nombre reuinſt iamais quinze cens personnes : car des Suisses qui estoient bien treize cens n'en reuinſt point plus de trois cens cinquante, tous malades, lesquels doiēt estre loiez de loyauté : car iamais ne voulurent prendre le

party du Roy Ferrand : & eussent auant endure la mort , comme plusieurs feirent audit lieu de Prusse , tant de chaleur & de maladie , comme de faim : car on les tint en ces Nauires par long temps , en si grande extremite de viures , qu'il n'est possible de le croire. Le vei reuenir ceux qui en reuindrent , & par especial les Suisses , qui rapporterent toutes leurs enseignes : & monstroient bien , à leurs visages , qu'ils auoient beaucoup souffert : & tous estoient malades : & quand ils partirent des Nauires , pour vn peu prendre l'air , on leur haussioit les pieds. Ledit Seigneur Virgile s'en pouuoit bien aller en ses terres , par ledit appointment & son fils , & tous les Italiens , qui seruoient le Roy , toutes-fois ils le tindrent : sondit fils legitime aussi , car il n'en auoit qu'vn. Bien auoit vn bastard , homme de bien , appelé le Seigneur Carlo. Plusieurs Italiens , de leur compaignie , le destrousserent en s'en allant. Si ceste male aduenture ne fust tombee que sus ceux qui auoient fait ledit appointment , on ne les deuoit point plaindre.

Tost apres que ledit Roy Ferrand eut receu cet honneur dont i'ai parlé dessus : & que de nouveau auoit esté marié avec la fille de son grād pere le Roy Ferrand (qu'il auoit eue de la sœur du Roy de Castille , de present regnant : & si estoit sœur du Roy Alphonse son propre pere , estant ieune fille de treize ou quatorze ans) il prit vne fièvre continuë , dont en peu de iours mourut : & vint la possession du Royaume au Roy Federic , qui de present le tient , oncle dudit Ferrād. Ce me sēble honneur de parler d'vn tel mariage : dōt en ont fait plusieurs en ceste maison de fresche

*Incestasre
marquez
du neuueu
la tante.*

memoire, & cōme depuis 30. ans en ça. Ladite mort fust tost apres ledit appointment qui fut fait en la ville d'Atelle, l'an mil quatre cens quatre vingts & seize. Ledit Roy Dom Ferrand (quand il viuoit) & ledit Dom Federic, depuis qu'il fut Roy, s'excusoient sur ce que Monseigneur de Montpésier ne faisoit point rendre lesdites places, qu'il auoit promises, en faisant ledit traicté: car Caiette, & autres, n'estoiēt point en sa main; & cōbien qu'il fust Lieutenant du Roy, si n'estoient point tenus ceux, qui tenoient les places pour le Roy, de les rendre par son cōmandement: cōbien que le Roy n'y eust gueres perdu: car elles cousterent beaucoup depuis à garder & aitailler: & si se perdirent: & ne pense mentir car i'estoie presēt à voir despescher trois ou quatre fois ceux, qui allerēt pour aitailler & secourir les Chasteaux de Naples, & vn coup, & apres iusques à trois pour aitailler Caiette, que ces quatre voyages cousterent plus de trois cens mille francs, & si furent voyages perdus.

*chasteaux
de Naples
cherement
aitaillés
& perdus.*

Comment quelques pratiques menees en faueur du Roy par aucuns Seigneurs d'Italie tant pour Naples que pour debasser le Duc de Milan, furent rompues par faute d'y enuoyer, & comment vne autre entreprise contre Genes, ne peut aussi venir à bon effect.

CHAP. XV.

DEpuis le retour du Roy, dudit voyage de Naples, (comme dit est) il se tint à Lyon long temps, à faire tournois & ioustes, de-

*Service des
Italiens de
despence
insupporta-
ble.*

*S'attend'e
(possible.)*

si tant tousiours ne perdre point ses places dont j'ai parlé, & ne luy chaloit qu'il lui coustast: mais aucune peine ne vouloit prendre pour entendre à son affaire. Pratiques lui venoient assez d'Italie, & de grandes, & seures, pour le Royaume de France, qui est fort de gens, & largement blez en Prouence & Languedoc, & autres pays pour y enuoier argent. Mais à vn autre Prince: que le Roi de France, seroit tousiours se mettre à l'hospital de vouloir: entendre au service des Italiens & à leurs entreprises & secours, car tousiours y mettra ce qu'il aura, & n'acheuera point: car ceux-là ne seruent point sans argent: & aussi ils ne pourroient si ce n'estoit vn Duc de Milan, ou vne des plus grandes Seigneuries, mais vn pauvre Capitaine (encores qu'il eust bonne affection de servir vn Prince de la maison de France, qui pretendist raison au Royaume de Naples, ou vn autre pretendant droict à la Duché de Milan) quelque loiauté qu'il tinst, si ne le vous scauroit il servir gueres longuement, apres le payement failli: car ses gens le laisseroient, & le pauvre Capitaine auroit perdu son vaillant: car la pluspart n'ont rien que le credit, que leur donnent leurs gens d'armes: lesquels sont paieez de leur Capitaine, & lui se fait payer de celui qui sert: & ne scauroit on demãder en Italie que la partialité. Mais, pour scauoir qu'elles ont esté ces pratiques, que j'ai dites, si grandes, furent, qu'elles commencerent auant que Caiette fust perdue, & durerent encores depuis, deux ans apres le retour du Roi, quand le Duc de Milan ne tenoit choses qu'il eust promises. Ce qu'il ne faisoit point du tout

par tromperie, ne malveillance : mais en partie de crainte: car il craignoit, si le Roy estoit si grād qu'il ne le desfeist. Apres il estimoit aussi le Roy estre de peu de tenuë & seureté. Il fut entrepris finalement que le Duc d'Orleans iroit en Ast, avec vn nombre de gens bon & grand, & le ve prest à partir: & tout son train partir. Nous estiōs asseurez du Duc de Ferrare, avec cinq cens hommes d'armes, & deux mille hommes de pié, comme biē qu'il fust beau-pere du Duc de Milā: car il le faisoit pour s'oster du peril, où il se voyoit estre entre les Venitiens & le Duc, pource que pieça (comme a esté autresfois veu dessus) lesdits Venitiens luy auoient osté le Polesan, & ne demandoient que sa destruction. Il eust preferé sa seureté, & de ses enfans, à l'amitié de son gendre, & paraenture luy sembloit que ledict Duc s'appointeroit avecques le Roy, quand il se verroit en ceste crainte. Le semblable eust fait par sa main, le Marquis de Mantouë, qui nagueres estoit Capitaine des Venitiens, & encores estoit, mais en suspicion d'eux: & luy malcontent d'eux, seiournoit avec son beau-pere le Duc de Ferrare, avec trois cens hommes d'armes: & si auoit pour femme, & a encores, la sœur de la Duchesse de Milan, & fille du Duc de Ferrare. Messire Iean Betiuolle (qui gouuerne Boulongne, & est comme Seigneur) eust fourny cent cinquante hommes d'armes, & deux de ses fils, qui auoient gens-d'armes, & de bonnes gens de pié, & si est assis en lieu où il pouuoit bien seruir contre le Duc de Milan. Florentins (qui se voyoient destruits, si par quelque grand inconuenient ne se ressourdoient) de paour d'estre

desfaïtis de Pise & d'autres places dont il a esté parlé, fournissoient huiet cens hommes d'armes, & cinq mille de pié; & cela à leurs despens: & auoient prouision de leurs payemens pour six mois. Les Vrsins, & aussi le Prefect de Rome, frere du Cardinal de Sainct Pierre ad vincula: dōt plusieurs fois a esté parlé (car ils estoient à la solde du Roy,) eussent bien amené mille hommes d'armes. Mais entendez que la suite de leurs hommes d'armes n'est pas telle que celle des nostres, qui ont Archers: mais la solde est assez pareille. Car vn homme d'armes, bien payé couste cent Ducats l'an, & il nous faut le double pour les Archers. Ces gens soudoyez faisoit bien payer, mais aux Florentins rien. Quant au Duc de Ferrare & au Marquis de Mantouë, & à Bentiuolle, ils parloient seulement de leurs despens: car ils pretendoient gain de terres, aux despens du Duc de Milan: & s'il se fust trouué souuent assailly de ce qu'eust mené le Duc d'Orleans, & de tous ceux que j'ay nommez, ceux qui se fussent sceu mettre en ordre, pour le defendre (comme les Venitiens) n'eussent esté prests, à moins de quatre vingt mille escus, deuant qu'il eust esté contraint de se tourner du costé du Roy, qui eust tenu tous ces Italiens aux champs long temps, & de faict, le Duc de Milan gaigné, le Royaume de Naples se recouuroit de soi-mesme.

La faute d'esprouuer celle belle aduenture vint de ce que ledit Duc d'Orleans mua de propos, combien qu'on entendoit qu'il deust partir du soir au matin: parce qu'il auoit enuoie; deuât toutes choses, qui seruoient à la personne, & ne restoit que lui à partir, & l'armee prest & payee.

Car en Ast auoit huiet cens hommes d'armes François, & bien six mille hommes de pié, dont y en auoit quatre cens Suisses. Ledit Duc d'Orleans, ayant ainsi mué propos, requist au Roy par deux fois, qu'il lui pleust mettre ceste matiere au conseil. Ce qui fut fait, par deux fois: & m'i trouuai present à toutes les deux fois: & fut conclu, sans yne voix au contraire, & si y auoit tousiours dix ou douze personnes pour le moins, qu'il y deuoit aller, veu qu'on auoit asseuré tous les amis en Italie, qui dessus sont nommez, lesquels ja auoient fait grosse despence, & se tenoient prests. Lors dit ledit Duc d'Orleans, qui estoit de quelcun conseille, où fuyoit son partement, parce qu'il voioit le Roi assez mal disposé de sa santé: dont il deuoit estre propre heritier, s'il venoit à mourir: qu'il ne partiroit point pour y aller pour sa propre querelle, mais que tresuolôtiers iroit ôcme Lieutenant du Roy, & par son commandement; & ainsi finit ce conseil. Le lendemain, & plusieurs autres iours apres, presserent fort les Ambassadeurs Florétins, & plusieurs autres, le Roi, pour faire partir ledit Duc d'Orleans: mais le Roi respōdit qu'il ne l'enuieroit iamais à la guerre par force. Parquoi ce voyage fut ainsi rōpu, & en desplaisoit au Roy, qui en auoit fait grande despense, & auoit grande esperance de se venger du Duc de Milan, veu lesdites intelligences, & nouuelles qu'il pouuoit auoir eues à l'heure d'autres intelligēces, qu'auoit messire Iean Iaques de Treuoul qui estoit Lieutenant general pour le Roy & pour le Duc d'Orleans, & natif de ceux de Milan, & fort aimé & apparenté en ladite Duché de Milan, on auoit

*Le Duc
d'Orleans
refusa le
voyage
d'Italie.*

largement gens, qui auoient bonne intelligence avec luy, tant de ses parens, comme d'autres.

Faillie ceste entreprise, en suruint tost vne
Entreprises sur Genes faillies. autre, voire deux, ou trois, à vn coup de Genes, là où ils sont enclins à toutes mutations. L'vne se dressoit par Messire Baptiste de Campesfourgouse, qui estoit vn grand Chef entre ces partialitez de Genes : mais il en estoit banni, & n'y pouuoit sa partialité rien, ne ceux d'Orie, qui sont Gentilshommes, & ceux de Fourgouse non. Lesdits d'Orie sont partisans desdits Fourgouses, & ne peuuent estre Ducs, à cause qu'ils sont Gentilshommes. Car vne Gentilhomme ne le peut estre : & ledit Messire Baptiste l'auoit esté, n'i auoit gueres; & auoit esté trompé par son oncle le Cardinal de Genes, & cestui là auoit mis la Seigneurie de Genes en la main du Duc de Milan (il n'y a pas encores fort long temps) & gouernoient à Genes les Adornes, qui aussi ne sont point Gentilshommes : mais souuent ont esté Ducs de Genes, aidez par les Spinoles, qui sont aussi Gentilshommes : & ainsi les Nobles sont bien vn Duc à Genes, mais ils ne le peuuent estre. Ledit Messire Baptiste esperoit mettre en armes sa partialité, tât en la cité qu'aux champs, & que la seigneurie seroit au Roy, & que luy & les siens gouuérneroient & chasseroient les autres dehors. L'autre entreprise estoit que plusieurs personnes de Sauonne s'estoient adressez au Cardinal S. Pierre aduincula, asseurant de luy pouuoir bailler ladite ville de Sauonne, esperant estre en liberté : car elle est sous la ville de Genes : & payent les gabelles. Qui eust peu auoir ce lieu Genes eust esté fort à destroit, veu que le Roy

Vn Gentilhomme ne peut estre Duc à Genes.

tient le pays de Prouence, & que Sauoie est à son commandement. Pour toutes ces nouvelles manda le Roy à Messire Jean Iaques de Treuoul, que il feist espaule audit Messire Baptiste de Campesfourgouse, & prestast des gens pour le conduire iusques aux portes de Genes, pour veoir si partialité se pourroit leuer. D'autre costé fut empressé du Cardinal S. Pierre ad vincula, qui feist tant que le Roy escriuit aussi, audit Messire Iaques, qu'il enuoïast des gens avec ledit Cardinal, pour le conduire iusques à Sauonne: & luy mandoit de bouche par le Seigneur de * Seruon en Prouence, amy dudit Cardinal, & treshardy par leur. Ledit Roy mandoit aussi Messire Jehan Iaques qu'il se mist en lieu, où il peult faire espaule aux deux bandes, & qu'il n'entreprist rien sus le Duc de Milan: ne contre la paix qu'on auoit faite la saison deuant, avec ledict Duc, comme l'on a peu veoir ailleurs. Or estoient ces commandemens bien differens, & ainsi se despeschent les affaires des grands Princes; quand ils n'y sont point presens, & qu'ils sont soudains à commander lettres, & expedier gens, sans bien ouyr debatre deuant les expeditions de si grosses entreprises. Or entendez: quant à ce que demandoit ledit Messire Baptiste de Campesfourgouse, & à ce que cherchoit ledit Cardinal que c'estoit chose impossible de fournir aux deux à vn coup. Car, d'aller iusques aux murs de Genes, sans grand nombre de gens, il ne se pouuoit faire: car il y a grand peuple dedans, hardis, bien armez, & vaillans gens: &, en baillant aussi compaignie au Cardinal, l'armee estoit departie en trois (car il falloit qu'il en demeurast audit Messire Jean Iaques) & si arriuerent à Genes & à Sauonne, beau-

* Parauant
il en nōme
vn (de Ser-
uon,) que
ie pense e-
stre cestuy-
cy escript
par vn C.
au Verger
d'honneur

coup de gens que le Duc de Milan y auoit enuoyez, & les Venitiens, qui tous auoient bien grand' paour que Genes tournast : & si auoit Dom Federic & le Pape.

Or Messire Iean Iaques auoit eu vne tierce entreprise en son cœur : car il eust voulu tout droit tirer contre le Duc de Milan, & laisser les autres entreprises; & qui l'eust laissé faire, il eust fait grandes choses: & commença. Car sous couleur d'escrire au Roy qu'il ne pouuoit autremēt garder de ce dommage ceux qui iroient à Genes ou à Saouonne, il s'en alla mettre sur le grand chemin, par où l'on pouuoit venir d'Alexandrie vers Genes, car par ailleurs que par ce chemin, ne pouuoit le Duc de Milan enuoyer gens, pour courir sus aux nostres, & prit ledit Messire Iean Iaques trois ou quatre petites villes, qui luy ouurirent : & disoit ne faire point de guerre audit Duc pour cela, veu qu'il estoit necessaire qu'il s'y mist, & aussi que le Roy n'entendoit point faire guerre audit Duc, pour auoir Genes ou Saouonne, s'il eust peu : disant qu'ils sont tenus de luy, & qu'ils auoient forfait. Pour satisfaire au Cardinal, ledit Messire Iean Iaques luy bailla partie de l'armee, pour aller à Saouonne. Il trouua la place garnie, & son entreprise rompuë & s'en réuint. On en bailla d'autres audit Messire Baptiste, pour aller à Genes, s'assurant fort de ne faillir point. Quand il eut fait trois ou quatre lieues, ceux qui alloient en sa compagnie, entrerent en aucunes doutes de luy, tant Allemans que François. Toutesfois c'estoit à tort : mais leur compagnie, qui n'estoit pas grande, se fust mise en danger d'y aller, si la partialité ne se fust

leuee: & ainsi faillirent toutes ces entreprises: & estoit ia fort le Duc de Milan, qui auoit esté en grand peril si on eust laissé faire le Seigneur Iean laques, & luy estoient venus beaucoup de gens des Venitiens. Nostre armée se retira, & donna l'on congé aux gens de pié: & furent laissées ces petites villes, qu'on auoit prises, & cessa la guerre, à peu de profit pour le Roy: car fort grand argent s'y estoit despendu.

De quelques dissensions d'entre le Roy Charles & Ferrand de Castille, & des Ambassadeurs enuoyez de l'un à l'autre pour les appaiser.

C H A P. X V I.

DEpuis le commencement de l'an mil quatre cens quatre vingts & seize, que ja le Roy estoit deçà les monts, trois ou quatre mois auoit, iusques en l'an mil quatre cens quatre vingts & dix huiet, ne fait le Roy autre chose en Italie: & me trouuay tout ce temps avec luy: & estoie present à la pluspart de ces choses: & alloit le Roy de Lion à Moulins, & de Moulins à Tours, & par tout faisoit des tournois & des ioustes, & ne pensoit à autres choses. Ceux qui auoient plus de credit à l'entour de luy estoient tant diuisez, que plus ne pouuoient. Les vns vou-

*Dix frons
au conseil
du Roy
Charles.*

loient que l'entreprise d'Italie continuast, c'estoient le Cardinal & le Seneschal, voyans leur profit & autorité en la continuant: & passoit tout par eux. D'autre costé estoit l'Admiral, qui auoit eu toute l'autorité avec le ieune Roy, auant ce voyage. Cestuy-là vouloit que les entre-

prises demourassent de tous poincts:& y voyoit son profit, & moyen de retourner à sa premiere autorité, & les autres la perdre : & ainsi passerent les choses vn an & demy, ou enuiron.

Durant ce temps alloient Ambassadeurs deuers le Roy, & Roine de Castille. Car fort desiroit le Roy d'appaiser ce bout: qui estoit en guerre:& estoient forts par mer & par terre: & combien que par la terre feissent peu d'exploit, par mer auoiët fort aidé au Roy Ferrand & Federic: car le pays de Cecile est voisin au Royaume de Naples, d'vne lieuë & demie, à l'endroit de Reges en Calabre & * aucuns veulent dire qu'antresfois fut toute terre, mais que la mer a fait ceste ouuerture, que l'on appelle de present le Far de Messine:& de Cecile, dont les Roy & Roine de Castille estoient Seigneurs, viennent grands secours à Naples, tât de Caraualles, qu'ils auoiët enuoyé d'Espaigne, que de gens : & en Cecile mesme se trouua quelque nombre d'hommes d'armes, qui estoient passez en Calabre, avec vne quantité de Genetaires: & faisoient la guerre à ceux qui estoient là pour le Roy. Leurs nauires estoient sans cesse avec ceux qui estoient de la ligue: & ainsi quand tout estoit assemblé, le Roy estoit de beaucoup trop foible par la mer. Par ailleurs feit le Roy de Castille peu de dommage au Roy. Vray est que grand nombre de gens de cheual entrerent en Languedoc, & y feirent du pillage, & coucherent audit pays, & y en eut plusieurs qui furent sur ledit pays deux ou trois ou quatre iours : mais autre exploit ne feirent-ils. Monseigneur de Saint André, de Bourbonnois, estoit à ceste frontiere, pour Monseigneur le Duc de

*Virgile est
de ceux là
au 3. l. des
Æneïdes.

Duc de Bourbon, gouuerneur de Languedoc. Celuy là entreprit de prendre Sausses, vne petite ville, qui estoit en Roussillon: car de là ils faisoient la guerre au Roy deux ans deuant; & leur auoit le Roy rendu ledit pays de Roussillon où est assis le pays de Parpignan & ceste petite ville est du pays. L'entreprise estoit grande, par ce qu'il y auoit largement gens; selon le lieu, & des Gentilshommes de la maison du Roy de Castille mesme, & leur armee aux champs logee à vne lieuë près: qui estoit plus grosse que la nostre. Toutesfois ledit Seigneur de S. André conduisit son entreprise si sagemēt, & si secretemēt, qu'en dix heures il prit ladite place (comme ie vey) par assaut: & y mourut 30. ou 40. Gentilshommes d'estime, Espaignols & entre les autres, le fils de l'Archeuesque de S. Iaques, & trois ou quatre cens autres hommes: lesquels ne s'attendoient point que si tost on les deust prendre: car ils n'entendoient point quel exploit faisoit nostre artillerie: qui à la verité passe toutes les artilleries du monde.

*Roussillon
renu par
le Roy Ch.*

*Artillerie
de France
passe toutes
les autres.*

Voila tout l'exploit, qui fut fait entre ces deux Roys: mais ce fut honte & descry au Roy de Castille: veu que son armee estoit si grosse: mais, quand Nostre Seigneur veut commencer à punir les gens il leur aduient volontiers de telles petites douleurs au commencement: car il en aduient bien de plus grandes audit Roy & Roynes tost apres: & si feit-il à nous. Grand tort auoient lesdits Roy & Roynes d'ainsi s'estre periurez enuers le Roy, apres ceste grande bonte qu'il leur auoit faite de leur auoir rendu ledit pays de Roussillon: qui tant auoit cousté à son

*Roy de
Castille
ayans tort
au Roy.*

*Alliances
estroytes de
Castille &
de France.*

Ipere à reparer, & garder, lequel l'auoit en gage pout trois cens mille escus, qui leur quitta : & fait tout cecy, à fin qu'ils ne l'empeschassent point à la conqueste, qu'il esperoit faire dudict royaume de Naples : & refeirent les anciennes alliances de Castille, qui sont de roy à roy, de royaume à royaume, & d'homme à homme de leurs suiets, & ils promirent de ne l'empescher point à ladite cōqueste, & de ne marier aucunes de leurs filles en ladite maison de Naples, d'Angleterre, ne de Flandres : & ceste estroite offre, de mariage, vint de leur costé : & en fait l'ouuerture vn Cordelier, appelé frere Jean de Mauleō, de par la Royne de Castille, & des qu'ils veirent la guerre encommencee, & le Roy à Rome, ils enuoierent leurs Ambassadeurs par tout, pour faire alliances contre le Roy : & mesmes à Venise, où i'estoie : & la se fait la ligue, dont i'ay tant parlé ; du Pape, du roy des romains, d'eux, de la Seigneurie de Venise, & du Duc de Milan : & incontinent commencerent la guerre au roy : disant que telle obligation n'estoit point de tenir : c'est à sçauoir de ne pouoir marier leurs filles, dont ils en auoient quatre, & vn fils, à vn de ces roys dont i'ay parlé : & d'eux-mesmes estoit venue ceste ouuerture, comme auez veu.

Or, pour retourner à mon propos, quand toutes ces guerres d'Italie furent faillies, & que le roy ne tenoit plus que Gaiette audit royaume de Naples, car encores la tenoit-il, quand les pratiques de paix commencerent entre lesdits roys : mais tost apres fut perduë, & aussi ne se faisoit plus aucune guerre du costé de Roussillon, mais gardoit chacun le sien, ils enuoierent

vers le roy Charles, vn Gentil-homme; & des Religieux de Montferrat: car toutes leurs œu-
ures ont fait mener & conduire, par telles gens,
ou par hypocrisie, ou à fin de moins despendre:
car ce frere Iean de Mauleon, Cordelier dont a
esté parlé, mena le traitté de faire rendre Roussil-
lon. Ces Ambassadeurs, dont i'ay parlé, prièrent
au roy, d'entree, qu'il luy pleust iamais n'auoir
souuenance du tort que lesdits roy & royne:
luy tenoient, on nomme tousiours la royne: par
ce que Castille est de son costé: & aussi elle en
auoit la principale autorité: & a esté vn fort
honorabile mariage que le leur, & apres com-
mençoient vne trefue, y coprenant toute leur
ligue, & que le roy demourast en possession de
Gaiette, & autres pieces, qu'il auoit audit roiau-
me de Naples, & qu'il les pourroit aitailler à
son plaisir durant la trefue: & que l'on prist vne
iournee, où se trouueroient Ambassadeurs de
toute la ligue, pour traitter paix, qui voudroit
& apres vouloient continuer lesdits roys en
leur conqueste, où entreprise, sur les Maures: &
passer la mer, qui est entre Grenade & Afrique:
dont la terre du roy de Fesse leur estoit la plus
prochaine, toutesfois aucuns ont voulu dire que
leur vouloir n'y estoit point, & qu'ils se conten-
teroient de ce qu'ils auoient fait: qui est d'auoir
conquis le royaume de Grenade: qui, à la veri-
té a esté vne belle & grand' conqueste, & la plus
belle qui ait esté de nostre temps, & que iamais
leurs predecesseurs ne sçeurēt faire: & voudroie,
pour l'amour d'eux que iamais n'eussent entēdu
à autre chose, & tenu à nostre roy ce qu'ils
luy auoient promis. Le roy r'enuoia, avec leurs

*Rois de Cas-
tille font
mener leurs
affaires par
Religieux.*

*Grenade
conqueste
fort hono-
rable pour
les Roys.
Castille.*

Ambassadeurs, le Seigneur de Clerieux, du Dauphiné: & taschoit le Roy de faire paix ou trefue avec eux, sans y comprendre la ligue: mais toutesfois, s'il eust accepté leurdit offre, il eust sauué Gaiette: qui estoit assez bien suffisante, pour recouurer le Royaume de Naples, veu les amis, que le Roy y auoit. Quand ledit de Clerieux reuint, il apporta pratique nouuelle: & ia estoit perdue Gaiette auât qu'il fust en Castille. Ceste nouuelle ouuerture fut que le Roy & eux retournaissent en leur premiere & ancienne amitié, & qu'eux deux à butin, entreprissent toute la conquête d'Italie, & à communs despens, & que les deux Roys y fussent ensemble: mais premierement vouloient la trefue generale, où toute la ligue fust comprise, & qu'une iournee se tint en Piemont: où chacun pourroit enuoier Ambassadeurs: car honnestement ils se vouloient departir de ladite ligue. Toute ceste ouuerture à mon aduis, & ainsi qu'on m'a donné à entendre n'estoit que dissimulation, & pour gagner tēps, & pour laisser reposer ce Roy Ferrand, quand encores viuoit, & Dom Federic nouuellement entré en ce Royaume. Toutesfois ils eussent bien voulu ledit Royaume leur: car ils auoient meilleur droit que ceux, qui l'ont possédé: mais la maison d'Anjou, dont le Roy a le droit, doit aller deuant: mais à la nature dont il est, & aux gēs qui y habitent, il mē semble qu'il est à celui, qui le peut posseder: car ils ne veulent que mutation. Depuis y retourna ledit Seigneur de Clerieux, & un, appelé Michel de Grammont, sus aucunes ouuertes. Ledit de Clerieux portoit quelque peu d'affection à ceste maison d'Arra-

Dissimulation du Roy de Castille pour amuser le Roy Charles.

Naples ay-me mutet.

gon, & esperoit auoir le Marquisat de Cotron, qui est en Calabre, que ledit Roi d'Espagne tiert, de ceste conqueste derniere, que ses gens feirēt audit pays de Calabre: & ledit Clerieux le pre-

*Clerieux
Dauphi-
nois croio
aisement.*

tend bien: & est homme bon, & qui aisement croit, & par especial tels personages.

A la 2. fois qu'il reuint, il amena vn Ambassadeur desdits Roys, & rapporta ledit de Clerieux qu'ils se cōtenteroient d'auoir, ce qui est le plus prochain de Cecile, qui est Calabre, pour ledict droit, qu'ils pretendoient audit Royaume de naples, & que le Roy prist le reste, & qu'en personne viendrait ledit Roi de Castille à ladicte cōqueste, & payeroit autant de la despenſe de l'armee, comme le Roy, & ia tenoit, & tient 4. ou 5. places fortes en Calabre, dont Cotron est l'une, qui est cité bonne & forte. Je fu present au rapport: & à plusieurs sembla que ce n'estoit qu'abus, & qu'il falloit là enuoyer quelcun bien entendu, & qu'il ioignist ceste pratique de plus pres. Parquoy fut ioint, avec les premiers, le Seigneur du Bouchage, hōme biē sage, & qui auoit eu grand credit avec le Roy Loys, & encores de present avec le Roy Charles, fils dudit feu Roy Loys. L'Ambassadeur, que ledit de Clerieux auoit amené, ne vōlulut iamais confermer ce que ledit de Clerieux disoit: mais disoit qu'il croioit que ledit de Clerieux ne le diroit pas, si ses Seigneurs ne luy eussent dit. qui confirmoit l'abusion, & aucun ne pouuoit croire que le Roy de Castille y vint en personne, ne qu'il voulsist, ou y peut, autant despendre que le Roy.

*Sr. de Bouchage
hōme entendi
enuoyé en
Espagne.*

Après que ledit Seigneur du Bouchage, de Clerieux, & Michel de Grammont, & autres fu-

rent venus deuers lesdits Roy & Royne de Castille, ils les feirent loger en vn lieu, où personne ne communiquoit avec eux : & auoient gens, qui y prenoient garde, & lesdits Roy & Royne parlerent avec eux par trois fois : mais, quand ce vint què ledit du Bouchage, leur dit ce qu'auoit rapporté ledit de Clerieux, & ledit Michel de Grammont, ils feirent responce qu'ils en auoiēt bien parlé par forme de deuis: mais nō point autrement: & que tres volontiers se messeroient de ladite paix, & de la faire à l'honneur du Roy, & à son profit. Ledit de Clerieux fut bien mal contēt de ceste responce, & non sans cause, & soustint deuant eux present ledit Seigneur du Bouchage, qu'ainsi luy auoient dit. Lors fut conclu, par ledit Seigneur du Bouchage, & ses compagnons, vne trefue à deux mois de desdit, sans y comprendre la ligue, mais bien y comprenoient ceux, qui auoient espousé leurs filles, & les peres de leurs gendres: c'est à sçauoir les Rois des Romains & d'Angleterre: car le Prince de Galles estoit bien ieune. Ils auoient quatre filles, & l'aînée estoit vefue & auoit espousé le fils du Roy de Portugal dernier trespasé: lequel se rompit le col, deuant elle, en passant vne carriere, sus vn Gen et, trois mois apres qu'il l'eut espousee. Ils en ont encores vne à marier. Si tost que fut arriué ledit du Bouchage, & eut fait son rapport, cognut le Roy qu'il auoit bien fait d'y auoir enuoyé ledit du Bouchage, & qu'au moins il estoit asseuré de ce, dont il estoit en doute : & luy sembloit bien que ledit Clerieux auoit creu trop de leger. Outrelui dit ledit du Bouchage qu'autre chose n'auoit peu faire que ladite trefue, & qu'il estoit au

*Clerieux
de sa noué
en presence*

*Trefue con
clue entre
les Rois de
Castille &
de France.*

chois du Roy de l'arrester ou refuser, le Roy l'arresta: & aussi elle estoit bonne: veu que c'estoit separation de ceste ligue, quitant l'auoit destourbé en ses affaires, & qu'aucune maniere n'auoit sceu trouuer de la departir, & si il y auoit par toutes voyes essayé. Encores luy dit ledit du Bouchage qu'apres luy venoyent Ambassadeurs deuers le Roy: & que lesdits Roy & Roine luy auoyent dit, à son partement, qu'ils auroyent pouuoir de conclure vne bien bonne paix: & aussi dit ledit du Bouchage, qu'il auoit laissé malade le Prince de Castille, leur seul fils.

Discours sur les fortunes qui aduindrent à la maison de Castille, au temps du Seigneur d'Argenton.

CHAP. XVII.

Dix ou douze iours apres l'arriuee dudit Bouchage & ses cōpaignons, vint lettres audit du Bouchage, d'un des Heraux du Roy qu'il auoit laissé là, pour conduire ladite Ambassade, qui deuoit venir, & disoient ces lettres qu'il ne s'estoient retardez par aucuns iours: car c'estoit pour le trespas du Prince de Castille, car ainsi les appellent, dont les Roy & Roine faisoient si merueilleux dueil, qu'on ne sçaurôit croire: & par especial la Roine: de qui on esperoit aussi tost la mort que la vie. Et à la verité ie n'ouy iamais parler de pl⁹ grand dueil, que celui, qui en a esté fait par to⁹ leurs royaumes, car toutesgés de mestier ont cellé 40. iours, comme leurs Ambassadeurs me dirent depuis, tout hōme estant vestu

Mort du Prince de Castille.

Dueil es Royne en Espagne pour le Prince de Castille.

de noir de ces gros bureaux: & les Nobles, & les gens de bien, chargeoient leurs mulets, couverts iusques aux genoux dudit drap, & ne leur paroissoit que les yeux: & bannieres noires estoient par tout sur les portes des villes. Quand Madame Marguerite fille du Roy des Romains, sœur de Monsieur l'Archiduc d'Autriche, & femme dudit Prince, sceut ceste douloureuse nouvelle, estant grosse de six mois, elle accoucha d'une fille toute morte. Quelles piteuses nouvelles en ceste maison? qui tant auoit receu de gloire & d'honneur, & qui plus possedoit de terre, que ne fait iamais Prince en la Chrestienté, venant de succession, & puis auoir fait ceste belle conquête de Grenade: & fait partir vn Roy tant honoré par tout le monde, hors d'Italie, & faillir à son entreprise? ce qu'ils estimoient à grande chose: & le Pape mesme: qui, sous l'ombre de la conquête de Grenade, leur auoit voulu attribuer le nom de Tres-Chrestien, & l'oster au Roy de France: & plusieurs fois leur auoit escrit ainsi, au dessus de leurs Briefs, qu'il leur enuoioit, &, parce qu'aucuns Cardinaux contredisoient à ce tiltre, leur en donna vn autre, en les appelant Tres-Catholiques: & ainsi leur escrit encores: & est à croire que ce nom leur demourera à Rome. Quelles douleurs donc receurent ils de ceste mort, quand ils auoient mis leur Royau-me en toute obeyssance, & iustice, & lors qu'il sembloit que Dieu & le monde les voulust plus honorer que tous les autres Princes viuans? & qu'ils estoient en bonne prosperité de leurs personnes?

Encores ne furent-ils point quittes d'auoir

*Le Pape
vult trās-
porter le nō
de Tres-
Chrestien
au Roy
d'Espagne.
Ro:s d'Es-
pagne nom-
mez par le
Pape Tres-
Catholig.*

eu telles douleurs : car leur fille aisnee, que plus ils aymoient : que tout le reste de ce monde, apres leur fils le Prince de Castille, qu'ils auoient perdu, estoit contrainte à se departir d'eux ayant depuis peu de iours esté espousee avec le Roy de Portugal, appelé Emanuel, Prince ieune, & de nouveau deuenu Roy ; & luy estoit aduenue la couronne de Portugal, par le trespas du Roy dernier mort : lequel cruellement feit couper la teste au pere de sa femme : & tua le frere d'elle, depuis fils du dessusdit, & frere aisné de celuy, qui de present est Roy de Portugal, qu'il a fait viure en grand paour & crainte : & tua son frere de sa main en disant avec luy, sa femme presente, par enuie de faire Roy vn sien bastard, & depuis ces deux cruantez, vesquit en grand paour & suspicion : & tost apres ces deux exploits, perdit son seul fils, qui se rompit le col, en courant dessus vn Genet, & passant vne carriere, comme i'ay dit : & fut celuy-là, qui fut le premier mari de ceste Dame que ie dy : qui maintenant a espouse le Roy de Portugal, qui regne, & ainsi est retournée deux fois en Portugal, sage Dame & honneste, ce dit-on, entre les sages du monde. Or donc pour continuer les miserables aduentures qui aduindrent en si peu d'espace, Roy & Roynede Castille, qui si glorieusement & heureusement auoient vescu, iusques enuiron en l'aage qu'ils sont, de cinquante ans tous deux : combien que la Roynede Portugal auoit deux ans dauantage, auoient donné leur fille à ce Roy de Portugal, pour n'auoir aucun ennemy en Espagne : qu'ils tiennent toute excepté Nauarre : dont ils font ce qu'il leur plaist : & y

*Cruauté
d'un Roy de
Portugal
enuers ses
plus pro-
chains.*

tiennent quatre des principales places. Aussi l'auoient fait pour pacifier du douaire de ceste Dame, & de l'argent baillé, & pour subuenir à aucuns Seigneurs de Portugal : car par ce mariage : ces Seigneurs & Cheualiers qui furent bannis du pays, quand le roy mort feit mourir ces deux Seigneurs, dont i'ay parlé, & qui auoient confisqué leurs biens, & par ce moyen la confiscation tient de present : combien que le cas, dont ils estoient accusez, estoit de vouloir faire celuy qui de present regne, Roy de Portugal, sont recompensez en Castille, du Roy de Castille, & leurs terres sont demourées à la royne de Portugal, dont ie parle. Mais nonobstant telles considerations, ces roy & royne de Castille auoient grande douleur de ce mariage : car il faut entendre qu'il n'est nation au monde, que les Espagnols hayssent tant que les Portugalois : & si les mesprisent & s'en moquent. Parquoy il desplaisoit bien aux dessusdits d'auoir baillé leur fille à homme, qui ne seroit point agreable au royaume de Castille, & à autres leurs Seigneuries : & s'ils l'eussent eu à faire, ils ne l'eussent iamais fait. Qui leur estoit vne amere douleur, & encores vne autre plus grande, en ce qu'il falloit, qu'elle se departist d'eux : toutesfois, leurs douleurs passees, ils ne les ont menez par toutes les principales citez de leurs royaumes, & fait receuoir le roy de Portugal pour prince, & leur fille pour princesse, & pour leur estre roys apres leur decez, & vn peu de reconfort leur est venu, ce que ladite Dame, Princesse de Castille, & royne de Portugal, a esté grosse d'un enfant bougeant : mais il leur aduint le double de leurs douleurs, & croy qu'ils eussent voulu

*Espagnols
hayssans
les Portu-
galois.*

que Dieu les eust ostez du monde : car ceste Dame, que tant ils aymoient & prisoient , mourut en accouchant de son enfant , & croy qu'il n'y a pas vn mois : & nous sommes en Octobre l'an mil quatre cens quatre vingts dixhuiet:mais le fils est demouré vif, au trauail duquel elle est morte : & a nom comme le pere, Emanuel .

Toutes ces grandes fortunes leur sont aduenües en trois mois d'espace. Mais auant le trespas de ceste Dame dont ie parle , est aduenü en ce royaume autre grand dueil desconfort : car le roy Charles huietiesme de ce nom , dont tant i'ay parlé, estoit trespasfé, comme ie diray apres & semble que nostre Seigneur ayt regardé ces deux maisons de son visage rigoureux, & qu'il ne veut point qu'un royaume se mocque: car aucune mutation ne peut estre en vn royaume, qu'elle ne soit bien douloureuse pour la pluspart : & combien qu'aucuns y gagnent, encores en y a-il cent fois plus qui y perdent: & faut chäger main- te coustume & forme de viure à celle mutation: car ce qui plaist à vn Roy, desplaist à l'autre. Or comme i'ay dit en vn autre endroit, qui voudroit bien regarder aux rigoureuses, & soudaines punitions que Dieu a faites sur les grands Princes, depuis trente ans en ça, on y en trouueroit plus qu'en deux cens auparauant à y comprendre France, Castille, Portugal, Angleterre, le royaume de Naples, Flandres & Bretagne: & qui voudroit escrire les cas particuliers, que tous i'ay veus, & presque tous les personnages, tant hommes que femmes, on en feroit vn grand liute, & de grande admiration, & n'y en eust-il seulement que ce; qui est aduenü depuis dix ans : & , par

*Dieu à re-
gardé Espa-
gne & Frä.
ce d'un
visage ri-
goureux.*

„ là, la puissance de Dieu deuroit estre bien co-
 „ gneue & entendue, & sont les coups, qu'il donne
 „ sur les grans, plus cruels & plus pesans, & de plus
 „ longue curee, que ne sont ceux qu'il donne sur
 „ les petites gens. Finalement me semble que à
 „ tout bien considerer, ils n'ont gueres d'avantage
 „ en ce monde, plus que les autres : s'ils veulent
 „ bien voir, & entendre par eux, ce qu'ils voyent
 „ aduenir à leurs voisins, & auoir crainte que le
 „ semblable ne leur aduienne : car, quant à eux,
 „ ils chastient les hommes qui vivent sous eux,
 „ & à leur plaisir : & Nostre Seigneur dispose d'eux
 „ à son vouloir : car autre n'ont ils pardessus eux,
 „ & est le pays, ou Royaume, bien heureux : quand
 „ il y a Roy, ou Seigneur, sage, & qui craint Dieu
 „ & ses commandemens.

Nous auons peu voir en peu de paroles, les
 douleurs, qu'ont receu ces deux grans & puissans
 Royaumes en trois mois d'espace : qui peu para-
 uant estoient si enflambez l'un contre l'autre, &
 tant empeschez à se tourmèter, & à penser à s'ac-
 croistre, & n'estoient en rien faouls de ce que ils
 auoient. Le confesse bien, comme i'ay dit, que
 tousiours en y a, en telles murmurations, qui en
 ont ioye, & qui en amendent : mais encores de
 prime face, leur est celle mort, aduenue ainsi sou-
 daine fort espouuantable,

*De somptueux edifice que le Roy Charles commença à
 bastir peu auant sa mort : du bon vouloir qu'il auoit
 de reformer l'Eglise, ses finances, sa iustice, & soy-
 mesme : & comment il mourut soudainement, sur
 ce bon propos, en son chasteau d'Amboise.*

IE veux laisser, de tous points, à parler des choses d'Italie & de Castille, & retourner à parler de nos douleurs & pertes particulieres en Frâce, & aussi de la ioye que peuuent auoir ceux qui y ont du gaing, & parler du soudain trespas de nostre Roy Charles huictiesme de ce nom, lequel estoit à son chasteau d'Amboise: où il auoit entrepris le plus grand edifice, que commença, cent ans a, Roy, tant en chasteau qu'en la ville: & se peut voir par les tours, par où l'on monte à cheual, & par ce qu'il auoit entrepris à la ville, dont les patrons estoient faicts de merueilleuse entreprise & despense & qui de long temps n'eussent pris fin, & auoit amené de Naples plusieurs ouuriers excellens: en plusieurs ouurages, comme tailleurs, & peintres: & sembloit bien que ce qu'il entreprenoit, estoit entreprise de Roy ieune, & qui ne pensoit point à la mort, mais esperoit longue vie, car il ioignoit ensemble toutes les belles choses, dont on luy faisoit feste, en quelque pays qu'elles eussent esté veües, fust en France, Italie ou Flandres: & si auoit son cœur, tousiours, de faire & accomplir le retour en Italie: & confessoit bien y auoir fait des fautes largement, & les comptoit: & luy sembloit, que si yne autrefois il y pouuoit retourner, & recouurer ce qu'il auoit perdu, qu'il pouruoieroit mieux à la garde du pays, qu'il n'auoit fait, & parce qu'il auoit fait intelligence de tous costez pensoit bien d'y pourvoir, pour recouurer & remettre en son obeissance le Royaume de Naples, & d'y enuoyer quinze cens hommes d'armes Italiens, que deuoit mener le Marquis de Mantoue, les Ursins, & les Vitellis, & le Pre-

Le Roy
 Charles
 plein de pē-
 sées entre-
 prises sur
 le fait de
 Naples.

fect de Rome, frere du Cardinal de S. Pierre ad vincula: & Monsieur d'Aubigni, qui si bien l'auoit serui en Calabre, s'en alloit à Florence: & ils faisoient la moitié de ceste despenſe pour six mois. On deuoit aussi premierement prendre Piſe, ou au moins, les petites places d'alétour, & puis, tout ensemble, entrer au Royaume, dont à toutes heures venoient messagers. Le Pape Alexandre qui regne de present, estoit en grād' pratique de tous points, à se renger des siens (cōme mal contēt des Venitiens) & auoit messager secret: que ie conduisi en la chābre du roy nostre Sire, peu auāt sadite mort. Les Venitiēs estoient prests à pratiquer cōtre Milā. La pratique d'Espaigne estoit telle, que l'auiez veuē. Le Roy des Romains ne desiroit chose en ce mōde tant que son amitiē, & qu'eux deux ensemble feissēt leurs besongnes en Italie: lequel Roy des Romains appellē Maximiliā, estoit grand ennemi des Venitiens: aussi ils tiennent grand' chose de la maison d'Austriche (dont il est) & aussi de l'Empire.

Dauantage auoit mis le roy, de nouveau, son imagination de vouloir viure selō les commandemens de Dieu, & mettre la Iustice en bon ordre, & l'Eglise, & aussi de ranger ses finances, de sorte qu'il ne leuaſt sus son peuple, que douze cens mille francs, & par forme de taille, outre son domaine, qui estoit la somme que les trois estats luy auoient accordē en la ville de Tours, lors qu'il fut roy, & vouloit ladite somme par octroi, pour la defense du royaume: & quant à luy, il vouloit viure de son domaine, comme anciennement faisoient les roys. Ce qu'il pouuoit bien faire, car le domaine est bien grād, s'il estoit

*Charles 8.
estant en
bonne in-
tention de
reformer
son estat.*

bien conduit, y compris les gabelles & certaines aides: & passe vn million de Francs. S'il l'eust fait c'eust esté vn grand soulagemēt pour le peuple, qui paye auioird'huy plus de deux millions, & demi de Francs de taille. Il mettoit grand' peine à reformer les abus de l'ordre S. Benoit, & d'autres Religions. Il approchoit de luy bonnes gēs de religiō, & les oyoit parler. Il auoit bien vouloir, s'il eust peu, qu'vn Euesque n'eust tenu que son Euesché, s'il n'eust esté Cardinal: & cestui là deux, & qu'ils se fussent allez tenir sur leurs Benefices: mais il eust eu bien à faire à ranger les gens d'Eglise. Il feit de grandes aumosnes aux Maridians, peu de iours auant sa mort, cōme me compta son Confesseur l'Euesque d'Angers, qui estoit notable Prelat. Il auoit mis sus vne audience publique: où il escoutoit tout le monde, & par especial les pauures; & si faisoit de bonnes expéditions: & l'i vei huiēt iours auant son trespas, deux bonnes heures: & onques puis ne le vei. Il ne faisoit pas grandes expéditions à ceste audience, mais au moins; estoit-ce tenir les gens en crainte, & par especial ses Officiers, dont aucuns auoit suspendus pour pillerie.

*Audience
publique
establie par
le Roy Char
les viij.*

Estant le Roy en ceste grande gloire, quant au monde, & en bon vouloir quant à Dieu, le septiesme iour d'Auril, l'an mil quatre cens quatre vingts dix huiēt, veille de Pasques Flories, il partit de la chambre de la Roine Anne de Bretaigne, sa femme, & la mena avec luy, pour veoir iouer à la paulme ceux qui iouoyent aux fofsez du chasteau: où il ne l'auoit iamais menee que ceste fois; & entrèrent ensemble en vne gallerie, qu'on appelloit la gallerie Hacquelebac

*Accident
de mort su-
bite de
Charles 8.*

parce que cestuy Hacquelebac l'auoit tué autresfois en garde, & estoit le plus des-honneste lieu de leans: car tout le monde y pissoit, & estoit rompuë à l'entree, & s'y heurta le Roy du front contre l'huy, combien qu'il fust bien petit, & puis regarda long temps les ioueurs, & deuisoit à tout le monde. Il n'estoie point present: mais sondit confesseur, l'euesque d'Angers, & ses prochains Châbellans, le m'ot cōpté: car i'en estoye parti 8. iours auant, & estoie allé à ma maison. La derniere parole qu'il proōnça iamais en deuifât, en santé, c'estoit qu'il dit: *Qu'il auoit esperance de ne faire iamais peché mortel, ne veniel, s'il pouuoit: & en disant ceste parole, il cheut à l'enuers, & perdit la parole, il ne pouuoit estre deux heures apres midy, & demoura là iusques à onze heures de nuict.*

Trois fois luy reuint la parole: mais peu luy dura: cōme me cōpta le Confesseur: qui deux fois ceste semaine l'auoit confessé. L'une à cause de ceux qui venoient vers luy pour le mal des escluelles. Toute personne entroit en ladite galerie, qui vouloit: & le trouuoit on couché sus vne pauvre paillasse: dont iamais il ne partit, iusques à ce qu'il eust rendu l'ame: & y fut neuf heures. Ledit Confesseur, qui tousiours y fut me dit que lors que la parole luy reuint, à toutes les trois fois il disoit. Mon Dieu & la glorieuse vierge Marie, Monseigneur S. Claude & Monseigneur S. Blaise me soit en ayde: & ainsi partit de ce monde si puissant & si grand Roy, & en si miserable lieu, qui tant auoit de belles maisons, & en faisoit vne si belle, & si ne sceut à ce besoin finer d'une pauvre chambre. Combien donc se peut par ces deux exemples ci dessus couchez, cognoistre la puissance

*Derniere
parole de
de Charles
8. sur la-
quelle il tō
be à l'enuers*

*Le trespas
du Roy
Charles 8.*

estre la puissance de. Dieu estre grāde, & que c'est peu de chose que de nostre miserable vie? qui tāt nous donne de peine pour les choses du monde: & que les roys n'y peuuent resister non plus que laboureurs?

Comment le S. homme Frere Hieronyme fut brûlé à Florence, par envie qu'on eut sur luy tant du costé du Pape, que de plusieurs autres Florentins & Venitiens.

CHAP. XIX.

I Ay dit en quelque endroit de ceste matiere d'Italie, comme il y auoit vn frere Prescheur, ou Iacobin, ayant demouré à Florence, par l'espace de quinze ans, renommé de fort saincte vie, lequel ie vei & parlai à lui, en l'an mil quatre cens quatre vingts & quinze, appellé frere Hieronyme, qui a dit beaucoup de choses auāt qu'elles fussent aduenues, comme i'ay dit: cy-dessus, & tousiours auoit soustenu que le Roy passeroit les monts, & le prescha publiquement, disāt l'auoir par reuelation de Dieu, tant cela qu'autres choses dont il parloit, & disoit que le Roy estoit esleu de Dieu, pour reformer l'Eglise par force, & chastier les tirans: & à cause de ce qu'il disoit les choses par reuelation, murmuroiēt plusieurs contre lui, & acquit la haine du Pape, & de plusieurs de la ville de Florence. Sa vie estoit la plus belle du monde, ainsi qu'il se pouuoit veoir, & ses sermons, preschant contre les vices: & a reduit en icelle cité maintes gens à bien viure comme i'ay dit. En ce temps, mil quatre cens quatre vingts dixhuiēt: que le Roy Charles est trespasé & fini, aussi feit frere Hieronyme, à quatre ou cinq iours l'un de l'autre, & vo' diray pourquoy

ie fay ce cōpte. Il a tousiours presché publique-
ment que le Roy retourneroit derechef en Italie
pour accomplir ceste commission, que Dieu lui
auoit dōnee: qui estoit de reformer l'Eglise à l'es-
pee, & de chaïtier les Tirans d'Italie: & que, au
cas qu'il ne le feist, Dieu le puniroit cruellemēt
& tous ses sermons premiers, & ceux de present
il les a fait imprimer & se vēdent. Ceste menace,
qu'il faisoit au Roy, de dire que Dieu le puniroit
cruellemēt, s'il ne retournoit, lui a plusieurs fois
escrit dit Hieronime, peu de tēps sauant son trespas,
ainsi le mē dit de bouche ledit Hieronime:
quand ie parlai à lui, qui fut au retour d'Italie, en
me disant que la sentence estoit donnee cōtre le
Roy, au ciel: au cas qu'il n'accōplit ce que Dieu
luy auoit ordonné, & qu'il ne gardast ses gens de
piller. Or enuiron ledit trespas du Roy, estoient
Florentins en grand different en la cité. Les vns
attendoient encores la venuē du Roy, & la desi-
roient sur l'esperance que ledit frere Hieronime
leur donnoit, & se consumoient, & deuenoient
pauures à merueilles, à cause de la despense qu'ils
soustenoient, pour cuider recouurer Pise, & les
autres places qu'ils auoient baillez au Roy: dont
les Venitiens tenoient Pise. Plusieurs de la cité
vouloient que l'on prist le parti de la Ligue, &
qu'on abandonnast de tous poincts le Roy: di-
sant que ce n'estoiēt qu'abusions & folies de s'y
attendre, & que ledit frere Hieronime n'estoit
qu'un heretique & un * paillard: & qu'on le de-
uoit ietter en un sac en la riuierē: mais il estoit tāt
soustenu en la ville, qu'on ne l'osoit faire. Le
Pape & le Duc de Milan escriuoiēt souuent cō-
tre ledit frere, assēurans lesdits Florētins de leur

*Venitiens
tiennent
Pise.*

** mēchant
ou traistre
comme on
parloit au-
tresfois.*

faire rendre la cité de Pise, & autres places, en
 delaisant l'amitié du Roy, & qu'ils prissent ledit
 frere Hieronyme, & qu'ils en feissent punition,
 & par cas d'auéture, se feit à l'heure vne Seigneu-
 rie en Florence: où il y auoit beaucoup de ses en-
 nemis, car ladite Seigneurie se change & se muë
 de deux mois en deux mois, & se trouua vn Cor-
 delier forge, que de luy mesme prit debat audit
 frere Hieronyme, l'appelât heretique & abuseur
 de peuple, de dire qu'il eust reuelation, ne chose
 semblable, & s'offrit de le prouuer iusques au feu
 & estoient ces paroles deuant ladite Seigneurie.
 Ledit frere Hieronyme ne se voulut point presen-
 ter son compaignon dit qu'il s'y mettroit pour
 luy, contre ledit, Cordelier, & alors vn compai-
 gnon Cordelier se presenta de l'autre costé, &
 fut pris iour qu'ils deuoient entrer dedans le feu:
 & tous deux se presenterent accompagnez de
 leurs Religieux, au iour nommé, mais le Iacobiin
 apporta le Corpus Domini en sa main, & les Cor-
 deliers, & aussi la Seigneurie, vouloient qu'il l'o-
 stast: ce qu'il ne voulut point faire. Ainsi s'en re-
 tournerët à leur conuent, & le peuple esmeu par
 les ennemis dudit frere, par commission de ceste
 Seigneurie, l'allerët prédre audit cōuent luy, &
 d'entree le gehennerent à merueilles. Le peuple
 tua le principal hōme de la ville, dudit frere, ap-
 pellé Francisque Vallori. Le Pape leur enuoya
 pouuoir & commission pour faire le proces. En
 fin de cōpte ils les bruslerët tous trois. Les char-
 ges n'estoient sinon qu'il mettoit discord en la
 ville, & que ce qu'il disoit de prophetie, il le sça-
 uoit par ses amis, qui estoierët du Conseil. Je ne les
 veux point accuser, ny excuser, car ie ne sçai s'ils

*debat esté
 ge entre fr
 re Hierony
 me & des
 Cordeliers.*

*Frere Hie-
 ronyme Sa.
 non arole
 bruslé à Flo
 rence par la
 pratique
 du Pape.*

ont fait bien ou mal, l'auoir fait mourir, mais il a dit maintes choses vrayes, que ceux de Florence n'eussent sçeu luy auoir dites: mais touchant le Roy, & des maux qu'il dit luy deuoir aduenir, lui est adueni ce que vous voyez, qui fut premier la mort de son fils, puis la siene; & ayueu des lettres qu'il escriuoit audit Seigneur.

Des obseques & funerailles du Roy Charles 8. & du couronnement du Roy Louys 12. de ce nom son successeur: avec les genealogies des Roys de France iusques à icelluy.

CHAP. XX.

LE mal du Roy fut vn catterre ou apoplexie: & Lesperioient les Medecins qu'il lui descendroit sur vn bras: & qu'il en seroit perclus: mais qu'il n'en mourroit point: toutesfois il aduint autrement. Il auoit quatre bons Medecins: mais il n'adioustoit foy qu'au plus fol, & à celuy-là donnoit l'authorité, tant que les autres n'osoient parler: qui volontiers l'eussent purgé quatre iours auât: car ils y voyoiēt les occasions de mort, qui fut & aduint. Tout hōme couroit vers le Duc d'Orleāns à qui aduenoit la couronne, comme au plus prochain, mais les chābellans dudit Roy Charles le feirent enfeuelir fort richement: & sus l'heure, on cōmença le seruice pour luy: qui duroit iour & nuit: car quand les chanoines auoient acheué, les Cordeliers cōmençoient & quand ils auoiēt finy, les Bons hommes qu'il auoit fondez. Il demoura tousiours à Amboise, tant en vne grande chābre bien tenduë, qu'en l'Eglise, & toutes autres y furent faites, plus richemēt qu'elles ne furent iamais à Roy, & ne bougerent d'autres du

Deuoir notable des chābellans enuers le Roy.

corps, tous les Chambelans, & les prochains, & tous les Officiers, & dura ce seruice & ceste cōpagnie iusques à ce qu'il fut mis en terre: qui dura bien l'espace d'un mois: & cousta quarante cinq mille Francs: comme me dirent les gens des Finances. I'arriuai à Amboise, deux iours apres son tréspas, & allay dite mon oraison, là où estoit le corps, & y fu cinq ou six heures: & à la verité, on ne veit iamais semblable dueil, ne qui tant durast. Aussi les prochains, comme Châbel-lans, & dix ou douze Gentils-hōmes, qui estoient de sa chambre: estoient mieux traittez, & auoient plus grans estats & dons, que iamais Roy ne donna: & trop. D'auantage la plus humaine & douce parole d'hōme, que iamais fut, estoit la siēne: car ie croy que iamais à homme ne dit chose, qui lui deust desplaire, & à meilleure heure ne pouuoit il iamaismourir, pour demourer en grande renommee par Histoires, & en regret de ceux qui l'ont seruy: & croy que i'ay esté l'homme du monde, à qui il a fait plus de rudesse: mais cognoissant que ce fut en sa ieunesse, & qu'il ne venoit point de luy, ne luy en sceu iamais mauuais gré.

Quand i'eū couché vne nuit à Amboise, i'allai deuers ce Roy nouveau: de qui i'auoye esté aussi priué que nul autre personne, & pour luy auoye esté en tous mes troubles & pertes: toutesfois pour l'heure ne luy en souuient point fort, mais sagemēt se mit en possession du Royaume: car il ne mua rien des pēsons, pour celle année: qui auoit encores six mois à durer. Il osta peu d'officiers & dit qu'il vouloit tenir tout homme en son entier & estat, & tout cela luy fut bien seant, & le plus tost qu'il peut, il alla à son couronnement: là où

*Louys 12.
Roy nou-
ueau, se sou-
uenant de
Commence*

ie fu: & pour les Pers de Frâce, s'y trouuerent ceux qui s'ensuiuent. Le premier fut le Duc d'Alençon qui seruoit pour le Duc de Bourgogne, le deuxieme, Monseigneur de Bourbon, qui seruoit pour le Duc de Normâdie, & le troisieme, fut le Duc de Lorraine qui seruoit pour le Duc de Guiene. Le premier Comte, fut Philippe, Monsieur de Rauastin, qui seruoit pour le Comte de Flâdres, le deuxieme, Engilbert, Monsieur de Cleues, qui seruoit pour le Comte de Champagne, & le troisieme, Monsieur de Foix: qui seruoit pour le Cōte de Toulouze. Si fut ledit courōnemēt, à Reims du Roy Louys onzieme, de present regnant, le vingtseptiesme iour de May, l'an mil quatre cēs quatre vingts & dixhuiet: * & est le quatrieme en ligne collaterale. Les deux premiers ont esté Charles martel, ou Pepin son fils, & Hue Capet, to² deux Maistres du Palais, ou Gouverneurs des Roys, qui vsurperēt le Royaume sur lesdits Rois: & le prirēt pour eux. Le tiers fut le Roy Philippe de Valois, & le quart, le Roy de present. A ces deux derniers venoit le Royaume iustement & loyaument. La premiere generation des Roys de France, est à prendre à Merouee. Deux Roys y auoit eu en France, auant ledit Merouee: c'est à sçauoir Pharamond, qui fut le premier esleu Roy de France. car les autres auoient esté appeléz Ducs ou Roys de Gaule, & vn sien fils appelé Claudio. Ledit Pharamond fut esleu Roy, l'an quatre cēs & * 20. & regna dix ans. Son fils Claudio en regna dixhuiet. Ainsi regnerent ces deux Rois 28. ans, & Merouee, qui vint apres, n'estoit point fils dudit Claudio: mais son parēt, parquoy sembleroit qu'il y eust eu cinq fois mutation en ces lignes

12.
* Je pense
qu'auant le
reste n'est
point de
l'Auteur
Mais de
quelque ce
soit ie luy
laisse auoir
son opinio
pourueu
qu'il ne se
contredise
point c. v.
Cappel.
* entendez
le calcul de
ces ans, au
cunes fois
au mesme
an de la
mort des
Roys. En
aucunes fois
à l'un d'e-
ux.

Royales: toutesfois (comme i'ay dit) on prend la premiere generation à comencer à Merouee (qui fut fait Roy en l'an quatre cēs quarāte huit) & là cōmença ceste premiere ligne, & y a eu au Sacre du Roy Louys douziēme, mil cinquante ans, que commença la generation desdits Roys de France: & qui le voudra prendre à Pharamond, il y en auroit vingt & huit d'auātage: qui seroit mil septante & huit ans que premier y a eu Roy: appelé Roy de France. Depuis Merouee iusques à Pepin, y eut trois cens trente trois ans, qu'auoit duré ladite ligne de Merouee. Depuis Pepin iusques à Hue Capel, y a deux cens trente sept ans, qu'a duré ladite vraye, tigne de Pepin, & de Charlemaigne son fils. Celle de Hue Capel, a duré en vraye ligne trois cens trente neuf ans, & faillit au Roy Philippe de Valois, & celle dudit Roy Philippe de Valois à duré en vraye ligne, iusques au trespas du Roy Charles 8. (qui fut l'an mil quatre cens quatre vingt dix-huit) & cestuy-là a esté le dernier de ceste ligne qui a duré cent soixante neuf ans, & y ont regné sept Roys: c'est à sçauoir Philippe de Valois, le Roy Iehan, le Roy Charles 5. Charles 6. le Roy Charles 7. le Roy Louys 11. & le Roy Charles 8. fin de la ligne droite de Philippe de Valois.

Fin des Memoires du Seigneur d'Argenton,



EPISTRE
DE IEAN SLEIDAN,
à Tres-magnanime Prince.

EDOUARD DUC DE SOMMER-
set Comte d'Erford, protecteur
d'Angleterre, &c.

*Ce qui est
principale-
mēt requis
en l'histoire*



Eux qui font quelques Prefaces sur
es liures des historiographes, Prin-
ce Tres-magnanime, ont accou-
tumé de reciter plusieurs choses
en la louange de l'histoire: mais
d'autant que Marc Ciceron en a rendu si grand
& honorable tesmoignage, il n'est besoin d'en
chercher: autre ioint qu'il n'y a celui aujour-
d'hui, qui ne sçache combien la cognoissance
des histoires est plaisante, profitable. & neces-
saire, ie me deporterai d'insister d'auantage à la
recommande. Or le principal requis en icelle,
est non seulement que rien de faux n'y soit cou-
ché, mais aussi qu'on puisse apperceuoir, que
l'auteur n'y ait esté mené d'aucune affection:
voire & que les conseils & desseins, de ceux qui
ont conduit les affaires, soient clairement mani-
festez. Mais on trouuera peu de gens qui puissent
bien & dextremēt obseruer ces trois poincts: qui

sont toutesfois necessaires en vne vraie histoire. Et de fait, il estrequis pour atteinre à ceste perfectiō, que l'homme soit doiū de graces speciales, & qu'il ait eu maniement des affaires, ou biē qu'il ait esté present lors qu'elles se demenoient ou, pour le moins qu'il les ait bien au long entēduës de quelque autre, qui lui ait racōpté le tout de poinct en poinct, & à la verité. Quant à ceux qui couchent par escrit leurs propres actes, comme a fait Iules Cesar, il faut qu'ils les deuissent d'une bonne grace, s'ils ne veulent se monstrier ridicules à tout le monde. Car à grand peine se peut il faire, qu'on n'estime d'eux, ou qu'ils se loüent par trop, ou qu'ils ne rapissent malicieusement, ou dissimulent cauteleusement la loüāge deuë à leur ennemis. Le mesme dāger est aduenu aux Historiographes, qui ont esté en la suite des Empereurs ou chefs de guerre. Car si quelque chose a esté demenee heureusement par ceux là, ils desploient les richesses de leur eloquence, & passent mesure en loüās ce qu'ils ont en affectiō: se monstres en cela plustost Orateurs, que Historiographes. Ceux aussi, d'autre costé, qui ne traittent ne maniēt eux-mesmes les affaires, ains suiuent en leurs escrits la foy de ceux qui en ont fait le recit, cōbien qu'on ne les ait pour suspects de parler par affectiō, si est-ce qu'on doute de la verité de ce qu'ils mettent en auant. Cicerō loüe principalement les commētaires de Cesar, d'autant que par iceux. Cesar raconte ce qu'il veut dire, avec vne simplicité naïfue, vne grace plaisante, & sans chercher aucun affecté lāgage. Car se proposant de mettre luy-mesme par escrit ses actes, aduisa soigneusement de dresser tellement

*Graces de
Iules de
Les commē
taires de Ce
sar propo
sez, pour
estre imitez.*

Saluste.

son stile, qu'on n'eust aucune occasion d'estimer qu'il se vantaſt par trop, ou qu'il fuſt enuieux des loüanges de ceux leſquels il auoit ſurmontez en fait de guerre. Ce qui doit ſeruir de patron & formulaire à ceux qui entreprendrônt d'eſcrire leurs propres faits & geſtes. Quant eſt de Crispe Saluſte, il eſt bon que ceux l'enſuiuēt qui traicterônt des actes d'autrui : il n'eſtoit guerres bon ami à Ciceron: toutesfois, il n'a laiſſé, pour cela, de raconter fidelement la ſinguliere vertu d'iceluy, l'industrie & diligence qu'il auoit monſtree à eſteindre le feu de la coniuration qui ſe faiſoit cōtre la republique de Rome. En le liſant, on ne pourroit apperceuoir aucun indice de malveillance qu'il portaſt à Ciceron. Mais il eſt aiſé de veoir, & les liures le monſtrent aſſez, comment bien peu d'historiens ont gardé ceſte ſobrieté, ſe deſpouillans de toute affection. Car encor que ie ne ſonne mot de ceux qui eſcriuent choſes dont ils n'ont eu nulle cognoiſſance, & en parlent cōme clers d'armes, combien en trouuera on d'autres, qui en leurs eſcrits ſe monſtrerent preoccupez de paſſiōs & preiudice? Et en ceſt endroit on cōmet des fautes en diuerſes ſortes & manieres: leſquelles eſtant apperceuës, on a bonne raiſon de ne croire, & ne faire grand eſtime de tels eſcrits. Car combien que menſonge, ſoit touſiours vilain & digne de vitupere, en quoy doit-il eſtre eſtimé plus intolerable qu'en cela? Ie ſuis contēt de dire ceci, comme en paſſant, qu'à grand peine on en trouuera vn ſeul qui mettant quelque fait en auant, declare les conſeils & deſſeins de ceux deſquels il parle, comme il appartient. De faiſt auſſi, il n'y a que ceux qui ſont eux meſmes pre-

sens aux affaires, qui puissent faire cela heureusement. Ceux cy, di-je, peuuent par dessus tous escrire d'une matiere en perfectiō: voire, moyennant qu'avec iugement, ils se proposent vn but tel qu'il faut, c'est, de ne dire rien par faueur ny amitié, haine ou inimitié: mais, qui est le propre d'un homme de bien, d'estre par tout veritable. Ceux dōc qui ont desir de se faire cognoistre par leurs escrits, ne doiuent estre aucunement ambitieux: ains aduiser par tout moien de rendre le lecteur meilleur & plus sçauant: en quoy peu se sont portez comme il seroit à desirer. Or nous pouuōs mettre en autre rang Philippe de Commines, cōme à la verité, il le merite: bien est vrai qu'il n'estoit que petitement exercé en la langue Latine: mais, au demeurant, homme de grande dexterité, & gentil esprit. Il a descrit les faits des Roys de France Loys II. & de son fils Charles 8. en langage François, & de telle façon, qu'il merite d'estre imité de tous ceux qui desirent auoir honneur, escriuās quelque hystoire. Il auoit aussi grand moyen de ce faire, d'autant qu'en premier lieu a il serui d'Ambassade à l'un & à l'autre Roy, par deuers grands Princes, & a manié la plus grande part de leurs affaires, qu'il a compris en ces Memoires, tellement qu'il n'a eu besoin de s'attendre au recit d'autrui. D'abōdant il auoit aussi vne singuliere sagesse, & merueilleusement bon naturel. Et pource que de son temps la France estoit fort troublee, il a bien voulu communiquer de quoi il auoit bonne cognoissance & experience, à ceux qui viēdroient par apres, & auroiēt charges aux republiques: Ausquels, specialemēt, voulant profiter, il a remarqué diligemment les

*Philippe de
Commines
doit estre i-
mité en hys-
toire.*

entreprises & conseils qui se sont pris és affaires de grande importance, sans auoir esgard à faueur ne preiudice de chose qui soit. Car il ne louë nullement ceux de sa patrie ou race, ne mesmes les Rois, desquels il a esté esleué en grand honneur, sinon aussi auant que la verité le porte: monstrant le plus souuent en quoi ils ont failli & cōtreuenu à leur deuoir. Brief, on le trouuera par tout semblable à soi-mesme, entier & veritable, comme il appartient, & (qui est de bonne grace) il entremesle aussi parmi ses narrations forces belles sentences. Que s'il tombe en vn propos entre autres notable, & digne de memoire, il aduertit le lecteur, & nommément les ieunes Princes, d'i aduiser de pres, & se donner garde, ce qui a esté peu hōneste & profitable és autres: & mōstre tout franchement & honnestement en somme, quel est leur deuoir. Et ne faut penser que i'incite trop sur la louange: car la verité est telle, & on cognoistra mieux la grace qui est en luy, lisant son histoire. Or la cause qui m'a esmeu de le traduire en Latin, & le vous dedier (Prince tres-illustre) est, que i'ay consideré la grandeur de l'estat & dignité, en laquelle vous estes: cōbien qu'il soit parlé en son liure de ce qui s'est fait seulement en France & Italie: toutesfois, il est expedient à celuy qui soustient vne telle pesanteur & grādeur d'affaires, de cognoistre ce qui a esté fait non seulement entre ceux de la nation, mais aussi és pays estranges. Et cōme le recit des choses qui aprochēt de plus pres de nostre tēps, a plus de force & efficace d'enseigner & donner plaisir, aussi est-il certain qu'avec l'excellēte nature dont estes heureusement doué, vous aurez

*Cause pour
quoy Sle-
dan à tra-
duit en La-
tin, partie
de l'histoi-
re de Com-
munes.*

par les escrits de Cōmines cognoissance des choses exquisés & memorables. De tant plus donc ie me suis mis à le vous recōmander, que peu nous en auons qui le puissent représenter ou imiter. Il y a encor cela qui le vous recommande; c'est, que quand l'occasion se presente en son histoire, il n'a celé la splendeur & magnificence de vostre nation: cōme on le peut voir en son autre histoire, que i'ai aussi par ci deuant mise en Latin. Parquoy ie me persuade que quand vous aurés quelque loisir, vous donnerés de tant plus volontiers quelque temps à la lecture de ceste histoire: & conseillerez vostre Roy, qu'entre autres semblables il lise aussi ceste-ci. Et combien qu'il soit encor petit d'âge: toutesfois, par le moiē de l'ordonnance de son pere, & par vostre bonne conduite, & saintes exhortations: ioint son naturel, qui est fort admirable, il est ia auancé en la cognoissance des lettres, pour seruir de miroir & patron de vertu roiale, au tēps où nous sommes. La prudence du Roy Henry estoit, au demeurāt excellente: mais il en monstra vn iugement singulier, de vous auoir choisi, deuant sa mort entre tous autres, pour estre cōme gardiē de son fils, & pour gouuerneur & protecteur d'un royaume si florissant, & triomphant en gens de sçauoir, & qui ont la crainte de Dieu, non seulement en Angleterre, mais aussi ailleurs, recognoissant en cela vne bonté de Dieu, d'auoir si biē touché l'esprit & le cœur du feu Roy. Car de plusieurs qui sont esleuez en honneur & dignité, comme vous, il y en a peu qui prisent les lettres: & qui pis est, estiment à grand honneur de n'en tenir compte aucunemēt. Les autres, ne regardās qu'à leur ambi-

*Peu de gou-
uerneurs
ont l'estat
public en
vraye re-
commanda-
tion.*

tion & profit, maintiennēt, avec obstinatioⁿ, leur
façō de faire accoustumee; Or encor qu'ils voiēt
plusieurs choses à corriger, & qu'on ne peut plus
ne dissimuler ne souffrir: cepēdant pource qu'ils
sont totalement addonnez à se faire grands, & a-
masser richesses & s'aduan^{cer} aux honneurs, ils
ne s'en soucient aucunemēt. Ce leur est tout vn,
que le peuple face, ou cōment il soit enseigné,
pourueu qu'ils l'ayent, obeyssant: & selon leur
sagesse mondaine, il leur semble grand' folie, si
on change tant soit peu vn estat present: comme
si la souueraine sagesse, & felicité consistoit en
cela de commander à gens, qui sont du tout plō-
gez en ignorance brutale des choses necessaires,
& sur tout de leur salut. Et si le Royaume d'An-
gleterre, & le Roi presque enfant d'aage, apres le
trespas du pere, homme experimēté & sage, eust
rencontré quelque ambitieux & mondain pour
gouverneur, qui n'eust dit que cela fust aduenu
d'une iuste vengeance de Dieu? Mais puis que tel
a esté, non pas fortuitemēt, ains par certain iuge-
mēt establi, qui aime les lettres, & incite son roi,
duquel il a la charge à toute hōnesteté: desirāt v-
ne sainte reformatiō de tāt de corruptions qui
sont aujourd'hui, à ce que la gloire de Dieu, soit
auācee, & le tout remis en bō ordre: qui est ce qui
ne void clairement, que Dieu veut desployer les
tresors de sa grace sur vn Roiaume d'Angleterre?

*Felicité
d'un Roiaume
de d'auoir
bon gou-
uerneur.*

C'est bien raison donc, que vous aduisiez de
receuoir de la main de Dieu vn tel benefice, avec
la recognoissance qu'il merite. Il est vrai que
vous auez à endurer de terribles orages & tem-
pestes, & vous faut en ceste mer de Republique
voguer entre d'horribles rochers: car le diable,

ennemi commun des hōmes, s'escarmouche, & cherche par toutes cautelles & ruzes, d'ēpēcher que rien ne luy ēchappe, pour retenir tousiours sa domination. Mais si vous perseuerez constamment de gouverner le peuple avec bon ordre, & crainte de Dieu, cōme il est bien necessaire, soies assure que, surmontant toutes tempestes, vous viendrez à bout de tout, & aborderez à bon port sain & sauf Et en cela il faut (tres-noble Prince) que vous mettiez toute la peine que pourrez, tout vostre soucy, diligence & vigilance. Car cōme la charge en laquelle le Roy Henri vous a establi, & apres sa mort la noblesse du Royaume vous a cōfermé, est tres-grāde: aussi est-il certain que Dieu benira toutes vos entreprises, si (cōme ie m'assure qu'en faites vostre deuoir) vous continuez de plier & fleschir l'esprit tendre du Roy à la crainte de Dieu, & d'auoir pour recōmandé le salut du peuple. Vous voyez aussi comment le Seigneur Dieu vous a donné pour aides de grās personnagēs, qui ont bonne volonté, & peuvent de fait beaucoup vous soulager par leur sçauoir, conseil, feauté, constance & auctorité: Desquels, pour le present, ie me contenteray d'en nommer vn, à sçauoir l'Archeuesque de Cantorbie: lequel a si grand bruit par deçà, que les prelates, en quelque lieu qu'ils soient, s'il veulent estre dignes de l'estat: pour lequel ils ont si grand reuenu, le deueroient proposer pour exemple & miroir de vertu. Au reste ie vous supplie treshumblement de prendre de bonne part ceste preface & inscription, que ie vous ay faite & presentee. De Strasbourg, en May mil cinq cens quarante huit.

*Admonitio
notable.*

*L'Arche-
uesque de
Cantorbie*

BRIEFVE DECLARATION
d'aucunes choses qui se trouuent difficiles en l'histoire de Philippe de Commines touchant la guerre d'Italie, sous Charles 8.

IEAN SLEIDAN, AV LECTEUR
SALVT.

*Comtes de
Milan,
Sforces.*

Nous exposerons en brief les difficultez qui se trouuent en ceste histoire, & premierement touchant des Vicomtes, & maison des Sforces, qui ont possédé la Duché de Milan. Il y a enuiron mil ans, que ceux qu'on appelle maintenant Lombards, changeans de lieu d'habitation, laisserent la Pannonie, & vindrent faire demeure en la contree d'Italie, nommee Insurbrie: du nom de ceux qui s'en sont premierement emparez: lesquels enuiron deux cens ans apres y estre venus, estans vaincus par Charlemaigne: perdirent leur royaume & toute leur cheuance.

*Voyez de
ceci en l'ab
bregé de
Froissard.*

Le pays estât reduit sous la puissance de l'Empire Romain, eut vn gouverneur qui estoit communément appellé Vicomte: & a esté gouverné en ceste façon iusqu'à ce que du temps de l'Empereur Vvêceslaus, le Milanois fut erigé en Duché: car ledit Empereur ayant receu grosse somme d'argent du Vicomte nommé Galeace, qui estoit homme cruel, l'ordonna Duc de Milan, à condition toutesfois, qu'il ne le vendroit, ains en feroit hommage à l'Empire Romain. Ce Galeace auoit deux fils: Iean, & Philippe surnommé de Marie, Iean estoit si corrompu en mœurs, & si peruers, que s'estant fait hayr de tous: en fin il fut

fut tué par ses familiers: & d'autant qu'il n'auoit point d'enfans, Philippe succeda à la Duché: lequel estant marié avec Bonne fille du Roy de France, mourut sans enfans. Or sa sœur Valentine fut mariee avec Loys Duc d'Orleans, fils du Roy de France, Charles V. lequel Duc fut tué à Paris de nuict en trahison, par gens apostez de Iehan Duc de Bourgongne: & laissa trois fils, Charles, Philippe & Iean. Charles eut vn fils, à sçauoir Loys Duc d'Orleans, duquel est souuēt parlé en l'histoire de Philippe de Commines: iceluy paruenü à la couronne, fut nommé Loys 12. Philippe Côte de Vertus, mourut sans hoirs. Iean Comte d'Angoulesme eut vn fils, assauoir, Charles, pere de François, Roy de France, premier de ce nom, qui depuis n'agueres est mort. Ainsi donc depuis le temps de ceste Valentine, Loys 12. & depuis luy les autres Roys de France, maintiennent que le Milannois leur appartient.

*Duc d'Or-
leans tué à
Paris.*

Quant à la maison des Sforces, il faut entendre, que combienque Philippe Marie: troisieme Duc de Milan, n'eust enfans legitimes, si auoit il vne fille bastarde, laquelle fut mariee à François Sforce duquel est parlé aux Commentaires de Philippe de Commines. Iceluy estant homme vertueux, & preux en faits de guerre, print la Duché de Milan, apres la mort de son beau-pere: ce qui luy fut facile, à cause des guerres mortelles qui lors estoient en France, tant du costé de Bourgongne, que d'Angleterre, confederées l'vne avec l'autre. Sforce auoit cinq fils, Galeace, Iean, Philippe, Ascaïn, & Loys: duquel ce mesme autheur parle fort amplement, montrant comme il paruint à la Duché.

*Maison de
Sforces.*

*Loys Sfor-
ce & Ma-
ximilian
son fils pri-
sonniers
trespassent
en France.*

Le Roy de France Loys 12. ayant eu victoire contre luy, & s'estant emparé de sa Duché, l'amena prisonnier en France. Et comme ainsi soit qu'iceluy Duc eust deux fils, Maximilian, & François, Maximilian, qui reprit Milan, lors que le Pape Iule tourmentoit par guerre la France, fut cause que le Roy François premier, successeur du Roy Loys 12. ayant desployé ses forces contre Milan, & desconfit les Suisses aupres de Marnigan, le print, & l'enuoya prisonnier en France, où il est mort comme son pere.

Son frere François, apres auoir eu beaucoup d'affaires & fascheries de costé & d'autre: finalement, aidé de l'Empereur Charles cinquieme, mena long temps guerre contre les François, dont l'issue fut telle qu'il eut victoire, & rentra en la seigneurie de son pere. Il fut donc second de ce nô Duc de Milan, & eut à femme la niepce de l'Empereur, par sa sœur Isabel. Apres la mort dudiect François, d'autant qu'il n'auoit laissé aucun enfant, l'Empereur retira sous sa puissance toute la Lombardie, & la tient y a plus de douze ans. Or faut-il que nous parlions du Royaume de Naples.

*Du Royau-
me de Na-
ples.*

Depuis la mort de l'Empereur Federic second, il y a eu continuellement guerre à raison de ce Royaume, entre les Arragonnois, & les Ducs d'Anjou. Finalement, Jeanne Royné de Naples, ayant deietté, par testament Alphonse Roy d'Arragon, lequel elle auoit auparauant adopté, constitua Loys Duc d'Anjou son heritier. Tant y a, qu'apres plusieurs incertaines victoires de costé & d'autre, les Arragonnois emporterent la derniere, & tindrent Naples,

jusques à ce qu'ils en furent deiettez par le Roy de France, Charles 8. ainsi que Philippe de Commines le racompte. Toutesfois, ils l'ont depuis reconquise, & la tiennent encores aujourd'huy: voire que le Roy de France, François premier, ayant esté pris devant l'auie: entre autres articles passez au traitté de paix, il quitta à l'Empereur Charles tout droit de ce Royaume; il y a plus de vingt deux ans.

Les factions des Guelphes & Gibelins eurent leur commencement, du temps, que Federic second estoit Empereur: & s'esmeurent premierement en la Tuscanne, & de là s'espandirēt, peu apres, par toute l'Italie. Les Guelphes tiennent le party du Pape, & les Gibelins tiennent pour l'Empire Romain. L'Empereur des Turcs, duquel l'Autheur parle, estoit Baiazet, le pere-grād de Solimā, qui regne à present. Il auoit vn frere nommē Zizim, son aîné, lequel ne pouuant supporter qu'iceluy Baiazet eust la succession de l'Empire, ce qui estoit aduenu par le moyen des Ianizaires, se retira deuers le Roy d'Egypte, où ayant obtenu secours, mena guerre contre son frere: mais estant vaincu, & par deux fois, se retira à Rhodes: dequoy Baiazet estant aduerty, enuoya Ambassadeurs, avec magnifiques presens, au grand maistre de l'Ordre, le priant qu'il serrast en prison estroite son frere: quoy faisant, il promettoit non seulement de luy enuoyer quarante mil escus de pension annuelle, mais aussi intermission de la guerre cōtre les Chrestiens. Or afin que cependant Zizim ne trouuast moyen pour eschapper, il fut enuoyé en France, & tost apres fut donné au Pape

*Origines des
Guelphes:
& Gibelins*

*Guerre de
Baiazet cō
tre Zizim.*

Mort de
Zizim.

Innocent huitiesme, & mené à Rome. Et quād le Roy Charles huitiesme alla à Naples, Alexandre Pape sixiesme du nom, le luy rendit par certain traitté d'accord: mais d'autant que ledict Zizim mourut peu de temps apres auoir esté liuré au Roy de France, aucuns disoient que ce Pape l'auoit fait empoisonner deuant que le rendre. Et puis que nostre Autheur fait mention des Ianizaires, nous en toucherons quelques mots.

Institution
des Ianizaires.

On dit, que le grand Turc a accoustumé, de quatre ans en quatre ans, prendre en Grece & Asie la mineur des enfans aux Chrestiens, entre lesquels il fait choisir les plus beaux, & de plus gentil naturel à fin de les mener en son palais à Constantinoble: quant aux autres il les espart ça & là, & les distribue par diuerses contrees de l'Asie, pour les faire exercer au trauail des champs, les accoustumans à forte nourriture, pour les endurcir, & par mesme moyen, apprenant la langue du pays. En apres, on les fait venir à Constantinoble, où ils apprennent sous maistres diuers artifices. De là on les met avec gēs de guerre, & apres les auoir bien seruis quelque temps, ils paruiennent à l'estat de ceux qu'on appelle Ianizaires. Cependant que ils sont entretenus par les champs, les peres de familles qui se seruent d'eux, les nourrissent. Ceux qui demeurent au Palais à Constantinoble, sont nourris aux despens de l'Empereur des Turcs. Car on dit qu'il nourrist tousiours en son palais enuiron cinq cens jouuenceaux choisis entre plusieurs, lesquels ayant fait exercer tant és lettres qu'aux armes, quand ils sont venus en aage,

on les ordonne aux gouuernemens & estats. On dit qu'Amurathes pere-grand dudit Baiazeth (qui à forced'armes conquist la Moree) fut le premier qui intitua ceste ordonnance.

L'auteur du liure faict mention d'un homme Grec de nation, nommé Constantin : qui a gouuerné le pays de Montferrat : mais cela aduint que les Venitiens ayans osté aux Turcs la Moree, auoient basti vne muraille depuis le port de Corinthe iusques à celuy de Megare, où il y a intermission de mer. Mais Mahomet second de ce nom, fils d'Amurathes, celuy qui depuis print Constantinoble, venans là, apres auoir liuré bataille, eut la victoire, & gagna non seulement ceste contree de Grece, mais aussi l'isle d'Eubœe, Lemne, Mitilene, Nerite, Zacinthe, Samo, & Croye. Dauantage, il osta la ville de Scodre à Comnen pere de ce Grec, duquel nous parlons. Il appelle le Roy Charles huitiesme, cousin de Iean de Galeace Duc de Milan. Car le Roy Loys onzieme auoit eu en mariage Charlotte fille du Duc de Sauoye : & Galeace Duc de Milan, & pere de Iean, duquel nous venons de parler, auoit à femme Bonne, l'autre fille dudit Duc de Sauoye.

René Roy de Sicile, Duc d'Anjou, & Comte de Prouence, estoit frere de Loys, que Ieanne Roine de Naples auoit fait son heritier, comme nous auõs desia dit. Or il eut un fils, à sçauoir, leã Duc de Calabre, mais le pere ayant suruescu son fils, ordõna le fils de son frere Charles, (qui aussi se nommoit Charles) pour son heritier. Cestuy-ci qui mourut sans enfans, ordõna par testamẽt, le Roy Loys II. pour son heritier. Iceluy René

*Peloponne-
se region
d'Achaye,
aujourd-
d'uy ap-
pellee la
Moree.*

*Du droit du
Royaume
de Naples.*

eut aussi vne fille: c'est à sçauoir, la mere de René Duc de Lorraine, duquel l'autheur fait mention au commencement du liure. Pareillement, il eut vne sœur qui fut mere de Loys onzième. Ce René Duc de Lorraine est celuy qui estant secouru des Suisses, eut la victoire aupres de Nancy, contre Charles Duc de Bourgogne.

Quant au Duc de Venise, duquel il louë grandement la vertu, c'est celuy qui se nommoit Augustin Barbaric, & fut le septante & septiesme Duc de Venise: il y en a eu trois entre ledict Barbaric, & celuy qui l'est maintenant, Pierre Lande: à sçauoir, Leonard Loredan, Antoine Griman, & André Gritti.

*Marquis
de Mantoue.*

*Ducs de
Ferrare.*

En ce temps-là François Gonzague, Marquis de Mantoue, estoit chef de l'armée Venitienne. Et Hercules Estence estoit Duc de Ferrare, lequel auoit donné en mariage l'une de ses filles, à sçauoir Elisabeth, à ce Marquis de Mantoue; & l'autre nommée Beatrix, à Loys Sforce: car l'Autheur les appelle tous deux gendres d'Hercules Duc de Ferrare. Son fils nommé Alphonse, eut vn fils appelé Hercules, qui maintenant domine à Ferrare, & est gendre de Louys douzième, Roy de France.

Sauanarole.

Hieronyme Jacobin, est cest homme sçauant, qu'autrement on nomme Sauanarola: & a composé beaucoup de liures, qui sont encor en lumiere.

Ce qu'il escrit des cheuaux bardez, & des hommes d'armes, il le faut entendre tellement, qu'un homme d'armes entretienne quatre cheuaux, selon la coustume de France. Ce Cardinal d'Ostie que souuent il nomme, a depuis esté

Pape Iules second. Cosme, qui mourut aagé de quatre vingts ans, l'an mil quatre cens soixante & quatre, a esté le premier qui ennoblit la maison de Medicis. Il eut deux fils, Pierre & Iean: Pierre eut aussi deux fils, Laurens, & Iulien: Laurens, auquel l'Autheur attribué grande loüange, laissa trois fils, Pierre, Iean, & Iulien: Iean fut Cardinal, & depuis Pape de Rome, appelé Leon dixiesme, successeur de Iules. Virgile Vrsin fut reconcilié au Roy Charles huiëtiesme, apres la reuolte de la maison des Coulonnois: & apres auoir esté detenu quelque temps prisonnier, estant deliuré fut à ses gages. I'ay trouué estre expedient de noter cecy, afin qu'on ne pense que l'autheur se contredise.

*Maison de Medicis.**Virgile Vrsin.*

Au reste parlõs aussi del' Autheur: Il estoit Flāmand de nation, de grande maison, ioinct de parētage, & amitié avec les principaux du pays. Da uantage, il auoit de grās biēs, nō seulement en Flādres, mais aussi en Hainaut. Il estoit bean personnage, & de haute stature, & sçauoit assez biē parler en Italiē, Alemād, & en Espagnol, mais surtout il parloit bõ Frāçois: car il audit diligemmēt leu & retenu toutes sortes d'histoires escrites en Frāçois, & principalemēt des Romains. Il cōuersoit fort avec gens d'estrange nation, desirant par ce moyen, apprendre d'eux ce qu'il ne sçauoit point. Et d'autant qu'il auoit en singuliere re-commandation de bien employer son temps, on ne l'eust iamais trouué oisif. Sa memoire estoit merueilleuse, voire telle, que souuentefois il dictoit, en vn mesme temps, à quatre, qui escriuoient sous luy, choses diuerſes & concernantes à la Republique, voire avec telle

De Philippe de Commines.

*sa promptitude à
escrire.*

promptitude & facilité, comme s'il n'eust deuiſé que d'une certaine matiere. Comme il vint ſur l'aage, il regrettoit n'auoir eſté dès ſa ieuneſſe inſtruit en la langue Latine, & ſouuent deplo-roit ſon malheur en cela. Le Roy Louys onzième l'aimoit fort: ce qui fut cauſe que du viuant d'iceluy, il eut touſiours grand credit en France, où en fin il print à femme Heleine, de ſa maiſon de Mont-foreau, qui ſur les confins du pays d'Anjou.

*Commynes
emprisonné.*

*Plaide ſa
cauſe en
Parlement
à Paris.*

Après la mort du Roy Loys, il eut beaucoup d'aſſauts. Et d'autant qu'il eſtoit eſtranger, l'en-ue qu'on lui portoit, augmenta ſi fort, que ſes aduerſaires le meirent en priſon à Loches au pays de Berri, ville & chasteau où on mettoit couſtumierement priſonniers ceux qui eſtoient accuſez de leze Maieſté. Là il fut traitté fort rudement, cōme luy meſme le recite en ſes hiſtoires. Mais cependant, ſa femme ſolicita ſi bien, qu'ō l'amena priſonnier à Paris, où eſtât venu l'un peu après fut appellé deuant la Court de Parlemēt. Or auoit-il affaire à fortes parties, & à des aduerſaires de grāde authorité: à cauſe de quoi il voioit que difficilement ſe pourroit trouuer Procureur ni Aduocat, qui vouliſt defendre ſa cauſe: luy-meſme la plaida: & aiant par l'eſpace de deux heures debatū ſa cauſe en pleine audience remonſtra ſi bien ſon innocence, que finalement il fut abſous de ce qu'on le chargeoit. Entr'autres choſes, il inſiſta fort ſur les trauaux & peines qu'il auoit ſouſtenues pour le Roy & le Royaume: cōbien le Roy Loys s'eſtoit monſtré enuers luy de bonne volōté & liberalité, & qu'il n'auoit riē fait

par ambition ou auarice: que s'il se fust voulu enrichir, il en auoit eu autant grand moyen qu'hōme de sa qualité & estat. Il fut prisonnier pres de trois ans: & vn an apres sa deliurance, il eut de sa femme vne fille nommee Ieanne, laquelle en apres, fut mariee à René, de la maison des Ducs de Bretagne, & Comte de Pōtieure. Ledit René eut d'elle, entr'autres enfans, vn fils nommé Iean qui a aujourd'hui le gouuernement de Bretagne & est cheualier de l'ordre du Roy: & entre autres biens qu'il a, qui sont grands, il est Duc d'Estāpes. Le Seigneur de Commines estant aagé d'environ soixante & quatre ans, mourut en vne siene maison nommee Argenton, l'an mil cinq cēs dixneuf le dix-septième d'Octobre. Son corps estant de là apporté à Paris, fut enterré aux Augustins. Au temps de sa prosperité il auoit coustumierement en la bouche ceste sentence, contre les gentilshommes fay-neants. Celuy qui ne traueille qu'il ne mange point. Aussi quand il estoit en aduersité, il souloit dire, ie suis venu à la grande mer, & la tempeste m'a noyé.


*Iean Cōte
de Pōtieure*

On me pourroit icy demander: Mais comment peux tu sçauoir ces choses de Philippe de Commines, toy qui es Allemand? Je vous diray: Mathieu d'Arras, homme de grande honnesteté & sçauoir, demeurant à Charles en France, l'a cognéu familierement, & l'a serui: il a aussi esté precepteur du fils de sa fille Duc d'Estampes, duquel nous auons parlé. Iceluy ayant leu ma version de l'histoire dudit sieur de Commines, qui est de Loys onzième, & Charles Duc de Bourgongne que i'ay ces annees passées traduite en Latin; & y ayant pris, disoit-il, plaisir pour le suiet, en me-

*Mathieu
d'Arras.*

moire de son maistre, me communiqua ce que dessus par vn miē amy: & d'autant qu'il me racō- les louanges d'icelui fort sobrement, de tant plus ay- ie estimé qu'il le falloît croire. Et ie fus bien ioyeux d'entendre cela mesme que i'auoye sou- uent ouy dire en France, presque tout ainsi le sça- uoir plus certainement de celuy qui l'a cogneu plus familièrement, Voyla ami lecteur, ce qu'il me sembloit bon de te communiquer, afin que tu puisses mieux entendre aucunes choses conte- nuës en ces liures icy, A Dieu. De Strasbourg le 26. de May, 1548.

SOMMAIRE DE LA VIE DE
Messire Angelo Cattho, Archeuesque de Vienne;
& se peut adiouster aux Chroniques de mes-
sire Philippe de Commynes.

ESSIRE Philippe de Commynes, cheualier seigneur d'Argenton, Au- theur du present liure, contenāt les memoires de la vie du Roy Loys II. dit en son proesme, iceux auoir esté colligez & cōpilez, à la requeste d'un Archeues- que de Vienne, duquel souuent il fait mention en plusieurs endroits de sesdits Memoires: sans toutesfois declarer n'autremēt exprimer, le nom dudit Archeuesque, ne quel personnage c'estoit. Et pource que ce ne peut estre aduenue, qu'il n'ait esté hōme grād & venerable, digne d'estre mis en plus grāde lumiere, il sera icy recité ce qui a esté recueilli & entēdu de luy, par le rapport de 3. per- sonnages de grāde foy, prudence, & autorité l'un

desquels (qui est decedé) estoit Messire Iean François de Cardonne, cheualier, seigneur de la Foleyne & du Plessis, de Ver en Bretagne, conseiller & Maistre d'Hostel des Roys Charles huitiesme, Louys douziesme, & François premier de ce nom, aussi souuent allegué par ledict seigneur d'Argenton, en la Chronique qu'il a faict dudit Roy Charles. Le deuxiesme est Messire Iean Briçonnet cheualier, Seigneur du Plessis Rideau, Conseillet, & second President des Comptes à Paris (pour lors) & le tiers estoit vn gentilhomme de Naples, partisan de la maison d'Anjou, appellé Messire Renaldo d'Albiano, aussi cheualier, qui a longuemēt demeuré en ce Royaume, & y est mort du regne du Roy François : lesquels ont cognu, veu & frequenté ledit seigneur Archeuesque, qui deson propre nō & furnō s'appeloit Messire Angelo Cattho, & estoit natif de Tarēte au Royaume de Naples, & auoit suiui la part de la maison d'Anjou, mesmes les Ducs Ieā & Nicolas de Calabre, enfans & heritiers de ladite maison, qui auoient grād droict audit royaume, & desquels mention est aussi fait, en plusieurs endroits desdits memoires: & estoit ledit Archeuesque, persōnage de bōne vie, grāde literature, modestie, & sçauāt en mathematique. Et pource que lesdits ducs Iean & Nicolas, pretēdirēt subsecutiuelement au mariage de la fille vnique du Duc Charles de Bourgōgne (qui estoit lors le plus grand mariage de la Chrestienté) ils tindrent ledit Messire Angelo Cattho pres de la personne dudit Duc, pour conduire de leur part, ledit mariage : lequel ne fut accomply ne pour l'vn ne pour l'autre, car ils vesquirēt peu, &

*Il se pour-
roit bien
abuser en
le lieu sinō
que C m-
mes eust
écrit de
Charles 8.
autre cho-
se que ce que
nous en
auons.*

decederent tost, l'un apres l'autre, & apres leur decez, ledit Duc cognoissant les grands sens & vertus dudit messire Angelo, le retint en son seruice, & luy donna pension. Et estoit pareillemēt au seruice dudit Duc ledit seigneur d'Argenton, avec lequel il contracta grande amitiē & familiarité: & pendant qu'il fut avec ledit Duc, il lui pre-dit plusieurs fortunes bonnes & mauuaises, lesquelles lui aduindrent: & mesme des batailles de Gransō & Morat. Et apres ladite bataille de Morat, cognoissant l'obstination dudit Duc, & peut estre les malheurs qui luy estoient à venir & à sa maison print congé de luy honnestement, comme il pouuoit bien faire, sans pource estre reproché ou calomnié: car il estoit estranger & non sujet dudit Duc. Et fut tost retiré par ledit Roy

Loys II. duquel il estoit deuenu nouuellemēt sujet, au moyen que le Roi René, Duc d'Aniou, & Roy de Naples & de Sicile, auoit institué ledit Roy Loys II. son nepueu son heritier esdits Royaumes & tous ses biens. Et estāt au seruice dudit Roy Loys, qui le feit tost Archeuesque de Viēne, suruint la tierce bataille, donnee à Nancy: en laquelle fut tué ledit Duc, la vigile des Roys, l'an 1476. & à l'heure que se donnoit ladite bataille, & au mesme instant que ledit Duc fut tué, ledit Roy Loys oyoit la messe en l'Eglise monsieur S. Martin à Tours, distant dudit lieu de Nancy, de dix grandes iournees, pour le moins: & à ladite messe le seruoit d'aumosnier ledit Archeuesque de Vienne, lequel en baillant la paix audit Seigneur, luy dit ces paroles: Le Seigneur Dieu vous donne la paix & le repos. Vous les auez si vous voulez, *quia consummatum est*. Votre enne-

*Nous trou-
uons bien
au liure de
Commines
que cest
Archeues-
que estoit
Astrologue
mais ie
m'esmer-
ueille qu'il
ne parle de
choie tant
memorable
que ceste.
cy sur le
passage de
de la mort
du Beau-
seigneur.*

my le Duc de Bourgongne est mort, & vient d'estre tué, & son armee desconfite. Laquelle heure cottee, fut trouuee estre celle en laquelle veritablement auoit esté tué ledit Duc, & oyant ledit seigneur lesdites paroles, s'esbahit grandement, & demanda audit Archeuesque, s'il estoit vray ce qu'il disoit, & comment il le sçauoit. A quoy ledit Archeuesque respondit, qu'il le sçauoit come les autres choses que nostre Seigneur auoit permis qu'il predist à luy, & au feu Duc de Bourgongne: & sans plus de paroles, ledit seigneur fit vœu à Dieu, & à Monseigneur S. Martin, que si les nouvelles qu'il disoit estoient vrayes (comme de fait elles se trouuerent bien tost apres) qu'il feroit faire le treillis de la chaste monsieur Sainct Martin (qui estoit de fer tout d'argent: lequel vœu ledit seigneur accomplit depuis: & fit faire ledit treillis, vallant cent mille francs, ou enuiron. Semblablement ledit Archeuesque, estant au seruice dudit Roy Loys, rencontra vn iour bien matin, messire Guillaume Briçonnet, pere dudit President, cy deuant nommé (qui depuis fut Cardinal, comme sera dit cy-apres) homme grand & honorable, & de grande prudence & vertu, & pour lors estoit general de Languedoc: lequel general estoit mandé par ledit Roi Loys II. pour aller deuers luy au Plessis à Tours. Et ayant ledit Archeuesque esté quelque tēps sans parler, & regardé le ciel, & puis apres ledit General: luy dit en fin ces paroles: Monsieur le General, ie vous ay plusieurs fois dit que le passage, & frequentation des eaux vous sont dangereux, & vous en aduiendroit quelque iour vn grand peril, & peut estre la mort. Ie vien du Plessis, où vous allez, les

*Si Comines
en parle un
peu autrement,
estimez aussi
que celui
qui escri-
uoit cecy
estoit
affectionné
à Briçonnet:
car apres
vertu il auoit mis*

(quelque
chose que
ait voulu
dire ledit
seigneur
d'Aigou-
ron) rajé
par un au-
tre.

eaux sont grandes au pont Sainte Anne, le pont est rompu, & y a vn mauuais basteau ; Si vous m'en croyez, vous n'y irez point. Toutesfois, ledit general n'en fit rien, & ne le creut, dont veritablement il fut au plus grand danger du monde d'estre noyé: car il cheut en l'eau & sans vn saule, qu'il empoigna, c'estoit fait de luy: si fut ramené en son logis, où il fut longuement malade, tant de la paour, que de la grande quantité de l'eau qui lui estoit entree par la bouche, par le nez & oreilles: & depuis ledit Archeuesque visita plusieurs fois ledit general, (qui estoit son amy durant la dite maladie: lequel general pour lors estoit marié, & auoit sa femme viuante) laquelle estoit ieune, & auoit quelques enfãs ia nez: entre lesquels estoit ledit President, & lui prédit derechef qu'il feroit quelque iour vn grand personnage en l'Eglise, & bien pres d'estre Pape: Chose à quoy ledit general n'auoit onques pensé, & n'y auoit aucune apparence. Et oyât cela la dite fême (laquelle s'appeloit Raoullette de Beaune. femme de grande chasteté, d'honneur & vertu) n'en fut trop cōtente: car c'estoit à dire, qu'elles'en iroit la premiere (ce que les femmes n'ayment volontiers.) Or vesquit neantmoins, la dite femme long tēps depuis, & fit plusieurs enfans: & pour ceste cause elle & plusieurs autres disoient souuent; que ledit Archeuesque ne disoit tousiours verité. Toutesfois, en fin elle deslogea la premiere, & la suruesquit ledit general son mari, lequel se tint longuement en viduité, sans parler de se faire homme d'Eglise, & apres la mort dudit Roy Loys II. demeura au seruice de Charles huiſtiesme son fils (auquel il auoit esté specialemēt recōmandé par


ledit Roi Loys (son pere) fut de son conseil prieé & bien pres de sa personne: ayda & fauorisa grandement l'entreprise que fit ledit Roy Charles pour la conqueste de Naples; tant pour le bon droit qu'il cognoissoit que ledit seigneur y auoit que pour satisfaire aux requestes & poursuites du Pape Alexandre, & du Duc de Milani, appelé Ludonic: tous lesquels sollicitoient fort ladite entreprise, plus toutesfois pour la haine mortelle & capitale, qu'ils porttoient aux Rois de Naples, Alphonse & Ferrand, que pour le bien & augmentation de l'estat dudit Roy Charles; chose qu'ils ne declarét du cōmencement de ladite entreprise audit seigneur n'a ses seruiteurs: & leur sembloit bien, que quand ils seroient aidez dudit seigneur, à desfaire lesdits Rois de Naples, qu'ils le chasseroient aisément d'Italie, comme ils donnerét assez à cognoistre par la ligue qu'ils firent cōtre lui avec les Venitiēs, & la bataille qu'ils luy donnerét à Fornoue, si tost qu'il eut fait sadite cōqueste. Et audit voiage de Naples fut avec ledit Roy Charles ledit Messire Guillaume Briçonnet (qui y fit de grands seruices) & fut fait à Rome homme d'Eglise, Euesque de S. Malo, & Abbé de saint Germain des Prez, pres Paris, & depuis fut Cardinal par ledit Pape Alexandre, & apres fut Archeuesque de Reims & de Narbonne, & eut quelque voix à l'election du Papat, apres la mort dudit Alexandre, suiuant ce que luy auoit predit ledit Archeuesque, & depuis estant Cardinal, durant le regne dudit Charles, & celui du roi Loys 12. son successeur, a tenu grand lieu & grands estats, en ce Royaume, iusques à estre Lieutenant dudit seigneur au gouuernement du Languedoc: Lo-

*il y peut
tenir la
main au
cōmence-
ment pour
donner crain-
te aux Ar-
ragannois
Rois de Na-
ples: mais
il ne fut
gueres en
ce propos.*

750 *Sommaire de la vie de M. Angelo Cattho.*
dit messire Angelo Cattho, Archeuesque susdit,
depuis ces choies & plusieurs autres, qui ont par
luy esté predites long temps auparauant qu'elles
fussent aduenues, est decedé, ayant vescu sainte-
ment & austerement, & gist en son Eglise de
Vienne.

FIN.

INDICE





INDICE DES MATIERES PRINCIPALES contenuës és memoires de Philip- pe de Commines



Bbeuille, & autres villes rachetees par le Roy Loys XI.	fol. 7. & seq.
Abbeuille rendue au Roy.	359
Accident notable d'un qu'en tenoit pour mort.	30.
Adolf Duc de Gueldres desnaturalé envers son pere	[332. 233.
Auis sage du pere au fils.	6.
Auis sage du Connestable touchant les ostages promis par les Liegeois	90.
Auis moderé & tédant à clemēce du seigneur d'Hymbercourt.	95.
Auis notable sur le seigneur de Contay pour auoir donné vne cruelle sentence	95.
Aire baillie pour argent au sieur de Cordes.	471
Alemans ne veulent nuls traistres avec eux.	349.
Alemans au seruice du Roy, & leur adresse à passer l'artillerie d'i- celuy. 614. 615. leurs exploits. 648. & leur loyauté.	690.
Alexandre VI. Pape liuré au Roy Charles le frere du Turc. s'enfuit de Rome.	568. 600.
Alliances refaites entre le Roy de France & le Roy de Castille.	704
Alphonse Roy de Naples renonce à la Couronne. & fait couronner son fils 564. s'enfuit en Cecile. 564. se fait reli- gieux & meurt.	564. 565..
Ambassade de l'Emper eur Federic vers le Roy de France moyen de se bien gouverner en fait d'Ambassade.	522 200. 201
Ambassadeur du Roy vers le Duc de Bourgogne.	4. 5.
Ambassadeurs de Flandres & Brabant vers le Roy.	4. 3.
Ambassadeurs des Suisses vers le Duc de Bourgogne.	310

INDICE.

Vers le Roy de France.	322
Ambassadeurs du Duc Maximilien vers la Dainoiielle de Bourgongne.	434.
Ambassadeurs du Roy de Castille vers le Roy Charles 8.	704. 705
Ambassadeurs du Roy Charles au Roy de Castille.	702.
Amitié entre les Sauois & Bourg.	117.
Amiens rendu au Roy.	162
Le Duc de Lancastre se fait couronner Roy en Angleterre.	47
Angelo Cartho predict la desfaite du Duc de Bourgongne.	324
Angerins mal traitez à Naples.	774
Anglois festoiez par le Roy de France.	276
Anglois ont gagné plusieurs batailles en France.	423
coutume des anglois en guerre.	185
vn Duc d'Angleterre reduit à grande extremité.	175
le Roy d'Angleterre enuoye lettres de desfiance au Roy de France.	256
cause de la mort du Roy d'Angleterre.	474
secours d'Angleterre pour le Duc de Bourgongne. 253. voyez	239.
240. 255. 276. 278. 279. 280. 291. 423. 424.	
Archambaut gouverneur du pays de Ferrette, decapité a Basle.	285
Archeuesque de Duras pris.	577
Archeuesque de Pise pendu.	448
Armee d'Angleterre pour le Duc de Bourgongne.	254.
Armee du Duc de Bourgongne desconfite deuant Nanci.	350
Armee du Pape Alexandre 6. contre le Roy Charles 8.	449
maison d'arrag6 dissipée. 562. 563 incestes remarquez en icelle.	692
Arras repris par le Roy.	376
Arras patrimoine des filles en defaut de marles.	359
Auarice cause de la venue des Suisses en France.	670
Aussonne assiegée, & renduë au Roy.	444
B	
B Agues de Madame de Sauoye en gages pour le Roy	531
Bar rendu au Duc de Lorraine	507
le fils de l'Euesque de Bas prisonnier à Paris, mort de faim	475
Batailles sont en la main de Dieu.	23
Bataille de Mont-l'heri.	23
Beaune & Verdun rebelles au Roy sont reprises.	445
Beauuais assiegée par le Duc de Bourgongne.	215
Bezançon ville Imperiale	444
Bonne, fille de Sauoye, femme du Duc de Milan.	512
Le Duc de Bourbon vers le Duc de Bourgongne à l'occasion de la guerre appelée le bien public.	9.

INDICE.

Bourgongne en trouble apres la mort du Duc. 151. conquise en peu de temps 445. catalogues des Ducs d'icelle. 305 voyez 354. & 387. 388	
Bourguignons desfaits à la iournee de Mont-l'her 25. euident que chardons soient lances dressées.	67
discours sur leur prosperité & aduersité.	12
Bourguignons fuvent deuant les Suisses.	313
Voyez Charles de B. & Marie de B.	
le Duc de Bretagne & le Comte Charolois, qui depuis fut Duc de de Bourgongne, s'allient ensemble, & se sont freres d'armes 5.	
le Duc de Bretagne aide au Roy d'Angleterre.	417
voyez, 167. & 250.	
Bretons entrent en opinion de se desfaire des Bourguignons, 36.	
ils faisoient grands maux à saint Denis.	52
Brissonnet en grand credit vers le Roy Charles 8. 506. est fait Cardinal 368. sa presumption.	659

C

C Ages de fer ordonnees par le Roy Loys XI.	486
C Duc de Calabre grand chef de guerre.	65
Camp dressé par le Roy Loys XI.	460
Campobache pensionnaire du Duc de bourgongne 237. 307. & 343 descouure son dessein au Roy 307. est traître au Duc de bourgongne 302. 337 341. moyen de sa trahison. 342. voyez 341	
Le Cardinal de salue prisonnier 150. deluré par le Roy.	459
Cas estranges aduenus à Rome.	557
occasions de la guerre de Castille contre le Roy de Portugal.	346
Dissimulation du Roy de Castille enuers le Roy de France.	829
mort du fils du Roi de Castille.	709
Cause de l'inimitié entre le Roy de France & le Duc de bourg.	10.
Cause de diuision en la maison d'Austriche & de bauieres.	395
Causes pretendues par les Gantois pour la condamnation de deux grands personnages.	389
Le Roi de Cecile vient vers le Roy de France à Lyon. 319. il pretendoit faire le Duc de bourgongne son heritier 319 mais estant reconcilié avec le Roy de France son neveu, il le fit son heritier 320. voyez 41.	
le Chancelier de bourgogne & le sieur Hymbert court decapitez, 390	
le Chancelier de France conseillé contre le Roy.	208
pont de Charenton gaigné par le Comte de Charolois.	43
Charles Comte de Charolois, & depuis Duc de bourgongne, irrité par le Roy de France 3. duquel il estoit pensionnaire. 7. respond sur les faits à luy imposez par l'Ambassadeur du Roy 6. menace le Roy 7. chasse les bons seruiteurs de son pere 8. & dresse vne armee	

INDICE.

contre le Roy, sous le nom du bien public 8. vient à S. Denis, &
 assiege Paris 13. est secouru par des Seigneurs de France 15. plan-
 te son camp à Mont l'heri 16. où il gaigne la bataille 24. en quel
 danger il fut & comment secouru 25. & seqq. Conditions re-
 marquables en luy 32. quels seigneurs & gentils hommes se vin-
 dirent ioindre à luy, contre le Roy 33. 34. luy & eux avec leur ar-
 mée passant la riuiere de Seine 39. 40. parlementent avec ceux de
 Paris 48. met en compte au Roy les bons offices de leur maison
 enuer. lui 68. iugement de Dieu sur le Duc de B. en son aggran-
 dissement 72. modestie du Duc 77. il fait hommage au Roy des
 terres de Picardie 78. 79. diuision enuers luy & le Duc de Bretai-
 gne 80. 81. son armée rōpue 82. fait la guerre aux Liegeois 86. 93.
 assiege Sainton. 94. entre dedans Liege 108. voiez 115. 130. 138.
 173. 190. aide au Roy d'Angleterre 129. est adiourné à Paris 160.
 s'humilie enuers le Roy par lettres 170. craint le Comte de Vuar-
 uic 189. enuoye secours au Roi Edouard 194. promet sa fille à plu-
 sieurs 200. 203. sa cautelle 203. en quel sens il aymoît le bien du
 Royaume de France 205. Il fait mauuaise guerre, contre sa cou-
 stume 210. voiez 211. 212. 215. 236. 314. 317. 330. 351. il conquiert
 la Duché de Gueldres 215. assiege Nuz 237. se trouue en grandes
 extremitez 253. est mal content de l'accord entre le Roi de Fran-
 ce & celui d'Angleterre 275. est sollicité par le Comte de Romôt
 à faire guerre aux Suisses 310. est cruel enuers les Suisses 312. par
 lesquels est desfait à l'entree des montaignes 313. & de rechef de-
 uant Morat 325. & s'estant saisi de la personne de Madame de
 Sauoye, la fait amener en Bourgogne 827. est alteré de sa com-
 plexion par les pertes, & deuiet solitaire 331. est mesprisé des
 siens 333. trahi par Campobache 337. vend le Connestable, contre
 sa foy 339. deffait par la deuiziesme fois deuant Nancy 350. la mort
 ses vertus. 351
 Charles Duc de Berri dissuade la guerre en France 38. est estably
 Duc de Guienne 156. poursuit le mariage de la damoiselle de
 Bourgogne 173. meurt 209
 Charles 7. a le premier imposé tailles à son plaisir 463. son reuenu
 405. son imagination 468
 Charles 8. dauphin, recogneu pour Roy de France 406. entrepréd
 le voyage de Naples 595. laisse la fille du Duc Maximilien, & es-
 pouse la fille du Duc de Bretagne 522. il est despourueu de tout
 pour l'entreprise du voyage d'Italie 528. lequel il entreprend sur
 deniers d'emprunt 530. 531. il est malade de la petite verole à l'al-
 see de son voyage d'Italie 517. entre dans Pise 544. donne liber-
 té aux Pisans 546. Entre dedans Florence 550. est bien receu à

INDICE.

- Senes 552 entre en armes à Rome 567. entre dedans Naples sans
resistance 562. fait battre le chasteau de Naples 573. est couron-
né à Naples 574 part de Naples, & entre dedans Rome, en ar-
mes 600. empesche que procez ne soit fait au Pape 567. appoin-
te avec le Pape 567 les offies qu'il fit à Dom Federic 573. il ar-
rive à Fornoue 620. gaigne la tournée de Fornoue 621. elchappe
de grands dangers 624. est assailly par les Estradiots 623. le retire
apres la journée de Fornoue 644. le trouue en grandes extremi-
tez au retour de Naples 648 pratique pour chasser le Duc de milã
634. 635. desire retourner en Italie 715. fait grâdes aumosnes 717.
modere ses finances 716 la mort inopinée d'iceluy 718. sa mala-
die 716. ses obseques. 722
- Charles de France Duc de Guyenne. 156
- Charles Duc de Normandie contraint de changer son Duché en
pension. 114
- Le Comte de Charolois; Voyez Charles.
- Chartreux appellent saincts tous ceux qui leur font du bien- 545
- Chastiment que Dieu enuoye aux Princes. 412
- le sieur de Chaumont estably gouverneur en Bourgongne. 442
- Chrestiens en Grece prests à se rebeller. 575
- Cico Secrétaire de la Duchesse de Milan pris, & mal traité. 512
- Cifron executé à mort, menant la trahison de Campobache, & par
luy mesme chargé. 337
- le Duc de Clarence frere du Roy Edouard est estouffé en vne pi-
pe de maluoisie 47
- le Duc de Clarence gaigné par vne Damoiselle, à suiure le party,
du Roy d'Angleterre 282. fait tuer le Roy Henry d'Angleterre
197. 198.
- le Duc de Cleues veut empescher le mariage de la Damoiselle de
Bourgongne avec le fils de l'Empereur 434 voyez 386.
- le Duc de Glocestre appellé Roy Richard homme tres- cruel, fait.
mourir ses deux neueux, & enuahit la Couronne d'Angleterre
416. recherche l'amitié du Roy de France 474. 475. est tué. 476
- Costier medecin du Roy Loys 11. ses gages excessifs 482. sa rudel-
se enuers le Roy 446
- Colunnois ennemis des Vrsins 554 partisans de la maison d'Arra-
gon 555. leurs pratiques contre le Roy Charles 8. 558
- Commings vient au seruice du Duc de Bourgongne 4. est fait son
Châbellan 124. en apres vient au seruice du Roy Loys 11. 220. du
quel il a esté Châbellan 4. sa sincerité, grand vsagé & experiēce
2. & est prisonnier au Palais à Paris 11. s'est employé à la pacifica-
tion de Peronne 130. & ses Memoires à quoy sont propres 208.

INDICE.

Voyez de luy 508. 520. 601. sa fidelité 360. 367. & seqq. il est enuoyé en Saouye 461. est mis en vne cage de fer pour 8. mois 487. est enuoyé en Ambassade à Venise par le Roy, Charles 8. 537. & peu recogneupar le Roy Loys II.	323
Le Connestable de France, voyez le Comte Saint Paul Constantinoble prise	301
mort du Seigneur de Contay	99
Cordelier attiré à mentir par le Comte de Charolois.	32
le fleur de Cran Lieutenant du Roy. 421 desais de son gouuernement de Bourgongne.	441

D

D Ementy cheracheté.	225
Digeon & autres villes se rendent au Roy Loys II. 421: & le Bailly de Digeon est enuoyé pour leuer des Suisses.	652
Dinand assiegée par le duc de Bourgongne 88. prise & rasée 86. 87	
Dinand & Bouuines voisines, allies, & ennemies l'une contre l'autre	87
Discours notable touchant la prosperité & aduersité des suiets.	
352-353.	
Diuision en France apres la mort du Roy Loys II.	406
Don fait par le Roy Loys II. au duc de Bourgongne.	115
Dolle prise, destruite & bruslée.	445
l'Archeuesque de Naras pris.	577

E

E douard Roy d'Angleterre fait mourir son frere en vne pipe de maluoisie 47. est poursuini par le Comte de Vuaruic 184. s'enfuit d'Angleterre 185. quelle vie il auoit menée en sa prosperité 186. & en combien grande extremité il a esté reduit 187. 188 sa femme accouche en grande pauureté 189. il retourne en Angleterre, où il est reçu pour trois causes 196. desfait en bataille le Comte de Vuaruich, le iour de Pasques 196. & depuis desfait aussi le Prince de Galles 198 meurt de regret, de se voir trompé par Loys Roy de France 474 & 498 ses filles declarées bastardes 474. voyez 414. & seqq.	
Entreuue de l'Empereur & du Duc de Bourgongne 146. du Roy d'Angleterre & du Duc de Bourgogne & du Côte Palatin 129. du Roy de France & du Roy d'Angleterre 289. 280 & du Roi de France & de la Duchesse de Saouie.	331
Escosse en trouble & diuision, & le Roi & son fils en bataille l'un contre l'autre	418
Escuier soupçonné de la mort du Duc de Guienne.	220
Espagnols haïssent les Portugalois.	712

INDICE.

Estats desirez par trop à Paris 44. digression sur les estats, offices, & ambitions, par l'exemple des Anglois.	45
requeste des Estats au Roy Charles 8.	406
Estienne de Vers persuade au Roy Char. le voyage de Naples.	506
Estradiots, quelles gens 617. sont espouuantez de l'artillerie.	617
Euesque d'Alcmaigne menant armee vestue de verd.	242

F

F Ederic Empereur bien entendu 248. plaisante responce d'ice-luy.	248
Ferrand Roy de Naples, vray tiran 560. 561. l'impicté de luy & de son fils 561. est retiré de nuit dedans Rome par le Pape 556. le retire de nuit à Naples 557 les cruantez 559. la mort 563. le ieune Ferrand son fils estant couronné plante son camp deuant S. Germain 566. s'enfuit en Cecile 570. rentre dans Naples par intelligence.	553
le Comte de Ferrette mis en la main du Duc d'Austriche.	285
Flamans desconfits deuant Tournay.	375
tumulte & sedition à Florence.	549
Florentins en grande esmotion 720. excommuniez du Pape 449. traité des Florentins avec le Roy Charles.	552
iournee de Fornoue.	631
France oppresse de taille plus que tout autre Royaume.	402
Voyez 403 404. 405. 406	
François ne maintiennent leur bonne reputation au voyage d'Italie.	540
Franchemont destruit.	152
Francisque de Pacis pendu.	448
Francisque Sforce Duc de Milan, fils d'un Cordonnier 524. grand ami du Roy Loys 11. 50 auquel il donne un sage conseil.	50
Fribourg anciennement de la maison d'Austriche	465
Fuite du Comte du Maine 28. fuite estrange de 2. personnnages. 28	

G

G Abelle de Calais de 50000. escus.	296
le Prince de Galles tué.	198
Gantois en train de rebellion 108. ne peuuent estre amenez à raisõ par le duc de bourgogne 110. auquel toutefois ils sõt submis 111. ils vsurpent le gouuernement apres la mort du duc de Bourgogne 381 393 seruent au Roy contre leur propre intention 393. haïssent la maison de Bourgengne 462. traittent le mariage de la fille du duc Maximilian avec le dauphin.	471
Voyez 388. & seqq. 593 432.	
Gayette perdue par les François.	793

INDICE.

Gelec extreme en Franchemont.	152
Genes fait hommage au Roi 450. entreprises sur Genes faillies 610. & 698 estat de Genes de laquelle vn Gentilhomme ne peut estre duc.	698
Euesque de Geneue homme tre suolontaire	328
maistre Giraut canonnier	40.57
Grange aux merciers, appelée le Marché.	60
Grans impunis quant au monde.	408
Granfon assiegee, & rendue au duc de bourgongne.	312
Grisons recoiuent pension du Roy Louys 11. 322. impieté du duc de Gueldres 233. est prisonnier 234. meurt au secours de Tour- nay contre le Roy.	374
Gueldres reduite à la maison de Bourgongne.	234
Guerre contre le Roy de France, nommée le Bien public.	9
Guerre contre le Roy de France en Calabre.	702.
Guerre entre le Duc de Bourgongne & l'Empereur Federic.	128
Guerre renouvellee entre le Roy de France & le Duc de Bour- gongne	157
Guillaume de la Marche Cheualier desloyal.	386.388
Messire Guillaume de Rochefort homme fort estimé.	15
Guillaume Charrier Euesque de Paris, enuoyé vers les Seigneurs liguez.	48
Journee de Guinegate.	452

H

H Astingnes grand Chambellan d'Angleterre. 184. quittance de luy.	426
Henry V. tiré de prison, & establi Roy d'Angleterre 189 il est tué. 197.	

Henry Roy de Castille de petire valeur.	126
Henry 6. Roi d'Angleterre constitué prisonnier, meurt en prison.	46
Heraut de France enuoyé vers le Roy d'Angleterre.	266
Frere Hieronyme prescheur à Florence, 603. tenant pour le Roy, 720, brulé à Florence, à l'instigation du Pape.	721
Hymbercourt prins des Liegeois, & sauué d'iceux. 122. 123. sage procedure d'iceluy. 103. est ennemy du Connestable.	225

I

I Aques de Pacis pris & pendu.	448
Iaques Galeot bon seruiteur du Duc de Bourgongne.	308
Messire Iaques de S. Paul pris.	247. 252.
Jean Duc de Bourbon vient voir le Duc Philippe de Bourgongne & pourquoy. 8. le Roy luy commence la guerre. 15. mais il est bien	

I N D I C E.

secours: le Roy & luy font la paix.	17
Maistre Jean Cadet Parisien, & son habileté.	26
Jean Duc de Bourgogne, & sa mort.	280. 281
Jean Cofse Seneschal de Prouence.	319
Jean Roy de France prisonnier en Angleterre.	410
Jean Galeas premier de ce nom Duc de Milan, mauvais tyran, mais honorable. 545. malade & prisonnier au Chasteau de Milan.	538.
Voyez 450.	
Iniustices diuersement desguisees au monde.	401
Camp des Italiens contre le Roy, 623. fuite des Italiens,	631

L

L ancelot Roy de Hongrie, empoisonné par vne sienne amoureuse pour ialousie	499
Lansquenets hayssent les Suysses, 690 leur lascheté.	690
Legat du Pape pratique à se faire Euesque du Liege. 132. est abandonné pour estre traité en marchand.	132
Le Seigneur de Lescut gagné par le Roy.	221
Liege pris & pillé par le Duc de Bourgogne 144. brulé horsmis les Eglises.	151
Liegeois n'estoient proprement suiets que de leur Euesque, duquel, pour la ieunesse d'iceluy, ils ne se contentoient. 86. 87. sage aduis du Connestable touchant les ostages promis par les Liegeois. 90. insolence des Liegeois. 91. ils sont desconfits par le Duc de Bourgogne. 98. auquel ils se rendent. 102. 105. ils prennent leur Euesque. 123. leur cruauté. 123. eux estās troublez veulent troubler le Roy & le Duc ensemble. 141. sont desnuez de sens leur extremité 146. leur misere.	149
Euesque du Liege pris 123. desconfit en bataille & tué.	36
Ligue contre le Roy Charles 8. 385. 386. 589. 591 & seq. 596. 597. 620.	
Le Duc de Lorraine se joint aux Suysses contre le Duc de Bourgogne. 325. amasse gens pour faire la guerre au Duc de Bourgogne. 333. Voyez 509.	
Loys de Luxembourg Comte de S. Paul, Connestable de France. 75. ayant esté au seruice du Duc de Bourgogne. 9. 10. est pris apres ennemy d'iceluy. 171 & est hay de luy, comme aussi du Roy de France. 223. & tasche à s'entretenir de l'un & de l'autre. 252. son excuse enuers le Duc de Bourgogne, lequel il tasche d'amuser, comme aussi le Roy d'Angleterre. 260. escrit au Roy d'Angleterre, lequel il pratique contre le Roy de France 277. la mort iuree entre le Roy de France & le Duc de Bourgogne, auquel ses biens sont baillez. 297. 298. est arresté en Hanaut. 301. luré par les gens du Duc de Bourgogne pour estre mené	

INDICE.

Paris, où il est condamné à mort. 303. 304. la cause d'icelle.

226. 227.

Loys XI. Dauphin se retire en Bourgongne vers le Duc Philippe.

494. se marie à vne fille d'Escoffe. 493. apres la mort de laquelle il se retire en Dauphiné, & espouse la fille du Duc de Sauoie, auquel tost apres il fit guerre. 493. l'occasion des guerres qu'il eut contre le Comte de Charolois, depuis Duc de Bourgongne. 4. 6. il commencela guerre contre le Duc de Bourbon. 15. puis fait la paix avec luy. 16. il desappointe ses meilleurs seruiteurs, à sa ruine. 17. est d'aduis de ne combattre à la iouinee de Mont'heri. 18. 19. ses gens se mettent en fuite. 22. & luy se retira à Corbeil. 29. opiniõ de la mort d'iceluy. 35. il est mal content que l'on soit entré en traité de l'estat sans luy, 50 il ne veut rien mettre en hazard. 55 prudence du Roy Loys XI. 61. digression sur quelques vices & vertus d'iceluy. 61. 62. 63. termes plaisans d'icelui au Duc de Bourgongne. 69 il tasche à desfaire la maison de Bretagne. 92. il entreprend sur l'estat d'icelle. 113 il tient pour les Liegeois. 93. les sollicite à se reuolter. 115. erreur du Roy Loys venant à Peronne 122. où il est enfermé. 124. entreueüe de luy & du Roy de Castille. 126. il iuge du differend de Castille & de la Roynie d'Aragon. 127. son argent est distribué à la male foy. 127. taxé par le Duc de Bourgongne d'estre cause de la trahison du Liege. 130 il est tardif & craintif à entreprendre 131. recherche occasiõ de rõpre la paix. 158 recõmence la guerre vn peu en crainte. 158. fait resir les Estats à Tours, sous couleur des plaintifs contre le Duc de Bourgõgne. 159. voyez de luy, 208. 209. 211. 219. 279. 241. 244. 247. 257. 266. 269. 270. 277. 278. 289. 292. 308. 311. 318. 322. 329. 345. 353. 361. 362. 369. & seqq 884. 885. 508. 538. 460. 474. 466. il refuse de iurer sur la croix de S. Jean d'Angers. 259. fait alliance avec le Roy de Castille 126. & avec les Suisses. 445. se sert de pelerins & mendians pour messagers vers les Suisses. 316. veut diuertir l'Empereur de s'apointer avec le Duc de Bourgongne. 247. fait grands presens aux Anglois. 424. 425. tasche a reduire la Bourgongne en son obcyssance. 459. 460. aide au Duc de Lorraine contre le Duc de Bourgongne. 344. aduertit le Duc de Bourgongne de la trahison de Campobache. 308. perd la bataille de Guinegate contre le Duc d'Austrie. 451. 452. condition du Roy Loys XI. 355. assiege Hesdin. 378. le reuenu du Roy Loys XI. 354. il veut recouurer la Guyenne comme il auoit fait la Normandie. 205. est contraint de s'entretenir avec le Roy d'Angleterre. 424. veut traiter paix avec le Duc d'Austrie. 444. fait conduire le Roy de Portugal. 346. est autheur de l'alliã-

I N D I C E.

- ce entre les Suisses & ceux de Basse & Stragbourg. 311. s'esfouye de la mort du Duc de Bourgongne. 356. ne ſçait vſer de ſa proſperité. 362. ne veut ouyr l'Ambaſſade du Turc. 477. 478. tombe malade aux Forges. 456. s'enferme au Pleſſis. 464. 465. pratique avec ceux de Gand. 462. eſt craint tant de ſes voiſins que de ſes ſuiets. 469. penſe pouuoir prolonger ſa vie. 467. craint eſtrangement la mort. 483. il vouë chaiteté. 491. chaſſe ceux qui l'auoient retenu en ſa maladie. 458. ſe deſſie de ſes plus proches. 485. tombe malade pour la deuxieſme fois. 460. ſa mort. 491.
- Loys XII. couronné Roy de France. 724.
- Loys de Breſailles Gaſcon, dit la verité du traité des Roys de France & d'Angleterre. 288
- Loi Salique. 436
- Le ſieur de Ludefort agreable au Roy, pretend ſe faire grand. 368
- Ludouic Sforce, homme ſans foy, pratique le Roy Charles VIII. à venir conquerir Naples. 518. 576. pretend ſe faire maſtre de Milan, duquel il ſurprend le chateau ſur ſes neueux. 516. ſe fait receuoir Duc à Milan. 538
- ## M
- M**areſchal de Bourgongne auantageux en paroles ſur le fait du Comte de Charolois. 76. 77
- Marguerite d'Auſtriche amenee en France pour eſtre fiancee au Dauphin. 473. depuis mariee au Prince de Caſtille. 523
- Marie de Bourgongne deſire le parti de France. 433. mariee au Duc Maximilian. 435. ſes lettres monſtrees par le Roy à ceux de Gand. 384. les enfans qu'elle a eu. 438. louanges notables d'icelle, & ſa mort. 438. Voyez d'icelle. 384. 385. 386. 387. 391. 394. 429. 432. & ſeqq. 461
- Mort de la Marquiſe de Montferrat. 658
- Maux aduenus en France par faute de foy. 410
- Le Duc Maximilian enuoye Ambaſſadeurs vers la Damoifelle de Bourgongne. 435. eſt traité rudement par les Gantois. 432. les enfans qu'il eut de la Damoifelle de Bourgongne. 438
- Maiſon de medeis en grâd credit d'aſſez long tēps en Florēce. 533
- Menaces du Duc de Bourgongne au Roy de France. 7
- Le Duc Milan enuoye lettres au Roy Loys XI. duquel il recerche l'alliance qu'il auoit quittee. 317. vient au deuant du Roy Charles VIII. 531. luy preſte argent. 544. mort du ieune Duc de Milan. 539. Milan eſt du droit de l'Empereur, & auſſi de la maiſon d'Auſtriche. 516. & quel eſt le reuenue de la Duché de Milan. 517. la Duchefſe de Milan chaſſee du gouuernement de ſes enfans. 513. & ſon ſecretaire mal traité. 515

I N D I C E.

Sage conseil du Duc de Milan au Roy. 50. il ne tient la paix accordée entre le Roy & luy 675. la tromperie descouuverte.	678.
Milanois traitez cruellement en exactions par leurs Ducs.	516
Misere de la vie des hommes.	491. & seqq.
Montdidier & Roye rendus au Roy. 246 & bruslees.	246
Monnoie comme de cuyr en France, à l'occasion de la rançon du Roy Iean.	410
Journee de Montl'hery 19. 23. en laquelle moururent plusieurs grands personages.	24
Mort de Montpensier. 691. Voyez 597.	
Moruillier Ambassadeur desaduoué de quelques paroles par le Roy.	69

N Anci assiégée & prise par le Duc de Bourgongne. 302. 304. reprise par le Duc de Lorraine.	335
Naples bien affectionné au Roy Charles VIII 571. se reuolte contre le Roy Ferrand 509. qui y rentre par intelligence. 657. & les chasteaux luy sont rendus par composition.	654
Le Duc de Nemours ne tient promesse au Roy de France.	15
Nesse prise par le Comte de Charolois,	12
La Duché de Normandie remise entre les mains du Roy de France. 82. & le Duc de Normandie se retire en Bretraigne fort pauvre & desolé.	83
Le reuenu de Normandie. 73 le Duc contraint de changer son Duché en vne pension,	114
Nouarre remise en son premier estat. 668. & combien grande famine & calamité il y eut durant le siege.	668. 669
Nuz assiégée par le Duc de Bourgongne.	236



O liuier Barbier du Roy Loys XI. enuoyé à Gand pour les affaires du Roy. 365. ne vient à bout de sa charge. 371. 372 fuit à Tournay. 372. laquelle par le moyen d'iceluy est reduite à l'obeyssance du Roy. 373. & combien hardiment ledict Oliuier parloit au Roy.	482
Messire Oliuier de la Marche Cheualier de Bourgogne, & maistre d'hôtel du Duc Philippe.	4
Ordonnance en France touchant les filles.	436.
Le Prince d'Orange chef de l'armée du Roy en Bourgongne.	420
Le Duc d'Orleans prend Nouarre sur le Duc de Milan. 600. est assiégé à Nouarre 651. & apres les trefues faites pour luy. 667. est deliuré. 657. refuse le voyage d'Italie, & pourquoy.	697
Ostrelins ennemis des François & des Anglois,	186

I N D I C E.

P

- P**Aix d'Arras. 45. de Conflans. 74. de Peronne. 131. entre le Roy de France & le Duc de Bretagne. 222. entre le Duc Sigismond & les Suisses. 244. quelles gens propres à traiter paix. 61 nouvelle paix frauduleuse entre le Roy & le Duc de Bourgogne. 208 paix entre l'Empereur & le Duc de Bourgogne. 254 entre les Roys de France & d'Angleterre. 269. entre le Roy de France & le Duc de Milan. 622.
- Le Comte Palatin du Rhin vient au Duc de Bourgogne. 126
- Paris assiegee par le Duc de Bourgogne. 43. 44. sa situation fort commode. 51
- Escarmouches devant Paris. 44
- Parisiens fort esponuantez. 44
- Parlement du Roy de France avec le Duc de Bourgogne. 115
- Parole hardie du Marechal de Bourgogne, sur le fait du Comte de Charolois. 76
- Partialitez causes de grands maux. 498. dangereuses es maisons des Princes. 45
- Pensions du Roy Loys XI. aux ligues des Suisses & aux Grisons. 322 & au Roy d'Angleterre 424 425. Voyez 274. & 445
- Philebert Duc de Sauoye amené a Chamberi.
- Philippe Duc de bourgogne 4. sa response à l'Ambassadeur du Roi de France. 4. ledit duc (qui depuis sa mort fut appelé le bon duc) consent à la guerre appelée le bien public 9. combien grandes guerres il auoit eu en sa ieunesse. 20. est transporté de colere contre dinan 87. sa mort. 91
- Philippe de Lalain. 11. sa mort. 21
- Pierre de Medicis chassé de Florence, pour auoir trop encliné aux volontez du Roy. 548. se retire à Venise en pauvre estat. 550
- Piquigni prins par le duc de Bourgogne. 168
- Pisans mal traitez par les Florentins. 545. 546
- Pise mise en liberté par le Roy. 545
- Pise & Padoué villes de mesme condition. 546
- Police establie en France. 454
- Pontreme prise, saccagee & bruslee par les Suisses. 611
- Le Roy de Portugal en France, allié du Roy, & destitué de luy en sa necessité. 344. rasche de pacifier le duc de Bourgogne, qui estoit son cousin germain, avec le Roy. 345. & estant entré en suspicion du Roy, sort de Paris en habit desguisé, & est pris en Normandie 345. 346. quelle estoit l'occasion de la guerre d'entre luy, & le Roy de Castille. 346
- Cruauté du Roy de Portugal envers ses plus proches. 712

I N D I C E.

Portugalois hays des Espagnols.	712
Postes ordonnez premierement en France par Loys XI.	355
Princes ne doiuent faire leuee sur leurs suiets. 404. les marques d'un bon Prince, & quel est le naturel des Princes. 2. le decez des Princes cause de grands changemens. 3. ils sont suiets à cognoistre trop tard leurs bons seruiteurs. 72. Princes de deux natures diueres & contraires.	84

R

R eliques enuoyees par le Pape au Roy Loys XI.	477
Richard Roy d'Angleterre.	416. 418
Le Comte de Richemont s'esleue contre le Roy Richard: & ayant esté loguemēt prisonnier, deuient Roy d'Angleterre.	416. 417. 418
Frere Robert le Poy, hermite, appelé par le Roy Loys XI comme pour luy alonger la vie. 466. façon de viure dudit frere Robert.	466. 467
l'aduiz de Commynes touchant iceluy.	467
Trois grands Roys d'un mesme temps.	502
Cinq Roys à Naples en moins de deux ans.	565
Ce qui aduint à Rome sur la venue du Roy Charles VIII.	557
Le Comte de Romont sollicite le Duc de Bourgongne à faire la guerre aux Suisses.	310
Rondeur extraordinaire en gens de guerre.	34
Roque chasteau de Milan.	514
Rouen obeyt au Duc de Bourbon.	73
Roye renduë au Duc de Bourgongne.	215
Roussillon & Arragon engagez au Roy de France. 476. guerre de Roussillon. 492. reddition de la Comté de Roussillon.	703

S

S ainton assiegé.	96
Le Comte de S. Paul le plus grand chef de l'armee du Comte de Charolois. 10. il est Conestable de France. 75. Voyez de luy, 223 227. 250 & seqq. 260. 270. 271. 273. 277. 290. 298. 300. 302. 339	
Le Duc de Sauoye amené à Grenoble. 461. la Duchesse de Sauoye amenee vers le Roy France.	330
Sauoisien & Bourguignons s'entr'aident de tout temps.	117
Saulles en Languedoc, prise par le Roy de Castille.	703
Seneschale de Normandie met gens en Rouen pour le Roy.	73
Sforce fils d'un Cordouannier.	524
Seruiteur du Pape a la teste trenchée à Florence.	448
Sicile, voyez Cecile.	41
Sigismond d'Autriche vend la Comté de Fertette, puis la reprend sans rendre l'argent.	129
soit extreme au camp du Roy Charles.	649

I N D I C E

Successions de plusieurs Princes escheuës au Roy Loys XI. 362
 Suysses qui premiers vindrent au service du Duc de Bourgogne.
 41. 42. Suysses avâncéz par le Roy Loys XI. duquel ils recoiuent
 pension 322. combattent le Duc de Bourgogne. 326. simpleste
 des Suysses au fait du butin. 321. ils prennent le pays de Van sur le
 Comte de Romont. 312. Voyez d'eux. 314. 315. 396. 397. ils font la
 guerre en Bourgogne pour le Prince d'Orenge. 440. occasion
 de la querelle des Suysses. 314. leur loyauté. 69. 70. ils ne sont a-
 mis de la maison d'Austriche. 440. ils tiennent conseil contre le
 Roy Charles. lequel ils deliberent arrester. 673. Suysses morts
 en vne caue. 621

Sutich anciennement de la maison d'Austriche. 397

T

Messire **T**Anegin du Chastel gouverneur de Roussillon. 5
 Therouenne assiegée par le Duc d'Austriche. 451
 Tongres rendue. 101. reprise par les Liegeois. 122
 Tournay reduite à l'obeyssance du Roy. 373
 Trefues entre le Roy de France & celui de Castille. 708. item entre
 le Roy de France & le Duc de Bourgogne. 187. & 296
 Treuoul ennemy du Duc de Milan. 664
 Tromperie signalee par vne femme. 182
 Tumulte & sedition à Florence. 542. 549
 Le Turc affligé d'une étrange maladie. 502. 503. des Turcs voyez 617

V

la **V**Aquerie pensionnaire d'Arras. 360
 Vacler homme merueilleusement desloial. 177. 179
 Venise sa situation & magnificence. 579. 580 &c.
 Venitiens refusent secours au Roy Charles. 525. ils aduertissent le
 Turc de l'entreprise du Roy pour la deliurance de la Grece. 577
 Voyez 583. & seqq. 587 &c. ils mettent grand nombre de gens en
 camp avec le Duc de Milan. contre le Roy. 620. contre lequel
 ils se liguent. 704. estat de Venise. 578
 Le sieur de Vergi prisonnier. 379. 380
 Villes Imperialles s'allient contre le Duc de Bourgogne. 321. villes
 de sur la riviere de Somme rachetees 400000. escus. 7
 Villes rendues au Roy. 364. 373. 376. 378. 380. 421
 Terres des Vrsins rendues au Roy. 553
 Le Comte de Vvaruic ennemy du Duc de Bourgogne. 150. avoit
 fort grande authorité en Angleterre. 176. 177. change condition
 178. chasse le Roy d'Angleterre. 185. 186. est combattu par le Roy
 d'Angleterre. 196. & perd la bataille. en laquelle il meurt. 197

INDICE.

Y

Le duc d'Yorth succede à Henry VI. & peu de iours apres est tué
en bataille.

46

Fin de la Table.

Le duc de France par le prince de Galles
à la bataille de poitiers paia trois millions
de francs. se bailla toute Aquitaine & assés
de castilles, &c. comme la fiesse par le
Royaume, et la mit en si grande pauvrete qu'il
auoit meisme de cuir, avec un petit d'or
d'argent. 411



Le duc de Bourgogne a une fille & le duc
de Bourbon se marie, &c. & le duc de Bourbon se marie.

Le duc de Bourbon espousa la sœur de Philippe
duc de Bourgogne, par laquelle il auoit le duc
qui espousa pour sa femme la fille de Louis II.
Louis II. eut une fille espousée à Monsieur
de Beau:ieu. apres duc de Bourbon.
Charles II. prit pour sa femme Anne fille de duc
de Bretagne, par laquelle il auoit un fils qui
mourut à trois ans.

1460 le tiers les comens

may 27 1498. A un an se comens en cet an
calendrier du Lewis 12

27. ~~de~~ ^{rente} ~~dispos~~ ^{trinte} ~~se~~ ^{quatre} ~~cont~~ ^{et} ~~un~~ ^{de} ~~ans~~ ^{de}

15. } Holland, Brabant, flandres, Zeland, Luxembourg
 16. } Loraine, Bourgogne, Guelders, Cambourg, Hamoul
 17. } Namur, Artois, Nevers, Rethell, Jons, &c.
 18. } & la Comté de Flandre qui se combattoient
 19. } Sigismonde d'Austrie & son frere
 20. } Cent mille hommes avec le Duc Charles
 situation de nature
 pour vivre.

An. 5.
 Philippe Hardy = Count of Flanders
 Artois & Bourgogne
 Namur & Rethell

4 ans

An. 12. Philippe
 Louis qui royaume de France
 Louis d'Orléans de Brabant
 Luxembourg, Cambourg
 Holland, Zeland, Hamoul
 & Namur

Charles V. qui conquiert
 le duché de Loraine &c.
 le comté de Flandres par
 la donation de son frere
 par la ruse de son frere
 de & de son frere.

est pour le...



